

四庫禁燬書叢刊編纂委員會

北京出版社

四庫禁燬書叢刊

史部第四五冊目次

吾學編六十九卷(一)

〔明〕鄭曉撰

明萬曆二十七年鄭心材刻本

.....一

吾學編六十九卷(一)

〔明〕鄭曉撰

明萬曆二十七年鄭心材

刻本

上海圖書館藏

吾學編序

自昔人第立言與立德立功爲三不朽於是誦法孔子者知所以修詞矣然言不足以明性道紀典故元元窮年取楚騷漢文唐律而模擬之求工於一字一句以炫人而無補於世用少知懲其弊者又竊佛經上乘之旨以附濂洛

主靜工夫而千言萬語終虧實踐將孔子所以刪述六經爲萬世標的者固如是耶予學術寡陋濫通朝籍伏念生逢

聖世當究心

昭代典故前修得失庶取則不遠聞太子少保澹泉鄭端簡公崛起鹽官以博洽伏宇內心切識之及徵天幸

與公同在銓司每政暇彼此輒以所撰述相質見公所編吾學總目叙自戊申年

太祖混一區夏握符御極

改元洪武歷永樂洪

熙宣德正統景泰天

順成化弘治正德凡

關係大政者倣朱子

綱目以歲係月各爲

一記建文四年雖革

除殘缺亦搜集遺文

平定編

序

四

析爲遜國記至於同姓諸王分封列藩及開國靖難禦胡勦寇并威畹佞幸列爵三等者各爲表傳別功罪爲萬世勸懲又表內閣以崇政本表太宰以重銓衡紀文武名臣以垂景範紀遜國諸臣以獎忠義述天文地理以嚴修省辨經略述三禮百官

以秩祀典別職掌考

四夷北虜以通正朔

飭邊備俱原本始核

事情於予心若相契

者時全書未成期日

後彼此致訂以竟初

志及公任大司寇南

歸予猶久掌邦土無

緣質公於鹽官故里

廼公忽先予逝囑子

履淳履準履洵以成

書付梓求序於予予

嘗閱南史稱顧野王

撰國史記傳及輿地

志而江南典章文物

賴之以存公潛心世

故殫平生精力使

昭代二百年行事實跡萃

於一旦足以龜鏡後

來不徒備江南一方

文獻而已矧裋身澡

行不愧屋漏而保釐

江淮掃定倭寇與夫

天曹之秉公京營之

祛弊刑部之敬慎俱
焯然爲朝紳所景仰
較之襲繻辭侈清談
於理道無補者何啻
徑庭也予慶公素履
定蓋棺已列不朽之
林因序於編端不知
踈陋所撰亦能補公
於萬一矣乎

隆慶元年季春吉日
賜進士第光祿大夫
往國少傅兼太子太傅

工部尚書前都察院
右都御史豐城雷禮
序

序略

古之作者必雄傑不羈之才習中本有全書而弗得試乃著述以自見丘明司馬皆才兼文武人豪也彼其所蘊如日月有明雲寧終掩江河有性土可終湮不宜於此則呈於彼不霖雨乎當時即山斗乎來世天之所賦非偶然豈但戾焉耳已先君幼學卽志四方無書不讀所讀必可裨用少壯入仕益諳我典常質彼文憲耳目見聞咸類紀之博古則約其精微今則核其備人文淵數國是瞻麗瑤班楊思凌屈賈叩之驚其多聞何便便有修也稿未竟嘉靖丙辰太宰古冲李公爲趙許奏論死翁震懼曰古冲以言殺身况成書乎悉昇火孤固請秘之弗得遂竊小積藏之述古獨餘古言蓋千百之一今書存失相等逮歲壬戌孤請告歸始以殘帙白翁成志喟然歎曰嗟夫此稿尚有存乎予行藏動業盡於此而所存僅此乎遂略以今書倫次補輯弟準天資絕人先君口相証授準多代筆又三年始付梓梓方半翁遽長逝嗚呼痛何如哉胡天不使此書盡試諸用又不使翁一覽全刻而徒留此空言欲以何明也翁蘊全才而不大任亦

云爲兆震厲朕孤憂國衛身艱險歷備勦節雖完精力竭矣玄珠寂寞白璧幽淪光在山川天真寧遇是迺旁觀宇內達駕初服惜繁華之易零念弘圖於不朽盤桓憤激委約飛文竊職掌於史官謹權衡於獨斷危詞隱義遠略壯猷觀是書可知是人契是心殆有周駕八荒彌綸千古之致豈徒一世士區區文藝名也噫邇此生民以來凡彼玉質金相之秀遠道亞生知時不我與湮滅無聞安可勝悼夫太上以德鮮矣流形大塊而一無可信非夫也可傳在我而其存與熄則命也黃梁得喪青史是非聖人復起賢愚有定豈其幸與不幸果可誰欺與故曰其位可卑其身可死其言立遂與天地相終始貧富貴賤壽夭同之然蔡柳奇能名常英實機雲高譽知不逮言亦或文以人傳人由文顯兼茲無愧九爾才難若先君所不能全殆惟壽耳使無是書果將同凋草木矣乎抑嘗聞作易之有憂患王通以爲畏天憫人思及時而動深知易矣動而不時則冒耻於行露比而入於蹇時而弗動則泥類於匏瓜節而至於屯潛躍有具用舍惟時庶亡悔吝而周公孔子之教此其最要先君

率爾成書豈希贊易之心乎終焉憂患未釋而腹
書以沒丘園信乎命實爲之雖聖哲無如之何宜
昔人之族輸慷慨屢伸而不能已者也去我英雄
遺編故屋承顏寤寐猶恍傳心音容杳冥誰能不
隱雖達伯樂會有子期撫卷徘徊風雲蕭瑟向之
七略成於歎先君精忠遂學無愧於向惜子非劉
歆殘缺莫補條具如左參詳潤色尚俟後之君子
云

維皇開奉新制正經親賢和衆萬國以寧聖子神
孫與治同興昭哉祖武萬世允繩記大政 第一

鴻左肇基非國上游龍飛北固鶴返丹丘漢文天
授少帝何尤慨彼黍離爰諱乾侯記遜園 第二
堯稱既睦周作方來富之不貴貴之無猜勢以時
異恩以禮裁均莫磐石藩翰九域傳同姓諸王

第三

永清九有實賴虎臣報功崇德分券圖麟德薄位
尊或覆厥身韓彭絳灌全毀由人傳異姓諸侯

第四

三公論道致主調元秩有等殺職共斯言爰立無
方考慎公垣一人進退治忽攸源表關臣 第五

幾乎冢宰百官之表責在進賢決彼羣小告自乃
邑休休皎皎吏治澄清兆民斯援表典銓 第六
無競維人萬方之望克展其猷知恤在上荷我多
賢爲周乎倡爰條臯董以俟魏相記名臣 第七
成仁取義人臣之信寧爲桀犬不事堯舜心協三
仁黨凌八俊立懦廉頑名教丕振記遜國臣 第
八

星家考驗代有程章玄機杳默固矣梓萇無災可
懼有災亦昌誠身省躬實應之常迷天文 第九

天子無外莫不尊親廣土非寶寶在裕民聚人以
財守財以人得彼猛士慎固威賔迷地理 第十

舜嚴降格說戒弗欽神無私享明德惟馨敦此仁
孝率義推心必躬必敬昭格咸臨迷三禮 第十
一

官代天工惟民之極庠制曲防綱維以則擇人乃
昌擇官斯忒敬事君子慎思厥職迷百官 第十
二

要荒服夏蕃鎮承周炎風朔雪飄飄受珠德攬乾
綱余宋長猷王者不治亦曰懷柔考四夷 第十
三

北門勁寇邪叢接壤人由我益地由我廣茲備將來盡懲既往鎖鑰得司不兵而懷考北虜 第十

四

實錄果可傳信乎前賢論諭詳矣野史散雜無統又未足盡馮也故必凌雲御日之才博洽淹貫分明經緯恍若身處當時目見往事非若班氏以後轉相蹈襲乃能會為全史昭不朽之烈垂不刊之典允君嘗志於此惜乎始懲李禍終促遐齡偉作弗全英豪留恨今梓惟大政記茲朱子綱目及本紀然綱目未敢備況目乎非是

聖學編

序略

王

三百五十八

無以首卷通達者當意會遜國特述故事以續編年王侯放十表翁序詳之閭臣典銓感時作也為臣不易況心腹股肱哉記名臣放列傳也論旨深遠邇史下無及者天下何時無才能盡其用有幾然亦自不可泯觀遜國諸臣尤見盛世人性之善超越千古三禮天官皆諷諫也禮書所載禮之為用大矣寧獨祀事舉時要耳天官亦然是以全樂公之疏也述百官以明職掌今有官君子皆能不曠此乎庶政和而萬國寧矣地理吏官北虜先君初官職方最所究心非

昔志輿地比也歌六月詩讀李翱文始知公忠愛無窮矣然有封狼居胥意是凡十有四篇其事皆有司存翁非立本朝贊國均而陳此經世之書如出位之諫何雖然以此罪翁亦或以此知翁百世之下應有心契於形迹之外而諒此勤勤之衷者固非翁及諸孤所敢豫計也此即所存今書之半翁各自為小序其女后樂律儀制兵略茶馬鹽糧運法水利藝文隱逸酷倖伎技等傳皆廢丙辰翁且謂應有紀之勿復更然上下二百年間典章成憲大要畢具忠臣持

聖學編

序略

六

三百五十八

以事君志士懷以籌務咸此依循免面墻矣嗚呼若斯之人而天奪之速豈獨孤之失所怙哉外今言徵吾諸錄各自為集不復附此

不肖鄭履淳謹識孫鄭心材重校

鄭端簡公吾學編引

先君非功名士也富貴云乎哉有嘉言善行而不得播聞人子之罪也况勸著作以經世務裨

聖化者而翁彌留又惓惓顧托言猶在耳忍不終其志廣其傳翁方見梓之半而孤忽憐大戚匍匐

關

聖恩優渥褒恤殊章孤藉簡休復蒙錄榮哀既備功賞世延實賴

天上臯夔情見生死誼公衡鑒

吾學編

引

一 三〇七

恩雖倖致望恆羣心感荷徒殷不知所以爲報也隆慶紀元五月甲戌抵舍仍侍几筵曠違條已更歲依依當時瞻戀而音容杳然一檢遺編惡緒紛雜嗚呼翁何如人也乃遽至此哉翁身可死而有不可朽者惟此書耳予兄謂翁之書未盡其學翁之用未盡其書旨深遠矣翁自丙辰每得一稿卽呼兄弟示之又必曰準校梓勿失也孤故獨藏所刻吾學編六十九卷徵吾錄二卷文集年譜未竟共板四千有奇布帛之文精神之聚衡門必水之經綸固非特淮臣洛士之詞賦已也凡翁子孫承

宜世守翁嘗命既梓但刷千冊卽毀板或畀書肆予終身清介遺子孫安母以書勞後人嗟乎沒身猶計燕翼而爲翁之者僅此遺書弗能守耶遂尊親友諒此他日借板不能奉命幸勿我罪翁著述之富冠當時可梓豈獨止此予兄諸序詳之其公言及學子諸書數十百卷已不傳者勿識也

不肖鄭履準謹言

皇明大政記序

大政記者記政之大者也政必端大本審大機建大法係此小事必書否雖大勿錄也恭惟我

朝文謨武烈丕顯丕承

聖子神孫善繼善述巍巍二帝之治郁郁三代之文俾彼典常允宜師守廣洪猷浩蕩玉籙淵珍莫罄名言孰詣成憲予翁淹貫通達推絕一時雖職非史官而光昭

先皇令德以垂多士儀刑與人爲善之心不敢

大政記

序

三

况切雲雷霖雨之志而徒老校闢今衰已甚爰放編年陳茲大典庶使後之佐孝宣者有所依繩而頌慶曆者咸此考據且知翁精誠之運周旋

二祖

列宗左右也

嘉靖丙寅三月朔

賜進士第觀吏部政下鄭履淳拜手稽首謹識

皇明大政記第一卷

吾學編第一

海鹽鄭曉書

大明太祖高皇帝洪武元年春正月乙亥卽皇帝位○追尊四世考妣爲皇帝皇后立妃馬氏爲皇后世子標皇太子○戊寅居新宮○征南大將軍湯和克延平執陳友定○宣國公李善長信國公徐達爲左右丞相章濂劉基御史中丞○省府請皇太子爲中書令不許令廷臣勲德老成者兼東宮官○建南北郊太社稷○是月天下官來朝○二月湯和提督海運○征南將軍廖永忠副

大政記

卷之一

一

三

軍朱亮祖平福建進取廣東○以太牢祀先師孔子于國學○定宗廟時享禮○禁胡服胡語胡姓○定賦法役法○三月彗星見鼎○征虜大將軍徐達取汴梁河南○夏四月將軍鄧愈取南陽諸郡○永忠師至東莞元廣東守臣何真降○汪廣洋陶安爲山東江西參政○改太史院爲司天監○五月庚寅帝至汴梁○徵天下賢才爲守令○六月達朝行在今率諸將取元都○秋七月永忠取廣西○賑饑中原○帝還京右副將雲爲勝守汴梁○閏七月達會兵于臨清進克通州乙丑元

主走上都○八月詔以金陵汴梁爲南北京○庚午達入大都元亡○已卯大赦○帝幸北京○設六部官縣毅楊士義錢用壬陳寬周禎單安仁爲尚書○御史中丞劉基致仕○放元宮人○九月江西參政陶安卒○遣儒臣詹同等訪求賢哲○冬十月帝還南京○征南師還○置京畿漕運司龔魯薛祥爲漕運使○十一月孔希學襲封衍聖公○遣儒臣魏觀等訪求賢材○十二月還克太原平陽

配洪武二年春正月免山東山西北平河南兩省田租○詔諭四夷君長○倭寇山東並海郡縣○二月耕藉田○修元史宋濂爲翰林學士王禕待制○修治皇陵○達克河中進取陝西○三月達兵至鳳翔李思齊奔臨洮○夏四月思齊降○倭寇南畿並海郡縣○五月甲午朔日食○達出蕭關下涼涇延鄭張良臣以慶陽降尋叛○御史中丞兼太子贊善大夫章溢卒○六月常遇春克大寧開平○秋七月征虜副將軍平章軍國重事太子少保鄂國公常遇春卒李文忠領兵進攻大

同克之○八月達克慶陽斬良臣○西歷云○元

史成○九月以臨濠爲中都○建功臣廟○冬十月郡縣立學○遣使貽書元主○十一月乙巳日南至祀圓丘奉仁祖配○十二月王保保襲蘭鞏守將于光死之○是年定內侍諸司官○設王相府○封陳日煒爲安南國王王頴高麗國王

嫌洪武三年春正月征虜大將軍徐達左右副將軍李文忠馮勝左右副將軍鄧愈湯和分道率師討王保保○二月大同守將金朝興取東勝○追封郭子興滁陽王○文忠取興和○三月免

畿山東河南北平浙東田租○達兵至定西保保

退屯車道峴○夏四月封建諸王○王保保逆戰我兵敗績○復戰於定西保保敗走和林○元君安懼睦爾祖于應昌其子愛猷識理達臘嗣立○五月開科取士○文忠克應昌獲賈的里八刺愛猷識理達臘北走○達取漢河降興元○大早上雪大雨○蜀寇興元都督孫興祖戰歿○六月倭寇登萊轉掠浙閩並海諸郡萊州府同知趙秩使日本○定太學生資格○秋七月陶凱爲禮部尚書○劉基爲弘文館學士○楊憲汪廣洋爲中書左右丞尋殺憲○八月募民輸粟中鹽○監察御

史張敬之使諭渤海國○九月改司天監爲欽天監○冬十月征南將軍周德興討慈利蠻○貽書元嗣君愛猷識理達臘○十一月文忠班師還京○謚故元君爲順帝封買的里八剌爲崇禮侯○大封開國功臣進封善長達韓魏國公領太師太傅封李文忠曹國公鄧愈衛國公馮勝宋國公湯和中山侯汪廣洋忠勤伯劉基誠意伯餘封贈官賞有差○十二月大明志成○立鹽法

辛亥洪武四年春正月太師韓國公左丞相李善長致仕汪廣洋爲左丞相胡惟庸右丞○誠意伯劉

基致仕

夏之二

和左右副將軍江

夏侯周德興德慶侯廖永忠征虜前將軍賴川侯

傳友德左副將軍濟寧侯顧時帥師分道伐蜀○

免田租○二月帝如中都尋還京○三月賜吳伯宗等進士及第出身有差○改築園丘方澤○閏

三月和次夔州○廢靖江王守謙爲庶人○夏四

月友德克階州○和次歸州友德克文州○徵山

林隱士○五月免浙江江西田租○六月友德拔

漢州永忠克夔州進至重慶明昇降○虜納哈出

侵遼東○倭寇膠州○秋七月馬雲葉旺爲定遠

指揮使鎮守遼東○友德克成都川蜀悉平○詹

同爲吏部尚書兼翰林院學士承旨○今泰災異

○八月封明昇歸義侯○九月庚戌朔日食○禁

征海外諸夷○冬十月征西諸將班師還京○十

一月○十二月開茶市○是年從歸德侯陳理歸

義侯明昇於高麗○日本良德遣人入貢

壬洪武五年春正月麓林待制王禕詔諭雲南○

征南將軍衛國公愈副將軍江夏侯德興江陰侯

良帥師討廣西蠻平之○征虜大將軍魏國公逌

征西將軍宋國公勝征虜前將軍曹國公文忠帥

次政記

宋之二

王

三

師分道伐虜勝取甘肅文忠擣應昌宣寧侯曹良

臣戰歿○二月都督藍玉擊敗虜於野馬川○三

月玉兵擊敗王保保於土刺河○夏四月鄧愈兵

至澧平散毛諸蠻○五月達兵逾嶺遇虜戰敗績

○倭寇浙東西並海郡縣○六月賑山東饑民○

勝兵敗虜於瓜沙文忠兵敗虜於阿魯渾河○免

水旱蝗郡縣田租○秋七月湯和兵至斷頭山遇

虜戰敗績○定宦官禁令○八月倭寇福建○遣

儒臣詹同等訪求賢哲○華寧夏府○九月德興

平鳳泗諸蠻○安南陳叔明弒其主日燾而自立

○冬十月北征諸將班師還京○十一月征南諸將班師還京○虜納哈出寇遼東○十二月宋濂爲太子贊善大夫○令省府臺置銅鑑簿錄時政○縱內府禽獸○遣使貽書元嗣君○是年定掖庭局司女官

洪武六年春正月請汪廣洋爲廣東參政○二月罷科舉舉賢良○令有司上山川險易圖○三月征虜大將軍達左右副將軍文忠勝左右副將將軍愈和統兵分道備虜○都督於顯總兵出三防倭○夏四月贈諡開國功臣○詔求賢才○五

大政記

卷之一

六

三

五

月虜寇武朔達遣兵擊走之○六月免河北旱蝗田租○秋七月劉惟謙爲刑部尚書○胡惟庸爲右丞相陳寧御史大夫詹同兼翰林學士承旨宋濂兼翰林侍讀學士○達遣列侯諸將分統步騎兵擒討殘胡○倭寇登萊○八月詔祀三皇○建歷代帝王廟○九月議六科給事中○冬十月大明律成○封西番朵耳烏思藏諸酋爲王師官長○十一月遣兵破虜於大同○閏十一月定糾劾內官法○十二月浚開封漕河○雲南人殺我詔諭使王禕

洪武七年春正月文忠敗虜於白登○二月丁酉朔日食○丁未祀先師○三月詹同解部事呂熙爲吏部尚書○轉漕粟于陝西○夏四月都督藍玉敗虜於興和○五月大雩○六月倭寇膠海○秋七月文忠破虜於大石崖○八月文忠敗虜於豐州○靖海侯吳禎總兵出海捕倭○九月遣崇禮侯買的里八剌北還○復設市舶司○冬十月己未皇長孫雄英生○徙江南民實中都○十一月封卜煙帖木兒爲安定王○十二月鑿石天山河○日本良懷及其陪臣各遣人入貢却之

大政記

卷之一

七

四

洪武八年春正月梁敏爲工部侍郎○二月○三月詔興學勸農○立鈔法錢法○夏四月幸中都尋還京○致仕贊善大夫護軍誠意伯劉基卒○五月市馬西番○六月○秋七月己未朔日食○免江南湖北旱租○八月京師大旱○開登萊河○九月湖廣參政吳雲使雲南○虜寇大同鴈門○詔舉富民素行端潔達時務者○冬十月皇太子及秦晉楚靖江王講武中都○十一月增六部官○十二月陝州人獻天書斬之○虜納哈出寇遼東守將馬雲葉旺擊敗之以爲都察院事仍

守遼東○是年設都指揮使司○召致仕禮部尚書陶凱爲國子祭酒

丙辰洪武九年春正月定宗王公主歲祿○二月和友德屯延安○三月免南畿山西陝西河南福建

江西北平湖廣田租○夏四月庚戌雨○五月雨○六月詔改行中書省爲承宣布政使司○宋濂

爲翰林學士承旨○秋七月癸丑朔日食○蘇松嘉湖大水免其田租○八月吳印爲山東左布政使○九月更定王府官制○閏九月七曜奎虎

朱直言○冬十月更作太廟○定太廟脩享功臣

洪武十年春正月學士承旨宋濂致仕○二月白虹貫日○三月○夏四月征西將軍鄧愈副將

軍沐英率師討吐蕃破之○五月韓國公善長曹國公文忠總中書省都督府御史臺同議軍國重

事○六月政事啓皇太子處分奏聞○秋七月監察御史巡按州縣○設通政司會秉正爲通政使

○八月庚戌改建園丘于南郊○九月江東浙西大水免其田租○冬十月封沐英西平侯○併省

州縣○十一月巳卯皇孫允熾生○丁亥合祀天地于奉天殿○征西將軍參軍國事衛國公鄧愈

卒○都督濮真征高麗被執不屈死之○十二月乙巳朔日食○松番蠻入寇平羌將軍御史大夫

丁玉討平之○真人張正常卒于年初嗣○是年汪廣洋復爲右丞相○復守謙靖江王徙雲南尋安置鳳陽

洪武十一年春正月改封吳王爲周王罷杭州

護衛○進封湯和信國公○二月祀太社太稷

仁祖配○三月禁奏事關白中書省○夏四月朱

夢炎爲禮部尚書○元嗣君愛猷識理達臘殂子脫古思帖木兒立○五月選武臣子讀書國子監

○六月遣使祭故元嗣君○秋七月○八月免南畿河南陝西廣東湖廣田租○蘇松揚台海溢○

九月有星孛於天弁○贈劉繼祖義惠侯○冬十月甲子大祀殿成○十一月吐蕃入寇征西將軍

英討平之○十二月乙巳朔日食○是年皇太子妃常氏卒

洪武十二年春正月巳卯合祀天地于南郊○二月曹國公文忠督理隴西西寧軍務○信國公

史 45-15

和率列侯諸將練兵臨清○三月樂韶鳳爲國子祭酒尋致仕○夏四月免北平田租○五月○閏五月○六月都督馬雲征大寧○秋七月曹國公文忠領大都督府事○平羌將軍丁玉討平蜀寇○八月安置日本使僧於陝西○九月西平侯英大破西番班師○冬十月吳沅爲翰林待制○十一月封藍玉永昌侯○十二月安置右丞相汪廣洋於海南暴卒○訪求卜筮人

庚洪武十三年春正月殺左丞相胡惟庸御史大夫陳寧中丞余節罷中書省更定六部官秩改大

都督府爲中左右前後五軍都督府○俱斯爲吏

部尚書尋改禮部劉崧爲署吏部尚書○二月詔

舉聰明正直孝弟力田賢良方正文學術數之士

○太師韓國公李善長罷○三月壬寅成祖之國

北平○桂彥良爲誠爲晉燕府長史○夏四月都

督張赫朱壽率舟師海運○五月甲午震謹身殿

大赦免天下田租○御史大夫安然罷韓國公李

善長理御史臺事○罷御史臺及提刑按察司○

署吏部尚書劉崧致仕阮嘏爲吏部尚書○六月

震奉天門○置諫院官唐鐸爲諫議大夫○秋七

月復京官家○八月安置日本使僧於川陝○九月置四輔官以龔敎杜穀趙民望吳源爲春夏官○冬十月詔求真才○十一月○十二月列侯諸將屯田北平練兵遼東○安置翰林學士承旨宋濂於茂州○是年倭屢寇海上郡縣

辛洪武十四年春正月虜乃兒不花入寇征虜大將軍達左右副將軍和友德帥師討之○詔求賢

○編賦役黃冊○二月李叔正爲禮部尚書○三

月大赦○復提刑按察司○夏四月達督諸將兵

出塞至北黃河擊虜破之遂班師○五月故翰林

學士承旨宋濂卒於夔州○六月海鹽捍海塘成

○秋七月復大理寺○日本酋良懷遣僧貢馬安

置川陝番寺○八月河決原武○征南將軍江夏

侯周德興副將軍安慶侯仇成帥師討四川蠻平

之○九月征南將軍穎川侯友德左右副將軍永

昌侯玉西平侯英帥師取雲南○冬十月壬子朔

日食○定考覈殿最法○十一月南雄侯趙庸總

兵討平閩廣羣盜延安侯唐勝宗總兵討浙東山

寇平之○倭寇廣東南雄侯庸擊破之○十二月

征南兵至曲靖取臨安進克雲南○令翰林院平

駁諸司奏啓○是年召致仕刑吏部尚書李敬劉
崧爲國子祭酒司業

壬戌洪武十五年春正月汝南侯梅思祖掌雲南布
政司事張統爲左叅政○二月詔諭雲南諸夷○
閏二月彗星見○征南兵克大理鶴慶麗江降車
甸諸夷○三月南雄侯庸籍蛋戶爲水軍○夏四
月詔監學通祀孔子○免南畿浙江江西河南山
東田租○宋訥爲翰林學士○日本遣人朝貢○
五月皇長孫雄英卒○太學成帝幸學謁先師○
遣使求經明行修之士○六月○秋七月開濟爲

大政記

宋之一

十二

三十九

試刑部尚書○八月丙戌皇后馬氏崩○詔設科
取士○九月雲南諸夷叛征南兵討平之○冬十
月廣東盜起南雄侯庸討平之○設殿閣大學士
邵質吳伯宗宋訥吳沉爲華蓋武英殿文淵東閣
大學士○徵耆儒鮑恂余鈐張長年爲文華殿大
學士辭不拜○十一月○十二月孝陵成封都督
李新崇山侯○是年設都察院詹徽林駟爲監察
都御史

癸亥洪武十六年春正月宋訥爲國子祭酒曹國公
文忠領國子監事○二月○三月征南諸將班師

還京留英鎮守雲南○復鳳淮繇賦視豐沛○夏
四月倭寇浙東○五月令都司上衛所城池水陸
地理圖○六月○秋七月遣御史錄囚於諸省○
八月壬申朔日食○九月征南將軍申國公鄧鎮
左右副將軍臨江侯陳鏞濟寧侯顧敬率兵討龍
泉山寇平之○冬十月○十一月定祀歷代名臣
○十二月初令儒學歲貢生員

甲子洪武十七年春正月魏國公達鎮守北平信國
公湯和巡視海道築山東江南北浙東西海上諸
城○二月更定都察院官詹徽爲左都御史○定

大政記

宋之一

十三

三百七十七

吏員資格○三月大赦○令科舉薦舉並行○同
知軍國事大都督府左都督兼領國子監事曹國
公李文忠卒○夏四月進封傅友德賴國公○更
定內侍監局司庫門官品職○五月鄒俊爲大理
卿○六月令朝覲官上人民土地圖○秋七月肝
胎人獻天書伏誅○八月吏部尚書俞熾定考績
法○九月處士陳遇卒○冬十月冊李氏爲淑妃
攝中官事○閏十月大明清類天文分野書成○
十一月○十二月○是年修祖陵

丑洪武十八年春正月劉三吾爲翰林學士○朱

善爲文淵閣大學士○二月初昏五星並見求直言○錄軍國重事太傅右丞相魏國公徐達卒○三月初選進士爲翰林院承勅監六科庶吉士○夏四月思州苗叛征虜將軍和副將軍德興帥師從楚王討平之○五月○六月○秋七月五閏蠻叛和遣兵討平之○八月遣公侯伯還鄉里○九月太白經天○文淵閣大學士朱善卒○築漳河隄○冬十月頒大誥○彗星見○十一月作觀星臺○十二月舉孝廉

丙寅洪武十九年春正月潁國公友德長興侯炳文

大政記

卷之一

十四

帥師討雲貴諸蠻平之○二月納哈出營金山數

寇東塞○三月白虹貫日○夏四月河南大水贖

民粥子○五月安置日本使僧於雲南○六月詔

有司養老尊賢報功賑貧恤孤薦士○秋七月三

辰星見○八月皇太子修祖陵○九月賑旱隄郡

縣○冬十月封何真東莞伯○十一月○十二月

癸未朔日食

甲寅洪武二十年春正月征虜大將軍宋國公馮勝

左右副將軍潁國公傅友德永昌侯藍玉左右參

將南雄侯趙庸定遠侯王弼東川侯胡海武定侯

郭英叅贊軍事都督商嵩帥師討納哈出○焚錦衣衛刑具○二月魚鱗冊成○置兩浙防倭衛所○三月勝師出松亭關城大寧○夏四月江夏侯周德興福建築城練兵防倭○五月納哈出棄金山營北走○六月臨江侯陳鏞陷虜死○勝兵逾金山納哈出降遂班師○太白經天○閏六月勝兵還金山殿帥漢英陷虜死○秋七月定親王歲祿五萬石○八月戒諭北征諸將召勝還王行總兵事○九月封納哈出海西侯○安置鄭國公○征茂於龍州○置北平行都指揮使司於大寧○征虜大將軍永昌侯藍玉左右副將軍延安侯唐勝宗武定侯郭英左右叅將都督耿忠孫恪擒討殘胡○冬十月罷勝歸鳳陽○十一月靖寧侯葉昇普定侯陳桓討東川諸蠻平之○十二月封張赫航海侯朱壽艘艦侯

大政記

卷之一

十五

三十七

將軍賴國公友德左右副將軍西平侯英普定侯桓帥師討平之○六月○秋七月贈故金山侯濮英爲樂浪公尋封其子璵西京侯○八月北征諸將班師還京○九月越州土酋阿資叛友德討平之○友德遣將分討東川叛蠻平之○冬十月解縉爲監察御史○徐允恭嗣封魏國公封常昇開國公○十一月○十二月丁卯三辰晝見○安南黎季犛弑其主煒

已洪武二十二年春正月友德兵至越州阿資降○三月友德還越州○二月友德兵至越州阿資降○三月友德還越州

大政記

卷之一

十六

三十一

德率二十四將軍分屯湖川防西南諸夷○夏四月徙江南民田淮泗○置詹事院○五月置太寧福餘朵顏三衛於兀良哈○六月周定王棄國之鳳陽還雲南尋遣還國○秋七月征南諸將班師還京○八月更定大明律○禁武臣預民事○九月丙寅朔日食○冬十月徙民墾閒田○十一月虜也速迭兒弑其主脫古思帖木兒而立坤帖木兒○思倫發入貢謝罪百美遂平○十二月倭掠寧海○是年詹徽爲吏部尚書兼左都御史○改大宗院爲宗人府奏王爲宗人令晉王成祖左右

宗正周王楚王左右宗人○黎季犛弑其主陳日煚○高麗人幽其主偶又廢其主昌

庚洪武二十三年春正月熒惑入南斗○市馬漢北○晉王成祖率諸將分道伐虜○貴州苗叛延安侯勝宗討平之○贛賊湖蠻叛總兵東川侯海左右副總兵普定侯桓請寧侯昇討平之○二月國子祭酒宋訥卒○涼國公主討西番遣將瞿能徐凱出大渡河擊敗之○三月成祖率征虜前將軍賴國公友德左右副將軍南雄侯庸懷遠侯出古北口伐虜○夏四月築京城外垣○閏四月

大政記

卷之一

二十一

三十一

至平諸番○五月肅清好黨○太師韓國公李善長暴卒○六月選用耆民有才德知典故者○秋七月江南北海溢○河決河南○八月召涼國公主還京○九月庚寅朔日食○夏長文爲僉都御史○冬十月○十一月○十二月購遺書○是年

潭王梓暴卒

癸洪武二十四年春正月築浙東海隄○二月改封豫王爲代王漢王爲肅王衛王爲遼王○三月戊子朔日食○賜許觀等進士及第出身有差○友德兵出東塞討虜大獲而還○夏四月倭寇天

儀○彗星出紫微垣○五月漢衛谷慶寧岷六王
練兵臨清○六月河決原武入淮○秋七月徙民
實京師○八月乙丑皇太子巡撫陝西○九月
都督宋晟劉貞帥師征哈密大獲而還○倭寇廣
東○冬十月北平大水免其田租○馮堅爲食都
御史○十一月宋國公勝京國公玉請討西番不
許○十二月皇太子還獻相宅圖○阿資復叛平
寇將軍都督何福討之阿資降

壬洪武二十五年春正月河決陽武○福討平寇
南諸蠻○令死囚輸粟塞下○二月高麗李成桂
大政記 卷之一 十八 三十七

幽其主瑤而自立○列侯諸將練兵西北諸塞○
三月船艦侯朱壽率舟師海運○夏四月丙子皇
太子卒○涼國公玉征罕東○都督總兵聶緯討
建昌叛酋月魯帖木兒○五月封俞通淵爲越馬
侯○王兵破罕東移兵討建昌蠻○六月征西將
軍西平侯沐英卒○秋七月琉球中山王察度遣
子弟學於國子監○八月華懿文皇太子○九月
庚寅立皇孫允熾爲皇太孫○冬十月沐春嗣西
平侯鎮守雲南○更高麗爲朝鮮國○十一月王
平建昌蠻獲月魯帖木兒檻送京師伏誅○十二

月宋國公勝穎國公友德曹國公景隆涼國公玉
開國公昇全寧侯恪兼太子太師太傅太保詹徽
茹瑯太子少傅少保兼吏兵部尚書○閏十二月
翰林學士劉三吾罷

癸洪武二十六年春正月兵部尚書致仕唐鐸刑
部尚書楊靖兼太子賓客○二月晉王統山西河
南兵出塞捕虜○曹國公景隆市馬西番○殺涼
國公藍玉吏部尚書詹徽○驗封主事翟善署吏
部事尋爲尚書○三月倭寇浙東○夏四月太白
經天京師大旱求直言錄囚徒○五月○六月

大政記

卷之一

十九

三十七

新茹瑯嚴震直爲戶兵工部尚書○秋七月甲辰
朔日食○八月徙慶靖王於韋州○九月復以劉
三吾爲翰林學士○赦胡黨藍黨○冬十月徙封
岷莊王於雲南○十一月劉瑋爲谷府長史提督
調燕代肅遼慶寧六府事○十二月

甲洪武二十七年春正月賑貸貧民○二月倭寇
浙東都督劉德商高巡視兩浙防倭○三月都督
楊文魏國公徐輝祖安陸侯吳傑練兵浙江防倭
○韓王濟王分道省視秦晉燕周齊王○城東勝
○夏四月令民樹桑棗○五月却安南朝貢○六

月○秋七月任章奏爲禮部尚書○八月階文軍叛平羌將軍都督寧正討平之○九月寰宇通衢書成○冬十月倭寇金州○十一月阿資復叛西平侯春率兵討之阿資走○十二月女直寇遼東都督朱晟劉貞禦却之○是年太子太師顏國公傳友德暴卒

亥洪武二十八年春正月都督周興總兵宋晟劉貞副之帥師捕野人○西平侯沐春擒斬阿資越州平○二月太子太師宋國公馮勝卒○三月王愍王卒世子尚炳嗣秦王○夏四月倭寇金州○

入政記

宋之一

三

三

五月討平四川洞蠻○六月禁黥官剗之刑○秋七月廣西守將韓觀討平山寇○八月征南將軍楊文左右副將軍韓觀宋晟叅議軍事兵部尚書唐鐸帥師討龍州諸蠻○信國公湯和卒○貴州蠻叛守將顧成討平之○九月貶翟善爲宣化知縣○閏九月皇明祖訓成○更定親王歲祿一萬石○罷楊雄文廟從祀祀蕭仲舒○冬十月冊馬氏爲皇太孫妃○十一月諸蠻悉平○十二月征南諸將班師還京○是年給事中傳安郭驥使西域

丙洪武二十九年春正月杜澤爲吏部尚書○門克新爲禮部尚書○韓觀爲都督同知○二月征虜前將軍胡冕討郴桂蠻平之○三月○夏四月○五月○六月築河防○秋七月○八月免應天五郡田租○九月○冬十月晦皇曾孫文本生○十一月鑄渾天儀○十二月五星彗度○是年定

外官三年一朝覲○罷大理寺

丑洪武三十年春正月征西將軍長興侯耿炳文副將軍武定侯郭英備虜關中○漢沔盜起炳文討平之○劉觀耿清爲署左右僉都御史○二月

大政記

宋之一

三

三

白虹亘天○水西蠻叛征南將軍顧成討平之○三月○夏四月晉王成祖練兵備虜○令軍民有一材一藝者得自陳効用○五月壬子朔日食○楚王湘王率都督楊文韓觀顧成兵征諸洞蠻平之○晉燕代遼寧谷六王勒兵備虜○六月翰林院學士劉三吾暴卒○賜禮部覆試貢士韓克忠等進士出身有差○召謝馮郡尉歐陽倫暴卒○秋七月左都御史楊清暴卒○八月河決開封○鄭沂爲禮部尚書○九月平緬諸蠻刀幹孟叛逐宣慰使思倫發○冬十月焚惑犯南斗○重建國

子監先師廟成○十一月征虜副將軍西平侯春
左右副將軍都督何福徐凱率師討刀幹五○十
二月癸未上不豫○是年太子少保掌刑部事唐
鐸卒

成洪武三十一年春正月令山東河南墾田○二
月倭寇山東浙東○定吏員出身資格○三月廷
臣請討朝鮮不許○夏四月邊將分道率兵從成
祖代遼寧各王出北平禦虜○黃福爲工部右侍
郎○五月西平侯春擒刀幹孟思倫發還平緬○
甲寅上不豫○都督楊文總兵北平叅贊成祖○
大政記 卷之一

總兵武定侯英副總兵宋晟從遼王出開平備虜
○閏五月乙酉帝崩于西宮○辛卯皇太孫卽皇
帝位○葬孝陵號謚大行皇帝太祖高皇帝孝慈
皇后孝慈高皇后○寒義夏原吉爲吏戶部右侍
郎○革冗員○省府州縣○六月方孝孺爲翰林
侍講齊奉兵部尚書○秋七月董倫爲禮部左侍
郎兼翰林學士○廢周定王爲庶人○吏部尚書
茹瑺掌河南布政司事尋召爲兵部尚書○八月
魏國公輝祖兼太子太傅○征夷將軍都督何福
副將軍徐凱帥師征百夷平之○九月長星西隕

○雲南總兵西平侯沐春卒○冬十月榮感守心
○吏部尚書茹瑺免張統爲吏部尚書○十一月
御史解縉謫史河州○工部侍郎張昂掌北平布
政司事謝貴張信北平都指揮使○陳昶爲禮部
尚書○舉山林巖穴懷材抱德之士○齊王榑有
罪留京邸○十二月征南總兵顧成班師還京○
是年王鈹爲戶部尚書鄭賜工部尚書曾鳳韶監
察御史

○建文皇帝建文元年春正月大祀天地於南郊
奉太祖高皇帝配○修太祖高皇帝實錄○二月
大政記 卷之一

追尊皇考懿文皇太子爲興宗孝康皇帝皇妣懿
敬皇太子妃爲孝康皇后○尊母皇太子妃呂氏
爲皇太后○立妃馬氏爲皇后子文奎爲皇太子
○封弟允熲爲吳王允燾衛王允熿徐王○詔薦
賢養老墾田興學考察官吏旌孝賑貧掩骼埋
瘠民鬻子減田租○令親王不得節制文武吏士
○周是修爲衡府紀善○北平右布政使曹昱接
察副使張璉有罪除名落職○三月丁巳祀先師
幸太學○北平按察使陳瑛有罪安置廣西○勅
都督宋忠徐凱耿璉將兵屯開平臨清山海關○

遣采訪使都御史暴昭侍郎夏原吉等巡行天下
問民疾苦○京師地震求直言貶監察御史尹昌
隆爲福寧知縣○夏四月并衛所○湘王柏暴卒
○廢齊王榑代王桂爲庶人○五月北平按察僉
事湯宗王變告繫詔獄○王叔英爲翰林修撰○
六月解縉爲翰林待詔○秋七月癸酉成祖起兵
靖難北平右布政使郭資都指揮張信降掌布政
司事侍郎張昺都指揮使謝貴燕府長史葛誠伴
讀余逢辰死之宋忠率師次居庸退保懷來○
祖上書請誅齊太黃子澄○都指揮使馬宣起兵
薊州攻北平不克死之○通薊遵化密雲皆降燕
○成祖克懷來獲宋忠都指揮彭聚孫泰戰死○
大寧守將劉貞陳亨卜萬引兵次松亭關遼遠下
獄○征虜大將軍長興侯耿炳文左右副將軍駙
馬都尉李堅都督甯忠率安陸侯吳傑江陰侯吳
高都督都指揮盛庸潘松楊忠顧成徐凱李文陳
暉平安分道進攻北平○置平燕布政使司于真
定刑部尚書暴昭堂布政司事○贈故翰林待制
王禕爲翰林學士○封李堅爲灤城侯○八月炳
文兵次真定○靖難兵克雄縣獲楊忠潘松○炳

次政記

卷之一

三十一

文及靖難兵戰於真定敗績李堅甯忠被執○丙
寅成祖還北平○曹國公李景隆爲征虜大將軍
召炳文還○谷王穗還京師○召遼王植寧王權
遼王至寧王不至徙封遼王於荊州○九月吳高
及耿璈楊文帥兵圍永平○景隆兵次河間○山
東叅政鐵鉉叅贊景隆軍務○成祖援永平高退
保山海關○吳傑兵潰於真定遁還降南寧指揮
使○冬十月成祖襲破大寧守將朱鑑死之○陳
亨降燕襲破劉貞貞走還京○景隆進兵攻北平
○成祖以寧王權及大寧漢遼兵援北平○十一
月景隆逆戰於鄭村壩大敗奔德州○乙亥成祖
再上書○廢岷王榘爲庶人○十二月吳高有罪
徙廣西楊文鎮守遼東○成祖克廣昌○薊州鎮
撫曾濟起兵攻北平不克死之駙馬都尉王寧有
罪下獄○練子寧爲吏部侍郎○復以茹瑺爲兵
部尚書○罷齊太黃子澄留京師○加景隆太子
太師○省躬殿成○徙肅莊王於蘭縣○殺留守
左衛指揮同知李申○叅贊大將軍軍務高巍使
北平錢芹爲行軍署都事茅大芳爲副都御史○
庚建文三年春正月成祖克蔚州進攻大同○二

次政記

卷之一

二五

三十二

月改都察院爲御史府景清爲御史大夫戴德
彛左拾遺○黃觀爲禮部侍中掌尚寶司事○虜
坤帖木兒可汗瓦剌王猛哥帖木兒款北平○景
隆援大同○成祖還北平○保定知府雒僉降燕
○劉儁爲兵部侍中○三月丙寅朔日食○賜胡
靖王良等進士及第出身有差○夏四月胡靖爲
翰林修撰○成祖至白溝河景隆率諸將兵合戰
大敗走德州○參政鐵鉉參軍高巍還守濟南○靖
難兵進攻德州○五月景隆奔濟南靖難兵入宮
州轉掠濟陽儒學教諭王省死之○成祖進兵

大政記

卷之一

三六

三六

三六

三六

三六

濟南景隆出戰敗績鐵鉉高巍禦却之○都督僉
事朱榮棄師還京伏誅○六月置資德院○遣尚
寶司丞李得成至燕議罷兵○秋七月得成還自
濟南下獄尋釋之○平安率兵次單家橋○八月
濟南圍解成祖還北平○承天門災詔求直言○
改謹身殿爲正心殿○改方孝孺爲文學博士○
九月改承天門爲臯門○冬十月置威武中衛○
平安及靖難兵戰鏢山斬其將陳亨○徐凱城滄
州成祖襲破之獲凱○封盛庸爲歷城侯鐵鉉爲
山東左布政使○召景隆還平燕將軍盛庸左右

副總兵陳暉平安左右爲將馬溥徐真鐵鉉參贊
軍務督諸兵北進○十一月庸進兵德州○成祖
至臨清移屯館陶○十二月成祖進兵汶上掠濟
寧庸兵躡之營於東昌○乙卯成祖至東昌○庸
出兵大戰斬其將張玉成祖退屯館陶○鐵鉉爲
兵部尚書仍參贊軍務○詔舉優過文學之士○
鄒瑾爲大理右寺丞

大政記

卷之一

三七

三七

卿汪善聞良輔爲河南湖廣肅政按察副使鎮江
知府薛崑補缺胡閏爲大理左右少卿○三月成
祖合諸兵南進○庸及靖難兵大戰於夾河斬其
將譚淵再戰庸兵敗走德州○真定諸將及靖難
兵戰於單家橋敗績再戰於藁城敗績○閏三月
靖難兵掠順德廣平大名○謫齊太黃子澄諭燕
罷兵○成祖上書請召諸將還京遣大理少卿薛
崑報之○夏四月崑還○真定諸將出兵扼燕餉
道不克○五月成祖遣武勝上書下詔獄○調刑
部左侍郎王良爲浙江肅政按察使○六月靖難

兵至濟沛都督表宇禦之敗績○太僕少卿祝孟獻使朝鮮市馬○秋七月靖難兵掠彰德○遣人貽書燕世子○大同守將房昭率兵取保定駐西水寨成祖還援保定○八月靖難兵圍西水寨○限僧道田人五畝○九月靖難兵攻定州○平安進攻北平不克還次真定○倭寇浙東○置豐沛軍民指揮司○冬十月真定諸將遣兵援昭及靖難兵戰於齊眉山敗績○成祖還北平○翰林修撰王良卒○徙慶靖王於寧夏○十一月遼東總兵楊文攻永平不克○平安戰敗靖難兵於楊村

失敗記

卷之二

三八

建文四年

○皇子文森生○坤帖木兒可汗死鬼力赤爲可汗○十二月成祖復出北平○駙馬都尉梅賾鎮守淮安○太祖高皇帝實錄成○楊士奇爲吳府審理副仍留翰林○改程本立爲江西肅政按察副使

宿州○成祖至渦河○安及靖難兵戰於淝河敗績○靖難兵攻蕭知縣鄭恕死之○夏四月安及靖難兵戰於小河斬其將王真○魏國公徐輝祖率兵會諸將及靖難兵戰於齊眉山敗之召輝祖還○靖難諸將請還北平○諸將合兵及靖難兵大戰於靈璧敗績何福走陳瑄平安馬薄徐真禮部侍郎陳性善大理寺丞彭真明皆被執○五月成祖至泗州○盛庸次淮陰○成祖渡淮至盱眙庸走○諸將分屯鳳陽淮安○成祖至揚州守將崇剛監察御史王彬死之○成祖至儀真○詔天下勤王○遣刑部侍郎金純禮部侍郎黃觀翰林修撰王叔英徵兵入援○蘇州知府姚善寧波知府王璉率師勤王○遼東兵潰於直沽○刑部尚書侯泰轉餉淮安○六月癸丑朔成祖至浦口庸等逆戰都督俞瑄率舟師降燕○乙卯成祖渡江庸率海艘出高資港戰敗績○庚申成祖至龍潭遣李景隆蒞瑄王佐議割地罷兵○諸王分守京城諸門○魏國公徐輝祖開國公常昇分道出師禦戰○甲子遣人齎璽書四出促勤王兵○乙丑成祖至金川門谷王穗降成祖遂入京城○

大政記

卷之二

三八

建文四年

殺都督徐增壽○大內火○帝遜位○已巳成祖
謁孝陵遂卽皇帝位○贈徐增壽爲武陽侯禁錮
魏國公徐輝祖○壬申葬建文皇帝○遷興宗孝
康皇帝主於陵仍稱懿文皇帝子遜呂太后於懿
文陵○秋七月壬午朔大祀天地於南郊○大赦
○降封允璽允熾允熒爲廣澤懷恩敷惠王○都
督李增枝節制荆襄瞿塘安陸兵備○陳瑛爲副
都御史○工部尚書嚴震直等巡視河北諸省○
八月歷城侯盛庸安戢山東都督劉貞鎮守遼東
征虜前將軍都督何福鎮守陝西都督韓觀練兵
失政記 卷之一 三 三百八十八
江西西平侯沐晟鎮守雲南○張統募卒王銳致
仕蹇義夏原吉爲吏戶部尚書宋禮禮部右侍郎
○初建內閣翰林待詔解縉爲侍講中書舍人黃
淮編修並直文淵閣○九月六封靖難功臣○詔
諭四夷君長○徙封谷王穗於長沙○廢廣澤王
懷恩王爲庶人○黃福爲工部尚書○胡廣爲侍
講楊榮修撰楊士奇編修金幼孜胡儼檢討並直
文淵閣○冬十月寧王權來朝改封南昌○重修
太祖高皇帝實錄○僧道衍爲左善世○十一月
新作奉天殿成○解縉爲侍讀學士胡靖黃淮胡

儼並侍讀楊榮楊士奇金幼孜並侍講○立妃徐
氏爲皇后○北平左布政使郭資保定知府鍾會
爲戶刑部尚書仍掌司府事○陳瑛請追戮建文
諸臣不許○十二月李至剛爲禮部尚書○戒諭
靖難功臣

皇明大政記第一卷 子履準校孫心樹重校
失政記 卷之一 三 三百八十八

皇明大政記第二卷

吾學編第二

海鹽鄭曉

穆成祖文皇帝永樂元年春正月陳瑛爲左都御史○復封周齊代嶷王○以北平爲北京○二月設北京行部行後軍都督府郭資爲行部尚書平安行都督僉事○貽書鬼力亦可汗○皇子高煦率兵備開平○武定侯郭英卒○三月從北平行都司於保定以大寧界兀良哈○夏四月戶部尚書夏原吉治水江南○襄城伯李濬鎮守江西○太白出鼎北○禁金錢交易○五月號謚皇

大政記

卷之二

大政記

卷之二

二

三月十八日

考妣太祖聖神文武欽明啓運俊德成功純天大孝高皇帝孝慈昭憲至仁文德承天順聖高皇后○六月太祖高皇帝實錄成○秋七月書諭鬼力亦可汗○八月平江伯陳瑄總督海運○九月求賢才○歷城侯盛庸暴卒○冬十月靖安侯王忠安集北平○長興侯耿炳文暴卒○金忠爲兵部尚書○十一月定武職新舊官襲替法○閏十一月封黎蒼爲安南國王李芳遠爲朝鮮國王○十二月從富民實北京

永樂二年春正月召世子及高煦還京○二月

貽書鬼力亦可汗○三月改封敷惠王允熾爲寧王奉懿文皇太子祀○通政趙居任使日本令十年一貢○夏四月簡東宮官蹇義兼詹事解縉翰林學士兼右春坊大學士黃淮胡廣左右庶子胡儼楊榮左右諭德楊士奇左中允○立世子高基爲皇太子封皇子高煦漢王高燾趙王○倭寇浙東○五月○六月封哈齊安克帖木兒爲忠順王○太子少師姚廣孝賑濟蘇湖○秋七月○八月老撾送安南故王孫陳天平來朝○九月胡儼爲國子祭酒○冬十月○十一月錄囚奉天殿○

設天津衛○鬼力赤馬哈木相讐殺遣人貢馬○十二月禁錮李景隆○是年周新爲監察御史○永樂三年春正月免順天永平保定田租二年○二月改黃福爲北平行部尚書宋禮工部尚書○三月安克帖木兒卒脫脫嗣封忠順王○保定侯孟善市馬開原○夏四月僉都御史俞士吉使日本封其酋爲日本國王○五月戒飭親王○六月黎蒼表請陳天平歸國○賑江東饑民○秋七月段民爲戶部右侍郎○八月戶部尚書郁新卒夏原吉還掌部事○九月李至剛落職改鄭賜爲

禮部尚書呂震爲刑部尚書○冬十月駙馬都尉梅殷暴卒○十一月○十二月左右副將軍黃中呂毅帥師送天平歸國

丙永樂四年春正月考察北京及天下文武官○南陽盜起豐城侯李彬新城侯張輔討平之○封黎蒼爲順化郡公○二月趙王高燾居守北京○三月謁先師視太學○書諭鬼力亦可汗○黎蒼弑其故主天平於芹站○夏四月求遺書○五月廢齊王榑爲庶人尋安置廬州○六月己未朔日食○秋七月征夷大將軍成國公朱能左右副將大政記
宋之二
軍西平侯沐晟新城侯張輔參贊軍務兵部尚書劉傳督理軍餉行部尚書黃福大理卿陳洽率師分道討黎蒼○朱濬爲行部尚書○閏七月建北京宮殿○平江伯陳瑄兼江淮河衛轉運○八月勅秦晉守將宋晟何福吳高練兵防胡○九月設陝西甘肅苑馬寺○冬十月輔兵度坡壘關晟兵至白鶴江○征夷大將軍總兵官成國公朱能卒於龍川輔爲征夷大將軍○陳瑄擊倭於沙門島敗之○十一月○十二月大赦○甌寧王允標暴卒○輔至交州晟追賊至木九江

丁永樂五年春正月輔晟合兵破賊籌江柵○二月解縉爲廣西右叅議○三月輔晟合兵破賊於富良江○夏四月皇長孫出閣就學○五月輔兵追賊出奇羅海口擒黎蒼及其父李聲檻送京師○六月安南平置交趾都布按三司都督呂毅掌都司事尚書黃福兼掌布按司事○徵用交趾人材○秋七月年肅總兵官西寧侯宋晟卒○乙卯皇后徐氏崩○八月議設海運都漕運使司○九月李聲蒼及其僞將相下獄○冬十月辛巳朔日食○初設屯田按察僉事○十一月胡廣爲翰林

學士兼左春坊大學士黃淮右春坊大學士楊榮右庶子楊士奇金幼孜左右諭德兼職如故○令內閣儒臣考滿吏部勿改外任○十二月戶科都給事中胡濙訪求異人○是年擢馬兒罕同哈里遣人送給事中傅安郭驥還
大政記
宋之二
成永樂六年春正月○二月定巡狩禮○三月書諭本雅失里○夏四月己卯朔日食○五月○六月征夷諸將班師還京進封沐晟監國公張輔英國公封柳升安遠伯○禮部尚書鄭賜三以三寶禮部尚書都御史劉觀爲刑部尚書○楊榮去

○秋七月征西將軍宣慰使懷德鎮守寧夏○翰林學士王景彰卒○八月交趾簡定反征夷將軍沐晟率賀軍務兵部尚書劉儁帥師討之○詔明年二月巡北京○九月○冬十月乙亥朔日食○十一月浮泥國王麻那惹加那乃奉朝卒○勅武大巨輔導皇長孫○十二月晨兵過賊於生厥江取績都督呂蒙尚書劉儁交趾參政劉昱死之○英國公張輔總兵清遠侯王友剛之帥師討簡定○瓦剌攻破鬼力赤阿魯台立本雅失里爲一汗

大政記 卷之二 五 三

配永樂七年春正月太監鄭和航海通西南夷○楊榮起復○二月帝祭京師皇太后監國○茹瑺下錦衣獄卒○平安暴卒○三月帝至北京○夏四月遣給事中郭驥諭本雅失里驥不屈死之○閏四月方賓爲兵部尚書○五月作壽陵於昌平○簡定稱上皇立陳季擴爲起皇帝○封瓦剌兀哈木爲順寧王太平賢義王把禿孛羅安祿王○六月遣御史考察守令○秋七月征虜大將軍洪國公丘福左右副將軍武城侯王聰同安侯火真左右叅將靖安侯王忠安平侯李達率師征本雅

失里○楊榮經畫甘肅軍務○八月征虜兵至於臚胸河五將皆敗歿○輔敗賊於鹹子關○九月輔敗賊於太平海口○甘肅總兵都督何福撫定亦集乃諸酋封福爲寧遠侯○冬十月封陳懋爲寧陽侯○十一月輔兵至美良獲簡定檻送京師季擴走○十二月

大政記 卷之二 六 三
陳旭副之討季擴○簡定伏誅○二月帝帥師征本雅失里皇長孫留北京夏原吉兼理行在部院事○胡儼兼侍講掌翰林院事○三月大閱於鳴鑾成○永昌韃官叛總兵都督費瓛參贊軍務刑部尚書劉觀討平之○夏四月○五月帝追虜至幹難河擊敗之本雅失里遁遂班師○六月阿魯台詐降逆戰敗走帝追擊大敗之○秋七月帝至北京○八月寧遠侯何福暴卒○長沙妖賊反豐城侯李彬討平之○九月周王請祀太祖於國中不許○冬十月帝發北京○贖民鬻子○十一月帝還京○十二月李擴請降以爲交趾右布政使

尋復反
永樂九年春正月征虜副將軍輔及征夷將軍

大政記

卷之二

十一

晨會兵討交趾○二月赦交趾○尚書宋禮都督周長浚會通河○設奴兒干都司置開原馬市○三月陳瑛有罪下獄死○浚中濛河○夏四月○五月倭寇浙東○六月楊榮起復○遠交趾參議解縉下錦衣獄○鄭和襲執錫蘭山國王亞烈苦柰兒○周宗範謝垣伏誅○秋七月輔晟兵敗賊於月常江○八月○九月○冬十月重修太祖高皇帝實錄○哈密忠順王脫脫卒封免力帖木兒為忠義王○卒封字羅帖木兒為忠順王○十一月立皇長孫瞻某為皇太孫○輔率舟師破賊於海上○十二月○閏十二月令百官條上軍民利病○令薦舉堪任牧民風憲者○阿魯台納款請併屬女直吐番諸部不許○是年滿刺加國王拜里迷蘇刺來朝

壬辰永樂十年春正月禁差守令○倭寇浙東○二月勅戒武臣○三月選庶吉士法司理刑○夏四月○五月○六月○秋七月赦亞烈苦柰兒歸國○八月輔兵破賊於神投海口○九月瓦剌馬哈木攻破本雅失里立答里巴為可汗○冬十月皇太孫漢武方山○輔兵破賊西心江○十一月楊

大政記

卷之二

八

親勇 辛丑

京師

榮經畧甘肅軍務老的罕來降○十二月○是年殺浙江按察使周新○降安定王尚炆為庶人安置泗州

癸亥永樂十一年春正月辛巳朔日食免朝賀○二月帝巡狩北京皇太孫從行皇太子監國○三月田琛田宗鼎伏誅設貴州布政司工部侍郎蔣廷瓚為左布政使○夏四月○五月○六月○秋七月封阿魯台為和寧王○八月吏部員外郎陳誠使西域○九月○冬十月○十一月瓦剌三酋來○十二月輔晨會兵敗賊于愛子江擒李擴檻送

甲午永樂十二年春正月丙子朔日食免朝賀○二月安遠侯柳升將中軍寧陽侯陳懋襄城伯李隆豐城侯李彬送安伯陳瑛武義伯王通保定侯梁瑛都督譚清新寧侯譚忠領左右哨掖討瓦剌○三月帝發北京皇太孫從行○夏四月五軍出塞○五月閱武楊林戍○六月丙寅朔日食○前鋒都督劉江破虜於康哈里○帝至土刺河答里巴及其三酋逆戰大敗之遂班師阿魯台遣人來朝○秋七月帝駐宣府○八月帝還北京○陳李擴

伏誅○九月令支運轉漕○閏九月逮黃淮楊士奇楊溥下錦衣獄尋釋士奇○冬十月吳高有罪免爲庶人○十一月甲午朔日食○命廣榮幼孜纂修五經四書性理大全○十二月

紀永樂十三年春正月解縉暴卒○二月○三月禮官請賀大巖山呼萬歲不許○夏四月征夷將軍英國公張輔鎮守交趾○兵部尚書兼詹事金忠卒○五月陳瑄開清江浦罷海運令轉運○六月○秋七月誅貪殘守令○八月○九月壽陵成進封武義伯王通爲成山侯○五經四書性理大全書成○冬十月吏部員外郎陳誠上使西域記李太○十一月麻祿國進麒麟帝不受賀○十二月定牧馬法

大政記

卷之十

九

三百六十六

丙永樂十四年春正月○二月○三月改封趙王於彰德漢王於青州○夏四月紀綱伏誅○祠祭郎中周訥請封禪泰山不許○胡廣爲文淵閣大學士楊榮金幼孜翰林學士○五月壬辰朔日食○六月襄城伯李隆守備南京○秋七月遣將練兵海上防倭○八月作北京西宮○九月初令御史巡鹽○冬十月帝還南京○十一月復議建北

京○召張輔還京豐城侯李彬鎮守交趾○十二月故吳王允燾卒○胡濙爲禮部右侍郎○是年監察御史黃宗載巡按交趾

丁永樂十五年春正月倭寇浙東○二月廢谷王穗爲庶人○楊士奇爲翰林學士○三月漢王高煦改封之國樂安○帝巡北京皇太子監國○夏四月丁巳朔日食○五月倭寇浙東○山東旱蝗○閏五月遣文武大臣分道經理漕運○六月建北京郊廟宮殿○秋七月冊皇太孫妃胡氏○馬哈木死封其子脫歡爲順寧王○八月○九月大政記 卷之二 三百六十九

大政記

卷之二

一

三百六十九

惠王卒無子國除
戊永樂十六年春正月安南黎利反總兵李彬遣兵討之利敗走○禮官請賀玄兔不許○二月○三月太子少師姚廣孝卒○初令民運○夏四月○五月太祖高皇帝實錄成○大學士胡廣卒○六月纂修天下郡縣志○秋七月日本首源義達使朝貢謝罪○八月○九月○冬十月○十一月

力把力歪思弑其主納里失只罕而自立○十二
月申嚴賊禁

妃永樂十七年春正月○二月○三月寒義起復
○夏四月○五月○六月遼東總兵都督劉江大
破倭奴於望海埭封江爲廣寧伯○秋七月○八
月○九月○冬十月○十一月○十二月令慎選
守令

子永樂十八年春正月楊榮金幼孜並爲文淵閣
大學士兼翰林學士○閏正月○二月山東妖婦
唐賽兒反安遠侯柳升率兵討之○三月山東都

指揮衛青擊破妖賊唐賽兒遁連升下詔獄尋有
之○夏四月廣寧伯劉江卒○五月交趾叅政侯
保馮貴禦賊死之○大索唐賽兒○六月○秋七

月○八月丁巳朔日食○九月己巳北京宮殿成
恭信爲工部右侍郎○冬十月○十一月改京師
爲南京稱行在所爲京師○十二月皇太子太孫
至京師○封薛祿爲陽武侯

辛永樂十九年春正月甲子朔帝御奉天殿受朝
賀戊寅大赦○改楊士奇爲左春坊大學士○二
月虜寇寧夏○三月○夏四月庚子奉天華蓋謹

三殿災肆赦禁謗詆遣尚書寒義等巡行天下
安撫軍民監察御史何忠爲政平知州○五月李

彬屯田交趾○六月○秋七月段民爲山東左叅
政○八月辛巳朔日食○九月○冬十月阿魯台

叛數寇邊○赦黎利爲清化知府○十一月議北
征逮戶部尚書夏原吉工部尚書吳中繫掖庭獄
兵部尚書方賓暴卒○十二月李慶爲兵部尚書

壬永樂二十年春正月○未朔日食○二月議北
征餽餉○三月阿魯台攻興和殺守將丁丑帝發
京師討之○夏四月倭寇浙東○五月駐獨石大

大敗記 卷之二
閏○六月虜攻萬全○秋七月阿魯台北走旋師
討兀良哈大破之○工部尚書宋禮卒○八月班

師○九月帝還京逮大學士楊士奇尚書寒義呂
震下錦衣獄尋釋之○冬十月○十一月○十二
月○閏十二月阿魯台弑其主本雅失理自稱可
汗
癸永樂二十一年春正月○二月○三月○夏四
月瓦剌脫歡攻阿魯台敗之○五月常山護衛指
揮王瑜告變孟賢伏誅○六月庚戌朔日食○秋
七月安遠侯柳升遂安伯陳瑛將中軍武安侯鄭

章成國公朱勇英國公張輔成山侯王通將左右軍寧陽侯陳懋將前鋒從征阿魯台○八月大閱遂發京師○九月○冬十月虜酋也先土干降封爲忠勇王遂班師○十一月帝還京○十二月○是年李時勉復爲翰林侍讀

甲辰永樂二十二年春正月建朝親官下錦衣獄尋釋之○阿魯台寇大同○二月○三月大閱安遠侯柳升將中軍英國公張輔成山侯王通武安侯鄭亨陽武侯薛祿將左右軍寧陽侯陳懋忠勇王金忠將前鋒從征阿魯台○夏四月帝發京師○

大政記

卷之二

三十八

五月閭浙盜起尋撫定之○六月帝出塞不見虜遂班師○秋七月辛卯帝崩於榆木川○八月丁巳皇太子卽皇帝位○大赦○出夏原吉吳中於獄復其官○復設三公三孤○加蹇義少保楊榮太常卿金幼孜戶部右侍郎楊士奇禮部左侍郎兼華蓋殿大學士○出黃淮楊溥於獄准爲通政使兼武英殿大學士溥翰林學士○罷通西南海夷○九月謚號大行皇帝太宗體天弘道高明廣運聖武神功純仁至孝文皇帝仁孝皇后仁孝慈懿誠明莊獻配天齊聖文皇后○尚書黃福還京

兵部尚書陳洽兼掌交趾布按司事○加蹇義少傅楊士奇少保楊榮太子少傅兼謹身殿大學士金幼孜太子少保兼武英殿大學士○襄城伯李隆總兵鎮守山海尋復守備南京○冬十月何瑋爲右都御史兼詹事○令三法司會內閣府部司科於承天門審錄重囚○選東宮官安遠侯柳升太子少傅成山侯王通陽武侯薛祿並太子少保禮戶兵部尚書呂震夏原吉李慶太子少師少傅少保戶部尚書郭資兼太子賓客刑部尚書吳工部尚書黃福並兼詹事曾祭王英左右春坊大學士黃宗載詹事府丞○立妃張氏爲皇后○立皇太孫瞻基爲皇太子○嚴舉主連坐法○封都督李資爲忠勤伯○十一月宥建文諸臣家族○交趾黎利反○改楊時習爲交趾按察使○遣御史分巡考察官吏○進蹇義楊士奇夏原吉少師少傅少保左都御史劉觀太子少保改吳中工部尚書兼太子少保金純刑部尚書○郭資進太子太師致仕○虜寇雲州陽武侯薛祿擊敗之○葬長陵○封張昺爲彭城伯○征西前將軍武安侯鄭亨鎮守大同○十二月加楊榮工部尚書○作

大政記

卷之二

四

三十八

觀天臺於禁中○徙封韓恭王於平涼○是年師
達爲南京戶部尚書兼掌吏部事

皇明大政記第二卷

子履準校

孫心材重校

大政記

卷之二

五

五八

皇明大政記第三卷

吾學編第三

臣海鹽鄭曉

仁宗昭皇帝洪熙元年春正月加楊士奇兵部尚書黃淮少保戶部尚書金幼孜禮部尚書○楊溥直弘文閣○大祀天地於南郊奉太祖成祖配○大赦○布政使周幹按察使胡榮泰政葉春巡視江東浙西八郡○二月祭酒兼侍講胡儼加太子賓客致仕○除誹謗之禁○楊溥爲太常卿兼翰林學士○復北京行部行後軍都督府○胡濙爲太子賓客兼南京國子祭酒○三月權謹爲文太敎記
卷之三
華殿大學士○征夷副將軍榮昌伯陳智率師討黎利○吳訥爲監察御史○徙岷王梗於武岡○夏四月南京屢地震○皇太子謁皇陵祖陵孝陵○獨水旱蝗田租○定太廟侑享功臣○五月修成祖文皇帝實錄○改李時勉羅汝敬爲監察御史○庚辰帝不豫召皇太子辛巳帝崩於欽安殿○六月辛丑皇太子還至良鄉宮中始祭喪○庚戌皇太子卽皇帝位大赦○南京地震○秋七月尊皇后張氏爲皇太后○號謚大行皇帝○仁宗敬天體道純誠至德弘文欽武章聖達孝昭皇帝○

皇明大政記第三卷 子履準校 孫心材重校

太政記

卷之三

二

立妃胡氏爲皇后○行在兵部侍郎戴綸副陳洽贊理軍務○閏七月修仁宗昭皇帝實錄○胡濙爲禮部左侍郎兼太子賓客○八月胡榮爲大理卿及四川叅政葉春巡撫江南浙江○九月葬獻陵○令會試分南北取士○冬十月丙寅朔日食○十一月鎮朔大將軍陽武侯薛祿巡開平宣大○平江伯陳瑄鎮守淮安兼都督漕運○十二月南京地震○瓦剌馬哈木立脫脫不花爲可汗

皇明大政記第四卷

吾學編第四

海鹽鄭曉

丙寅宣宗章皇帝宣德元年春正月金幼孜憂去尋起復○二月○三月陳智方政兵討黎利敗績於茶籠○張瑄爲禮部左侍郎兼華蓋殿大學士入直文淵閣○夏四月呂震卒胡濙爲行在禮部尚書○征夷將軍成山侯王通帥師征交趾尚書院洽仍參贊軍務安平伯李安掌交趾都司事削平智方政官爵○五月召薛祿還京○沈度爲行在翰林學士○六月○秋七月北京地震○八月壬戌漢王高煦反辛未帝發北京裏王鄭王居守陽

大政記

卷之四

二

宣德元年

武侯薛祿清平伯吳成將前鋒及五軍列侯諸將從討之辛巳帝至樂安壬午擒高煦乙酉班師○九月帝還北京○遣駙馬廣平侯袁容左都御史劉觀諭趙王高燧○繫高煦於逍遙城王斌朱恒伏誅○冬十月復以李時勉爲行在翰林侍讀○十一月通擊交趾賊敗績尚書陳洽死之○十二月征虜副將軍安遠侯柳升左副總兵保定伯梁銘征南將軍黔國公沐晟左右副總兵興安伯徐亨新寧伯譚忠率師分道討黎利兵部尚書李慶

參贊軍務工部尚書兼詹事黃福仍掌交趾布按司事○張本爲兵部尚書○是年以太和山佃戶陳祚爲監察御史○于謙爲監察御史

丁宣德二年春正月○二月趙王高燧上書謝罪○行在戶部左侍郎陳山爲尚書兼謹身殿大學士直文淵閣○進張瑄禮部尚書○黎利攻交趾城王通擊敗之○南京地震○王驥爲兵部侍郎○三月改轉運爲支運○大理卿虞謙卒○夏四月廢晉王濟熿爲廢人安置鳳陽○通許利和貢方物請立陳氏後○五月鎮朔大將軍陽武侯薛祿護衛開平○簡用罷黜庶官○六月寧陽侯陳懋復鎮守寧夏○秋七月利陷隘留關連鎮達侯顧興祖下獄征蠻將軍都督山雲鎮守廣西○八月大學士黃淮致仕○九月升至隘留關遇賊死梁銘李震卒崔聚兵潰○冬十月通與利盟退師○復李時勉翰林侍讀○十一月行在禮工部左右侍郎李琦羅汝敬諭安南立陳暲爲王諸將班師○皇長子生大赦○十二月張善伏誅○是年南京戶部尚書兼掌吏部事師達卒○差科道

大政記

卷之四

二

宣德二年

官清軍

成宣德三年春正月書諭阿魯台○二月立皇長子祁某爲皇太子大赦○通兵退次南寧○段民爲南京戶部侍郎尋改南京刑部○三月皇后胡氏遜居別宮立貴妃孫氏爲皇后○夏四月黃福爲行在工部尚書○廣西總兵山雲討平蠻寇○魏驥爲試行在吏部侍郎○閏四月王通梁瑛陳智李安方政戈謙山壽馬騏下詔徵籍其家蔡福朱廣伏誅張贈安南死事文武諸臣○五月琦汝敬還利表陳嵩卒乞守國侯命○汝敬復諭利訪陳氏後○六月行在工部尚書吳中下獄尋釋之

大政記

卷之百

三

陳元吉七十八

○刑部尚書金純致仕○秋七月顧佐爲行在右都御史○八月皇子祁鈺生○革北京行部行後軍都督府○丁未帝東巡英國公張輔陽武侯薛祿帥師以從○九月帝出喜峰口擊兀良哈大破之遂班師○癸酉帝還京○冬十月陽武侯薛祿遂安伯陳瑛武進伯朱冕鎮守薊州永平山海○塞義夏原吉輟部事○十一月城獨石遂棄開平○十二月福建樓濂反伏誅○是年勅南京刑部侍郎段民考察京官

配宣德四年春正月兩京地震○二月羅汝敬還

利貢方物○三月遣李琦諭利○夏四月郭璉爲吏部尚書○工部尚書黃福平江伯陳瑄經略漕運○寧王權上書謝罪○五月初設鈔關○寧王權請灌城田不許○六月郭資學行在戶部事○列侯諸將轉餉開平○秋七月辛文淵閣○行在戶部上戶口登耗之數○劉觀有罪徙遼東○八月楊溥憂去尋起復直弘文閣○九月山雲討平柳澤賊○冬十月庚辰幸文淵閣戊子幸文淵閣○改張瑛爲南京禮部尚書陳山專授小内使○甲午帝閱武近郊戊戌還京○十一月礮藏府

大政記

卷之百

四

陳元吉八十五

○宣德五年春正月兩朝實錄成○少保戶部尚書夏原吉卒○二月鎮朔大將軍陽武侯薛祿副總兵恭順侯吳克忠左右叅將武進伯朱冕奉化伯滕定率師巡邊○已未帝調長陵獻陵○三月已酉帝還京○黎利篡陳嵩而自立琦還利表請封○熊桀爲南京右都御史葉春行在刑部右侍郎改江南民運爲兌運○夏四月加楊榮少傳○尚書黃福總理淮北河南山東屯田○五月况鍾何文淵爲蘇州温州知府○令追奪賊官誥勅○

六月南京副都御史吳訥致仕○置萬全都指揮司○秋七月太保陽武侯薛祿卒○禮官請賀龍駒瑞麥嘉禾皆不許○八月己巳朔日食○九月初設巡撫于謙周忱爲行在兵工部右侍郎謙巡撫河南山西忱巡撫江南直隸○嚴璉伏誅○乙卯帝巡近郊已未還京○冬十月丙子帝巡近郊戊寅度居庸關已卯獵岔道壬辰還京○丙申夜逢星見○十一月山雲討平慶遠蠻○十二月浙江巡撫侍郎成均築捍海堤○閏十二月

辛亥宣德六年春正月張本卒○二月巡按江西

大政記 卷之四 五

史陳祚下錦衣獄○趙儼伏誅○三月○夏四月有星孛於東井○五月溧陽妖人伏誅○四川總兵陳懷移鎮松藩○六月遣行在禮部右侍郎章敵諭黎利權署安南國事○秋七月帝幸楊士奇第○八月○九月癸亥犯南斗○冬十月丙午帝巡近郊庚戌還京○十一月唐受伏誅○十二月表琦伏誅○大學士金幼孜卒

壬宣德七年春正月朔日食○少詹事兼翰林學士曾榮卒○二月行在工部右侍郎羅汝敬總督陝西屯餉河渠事○三月○夏四月募商輸粟塞

下○五月○六月○秋七月○八月行在戶部尚書黃福掌南京戶部事○今在京三品上官舉有才行文學者○九月山雲爲都督同知仍鎮守廣西○冬十月○十一月○十二月修祖陵孝陵○癸宣德八年春正月○二月○三月賜曹鼐等進士及第出身有差○山東旱饑○夏四月○五月四川盜起副都御史賈諒討平之○六月平蠻將軍都督方政副總兵蔣貴鎮守松藩○秋七月初置武驤騰驤四衛○八月癸亥犯南斗○黃福掌掌南京兵部事○閏八月彗出天倉○九月○冬

大政記 卷之四 六

十月平江伯陳瑄卒○十一月左副總兵右軍都督僉事王瑜督理漕運鎮守淮安○十二月郭資卒○修南京宮殿○是年日本國王源道義卒遣使弔祭

甲宣德九年春正月○二月妖僧李臯謀反伏誅○南京刑部右侍郎段民卒○三月戊寅百官朝皇太子於文華殿○王驥爲行在兵部尚書○夏四月琦還黎利死利子麟遣人告喪○五月使祭黎利○六月震大祀壇門○秋七月○八月楊溥進工部尚書仍兼學士○瓦剌脫歡攻殺阿魯台

其子阿卜只僉來歸以爲中府左都督○僉都御史凌晏如卒○九月張瑄仍直文淵閣尋卒○癸未帝巡邊乙酉度居庸關丙戌集會道辛卯駐宣府已亥大獵○冬十月丙午帝還京○侍郎章敞諭黎澌權署安南國事○陳敬宗爲南京國子祭酒○翰林學士沈度卒○十一月○十二月甲子帝不豫衛王瞻埈攝享太廟

○宣德十年春正月癸酉朔帝不豫百官朝皇太子於文華殿○甲戌帝崩於乾清宮壬午皇太子卽皇帝位○少師吏部尚書蹇義卒○號謚大行

皇帝

卷之四

七

宣德十年

皇帝憲天體道英明神聖欽文昭武寬仁純孝章皇帝○尊皇太后張氏爲太皇太后皇后孫氏爲皇太后○封皇弟祁鈺爲郕王○釋御史陳祚囚復其官○楊溥仍直文淵閣○二月○三月○夏四月○五月王驥爲行在兵部尚書○六月葬景陵○加黃福少保叅贊機務○秋七月○八月平羌將軍寧陽侯陳懋鎮守甘肅○九月修宣宗章皇帝實錄○虜阿台朵兒只伯寇甘涼○陳鑑爲右副都御史鎮守陝西兼督延寧邊備○徐晞爲行在兵部右侍郎巡撫甘肅○太監王振掌司禮

監事○黃宗載爲南京吏部尚書○冬十月羅亨信爲僉都御史練兵平涼○十一月○十二月○皇明大政記第四卷

子履華校

孫心材重校

皇明大政記第五卷

吾學編第五

海鹽鄭曉

丙辰英宗睿皇帝正統元年春正月御經筵○二月
俞都御史王翱鎮守江西○三月行在兵部左侍郎
柴車參贊陝西軍務○鄭瑄爲行在兵部左侍郎
○夏四月河北旱蝗○五月設提學憲臣薛瑄
爲山東提學僉事○六月陳智爲行在右副都御史
○閏六月○秋七月徙封憲王於襄陽淮靖
王於饒州○八月○九月張瑄卒○冬十月脫
朵兒只伯相讐殺○十一月○十二月尚書王

大政記

卷之五

一

三十九

三

巡視陝西諸塞

丁正統二年春正月○二月宋儒胡安國蔡沉真
德秀從祀孔子廟庭○三月○夏四月○五月行
在左都御史顧佐致仕○六月行在僉都御史魯
穆卒○秋七月○八月○九月虜入甘肅塞尚書
王驥總督陝西軍務禦之○何文淵爲行在刑部
右侍郎○令三品上京官薦堪任方面郡守者○
冬十月○十一月○十二月

戊午正統三年春正月○二月○三月○夏四月宣
宗章皇帝實錄成進楊士奇楊榮少師楊溥少保

武英殿大學士王直王英並禮部左侍郎李時勉
錢習禮爲翰林學士○王驥遣兵敗虜于塞外阿
台朵兒只伯走死○五月江北大水○六月○秋
七月○八月○九月○冬十月王驥還京兼大理
卿掌部事柴車爲兵部尚書仍贊理陝西軍務○
封都督蔣貴定西伯任壽寧遠伯趙安會昌伯○
雲南麓川宣慰思任叛○十一月陳敬宗爲南
京國子祭酒○十二月

己未正統四年春正月麓川思任發叛遣主事楊寧
諭之不聽○二月大學士楊士奇展墓尋還朝○
大政記

卷之五

二

三十八

三

閏二月○三月遼湖廣巡按御史陳祚下錦衣衛
尋釋之○夏四月倭寇浙東○五月黔國公晟率
兵討麓川都督方政力戰死之晟暴卒子斌嗣黔
國公鎮守雲南○六月京師大水求直言修廢政
令戶部侍郎吳璽順天府尹姜濤賑卹軍民○僉
都御史王翱巡撫四川參贊軍務○秋七月○八
月丙子朔日食○九月○冬十月廢遼王貴烺爲
庶人○十一月遣渾天瑋張玉衡簡儀○十二月

庚申正統五年春正月甲辰朔日食○參贊機務少

保南京戶部尚書黃福卒○襄城伯李隆提督京營豐城侯李彬守備南京○二月行在翰林侍讀學士馬愉侍講曹鶴並直文淵閣○大學士楊榮展墓○三月○夏四月立存積常股贖法○五月倭寇浙東○六月○秋七月少師工部尚書兼謹身殿大學士楊榮卒○八月○九月封張昇為惠安伯○冬十月儀銘楊者為邸府左右長史○十一月○十二月○是年令進士舉人監生吏員官聽諸司保舉

辛正統六年春正月己亥朔日食○征夷將軍定西侯蔣貴監督軍務太監吉祥提督軍務兵部尚書王驥及侯璉楊寧帥師討思任發○二月僉都御史王翱鎮守陝西○大學士楊溥展墓尋還朝

○三月○夏四月○五月○六月陳智免王文為右都御史○秋七月丙申朔日食○八月○九月○冬十月奉天華蓋護身殿成大赦○十一月定都北京○右副都御史吳訥致仕○王驥進攻麓川思任發走緬甸遂旋師○閏十一月李時勉宣國子祭酒○十二月普花可汗及也先遣人貢馬

壬正統七年春正月○二月○三月賜劉儼等進士及第出身有差○封蔣貴定西侯王驥靖遠伯侯璉楊寧為禮刑部右侍郎贈諡方政成遠忠毅伯○僉都御史王翱提督遼東軍務○夏四月○五月○六月庚寅朔日食○少師工部尚書吳中卒○秋七月吏部尚書郭璉罷○倭寇浙東○八月僉都御史曾穆巡視江南○九月置太倉庫○冬十月太皇太后張氏崩○復以定西侯蔣貴為總兵官靖遠伯王驥兼兵部尚書提督軍務討思任發任發復走緬甸遂旋師○十一月○十二月

大赦記 宋之五 四

○是年蘇州知府况鍾卒○襄王瞻墻來朝○癸正統八年春正月王直為吏部尚書王英禮部左侍郎馬昂刑部右侍郎調吏部侍郎魏驥於禮部○二月○三月○夏四月震奉天殿求直言○大理少卿薛瑄下獄論死○封元儒吳澄為臨川郡公從祀孔子廟庭○立皇后錢氏○瓦剌順寧王脫歡死○右都御史陳鑑掌院事左都御史王文巡撫陝西○五月王翱為副都御史仍提督軍務○畿內旱蝗○六月甲申朔日食○翰林侍讀劉球下錦衣獄暴卒○秋七月國子祭酒李時勉

荷校尋釋之○八月致仕太子賓客國子祭酒兼翰林侍講胡儼卒○九月倭寇浙東按察僉事陶成整飭海道○冬十月徙封鄭靖王於懷慶○十一月壬子朔日食○故后靜慈仙師胡氏卒○十二月

甲正統九年春正月新建太學成帝幸學謁先師○進曹翰翰林學士○二月○三月少師兵部尚書兼華蓋殿大學士楊士奇卒○夏四月翰林學士陳循直文淵閣○早遣官請雨岳鎮海濱○五月刑部侍郎楊寧叅贊雲南軍務○六月○秋七月元良哈入寇成國公朱勇率諸將分道出塞擊之○閏七月浙西大水○八月○九月○冬十月丙午朔日食○十一月○十二月

宋元

五一

三

乙正統十年春正月○二月○三月賜商輅等進士及第出身有差○夏四月壬子朔日食○五月○六月○秋七月○八月○九月○冬十月進曹翰吏部左侍郎陳循馬愉戶禮部右侍郎侍講學士苗衷高穀爲兵工部右侍郎並兼侍講讀學士直文淵閣○錢習禮爲禮部右侍郎○十一月○十二月右都御史王文鎮守陝西○是年刑部侍

郎薛希璉巡撫保定淮安十二郡

丙正統十一年春正月○二月○三月降于謙爲大理少卿仍巡撫○夏四月癸亥朔日食○倭寇浙西○五月○六月○秋七月少師禮部尚書兼武英殿大學士楊溥卒○八月作晷影堂○吏部尚書王直侍郎趙新曹義舉光祿寺事戶部侍郎秦亨下獄禮部侍郎錢習禮署吏部事○九月鄭瑩爲兵部尚書○冬十月閏武近郊○十一月京營總兵襄城伯李隆帥師巡邊○十二月○是年召楊寧還侍郎侯璉叅贊雲南軍務

卷之五

六

丁正統十三年春正月○二月國子祭酒李時勉致仕蕭鑑爲國子祭酒○于謙爲兵部右侍郎○三月○夏四月○閏四月○五月王翱爲右都御史仍提督遼東軍務○六月禮部右侍郎錢習禮致仕○秋七月河決張秋潰沙灣入海尋決榮澤入淮工部尚書石瓌治之○八月朔日食○九月禮部侍郎兼侍講學士馬愉卒○冬十月浙東葉宗留反僉都御史張楷討之○十一月○十二月襄城伯李隆卒

戊辰正統十三年春正月○二月

朔日食○三

月賜彭時等進士及第出身有差○夏四月福建
鄭茂七反總兵都督劉聚副總兵陳榮監督軍務
僉都御史張楷率師討之○侍郎薛希逵巡撫福
建提督軍務○五月○六月侍郎楊寧巡撫江西
○秋七月總兵都督徐恭提督軍務工部尚書石
琚率師討葉宗留○八月魏驥王英爲南京吏禮
部尚書○九月侍郎孫原貞都御史軒輅鎮守巡
撫浙江○冬十月雲南思機叛總督軍務靖遠
伯王驥總兵都督官聚副總兵張凱田禮帥師討
之○宣府總兵楊洪破虜阿台於塞下封昌平伯

冠大同○貴州苗反總督軍務兵部侍郎侯選副
總兵都督方瑛率兵討之○周忱爲戶部尚書仍
巡撫尋致仕○福建降賊羅汝先黃琴爲縣丞主
簿○三月韓雍爲僉都御史巡撫江西○夏四月
平蠻將軍靖遠伯王驥擒苗蠻富檻送京師伏誅
尋召驥還○五月侍讀學士張益直文淵閣○湖
廣苗反總督軍務右都御史王來平蠻將軍保定
伯梁瑤率兵討之○徐恭進兵討賊敗績三司官
沈璘耿定王晟皆歿○六月丙辰南京謹身奉天
華蓋三殿災○大學士致仕黃淮卒○令三品以
上京朝官及風憲官薦舉賢才○張楷撫平浙賊
班師○秋七月癸亥入南斗○虜也先大舉入寇
丙戌帝發京師征胡郅王居守英國公張輔成國
公朱勇及列侯諸將率師以從○帝至宣府○八
月駙馬都尉井源西寧侯宋瑛武進伯朱冕遇虜
敗歿辛酉帝至土木壬戌主帥敗績車駕遂北狩
張輔戶兵部尚書王佐鄭塾學士曹鼐張益等皆
歿○己巳皇太后命鄭王攝政立皇長子爲皇太
子鄭王輔之○族誅王振○于謙爲兵部尚書○
宣府總兵楊洪大同叅將石亨逮繫錦衣獄○虜

侵大同守將郭登禦敵之○已巳帝出塞○黃
泰及攻廣川副總兵王清戰歿○金瀛爲戶部尚
書○九月帝在迤北○癸未郕王即皇帝位遙尊
帝爲太上皇帝大赦○進陳循高穀戶工部尚書
侍講商輅修撰彭時並直文淵閣○羅通孫祥爲
副都御史分守居庸紫荆○薛瑄爲大理寺丞○
冬十月上皇在迤北○也先使來議和遂入寇京
師戒嚴都督王通鴻臚卿楊善守京城列侯諸將
湯洪石亨樞濬統兵孫鏗衛穎范廣張軌分兵戰
守給事中王敦業盛程信監軍○虜破紫荆關孫
祥走死遂薄都城于護石亨率師出德勝門禦却
之○禮部侍郎王復鴻臚卿趙榮使虜朝上皇於
土城○虜焚長陵獻陵景陵○也先出居庸伯顏
帖木兒奉上皇出紫荆諸將分兵躡虜○石彪破
虜於清風店○都御史沈固鎮守大同○尚書石
璞鎮守宣府○都御史羅通都督范廣守山西○
都督王通守天壽山○僉都御史王竑守居庸
城昌平○都御史鄒來學提督京東軍務○平江
侯陳豫守臨清○何文淵爲吏部尚書○周忱工
部尚書仍巡撫○總督軍務兵部侍郎侯璉副總

此葉北大配補

兵都督方瑛討貴州苗○練綱爲監察御史○十
一月上皇在迤北○京師解嚴封楊洪昌平侯石
亨武清侯加千謫少保總督軍務○寧陽侯陳懋
尚書金濂討平福建羣盜○總兵都督董興贊理
軍務兵部侍郎孟鑑討蕭蕭養○僉都御史楊信
民巡撫廣東○虜寇遼東都御史鄧禦却之○十
二月上皇在迤北○虜寇甘州都御史馬昂禦却
之○尊皇太后孫氏爲上聖皇太后母吳氏爲皇
太后立妃汪氏爲皇后○是年二至夏書冬夜心
六十一刻○討賊都御史張楷下獄放歸田○
都御史耿九疇清理兩淮鹽法○初令戶部

皇明大政記第五卷終

子爵侯正

此葉北大配補

皇明大政記第六卷

吾學編第六

海鹽鄭曉

庚恭仁康定景皇帝景泰元年春正月上皇在迤北○彗星見○彭時憂去○副都御史軒輶鎮守浙江兼理鹽課○大同守將郭登敗虜於柵柵山○閏正月上皇在迤北○京師烈風晝晦○鎮朔大將軍石亨都督范廣率兵出大同宣府尋召還○二月上皇在迤北○進苗衷兵部尚書兼翰林學士○封大同守將郭登定襄伯○贈劉球翰林學士○三月上皇在迤北○虜分道入寇○兵部右侍郎俞綱直文淵閣尋出理部事○孫原貞爲兵部右侍郎參贊浙江總兵都督李信軍務○夏四月上皇在迤北○虜入鴈門○宣府參將楊俊擒喜寧檻送京師伏誅○廣東巡撫俞都御史楊信民卒○董興破賊獲黃蕭養誅之封與海寧伯○吏部侍郎何文淵請罷貴州布政司不許○大同參將許貴請使虜議和不許○國子祭酒致仕李時勉卒○五月上皇在迤北○虜攻代州○浙江按察副使陶成禦賊戰死○立圍營○南京禮部尚書王英卒○城固原○六月上皇至大同○

京師戒嚴○禮部左侍郎李實大理少卿羅綺使虜○秋七月上皇在迤北○普化可汗使來議和○實綺偕也先使把禿來議和○右都御史楊善侍郎趙榮使虜○把禿還書諭也先○兀良哈寇山西鎮守山西副都御史羅通都督王良游擊將軍石彪鎮守鴈門副都御史朱鑑大同總兵定襄伯郭登參謀軍事左都御史沈固參將許貴禦之○八月善榮至虜營見上皇○癸酉上皇發迤北○千戶龔道榮下錦衣獄尋釋之○丙戌上皇還京師遜居南宮○大赦○苗衷致仕○刑部右侍郎江淵兼翰林學士直文淵閣○侯璉爲兵部尚書尋卒○石亨楊洪率師分道出紫荆居庸巡哨大同宣府○九月上皇在南宮○改江淵戶部右侍郎進商輅翰林學士○冬十月上皇在南宮○王驥爲南京兵部尚書總督機務○十一月上皇在南宮○副都御史羅通協贊京營軍務○封宣府總兵都督朱謙爲撫寧伯○南京吏部尚書魏驥南京國子祭酒陳敬宗致仕○沐璘爲都督同知征南將軍總兵鎮守雲南○十二月上皇在南宮○禮部尚書胡濙請明年正旦百官朝上皇於

延安門不許○荆憲王請朝上皇不許○是年陳
鑑王天下獄尋釋之○僉都御史王茲總督漕運
○革提學憲臣

辛景泰二年春正月上皇在南宮○二月上皇在

南宮○大理寺丞薛瑄致仕○三月上皇在南宮

○都御史王來擒苗酋韋同烈香爐山平○夏四

月上皇在南宮○五月上皇在南宮○江淵巡視

淮徐諸郡○六月 朔日食上皇在南宮○四

川巡撫李匡破草塘賊○秋七月上皇在南宮○

尚書石璞兼大理卿總督軍務轉餉獨石○王來

兵討貴州賊○薛瑄爲南京大理卿○八月上皇

在南宮○陳文爲雲南右布政使○九月上皇在

南宮○冬十月上皇在南宮○浙閩盜平孫原貞

爲兵部尚書鎮守浙江福建○巡撫江南工部尚

書周忱致仕○李賢爲兵部右侍郎○十二月上

皇在南宮○劉璉任寧罷昌平侯楊洪總兵鎮守

宣府僉都御史李秉總督邊儲參贊宣府軍務○

十二月上皇在南宮○加陳循少保進文淵閣大

學士高穀少保東閣大學士禮部左侍郎王一寧

劉珪等蕭鑑並兼翰林學士直文淵閣○禮部

尚書胡濙請令百官朝賀上皇萬壽節於延安門
不許○是年王茲兼巡撫江北○改禮部尚書楊
寧爲南京刑部尚書

壬景泰三年春正月上皇在南宮○刑部侍郎耿

九疇鎮守陝西○河決沙灣堤王文行視河道○

二月上皇在南宮○也先攻敗普化可汗來獻捷

○進江淵吏部左侍郎蕭鑑戶部右侍郎○左都

御史王翱掌院事○三月上皇在南宮○彭時復

爲翰林侍讀○虜寇廣寧○有星孛於畢○夏四

月上皇在南宮○都督孫安鎮守獨石葉盛爲山

西右叅政協贊軍務程信爲山東叅政督餉遼東

○增東官官胡濙王宣爲太子太師陳循高穀于

謙太子太傅王文何文淵太子太保江淵王一寧

蕭鑑太子少師商輅兵部左侍郎兼左春坊大學

士○遼東提督軍務都御史寇深巡撫都御史李

純總兵都督曹義上戰守方略○五月上皇在南

宮甲午廢皇太子見其爲沂王立皇子見濟爲皇

太子廢皇后汪氏立妃杭氏爲皇后大赦○黃琬

爲都督○巡撫廣西刑部侍郎李棠致仕○侍郎

李賢姚夔等巡行天下考察庶官○六月上皇在

南宮○岷莊王乞徙封不許○秋七月上皇在南宮○廣東西守將董興武毅罷副總兵翁信陳旺鎮守廣東西○左都御史王翱總督兩廣軍務○四川巡撫僉都御史李匡罷提督松潘兵部侍郎羅綺總兵都督徐海整飭四川邊務○王一寧卒○殺御用監左少監阮浪○八月上皇在南宮○夔惑書見○九月上皇在南宮○南京兵部尚書王驥致仕○閏九月上皇在南宮○立團營○冬十月上皇在南宮○太子太保左都御史王文爲吏部尚書兼翰林學士直文淵閣○征南總督都御史朱朔日食上皇在南宮○癸未客星見興鬼○十二月上皇在南宮○是年僉都御史李秉提督宣府軍務兼巡撫王竑兼巡撫江北○清理鹽法○申勅薦舉

星晝見○六月上皇在南宮○何文淵致仕○秋七月上皇在南宮○也先弒其主普化自稱大元田盛大可汗○八月上皇在南宮○也先使來索報使不許○召大同總兵定襄伯郭登還朝○九月上皇在南宮○王文起復○貽書瓦剌可汗也先○薛瑄爲大理卿○太子太保左都御史陳鏐致仕○蕭維楨羅通爲左右都御史○冬十月上皇在南宮○徐有貞爲右僉都御史治張秋決河○副都御史馬昂總督兩廣軍務兼理巡撫○十一月上皇在南宮○皇太子卒○虜寇遼東○十二月上皇在南宮○无刺諸酋並遣人貢馬○是年王竑爲副都御史仍督漕巡撫理鹽

甲景泰五年春正月上皇在南宮○遣平江侯陳豫學士江淵撫安山東河南尋召還○求直言○二月上皇在南宮○三月上皇在南宮○夏四月朔日食上皇在南宮○築浙西捍海塘○五月上皇在南宮○禮部郎中章綸監察御史鍾同下錦衣獄黃沙四塞○齊庶人賢嬖谷庶人賦歛移置南京○六月上皇在南宮○加王文少保東閣大學士○秋七月上皇在南宮○修天下地理

志○太子太保兼兵部尚書儀銘卒○八月上皇在南宮○九月上皇在南宮○冬十月上皇在南宮○十一月上皇在南宮○十二月上皇在南宮○是年李賢爲吏部右侍郎○王恕爲揚州知府○請福建巡按御史練綱爲邠州判官卒

乙景泰六年春正月上皇在南宮○石璞爲兵部尚書協理部事江淵爲工部尚書掌部事○兩廣總督馬昂破龍水瑤以昂爲左都御史○二月上皇在南宮○三月上皇在南宮○夏四月

日食上皇在南宮○五月上皇在南宮○閏五月

上皇在南宮○六月上皇在南宮○朱熹裔孫梃

爲翰林世五經博士○秋七月上皇在南宮○八

月上皇在南宮○杖南京大理少卿廖莊郎中章

綸御史鍾同於闕庭同卒綸繫獄莊謫定羌驛丞

○九月上皇在南宮○冬十月上皇在南宮○十

一月上皇在南宮○十二月上皇在南宮

丙景泰七年春正月上皇在南宮○二月上皇在

南宮○誠意伯劉基裔孫祿爲翰林世五經博士

○三月上皇在南宮○夏四月上皇在南宮○沙

灣堤成○五月上皇在南宮○寰宇通志成○進

陳循華蓋殿大學士兼文淵閣大學士高穀王文
並謹身殿大學士兼東閣大學士穀進少保蕭鑑
戶部尚書商輅兼太常卿倪謙呂原左右春坊大
學士○周敦順裔孫冕爲翰林世五經博士○六
月上皇在南宮○秋七月上皇在南宮○八月上
皇在南宮○徐有貞爲副都御史○覆試順天中
式舉人○九月上皇在南宮○湖南苗叛兵部尚
書石璞討之○冬十月上皇在南宮○十一月上
皇在南宮○十二月上皇在南宮○是年削寧府
護衛○福建僉事致仕陳祚卒

丁景泰八年春正月帝不豫丙子百官請立東宮

不許

皇明大政記第六卷

子履準校

皇明大政記第七卷

吾學編第七

海鹽鄭曉

丁英宗睿皇帝天順元年春正月壬午復卽皇帝位大赦○王文及少保兼太子太傅兵部尚書于謙下錦衣衛獄○徐有貞兼翰林學士直文淵閣進兵部尚書○陳循蕭鎡高輅俞士悅江淵下錦衣獄○許彬薛瑄爲禮部左右侍郎兼翰林學士直文淵閣○李賓爲大理卿○錄奪門功封石亨爲忠國公張軫太平侯張軫文安侯楊善與濟伯表彬錦衣指揮僉事○丁亥殺王文及少保兼太子

都御史蕭維禎調南京左都御史耿九疇爲右都

御史○軒輅爲刑部尚書○李賢兼翰林學士直

文淵閣○盧忠高平徐正伏誅○遠巡撫大同副

都御史年富下錦衣獄尋致仕○罷督鎮巡撫○

漕運副都御史王竑除各安置江夏○山東饑○

三月開薊州運河○夏四月己巳復立元子見基

爲皇太子○封徐有貞爲武功伯兼華蓋殿大學

士掌文淵閣事○政耿裕爲翰林檢討○襄憲王

來朝○五月進許彬薛瑄禮部左侍郎○六月遠

御史張鵬楊瑄右都御史耿九疇大學士徐有貞

學士李賢下錦衣獄○禮部左侍郎兼翰林學士

薛瑄致仕○京師大風雷雨雹○降徐有貞李賢

爲廣東福建叅政耿九疇江西右布政使瑄鵬謫

戍鐵嶺○通政叅議兼侍講呂原左贊善兼修撰

岳正並直文淵閣○程信爲太僕卿○秋七月承

天門災○復逮徐有貞下錦衣獄除名安置金齒

○刑部尚書軒輅致仕○李賢仍直文淵閣進吏

部尚書○改許彬爲南京禮部左侍郎尋降陝西

叅政○降岳正爲欽州同知尋謫戍○釋建庶人

居鳳陽○八月都督僉事郭登謫戍河西○九月

章綸爲禮部右侍郎歲莊大理左少卿林聰僉

守湖廣○贈御史鍾同大理寺丞少監阮浪太監

太常少卿兼侍讀彭時仍直文淵閣○林鶴爲鎮江知府○太常少卿兼侍讀學士掌院事劉儼卒○冬十月遣行人曹隆聘江西處士吳與弼○十一月陳汝言下錦衣獄死○也先爲其下所殺○十二月進彭時呂原兼翰林學士

成天順二年春正月尊皇太后孫氏爲聖烈慈壽皇太后○馬昂爲兵部尚書○二月朔日食

○虜李來寇陝西總兵安遠侯柳溥禦之敗績○閏二月○三月陳文爲詹事○夏四月復設督鎮

巡撫○僉都御史程信巡撫遼東○僉都御史葉盛提督軍務巡撫兩廣○五月吳與弼辭左諭德

遣使送還鄉○布衣陳真晟詣闕上書不報○六月雲南總兵沐璘卒沐璘爲都督同知征南將軍

鎮守雲南○秋七月宣城伯衛穎鎮守甘肅○南京刑部尚書薛希璉卒耿九疇爲南京刑部尚書

○八月纂大明一統志○九月副都御史林聰捕江淮羣盜○冬十月帝獵南苑○十一月李來毛

里孩阿羅忽冠延寧其涼○十二月○是年左都御史羅通致仕

肥天順三年春正月○二月建州酋董山叛降朝

鮮○陸瑜爲刑部尚書○定遠侯石彪有罪下獄

○禁文武大臣科道錦衣衛官往來交通○三月

○夏四月○五月致仕南京國子祭酒陳敬宗卒

○六月○秋七月○八月○九月石亨奉朝請諡

吏部侍郎孫弘爲大理通判姚夔爲吏部侍郎○

冬十月李來寇宣府○十一月南內離宮成○十

二月○是年令三法司霜降後會官錄囚○項忠

爲陝西按察使

庚辰天順四年春正月致仕工部尚書兼謹身殿大

學士東閣大學士高穀卒○賈銓爲副都御史巡

撫山東○年富爲戶部尚書○二月致仕尚書學

士苗衷卒○殺石彪逮石亨下錦衣獄死○三月

軒輓爲左都御史總督南京糧儲○夏四月○五

月靖逮伯王驥卒○六月○秋七月乙亥朔日食

○八月李來寇大同總兵官高陽伯李文禦之敗

績○南京刑部尚書耿九疇卒蕭維禎爲南京刑

部尚書○九月寧夏總兵都督張太破虜於東壩

○冬十月帝閱列侯諸將於西苑○僉都御史韓

雍巡撫大同○十一月○閏十一月崔恭爲吏部

右侍郎○掌欽天監事禮部侍郎湯序有罪下獄

○十二月○是年襄王來朝○王恕爲江西右布政使○王越爲山東按察使

天順五年春正月廖莊爲南京禮部右侍郎○

二月○三月○夏四月程信爲刑部侍郎○南雄

知府劉實卒○五月江南北大水○六月李來冠

河西總兵仇廉敗績總兵懷寧伯孫鏜總督軍務

兵部尚書馬昂帥師禦之○秋七月太監吉祥及

昭武伯曹欽反殺恭順侯吳瑾左都御史寇深伯

鏜尚書昂率兵討平之吉祥欽伏誅○河決開封

○八月進鏜懷寧侯加昂及王翱李賢並太子太

保贈謚吳瑾梁國忠壯公○兵部侍郎白圭副都

御史王竑出河西分道督兵禦虜尋班師竑仍督

漕巡撫李賓爲右都御史○宣城伯衛穎破西番

于涼州○九月朔日食○冬十月○十一月

○十二月征夷將軍總兵官都督顏彪巡撫都御

史葉盛討平兩廣諸蠻

天順六年春正月虜酋共立脫思爲可汗○二

月復設提學憲臣黃潤玉爲廣西提學食事○三

月罷陝西屯兵○調林鶚知蘇州府○夏四月○

五月○六月國子祭酒劉益下錦衣獄○秋七月

○八月通政參議兼翰林學士呂原憂去○九月

聖烈慈壽皇太后孫氏崩○吏部尚書王直卒○

項忠爲副都御史巡撫陝西○冬十月○十一月

通政參議兼翰林學士呂原卒○毛里孩阿羅出

李羅出入河套○十二月

天順七年春正月○二月陳文爲禮部右侍郎

兼翰林學士直文淵閣○禮部貢院火○姚夔爲

禮部尚書尹旻吏部右侍郎○孔公恂司馬恂爲

少詹事○空中有聲如雷○三月○夏四月○五

月巳丑朔日食○六月○秋七月尊謚靜慈仙師

胡氏爲恭讓章皇后○寧陽侯陳懋卒○閏七月

○八月禮部尚書致仕胡濙卒○錦衣指揮袁彬

下獄尋釋之○韓雍爲兵部右侍郎副都御史王

越巡撫大同○九月兩廣盜起總兵官太寧侯陳

涇副總兵都督歐信都御史葉盛討平之○冬十

月浚涇陽鄭白故渠○十一月○十二月○是年

王榮爲大理卿○馬文升爲福建按察使

天順八年春正月庚午帝崩於乾清宮罷殉葬

○乙亥皇太子卽皇帝位○尊皇后錢氏爲慈懿

皇太后貴妃周氏皇太后○韓雍降浙江叅政○

二月號謚大行皇帝英宗法天立道仁明誠敬昭
文憲武至德廣裕皇帝○葬裕陵○門達有罪
謫戍表彬復掌錦衣衛事○加李賢少保兼華蓋
殿大學士陳文彭時吏部左右侍郎○三月復岳
正翰林修撰楊瑄張鵬監察御史○西番寇甘肅
○柯潛爲翰林學士○夏四月○五月戶部尚書
年富卒馬昂爲戶部尚書王竑爲兵部尚書○復
郭登定襄伯總兵○守甘肅尋提調團營○六月
禮部侍郎兼翰林學士致仕薛瑄卒○秋七月立
皇后吳氏○八月修英宗廢皇帝實錄○孫鑑奉
朝請○九月廢皇后吳氏○令審囚勿會內閣○
冬十月立皇后王氏○僉都御史葉盛巡撫宣府
○革奪門功○十一月高明爲南京僉都御史○
十二月平羌將軍定西侯蔣琬鎮守甘肅○是年
虜阿羅出結札加思蘭字羅出結毛里孩數寇宣
大延寧

皇明大政記第七卷

子履準校

孫心材重校

皇明大政記第八卷

吾學編第八

臣海鹽鄭曉

配憲宗純皇帝成化元年春正月○二月彗星見

○郎襄盜起王恕爲副都御史撫治南陽討平之

○兩廣蠻叛征夷將軍都督趙輔贊理軍務僉都

御史韓雍率兵討之○三月加吏部尚書王翱太

子太保○進陳文禮部尚書○幸太學釋奠先師

○夏四月張寧岳正爲汀州興化知府○副都御

史楊瑋巡撫荆襄○荆襄流民劉千斤反○五月

兵部尚書王竑致仕王復爲兵部尚書尋改工部

尚書記

白圭爲兵部尚書○六月韓雍會諸將於南京○

秋七月程信爲兵部侍郎○八月沐琮嗣封黔國

公鎮守雲南○九月虜寇榆林寧遠伯任壽都御

史項忠禦却之○冬十月進彭時兵部尚書○十

二月承天門成○十二月韓雍駐高振嶺督諸將

進兵破大藤峽賊平○是年馬文升爲南京大理

卿○按察副使毛吉禦賊戰死

成化二年春正月令三品以上京官薦舉堪任

布按二司官者○韓雍班師○二月李賢憂去○

遣行人祭故少保兵部尚書于謙○三月賜羅倫

等進士及第出身有差○封趙輔武靖伯韓雍左

副都御史督軍巡撫○置武靖州○閏三月○夏

四月倭寇浙東○五月降羅倫爲福建市舶副提

舉○李賢起復○平虜將軍撫寧伯朱永提督軍

務兵部尚書白圭及湖廣總兵都督李震帥師討

荆襄賊平之千斤伏誅進封永侯封震興寧伯加

圭太子少保○六月江淮旱饑副都御史林聰賑

卹之○秋七月副都御史滕昭總督漕運巡撫江

北○八月征虜前將軍宣城伯衛顥鎮守遼東○

邢讓爲國子祭酒○九月建州酋董山叛寇遼東

冬十月毛里孩寇陝西都御史項忠彰武伯楊

信禦却之○十一月○十二月少保吏部尚書兼

華蓋殿大學士李賢卒○太常少卿兼侍讀學士

劉定之直文淵閣○是年追封董仲舒廣川伯胡

安國建寧伯蔡沉崇安伯直德秀浦城伯○上杭

賊起僉都御史高明討平之尋致仕

成化三年春正月○二月丁酉朔日食既○三

月召商輅復兵部左侍郎兼翰林學士仍直文淵

閣○山都寧蠻叛總兵襄城伯李瑾提督軍務兵

部尚書程信率兵討平之信兼大理卿○夏四月

復團營太子少保兵部尚書白圭提督操練○五月監察御史戴珊提學南畿○六月震午門罷南京守備叅贊官○羅倫爲南京翰林修撰○秋七月太子太保吏部尚書王翱致仕尋卒○虜寇榆林孤山叅將湯胤勳力戰死之○八月英宗皇帝實錄成加陳文彭時太子少保文淵閣大學士劉定之工部右侍郎兼翰林學士○周洪謨爲南京國子祭酒○九月葉盛爲禮部右侍郎○虜破開城縣知縣于達教死之徙縣於固原○冬十月東總兵官武靖伯趙輔提督軍務左都御史李秉

朱之八

三

京

失教記
師師討董山誅之秉掌院事○副總兵都督韓斌防守遼東○十一月翰林編修章懋黃仲昭檢討莊昶杖闕下調外任○李秉爲吏部尚書○十二月刑部郎中彭韶下錦衣衛獄尋釋之○是年虜加恩蘭寇大同平胡將軍撫寧侯朱永帥師禦却之○李孜省爲上林監丞尋陞右通政○林聰爲右都御史○僉都御史高明清理鹽法
子成化四年春正月○二月壬辰朔日食○虜犯加恩蘭殺阿羅出立滿營都爲可汗○三月○夏四月陳文辛○因原滿日反諸將會兵討之敗績

速寧遠伯任壽廣義伯吳琮都御史陳介下錦衣獄○五月京師大旱○六月慈懿皇太后錢氏崩○秋七月有星孛于台斗○八月京師地震○總兵都督同知劉玉總督軍務副都御史項忠帥師討滿四○九月馬文升爲右副都御史巡撫陝西○左副都御史王恕巡撫河南○考察京官○冬十月進彭時商輅吏兵部尚書劉定之禮部左侍郎馬昂罷薛遠爲戶部尚書○伏羌伯毛玉攻滿四力戰死○十一月項忠馬文升督兵進攻石城擒滿四檻送京師伏誅進忠右都御史文升左副

大政記

朱之八

四

陳

都御史○十二月朔日食○虜寇榆林○是年陳俊爲戶部右侍郎
子成化五年春正月任壽吳琮陳介謫戍劉清馮傑伏誅○吏部尚書李秉致仕崔恭爲吏部尚書葉盛爲吏部右侍郎○二月設固原衛○閏二月興化知府岳正致仕○三月○夏四月○五月尹旻葉盛爲吏部左右侍郎○禮部左侍郎萬安兼翰林學士直文淵閣○六月癸丑朔日食○河決開封○史部尚書崔恭調南京姚夔爲吏部尚書○秋七月○八月侍郎兼學士劉定之卒○九月

東河南○五月進商輅萬安戶禮部尚書○南京
吏部侍郎范理卒○六月延綏徙鎮榆林○秋七
月南京參贊機務尚書程信致仕○八月左都御
史王越率兵捕虜於河套尋還掌院事○九月土
魯番據哈密高陽伯李文通政劉文討之不克○
冬十月虜寇廣寧○帝閱列侯諸將于西苑英國
公張懋堂中府事提督五軍營○十一月王恕為
南京戶部侍郎○十二月

甲午成化十年春正月○二月罷文運為政允○三

月吏部左侍郎葉盛卒○右都御史林聰掌南院

大政記

宋之八

三十一

三十一

事○夏四月朱英為副都御史巡撫甘肅○五月

○六月○閏六月○秋七月刑部尚書王榮卒項

忠為刑部尚書○八月定西侯蔣琬提督圍營○

周洪謨為國子祭酒○九月癸丑朔日食○冬十

月滿魯都冠宣大○太常少卿章軒掌欽天監事

○十一月虜寇平鞏○十二月程敏政李東陽為

翰林侍講○兩廣右都御史韓雍致仕○是年李

孜省為禮部侍郎掌通政司事

杞成化十一年春正月加彭時少保○二月○三

月少保兵部尚書兼文淵閣大學士彭時卒○賜

謝遷等進士及第出身有差○夏四月進商輅文
淵閣大學士萬安禮部尚書史禮部左侍郎劉珏
劉吉兼翰林學士直文淵閣○五月文武大臣見
皇子於文華門○皇妃紀氏徙居永壽宮○六月
皇妃紀氏薨謚贈為恭恪莊僖淑妃○秋七月○
八月○九月丁未朔日食○冬十月○十一月立
皇長子祐某為皇太子封皇仲子祐某為興王○
十二月尊謚邸戾王為恭仁康定景皇帝○是年
白圭卒項忠為兵部尚書

兩成化十二年春正月王恕為副都御史巡撫雲

南○副都御史原傑經略鄖陽撫定流民設鄖陽

大政記

宋之八

八

三十一

府及湖廣行都司商州竹溪鄖西桐柏南召伊陽

山陽商南七縣巡按御史吳道宏提督鄖襄八郡

軍民事○凡加思蘭冠宣府○二月乙亥朔日食

○加商輅太子少保吏部尚書萬安戶部尚書○

三月副都御史朱英兼兩廣軍務兼理巡撫○

夏四月○五月○六月原傑為右都御史河南巡

撫李衍兼撫治荆襄傑尋為南京兵部尚書卒○

秋七月兵部右侍郎馬文升整飭遼東兵備尋還

京○京間有黑酋○妖人李子龍伏誅○八月○

九月○冬十月刑部右侍郎林鶴卒○十一月○十二月周洪謨爲禮部右侍郎仍掌監事○是年耿裕爲吏部右侍郎○副都御史余子俊巡撫陝西

丁酉成化十三年春正月增先師邊豆樂舞之數○

置西廠○山陰雨血○二月○閏二月○三月○

夏四月進商輅護身殿大學士葛安太子少保劉

珣劉吉戶禮部尚書○五月罷西廠○廣東左布

政使陳選卒○六月御史戴縉王億請復西廠兵

部尚書項忠除名余子俊爲兵部尚書加太子少

保吏部尚書謹身殿大學士商輅少保致仕進萬

安文淵閣大學士王越兵部尚書兼左都御史陳

鉞爲副都御史巡撫遼東○林聰爲刑部尚書○

京師雨錢○秋七月丘濬爲國子祭酒耿裕爲禮

部右侍郎○八月陳俊爲南京戶部尚書○九月

總督糧儲戶部尚書薛遠致仕○冬十月○十二

月○十二月○是年京官一考察○滿都魯亂加

思蘭相警殺道人貢馬駝

成化十四年春正月○二月○三月皇太子冠

○進萬安吏部尚書謹身殿大學士劉珣劉吉太

千少保文淵閣大學士○南京翰林修撰致仕羅倫卒○夏四月建州夷叛寇遼東○五月○六月○秋七月兵部侍郎馬文升撫定建州夷○浙江按察使楊瑄卒○八月王恕爲南院右都御史叅贊機務○九月○冬十月加萬安太子太保○十一月○十二月

丁酉成化十五年春正月○二月○三月吳道宏爲

大理少卿撫治郎裏諸郡尋改叅都御史○夏四

月畿省水旱○五月○六月陳鉞及汪直蔣琬林

聰體察遼東虜情逮兵部侍郎馬文升巡按御史

張珍下錦衣獄謫戍○巡撫江南副都御史牟傑

侍講學士江朝宗下獄謫戍調官○秋七月○八

月○九月南京兵部尚書兼大理卿致仕程信卒

○冬十月陳鉞請討建州夷總兵撫寧侯朱永監

督軍務太監汪直欽提督軍務率兵襲之○閏十

月薛遠爲南京兵部尚書叅贊機務○十一月滿

魯都可汗殺亂加思蘭○十二月建州虜寇遼東

○南京吏部尚書崔恭平

成化十六年春正月汪直監督團營進封朱永

保國公陳鉞戶部尚書王宗彝右僉都御史巡撫

保國公陳鉞戶部尚書王宗彝右僉都御史巡撫

遼東○二月滿魯都寇榆林○三月汪直朱永王越率兵出塞襲虜成寧海破之封越威寧伯掌院事○夏四月○五月○六月長樂平地山起○薛達致仕○秋七月占城請討安南不許○朝鮮請改貢道不許○逮巡撫陝西副都御史秦紱下獄尋釋之巡撫河南○八月丘濬爲禮部侍郎仍掌監事○九月○冬十月陳鉞爲兵部尚書○十一月○十二月○是年王恕爲兵部尚書兼副都御史巡撫江南總督糧儲

辛成化十七年春正月威寧伯王越率師出塞夏

秋敘記

卷之八

二

夏

禦虜却之○三月湖廣守將都督王信撫定諸蠻尋總督漕運○周洪謨爲禮部尚書徐溥左侍郎○三月○夏四月勅司禮太監懷恩三法司審錄囚徒○五月○六月何喬新爲副都御史巡撫山西○秋七月屠濟爲僉都御史○八月虜亦思馬因寇大同征西前將軍威寧伯王越鎮守大同尋掌中府事提督團營○九月○冬十月余子俊爲戶部尚書○十一月○十二月

壬成化十八年春正月劉吉憂去○虜亦思馬因寇大同戶部尚書余子俊總制軍務帥師禦之○

三月何喬新敗虜于灰溝○三月南京兵部尚書王恕兼副都御史巡撫江南○妖人王臣伏誅○罷西廠○夏四月○五月己巳朔日食○六月僉都御史秦紱巡撫宣府○秋七月劉吉起復○八月○閏八月僉都御史王濬撫治郎襄○九月滿魯都可汗死亦思馬因立把禿猛可爲可汗○冬十月○十一月汪直有罪罷奪王越威寧伯編管安陸兵部尚書陳鉞右都御史戴縉並除名○十二月進萬安太子太傅華蓋殿大學士劉珏劉吉太子太保謹身武英殿大學士

秋敘記

卷之八

三

夏

癸成化十九年春正月虜亦思馬因寇大同鎮朔將軍保國公朱永提督軍務刑部侍郎何喬新帥師禦之○給事中林榮行人黃乾亨使滿刺加卒於羊嶼○二月職方郎中劉大夏爲福建叅政○三月復項忠兵部尚書致仕○南京禮部侍郎章紱○夏四月降巡撫陝西副都御史鄭時爲貴州叅政○五月馬文升爲副都御史巡撫遼東○六月○秋七月○八月○九月陳獻章爲翰林檢討予告○冬十月大旱○十一月○十二月罷傳奉官

甲辰成化二十年春正月京師地震○二月○三月

○夏四月改陳俊爲南京戶部尚書王恕爲南京

兵部尚書參贊機務彭韶爲副都御史巡撫江南

總督糧儲○督撫兩廣右都御史朱英還掌院事

○五月京畿陝西河南山東西大旱○南京刑部

尚書致仕周琦卒○六月戴珊爲浙江按察使○

秋七月河北燕南諸省大饑分遣大臣賑卹之○

八月刑部員外郎林俊後府經歷張綱下獄謫官

○九月乙酉朔日食○侶鍾爲副都御史巡撫

定○冬十月虜寇宣府大同平朔將軍定西侯蔣

瑄總督軍務戶部尚書余子俊保國公朱永新寧

伯譚祐分道出師禦之侍郎李衍何喬新經理京

東西邊關○十一月封罕慎爲忠順王入哈密○

十二月張閔爲僉都御史○是年右都御史馬文

升總督漕運巡撫江北

乙巳成化二十一年春正月星隕有聲求直言工部

主事張吉中書舍人丁璣進士敖毓元並謫官○

林俊張繼復官南京○二月德王請業南旺湖不

許○三月泰山屢震○余子俊爲兵部尚書尋致

仕○夏四月○閏四月○五月○六月○秋七月

太子少保右都御史朱英卒○定西侯蔣琬卒○

八月○九月太子太保戶部尚書兼謹身殿大學

士劉珣致仕○僉都御史致仕高明卒○冬十月

○十一月○十二月進劉吉戶部尚書謹身殿大

學士彭華爲吏部左侍郎兼翰林學士直文淵閣

○侶鍾爲刑部右侍郎○是年都督同知王信總

兵提督漕運鎮守淮安

丙午成化二十二年春正月南京兵部尚書王恕落

太子少保致仕○二月丁酉朔日食○巡撫大同

左都御史余子俊落太子太保致仕○虜寇開原

大敗記

○三月○夏四月逮廣東左布政使陳選道卒○

五月尹龍除名焦芳謫官吏部尚書尹旻致仕○

降江西巡撫都御史閔珪爲廣西按察使○六月

○秋七月致仕少保吏部尚書謹身殿大學士商

輅卒○八月耿裕爲吏部尚書○九月尹直爲吏

部左侍郎兼翰林學士直文淵閣○冬十月耿裕

爲南京禮部尚書李裕爲吏部尚書徐濟倪岳爲

吏禮部左右侍郎○進萬安少傅兼太子太師劉

吉少保兼太子太傅彭華尹壺禮兵部尚書並太

子少保○淮北山東大饑○都御史賈俊鎮守臨

○十一月○十二月余子俊爲兵部尚書○武
端儉趙輔卒

丁未成化二十三年春正月○二月○三月李致省
爲工部尚書仍掌通政司事○彭華致仕○夏四
月尊皇太后周氏聖慈仁壽皇太后○五月京師
大旱○六月震南京午門○上杭盜起副都御史
王繼巡撫福建○南安知府張弼卒○秋七月進
萬安少師○八月戊子帝崩於乾清宮○九月壬
寅皇太子卽皇帝位○號謚大行皇帝憲宗繼天
凝道誠明仁教崇文肅武宏德至孝純皇帝○李

卷之八

主

三

審僧領古竹封誥印勅遣還四川光相寺○冬十
月尊皇太后周氏爲聖慈仁壽太皇太后皇后王
氏皇太后○立妃張氏爲皇后○萬安致仕吏部
左侍郎兼翰林學士徐溥直文淵閣○丙子有星
飛流亘天求直言○葬茂陵○建祫廟奉懿祖升
祔憲宗○召太監懷恩於鳳陽掌司禮監事○何
喬新爲南京刑部尚書楊守陳彭韶張悅爲吏刑
工部右侍郎○十一月尊諡母淑妃紀氏爲孝穆
皇太后祀奉慈殿○睿宗皇帝封興王○李裕致
仕召致仕南京兵部尚書王恕爲吏部尚書尋加

太子太保○改南京兵部尚書馬文升爲右都御
史耿裕爲南京兵部尚書參贊機務○十二月尹
直致仕進劉吉少傅太子太師吏部尚書徐溥禮
部尚書文淵閣大學士劉健爲禮部右侍郎兼翰
林學士直文淵閣○丘濬爲禮部尚書掌詹事府
事○虜寇并京蘭輦○李致省下錦衣獄死○是
年兵部尚書致仕王竑卒○保國公朱永提督團
營掌後府事○黃孔昭爲南京工部右侍郎○鄧
廷瓚爲南京左副都御史

皇明大政記第八卷

子履準校

卷之八

六

孫心材重校

皇明大政記第九卷

吾學編第九

海鹽鄭曉

成孝宗敬皇帝弘治元年春正月右都御史屠蒲

總督兩廣軍務兼巡撫○何喬新爲刑部尚書○

賀欽爲陝西叅議○閏正月修憲宗純皇帝實錄

○二月山東右布政使夏寅卒○太子少保南京

吏部尚書致仕陳俊卒○許進爲山東按察使○

三月○夏四月天壽山大風雨雹○五月○六月

癸巳朔日食○虜寇大同宣府○僧繼曉伏誅○

秋七月許進爲僉都御史巡撫大同○八月楊繼

大政記 卷之九 三十五

宗爲左僉都御史巡撫雲南○九月○冬十月禮

部尚書周洪謀致仕耿裕爲禮部尚書張悅禮部

侍郎○十一月把禿猛可汗死阿歹立伯顏猛

可爲可汗○十二月土魯番枝忠順王罕慎復據

哈密○是年陳壽爲南京大理寺丞尋改南京光

祿寺少卿

配弘治二年春正月○二月太子太保兵部尚書

余子俊卒馬文升爲兵部尚書○右都御史屠蒲

掌院事○秦紘爲右都御史總督兩廣軍務兼巡

撫○知州劉榮御史湯傳謫戍河西中書舍人吉

人削籍庶吉士鄒智兵部主事李文祥降邊任○

三月吏部侍郎楊守陳兼詹事府丞掌府事張悅

爲吏部侍郎○夏四月○五月河決汴城入淮復

決黃陵岡入海○六月京師大水錄囚徒求直言

○秋七月戴珊爲副都御史撫治鄖陽○八月周

經爲禮部侍郎○平蠻將軍鎮遠侯顧璉鎮守湖

廣○九月徽莊王乞升鈞州爲府不許○冬十月

吏部侍郎兼詹事府丞掌府事楊守陳卒○十一

月築高郵湖隄○十二月甲申朔日食

庚弘治三年春正月○二月封后父張巒爲壽寧

侯○三月築高郵康濟河隄○夏四月○五月○

六月伯顏猛可遣人貢馬○秋七月謝鐸爲南京

國子祭酒○八月侶鍾爲副都御史巡撫江南總

督糧儲○九月撤馬兒罕道南海貢獅却之○閏

九月副都御史王繼巡撫陝西○冬十月贈少保

兵部尚書于謙太傅謚肅愍有司祀之○十一月

有星孛於天津○十二月林幹爲國子祭酒○是

年副都御史張敷華巡撫山西○樊瑩爲平陽知

府

辛弘治四年春正月禁胡服胡語○刑部尚書何

看新致仕彭韶爲刑部尚書○兩廣總兵官安遠侯柳景總督軍務右都御史秦紘並下獄景奪爵紘致仕右都御史閔珪總督兩廣軍務兼巡撫○二月張敷華憂去○三月○夏四月南京國子祭酒謝鐸致仕○五月章懋爲南京國子祭酒○六月南京工部侍郎黃孔昭卒○秋七月虜遣人貢馬○八月憲宗純皇帝實錄成進劉吉少師華蓋殿大學士徐溥太子太傅戶部尚書武英殿大學士劉健禮部尚書文淵閣大學士加丘濬太子太保○九月皇長子厚某生○周經爲吏部右侍郎

大政記

卷之九

三

三十八年

○土魯番以哈密來歸○冬十月丘濬兼文淵閣大學士直文淵閣○十一月睿宗獻皇帝徙封於安陸○十二月錦衣衛都指揮朱驥卒○封皇太后兄王源爲瑞安伯弟王清崇善伯王濬安仁伯○是年白昂爲左都御史戴瑄刑部右侍郎

壬弘治五年春正月○二月封陝巴爲忠順王入哈密○三月立皇長子厚某爲皇太子大赦○錄常遇春李文忠鄧愈湯和裔孫爲南京錦衣衛指揮使劉基裔孫處州衛指揮使○夏四月提督軍務副都御史鄧廷瓚總兵鎮遠侯顧溥帥師討貴

州蠻○五月○六月改黃紱爲南京左都御史秦紘爲南京戶部尚書○秋七月河決張秋○八月劉吉致仕○九月○冬十月虜遣人貢馬○十一月○十二月○是年廢荆王見滿爲庶人徙置武昌○樊瑩爲河南按察使尋爲應天府尹

癸弘治六年春正月○二月○三月劉大夏爲右副都御史治河○衢州孔彥繩爲世翰林五經博士○夏四月○五月侶鍾爲戶部右侍郎總督京師○閏五月張敷華復巡撫山西○六月太子太保吏部尚書王恕致仕耿裕爲吏部尚書加太子

大政記

卷之九

四

三十八年

太保倪岳禮部尚書○秋七月南京左都御史黃紱致仕張悅爲南京左都御史○參贊軍務南京兵部尚書張瑩卒○刑部尚書彭韶致仕○八月白昂爲刑部尚書周經吳寬吏部左右侍郎○九月○冬十月土魯番侵哈密陝巴兵部侍郎張海都督緡謙經略哈密○十一月○十二月

甲弘治七年春正月○睿宗獻皇帝之國安陸○二月河復決張秋○貴州蠻平加顧溥歲祿鄧廷瓚右都御史掌南院事尋總督軍務兼巡撫○三月己卯朔日食○海謙還下錦衣獄黜之○夏四

月閉嘉峪關絕西域貢○五月宣府山西河南晝
星隕○六月○秋七月許進爲副都御史巡撫甘
肅○八月加徐溥少傳吏部尚書謹身殿大學士
丘濬少保戶部尚書劉健太子太保並兼武英殿
大學士○虜寇陝西○九月○冬十月○十一月
○十二月○是年復王越左都御史致仕

乙弘治八年春正月○二月少保兼太子太保戶
部尚書武英殿大學士丘濬卒禮部侍郎兼侍講
學士李東陽少詹事兼侍講學士謝遷並直文淵
閣○張秋隄成劉大夏爲戶部右侍郎○占城請
入貢記

卷之九

五

陳南三十八年

討安南不許○土魯番酋稱可汗侵哈密數寇掠
屬夷○太子太保吏部尚書耿裕卒○三月乙酉
朔日食○賜朱希周等進士及第出身有差○夏
四月張敷華改陝西巡撫○五月東南諸省大疫
○六月上杭盜復起○秋七月西北諸省大旱○
八月 朔日食○副都御史金澤總制江廣湖
福軍務撫捕荆襄群盜○九月○冬十月進謝遷
詹事○南京地震○十一月陝西貴州地震○甘
肅巡撫許進總兵劉寧副總兵彭清帥師出嘉峪
關入哈密土魯番遁遂班師進爲左副都御史罕

左都督清都督僉事○十二月○是年張悅爲南
京吏部尚書尋改兵部參贊機務○樊瑩爲南京
工部右侍郎

丙弘治九年春正月追封楊時爲將樂伯從祀孔
子廟庭○二月屠瀟爲吏部尚書○三月土魯番
復據哈密○閏三月右都御史鄧廷瓚總督兩廣
軍務兼巡撫○夏四月侶鍾爲吏部右侍郎○改
倪岳南京吏部尚書○五月○六月○秋七月副
都御史許進巡撫陝西○八月○九月戴珊爲南
京刑部尚書○黔國公沐琮卒沐崑嗣黔國公鎮
天政記

卷之九

六

陳南三十九年

守雲南○冬十月尹直上賀萬壽聖節表及太子
承華箴却之○十一月張敷華爲刑部侍郎○十
二月○是年王鴻儒爲山西提學僉事
丁弘治十年春正月周經爲戶部尚書○二月○
三月帝御文華殿召輔臣議政事○纂大明會典
○夏四月湖廣左布政使兼廣東按察副使撫治
兩廣陶魯卒○五月京師風霾各省天鳴地震求
直言○六月○秋七月○八月帝御平臺召輔臣
議政事○土魯番請歸陝巴於哈密○九月○冬
十月○十一月父節寇大同宣府兵部侍郎許進

提督軍務戶部侍郎劉大夏轉餉禦虜○太子太保左都御史王越總制寧夏甘涼軍務經略哈密○十二月虜寇耳京○加王越少保兼太子太傅○是年虜遣人貢馬○許進爲戶部侍郎

成弘治十一年春正月宣城伯衛穎卒○二月進徐溥少師兼太子太師華蓋殿大學士劉從少傅兼太子太傅戶部尚書謹身殿大學士李東陽謝遷並太子少保禮兵部尚書文淵閣大學士加太子太保兵部尚書馬文升少傅兼太子太傅太子太保吏部尚書屠滸太子太傅太子少保刑部

大政記

卷之九

七

陳元三十八

尚書白昂太子太保戶禮工部尚書周經徐瓊徐貫左都御史閔珪並太子少保○三月皇太子出閣講學○程敏政爲禮部侍郎兼翰林學士掌詹事府事○夏四月○五月○六月○秋七月少師兼太子太師吏部尚書華蓋殿大學士徐溥致仕○八月復封陝巴爲哈密忠順王○九月○冬十月清寧宮災求直言○李廣死○十一月南京戶部尚書秦紘致仕○閏十一月○十二月陝西總制軍務少保兼太子太傅左都御史王越卒

紀弘治十二年春正月忠順王陝巴還哈密○二

月○三月○夏四月華昶程敏政下錦衣獄祀諫官敏政致仕○五月張敷華爲右都御史總督漕運巡撫江北○六月闕里先師廟災○致仕禮部侍郎兼翰林學士程敏政卒禮部侍郎兼翰林學士傅瀚掌詹事府事○秋七月○八月副都御史雍泰巡撫宣府○林瀚爲吏部右侍郎謝鐸禮部侍郎掌國子祭酒事○九月少師兼太子太師吏部尚書華蓋殿大學士致仕徐溥卒○冬十月虜寇榆林寧夏大同○十一月上高王宸濠嗣封寧王○十二月○是年南京兵部尚書張悅致仕○

大政記

卷之九

八

陳元三十八

紀弘治十三年春正月火篩寇宣府大同京師戒嚴平虜將軍平江伯陳銳提督軍務戶部侍郎兼副都御史許進率師禦之○分遣文武大臣守潮河川天壽山居庸紫荆白羊倒馬關○二月翰林檢討陳獻章卒○三月閏刑條例成○夏四月張元禎爲翰林學士○帝御平臺召大學士劉健李東陽謝遷議政事○罷成山伯王鏊寧晉伯劉福遂安伯陳韶以保國公朱暉鎮遠侯顧溥惠安伯張偉爲京營總兵溥同英國公張懋提督團營○五月甲寅朔日食○彗星見○吏戶禮刑工部尚

大政記

卷之九

九

言九

書屠瀟周經徐瓊白昂徐貫致仕侶鍾傳於閔珪
曾鑑爲戶禮刑工部尚書○起劉大夏右都御史
總督兩廣軍務兼巡撫○六月倪岳爲吏部尚書
戴珊左都御史○加刑部尚書閔珪太子太保○
河決曹單○秋七月王鑒爲吏部右侍郎○虜寇
榆林○王軾爲南京戶部尚書○八月陳銳罷許
進致仕○九月陳壽爲僉都御史巡撫延綏○泰
民悅爲南京兵部尚書兼贊機務林瀚爲南京吏
部尚書○冬十月○十一月虜寇倫頭關○十二
月火篩入河套○是年孫需爲浙江左布政使尋
爲副都御史巡撫河南○左都御史鄧廷瓚卒○
辛弘治十四年春正月陝西地震○火篩寇榆林
○二月征虜將軍保國公朱暉提督軍務右都御
史史琳禦虜至河套而還○三月○夏四月○五
月○六月起章懋爲南京國子祭酒○秋七月火
篩寇大同○廣東提學僉事宋端儀卒○閏七月
○八月火篩寇固原龍總兵官恭順侯吳鑑武安
侯鄭英禦之○九月丙子朔日食○冬十月太子
少保吏部尚書倪岳卒○馬文升爲吏部尚書劉
大夏兵部尚書右都御史潘蕃總督兩廣軍務兼

大政記

卷之九

十

言十

巡撫○十一月張敷華爲南京右都御史○十二
月○是年戶部尚書兼都御史秦紘巡撫陝西副
都御史樊瑩撫治鄖陽王繼爲南京刑部尚書尋
改兵部參贊機務
壬弘治十五年春正月○二月○三月追廣東左
布政使周孟中右副都御史致仕○夏四月羅欽
順爲南京國子司業○秦紘總制陝西三邊軍務
○五月庚午朔日食○六月○秋七月虜寇大同
○改開城縣爲固原州○南京戶部尚書梁瑄卒
○八月太子太保兵部尚書致仕項忠卒○九月
朔日食○冬十月副都御史楊一清提督陝
西馬政○太子少保南京兵部尚書致仕張悅卒
○十一月雲南晝晦○十二月刑部尚書致仕何
喬新卒
癸弘治十六年春正月大明會典成○二月進劉
健少師兼太子太師吏部尚書華蓋殿大學士李
東陽謝還太子太保戶禮部尚書謹身武英殿大
學士吳寬爲禮部尚書兼翰林學士掌詹事府事
○三月○夏四月○五月京師大旱○貴州苗叛
南京戶部尚書兼副都御史王軾督兵討平之○

六月提督副管鎮遠侯顧溥卒保國公朱璉提督副營○秋七月○八月○九月○冬十月張元禎爲太常卿兼翰林學士○十一月陳壽爲南京副都御史尋致仕○十二月

甲子弘治十七年春正月○二月哈密人逐陝巴而以真帖木兒守哈密○三月孝肅太皇太后周氏崩○夏四月○閏四月關里先師廟成○五月加秦紘太子少保○六月副都御史閻仲宇通政參議熊偉分理邊關軍餉○秦紘爲戶部尚書尋致仕○秋七月虜寇大同○掌詹事府事禮部尚書

大政記

卷之九

二

三十三

兼翰林學士吳寬卒○副都御史楊一清巡撫陝西兼經理邊務○掌國子監事禮部右侍郎謝鐸致仕○八月○今京官六年一考察○陝巴還哈密直帖木兒居甘州○虜寇環慶平鳳○九月帝御煖閣召輔臣議政事戶部尚書侶鍾致仕○冬十月劉山伏誅○十一月○十二月

乙丑弘治十八年春正月韓文爲戶部尚書○兩廣都御史潘蕃總兵討思恩岑濬誅之○二月南京刑部尚書樊瑩致仕張敷華爲南京刑部尚書○三月戶部主事李慶陽下錦衣獄尋釋之○夏四

月帝御煖閣召輔臣議政事○五月帝不豫庚寅顧命輔臣辛卯帝崩於乾清宮○壬寅皇太子卽皇帝位大赦○六月號謚大行皇帝孝宗達天道該純中正聖文神武至仁大德敬皇帝○虜寇大同宣府總兵官保國公朱璉提督軍務右都御史史琳出師分道禦却之○秋七月加劉健左柱國李東陽謝遷並少傅兼太子太傅○許進爲兵部左侍郎提督副管尋進尚書提督○八月尊皇太后王氏爲慈聖康壽太皇太后皇后張氏皇太后○九月庚子恒星晝見○周經爲南京戶部尚書○太子少保戶部尚書致仕秦紘卒○冬十月虜寇寧夏人秦隴○帝御文華殿召見輔臣部院尚書都御史團營三營總兵官○十一月○十二月修孝宗敬皇帝實錄○左都御史戴珊卒張敷華爲左都御史○是年儲璫爲太僕卿

大政記

卷之九

三

三十四

皇明大政記第九卷

子履準校

孫心材重校

皇明大政記第十卷

吾學編第十

臣海鹽鄭曉

丙寅武宗毅皇帝正德元年春正月都御史楊一清
總制陝西軍務○右都御史史琳卒○天鳴地震
○二月○三月隕星如月○夏四月少師兼太子
太師吏部尚書馬文升致仕焦芳爲吏部尚書○
林瀚爲南京兵部尚書叅贊機務○五月彭澤爲
真定知府○王瓊爲副都御史總督鹽法○六月
辛酉震郊壇門太廟奉天殿○先師裔孫孔彥繩
爲世翰林五經博士○秋七月彗星見參井攝太
大政記

卷之十

一

歲次

微垣○太白經天○八月立皇后夏氏○大角大
火動搖○九月兵部尚書劉大夏致仕許進爲兵
部尚書○王瓊爲戶部右侍郎○陝巴子拜牙郎
嗣忠順王○冬十月霧霧四塞○太監劉瑾入司
禮監提督團營丘聚谷大用提督東西廠○瑾矯
詔殺太監王岳范亨徐智龍少師兼太子太師吏
部尚書華蓋殿大學士劉健少傅兼太子太傅禮
部尚書武英殿大學士謝遷以吏部尚書焦芳兼
文淵閣大學士吏部左侍郎王鏊兼翰林學士並
直文淵閣許進爲吏部尚書○十一月欽天五官

監候楊源上疏杖闕下○戶部尚書韓文致仕顧
佐爲戶部尚書○十二月進李東陽少師兼太子太
師吏部尚書○十二月進李東陽少師兼太子太
師吏部尚書華蓋殿大學士焦芳太子太保武英
殿大學士王鏊戶部尚書文淵閣大學士○謫武
選主事王守仁爲龍場驛丞○吏部侍郎兼翰林
學士張元禎卒○南京副都御史陳壽除名○是
年潘蕃爲南京刑部尚書右都御史熊繡總督兩
廣軍務兼巡撫

丁丑正德二年春正月戶部郎中李夢陽下錦衣獄
大政記

卷之十

二

歲次

尋釋之○閏正月逮南京科道戴銑薄彥徽等下
錦衣獄除名叅贊機務南京兵部尚書林瀚落職
致仕○二月○三月乙亥朔日食○楊廷和劉忠
爲南京戶禮部左侍郎○南京園子祭酒章懋謝
病歸○劉瑾矯詔榜奸黨於朝堂○夏四月巡撫
江南右都御史艾璞下獄編管海南○五月楊廷
和劉忠爲南京戶禮部尚書副都御史雍泰提督
操江○六月○秋七月○八月今皇帝生於興邸
○總制陝西都御史楊一清致仕○杖欽天監五
官監候楊源於闕下尋卒○加焦芳王鏊並少傅

兼太子太傅謹身武英殿大學士吏部尚書許進劉宇並太子太保○九月雍泰爲南京戶部尚書尋致仕○冬十月楊廷和爲戶部尚書兼文淵閣大學士直文淵閣○十一月革巡撫都御史兵備憲臣○陶琰爲刑部侍郎○十二月劉忠爲南京吏部尚書○王璽伏誅○是年復寧府護衛屯田○右都御史熊繡回院陳金總督兩廣軍務兼巡撫

辰正德三年春正月太子太保吏部尚書許進致仕劉宇爲吏部尚書曹元兵部尚書屠濬吏部尚書兼左都御史掌院事○王璽爲吏部右侍郎○

宋之二

三 三月十七日

二月南京國子祭酒章懋致仕○三月賜呂柟等進士及第出身有差○逮楊一清下獄尋釋之○周經爲禮部尚書尋致仕○夏四月南京國子司業羅欽順除名○五月右都御史熊繡致仕○六月劉瑾掌司禮監事遷京朝官下錦衣獄尋釋之○太子太保吏部尚書致仕王恕卒○逮戶部尚書韓文下錦衣獄尋釋之○秋七月○八月進楊廷和少保兼太子太保○逮兵部尚書劉大夏南京刑部尚書潘蕃下錦衣獄謫戍○九月○冬十

月四川盜起副都御史林俊巡撫四川兼贊理軍務督兵討之○十一月禮部侍郎掌國子祭酒事謝鐸致仕○十二月蔡清爲國子祭酒尋卒王鴻儒爲國子祭酒○是年南京刑部尚書樊瑩卒

巳正德四年春正月總督漕運副都御史邵寶致仕○二月○三月席書爲貴州提學副使○夏四月王雲鳳爲國子祭酒○少傅兼太子太傅戶部尚書武英殿大學士王鏊致仕○五月孝宗敬皇帝實錄成○進焦芳少師兼太子太師華蓋殿大學士降調翰林坊局諸臣有差○清理屯田○六

大政記

宋之一

四

三月十七日

月石瑄爲南京國子祭酒○劉宇兼文淵閣○張綵爲吏部尚書○秋七月日本南海酋遣人入貢○八月遣祭莊王之國常德○九月畿內盜起寧果爲僉都御史督捕羣盜○閏九月奪平江伯陳熊爵○冬十月虜寇寧夏殺總制尚書才寬○十一月亦不剌阿爾禿廝掠西寧諸番○十二月庚正德五年春正月總制軍務刑部尚書兼左都御史洪鍾討四川羣盜○二月進楊廷和吏部尚書武英殿大學士曹元爲吏部尚書兼文淵閣大學士直文淵閣○劉忠爲吏部尚書兼翰林院學

士掌詹事府事○三月太子太保禮部尚書致仕
周經卒○夏四月慶府安化王寘鐸反殺總兵官
姜漢巡撫都御史安惟學○四川巡撫都御史林
俊屢敗賊○五月焦芳致仕○平胡將軍涇陽伯
神英提督軍務右都御史楊一清總督軍務太監
張永率師討寘鐸○寧夏遊擊將軍仇鸢襲執寘
鐸檻送京師○六月京師旱○秋七月四川威
茂地震○四川賊破通江縣巡撫都御史林俊擊
敗之○八月寘鐸伏誅楊一清總制陝西軍務
爲戶部尚書○劉瑾楊玉伏誅張綏下獄死復劉

大政記

卷之二

五

陳甫言八十七

大夏韓文許進官致仕○奪神英涇陽伯復陳熊
平江伯○革寧府護衛屯田○論平寘鐸功封仇
鉞咸寧伯張富泰安伯張容定安伯魏英鎮安伯
馬山平京伯谷大珉永清伯朱德永壽伯○九月
太子少保南京吏部尚書梁儲爲吏部尚書吏部
尚書兼翰林學士掌詹事府事劉忠並爲文淵閣
大學士直文淵閣○改國子祭酒王雲鳳爲南京
右通政石瑄爲國子祭酒王瓚爲南京國子祭酒
○羅玘爲南京吏部侍郎○進楊廷和少傅兼太
子太傅謹身殿大學士劉忠少傅兼太子太傅梁

儲少保兼太子太保並武英殿大學士○總兵馬
安敗賊於景州○陶琰爲副都御史總督漕運巡
撫江北○冬十月羅欽順爲南京國子司業○致
仕吏部尚書許進卒○掌詹事府事尚書學士白
鉞卒○十一月章懋爲南京太常卿辭○傳珪爲
吏部右侍郎○致仕禮部右侍郎掌國子祭酒事
謝鐸卒○十二月尊太皇太后王氏爲慈聖康壽
太皇太后皇太后張氏慈壽皇太后○劉機致仕
○禮科給事中致仕賀欽卒

辛正德六年春正月楊一清爲吏部尚書孫交戶

大政記

卷之二

六

陳甫言八十八

部尚書喬宇南京禮部尚書○都御史林俊討江
津賊平之○二月邵寶爲戶部右侍郎總督倉儲
○三月築浙東捍海隄○夏四月江西盜起總制
軍務右都御史陳金提督軍務右都御史俞諫討
之○章懋爲南京禮部右侍郎辭○五月致仕太
子太保兵部尚書劉大夏卒○六月總制尚書洪
鍾巡撫四川林俊陝西藍章合兵討四川賊○日
本遣我叛人宋素卿來貢○秋七月何鑑爲兵部
尚書○畿內賊趙燧反惠安伯總兵張偉提督軍
務副都御史馬中錫討之盜分掠山東河南○逮

張偉馬中錫下錦衣獄○八月南京禮部侍郎章懋致仕○加洪鍾太子太保林俊右都御史藍璋右副都御史○九月四川盜復起巡撫林俊及松潘巡撫高崇熙討平之○倭寇浙東○冬十月賊破冀州○棗強知縣段多擊賊死之伏羌伯總兵毛銳提督軍務兵部侍郎陸完率兵討畿內賊巡撫山東都御史邊憲真定都御史蕭翀下獄除名○許達爲武定兵備僉事○燕忠爲大理卿○十一月少傅兼太子太傅吏部尚書武英殿大學士劉忠致仕○京師地震○賊攻徐州掠淮西○十月

大政記

卷之十

七

陳元吉七十七

提督漕運鎮守淮安

壬正德七年春正月毛銳遇賊於真定敗績○少師兼太子太師吏部尚書馬文升卒○南昌知府李承勲擊破華林賊○賊掠襄陽○二月賊破泌

陽○賊攻河南總兵馮禎戰歿○三月彭澤遣兵擊賊於西平大破之○夏四月賊轉掠畿內○五月劉宇卒○江夏人擒趙燧○閏五月賊走鎮江官軍禦之敗績○陳琳爲山東提學副使○賊殺湖廣巡撫馬炳然○六月○秋七月僉都御史王雲鳳巡撫宣府○八月賊至狼山颶風大作官軍勦平之趙燧伏誅○九月屠瀟卒○封谷大寬爲高平伯陸永爲鎮江伯仇鉞進封威寧侯都御史陸完加太子少保掌院事○冬十月京畿山東河南江西羣盜平進楊廷和少師兼太子太師華蓋

大政記

卷之十

八

陳元吉七十七

巨爲南京禮部侍郎

癸正德八年春正月儲璫爲南京吏部侍郎尋卒○二月真帖木兒還土魯番○三月○夏四月副

都御史陳壽巡撫陝西○五月虜寇大同○六月王瓊爲戶部尚書○姚源賊平○秋七月席書爲浙江按察使○八月石琚爲南京吏部侍郎○虜寇宣府○拜牙即棄哈密走降土魯番滿達兒遣人據哈密○九月王瓊爲國子祭酒○冬十月都督朱寧掌錦衣衛事○十一月○十二月河南右布政使楊子器卒○贈誠意伯劉基太師○是年陳壽爲南京刑部尚書尋致仕

甲辰正德九年春正月乾清宮災○總制都御史彭澤討平四川羣盜○二月帝始徵行○王守仁爲

水政記

卷之二

九

三百七十七

南京鴻臚卿○勸貴爲文淵閣大學士直文淵閣○三月加彭澤太子太保左都御史時源左都督○夏四月復寧府護衛屯田○五月太子太保禮部尚書武英殿大學士費宏罷○六月孫需喬宇爲南京吏禮部尚書○秋七月虜寇大同宣府○八月辛卯朔日食○左都御史彭澤總督甘肅軍務經略哈密○江西右布政使鄭岳除名○九月降翰林編修王思爲嶺南驛丞○冬十月○十一月○十二月南京戶部尚書致仕雍泰卒○是年副都御史陶琰總督漕運兼巡撫江北

乙亥正德十年春正月○二月楊廉爲南京禮部侍郎○三月楊廷和憂去○夏四月土魯番歸哈密大掠嘉峪諸夷○閏四月楊一清兼武英殿大學士直文淵閣○陸完爲吏部尚書王瓊兵部尚書○左都御史彭澤掌院事○元良哈寇馬蘭谷恭將陳乾戰死○五月石琚爲禮部右侍郎羅欽順南京吏部右侍郎○六月提督軍務兵部侍郎陳玉副總兵都督桂勇帥師討元良哈○秋七月浙江左布政使方良永致仕○八月毛紀爲禮部尚書○虜寇固原平鞏○副都御史王雲鳳清理兩

水政記

卷之二

一

三百七十七

浙鹽法尋致仕○九月虜寇固原平鞏○冬十月孫燧爲副都御史巡撫江西江西按察副使胡世寧下錦衣獄謫戍○十一月○十二月癸丑朔日食○是年右布政使吳廷舉兼副使撫治廣肇諸府○右都御史陳金總督兩廣軍務兼巡撫○王鴻儒爲吏部侍郎

丙辰正德十一年春正月王守仁爲僉都御史巡撫南贛汀漳○二月虜寇榆林○三月○夏四月安南陳壽弒其主黎暉○五月風霾大旱○六月加王瓊太子太保○虜寇大同提督軍務兵部右侍郎

郎丁鳳總兵都督劉暉帥師禦却之○秋七月李東陽卒○加梁儲少師兼太子太師華蓋殿大學士○虜寇宣府○八月楊一清致仕○堂詹事府事禮部尚書蔣冕兼文淵閣大學士直文淵閣○九月土魯番復據哈密侵肅州守將蔣學禦之敗○冬十月兵備副使陳九疇敗土魯番於肅州○虜掠白羊口○十一月黃珂爲南京工部尚書○十二月監察御史孝廉陳茂烈卒

丁正德十二年春正月帝獵於南海子○二月○三月加王瓊少保○賜禮部貢士舒芬等進士及

大政記

卷之十

二

三十五

第出身有差○夏四月靳貴致仕○五月禮部尚書毛紀兼東閣大學士直文淵閣○四川賊平馬昊爲右都御史○六月己巳朔日食○毛澄爲禮部尚書王鴻儒廖紀吏部左右侍郎顏順壽副都御史○秋七月加蔣冕太子太傅武英殿大學士毛紀太子太保文淵閣大學士○加王守仁提督軍務仍巡撫○許達爲江西按察副使○八月帝幸昌平至居庸關監察御史張欽開關三上疏○帝即日回鑾○湖廣饑副都御史吳廷舉賑卹之○貴州巡撫都御史秦金鄒文盛合兵討清平苗

賊○九月帝幸大同獵陽和雨電星覆○虜犯和陽掠應州○冬十月都御史王守仁平橫水賊十一月都御史王守仁平桶岡賊○少師兼太子太師吏部尚書華蓋殿大學士楊廷和仍直文淵閣○加王瓊少傅兼太子太傅○十二月王廷相爲四川提學僉事○閏十二月封江彬平虜伯許泰安邊伯○湖廣巡撫都御史秦金討平榔桂賊

成○正德十三年春正月丙午帝還京○都御史王守仁平泃頭賊○二月慈聖康壽太皇太后王氏崩○帝復出居庸關○三月帝還京○左都御史

大政記

卷之十

三

三十五

彭澤按察副使陳九疇除名○夏四月帝至昌平謁六陵遂獵于密雲○五月己亥朔日食○帝還京○六月江西大水○秋七月帝出居庸關歷宣府至大同○虜寇固原掠蘭靖臨鞏○八月帝在大同○九月帝在大同○冬十月帝渡河幸榆林○十一月帝在榆林○十二月帝在榆林○是年僉都御史張潤巡撫順天○右都御史楊旦總督兩廣軍務兼巡撫

○正德十四年春正月帝在榆林○二月帝還京○乙酉帝自稱總督軍務威武大將軍太師鎮國

公更名壽巡兩直隸山東江南湖廣○三月兵部郎中黃肇等伏闕疏諫南巡下錦衣獄杖闕下謫成除名降調有差○京師風霾晝晦水溢○金吾指揮張英肉袒疏諫死之○王鴻儒爲南京戶部尚書○夏四月羅欽順爲吏部右侍郎○五月太監賴義駙馬都尉崔元都御史顏嘉祿飭寧王宸濠○加王瓊少師兼太子太師○劉瑞爲浙江提學副使○六月丙子宸濠反巡撫副都御史孫燧按察副使許達死之○宸濠攻陷南康九江知府陳霖江潁棄城走○睿宗獻皇帝崩○秋七月

大政記

卷之一

三

五十六

宸濠攻安慶守備都指揮楊銳知府張文錦指揮崔文禦却之○逮司禮太監蕭敬吏部尚書陸完錦衣都督朱寧下錦衣獄尋釋敬○提督南贛軍務副都御史王守仁及言安知府伍文定起兵討宸濠復南昌宸濠至鄱陽湖守仁督兵逆戰敗之丁巳擒宸濠○致仕南京吏部右侍郎羅紀卒○八月癸未帝討宸濠輔臣梁儲蔣冕邊將江彬許泰扈行○九月帝至南京○王守仁巡撫江西伍文定爲江西按察使○南京兵部尚書林幹卒○冬十月帝在南京○十一月帝在南京○十二月

帝在南京○是年鄧璋爲南京戶部尚書

庚正德十五年春正月帝在南京○彗星見○二月○三月癸丑朔日食○夏四月○五月江西大水○六月○秋七月○八月瓦剌掠土魯番○閏八月帝至鎮江○九月○冬十月帝班師還京○王瓊爲吏部尚書○十一月○十二月帝至通州○宸濠伏誅○胡世寧爲湖廣按察使尋改食都御史巡撫四川

辛正德十六年春正月帝還京加蔣冕毛紀少保少保戶部尚書謹身武英殿大學士○費宏少保

吏部尚書仍直文淵閣○石珪爲禮部尚書○林學士掌詹事府事羅欽順爲吏部左侍郎○二月浚白茅河○三月丙寅帝崩於豹房
皇明大政記第十卷
于履準校
孫心材重校

建文遜國記序

官觀詩書所載家國興亡必有其自蓋天人相
符非幸與不幸適然致也三代而下一統繼世
惟秦隋自速敗秦之暴橫隋之奢淫亡非天也
讀遜國記竊怪建文君無一於此何以遽亡
高皇帝再造乾坤功德光三代陵土未乾材臣宿
將猶存邊隅無故宴然啓甲成康之舊

文皇南來忽於破竹何也人咸咎方黃謀國之疎
或曰漢文天授少帝雖輔以伊姜亦胡能存然
歟夫天與子後嫡長未有善繼者湯傳孫文王

遜國記

序

一

二

三

四

五

六

七

八

九

十

宗由秦王宋至孝宗始嗣太祖

文皇亦然天之定命自古識之矣建文君臣何尤
乎居升之疏禍迫於鼂錯信乎天也天有所興
孰能無廢翁故考之編年參之野史爲遜國記
以備遺缺傳曰鑒於后羿而用德度經曰動用
明德庶邦不享作者意也時

嘉靖丙寅春中既望進士鄭履淳謹叙

建文遜國記

吾學編第十一

海鹽鄭履淳

建文皇帝諱允炆太祖之孫懿文太子之子也
洪武十年十一月己卯生生六年而其兄雄英卒
又十年而懿文卒高祖年六十有五矣御東角
門對羣臣泣翰林學士劉三吾進曰皇孫世適富
於春秋正位儲極四海繫心皇上無過憂高
皇曰善是年九月庚寅立爲皇太孫詔曰曩者列
聖相繼馭宇者首建儲君朕甲辰卽王位戊申卽
帝位於今二十五年矣前者選將練兵莫生民於

遜國記

一

二

三

四

五

六

七

八

九

十

田野統一以來除奸貪去豪強用心多矣邇來蒼
顏皓首儲嗣爲重九月十三日冊適孫允炆爲皇
太孫奉上下神祇以安黎庶太孫英明仁厚好文
章典禮既爲太孫中外萬幾時付裁決當是時政
治嚴覈太孫濟以寬大中外欣欣愛戴以宋國公
勝頤國公友德兼太子太師曹國公景隆京國公
玉太子太傅開國公昇全寧侯恪太子太保詹徽
太子少傅兼吏部尚書茹瑄太子少保兵部尚書
任亨太子少詹事兼翰林修撰杜澤楚樟詹事丞徽
等以下支兼官俸又以兵部尚書致仕唐鐸刑部

遜國記

二

三月八十四

尚書楊靖兼太子賓客又命廷臣舉孝義篤行之士鄭濟王勲爲左右庶子二十九年八月詔更議諸王見東宮禮禮官曰諸王來朝覲服見天子畢次見東宮已有定議其叙家人禮王及東宮俱常服引禮官請王由文華殿東門入至後殿王西向東宮東向贊禮官贊四拜王坐受相見禮畢叙坐則東宮正中南向諸王列于東西奏上從之三十一年閏五月乙酉遺詔曰朕受皇天之命膺大任於世定禍亂而偃兵安生民於市野謹撫馭以膺天命三十有一年憂危積心日勤不怠專志有益

遜國記

三

三月八十四

受天明命統有萬邦宵衣旰食弘濟斯民凡事有益於天下者無所不用其心政教休明規模宏遠朕以眇躬纂承大統恭依遺詔於洪武三十一年閏五月十六日卽皇帝位夙夜祗懼思所以克相上帝寵綏四方以無忝我皇祖之大命永維寬猛之宜誕布維新之政其以明年爲建文元年大赦天下於戲德惟善政政在養民當遵先聖之言斯致雍熙之盛百辟卿士體朕至懷是日葬孝陵丙申詔內外五品以上文官及縣令薦賢才定保舉連坐法是月上皇祖考六行皇帝諡曰高皇帝廟號太祖皇祖妣孝慈皇后曰高皇后尊母皇太子妃呂氏爲皇太后議革冗員以中書舍人蹇義爲吏部右侍郎戶部主事夏原吉爲本部右侍郎兵部尚書齊太常寺卿黃子澄頂泰國事以平江知縣陳彥回爲徽州府知府秋七月召漢中府學教授方孝孺爲翰林侍講召董倫爲禮部左侍郎兼翰林學士命曹國公景隆卽訊周王逵至京廢爲庶人以王紳爲國子祭酒以張鳳李衡趙福張弼汪濱孫端王斌楊忠林良李成張敏劉政爲錦衣衛世千百戶有差鳳等皆西宮殉葬官

人父兄所謂朝天女尸也八月進魏國公輝祖曹國公景隆祿秩勅輝祖練兵山東召王景彰為禮部右侍郎兼翰林侍講尋陞學士以雲南左布政使張統為吏部尚書徵江西處士楊士奇充實錄編纂官尋授齊府審理副仍留翰林編纂罷禮部尚書鄭沂以雲南布政使陳昶為禮部尚書以臨江府推官劉翼為知府以劉傷盧淵為兵部左右侍郎以何福為征虜將軍總兵征百夷都督徐凱副之九月罷築銅鼓衛城召輝祖還京安陸侯吳傑亦召還京長星西墮有聲如雷雲南總兵官征

孫國記

卷一

日

張

虜前將軍西平侯沐春卒以馬京為大理卿冬十月何福進兵金齒討諸蠻尋平之以戴元禮為太醫院使召北平總兵都督楊文還京十一月征南將軍總兵都督僉事顧成征五開還兵常德命錦衣指揮談全諭成班師賞勞成及其副將何清宋晟韓觀有差十二月朔帝省牲郊壇是歲監察御史解縉來奔喪謫河州衛吏以工部侍郎張昺掌北平布政司事謝貴為北平都指揮使王鈞為戶部尚書召鄭賜於安東起徙中為工部尚書起流人劉有年為太平知府以曾鳳韶為監察御史

以右都督沐晟嗣西平侯總兵鎮守雲南王宗孫憚還京以為翰林侍書罷北平山東河南山西陝西五省及淮安徐州學校貢士以國子學錄張智為司業皇子學訓導鄭緝為助教召韓宜可為副都御史何福以平蠻功陞右府都督同知以燕府訓導康汝楫為安岳知縣詔求直言舉山林巖穴懷材抱德之士監察御史尹昌隆上書請勤政帝嘉納曰朕過也詔禮部頒天下使明知朕過調食都御史劉觀為嘉興知府盡釋刺面軍及徒人還鄉里

建國記

卷一

五

王

建文元年華陰稱洪武三十二年春正月庚辰大祀天地於南郊始奉太祖高皇帝配先是戊寅上御奉天殿誓戒百官是夕遂宿於文華殿齋官已出舍皇邸尚膳進素食庚辰子夜行事帝脫局登大祀殿秉圭奠瓚興俯拜跪如禮昧爽還宮御奉天殿受羣臣賀方孝孺進郊祀頌詔養老賜高年米絮帛有差命官贖民粥子減田租遣使告即位于天下神祇何福班師還京勅修太祖高皇帝實錄禮部左侍郎兼翰林學士董倫右侍郎兼翰林學士王景彰為總裁官太常少卿廖昇翰林侍講

學士高巽志副總裁翰林修撰李貫國子博士王紳漢中府學教授胡子昭齊府審理副楊士奇崇仁縣學訓導羅恢馬龍他郎甸長官司吏目程本立等爲纂修官二月都督韓觀練兵於德州詔草考妣爲皇帝后祔享宗廟立妃馬氏爲皇后封弟允熲允燧允燾爲王詔曰朕惟有盛德而不享其報者必垂慶于後昆履大位而不逮乎親者必致尊于宗廟此天下之至理古今之通義也昔我太祖高皇帝平定天下承千載之元統 皇考懿文皇太子登登儲位參決萬機默施寬仁陰贊至治視民如子錫祐朕躬 太祖棄棄臣民肆朕嗣登大位既謚 太祖爲高皇帝 孝慈皇后爲高皇后而 皇考謚號未稱心切悼焉適者採羣臣之言追尊皇考爲孝康皇帝廟號與宗皇妣懿敬皇太子妃爲孝康皇后擇日祔廟羣臣復謂中宮之號未正無與共承祭祀諸第之封未定無以夾輔邦家繼以爲請已冊妃馬氏爲皇后封弟允燧爲吳王允燧爲衡王允燾爲徐王夫尊親所以崇孝敬之道正家所以厚風俗之源嘉與萬方同臻至治宗祖廟謚稱號所以褒顯功德非所當諱今

後惟廟諱如律迴避廟諱稱號勿諱民間及山林岩穴有懷才抱德練達政治廉能幹濟之士有司明著實跡禮請來京授以祿位共安黎庶軍民男婦有八十九十者賜米一石肉十斤酒三斗九十者加賜帛一疋綿一斤若身犯杖以上隸卒倡優不與所在鰥寡孤獨貧無產不能自存者有司歲給米三石令親戚收養無親戚里鄰養之母令失所其有田地荒蕪無人耕種者除其徭賦農桑衣食之本有司勿奪民時使得盡力足其衣食學校風化之源教養英俊以備任用有司宜加意勸勉禁其習於浮靡務得真材以輔至治民之休戚係守令賢否官之清濁在考察公乎在內監察御史在外布政按察司宜公考察果政績異常及關茸不才奏聞黜陟軍民義夫節婦孝子順孫及同居共爨五世以上鄉黨稱其孝義者有司勘聞旌表軍民凡有嫁娶喪葬窮窘不能自舉者部伍鄰里宗族相資助勿使失所水旱災傷速開報踏勘賑濟軍中孤兒給糧存恤有定例其篤廢殘疾無人侍養及年老有丁代役者管軍官宜加撫恤願還鄉者聽民間有篤廢殘疾不能自存者收養濟院

通政司

八一

通政司

通政司

九

通政司

例支衣糧使迷其生前代兵後骸骨暴露尚多當掩骸埋骨之時所在軍民官司即便收送衛所勾軍有司照名發與果戶絕即與除伍進封江都郡主爲公主以儀賓耿璿爲駙馬都尉都督僉事宋晟總兵鎮守甘肅以周是修爲衡府紀善更定官制陞六部尚書正一品設左右侍中各一人位侍郎上改戶部四司爲職民度支金帛倉庾刑部四司爲詳憲比議職門都官六部司去清吏字罷左右都御史設都御史一人副僉都御史各一人改通政司爲寺通政使爲通政卿通政叅議爲少卿寺丞增置左右補缺左右拾遺各一人復置大理寺改爲司卿爲大理卿左右寺正爲都評事寺副爲副都評事司務爲都典簿改太常寺卿爲太常卿少卿寺丞分左右又改太壇祠祭署爲南郊祠祭署泗州祠祭署爲泗濱祠祭署宿州祠祭署爲新豐祠祭署又增鐘山祠祭署及司圖所改光祿寺卿爲光祿卿少卿寺丞分左右而陞少卿從四品省署丞二人增監事二人改太僕寺卿爲太僕卿增典廐典牧二署設驍驤十五羣遂生三羣分隸二署增少卿寺丞各一人詹事府增少卿寺丞

各一人賓客二人又置資德院設資德一人資善二人其屬贊讀贊書著作郎各二人掌籍典簿各一人增司業二人省博士學正學錄增助教十七人改鴻臚寺卿爲鴻臚卿分少卿寺丞爲左右翰林院增承旨一人學士一人文學博士二人省侍講侍讀學士置文翰文史二館文翰館設侍書而改中書舍人爲侍書文史館設修撰編修檢討改謹身殿爲正心殿設學士一人改殿閣坊大學士爲學士文淵閣設典籍二人革六科左右給事中改五城兵馬指揮司爲五城兵馬司指揮副指揮爲兵馬副兵馬革左右布政使設布政使一人布政司堂上官各陞一級改按察司爲十三道肅政按察司改廣東鹽課司爲都轉運鹽使司革五軍斷事官及稽仁稽義稽禮稽智稽信五司官增親王官賓輔二人正三品件講件讀件書各一人長史一人左右長史各一人審理正典膳正奉祠正良醫正典寶正並去正字審理副等改爲副審理等郡王賓友二人正四品教授一人記室二人直史一人左右直史各一人吏目一人典印典祠典禮三署典印典祠典禮各一人典饌典樂二署典

饌典藥各二人典禮署引禮舍人二人儀仗司吏
目一人賓輔三件賓友教授進對侍坐稱名不稱
臣見禮如賓師北平按察副使張璉坐藩府事謫
典史北平右布政使曹顯坐罪削籍是月燕王來
朝行皇道入登陛不拜監察御史曾鳳韶劾王不
敬戶部侍郎卓敬上書論劾皆不報免民貨舍錢
革松番衛三月丁亥帝祀先師於太學盥獻拜跪
禮如廟社御彝倫堂見師生賞幣鈔有差以散騎
常侍張成等七十一人爲海上巡檢勅布按二司
官糾察屬吏革略陽縣是月 成祖還國燕世子
及其弟高煦高燧留京師未幾遣還北平俄北平
按察使事湯宗上變告言按察使陳瑛密受燕府
金錢有異謀逮瑛安置廣西燕山左護衛百戶倪
諒亦上變告逮府中官旗于諒周鐸等伏誅遂勅
都督宋忠率兵三萬及燕府護衛健卒屯開平名
備胡都督徐凱練兵臨清都督耿璈練兵山海關
召燕府胡騎指揮關童等還京調北平永清兩衛
官軍屯彰德順德戶部右侍郎夏原吉給事中徐
思勉等二十四人充採訪使巡行天下問民疾苦
與廉黜貪得便宜行事京師地震監察御史尹昌

隆上疏斥爲福寧知縣夏四月華南丹衛附慶遠
召湘王柏於荊州柏自焚卒齊府人曾名深上變
告召齊王棹至廢爲庶人留京師誅其護衛指揮
柴真等未幾幽代王桂於大同繫岷王橈於雲南
並廢爲庶人當是時 成祖威名最盛於諸王最
長地勢形便兵力又最强朝廷深疑之齊泰黃子
澄徐輝祖侍郎卓敬日夜謀所以防燕者會燕長
史葛誠教授余逢辰亦稍洩其謀張曷謝貴馬宣
彭二每遇中朝使者至北平亦頗傳語言謂宜早
爲備 成祖固知之自京師歸卽托疾久之遂稱
病篤大暑圍火爐搖顛曰寒甚寒甚宮中亦秋而
行朝廷稍不爲意誠達辰密告曷貴曰殿下本無
恙公等勿解防恐一旦不可測已而三都督密謀
益急五月選補儒學官先是學官缺用舉入及中
試監生通經儒士至是詔天下凡在任未入流官
及坐法謫戍已更者但通經薦試俄又詔衛官舉
通經軍士聽布按二司試上吏部銓用岳池教諭
程濟上書言有大難起宗室中下獄省連山縣入
連州以戴德彝爲左拾遺宋徵宗人府經歷錢芹
戶部司務王叔英翰林修撰六月省興濟縣入青

縣置千戶所於戎縣以開平王錫趙諒為留守左衛指揮僉事是月召解縉于河州以為翰林待詔秋七月甲戌成祖兵起號難北平掌布政司事侍郎張昂都指揮使謝貴彭二燕府長史葛誠教授余逢辰死之遂奪省城九門都指揮使俞瑱走居庸關馬宜走薊州宋忠率師至居庸關退保懷來留瑱守關成祖上書言皇考太祖高皇帝艱難百戰萬死一生定天下成帝業傳之萬世封建諸子鞏固宗社為磐石安不幸皇考賓天陛下嗣承大寶而姦臣齊奏黃子澄輩包蓄禍心恣說奢毒假陛下之威權剪皇家之支葉猶搏柏柱梗五弟不數年間並見削奪雖有愆過未聞不軌輒削王爵奪王土轉徙流離行路矜惻柏尤可憫闔室自焚聖仁在上胡寧忍此蓋非出陛下之心皆姦臣所為也心尚未足又以加臣臣守藩于燕二十餘年實畏小心奉法循分陛下嗣統以來臣事君之誠明於皎日誠以君臣大分骨肉至親恒思加慎為諸王先而姦臣跋扈蔽陛下之聰明誣直為枉加禍無辜執臣奏事人筆楚刺焚備極苦毒迫言臣謀不軌遂分布宏忠謝貴張昂等於

北平城內外甲馬馳突於街衢鉦鼓喧聒於遠邇圍守臣府周匝嚴密小大凜凜如臨湯火已而護衛人執貴昂始詢知奸臣欺詐之謀號地呼天辨誦無訴竊念臣於懿文皇太子同父母兄弟也今事陛下如事天也權姦之心不止害臣暨伐大樹先剪附枝親藩夷滅朝廷孤立姦臣得志社稷危矣伏望陛下廓日月之明奮雷霆之斷渙發德音去此克惡以肅清朝廷以永安宗社以保全親藩遙仰天門敬撫愚懇惟陛下念之臣又竊計姦權之黨必已璫結深固恐陛下未易除之伏觀祖訓有云如朝無正臣內有姦惡則親王訓兵待命天子密詔諸王統領鎮兵討平之臣謹俯伏俟命惟陛下念之念之甲戌通州衛指揮房勝以城降燕丙子北平都指揮使馬宣起兵薊州不克死之毛指揮遂以薊州降燕遵化衛指揮蔣玉密雲衛指揮鄭亨又各以其城降燕已卯瑱師潰於居庸退依忠於懷來甲申成祖攻懷來忠敗績及瑱被獲都指揮彭聚孫泰戰死都指揮莊得敗走丙戌永平指揮趙舜郭亮以城降燕庚寅大寧總兵劉貞都督陳亨都指揮卜萬引大寧兵號十萬

出松亭關駐沙河進改遵化壬辰 成祖援遵化

貞等退保松亭關亭陰輪欵於燕忌萬不敢發

成祖聞萬貞亨縛萬下獄聞於朝籍萬家是月以

長興侯耿炳文爲征虜大將軍駙馬都尉李堅都

督寧忠爲左右副將軍帥師北進詔天下曰朕奉

高皇帝遺詔纂承大統宵衣旰食思圖善以安民

豈意國家不幸骨肉之親屢謀僭逆去年周庶人

橚潛爲不軌辭連燕齊湘三王朕以親親之故不

忍暴其過止正櫛罪餘皆不問今年齊王榑謀逆

事覺推問犯者又言與湘王柏某王某同謀大逆

柏自知罪惡難逃先已自焚死榑已廢爲庶人朕

以某王於親最近未忍究其事今乃稱兵犯關不

得已遣長興侯耿炳文等率兵三十六萬往討其

罪咨爾中外臣民軍士各宜懷忠守義與國同心

永安至治祭告天地宗廟社稷書諭諸王削燕屬

籍時帝方銳意文治日與孝孺等討論周官法度

以爲北兵不足憂黃子澄謂北兵素強且兼有營

薊之旅不早禦之恐河北遂失又請命安陸侯吳

傑江陰侯吳高都督都指揮盛庸潘忠楊松顧成

徐凱李文陳暉平安等各率偏師步騎號百萬數

道並進期直搗北平檄山東河南山西三省合給

軍餉省硯嘉臨西睢寧三縣和曲祿勸二州勅令

京朝官請告歸省給勘合內府以京口驛隸京師

睢陳歸德三州直隸河南布政司徵諭戎指揮僉

事伏願等入京復其官置平燕布政使司于真定

刑部尚書暴昭掌布政司事贈故翰林待制王禕

爲翰林學士諡文節徵雲南兵入京備征八月炳

文兵三十萬至真定都督徐凱兵十萬駐河間都

督潘忠楊松先鋒駐鄭州壬子中秋夕 成祖率

衆渡白溝河圍雄縣破其城盡殺守陴卒屠其民

潘忠楊松兵渡月樣橋接戰遇伏大敗被執

祖遂進至鄭州奪戰馬輜重炳文部將張保降燕

言炳文兵三十萬先至者十三萬分管滹沱河南

北 成祖厚撫保遣歸詐言兵敗被執幸守者因

得脫竊馬歸又令言雄鄭敗狀燕兵旦夕且至今

河南兵北移得併力破之易炳文聞保言果移南

營過河壬戌 成祖至真定炳文出城逆戰敗績

兩副將軍李堅寧忠及都督顧成河托都指揮劉

斌皆被執成降燕丙寅 成祖攻真定不克還北

平是月以曹國公景隆爲征虜大將軍馳至軍中

會諸將北進帝聞炳文敗績始有憂色謂于澄曰
奈何于澄對曰勝敗兵家常事無足慮今天下全
盛士馬精強兵甲堅利糧餉充足區區一隅豈足
當天天下之力調兵五十萬四面攻之衆寡不敵必
成擒矣曰孰堪將者于澄曰景隆可以當之前不
用炳文而用景隆豈有此失遂遣景隆代炳文谷
王德自宣府還京齊泰等慮遼王植寧王權通燕
召二王還京遼王至寧王不至詔削權護衛監察
御史韓郁上書乞罷北征兵不聽九月江陰侯吳
高都指揮耿瓛楊文帥遼東兵圍永平大將軍景
隆乘傳至德州山東參政鐵鉉調兵食景隆合兵
五十萬進營河間成祖率衆援永平等退保
山海關安陸侯吳傑兵潰於真定傑遁還京諡爲
南寧衛指揮使冬十月成祖出劉家口襲破大
寧都指揮朱鑑死之都指揮房寬寧王權皆降燕
劉貞陳亨自松亭關引兵來援亨及營州中護衛
指揮徐理陳文襲貞破其營貞遁廣寧浮海還京
景隆聞成祖攻大寧引兵渡蘆溝橋攻北平築
石景隆令不嚴驟退北平守益堅景隆別將攻

通州敗績甲寅成祖盡拔大寧諸軍及兀良哈
三衛胡騎挾寧王入松亭關趣援北平十一月庚
午景隆移營白河西先鋒都督陳輝渡河而東遇
成祖戰敗績景隆七營兵合戰皆潰景隆盡棄其
輜重拔其衆南奔駐德州癸酉九門兵皆潰乙亥
成祖再上書言臣叨奉宗藩見惡權姦橫加大惡
上書自陳今歷三月未蒙垂察疊發大兵討罪不
已竊聞朝廷論臣有不軌之事八謹陳其詳惟陛
下垂察其一謂臣謨衛踰額祖訓職掌條王府
官軍不拘數目各王府皆然此姦臣枉臣一也其
二謂臣不當無事操練軍馬祖訓兵衛條王教
練軍士過數不拘此姦臣枉臣二也其三謂臣不
當於各衛選用官軍祖訓軍職條王府武官千
戶百戶從王於所部軍職內選用開奏直詣御前
頒降詔勅此姦臣枉臣三也其四謂臣私養韃靼
健卒本洪武中歸附處於北平皇考命於護衛
歲給衣糧備虜此姦臣枉臣四也其五謂臣招致
各處異人術士養於府中朝夕論議爲非竟無主
名此姦臣枉臣五也其六謂臣府中守禦四門不
當僭擬皇城守禦之制更番甚嚴祖訓兵衛條

凡王府中禦宿衛護衛均審此姦臣枉臣六也其
七謂臣宮室僭侈此 皇考所賜 祖訓管籍條
燕因元之舊非臣僭越此姦臣枉臣七也其八謂
臣第二子高駒過涿州擅管驛官此臣失教然管
一驛官遂指爲臣不軌之迹寃濫已甚何以服天
下後世此姦臣枉臣八也且陛下與臣皆出 太
祖高皇帝孝慈高皇后於屬最親姦臣猶得誣以
極惡則疎遠小臣天下細民欲寃死地可望雪理
耶其不濁亂天下傾危宗社不已也蓋今諸王之
中臣序爲長周齊湘代岷五府已去獨臣未去臣

建國記

一八一

卷八

去則楚蜀秦晉諸國不難去矣寧王無罪比又削
其護衛譬諸人身手足皆去身能全乎伏望陛下
鑒臣愚誠思宗社大計斷然不惑去此姦惡臣某
頓首頓首罪黜都指揮僉事周成表成張睦皆降
燕是月 成祖傳檄言我 父皇奉天承運華夷
一統長子立爲皇太子餘子封王各守藩屏以爲
子孫萬代計不幸 皇太子薨逝秦晉二王繼頌
父皇慈念皇太子遂立其次子爲皇太孫居東宮
洪武三十一年閏五月十日 父皇賓天皇太孫
卽帝位我諸王不敢以叔道尊元臣子之情至矣

盡矣帝年幼冲任用奸邪小人屏棄典刑殘害骨
肉天變屢見恬不修省此皆齊尚書黃大卿左班
文職等官譏佞于君恣行不道今天下但知有齊
尚書等不知有皇帝皇帝被奸臣惑溺 父皇陵
土未乾周代湘齊岷五王相繼竄流齊尚書等又
使惡少謝貴等爲北平都司官張昂爲布政司官
與本府長史葛誠合謀六月圍我王墻柵我王門
殺我守王城卒諸軍披甲執杖銳鼓叫呼聲震城
野七月初旬且引兵入王城以都指揮張信言漢
其好不得已起兵擒獲逆賊謝貴等七月十六日

建國記

一九

卷八

擒宋忠殺都指揮孫泰俞瑄八月十六日破雄縣
擒都督潘忠楊松二十五日破真定走耿炳文擒
左副將軍駙馬李堅右副將軍甯忠右都督顧成
河托都指揮劉燧江陰侯吳高都督耿璘楊文以
遼東兵圍永平余直抵永平等夜遁還兵大寧
都指揮房寬來降殺朱鑑都督劉貞陳亨守松亭
關不肯來降余襲破其營擒亨貞單騎遁去大寧
遂平未幾齊尚書黃大卿等左班文職又矯詔曹
國公李景隆領兵五十餘萬十月十六日攻北平
圍城甚急余以寡敵衆景隆大敗斬首十萬九千

餘級景隆夜遁去余本太祖高皇帝親子母

幸慈高皇后 皇太子親弟恭居諸王之長禮曰

父之仇不共戴天兄弟之仇不反兵今奸臣齊尚

書責大理等余必不與共戴天也故用 欽遵祖

訓統兵三十萬誅討左班文職奸臣傳倣天下藩

屏諸王暨官吏軍民咸使知朝廷左班文職奸臣

大逆不道我 父皇之仇爲子者義在必報也省

平夷衛十二月燕間遼東守將吳高副爵徙廣西

專命楊文守遼東庚申 成祖攻廣昌守將楊宗

以城降是月岷府典膳李英等伏誅薊州鎮撫曾

遜國記 二十一 三月十九日

驍起兵攻北平不克死之駙馬都尉王寧謀叛幽

于其家某衛官張倫等率兩衛官軍南奔結盟報

國以練子寧爲吏部左侍郎茹璫復爲兵部尚書

初令武官襲替兵部會五府取旨是時掌中府事

駙馬都尉謝達署左府事孝陵衛指揮使黃鉉右

府都督僉事陳春掌前府事駙馬都尉耿璫掌後

府事駙馬都尉尹清省躬殿成殿在乾清坤寧二

宮間爲退朝燕息之所置古經聖訓其中以尚父

丹書之旨夏書聲色宮室之戒命孝孺爲銘以表

義爲右府都督僉事遷肅王棲於蘭縣選募謀勇

以中牟人楊本爲錦衣衛鎮撫沅州人周拱元爲

所鎮撫法司奏今歲論囚視往歲減十三留守左

衛指揮同知李申伏誅籍其家參贊大將軍軍務

高勳使燕署應天府事兵部郎中方賓謫戍廣東

以錢芹爲行軍署都事茅大芳副都御史葉砥翰

林縉修顏伯瑋沛胡儼桐城梁潛陽春知縣

成建文二年春正月丙寅朔天下官來朝免賀

成祖攻蔚州守將王忠李遠以城降省翁源縣入

英德初置後湖祇候所二月降漢陽府爲州丁酉

燕兵攻大同壬寅詔禮部尚書陳迪右侍郎黃觀

遜國記 三 三月二十二日

短貢舉翰林學士董倫太常少卿高遜志充考試

官右拾遺朱逢吉史官吳勤葉惠仲趙友士徐旭

張秉彝同考試官御史王度俞吉士監試官降南

雄府爲州省保昌縣令蘇松江浙人得官戶部甲

子改都察院爲御史府革十二道置察院一詔曰

頃以治獄煩興易御史臺號都察院與刑部分理

庶獄今賴宗廟神靈斷獄頗簡其更都察院仍漢

制爲御史府專糾貪殘舉循良匡政事宣教化爲

職省御史員定爲二十八人務爲忠厚以底治平

改都御史景清爲御史大夫以監察御史戴德彝

爲左拾遺以黃觀爲禮部侍中掌尚書司事是月
鬱艱可汗帖木兒瓦剌王猛哥帖木兒款北平
景隆率兵出紫荆關援大同 成祖自居庸關還
北平景隆遺書 成祖請息兵王答書索齊泰黃
子澄三月丙寅朔策試禮部貢士吳溥等一百一
十人制曰諸生蓋聞致治之主論治道之盛必以
唐虞三代爲準堯舜禹湯文武數聖人者其德厚
矣然所以本諸身發於政事施澤於民者其先後
始終亦可得而言歟夫由親以及疏篤近而舉遠
百王之所同也堯舜之時黎民於變時雍矣以親
則有象之傲臣則有共鯀之凶將聖人之化有所
弗及歟抑爲惡之人有不得而化者歟朕紹承太
統每思古先聖帝明王之治何稽何爲而可使家
給人足比屋有可封之俗行何善政而可使囹圄
空虛刑措不用歟圖治莫切於用賢而患賢才之
難致化民莫先於教學而患禮樂之難興果何由
而可使野無遺賢而民皆樂於爲善歟茲欲使海
內皞皞熙熙如唐虞三代時致之必有其道施爲
必有其序諸生習於聖賢之說久矣其具著于篇
朕將親覽焉賜胡靖王良李賁等進士及第出身

有差以靖爲翰林修撰改詹事府爲御史府賜御
史大夫宴於新署又賜監察御史衣人一襲令禮
部乙榜舉人署教諭訓導事者給俸三年入禮部
試試中計所教人得中鄉試就進士出身資格過
陞一級否從本級其下第而所教人中鄉試者與
同授九年通考稱職平常不稱職黜陟否仍署職
滿十之五乙榜年未三十不願署教者聽省忻
城縣并入東蘭縣武臣犯法被黜者悉叛走降燕
燕盡復其故官夏四月景隆兵次德州郭英吳傑
等兵次真定約日合兵進攻北平先是上遣中官
賜景隆璽書及斧鉞渡江忽大風雷雨暴至舟破
盡沉諸江至是復賜景隆景隆益專恣紀律不嚴
號令煩數諸將易玩之辛丑 成祖率衆渡馬駒
橋南駐武清癸丑景隆軍至河間先鋒參將平安
至白溝河郭英等自真定移營保定期會於白溝
河 成祖進至固安乙卯營中大雨平地水深二
尺已未 成祖率衆渡白溝河平安伏精兵萬騎
邀擊 成祖曰平安豎子往從吾出塞征胡識吾
用兵以故敢爲先鋒今日吾且破之使心膽俱喪
安驍勇善戰互有勝負俄都指揮何清陣動戰敗

被執安收兵還營景隆胡觀郭英吳傑等合兵六
十萬聯營自溝河藏火器一寨蜂搗馬丹地中人
馬遇之輒爛夜與燕兵大戰 成祖從三騎殿後
迷失道下馬伏地視河流辨東西始知營在上流
倉卒渡河而北庚申 成祖率衆渡河胡騎三百
叛降燕燕胡騎指揮省吉盡掩殺之是日景隆諸
軍進戰破 成祖後軍房寬狼狽走 成祖率衆
復戰驍將瞿能父子皆戰沒景隆麾諸騎兵乘敵
後 成祖見張玉朱能立福陣動急又見陣後塵
起曰敵繞出我後矣馳騎赴之戰甚力左右曰敵
衆我寡難與持久宜退就玉等併力景隆等呼聲
益進矢石俱發注如雨 成祖馬三易三被創矢
三服並射盡乃持劍奮擊劍又缺折急走登隄伴
麾鞭若招後繼者景隆等疑有伏不敢上隄而
成祖復率衆馳入陣陣動會旋風折大將旗景隆
軍大亂 成祖乘風縱火燔諸營郭英等潰而西
景隆潰而南委棄輜重器械聲言萬萬計景隆重
書斧鉞盡爲燕所獲殺溺死者二十萬人 成祖
復追至月樣橋降十萬餘人景隆單騎走德州壬
戌 成祖遣人攻德州五月辛未景隆自德州奔

濟南癸酉燕將張亨張信入德州奪軍餉百萬
掠濟陽儒學教諭王省死之衆贊高勉參政鐵鉉
自臨邑入濟南丁丑 成祖率衆趨濟南已邪景
隆出兵合戰城下敗績奔入城 成祖圍濟南攻
之急鐵鉉參政高參贊徐將軍盛統兵高僉憲宋參
軍張都統王太守王府校悉力防禦大挫燕衆辛
巳 成祖隄水灌濟南濟南入大懼鐵鉉參政曰無
恐計且破之不三日遁矣令登陴人皆哭呼曰旦
口且降盡輟守具出千人城外伏地請降又請退
兵十里無驚動城中人 成祖大喜是時 成祖
在軍逾年往來戰守甚苦僅得永平保定及北平
三府諸府縣旋破旋堅守不肯降至是聞濟南降
曰濟南中原要會得濟南斷南北即不下金陵畫
中原自守徐圖江淮遂下令退軍受降軍中大喜
呼萬歲鐵鉉參政懸鐵板城門上伏壯士圍堵中約
侯 成祖入城呼千歲即下鐵板拔橋乃遣人請
成祖入撫諭 成祖乘肩輿張蓋率勁騎數人渡
橋直至城下城門開守陴者皆登城伏堵間 成
祖比入門門中人即呼千歲鐵板亟下傷 成祖
馬首 成祖棄馬取從馬走走至橋橋下伏兵發

斷橋橋不可動 成祖得過橋復合兵圍濟南
參政今守陞者罵 成祖燕軍大怒攻益急鐵叅
政隨機應敵間出兵累敗燕兵是月都督僉事朱
榮棄樂安城遁還京誅之六月增改詹事府官置
資德院八百媳婦入貢遣監察御史周觀政監徐
州兵是月遣尚寶司丞李得成使燕議罷兵以儀
賓督理諸富者都督僉事秋七月李得成還自濟
南下獄既而釋之平安率兵二十萬進次軍家橋
欽分兵出御河奪燕餉舟復德州高燧出軍長鄉
安兵不敢進省沔縣入褒城八月戊申濟南圍解

建國記

三十一

三十一

是月盛庸兵至德州遂燕將陳旭自德州遁歸北
平承天門災詔求直言未幾乙字庫災改謹身殿
爲正心殿置學士一人罷華蓋文華武英殿文淵
東閣大學士各設學士一人改方孝孺爲文學博
士九月承天門成改爲阜門遂改午門爲端門端
門爲應門前門爲路門乙丑 成祖至北平冬十
月更定歷事監生選用法凡歷事一年爲滿考分
三等上者卽授官次下者再歷一年復考考上者
亦卽授官次量材選授下還國子監讀書省兩當
縣入徽州置威武中衛募健武充衛壯士兵部右

侍郎盧淵有罪除名清遠戍卒羅義上書下獄既
而釋之詔諸將無使朕負殺叔父名是月平安與
燕兵戰華山斬燕將陳亨時安及吳傑駐定州盛
庸駐德州徐凱陶銘銘城滄州相爲犄角因北平滄
州城潰凱銘督士卒修城 成祖佯出攻遼東至
通州循河而南渡直沽晝夜兼行至滄州城下列
營凱等始覺倉卒收築城具出戰敗績入城守
成祖攻破其東北凱及都督程運都指揮趙濟胡
原李英張傑皆被執時降燕者數萬人北將譚淵
夜殺降卒三千人凱等皆降赴北平封盛庸歷城

建國記

三十一

三十一

侯以鐵鉉爲山東布政使帝以濟南完守賞鉉等
却敵功命翰林陳檢討賜銀幣吏部督主事頒詔
命封三代尋陞鉉兵部尚書官軍姜貴等五十四
人以濟南功陞官有差召景隆還赦不誅以盛庸
爲平燕將軍充總兵官節制諸軍鐵鉉恭贊軍務
十一月庸駐德州 成祖移直沽之舟至長蘆載
降獲輜重順流而北 成祖自率衆循河而南庸
出兵襲後不克 成祖遂至臨清移屯館陶掠大
名焚我軍餉十二月甲午 成祖至汶上掠濟寧
庸鉉率兵躡其後營於東昌先鋒將孫霖營滑口

燕將朱榮劉江襲破霖都指揮唐禮被執霖走乙卯 成祖至東昌庸背城而陣燕擊其左翼不動退而衝其中堅庸麾兵圍 成祖數重 成祖易服奮躍馬出西南去燕軍爲火器所乘大敗庸兵大呼噪奮擊殺燕大將張玉丙辰復戰又敗燕軍步卒先走庸乘之殺傷萬計北平震動 成祖退駐館陶庸飛檄真定滄德諸將水陸犄角邀 成祖歸路是月國子助教王紳卒是歲以徐賓爲兵部署右侍郎以陝西叅政劉季寬爲刑部左侍郎湖廣叅議楊砥言事忤旨謫遼陽詔舉優通文學

建國記

三十一

之士以處士唐愚爲翰林侍讀大理卿馬京坐事謫肅政按察司副使以鄒瑾爲大理右寺丞辛巳建文三年春正月辛酉朔凝命神寶成寶方一尺六寸九分帝親定其文曰天命明德表正萬方精一執中宇宙永昌先是帝在儲位嘗夢神人致上帝命授以重寶元年使者還自西方得青玉於雪山方踰二尺質理溫栗二年春正月帝郊祀宿齋宮夕夢若有覩乃驚寤命玉人琢爲大璽冬十二月工成名凝命神寶至是以告天地祖宗爲文宣示選選百官稱賀大宴於奉天門頒賞四夷朝

使辛未大祀天地於南郊明日宴慶成羣臣大歡會賦詩詔成頒示天下歷城侯庸遣人來獻東昌之捷詔諭天下丙子 成祖至北平丁丑享太廟告捷二月乙巳 成祖復率衆南出己酉至保定庸合諸軍二十萬駐德州約吳傑平安出真定攻北平加禮部尚書陳迪太子少保大理左右少卿汪善聞良輔坐事調河南湖廣肅政按察司副使以鎮江知府薛嵩左補缺胡閏爲大理左右少卿三月辛未庸兵至單家橋己卯營於夾河辛巳 成祖率衆至夾河庸結陣甚堅 成祖掠庸陣陣

建國記

三十二

三十一

旁火車火銃強弩戰盾固匝不能動 成祖退庸出千騎追襲 成祖卽率萬騎步兵半之直薄庸陣庸陣堅不動燕步卒攻左掖騎兵搗中堅庸始麾諸軍力戰斬燕大將譚淵 成祖復以勁騎掩庸陣後燕將朱能張武等從 成祖合戰庸軍火器不及發戰盾又中鐵積相牽不能先後遂却都指揮莊得驍將楚智阜旗張等皆陷陣戰沒是夕戰酣迫暮各飲兵入營 成祖以十餘騎逼庸營野宿明日引馬鳴角穿營而去以上有詔旨無使余負殺叔父名也諸將相顧不敢發一矢 成祖

既還營復嚴陣約戰 成祖軍東北庸軍西南自辰合戰至未兩軍相勝負屢退屢進將士皆疲各坐息少頃復起戰相持不退忽東北風大起塵埃漲天沙礫擊面庸軍中昏暗不辨咫尺燕兵大呼乘風縱左右翼橫擊庸軍中大敗 成祖追奔至泅沱河庸走還德州當是時庸恃東昌之捷輕敵謂此舉必破北平將士咸携金銀鉅器錦綺衣袍曰破北平張筵痛飲至是盡爲燕兵所獲蔡未真定諸將率師駐單家橋甲申 成祖率兵徑趨橋與平安等大戰安擒燕將薛祿祿脫走吳傑平安

摩諸軍力戰 成祖見安登樓率精騎直趨攻樓安見 成祖馳至急下樓墜而走會大風發屋拔樹傑軍亦敗都指揮鄧戰陳鵬等皆被執安傑還真定已酉燕兵掠順德辛亥掠廣平癸丑掠大名是日貽書 成祖謫斥泰子澄可罷兵不聽上書曰臣聞虞舜用辟首去四凶殷湯之聖不吝改過皆帝王之盛美萬世所師法也臣奉藩以來今歷二紀累粟不敢違越皆緣茲臣齊泰黃子澄懷莽操之逆圖志傾危於宗社造滔天之禍剪藩輔之親屢削諸王次及於臣誣直爲枉飾虛爲實加之大惡冒以深誅發天下之兵殫府庫之財擠臣一家並寘死地臣嘗瀝忠懇號噉訴於天天居甚高畧無見聽夫小杖則受大杖則走臣雖至愚豈忍父子俱被無辜之戮而令陛下受枉殺親王之名哉故以兵自防誠非得已上賴天地宗廟之靈鑒臣忠誠憫臣非罪俯垂庇佑大軍之至每自摧衄然臣不敢爲喜恒用傷悼誠念此皆 皇考所養兵民而姦臣一旦盡驅之白刃之下使殘血成川曝骸蔽野嗚呼冤哉彼實何罪故夙夜拳拳誠摯敬籲天地籲祖考冀開發聖明助震威斷早戮

姦賊用除禍本庶幾以清朝廷以安宗社以全親族以息兵民而天下有太平之望比聞姦臣于溘皆以竄逃于外臣一家長幼皆欣喜舞抃有更生之慶謂陛下日月之明已宣雷霆之威已震朝廷可以遂清宗社可以綏安親族可寧保全生靈可望休息天下可望太平帝舜之去罔以成湯之改過不吝陛下兼而有之然臣猶未能盡釋於心者初聞齊黃被黜卽以徧告三軍將士曰明天子已洞察我之非辜而去權姦矣旦夕必下寬貸洗雪之恩吾與若等可以解甲而休帖席而臥矣將

建國記

卷一百一十五

士皆曰誠所願見但慮非出誠心而姦臣姑爲退避之計以弭我耳然我豈可輒自弛以束手就擒哉如其果出誠心則吳傑平安盛庸之衆當悉召還而今猶聚境上侵迫不已則是姦臣之身雖出而姦臣之計實行臣思其言恐亦人事之或然者也夫聖人感人至誠而已至誠可孚豚魚而況人乎陛下推誠待下誰不悅從若徒示以去姦臣之名而實仍用姦臣之計此非獨欲撤陛下之藩籬將遂傾陛下之堂堂莽操之事前鑒甚明此不待智者而後知也姦臣之計臣前書陳奏已詳如陛

下不信但試察其所行所言果忠於朝廷乎果其自爲乎惟陛下明之於心度之於理參之於古驗之於今力斷而行之無終爲僞邪所蔽天下幸甚宗社幸甚非獨臣一家一國之幸也書至上召孝孺視書對曰今諸軍大集燕兵久霸大名暑雨爲沴不戰自罷急令遼東諸將入山海關攻永平真定諸將渡盧溝橋擣北平彼顧巢穴歸援我以大軍躡其後必成擒矣我固欲緩之彼奏適至宜且與報書往返逾月彼心解而衆離我謀定而勢合上曰善立命孝孺草詔言罷兵遣大理少卿薛昂

建國記

卷一百一十六

持報燕又爲榜諭數千言刻印萬張授昂令至燕軍中密散諸將士昂見成祖問上意云何昂曰朝廷言殿下且釋甲暮卽旋師成祖怒曰是紿我也昂惶恐不能對燕將士譁欲殺昂昂戰慄流汗伏地成祖令護昂南還翰林侍讀唐愚士卒夏四月昂至自燕軍言燕軍強盛孝孺惡之曰此爲燕遊說也五月吳傑平安盛庸出兵扼燕餉道成祖遣其指揮武勝奉書於朝曰比荷聖明允臣所奏特遣大理少卿薛昂下詔軍中諭以偃兵息民雖臣將士不能無疑於權姦之欺臣之父子蓋

已欣戴陛下之仁矣而品歸未十日吳傑平安盛
庸頗疊發兵絕臣糧運要殺臣將校數百人臣將
士守臣約束不敢赴聞而彼必欲求樂略不見捨
與比所下詔旨背馳誠有以中臣將士之所疑孤
臣父子之所欣幸也如謂朝廷息兵之命傑等有
所不知不聞薛嵩之來往復皆經其軍中其可謂
不知不聞耶此皆姦臣之所爲而陛下深居九重
有所不知不聞也臣之所恃者陛下至尊至親也
今爲姦臣所惑陛下雖有憐之心而不能見庇
則臣自救之計敢一日而忽哉臣之忠誠計薛嵩
歸必能詳達但前日詔旨如此今日姦臣矯制如
彼外情洶洶不敢不聞伏惟擴明睿斷以固皇業
以安天下斯臣亦有保全之望臣無任戰兢俟命
之至上覽書曰燕王本 皇考孝康皇帝母弟於
朕爲叔父奈何必用兵爲也召諭意孝孺孝孺對
曰陛下即欲罷兵兵一散即難復聚彼或長驅犯
闕何以禦之今軍聲大振不日有捷書來聞願陛
下無惑耳言勝等縛下錦衣獄改利州直隸廣西
調刑部左侍郎王良爲浙江肅政按察使六月辛
酉 成祖遣李遠等南掠餉道壬申遠等至濟寧

又至沛縣焚餉舟萬艘河水盡熱魚鱉皆死清平
散走京師大震壬午都督袁宇率兵三萬邀擊遠
中伏敗績殺觀海衛指揮張壽壽飲中言國事危
急坐妖言論死遣太僕少卿祝孟獻使朝鮮市馬
秋七月己丑彰德守將都督趙清禦燕兵戰敗癸
巳燕兵破尾尖寨丁酉平安邀擊燕將劉江於平
村戊戌遣錦衣衛千戶張安遣燕世子書先是孝
孺門人林嘉猷嘗被 成祖召至北平居邸中久
之知高煦及三郡王不睦於世子屢譏於父內臣
黃儼素奸險世子惡儼儼曲事三郡王三郡王與
世子守北平高煦從 成祖軍中時時傾世子孝
孺言於帝曰兵家貴間燕父子兄弟可間而離也
帝問云何孝孺言其故帝曰奈何間之孝孺曰世
子見疑必北歸而吾餉道通矣帝曰善立命孝孺
草書貽世子令歸朝且許王燕地世子得書不啓
封并安致 成祖所三郡王儼先已馳使告 成
祖世子且反 成祖疑之問高煦高煦曰世子故
與太孫善厚語未竟世子書至 成祖曰嗟乎幾
殺吾子壬寅大同守將都指揮房昭引兵入紫荆
關掠保定下邑駐易州西水寨約期進攻北平

成祖聞之卽日選兵援保定限僧道田人五畝送勅禮部曰朕聞釋道之教其來久矣本以清淨空幻爲宗超世離俗爲事近代以來俗僧鄙士貪著自養殖貨富豪甚至田連阡陌本欲以財自奉然利害相乘迷不知覺既有饒足之利必受官府之擾况因此不能自守每罹刑憲非惟身遭慘辱而教亦墜焉夫佛道本心陰翊王化其助弘多至於末流所習本乖靈餽教門致使訛毀肆行貽累厥初朕甚憫之原其害教之端實自田始今天下寺巷官觀除原無田產外其有田者每僧道一人各存田五畝免其租稅以供香火之費餘田盡入官有佃戶者佃者自承其業無佃戶者均給平民如舊田不及今定數者不增若有以祖業及歷代撥賜爲詞告言者勿理如原係本朝撥賜者不在此例凡僧道一應丁役並免其有自相告訐爭訟非干軍民者聽其本教衙門自治若致傷人命及干軍民詞訟者仍聽有司受理其入有司理訟者不許仍服僧道冠服洪武年間已有清理及開該教門榜文當申明遵守教規化緣者不在禁限非素朝命不許私竊懸制今未五十者不許爲尼及女

冠嗔呼多藏厚亡老氏攸戒除欲去累大覺所珍利欲滅則善心生善人多則風俗美欽茲定訓永底太平定銓選法通類覆奏附選八月丁巳成祖渡滹沱河留其將孟善守保定丙子真定總兵遣都指揮韋諒率兵餉饋援房昭丁丑成祖圍西水寨遣其別將朱榮圍定州是月老撾入貢放還不識字人材及年未三十者改泗城州直隸廣西九月甲辰成祖攻定州省恭城縣降平樂府爲州冬十月丙辰真定諸將都指揮花英鄭琦率步騎三萬援西水寨成祖自定州馳還英等列陣峨眉山下成祖潛兵出陣後合戰敗績英琦及都指揮王恭指揮詹忠等被執房昭韋諒走西水寨遂破成祖還北平是月翰林修撰王良卒十一月遼東總兵官楊文圍永平燕將郭亮固守不能克文出兵攻昌黎遇燕將劉江戰敗指揮王雄等七十一人皆被執平安戰敗燕將李彬於楊村韃靼通燕寇鐵嶺皇少子文圭生十二月丙寅成祖復出北平置神武中錦川鎮淮衛勑駙馬都尉梅賡鎮守淮安初置豐沛軍民指揮司詔禁內臣出使侵陵吏民吏部試翰林史官楊士奇等以

次錄用復留士奇於翰林以程通爲遼府左長史
龔泰爲禮科都給事中是歲 太祖高皇帝實錄
成改程本立爲江西肅政按察副使以兵部武選
郎中古朴爲右侍郎起復陳洽爲文選郎中以徐
真馬溥爲左右府都督僉事充叅將率偏師北進
壬建文四年春正月德州裨將都指揮葛進率步
騎萬人爲先鋒渡漣沱河遇燕將李遠於藁城戰
敗平安率兵十萬復通州不克指揮賈榮等兵敗
于衡水 成祖攻破東阿戊戌遂破東平指揮詹
環被執吏目鄭華死之燕攻汶上都指揮薛鵬被
執庚戌燕兵攻沛縣指揮王顯降燕知縣顏伯瑋
及主簿唐子清典史黃謙死之置四川英武前衛
是月晦 成祖至徐州二月諸軍皆營於濟寧餉
卒遇敵于鄒縣潰走甲戌 成祖攻徐州城中兵
出戰敗績改向武都康州直隸廣西省武林縣入
富勞更定動階尚書爲特進資政上卿侍中資政
卿侍郎資政亞卿郎中資政中大夫員外郎贊政
大夫給事中嘉政中士始置京衛武學教授一人
啓忠等齎齋訓導二人三月甲申 成祖自徐州
進攻宿州平安統精兵四萬爲先鋒追躡 成祖

壬辰 成祖過河平安兵進至淝河遇伏戰敗胡
騎指揮火耳灰哈三帖木兒皆被執平安等兵駐
宿州燕將譚清斷徐州餉道燕兵攻破蕭縣知縣
鄭恕死之夏四月甲寅平安兵營於小河亘十餘
里張左右翼緣河而東遇 成祖騎兵合戰斬其
將陳文再戰又勝斬其將王真 成祖督戰急幾
爲安掣所及安馬蹶弗得前燕番將王麒麟馬入
陣援 成祖得脫裨將丁良朱彬被執是役也燕
軍中大懼議且還北平安諸軍營小河南燕兵
據河北甲戌大戰齊眉山自午至酉會大霧飲兵
還營乙亥燕諸將欲還北平不敢顯言輒請退也
小河東就麥觀隙而動 成祖不聽朱能鄭亨又
力言渡河非計諸將多不肯從 成祖曰欲渡河
者左不欲渡河者右諸將多趨左 成祖大怒曰
任汝所之諸將始不敢言何福引兵會平安燕軍
中益懼 成祖數日不解甲矣丁丑平安營於靈
壁 成祖遮其餉道何福等出壁來援敗績辛巳
大戰又敗績左右副總兵都督陳輝平安左右叅
將都督馬溥徐真都指揮孫成等二十七人內臣
四人禮部侍郎陳性善大理寺丞彭與明欽天監

副劉伯亮指揮王貴等一百五十皆被執何福走吐蕃寇陷保寧所五月己丑 成祖至涇州守將周景初降燕辛卯盛庸率馬步騎數萬戰艦數千列營淮南 成祖營淮北燕將丘福朱能潛濟出庸後庸走盡棄其戰艦軍資 成祖遂渡淮至盱眙諸將分屯鳳陽淮安以遏燕兵 成祖欲從淮安取道渡江以駢馬都尉梅殷守禦嚴備恐攻之不克欲從靈壁出鳳陽渡淮知府徐安毀橋斂舟不得渡遂徑趨揚州庚子 成祖至天長揚州指揮王禮千戶徐政張勝江都知縣張本執守將崇剛監察御史王彬降燕 成祖遂至揚州高郵指揮王傑降燕 成祖至儀真詔天下勤王曰燕勢將犯關中外臣民坐視予之困苦而不予救乎凡文武吏士宜即日勤王共除大 宗社再安予不敢忘報詔下京城內外臣民慟哭遣刑部侍郎金 禮部侍中黃觀國子祭酒張顯宗翰林修撰王叔英等分道徵兵入援召黃子澄還蘇州府知府姚善寧波府知府王璉率師勤王遣慶成郡主至 成祖所議割地罷兵不聽是月遼東兵潰於直沽理問徐讓縣丞徐健使燕還以爲衛鎮撫軍

前差遣刑部尚書侯太轉餉淮安燕兵掠鳳陽種馬六月癸丑朔 成祖至浦子口諸將盛庸等迎戰敗之 成祖欲且議和北還會高煦引胡騎至大喜遽起披甲仗鉞見高煦撫其背令努力高煦殊死戰諸軍小却上急遣都督僉事陳瑄率舟師援庸瑄乃降燕乙卯 成祖遂渡江盛庸率海艘出高資港嚴陣以待 成祖奮力先登大戰庸敗走鎮江守將童俊降燕庚申 成祖營龍潭上遣景隆都督王佐尚書茹瑺至龍潭再議割地罷兵分遣諸王守京城諸城門景隆等見 成祖伏地納款頓首稱臣呼萬歲不已壬戌景隆等歸言 成祖必欲得齊秦黃子澄輩上令景隆等再往言諸臣皆寬遂外郡俟縛至遣來景隆等惶懼不敢行上令諸王與景隆等偕行 成祖曰勿多言不得奸臣吾必不已諸王歸上會羣臣慟哭或勸上且幸浙或曰不若幸湖湘孝孺請堅守京城以待四方之援議不決遣魏國公徐輝祖開國公常昇分道出師禦戰甲子遣人齎璽書四出促勤王兵爲燕遊騎所獲乙丑 成祖至金川門谷王穗開門 成祖遂入城上手誅徐增壽於左順門又欲

殊景隆不果諸內臣譁言不如遜位去獨史宮中
火起傳言帝崩 成祖爲發喪治葬翰林文學博
士方孝孺等不屈死之夷其族 成祖卽皇帝位
革除建文年仍稱洪武以故洪武有三十五年或
曰帝發火官中卽削髮爲僧入蜀或曰去蜀未幾
入滇南常往來廣西貴州諸寺中天順中出自滇
南呼寺僧曰我建文皇帝也寺僧大懼白官府迎
至藩堂南面跣足坐地自稱朱允炆曰胡濙名訪
張儼備實爲我衆聞之悚然聞於朝乘傳之京師
有司皆以王禮見比至入居大內以壽終葬西山
不封不樹帝嘗賦詩曰牢落西南四十秋蕭蕭
髮已盈頭乾坤有恨家何在江漢無情水自流長
樂宮中雲氣散朝元閣上雨聲收新蒲細柳年年
綠野老吞聲哭未休士庶至今猶能道之或曰帝
之生也頂顙頗偏 高皇知其必不終嘗匣髡繼
戒之曰必嬰大難乃發此以故遂爲僧去又曰建
文君幼秀穎能爲詩 高皇使賦新月曰誰將玉
指甲抓破碧天痕影落江湖上蛟龍不敢吞帝曰
必免於難

論曰余好問先達建文時事皆爲余言建文君寬

仁慈厚少好文章禮樂不喜任律法操切人比卽
位得方孝孺專意行周官法度輒改 高皇帝約
束靖難兵起不爲意卽有敗狀來聞亦輒謂直多
發兵盡平在旬朔間耳諸大將統重兵北進者又
多懷貳心以故 成祖至江上不戰而潰余至建
業聞之江上老人曰 成祖乃天授建文君何尤
建文君金陵詩曰是日乘輿看晚晴葱蔥佳氣滿
金陵禮樂再興龍虎地衣冠重整鳳凰城後至貴
州金竺二長官司羅永菴嘗題詩壁間其一曰鳳塵
一夕忽南侵天命潛移四海心鳳返丹山紅日遠
龍歸滄海碧雲深紫微有象星還隱玉漏無聲水
自沉遙想禁城今夜月六宮猶望翠華臨其二曰
聞罷榜嚴磨懶敲笑着黃屋寄曇櫺蘭來瘴嶺千
層迤北望天門萬里遙欸段久忘飛鳳輦袈裟新
換袈裟袍百官此日知何處惟有羣鳥早晚朝
建文遜國記終

子履準校

孫心材重校

皇明同姓諸王傳序

明與同姓鮮少所謂廟祔十五王者皆追王也當是時開基江左去塞萬里近亦數千里雖膏園宅咸陽詔遷汴邑然時有未遑議遂中輟

高皇帝驅胡出塞復我中華經始慮終防胡爲急於是大啓宗封錯布萬國擇選諸子周匝三垂

文皇英略蓋世開府北平天險地利甲於諸藩北平以東歷漁陽盧龍出喜峰包大寧控葆塞山戎

爲寧王度榆關跨遼東西並海被朝鮮聯開原交市東北諸夷爲遼王北平西接古北口瀕於雍河

同姓諸王傳

序

一

三

中更上谷雲中鞏居庸蔽鳳門爲谷代王鳳門之

南太原其都會也表裏河山爲晉王逾河而西歷延慶韋靈又逾河北保寧夏倚賀蘭爲慶王兼穀

隴之險周秦都圻之地牧圻之野直走金城爲秦王金城西渡河領張掖酒泉諸郡西肩嘉峪護西

域諸國爲肅王此九王者皆近塞下以故城郭富於曹滕兵車雄於魯衛莫不傳以元侯翊以宿將

權崇制命勢匹撫軍肅清沙漠則壘帳相望締好宗潢則輅輪不絕若乃周楚齊潭魯蜀諸王並列

內郡亦皆秉鉞麾旄部兵耀武蓋草昧於建侯

板蕩維於宗子斟酌周漢而衣食於縣官寧有尾

末之憂懲創宋唐而綴旒於下國必無坑沉之禍

世平自足以展親時危不難於復振此思王之所

以控表宋侯之所以畫策者也迨其弊也盤石雖

堅體解莫解其高進賈誼之策而齊黃竟晃錯之

謀凌逼既深猜忤遂積建文數年間雖龍驪利

害相尋靖難以後矯枉鑒覆益篤因心驕恣復萌

稍申裁抑書勅再三規誨懇惻而齊谷不悛終負

私貨宣德初二叔不靖漢以義滅趙以恩完自是

以後天子攬綱結網尋泉日嚴一不律則奪祿

再不律則奪兵三不律則奪爵賢傳終老於梁園

同姓諸王傳

序


二

五

高皇帝約已裕人未幾卽減六之一今載屬籍者
王二等將軍三等中尉三等主君五等若未名未
封疏庶人罪庶人蓋四萬有奇邸祿歲增民財日
窘至有共蓬而居分餅而膳四旬而未婚十年而
不葬者矣嗟乎驕溢則橫而于紀窘困則濫而思
亂其爲禍一也而不早爲之所可乎略叙先朝典
制爲初王表二卷五太子七十七王五庶人傳三
卷明鑒戒焉

嘉靖甲子六月既望鄭曉識

皇明同姓表圖一



吾學編第十一



| | | | | | | | | | | | |
|--------|----|----|-----|---|----|--------|----|----|-----|--------|----|
| 同姓初王表上 | | | | | | | | | | 吾學編第十二 | |
| 號謚 | 子 | 都 | 祿 | 世 | 續封 | 秦愍王 | 高貳 | 西安 | 萬石 | 世 | 續封 |
| 晉恭王 | 參 | 太原 | 萬石 | 世 | 續封 | 周定王 | 伍 | 杭州 | 貳萬石 | 除 | 續封 |
| 楚昭王 | 陸 | 武昌 | 萬石 | 世 | 續封 | 齊庶人 | 崇 | 青州 | 除 | 罪除 | 續封 |
| 渾王 | 捌 | 長沙 | 萬石 | 世 | 續封 | 趙王 | 玖 | 交州 | 萬石 | 無子 | 續封 |
| 魯荒王 | 拾 | 成都 | 萬石 | 世 | 續封 | 同姓初三表上 | | | | | |
| 蜀獻王 | 拾壹 | 荊州 | 陸千石 | 除 | 續封 | 湘獻王 | 拾貳 | 荊州 | 陸千石 | 除 | 續封 |
| 代簡王 | 拾叁 | 荊州 | 陸千石 | 世 | 續封 | 肅莊王 | 拾肆 | 荊州 | 陸千石 | 世 | 續封 |
| 遼簡王 | 拾伍 | 荊州 | 陸千石 | 世 | 續封 | 慶靖王 | 拾陸 | 荊州 | 陸千石 | 世 | 續封 |
| 寧獻王 | 拾柒 | 荊州 | 陸千石 | 世 | 續封 | 岷莊王 | 拾捌 | 荊州 | 陸千石 | 世 | 續封 |
| 谷庶人 | 拾玖 | 荊州 | 陸千石 | 世 | 續封 | 韓憲王 | 貳拾 | 荊州 | 陸千石 | 世 | 續封 |

| | | | | | | | | | | | | | | | | | | | | |
|------|------|-----------------------|-----------------------|-----------------------|------|------|-----------------------|------|-------|--------|-----|-----|-----|---------|-------|--------|--------|--------|--------|--------|
| 梁莊王致 | 滕懷王捌 | 淮靖王宗 | 荆憲王陸 | 襄憲王伍 | 越靖王肆 | 靳獻王叁 | 鄭靖王仁貳 | 趙簡王叁 | 漢庶人文貳 | 同姓初主表三 | 徐王伍 | 衡王肆 | 吳王叁 | 虞懷王貳文子一 | 靖王貳拾伍 | 伊厲王貳拾伍 | 鄧靖王貳拾肆 | 唐定王貳拾叁 | 安惠王貳拾貳 | 潘簡王貳拾壹 |
| 安陸 | | 韶州 <small>從隸州</small> | 建昌 <small>改霸州</small> | 長沙 <small>改襄陽</small> | | | 鳳翔 <small>改懷慶</small> | 彰德 | 樂安 | | 徐州 | 衡州 | 杭州 | | 桂林 | 河南 | 安陸 | 南陽 | 平涼 | 潞安 |
| 萬石 | 萬石 | 萬石 | 萬石 | 萬石 | 萬石 | 萬石 | 萬石 | 萬石 | 萬石 | | 萬石 | 萬石 | 萬石 | 無子 | 千石 | 貳千石 | 無子 | 伍千石 | 無子 | 萬石 |
| 無子 | 無子 | 世 | 世 | 世 | 無子 | 無子 | 世 | 世 | 逆除 | | 革 | 革 | 革 | 無子 | 除 | 世 | 無子 | 世 | 無子 | 世 |
| | | | | | | | | | | | 改封除 | 改封除 | 改封除 | | 續封 | | | | | |

| | | | | | | | | | | | | | | | | | | | |
|-------|------|------|------|------|------|------|------|-------|--------|-----|------|------|-----------------------|-----|-------|-------|-------|------|------|
| 衛懷王唐壹 | 許悼王叁 | 德莊王肆 | 秀懷王伍 | 崇簡王陸 | 忻穆王柒 | 吉簡王捌 | 徽莊王玖 | 岐惠王壹肆 | 同姓初主表上 | 益王伍 | 衡恭王陸 | 雍靖王柒 | 壽王玖 | 汝王拾 | 涇簡王拾壹 | 榮莊王拾貳 | 申懿王拾叁 | 許悼王叁 | 衛恭王拾 |
| | | | | | | | | | | 建昌 | 青州 | 衡州 | 保寧 <small>改常德</small> | 衛輝 | 沂州 | 常德 | 叙州 | | |
| | | | | | | | | | | 萬石 | 萬石 | 萬石 | 萬石 | 萬石 | 萬石 | 萬石 | 萬石 | | 萬石 |
| 無子 | 無子 | 無子 | 無子 | 無子 | 無子 | 無子 | 無子 | 無子 | | 世 | 世 | 無子 | 世 | 世 | 無子 | 世 | 無子 | 無子 | 無子 |
| 表上終 | | | | | | | | | | | | | | | | | | | |

同姓初王表下

吾學編第十三

府號子名諡除世進封

永興 愍貳 尚烈 簡懿 世

保安 參 尚煜 懷僖 世

興平 肆 尚煥 恭簡 世

永壽 伍 尚烜 懷簡 世

安定 陸 尚价 懷簡 世

南渭 隱貳 尚均 懷 世

富平 參 志絜 康 世

宜川 肆 志絜 莊靖 世

同姓初王表 陳補百五十六

臨潼 康參 公銘 惠簡 世

郃陽 肆 公鏗 惠恭 世

汧陽 伍 公鏗 端懿 世

鎮安 惠壹 誠泳 簡 世

平陽 恭貳 濟煥 莊惠 世

慶成 參 濟煥 莊惠 世

高平 肆 濟煥 懷簡 世

永和 伍 濟煥 昭定 世

寧化 陸 濟煥 懿簡 世

右秦府 罪除

世

廣昌 崇 濟煥 悼平 世

交城 定貳 美垸 榮順 世

陽曲 參 美垸 榮靖 世

西河 肆 美垸 靖恭 世

方山 伍 美垸 莊憲 世

臨泉 陸 美垸 莊簡 世

雲丘 崇 美垸 簡靖 世

寧河 捌 美垸 簡靖 世

徐溝 憲貳 鍾鐸 悼僖 世

河東 參 鍾鐸 昭靖 世

同姓初王表 陳補百五十六

太谷 肆 鍾鏞 懷僖 世

義寧 莊貳 奇洪 榮康 世

河中 參 奇洪 悼懷 世

襄陰 肆 奇洪 安惠 世

新化 靖貳 表謙 恭裕 世

榮澤 參 表樞 安懿 世

靖安 肆 表樞 端僖 世

安溪 伍 表樞 懷僖 世

旌德 陸 表樞 懷安 世

右晉府

世

| | | | | |
|----|----|----|----|----|
| 汝南 | 定貳 | 有勲 | 悼和 | 無子 |
| 順陽 | 叁 | 有烜 | 懷莊 | |
| 祥符 | 肆 | 有燭 | 簡 | 嗣王 |
| 新安 | 伍 | 有燭 | | |
| 永寧 | 陸 | 有光 | 靖僖 | |
| 汝陽 | 柒 | 有燭 | 恭僖 | 無子 |
| 鎮平 | 捌 | 有燭 | 恭靖 | |
| 宜陽 | 玖 | 有燭 | 憲穆 | 無子 |
| 遂平 | 拾 | 有燭 | 悼恭 | |
| 封丘 | 拾壹 | 有燭 | 康惠 | |
| 羅山 | 拾貳 | 有燭 | 悼惠 | 無子 |
| 內鄉 | 拾叁 | 有燭 | 恭莊 | |
| 胙城 | 拾肆 | 有燭 | 莊簡 | |
| 固始 | 拾伍 | 有 | | 無子 |
| 通許 | 拾貳 | 子陸 | 懿 | 嗣王 |
| 原武 | 叁 | 子埵 | 安懿 | |
| 鄆陵 | 肆 | 子埵 | 安僖 | |
| 河陰 | 伍 | 子埵 | 懷僖 | |
| 項城 | 柒 | 子埵 | 恭和 | 無子 |
| 潁川 | 玖 | 子埵 | 溫僖 | |

| | | | | |
|----|----|----|----|----|
| 義陽 | 拾 | 子圻 | 康靖 | 無子 |
| 泌陽 | 拾壹 | 子 | | 無子 |
| 汝陰 | 拾貳 | 子埵 | 懷懿 | 無子 |
| 臨汝 | 拾叁 | 子埵 | 端懿 | |
| 沈丘 | 拾肆 | 同錄 | 莊惠 | |
| 上洛 | 叁 | 同錄 | 榮辰 | |
| 魯陽 | 肆 | 同錄 | 恭惠 | |
| 臨潁 | 伍 | 同錄 | 榮惠 | |
| 堵陽 | 陸 | 同錄 | 安僖 | |
| 河清 | 柒 | 同錄 | 昭和 | |
| 新會 | 捌 | 同錄 | 恭簡 | |
| 義寧 | 惠肆 | 安淡 | 昭安 | |
| 崇善 | 陸 | 安涇 | 恭順 | |
| 海陽 | 柒 | 安淦 | 康隱 | |
| 曲江 | 拾壹 | 安淦 | 恭和 | |
| 博平 | 拾叁 | 安淦 | 恭裕 | |
| 汾西 | 拾肆 | 安淦 | 靖安 | |
| 魯山 | 拾柒 | 安淦 | 康和 | |
| 信陵 | 拾捌 | 安淦 | 懿簡 | |
| 邵陵 | 拾玖 | 安淦 | 恭順 | |

| | | | |
|--------|-----|----|----|
| 萊陽 | 貳拾 | 安滿 | 榮康 |
| 東會 | 貳拾壹 | 安瀉 | 莊信 |
| 富陽 | 貳拾貳 | 安澤 | 昭穆 |
| 會稽 | 貳拾叁 | 安深 | 康敬 |
| 浦江 | 貳拾肆 | 安涇 | 懷隱 |
| 應城 | 悼肆 | 睦柱 | 恭穆 |
| 益陽 | 伍 | 睦楮 | 康定 |
| 奉新 | 陸 | 睦櫛 | 榮憲 |
| 南陵 | 玖 | 睦模 | 莊裕 |
| 京山 | 恭叁 | 勤炫 | 溫惠 |
| 同姓初生表下 | | | |
| 華亭 | 肆 | 勤燦 | 榮安 |
| 寶坻 | 伍 | 勤炬 | |
| 湯溪 | 陸 | 勤炬 | 榮憲 |
| 瑞金 | 柒 | 勤煥 | 榮簡 |
| 商城 | 捌 | 勤斌 | |
| 柘城 | 玖 | 勤煥 | |
| 修武 | 拾 | 勤煥 | 康簡 |
| 安吉 | 拾壹 | 勤勳 | |
| 汝寧 | 拾貳 | 勤然 | 端恪 |
| 彰德 | 拾叁 | 勤惇 | |

| | | | |
|-----|----|----|----|
| 順慶 | | 朝埴 | |
| 保寧 | | 朝堵 | 恭簡 |
| 巴陵 | 昭貳 | 孟炮 | 悼簡 |
| 永安 | 叁 | 孟炯 | 懿簡 |
| 壽昌 | 肆 | 孟焯 | 安信 |
| 崇陽 | 伍 | 孟煒 | 靖簡 |
| 通山 | 陸 | 孟煥 | 靖恭 |
| 通城 | 柒 | 孟燦 | 莊靖 |
| 景陵 | 捌 | 孟昭 | 順靖 |
| 岳陽 | 玖 | 孟燿 | 悼惠 |
| 江夏 | 拾 | 孟炬 | 康靖 |
| 東安 | 莊貳 | 季塙 | 恭定 |
| 大冶 | 叁 | 季煥 | 悼信 |
| 保康 | 端貳 | 顯樟 | 榮靖 |
| 武岡 | 叁 | 顯槐 | |
| 樂安 | | 賢烜 | 悼隱 |
| 長山 | | 賢煥 | |
| 平原 | | 賢宸 | |
| 右楚府 | | | |
| 罪除 | | | |
| 罪除 | | | |
| 罪除 | | | |

| | | | | | | | | | | | | | | | | | | |
|----|----|----|----|-----|----|----|----|----|-------|----|----|----|----|----|----|----|----|-----|
| 保寧 | 崇慶 | 崇寧 | 華陽 | 歸善 | 新蔡 | 高齊 | 陽信 | 滋陽 | 同知府王表 | 翼城 | 館陶 | 郊城 | 東甌 | 樂陵 | 東阿 | 鉅野 | 鄒平 | 安丘 |
| 伍 | 肆 | 叁 | 獻貳 | 拾 | 玖 | 捌 | 柒 | 陸 | 伍 | 肆 | 叁 | 莊貳 | 陸 | 伍 | 肆 | 叁 | 叁 | 靖貳 |
| 悅卿 | 悅炳 | 悅燭 | 悅耀 | 當五 | 當汗 | 當涓 | 當清 | 當潢 | 當雲 | 當忽 | 當滋 | 當泚 | 泰舉 | 泰壁 | 泰 | 泰勝 | 泰圻 | 泰恭 |
| 和 | | | 悼隱 | | 端穆 | 康穆 | 安僖 | 惠和 | 恭安 | 宣思 | 康僖 | 端肅 | 恭思 | 端懿 | 僖順 | 莊靖 | 靖恭 | |
| | | | | | | | | | | | | | | | | | | 右齊府 |
| 嗣王 | | | | 右魯府 | | | | | | | | | | | | | | |

| | | | | | | | | | | | | | | | | | | | |
|----|----|----|----|----|----|----|----|-----|-------|----|----|----|----|----|----|----|----|-----|----|
| 昌化 | 隰川 | 懷仁 | 宣寧 | 靈丘 | 襄垣 | 山陰 | 潞城 | 廣靈 | 同知府王表 | 南川 | 通江 | 慶符 | 汶川 | 石泉 | 德陽 | 內江 | 黔江 | 羅江 | 永川 |
| 戾貳 | 玖 | 捌 | 柒 | 陸 | 伍 | 肆 | 叁 | 簡貳 | 肆 | 定貳 | 陸 | 伍 | 肆 | 叁 | 叁 | 和貳 | 叁 | 俾莊貳 | 陸 |
| 仕墀 | 遜燭 | 遜靖 | 遜科 | 遜炘 | 遜燁 | 遜熾 | 遜灼 | 遜熾 | 申鋸 | 申鑒 | 友璫 | 友塏 | 友城 | 友塏 | 友塏 | 友塏 | 友塏 | 友塏 | 悅婦 |
| 溫憲 | 懿安 | 榮定 | 靖莊 | 榮順 | 恭簡 | 康惠 | 僖順 | 榮虛 | 安靖 | 惠 | 恭僖 | 懿簡 | 榮穆 | 僖安 | 莊懿 | 悼懷 | 僖 | 莊簡 | |
| | | | | | | | | | | | | | | | | | | | 嗣王 |
| | | | | | | | | 右蜀府 | | 嗣王 | | | | | | | | | |

| | | | |
|-----------------------------|----|----|----|
| 饒陽 | 隱貳 | 成鏐 | 悼昭 |
| 安定 | 叁 | 成鑄 | 悼隱 |
| 棗强 | 肆 | 成釘 | 靖安 |
| 吉陽 | 惠貳 | 聰注 | 恭順 |
| 深陽 | 叁 | 聰 | 榮定 |
| 博野 | 肆 | 聰漆 | 端穆 |
| 和川 | 伍 | 聰潛 | 宣懿 |
| 寧津 | 陸 | 聰滴 | 懷莊 |
| 樂昌 | 柒 | 聰涓 | 康懿 |
| 進賢 | 思貳 | 俊積 | 莊惠 |
| <small>同姓初王表下 九</small> | | | |
| 河內 | 懿貳 | 充熾 | 莊安 |
| 富川 | 叁 | 充煜 | 悼定 |
| 寶豐 | 肆 | 充允 | 悼順 |
| 碭山 | 伍 | 充炯 | 悼懷 |
| 泰興 | | 廷埼 | |
| 洵陽 | 康貳 | 祿坪 | 簡 |
| 汾川 | 簡貳 | 貢銓 | 恭 |
| 淳化 | 恭貳 | 貞泓 | 端惠 |
| 鉛山 | 叁 | 貞灝 | 榮和 |
| <small>右代府</small> | | | |
| <small>嗣王</small> | | | |
| <small>嗣王</small> | | | |

| | | | |
|----|----|----|-----|
| 金壇 | 肆 | 貞洵 | 恭裕 |
| 會寧 | 伍 | 貞潤 | 莊惠 |
| 延長 | 陸 | 貞澆 | |
| 遠安 | 簡貳 | 貴燮 | 右肅府 |
| 巴東 | 叁 | 貴煊 | 罪除 |
| 興山 | 肆 | 貴燦 | 肅 |
| 潛山 | 伍 | 貴妣 | |
| 宜都 | 陸 | 貴輝 | |
| 松滋 | 柒 | 貴珩 | 安惠 |
| 益陽 | 捌 | 貴煇 | 安僖 |
| 湘陰 | 玖 | 貴炯 | 安僖 |
| 衡陽 | 拾 | 貴熙 | 莊和 |
| 應山 | 拾壹 | 貴燭 | 倬恭 |
| 宜城 | 拾貳 | 貴燭 | 康簡 |
| 枝江 | 拾叁 | 貴熠 | 莊惠 |
| 沅陵 | 拾肆 | 貴燭 | 恭憲 |
| 麻陽 | 拾伍 | 貴煥 | 倬偉 |
| 衡山 | 拾陸 | 貴斌 | 恭惠 |
| 蘄水 | 拾柒 | 貴樓 | 靖和 |

| | | | | |
|--------|----|----|----|----|
| 長陽 | 肅貳 | 豪堪 | 一昭 | 和 |
| 長垣 | 靖貳 | 恩鉅 | 恭順 | |
| 光澤 | 惠貳 | 寵濠 | 榮端 | |
| 廣元 | 恭貳 | 致樞 | 康僖 | |
| 句容 | 莊貳 | 憲燁 | | 嗣王 |
| 真寧 | 靖貳 | 秩煒 | 莊惠 | |
| 靖寧 | 叁 | 秩 | | |
| 安化 | 肆 | 秩終 | 惠懿 | |
| 岐山 | 伍 | 秩煉 | 倬莊 | |
| 同姓初王表下 | | | | 二 |
| 安塞 | 陸 | 秩炅 | 宣靖 | |
| 平京 | 康壹 | 遂璧 | 懷 | 嗣王 |
| 岐陽 | 貳 | 遂塤 | 莊 | 嗣王 |
| 豐林 | 叁 | 遂坑 | 溫僖 | |
| 洛交 | 莊壹 | 真鑒 | 恭 | 嗣王 |
| 肇昌 | 貳 | 真鉶 | | |
| 弘農 | 叁 | 真綱 | 榮惠 | |
| 壽陽 | 恭貳 | 台濠 | 和靖 | |
| 桐鄉 | | 鼎枋 | | |
| 延川 | | 鼎楨 | 端穆 | |

右遼府

嗣王

| | | | | |
|--------|----|----|----|-----|
| 鎮南 | 莊貳 | 徽燥 | 恭 | 右虞府 |
| 江川 | 叁 | 徽燭 | 恭惠 | 嗣王 |
| 廣通 | 肆 | 徽燭 | | |
| 渭南 | 伍 | 徽燭 | | 逆除 |
| 安昌 | 陸 | 徽燭 | | 罪除 |
| 沙陽 | | 膺鏞 | 懷僖 | |
| 唐年 | | 膺鏞 | 端靖 | |
| 同姓初王表下 | | 膺錄 | 恭裕 | |
| 江陵 | 簡壹 | 彦汰 | | 三 |
| 南安 | 貳 | 彦泥 | | 罪除 |
| 南豐 | 叁 | 彦激 | | 嗣王 |
| 黎山 | 肆 | 彦濩 | 康靖 | |
| 善化 | | 譽桔 | 康簡 | |
| 建德 | | 譽樅 | 榮安 | |
| 漢川 | | 譽樅 | | |
| 長壽 | | 譽樅 | | |
| 遂安 | | 譽樅 | | |
| 右岷府 | | | | |

右虞府

嗣王

| | | | | | |
|-------|----|----|----|-----|----|
| 臨川 | 獻貳 | 盤輝 | 康信 | 罪除 | |
| 宜春 | 叁 | 盤姚 | 安簡 | 逆除 | |
| 新昌 | 肆 | 盤炷 | 安信 | | |
| 信豐 | 伍 | 盤煖 | 悼惠 | | |
| 弋陽 | 惠貳 | 莫壘 | 惠和 | | |
| 樂安 | 叁 | 莫壘 | 昭定 | | |
| 瑞昌 | 肆 | 莫壘 | 恭倍 | | |
| 石城 | 伍 | 莫壘 | 恭靖 | | |
| 建安 | 靖貳 | 觀錄 | 簡定 | | |
| 鍾陵 | 叁 | 觀錄 | | | |
| 同姓初表下 | | | | | |
| 十二 | | | | | |
| 醴陵 | | 賦灼 | 逆除 | 右寧府 | |
| | | 賦燭 | 逆除 | | |
| 襄陵 | 惠貳 | 冲炷 | 莊穆 | 右谷府 | |
| 臨汾 | 叁 | 冲炷 | | | |
| 樂平 | 肆 | 冲炷 | 定肅 | | |
| 開城 | 恭壹 | 範圮 | 懷 | | 嗣王 |
| 西鄉 | 貳 | 範柳 | 靖 | | 嗣王 |
| 平利 | 叁 | 範壘 | 懷簡 | | |

| | | | | | |
|-------|----|----|----|--|-----|
| 襄城 | 肆 | 範堦 | 昭裕 | | |
| 通渭 | 伍 | 範聖 | 莊簡 | | |
| 高陵 | 靖壹 | 徵針 | 惠 | | 嗣王 |
| 漢陰 | 貳 | 徵鋌 | 恭懷 | | |
| 廣安 | 惠壹 | 偕流 | 悼 | | 嗣王 |
| 彰化 | 貳 | 偕滿 | 康 | | 嗣王 |
| 高平 | 叁 | 偕樂 | 榮和 | | |
| 西德 | 肆 | 偕靜 | 昭信 | | |
| 隴西 | 康貳 | 旭林 | 安懿 | | |
| 寧遠 | 叁 | 旭栓 | 宣和 | | |
| 同姓初表下 | | | | | |
| 古 | | | | | |
| 長泰 | 肆 | 旭橫 | 端信 | | |
| 永福 | 伍 | 旭樺 | 恭安 | | |
| 建寧 | 陸 | 旭楠 | 定恭 | | |
| 長洲 | 昭貳 | 融煖 | 榮康 | | |
| 崑山 | 叁 | 融煖 | 康懿 | | |
| 長樂 | 肆 | 融煖 | 莊懿 | | |
| 高淳 | | 謨塏 | 安靖 | | |
| 休寧 | | 謨恭 | | | |
| 武鄉 | 簡壹 | 佶煒 | 康 | | 右韓府 |
| | | | | | 嗣王 |

| | | | | | | | | | | | | | | | | | | | |
|----|----|----|----|----|----|----|----|----|----|-------|----|----|----|----|----|----|----|----|----|
| 福山 | 雲和 | 定陶 | 吳江 | 宿遷 | 宜山 | 靈川 | 西陽 | 永年 | 唐山 | 同姓列王表 | 廣宗 | 內丘 | 遼山 | 清源 | 沁源 | 沁水 | 稷山 | 平遙 | 陵川 |
| 恭 | 柒 | 陸 | 伍 | 肆 | 叁 | 貳 | 莊壹 | 玖 | 捌 | | 柒 | 陸 | 肆 | 康叁 | 捌 | 陸 | 伍 | 肆 | 貳 |
| 助壯 | 詮鑑 | 詮鑑 | 詮鑑 | 詮鑑 | 詮鑑 | 詮鑑 | 詮鑑 | 幼恭 | 幼墻 | | 幼林 | 幼墳 | 幼壁 | 幼圩 | 信焯 | 信焄 | 信焄 | 信焄 | 信焄 |
| 恭和 | | 恭靖 | 昭 | 榮簡 | 康信 | 榮懿 | 恭 | 榮安 | 悼僖 | | 懷靖 | 恭僖 | 宣穆 | 莊簡 | 恭定 | 悼懷 | 悼靖 | 昭僖 | 康肅 |
| | | | | | | | | | | | 無子 | | | | | | | | |
| 嗣王 | | | | | | 嗣王 | 嗣王 | | | | | | | | | | | | |

| | | | | | | | | | | | | | | | | | | |
|----|----|----|----|----|----|----|-----|----|--------|----|----|----|----|----|----|----|----|-----|
| 萬安 | 濟源 | 西鄂 | 方城 | 郊城 | 光陽 | 上洛 | 衛輝 | 鄆城 | 同姓列王表下 | 浙陽 | 文城 | 潁昌 | 湯陰 | 承休 | 新城 | 三城 | 舞陽 | 新野 |
| 貳 | 定貳 | 肆 | 叁 | 安貳 | 貳 | 簡壹 | 伍 | 肆 | | 叁 | 貳 | 莊壹 | 陸 | 伍 | 肆 | 叁 | 憲貳 | 定叁 |
| 典檣 | 訐淳 | 訐缺 | 訐缺 | 訐鉞 | 勉 | 勉 | 彌鉞 | 彌鉞 | | 彌鉞 | 彌鉞 | 彌鉞 | 芝坵 | 芝坵 | 芝坵 | 芝坵 | 芝坵 | 瓊輝 |
| 康懿 | | 安僖 | 懷僖 | 定 | | 安 | 恭懿 | 恭端 | | 溫僖 | 恭靖 | 成 | 昭安 | 榮和 | | 康穆 | 莊 | 悼懷 |
| | | | | | | | | | | | | | | | | | | |
| 嗣王 | | | | 嗣王 | | 嗣王 | 右唐府 | | | | 嗣王 | 嗣王 | | | | | 嗣王 | 右藩府 |

| | | | | | | | | | | | | | | | | | |
|----|----|----|----|----|----|----|----|----|----|-----|----|----|----|----|----|----|-----|
| 光山 | 秀水 | 昆陽 | 汝源 | 襄邑 | 湯陰 | 平鄉 | 南洛 | 洛川 | 臨漳 | 新泰 | 海豐 | 任城 | 齊東 | 淄川 | 昌樂 | 臨淄 | 濟陽 |
| 叁 | 莊貳 | 叁 | 悼貳 | 崇 | 陸 | 伍 | 肆 | 叁 | 惠貳 | 拾玖 | 玖 | 捌 | 柒 | 陸 | 伍 | 肆 | 庶叁 |
| 厚輝 | 厚炳 | 見洽 | 見洪 | 祁錕 | 祁鎬 | 祁鎔 | 祁錕 | 祁錕 | 祁錕 | 瞻瑯 | 瞻瑤 | 瞻瑤 | 瞻瑤 | 瞻瑤 | 瞻瑤 | 瞻瑤 | 瞻瑤 |
| 康靖 | 憲穆 | 溫穆 | 榮昭 | 恭定 | 莊僖 | 榮順 | 安懿 | 靖懿 | 恭安 | | | | | | | | |
| | | | | | | | | | | 右漢府 | 逆除 | 逆除 | 逆除 | 逆除 | 逆除 | 逆除 | 右伊府 |
| | | | | | | | | | | | | | | | | | |

| | | | | | | | | | | | | | | | | | |
|----|----|----|-----|----|----|----|----|----|----|----|----|----|----|----|-----|----|----|
| 鎮寧 | 陽山 | 東陽 | 寧鄉 | 盟津 | 真丘 | 丹陽 | 廬江 | 繁昌 | 宜章 | 信陽 | 東垣 | 河陽 | 朝邑 | 涇陽 | 新平 | 成皋 | 獲嘉 |
| 叁 | 定貳 | 叁 | 憲貳 | 玖 | 捌 | 柒 | 陸 | 伍 | 肆 | 叁 | 貳 | 壹 | 肆 | 叁 | 貳 | | |
| 見漢 | 見滂 | 祁鉦 | 祁鑣 | 見德 | 見 | 見涇 | 見浦 | 見浸 | 見洲 | 見派 | 見演 | 見瀉 | 祁鎔 | 祁鎔 | 祁鎔 | 戴坑 | 戴培 |
| 恭靖 | 恭和 | 安穆 | 莊憲 | 恭懿 | | 靖和 | 懿簡 | 恭定 | 懷順 | 無子 | 端惠 | 懷簡 | 崇簡 | 安靖 | 懷僖 | | 昭定 |
| | | | 無子 | | | | | | | | | | | | | | |
| | | | 右鄭府 | | | | | | | | | | | | 右趙府 | | |
| | | | | | | | | | | | | | | | | | |

| | | | | |
|-------|----|----|-----|-----|
| 光化 | 簡貳 | 祐楨 | 右襄府 | 嗣王 |
| 都昌 | 憲貳 | 祁鑑 | 惠靖 | |
| 都梁 | 靖貳 | 見溥 | 悼惠 | 嗣王 |
| 樊山 | 參 | 見澤 | 溫熱 | |
| 富順 | 和貳 | 厚焜 | | |
| 永新 | 參 | 厚煥 | 安 | |
| 永定 | | 載盛 | 端穆 | |
| 鄱陽 | 靖貳 | 祁鎮 | 懷信 | 右荆府 |
| 同姓初三表 | | | 罪除 | |
| 永豐 | 參 | 祁鉞 | 恭和 | |
| 清江 | 康貳 | 見澱 | 端裕 | 嗣王 |
| 南康 | 參 | 見洽 | 莊惠 | |
| 德興 | 肆 | 見澣 | 莊喜 | |
| 順昌 | 伍 | 見溥 | 恭懿 | |
| 崇安 | 陸 | 見洵 | 榮穆 | |
| 高安 | 莊貳 | 厚昊 | 恭信 | |
| 上饒 | 參 | 厚燭 | | |
| 吉安 | 肆 | 厚燭 | 肅簡 | |
| 廣信 | 伍 | 厚燭 | | |

| | | | | |
|-------|----|----|----|-----|
| 泰安 | 莊貳 | 祐棣 | 恭簡 | 右淮府 |
| 濟寧 | 參 | 祐棣 | 安信 | |
| 東平 | 懿貳 | 厚燭 | 懷順 | |
| 歷城 | 參 | 厚燭 | 榮和 | |
| 臨朐 | 肆 | 厚燭 | 榮簡 | |
| 高唐 | 伍 | 厚燭 | 悼信 | |
| 臨清 | 懷 | 載埽 | | |
| 寧海 | | 載埽 | 恭和 | 右德府 |
| 同姓初三表 | | | | |
| 慶元 | 簡貳 | 祐樞 | 榮康 | |
| 懷安 | 參 | 祐 | | |
| 瑞安 | 肆 | 祐 | | 右崇府 |
| 光化 | 定壹 | 載均 | | 嗣王 |
| 興化 | 莊壹 | 祐樞 | 簡 | 右吉府 |
| 遂昌 | 貳 | 祐樞 | 恭惠 | 嗣王 |
| 陽城 | 參 | 祐樂 | 恭信 | |
| 景寧 | 肆 | 祐枕 | 恭裕 | |

| | | | | | | | | | | | | | | | | | |
|----|----|----|-----|----|----|-----|----|----|----|----|----|----|----|----|----|----|----|
| 新樂 | 玉田 | 江華 | 玉山 | 金溪 | 崇仁 | 榮陽 | 德平 | 陽夏 | 太康 | 浦城 | 伍城 | 隆平 | 慶雲 | 新昌 | 嘉定 | 建德 | 太和 |
| 叁 | 貳 | 恭壹 | | | | | | | | | | 伍 | 肆 | 叁 | 簡貳 | 陸 | 伍 |
| 厚燦 | 厚煙 | 厚燄 | 厚燠 | 厚煌 | 厚炫 | 載堦 | 載堦 | 載堦 | 載堦 | 載堦 | 載堦 | 厚燠 | 厚燠 | 厚燠 | 厚燠 | 祐槿 | 祐槿 |
| 端惠 | 懷簡 | | 恭靖 | 莊惠 | | | | | | | 悼康 | 康信 | 康信 | 端信 | 宣惠 | 康和 | 端信 |
| | | | 右益府 | | | 右徽府 | | | | | | | | | | | |
| | | 嗣王 | | | | | | | | | | | | | | | |

| | | | | | | | |
|----|----|----|----|----|-----|----|----|
| 貴溪 | 富城 | 永春 | 惠安 | 福寧 | 邵陵 | 齊東 | 高唐 |
| 陸 | 伍 | 肆 | 叁 | 莊貳 | 陸 | 伍 | 肆 |
| 厚熙 | 厚然 | 厚烈 | 厚煦 | 厚熹 | 厚燄 | 厚炳 | 厚煥 |
| | | | 康和 | 懷信 | | 溫惠 | |
| | | | | | 右衡府 | | |
| | | | | | | | |

皇明同姓諸王傳第一卷

吾學編第十四

海鹽鄭曉

吳元年冬 上念七子漸長宜習勞令內侍製麻

履行際凡出城稍速馬行十七步十三洪武二年

設王相府是年令博士孔克仁經三年封

諸子王詔曰朕荷天地百神之佑祖宗之靈當羣

雄鳥沸之秋奮與淮右賴將帥宣力創業江左曩

者命大將軍徐達總率諸將以定中原不二年間

海宇肅清虜遁沙漠大統既正黎庶靖安欲先論

武功以行爵賞緣土番之境未入版圖今年春復

同姓諸王傳 卷一

命徐達等西征是以報功之事未及舉行朕聞昔

帝王適子正儲位衆子封王朕今有子十人卽位

之初已立長子標爲 皇太子諸子之封本待報

賞功臣之後然尊卑之分所宜早定乃以四月七

日封第二子標爲秦王次桐晉王次 燕王次橧

吳王次楨楚王次椿齊王次棹潭王次杞趙王次

檀魯王姪孫守謙靖江王皆授以冊寶設置相傳

官屬及諸禮儀已有定制於戲奉天法古實爲生

民明此彝倫非文武賢能三軍用命江左人民之

助何以致此尚賴各盡心力以成治功六年春賜

諸王昭鑑錄又賜祖訓錄今書殿中宮中八年初

定諸王宗人祿米每歲親王五萬石鈔錦紵絲紗

羅綺布綿鹽茶菓又萬計靖江王二萬石郡王六

千石鈔等減十九郡王諸子年十五人賜田六十

頃爲永業除其租是年定王邸殿門名九年中書

省議親王宮飾彩 上曰惟儉養德惟侈蕩心居

上能儉可以導俗居上而侈必至厲民獨不見茅

茨卑宮堯禹以崇聖德阿房西苑秦隋以失人心

諸子方及冠年去朕左右豈可使靡麗蕩其心是

年申定王府宮制語在百官述中再定諸王及公

同姓諸王傳 卷一

主歲供之等秦晉燕王將之國 上今辭皇陵曰

若等觀祖宗肇基之地當知王業艱難又命皇太

子率二王祭開國功臣然後行會星變求言平邊

訓導葉伯臣應詔上萬言書言分封太侈用刑太

煩求治太速其論分封曰主上有天下掃除羣雄

如踏草莽包絡豪傑如臂使指公卿大臣數十萬

衆戰勝攻取者一介使召拱手聽命無敢後時况

敢有抗衡者乎傳曰都城過百雉國之害也先王

之制大都不過三國之一中五之一小九之一蓋

強幹弱枝遏亂原崇治本也國家裂土分封諸王

各有分地以樹藩屏復古制蓋懲宋元孤立宗室不競之弊然秦晉燕齊梁楚吳閩諸國各盡其地而封之都城宮室之制廣狹大小亞於天子之都賜以甲兵衛士之盛恐數世之後尾大不掉然後削其地而奪之權則起其怨如漢七國晉諸王不恃險爭衡擁衆入朝甚則緣間而起防之無及也議者曰諸王皆天子親子皇太子親骨肉所謂籓石之宗天下服其強耳禮莫大於分使王侯之國與京畿同則爲列國矣尚有君臣之分乎今秦晉燕齊梁楚吳閩諸國連帶數十城而復優之以制假之以兵何不撫漢晉事觀之乎景帝高帝孫也七國諸王皆景帝同祖父兄弟子孫也一削其地遽構兵西向晉諸王皆武帝親子孫也易世後迭相擁兵以危王室遂成五胡雲擾之患分封踰制禍患立生援古證今昭昭然矣昔賈誼勸漢文帝早分諸國地空之以待諸王子孫謂力少易使義國小無邪心使帝盡從誼言必無七國禍顧及諸王未之國之先節其都邑之制減其衛兵限其疆理亦以待封諸王之子孫此制一定然後諸王有聖賢德行者入爲輔相其餘世爲藩輔可以與國

同姓諸王傳

卷一

三

三

宋

同休世世無窮矣上大怒曰小子敢間吾骨肉吾見且切齒可使吾兒見乎速取來吾將手射之且啖其肉逮至庾死刑部獄十九年冬詔王國慶賀惟國城官致禮在外文武官不得赴府賀有事遣人啓聞不得遣將官二十年秋詔給親王歲祿五萬石停茶鹽布絮勿給二十六年賜諸王永徽錄二十八年八月更定宗人封爵冊寶之制親王金冊金寶王妃金冊無寶皇太子之庶子年十歲封郡王塗金銀冊銀印親王嫡長子年十歲封三世子塗金銀冊銀印庶子年十歲封郡王冊印亦如之凡王世子必以適長以庶奪適降庶人重則遠竄王年三十妃未有子庶子止封郡王侯王與妃年至五十無適子始封庶長子爲王世子凡嗣封受封納妃朝廷遣使行冊命禮郡王次子授鎮國次孫輔國次曾孫奉國皆將軍凡三等次孫鎮國次五世孫輔國次六世孫奉國皆中尉凡三等親王女曰郡主郡王女縣主郡王孫女郡君郡王曾孫女縣君郡王玄孫女鄉君凡五等靖江王府視郡王降一等宗人有文武才能堪任用者宗人府各開考驗陞轉如常選法有犯宗人府詛聞

同姓諸王傳

卷一

四

三

宋

量罪降等重斥爲庶人罰而不刑責先是 上謂

戶部尚書郁新曰朕今子孫衆盛原定親王歲祿五萬石今天下官吏軍士多俸給爾廣其斟酌古今稍節減以資乏用至是上議更定親王歲祿萬石郡王三千石鎮國將軍一千石輔國奉國將軍六百石鎮國中尉四百石輔國中尉三百石奉國中尉二百石公主及駙馬二千石郡主及儀賓八百石縣主及儀賓六百石郡君及儀賓四百石縣君鄉君次減一百石皇太子庶子旣封郡王俟出閣歲賜如親王子子封郡王者女俟嫁歲賜如親王

同姓諸王傳 卷一

五

三言字五訓

女已嫁者卽王子嗣郡王者比始封郡王減半祿是時重定祖訓錄名 皇明祖訓遣使召諸王至京諭減祿之故賜 皇明祖訓九月新言親王歲米旣有定議請令有司如數給之上曰晉燕楚蜀湘府給如數代肅遼慶寧谷府遠在邊民少賦薄歲且給五百石齊府千石嗣泰王勿應用米有司月進其罷給及多寡異者並出一時權制云十月製二十字命名詩登玉牒三十年勅遼寧諸王據邊場孳牧勿侵民田是年令王府官不得二六九年考覈建文卽位詔王國所在惟國事聽王文

武吏士聽朝廷王不得節制永樂二年諭天下諸

司事關王府遵祖訓啓王有司合行事務不許桀啓若王府事馳奏不待報輒行者重罪論三年五月 上以代寧泰晉諸王屢驕恣怨謗賜書戒飭諸宗人宣德元年定將軍主君儀賓品級冠服儀式王府官不得外調陞不知起於何時或曰靖難後事也然宣德中周忱以趙府長史陞侍郎巡撫江南鄭府長史王淪改行在戶部郎中洪熙中淮府長史王榮改吏科左給事中荆府長史曹曼登改翰林修撰矣嘉靖八年大學士楊一清言楊士

同姓諸王傳 卷一

六

三言字七訓

奇以審理副選翰林編修周忱亦自長史累陞尚書成化年雷霖以德府長史爲山西提學副使又言布政使雍泰泰府有姻亦陞巡撫都御史乞容王官與別官一體陞用王親亦選京官吏部議此祖宗微意如近年江西婁性足爲監戒況王親縱不得京任得仕至左右布政使官與尚書等使非區區自懷重內輕外之心則展布才猷亦足自見一清請再議吏部執不可二十二年蜀府長史高鵬九年考滿至吏部吏部請奪職遂請王府官凡稱病乞改用者並勒致仕輔導失職調者不得授

府州縣親民官時陝西山西河南湖廣積欠王祿
百數十萬有司不能給宗人報告飢譁有司有司
或杜門或逾牆走每下詔卽念宗人歲祿顧歲祿
百倍洪武時有司竟不能給初制定親王歲祿萬
石惟肅岷府千石正統初岷府加二百石後加三
百石伊達府二千石韓府三千石唐府五千石代
府六千石郡王將軍中尉儀賓之祿幾十倍於國
初於是宗人有上言願停祿如唐宋故事得應舉
效用者有請田力耕自養者竟莫敢決宗人有罪
者錮高墻高墻在中都凡先後入高墻者男女且

同姓諸王傳

卷一

七

同姓諸王傳

千八嘉靖四年釋二百九十人十二年釋十三人
十三年又釋三十八人十八年又釋四十五人傳
還原邸給薪水自便

廟祔十五王

廟祔十五王初從祀四祖廟東廡壽春下蔡南昌
盱眙寶應來山英山昭信凡八王西霍丘安豐蒙
城臨淮六安都梁山陽凡七王熙祖皇后生仁祖
及壽春王仁祖陳后生南昌盱眙臨淮三王三王
皆高帝同母兄也十五王惟壽春盱眙霍丘安豐
蒙城臨淮六妃配食南昌王者文正父也妃王氏

祔葬皇陵不入配正德中御史徐文華言族無後
者祭終兄弟之孫之身今太廟配享諸王未審於
高皇何親大抵非兄弟卽伯叔至於今五世六世
矣禮宜祧禮官議不從嘉靖中建九廟東西廡配
如故九廟災復同堂異室之制祔十五王於兩序
先是洪武二年定從享禮稱壽春王皇伯考南昌
霍丘下蔡安豐蒙城盱眙臨淮七王爲皇兄寶應
六安來安都梁應山山陽昭信七王爲皇姪壽春
王稱皇高伯祖考寶應七王稱皇曾伯祖考若與
宣宗 英宗凡弟行者誤也鳳陽有十王四妃墓

同姓諸王傳

卷一

八

同姓諸王傳

在白塔陳后二女長太原長公主駙馬都尉王七
一次孝親公主追封龍西長公主駙馬都尉思親
侯李貞岐陽王父也南昌王有女福成公主蒙城
女慶陽公主洪武四年定親王女稱郡主禮官請
降二公主 上念二兄早歿惟二女吾不忍降奪
與祿歲五百石駙馬都尉王克恭黃琛爲福建淮
安衛指揮使仍稱駙馬食指揮使俸

懿文太子

懿文太子標母 高皇后元乙未九月生于太平
陳迪家 上爲吳王立爲王世子從宋濂受經吳

元年年十三矣 上遣世子及弟謁臨濠墓諭曰

世稱商高宗周成王爲守成令主高宗舊勞于外成王早聞無逸之訓皆知小民疾苦故其在位勤儉不敢驕逸兒生長富貴習於晏安今出旁近郡縣遊覽山川經歷田野因道途險易以知鞍馬勤勞觀小民生業以知衣食艱難察民情好惡以知風俗美惡卽祖宗所居訪求父老問吾起兵渡江時事識之於心以知吾創業不易又命中書省擇官輔行凡所過郡邑城隍山川之神皆祭少牢過太平訪廼家賜白金五十兩至泗濠以 上意告

同姓諸王傳 卷一

九

三頁八十六文

祭祖考妣考妣及兄弟墓是冬從 上觀郊壇令左右導之農家徧觀其服食器具又指道旁荆楚曰古用此爲朴刑以其能去風雖傷不殺人古人用心仁厚如此兒念之洪武元年正月立爲皇太子帶刀舍人周宗上書乞教太子 上嘉納中書省都督府放元制請以太子爲中書令不許曰吾兒年未長學未充更事未多宜尊禮師傅習經傳博古通今識達機宜他日軍國重務皆令啓聞何必爲中書令乃選勳德老成舊人動有典則及新進之賢者兼領東官官於是左丞相善長右丞相

達中書平章錄軍國重事遇春兼太子少師少傅

少保右都督馮宗興兼右詹事中書平章政事胡廷瑞廖永忠李伯昇兼同知詹事院事中書左右丞趙庸王溥兼副詹事中書參政楊憲傅瓚兼詹事丞同知大都督康茂才張興祖兼左右率府使大都督府副使顧時孫興祖兼同知左右率府事僉大都督府事吳楨耿炳文兼左右率府副使御史大夫愈和兼諭德御史中丞基濫兼贊善大夫治書侍御史文原吉范顯祖兼太子賓客諭之曰朕東宮不別設府僚而以卿等兼領者蓋軍旅未

同姓諸王傳 卷一

十

三頁八十六文

息朕若有事於外必太子監國若設府僚卿等在內事當啓聞太子或聽斷不明與卿等意見不合卿等必謂府僚導之嫌隙易生朕所以特置賓客諭德等官輔成太子德性且選名儒爲之賓客昔周公教成王克詰戎兵召公教康王張皇六師此居安慮危不忘武備蓋繼世之君生長富貴泥於安逸不諳軍旅一有緩急罔知所措二公所言不可忘也是年 上命選國子生國琦王璞張傑等十餘人侍讀書禁中琦等人對謹身殿姿狀明秀應對詳雅 上喜因謂殿中侍御史安慶儒士郭

淵友等曰吾觀諸生於文藝素冒矣然與太子處當端其心術養其德性庶不流於浮靡太子之德亦當有助因厚賜之未幾以梁貞王儀爲太子賓客秦鏞盧德明張昌太子論德先是建大本堂取古今圖籍充其中徵四方名儒教太子諸王分番夜直選才俊之士充伴讀上時時賜宴賦詩商確古今評論文字無虛日命諸儒作鍾山龍蟠賦置酒歡甚又自作時雪賦賜東宮官儒官服令三師賓客諭德朝賀東宮東宮答拜二三年命東宮及王府官編輯經史古人行事可爲鑒戒者訓諭

同姓諸王傳

卷一

二

魏秀

三

太子諸王四年春製大本堂玉記賜太子十年六月令自今政事並啓太子處分後奏聞因論曰人君治天下一日萬幾自古創業之君歷涉勤勞達人情周物理故處事咸當守成之君生長富貴若非平昔練達少有不繆者故吾特命爾日臨羣臣聽斷諸司啓事以練習國政惟仁不失於疎暴惟明不惑於邪佞惟勤不溺於安逸惟斷不牽於文法凡此皆心爲權度凡人雖有明敏之資自非歷練臨事率意而行未免有失知悔而改亦已晚矣吾自有天下以來未嘗暇逸於諸事務惟恐毫髮

失當以負上天付托之意戴星而朝夜分而寢爾所親見爾能體而行之天下之福吾無愛矣時令儒臣爲太子講大學行義二十二年置詹事院

上諭吏部侍郎侯庸曰輔導太子必得忠正賢良之士以兵部尚書唐鐸兼詹事二十四年八月勅太子巡撫陝西上意欲都陝西遣太子相宅也既行使諭曰爾自幼至長未嘗遠出今命爾巡行陝西方渡江天道赫然有變雷起東甯爾征西北以造化言之雷天威也爾前行雷後從威震之兆也然一句之間久陰不雨占法主陰謀事爾宜慎

同姓諸王傳

卷一

三

魏秀

三

舉動節飲食嚴宿衛親君子遠小人務在存仁養性施仁布惠以回天意雷之嘉兆未可恃也爾其慎之比還獻陝西圖遂病病中上言經畧建都事二十五年四月丙子卒上勸哭命禮官議喪禮戊寅上御東角門召諭廷臣吾老矣太子不幸命也大哭而退既公除上不忍禮官請之始鳴鐘鼓朝京耆老上香慟哭上亦哭諭曰爾念太子意良厚顧農事方興諸父善勤生亟歸勿失時諸未至者諭朕此意八月庚申祔葬孝陵東謚懿文冊曰朕惟先王之典生既有名歿必有謚名所

以彰德謚所以表行故行有大小則謚有重輕此古今通義雖在至親不敢廢也爾皇太子標居位二十有五年分理庶政裨贊弘多今爲永述特遵古典從公議賜爾謚曰懿文嗚呼德以名彰行因謚顯公論所在朕何敢私建文元年追尊爲孝康皇帝廟號興宗靖難後復稱懿文皇太子太子元配常氏開平王女太子既立上念王有大功早卒遂冊其女爲皇太子妃先太子數年卒謚懿敬建文君卽位追尊爲孝康皇后靖難後復稱懿敬皇太子妃太子繼妃呂氏生建文君妃父本壽州同姓

卷一

十三

建文

人仕元爲元帥府都事丙午歸附爲中書掾史累官吏禮二部尚書出爲都轉運鹽使終太常卿本無子洪武中卒建文君卽位尊妃爲皇太后靖難兵入金川門遣人迎太后太后至成祖述不得已起兵之故太后還未入宮宮中火起建文君遜去建文四年七月隨其子敷惠王允熾居太子陵

秦王

秦王模洪武三年年十五受封二十三而之國西安初聘元河南王王保保女弟繼妃寧河王女也王生而岐嶷嚴毅英武上委以關西兵事得專

行賞罰歲秋巡邊大將皆聽節制御軍整肅所過秋毫無犯未嘗妄戮二人二十七年征降西番賜璽書賞賚萬計時露宿山野遘疾尋卒在位二十七年年四十上命禮部尚書任亨太定喪禮謚愍愍王六子長尚炳二十八年嗣在位十八年卒謚隱次永興簡懿王尚烈保安懷僖王尚煜與乎恭簡王尚嬭永壽懷簡王尚虹安定王尚炆尚炳永樂十年坐罪降庶人安置泗州宣德末赦守懿王墳隱王子四人適于志垣永樂十年嗣在位十三年卒謚僖無子庶兄志均永樂二十二年以渾

卷一

十四

建文

南王進封王請長興侯故宅處諸弟又請選良家女入宮令擇護士家女酬直勿抑勒在位三年卒謚懷妃張氏未婚而寡宣德元年令入宮守王服王無子弟志堦宣德三年以富平王進封王四年坐罪辭三護衛在位二十八年卒謚康志堦宜川莊靖王也康王五子長公錫天順二年以泰世子嗣在位二十九年卒王好文睦族知禮謚惠公鍵未封卒公銘臨潼惠簡王嘉靖十七年以孫秉機嗣王追封泰安王公鐙邵陽惠恭王公鐸汧陽端懿王惠王四子長誠泳成化四年以鎮安王嗣在

位十一年卒王好書崇儉有禮謚簡誠滄誠河誠
淖皆未封簡王無子安王六子誠深嗣臨潼王謚
和僖嘉靖十七年以子秉機嗣王追封恭莊王誠
潤誠浩誠澈誠波誠注皆鎮國將軍莊王二子秉
機以嗣臨潼王弘治十三年遣封王在位二年卒
謚昭昭王三子長惟焯正德四年嗣次惟燁次未
名王請潼關以西鳳翔以東河壩地曰皇祖以
賜臣先王機也戶部尚書梁材執議曰陝西外供
三鎮內給四王民困已極視國初生產物力子萬
不俸豈得空地更給諸王上從材言不許王早

簡王傳

卷一

失父母育於簡王妃廖氏廖妃卒王喪如禮事其
生母蕭妃孝謹守臣以王謹身修行聞遣勅使持
旌幣旌王嘉靖二十一年上黃金千兩白金萬兩助
建宗廟上喜加祿歲二百石贈玉帶一

晉王

晉王桐年十三受封又七年之國太原已而得罪
廢懿文太子調護得還洪武三十年卒謚恭世子
濟煒嗣靖難後封濟煒弟濟熿平陽王濟炫慶成
王濟煒子美圭封晉世子濟熿狼戾失愛憾其父
并憾濟煒不為解喉慶成諸王日訴濟煒過於朝

又誘府中官校誣濟熿罪竟奪濟熿爵并廢美圭
為庶人守恭王國濟熿遂得嗣王益驕橫百方幽
苦濟熿父子恭王有老嫗不能平走訴文皇立
召獄中晉府承奉左徵問之盡知濟熿構濟熿狀
卽釋徵馳驛召濟熿父子時濟熿囚空室已十年
左徵者濟熿嘗言其佐濟熿爲逆遠治京師府中
言徵死久矣徵至一府大驚徵入空室解濟熿縲
紲相抱持大慟濟熿自是怨望出悖語濟熿父子
見上行在所濟熿病憊甚上見之惻然不直
濟熿遂封美圭爲平陽王俾奉父居平陽恭王故
有田在連伯灘一文皇與美圭矣濟熿奪不與美
圭聞上仁宗再三諭濟熿還美圭不從美圭言
連伯灘地隸平陽不隸太原因及曩誣構事仁
宗遣人視灘果隸平陽又書諭濟熿美圭父子困
頓累年詩曰脊令在原兄弟急難每用吟詠感念
無已緬惟賢弟同吾此心又書諭美圭朕諭晉王
讓汝田兄弟叔姪本同一氣姪事叔益恭愛久當
憐汝濟熿得書又聞朝廷賜濟熿王冠服遂廣致
妖巫府中造呪詛事仁宗崩又不服喪宣宗
卽位憐濟熿父子時勞濟熿呪詛事益露踪

簡王傳

卷一

跡自度罪不可解遣人結高煦謀不軌日夜造兵器寧化王濟煥告變上曰勿洩濟煥固自知益反側煥與交通書上又曰勿洩濟煥固自知益反側不安其所遣詣高煦人又走京師首服內使劉信又奏濟煥擅取屯糧十萬餘石給護軍欲反應高煦井呪詛事寧化王又言濟煥毒弑其母濟煥始懼辭王爵及護衛不聽遺書及勅符召濟煥至示以諸所發奸逆狀濟煥伏地頓首言臣罪萬死

上書諭諸王去歲高煦反罪人既得奸黨人皆言趙晉二王實與謀予不忍信今晉府人累上告變

同姓諸王傳

卷一

一之 陳前 晉人十四

徐察之有驗不誣趙王自知事不可掩已辭護衛濟煥得罪宗社不敢以私親廢大義謹遵祖訓免為庶人屏之鳳陽誅其同謀及妖巫數人恭王妃在晉府者令美圭迎平陽奉養復濟煥晉王卒謚定美圭正統初嗣王卒謚憲子鍾鉉嗣卒謚莊奇源世子未嗣卒以孫嗣王贈晉靖王靖王子表世孫未嗣王卒以子嗣王贈晉懷王懷王子知烺以世曾孫嗣卒謚姪新塿以新化王庶長子嗣王新化王者晉靖王次子表棟也謚恭裕恭裕王子端和王知燁端和王二子新塿新塿端和王卒

晉王請端和王庶長子新塿嗣新化王未封而晉王卒無子晉靖王庶子榮澤王表棟與新化諸王皆晉王叔兄弟也曰嗣王者非新塿即新塿然皆幼攝府事則我長晉王妃王氏曰晉王無後次及新化王新化王父子卒有孫新塿在也即召入府拜几筵為後行喪榮澤王念我叔父行願不得王新塿端和王長子長子不得為人後新塿宜嗣新化王新塿嗣晉王禮也疏下禮部議新塿宜嗣晉王俟服闋請封又言制親王絕郡王以序繼親王爵其郡王不得復請繼封次子止封鎮國將軍新

同姓諸王傳

卷一

六 陳前 三百六十

塿得嗣晉王贈父晉康王

周王

周王橈秦晉二王皆高皇后子周王育於孫貴妃妃卒服以慈母斬三年主喪事洪武三年封吳王國錢塘工部尚書張允請建諸王府上曰吳府且勿建七年置杭州護衛上以浙江財賦地不可封王罷護衛十一年改封周王國開封即宋故官為府二十二年王棄其國來鳳陽遷之雲南未行原還國建文中人告王反建文君命曹國公即訊景隆大索金寶王不能應坐王反王懼逃竄

雲南諸子並別流放已而召還南京靖難兵入金川門王與齊王見成祖且拜且哭因並轡行登樓相慰又哭遂得復封王加祿五千石以開封圯於河改建鄆洛陽已而又還開封封其長子有燦爲周世子有勲汝南王有烜順陽王有燁祥符王有煥新安王有光永寧王有煥汝陽王有煥鎮平王有煥宜陽王永樂二年來朝獻廟虞八年請祀太祖國中上書論支子不得祭太祖王國祖始封之君不許已而數有過上輒赦不問有告王反者遣都御史王彰諭意王大懼上還護衛

卷一

仁宗即位加祿五千石通前三萬石卒謚定

燦嗣宣德元年王請詣闕謝諸弟封不許止弟汝南王有勲數誣王上爲書諭王先是有勲與有熹素惡有燁爲與趙王書刻祥符王印記封藏置彰德城外道傍都指揮王友得書聞上宣宗疑有離間逮友訊無迹召有燁至曰必有勲也爲此書者又召有勲訊服詞連有熹有勲志行故不赦少與高煦善建文中嘗告父定王反定王竟囚繫除匿靖難後始釋遂乞誅有勲上遣有勲去雲南居大理後定王老始歸河南有熹喜生食人腦

肝膽薄暮每伺人過門輒誘入殺而食之以故其邸前日未晡即斷行跡宣宗惡有勲有熹免爲庶人留有熹居京師已復爵有燦卒謚憲弟祥符王有燁嗣景泰三年卒謚簡子世子子屋嗣卒謚靖無子弟通許王子陞嗣卒謚懿子同鏞嗣卒謚惠子安瀕世子卒以子睦樞嗣贈周悼王睦樞卒謚恭世子勤熄未嗣卒世孫朝綱迎駕加祿歲三百石贈金幣嘉靖十八年嗣王二十一年巡撫魏有本上言河南諸宗人缺祿米三百萬石諸將軍安瀕等五百人謹推行臺門凌逼撫臣安瀕坐革同姓諸王傳

卷一

千

爲庶人二十一年王及宗人獻白金六十兩助修太廟賜玉帶一圍衣一稱

楚王

楚王楨母胡元妃甲辰年生七年而封國武昌永樂元年世子孟煥市人河南諭世子世子來朝請募府邸諭俟有年三年王出鐵牌開武昌城門都司聞上不許卒謚昭孟煥嗣宣德元年發楚魯二王護兵各千人征安南王請湖廣都司給護兵兵器五年有告王者乞減護衛三之二王宮火焚諸兵符勅更給之卒謚莊子季塊嗣卒謚康弟

季叔嗣卒謚憲子均銳嗣卒謚靖子榮滅正德七年嗣在位二十三年卒謚端子顯榕嘉靖元年以長樂王封世子十四年嗣子英耀十六年以世孫封世子嗣王

齊庶人

齊庶人傅洪武三年封青州府十五年上令出獵開平且備劄二十四年春勅再出開平時賴國公傅友德總兵諭勿相參奏凱勿矜功八月秋高水冷同京建文時有告變者召至京廢爲庶人時周王已削爵與傅皆繫禁靖難兵至急遣兵衛王

同姓諸王傳

卷一

三十一

三十一

王三王不知靖難兵也大怖伏地哭已知之乃大喜曰吾屬幸不死矣永樂改元復封又封其子賢煥爲樂安王賢燦長山王賢安平原王傅之國驕縱上輒書諭戒來朝又面諭傅曰無忘患難時傅益自疑陰蓄亡命養刺客僭帝號爲呪詛輒用護衛兵守青州府城北門自廣智門外接園苑築牆截往來守吏不得登城夜巡季珙曾名深等上變告傅匿其人滅口三年賜書索珙諭傅改過是月周王檮上書悔罪上封檮書示傅明年來朝面謝廷臣劾傅罪請論如法傅厲聲曰奸臣喋喋

無乃效建文時殺我會當盡斫此輩上聞之益怒留傅京邸奪其護衛指揮樂真等伏誅罷遣罪斥府諸寮盡出王繫囚及諸造不法械器羣臣又請罪教授葉垣等上曰齊王囚悖縱恣性習使然朕與王君臣兄弟出之國園寵以祿爵恩禮渥洽誠心溫詞開諭至六七不悛教授草率王何況垣等皆先自歸發其事可勿論傅留京益有怨言乃召其子至京父子並奪爵妃吳氏先卒葬青州宣德三年福建妄男子樓濂詭稱七府小齊王是陽人製王冠服謀不軌縣發其事械至京誅數百人傅及賢煥三子暴卒景泰五年五月勅南京守備叅贊齊庶人谷庶人安置廬州者移置南京慎防之時齊庶人賢燦傅少子也尚幼谷庶人絕而齊庶人請得谷庶人第嘉靖十三年釋高牆庶人長鑒者傅曾孫也

同姓諸王傳

卷一

三十一

三十一

潭王

潭王梓母達定妃洪武二年纔二歲受封封十五年之國王幼聰敏好學善屬文嘗召府中儒臣設醴賦詩爲品高下出邸中貲爲賞洪武二十三年妃與民家坐事王不自安上遣使慰諭且召王

入見王大懼與妃自焚死無子國除

趙王

趙王杞洪武二年生明年四月封趙王封之日奏
晉燕吳楚五王升殿受冊寶齊潭趙魯四王勿內
宮保抱抱四王就位保抱受冊寶也又明年杞卒

魯王

魯王檀母郭寧妃其妃湯信公女王生兩月而封
洪武十八年之國兗州幼聰敏好文學善詩歌好
餌金石藥二十二年發病卒命禮部尚書李原名
議喪禮上曰父子天性謚法公義朕不得以私

明史紀事本末

卷一

三

三

明成公義可謚荒子肇輝永樂元年嗣王宣德初
上言長史鄭昭賢而老請致仕上諭蹇義曰魯
王賢禮士宜如請宣德九年卒謚靖子泰堪成化
三年嗣九年卒謚惠子陽鑄成化十二年嗣嘉靖
十二年謚莊世子當從早卒嘉靖十三年以孫觀
旋嗣王贈魯懷王懷王子健枝封世孫早卒以子
觀旋王贈魯悼王

皇明同姓諸王傳第一卷

子履準校

孫心材重校

皇明同姓諸王傳第二卷 吾學編第十五

海鹽鄭曉

蜀王

蜀王椿母郭惠妃滁陽王女也洪武四年生生十一年而封成都惠妃生王及代谷二王永樂汝陽二公主王元妃京國公女王讀書好善近儒生能文章高皇呼爲蜀秀才未之國歲清明遣祭滁陽王墓於滁州之國初即聘漢中教授方孝孺教世子待以賓師禮推恩母族歲時問遺不絕常祭祿贍郡教授月一石當是時邊王歲出塞征胡王

蜀王傳

宋一

一

宋三

宋四

以雅好學問守西垂安靖與民休息永樂三年來朝二十一年卒謚獻六子長悅嫌次悅耀悅煒悅所悅憂悅煒悅嫌早卒謚悼莊世子嫡孫友堉永樂二十二年嗣初友堉爲世孫叔華陽王悅耀謀奪適獻王怒斥去不悛囚而繫之又悛益怨誣友堉罪於朝文皇召友堉叔姪自明比至文皇崩仁宗察悅耀誣世孫得嗣王之國未幾悅耀又走京師誣友堉仁宗怒抵奏地下曰適庶大倫干分誣親獨不畏鬼神乎謂侍臣曰悅耀虧忠孝懷奸譏使歸蜀終亂其國徙武岡州又徙澧

州宣德五年友堉府中忽舉炮銃總兵陳懷聞

上罪府官上還護衛三之一已而請王府官屬留

軍中南人爲匠皆從之宣德六年卒謚靖無子宣

德七年弟友璉以羅江王嗣友璉獻王孫靖王母

弟也宣德九年風疾上念王賢走醫調視未至

卒謚僖無子叔悅襲宣德十年以保寧王嗣儉飭

守禮法天順五年卒謚和子友珍善草書天順七

年以世子嗣是年卒謚定子申欽天順八年嗣成

化七年卒謚懷無子是年弟申鑿以通江王嗣好

學能文弘治六年卒謚惠明年子賓嗣嗣仁厚好

蜀王傳

宋二

宋三

宋四

宋五

宋六

宋七

儒術正德三年卒謚昭明年子讓嗣嗣嘉靖十五

年守臣言王忠孝賢良上特褒賞二十年上黃

金千兩白金萬兩修宗廟加祿歲二百石玉帶一

王受玉帶辭祿世子承鑄

湘王

湘王柏洪武四年生生八年封荊州母胡順妃豫

章侯美女也王明敏好學能文章尤喜道家言自

號紫虛子膂力過人握弓矢刀槊上馬奮如飛建

文元年或告王反建文君遣使即訊王懼縱火宮

中奮身投火妃從之闔宮皆死謚戾妃江陰侯高

女無子國除葬江陵西大暉山靖難後改謚獻治其墳祠

代王

代王桂其妃武寧王女洪武十一年封豫王二十四年改封代王明年之國大同建文時廢爲庶人靖難後復封宣德二年王請得樂器制器王妃仁孝文皇后妹也王不悅妃妃病王不視孫仕壘聞於朝乞勅路城王遜炘啓王善視妃九年王欲率諸子孫來朝不許王又與其子遜料遜婧襲衣冠遊行市中袖鐙斧傷市人 上與書戒飭稍飲

同姓諸王傳

卷二

三

一百五十五

文

正統十一年卒謚簡十一子世子遜熾早卒正統十三年以子仕壘王贈代侯王仕壘正統十一年嗣嘗上言總兵郭登有功大同虜欲得大同爲巢穴非登大同不能守朝廷爲勞登天順七年卒謚隱子成錄嗣弘治二年卒謚惠子聰沐嗣坐罪徙山西省城弘治十一年卒謚思子俊杖嗣嘉靖三年大同軍叛王東走宣府 上遣光祿少卿蕭淮問王嘉靖六年卒謚懿九年子克懼嗣請郡王庶子祿禮部言郡王庶子無長兄得嗣郡王者封長子不復得支將軍祿長孫亦如之不許十一年大

同軍又叛王東走宣府 上又遣官問王王父子再遭禍變忠憤自檢得不爲諸逆崇禎十八年秋樂昌王乞徙代州禮官周旋得徙朔州禮科都給事中丁湛上疏曰樂昌一府以城域狹隘物價騰貴得徙代王亦以是爲請何以應之天下宗藩類皆聚處一城亦皆以是爲請又何以應之況代藩北控邊鄙南輔圻甸比之他藩尤爲要重數年以來叛者繼起矜惡不悛皆積疑所致近甫少寧正宜休息示以安靜乃今宗親無故改遷搖惑衆志不可已而樂昌王竟徙朔州先是景泰五年昌化王仕潭言大同地瘠乞移封就祿便養 景帝亦不許

同姓諸王傳

卷二

四

一百五十五

文

肅王

肅王樸洪武十一年封漢王二十四年改封肅王於甘肅建文元年乞內徙徙蘭縣永樂十七年卒謚莊庶長子瞻熾二十二年嗣正統元年言甘肅舊邸改都司而先王墳園尚在乞留近邸林木從之府中嘗被盜劫榜募告捕者賞馬銀御史以聞罪其長史楊威又請加祿 宣宗曰洪武永樂間肅王歲祿五百石莊王不言者以朝廷念地遠輸

轉甚難故也。仁考卽位加五百石矣朕遵祖訓不敢違天順八年卒謚康子祿埤成化四年以洵陽王嗣十五年卒謚簡子貢綜成化二十三年以汾川王嗣正德中爲諸子請菜戶不允嘉靖十五年卒謚恭子真於弘治四年封世子嘉靖五年卒謚安和次子弼桃初封鎮國將軍嘉靖十一年改封世孫十七年嗣王贈其父肅靖王

遼王

遼王植洪武十年生母韓妃也生二年封衛王改遼王國下遼東廣寧五衛盡屯田

給王祿

同姓諸王傳

卷二

五

夏三王太

王得巡邊出塞練簡士馬已而坐罪奪祿衛靖難兵起渡海歸朝改封荊州 文皇卽位來朝卒謚簡子貴始嗣正統元年府臣乞加祿 上言簡王得罪朝廷 太祖特加原貸削其儀衛止與尉校三百人 仁宗命今王嗣倍加祿得支二千石宣宗又與旗軍三百人朝廷親親已至王於庶母諸弟寡恩府臣不聞匡正直爲王請加祿不允四年坐滅絕天理潰亂人倫廢爲庶人簡王第四子貴爰以興山王嗣卒謚肅子豪盛嗣世子恩鏞卒崇穆王請以世子妻妾殉葬 憲宗不許卒謚

靖子恩鏞嗣卒謚惠子寵浚嗣卒謚恭子致格嘉靖三年嗣卒謚莊子憲櫛初封句容王嘉靖十八年嗣

慶王

慶王機母余妃洪武十一年生二十四年封慶陽二十六年徙韋州建文三年冬移寧夏 文皇令歲一至韋州慶夏宣德初上言寧夏卑濕水泉惡乞仍居韋州不許許歲一往來韋州如 文皇時未幾護衛人告王閱兵造戎器購天文書 上書諭王小人誣叔祖置之法慎勿疑內臣馬安住歸

同姓諸王傳

卷二

六

三十四

夏

自寧夏言王以謗故不自安 上又書慰王五年王請入朝不許王遂請移家寧夏如永樂洪熙得往來韋州許之正統十三年卒謚靖子秩燧十四年嗣景泰元年以虜數入寧夏與其弟安化王秩燧上書乞徙內地不許又言冕服以紗製請易紵絲 上曰祖制朕不敢易成化五年卒謚康子邃雙成化七年以平涼王嗣十五年卒謚懷弟邃塤成化十七年以岐陽王嗣弘治四年卒謚莊子寘壑弘治七年以洛交王嗣十年卒謚恭子台滋弘治十六年嗣時虜數入塞賊發恭王墓嘉靖四年

謀不軌法司請如代王聽沐例徙西安上不許
降庶人留邸歲與米三百石已又不悛徙西安其
長子燕懶封世子攝府事十二年世子及懷王妃
王氏乞恩留台法故邸禮官執議不可十五年兩
宮徽號詔許台法遂邸與冠帶郡王九安化反誅
絕安化王寘鐸者慶靖王曾孫也祖秩終慶靖王
第四子永樂十九年封安化王謚惠熱父遷授封
鎮國將軍弘治六年贈安化榮和王寘鐸成化二
年封長孫弘治五年嗣正德五年奄瑾擅權毒亂
天下寘鐸遂起逆謀告生員孫景文曰日者言我
有帝王骨相王九兒降鸚鵡神妄言禍福每見寘
鐸呼老天子寘鐸益冀望非分會大理少卿周東
度田寧夏倍益項畝畝索厚值徵馬屯租甚急景
文謂寘鐸曰殿下欲圖大事此其時矣寘鐸遂爲
酒召都指揮何錦周昂指揮丁廣謀反以誅奄瑾
爲名是年四月五日寘鐸爲酒大會巡撫安惟學
總兵姜漢周少卿李守奄奄及漢至巡撫少卿辭
不至錦等矯言虜入塞急呼壯士中居敬等捕虜
執兵械跨馬呼噪儀賓韓廷璋等伏府序下錦等
趨安化府推門入序中伏兵起殺漢及奄走行臺

殺惟學都指揮楊忠又殺周少卿縛侯泰議放
囚焚官府劫庫藏奪河舟大索慶諸王將軍金幣
萬計呼召逆黨軍虜城千戶徐欽引兵入城偽造
印章旗牌又令景文爲偽檄言瑾蠱惑朝廷變亂
祖法屏棄忠良收集兇狡阻塞言路括斂民財藉
沒公卿封拜侯伯數興大獄羅織無辜散遣官校
脅持遠近張緣劉機曹雄毛倫文臣武將內外交
結意謀不軌今特舉義兵清除君側凡我同心並
宜響應傳布邊鎮以錦爲討賊大將軍昂廣左右
副將軍景文軍師張欽先鋒將軍魏鎮等七人都
護朱霞等十二人總管當是時遊擊將軍仇鈇陷
賊中欲起擒賊自效恐河東兵未集稱病臥鈇蒼
頭潛入城言副總兵楊英都指揮韓斌延綏副總
兵侯勛遊擊將軍時源各率兵屯河上廣武營都
指揮孫隆焚兩壩掃捲河舟盡奪泊東岸矣鈇喜
尚稱病臥錦率都指揮鄭卿等三千人出規渡口
留昂守城昂問鈇病猶稱病不起伏諸蒼頭侯
昂入殺昂鈇卽起開門一呼諸遊兵壯士楊直等
聞之卽趨安化府殺朱霞等十一人擒寘鐸及其
子台潛遣古興兒密告鄭卿令反正卿遂殺魏鎮

等十人錦廣走追擒之賀蘭山外朝廷聞變遣都御史楊一清太監張永督諸軍討賊未至寧夏賊平一清永至陝械實鑄錦廣等至京頌繫實鑄諸王館錦廣等下錦衣獄廷鞠伏誅弟貴錢實錫坐黨廢庶人將軍蘇材俘至京既論死正德中山僧大千和尚者富財凌同類頌和尙和尚憤曰我皇帝家人也衆異其言聞於朝廷遂至京下刑部獄和尚曰我安化府廩材也衆不能辨安化官人左寶瓶在浣衣局召驗和尚寶瓶叱曰此廩材安下得免死逆高墻竟不能知當時代賣材死者誰也

寧庶人

寧庶人宸濠寧獻王權世孫也洪武十四年封獻王於大寧大寧在喜峰關外古會州地洪武初設北平行都司大寧城中東聯遼東西接宣府爲巨鎮 文皇時封北平每歲秋九月會廣寧遼王及寧王宣府谷王大同代王太原晉王西安秦王鞏州慶王甘肅王出塞捕虜名肅清沙漠以故諸王皆有重兵 文皇靖難初與諸將議曰曩余巡

譎不能寒吾得大寧斷遼東得胡兵助戰吾事濟矣乃令世子居守率銳卒千人倍道趨大寧遺書寧王言窮蹙求救吾弟王邀文皇單騎入城執手大慟言不得已至此南兵百萬旦夕且破北平非吾弟表奏不可寧王爲草表謝請赦居數日款洽不爲備北平銳卒代城外諸親密吏士稍稍得入城遂令陰結諸胡酋長及思歸之士皆喜定約文皇辭去寧王餞郊外伏兵起執寧王擁入闕諸胡成卒一呼皆集守將朱鑑不能禦戰沒總兵官都督劉貞遜還京師行軍都督陳亨皆降燕於是靖難兵益強當是時寧王善謀時草檄傳諭靖難後遣內官書諭王再三王入朝相見甚歡因乞改南土初欲得蘇州上曰蘇州圻內不許又欲得杭州上曰五弟初封錢塘爲吳王皇考以爲不可改開封建文無道封其弟允熲爲吳王竟不克享建寧荊州重慶東昌皆善地惟弟擇焉寧王得書遂出飛旗令有司治馳道上大怒王不自安屏從兵從五六老中官走南昌稱病臥城樓乞封南昌上不得已卽藩司爲府改封王已而入省王誹謗巫蠱事上書諭王王不自安稍稍自

欲戰 仁宗卽位乞朝京師又言江西非其封國

請改封 上諭王叔受封先帝已二十餘年朕不

敢違 宣宗卽位以大父行又復輒恣橫請於封

內選子女不許重違其意賜女婦八十四人王令

省中官服朝服用天子儀仗賀王元旦長至千秋

節習儀鐵柱觀副使石璞聞於朝乞罪其長史王

堅朝議定宗室將軍祿米視品王抗言宗室安得

有品詞不遜時漢庶人方以反誅 上答書詞甚

厲云將軍中尉有品 祖訓也王不得棄 祖訓

肆煩說王卽不謹非獨羣臣有言不已天下人心

同卷諸王傳 卷二 二 元宗皇帝

亦不容已徒恃尊屬誣譏朝廷典憲具存朕不敢

庇未幾又乞灌城田不許稍飲戢托志神仙正統

十三年卒謚獻子盤斌未嗣卒謚莊惠世子景泰

元年以子莫培嗣王追封寧惠王莫培以世孫嗣

王景泰七年坐事革護衛弘治四年卒謚靖靖王

長子觀錫天順八年封上高王弘治五年嗣王才

年卒謚康康王庶子宸濠母馮針兒故娼也弘治

八年封上高王十二年嗣王濠輕佻無威儀好弄

喜兵嗜利狗色凌宗室潰亂無禮養死士爲羣盜

江湖間及劫郡邑府庫財萬萬計術士李自然李

日芳妄言濠骨相天子也濠喜時時謂中朝事聞

謗言輒喜聞言明聖朝廷治卽怒不應正德初通

逆瑾賂金錢無算得復護衛安化王反瑾誅革護

衛未幾復結錢寧諸權奸又得復護衛益大肆擅

殺都指揮戴宣逐布政使鄭岳御史范輅幽知府

鄭獻宋以方盡奪諸附王府民廬副使胡世寧言

王橫無道不早裁抑禮樂征伐不復出自朝廷濠

出金璧萬計遣奄余欽入京徧遺中朝内外文武

大吏朱寧蕭敬張雄張銳江彬陸完石玠欲殺世

寧不果謫戍遼東自是益復無顧忌日與卒士實

劉養正王春謀不軌又見 武宗巡遊東官入虛

令典寶萬銳益賂諸奸佞欲召其子大哥入京以

上廟燒香爲名幸事萬一成得自取正德十二年

府山寶閣順內官陳宣劉良上變告濠疑出承奉

周儀意盡殺儀家及典仗查武數百人令承奉劉

吉持金錢又徧遺諸權奸佞幾殺順等於是逆謀

益急妃婁氏累泣諫不聽大集羣盜凌十一閭廿

四吳十三等數千人置丁家山諸處四出行劫置

奄畢真鎮守浙江約起事爲應又約廣西土官狼

兵及南贛峒蠻是時士實養正春吉銳日夜與濠

謀恐起事以反名人心未服伺一日宴駕大位未定乘變即起萬一事成益遣奸黠人盧孔章等分布水陸孔道萬里傳報決旬往返踪跡大露朝野皆知濠旦夕必反巡撫都御史孫燧日夜防遏濠托勦賊名置郡邑城郭兵食事甚悉嘗歎曰即賊起吾不減賊賊必以吾所處分故速滅又連上七疏言濠反在旦夕濠諸奸邀諸途即不得諸權奸得濠金錢多恐事洩并誅又幸冀非望往往匿不聞十四年言官合詞言濠必反狀上遣駙馬都尉崔元都御史顏願壽太監賴義諭宸濠令改過

檄遠近討濠濠不敢離南昌已而聞守仁兵未集士實養正造偽檄指斥朝廷謂上以莒滅鄒高皇帝不血食建寺禁內雜處妓女胡僧玩弄邊兵身衣異衣至於市井屠販下流賤品事靡不樂爲棄置宗社陵寢而造行宮於宣府稱爲家裏贖貨無厭荒遊無度東至永平諸處西遊山陝三邊所過掠民婦女索取贖錢又謂常懸都太監牙牌稱威武大將軍又謂既奪馬指揮妻稱馬皇后復納山西娼婦稱劉娘娘原其爲心不能御女又將假此婦人以欺天下抱養異姓之子如前所爲也

留萬銳拱條等守南昌偽勅吉提督軍務繼政王綸參贊軍務分諸賊爲五哨一百四十隊戊戌直趨安慶庚子攻城不克甲辰以天梯攻又不克安慶守益堅又聞守仁兵且至濠懼方欲退還南昌丙午聞守仁辛亥破南昌擒拱條萬銳及濠子三哥四哥濠大懼解安慶圍甲辰至樵舍乙卯遇守仁兵黃家渡戰敗丙辰又敗丁巳守仁急督戰火攻濠大敗妻妃投水死擒濠及其子大哥吉士實養正等濠曰紂用婦言亡而我不用婦言亡上初聞濠反江彬等幸出巡遊勸親征遂下詔募其

罪惡告郊廟革封爵削屬籍親統六師征之詔未

下守仁已擒濠濠六月丙子反七月丁巳就擒濠

反謀雖久意僥倖倚奸人得竊位不欲顯言稱亂

及事急反始掠省城兵器燧已名討賊移外郡倉

卒不能備招賊又爲諸下邑邊不得去諸僞將皆

賊徒未嘗知戰士實養正徒以區區文詞議論負

時名不知兵諸附者皆富貴子弟聞守仁倡義誅

討未及見兵皆逃避去燧所置初城邊賊不得逸

盡就縛濠檻車至南京諸權奸得濠金錢者尚在

武宗左右或握兵間通語言濠謂且得釋獨忌守

仁有權術兵精憤戰不敢動回鑾至通州誅濠弋

陽王拱積攝府事初獻王五子二子盤輝臨川王

天順五年罪廢爲庶人幽高牆三子盤煥宜春王

四子盤炷新昌王五子盤煥信豐王弋陽王者靖

王弟莫燧始封弋陽謚榮莊榮莊子觀錄嗣弘治

十年卒謚僖順僖順三子長二子天季子宸內弘

治十二年嗣正德九年卒謚莊僖莊僖次子拱積

正德六年封鎮國將軍嘉靖元年攝王府事二年

嗣弋陽王二十年爲稍設官屬子多規嘉靖五年

封鎮國將軍存者八

岷王

岷王梗初封岷州洪武二十六年建邸雲南二十

八年之國建文初廢爲庶人流漳州靖難初復王

王與西平侯沐晟交惡上賜書諭王召戒晟仍

還鎮未幾驕橫收印章殺官吏激變夷人沉溺廢

禮上怒罪其府僚奪冊寶尋念王建文中久囚

繫復與冊寶洪熙元年徙武岡無王宮寄居州治

久之始建王宮宣德元年岷世子徽煥輒赴京奏

事勅止之途不止乃徽煥與奄諂其弟徽煥也

上爲斬奄遣徽煥歸景泰三年乞移湖廣善地不

許王卒謚莊時徽煥已封鎮南王矣莊王無子鎮

南王嗣王王弟廣通王徽燦謀反以蒙能陳仔

李祥爲總兵事覺廢爲庶人四年王乞朝明年正

月不許卒謚恭子音堃嗣卒謚子膺鉅嗣卒謚

簡子彥汰弘治十七年以江陵王封世子嗣王嘉

靖八年江川王膺燧請加祿戶部尚書梁材言岷

府郡王歲祿五百石米鈔兼支制也不許初彥汰

與其弟南安王彥泥訐陰事彥泥廢爲庶人彥汰

坐荒淫敗度抗制擅權幽囚嫡母焚死逼迫多官

稱臣亦革爵爲庶人令其子世子譽榮攝理府事

嘉靖十年譽榮爲父乞恩辭攝府禮官以見潯鍾
鏡比奏授彥汰冠帶理府事十二年彥汰乞復王
不許十五年上兩宮徽號詔復彥汰王

谷庶人

谷庶人樛母郭惠妃滁陽王女也生三王長蜀王
次代王次如意王或曰卽谷王也洪武二十六年
建邸宣德卽上谷建文初靖難兵起庶人走還京
靖難兵至德守金川門登城望見成祖麾蓋開
門迎成祖成祖入卽位賜德樂七泰衛士三百
及金銀鈔馬加祿歲二千石官其護衛指揮僉事

同姓諸侯傳

卷二

二

三百六十六

張興都督僉事儀衛正張成都指揮伏已而改封
長沙之國驕橫尚書茹瑋不謂德下詔獄死德益
肆無忌造戰船弓弩器械招陷亡命習兵法戰陣
日與都指揮張成宦者吳智劉信等謀呼成師尚
父智信國老令公成智信亦輒應僞作識書以爲
識有十八云我高皇十八子陰傳播惑衆製巧
燈上獻擇壯士入朝祭燈又選壯士習音樂與燈
並上乘隙爲變奪民田侵公稅殺無罪人長史盧
廷綱屢諫不聽誣磔殺廷綱張興懼禍及已因奏
事北京白其狀上未信興過南京啓太子曰

臣死聞上上顧不信臣言臣萬死願殿下垂

聽德臣言他日得無連坐滅臣家臣死不朽德又

遣劉信持所爲識致書蜀王爲隱語曰德蒼時不

可言桓文之事桓文時不可言德蒼之施欲結蜀

王爲援蜀王切責不聽已而蜀王子崇寧王悅燁

得罪父枝德德納悅燁因詭衆曰往年我開金川

門出建文君建文君今在我宮中我將舉事爲建

文君復辟事將發會蜀王上變告永樂十四年七

月上見蜀王疏歎曰朕待德厚不宜有此心蜀

王忠孝又不宜欺我張興嘗爲我言我不忍信今

果然立命上官持勅諭德令德遣悅燁還蜀德不

意使倖至不得已就徵十月至京入見上以蜀

王章示德德頓首自伏言死罪死罪成國公朱勇

都御史劉觀諸大臣廷劾德曰周辟管蔡漢戮安

長皆大義滅親陛下縱念德奈天憲何上曰德

朕弟朕且令諸兄弟議明年正月楚王楨等各上

議曰德違祖訓謀不軌踪跡甚著大逆無道罪

誅不赦上曰諸王奉大義國法固爾吾寧生德

二月削德及其二子賦灼賦燭爵爲庶人誅諸通

謀者與以先發庶人罪狀得不坐

韓王

韓王松初封開原洪武二十七年三月 上令王及藩王省秦晉燕周齊王分道而行至秋八月始還永樂五年卒葬南京謚憲子冲域永樂八年嗣二十二年改國平涼 宣宗初請徙江南不許言居第隘造主事毛俊經度并建襄陵樂平二邸及岷州廣福寺陝西守臣言歲歉詔止勿建王又言傍廬已撤即冬寒工力愈難 宣宗令繕王官罷廣福寺又允王請蠲護衛三年屯種境內無鹽王請鹽詔聽王易鹽正統元年上書陳邊防 上褒

同姓諸王傳

卷二

九

李文忠公集

珩任守德王松皆被寤辱旭梔等百五十人至闕總制尚書嘉靖十五年撫巡黃臣周鈇疏於朝榜諭禁戢

藩王

藩王模趙貴妃子洪武二十四年封永樂六年之國路州 宣宗時王言諸子婚請展府府垣外盡民廬也 上曰毀民廬以展王府不可命工部往開繪圖來聞宣德六年卒謚簡子侑煒初封武鄉王宣德八年嗣王景泰中王父子與州官數置酒大會巡撫朱鑑上聞 上令諸王非時令萬壽節不得輒會有司飲酒者爲今天順元年卒謚康王王九子長天次幼墀天順三年嗣正德十三年卒謚莊王七子長銓鉅正德十三年以西陽王封世子嗣王嘉靖六年卒謚恭無子次銓鉢初封靈川王謚恭懿以長孫胤柎移嗣藩王贈藩安王恭王二子長勛壯初封福山王謚恭和以子胤楨嗣藩王贈藩靖王靖王二子長朱名封次胤楨初管府事後嗣王卒謚懷無子安王銓鉢四子長勛潛初襲父靈川王卒謚恭裕以子胤柎移嗣王贈藩惠王次勛燧勛澈皆鎮國將軍四子未名封惠王二子

同姓諸王傳

卷二

三

文忠公集

長胤移初襲祖靈川王懷王無子嘉靖十年諸郡王爭嗣王上冊胤移嗣王次胤旋封鎮國將軍管靈川王府事胤移五子長未名卒次恬燧封世子

安王

安王楹洪武二十五年封平涼永樂十五年卒謚惠無子國除盡華府僚及樂戶留典仗校尉百人守園洪熙初封韓恭王平涼襄陵莊穆王冲炆者恭王子也支封附王國中 英宗令官校隸韓長史供安王祀暇日給襄陵王使令景泰五年冲炆

何姓諸傳

卷二

三

三

乞承祀安王正德十二年嗣襄陵王徵鈴遂請得樂戶祀安王明年樂平王徵鉅援鈴例亦請樂戶禮部言親王有樂戶郡王別城居者有事假鼓吹有司其附親王國者假樂戶移長史司因併革安王供祀樂戶嘉靖二年徵鈴及韓王旭樾又請上以安王故特允徵鈴徵鈴卒韓王融燧又令長史革祀安王樂戶徵鈴長孫旭種再請韓王融燧不許旭種上言禮樂自天子出韓王不得擅予奪融燧亦言親王郡王禮樂宜有降殺事下撫巡不能決條奏請制曰與樂戶爲安王祀也

唐王

唐王楹母李賢妃洪武二十四年封永樂六年建國南陽十三年卒謚定子瓊煙永樂十九年嗣宣德元年卒謚靖妃高氏未冊而王卒自經死追封唐王妃靖王世子芝 卒弟瓊烜宣德三年嗣成化十一年卒謚憲世子芝 先卒謚煥簡無子弟芝址成化十三年以舞陽王嗣王二十三年卒謚莊子彌錡以潁昌王嗣王嘉靖二年卒謚成無子弟文成王彌鉗之子宇溫嘉靖四年嗣王贈父唐恭王二十一年宇溫獻金千兩銀萬兩助建太廟賜玉帶一歲加祿二百石

何姓諸傳

卷二

三

三

鄧王 皇子楠

鄧王棟母劉惠妃洪武二十四年封安陸二十七年治鄧墾田成之國在國六年卒謚靖無子除留內外官校守國供王祀妃郭氏武定侯英女王卒踰月妃痛哭曰賢王舍我去我寡婦也無子尚誰恃對鏡寫容付宮人又痛哭曰候吾諸女長與之令識母容也遂自經卒王四女宣德四年梁王之國移宮人居南京令諸郡主議婚舊國賜第南京太監王景弘資給女封光化敘城南漳郡主歲加

祿各八百石一天鄂王弟伊王伊王弟楠楠於諸子中最少洪武二十六年十二月生未逾月而卒

伊王

伊王樞母葛麗妃洪武二十一年生永樂六年之國河南歲祿僅二千石卒謚厲子顯煥嗣請選官人不許令選之護軍家醢直勿抑勒卒謚簡子勉堡正統八年封上洛王嗣王天順八年卒謚安子謨銳成化二年嗣十一年卒謚悼季弟謨銳成化四年封郟城王十二年嗣王正德三年卒謚定子訥淵弘治三年封世子正德六年嗣嘉靖五年卒

訥淵弟前淳弘治六年封濟源王嘉靖六年嗣

訥淳言祿薄先朝乞得河南課鈔五萬七千

貫准祿米八千嘉靖八年革諸王請乞稅租田

伊府課鈔亦在革中乞補祿戶部言伊祿二千石

通給本色英宗加米五百石憲宗又加麥

百五十石課鈔本成化弘治正德年請乞非永樂

以前欽賜比况河南一省諸王缺祿八十餘萬不

許二十一年卒謚子典模以世子嗣王

皇明同姓諸王傳第二卷 子履準校

孫心材重校

皇明同姓諸王傳第三卷

吾學編第十八

海鹽縣志

虞王

虞王雄英懿文太子長子洪武十五年五月己酉朔卒追封虞王謚懷葬鍾山令侍臣素服步送

吳王

吳王允燭建文君弟懿文太子第三子洪武十年十一月生三十一年封杭州未之國建文四年七月靖難後降封廣澤王居福建漳州是年九月召還京以不能諫正建文君降庶人永樂十三年卒

衡王

衡王允炆洪武三十一年封未之國建文四年七月降封懷恩王居江西建昌是年同吳王召還京廢爲庶人

徐王

徐王允熲洪武二十四年六月生生八年而封未之國建文四年七月降封敷惠王隨母呂太后居太子陵永樂二年改封甌寧王奉太子祀未遣之

國四年二月邸中忽火起驚仆地卒年十六謚哀簡

建文君太子

太子文奎洪武二十九年十月晦生上曰十月晦月日皆終不喜三十一年建文君即位立爲皇太子靖難兵入京年七歲矣莫知所終

建文君少子

少子文圭建文三年生生二歲建文君遜位靖難後號爲建庶人者是也幽中都廣安宮英宗復辟憐庶人無罪久繫禁欲寬庶人李賢贊曰亨

入自便又與閹者二十人婢妾十餘人給使令遣

奄牛玉入禁諭庶人庶人伏地頓首謝且喜且悲有阻議者上曰有天命者任自爲之庶人入禁

時繞二歲年五十六七始出鳳陽不識牛馬世傳成祖入宮時建文君有幼子老嫗教之率成祖

衣哭跪前求食曰孩兒餓矣饑殺孩兒矣成祖亦哭曰汝生帝王家寧有餓死理命善撫之不知

此建文君第幾子抑卽太子少子也或曰牽衣哭

者成祖育諸宮中未詳

漢庶人

漢庶人高煦 成祖第二子初太祖召秦晉燕周四世子及庶人輩學於京師顧不肯學日遊嬉輕躁無行建文卽位初仁宗及庶人奔喪京師舅氏魏國公徐輝祖密戒之不聽盜輝祖馬不朝辭渡江走歸途中輒殺民吏至涿州又殺驛丞其凶橫淫荒狡黠險狠跋扈不可御久矣靖難兵起仁宗是守庶人有膂力善騎射從行頗有功江上之戰靖難兵稍却庶人適引胡兵至戰勝已而議建儲藩府舊臣淇國公丘福駙馬王寧善庶人時

御批歷代通鑑輯覽

卷三

三

三

時務二殿下功高成祖曰居守功高於扈從儲貳分定於適長且元子仁賢真社稷主汝等勿復妄言永樂二年立東宮封庶人漢王國雲南快快不肯去曰我何罪斥我萬里改青州又快快不肯去曰我何罪置我瘠土留京師又請得天策衛爲護衛曰唐太宗天策上將吾得之豈偶然又益請兩護衛曰我英武豈不類秦王成祖狩北平庶人益不法陰蓄壯士肆出盜劫兵馬指揮徐野驢擒之庶人怒手鐵爪搗殺徐指揮衆莫敢言遂僭用天子車服十四年成祖巡北京聞不豫逆謀

益著成祖聞之怒促駕南還召庶人褫冠衣囚繫西禁門條其罪惡數十事且誅之仁宗頓首伏地涕泣力救久之削兩護衛誅其左右狎昵徒封樂安州促卽日行成祖顧謂東宮及太孫曰樂安近北京卽聞變朝發可夕擒至樂安怨望異謀益急東宮數書戒竟不悛成祖北征晏駕庶人子瞻圻在北京凡朝廷事潛遣人馳報一晝夜六七行庶人日亦數十遣人入潛伺京師幸有變仁宗固知之顧益厚遇書召至倍加歲祿賜資萬計先是瞻圻憾父殺其母屢發父過惡成祖曰

御批歷代通鑑輯覽

卷三

四

三

爾父子何忍也至是庶人悉上瞻圻前後規報中朝事又曰廷議旦夕發兵取樂安仁宗召示瞻圻曰汝處父子兄弟間讒構至此釋子不足誅遣鳳陽守皇陵二十二年十月封庶人嫡子瞻坦爲漢世子次瞻塗濟陽王瞻域臨淄王瞻埈昌樂王瞻埈淄川王瞻埈齊東王瞻埈任城王瞻埈海豐王瞻埈新泰王未幾仁宗大漸宣宗自南京奔喪卽位賜二叔視他府特厚庶人日有請及言朝政上曲徇其意索駝輿之駝四十索馬輿之馬百二十索袍服又輿之袍服庶人益自疑宣德

元年八月壬戌朔遂反遣枚青潛來京約英國公張輔內應輔暮夜繫青聞於朝又約山東都指揮靳榮等反濟南為應又散弓刀旗令真定諸衛所盡奪傍郡縣畜馬立五軍都督府指揮王斌領前軍韋達左軍千戶盛堅右軍知州朱恒後軍諸子各監一軍庶人率中軍世子瞻垣居守指揮韋弘章與千戶王玉李智領四哨部署已定偽授王斌朱恒等太師都督尚書等官御史李濟樂安人秦其家變姓名間道詣京上變言庶人刻日取濟南然後率兵犯闕陞濟行在左僉都御史遣中官侯泰賜書庶人言昨枚青來言叔督過朝廷予不信皇考至親惟二叔予所賴亦惟二叔小人離間不得不敷露中惡且傳播驚疑或有乘間竊發者不得不略為之備惟叔鑒之泰至樂安庶人盛兵見泰傲倨不拜勅南面坐跪泰大言曰永樂中信說削我護衛徙我樂安仁宗徒以金帛弭我今又輒云祖宗舊制殊令我鬱鬱豈能久居此汝試觀我士馬豈不橫行天下汝歸報急縛奸臣來徐議吾所欲泰懼唯唯遂上問庶人何言對無所言又問庶人治兵何如對無所見上曰泰三心

已而錦衣官從泰往者具陳所見上大怒泰是月丁卯庶人遣百戶陳剛進疏言仁宗違洪武永樂舊制與文臣詰勅封贈今修理南巡席殿等事為朝廷過斤二三大臣夏原吉等為奸佞並索誅之又書與公侯大臣驕言巧詆污蔑乘輿上歎曰庶人果反立召張輔諭親征輔對曰庶人素怯懦今所擁非有謀能戰者願假臣兵二萬擒獻闕下上曰卿誠足擒賊顧朕新即位小人或懷二心行決矣令大索樂安奸謀乙丑勅遣指揮黃謙同總兵平江伯陳瑄防守淮安勿令賊南走令指揮芮勛守居庸關令法司盡弛軍旗刑徒從征戊辰命定國公徐景昌彭城伯張昶守皇城安鄉伯張安廣寧伯劉瑞圻城伯趙榮建平伯高遠守城已已命豐城伯李賢侍郎郭璉郭敦李昶督軍餉命鄭王瞻埈襄王瞻埈留守北京廣平侯袁容武安侯鄭亨都督張昇山雲尚書黃淮黃福李友直協守輔少師蹇義少傅楊士奇少保夏原吉太子少傅楊榮太子少保兵中尚書胡濙張本通政使顧佐扈行陽武侯薛祿為先鋒辛未發京師癸酉過楊村馬上顧問從臣曰試度庶人計安出或

對曰樂安城小彼必先取濟南爲巢窟或對曰彼
其不肯離南京今必引兵南去 上曰不然濟南
雖近未易攻聞大軍至亦不暇攻護軍宋在樂安
不肯棄此去南京庶人外多誇詐內實懦怯臨事
狐疑展轉不能斷今敢反輕朕少年新立衆心未
附又謂朕不能親征即遣將來得以此言厚利誘
餌幸成事今聞朕行已膽落敢出戰乎至即擒矣
戊寅獲樂安歸正人益知賊中虛實言賊初約靳
祭取濟南山東布按二司官覺之防禁不得祭又
聞大軍至不敢出朱恒應天人力言宜引精兵趨
南京得南京大事成矣衆不從曰爾願得赴家奈
我輩何又曰庶人初聞陽武侯等將兵擾臂喜曰
此易與及聞親征始懼於是授歸正人官厚賞給
榜今還樂安諭衆 上仍書諭庶人曰張敖失國
本之賈高淮南受誅成於伍被今六師壓境王即
擒獻倡謀者朕與王除過恩禮如初不然一戰成
擒或以王爲奇貨縛來獻悔無及矣 上英暢神
武詞旨明壯我師氣盛龍旗鉦鼓千里不絕庚辰
祿馳奏前鋒至樂安庶人約明日出戰 上令大
軍兼食兼行文大臣請慎重武大臣曰林莽間或

列聖遺訓

卷三

七

三八五

朱三

設伏百里趨利不可 上曰兵貴神速我抵城下
營彼阱中虎爪牙安施大軍至烏合之衆方洶洶
何暇設伏遂行夜分至陽信時慶雲陽信吏人皆
入樂安城無一來朝者辛巳昧爽駐蹕樂安城北
城中黑氣黯黯我兵壁其四門賊棄城舉砲我軍
發神機銃箭聲震如雷城中股慄諸將請即攻城
上不許勅諭庶人再遣勅皆不答圍中人多欲執
獻庶人者庶人密遣人詣行帳願假今夕誅妻子
明日出歸罪 上許之是夜庶人盡焚兵器及通
逆謀書壬午移蹕樂安城南庶人將出城王斌等
力止曰寧一戰死無爲人擒庶人給斌等復入官
遂潛從間道出見 上羣臣請正典刑不允以勅
章示庶人頓首言臣罪萬萬死惟陛下命 上令
庶人爲書召諸子同歸京師赦城中罪止同謀
從者不問遂執王斌等下行錦衣獄癸未令祿尚
書張本鎮撫樂安改樂安爲武定八月乙酉班師
命中官頌繫庶人父子赴北京錦衣械繫王斌朱
恒盛堅典仗侯海長史錢異教授錢常至京皆伏
誅惟長史李默以曾諫免死謫口北爲民誅榮榮
子義天津鎮守都督孫勝山西都指揮張傑楊雲

列聖遺訓

卷三

八

三八五

朱三

青州左衛指揮使誠滄洲衛指揮鄭典皆約舉城應者先納軍馬糧仗數事覺相繼誅六百四十餘人其故縱與藏匿坐死戍邊者一千五百餘人編邊戍者七百二十人初庶人被執鎖繫逍遙城一日上欲往視左右止之不聽及至熟視久之庶人出不意伸一足勾上仆地左右急扶起亟命壯士昇銅缸覆之缸約重三百斤庶人有力頂負之輒動積炭缸上如山燃炭逾時火熾銅鎔庶人死諸子並死

趙王 四皇子

趙王高斌

九

卷三

成祖第三子永樂元年封彰德洪熙元年就國王負靖難功密與漢庶人謀奪嫡時時請東宮傷其官寮繫獄多死者永樂二年居守北京信用邪說恣行不法七年上聞之大怒誅其長史顧晟褫王衣冠東宮力解得免擇國子司業趙亨道董子莊為長史二人能輔導王稍稍改行二十一年五月上不憚護衛指揮孟賢等結曆官王射成及內侍養子造偽詔俟晏駕詔從中下立趙王總旗王瑜有烟家高以正者為賢等畫此謀謀定告瑜瑜上變告上曰豈應有此立捕

賢得所造詔誅賢射成以正及內侍諸養子陞瑜遷海衛千戶王大懼又稍楚欽哉仁宗即位加漢趙二王祿歲二萬石還前三萬石封王長子瞻拔為趙世子次瞻塙為安陽王宣宗初即位賜田園八十頃漢庶人反誅班師至單橋陳山迎駕遂言曰趙王與漢庶人逆謀久矣今宜藉此兵威移指彰德擒趙王否趙亦反側不自安異日復勞聖慮上不聽楊士奇亦以為不可山又詰尚書蹇義夏原吉言方略邀二人共請上意不忍曰先帝愛二弟漢王自絕於天朕不敢赦趙王反形未著朕終不忍負先帝也高煦至京又言嘗遣駱指揮阮內使與趙通謀上以漢庶人詞羣臣章道廣平侯持示王王大懼上還常山中護衛及羣牧所儀衛司官軍校上與儀衛司是年瞻塙卒年十七謚悼僖王在位二十九年宣德六年卒謚簡瞻塙宣德七年以安陽王嗣王卒謚惠子祈鑑嗣卒謚悼子見瀾嗣卒謚靖子祐祿嗣卒謚莊子厚煜嗣四皇子未封卒

鄭王

鄭王瞻拔仁宗仲子母李妃永樂二十二年

封漢庶人反王與襄王居守宣德四年之國鳳翔王請安王竹園韓王以安王舊邸得竹園 上曰園在鳳翔去平涼遠與鄭王便正統八年乞徒懷慶留京邸明年之國成化二年卒謚靖子祁鏐成化四年嗣乞河壩地弘治八年卒謚簡世子見滋卒以子祐杅封世子弘治十年嗣王贈父鄭僖王祐杅正德二年卒謚康無子見滋弟東垣端惠王見預以子祐樸正德四年嗣王贈鄭定王祐樸十六年卒謚懿子厚煥嘉靖六年嗣車駕南巡王來近賜幣物加祿歲三百石

同姓諸王傳

卷三

二

承三

靳王

靳王瞻垠永樂十九年卒贈靳王謚獻葬京師西山

越王

越王瞻墉未之國 宣宗賜昌平縣莊田四十頃卒謚靖妃吳氏謚貞惠葬京師西山無子國除已巳之變虜入王墳廬掠祭器去

襄王

襄王瞻墉母 昭皇后永樂二十二年封未之國上崩監國漢庶人反留守宣德四年之國長沙王

統元年遷襄陽七年來朝景泰三年乞得山地百頃奪門時石亨等欲殺于謙王文謂謙等通奄王誠盜金符迎王 英宗因詔王來朝相見甚歡宴便殿王避席請曰臣過汴汴父老遮道言按察使王樂賢誣下詔獄臣途中詢樂人咸謂樂冤願皇上加察 上立命法司雪樂王辭歸 上送至午門王伏地不起 上曰叔父欲何言王頓首曰萬方望治如飢渴願 皇上省刑薄斂 上拱手謝曰敬受教四年又來朝 上為峴山漢水賦長陽四景歌賜王成化十四年卒年七十二謚憲長

同姓諸王傳

卷三

三

承三

子祁鏐正統八年封世子成化十五年嗣弘治元年卒謚定王三子長見淑成化十六年封世子弘治二年嗣明年卒謚簡簡王二子祐材弘治三年封世子明年嗣與邸爭地灘逮七十二家獄久不決大理卿汪綸兩解得已十七年卒謚懷無子弟祐檣弘治四年封光化王正德中嗣王嘉靖四年卒謚 襄陽王者名祐穆嘉靖初上疏乞尊崇本生考妣為帝后入廟祀又上言乞許宗人執業為士農得自贍免飢寒無煩朝廷歲祿下禮部議不許

荆王

荆王瞻堦母張順妃永樂四年生二十二年封宣德四年之國建昌乞南城縣司獄又乞近閑田正統四年改斬州景泰元年十二月上疏請朝上皇不許四年卒謚憲二子長祁鎬正統八年封世子景泰六年嗣天順五年卒謚靖靖王三子長見滿天順中嗣弘治五年坐不法命太監蕭敬駙馬都尉蔡震都御史戴珊召王至并其長子祐柄降庶人遷置武昌見滿弟見溥成化二年封都梁王十三年卒謚悼惠其妃何氏賜自盡子祐櫚弘治七年以都梁王進封荆王十七年卒謚和王三子長厚烜弘治十六年封世子正德二年嗣嘉靖中病辭祿不允王二子長戴盛嘉靖九年封永定王永定王一子

淮王

淮王瞻堦母李賢妃永樂二十二年封宣德四年之國韶州開府府治正統元年遷饒州十一年卒謚靖子祁鎰正統十三年嗣卒謚康世子見濂早卒見濂弟清江王見濂以子祐祭嗣贈淮端王祐祭弘治十八年嗣王嘉靖二年卒謚定無子弟鎮

國將軍祐松嘉靖四年嗣王十六年卒謚莊子厚嘉靖八年封世子十七年嗣

滕王

滕王瞻堦母郭貴妃永樂二十二年十月封宣德改元卒年十七謚懷粹京師西山無子國除其長史姚友直事王王喜其恭謹宣宗愛王爲陸友直雲南左叅議掌長史司事

梁王

梁王瞻堦母恭肅郭貴妃永樂二十二年封即鄧邸開府宣德四年之國永承孔勤侮晉王上白

荆王

卷三

四

三

上白

梁王朕親弟奴敢如是遠勤王又爲解上曰羣奴惕王耳竟誅勤未幾上表不恭有司請治長史上以王故特不問襄獻王自長沙徙襄陽過安陸王出迎明日獻王入城相見歡甚又明日辭去王泣曰嗟乎吾兄弟不得更復相見奈何正統元年上言府卑濕乞更築壇地上一日郢中歲屢歉侯有秋理之竟不果徙六年卒謚莊葬安陸妃紀氏繼魏氏無子國除景泰二年魏妃卒姜張生女二皆封郡主封張王夫人掌王宮事成化十六年亦卒梁故盡得鄧田宅園湖後皆賜襄王庸宗封

安陸得梁郢邸田供二王祀事

衛王

衛王瞻挺末之國 仁宗簡舊宮臣司直金寔爲王左長史宣德初凡郊社陵廟禮每命王攝事正統三年卒謚恭妃楊氏謚貞烈無子國除

許王

許王見淳 英宗子母王惠妃王生時 英宗北狩未還景泰廢太子封沂王也并封沂王弟見清榮王見淳許王景泰三年十一月許王卒於京師禮部請喪用親王禮內批王幼殺其禮謚悼葬西山莊諸三傳 卷三 五十一 王宗子

德王

德王見濟天順元年三月六日復東宮是日立德秀崇吉四王歲祿各本邑萬石德王初封德州改濟南成化二年就國二十一年請業南旺湖以漕渠故不許正德十三年卒謚莊子祐榕正德十六年嗣嘉靖十九年卒謚懿子厚燉十二年封世子卒謚懷順世子載塔十九年嗣贈厚燉德懷王景泰元年五月丁未正使都督張軫副使太子太保吏部尚書何文淵持節封裕陵第二子見清爲榮

王或曰卽德王也又有三皇子未封卒

秀王

秀王見澍母高淑妃景泰三年生王於南城成化三年封國汝寧左長史劉誠獻王千秋日鑒錄王大喜之國時淹於途民以爲掇左長史爲言王輒急行抵國宦豎言王居隘請移先師廟廣王居王不聽一日兩長史講書西伯戡黎左長史主吳氏說曰戡黎者武王也右長史趙銳主孔氏說曰文王寔戡黎兩長史辯大爭王徐曰先皇簡二先生輔余經義卽未有定論何嫌往復乃爾動色兩長同姓諸三傳 卷三 五十一 王宗子

崇王

崇王見澤天順元年封成化十年之國汝寧弘治八年 孝肅太后思見王 上勅召王朝禮官倪岳言二年間三王之國郡縣供需兵民皆困崇王復來往返勞費何以堪兼水溢旱蝗舟車所經恐有他虞親王來朝雖有故事然自洪熙宣德以來已鮮舉行 英宗復辟襄王奉詔來朝雖篤敦叙之恩實塞疑讒之隙宜勿召王便初 上不允岳

言已而中止十八年卒謚簡簡王四子長祐案弘治中嗣正德六年謚靖靖王四子長厚耀正德九年嗣嘉靖十六年卒謚恭長子載境八年封世子十七年嗣乞修府下巡撫議賞銀八萬七千兩工部言親王修府例後護儀牧人不得輒勞民上不允十九年王請父恭王墓表禮部言韓府襄陵莊穆王卒憲宗嘗允其子範址請令詞臣撰銘刻石崇王曾祖皆嘗賜墓表請如王奏上若曰宗室薨逝給墳誌此祖宗典制安得有賜表事襄陵王立石已非例崇兩王表墓皆先朝誤恩後同姓舊傳卷三

忻王

忻王見治母宸妃天順二年生生九歲而封封七年未之國卒謚穆穆京師西山

吉王

吉王見浚國長沙陳友諒初據長沙友諒誅長沙稅敵特重民流移多荒棄王因請得賜名鷄鵝食田十三萬畝徵稅尤重嘉靖初令減十五嘉靖六年卒謚簡一子祐扶弘治四年封常山王正德四年進封吉世子五年卒謚悼莊二子長厚炯正德

十四年封吉世孫嘉靖八年嗣王十年贈父吉悼王明年乞長沙府湘潭商稅邸租不許卒謚定二子長載均嘉靖十五年封光化王十九年嗣王

徽王

徽王見成化十七年之國釣州歲祿本色萬石妃黃氏與秀王妃兄弟也弘治二年乞陞州爲府吏部尚書王恕言肅藩荆岷皆封州釣不得獨陞府從之王卒謚莊子祐檮正德三年以興化王進世子嗣嘉靖四年卒謚簡子厚燭嘉靖五年以安邑王進世子嗣厚燭父子繼請陞釣州爲府朝議同姓舊傳卷一

不許嘉靖中車駕南巡王迓送恭加祿歲三百石侑金幣

懷獻太子

懷獻太子見濟景帝長子母杭妃景泰三年四月思明土酋黃玠者初以功授丘溫衛指揮歷陞廣西都指揮使守備潯州思明土知府珣庶兄也珣老子鈞襲知府玠欲殺鈞奪知府與其子燾軍門令徵兵思明令其子糾諸心腹驍悍數千人去府城三十里結寨夜馳破府城滅珣家支解珣父子納燾中瘞後圖即引衆還寨明日報至倖不知

驚哭仆地走思明發喪尋珣父子屍不得又慟哭仆地揮淚遣人告玆急捕賊復此家門大警方玆子殺珣時珣有僕福童見玆子并識其左右人脫走憲司訴玆父子殺珣父子狀郡中人亦皆知賊本玆父子也左副總兵武毅疏聞于朝玆大懼謀於侍郎江淵令遣千戶袁洪走京師上奏請廢太子立見濟爲太子疏曰太祖百戰艱難取天下

同姓書三傳

宋三

元

一傳元三百年

期傳之萬世往年上皇輕身禦虜文武將吏十喪八九駕陷虜庭寇至都門幾喪社稷不有皇上臣民何歸今且踰二年皇儲未建臣惟人心易搖多言難定爭奪一萌禍亂不息皇上卽循遜讓之美復全天敘之倫恐事機叵測反覆靡常語曰天與不取反受其咎近日仰觀天象土星逆行入太微垣與諸災變皆可畏愕願早留意萬一羽翼長養勢權轉移委愛于於他人寄空名於大寶階除之下變爲寇讐肘腋之間自相殘虐此時悔之晚矣乞與親信文武大臣審定大計以一中外之心絕覬覦之望疏入景帝大喜曰萬里外有此忠臣陛下廷臣會議且令釋玆罪陞都督是月乙

書胡濙侍郎薛琦鄒幹集文武羣臣廷

議衆相顧莫敢發遲疑久之司禮太監與安厲聲曰此事不可已卽以爲不可者勿署名無得首鼠持兩端羣臣皆唯唯署議於是淡等暨魏國公徐承宗寧陽侯陳懋安遠侯柳溥武清侯石亨成安侯郭晟定西侯蔣琬駙馬都尉薛桓襄城伯李瑾武進伯朱瑛平鄉伯陳輔安鄉伯張寧都督孫鏗張輓劉深張通郭瑛劉鑑張義錦衣衛指揮同知畢旺曹敬指揮僉事林福尚書王直陳循高穀何文淵金濂于謙俞士悅左都御史王文王翔楊善侍郎江淵俞山項文曜劉中敷沈翼蕭鑑王一寧

同姓書三傳

宋三

千

一傳元三百年

李賢周瑄趙榮張敏通政使李錫通政樂憚王復參議馮貫卿蕭維禎許彬蔣守約齊整李賓少卿張固習嘉言李宗周蔚能陳誠黃仕儔張翔齊政寺丞李茂李希安柴望鄭鏞詢王溢翰林學士商輅六科都給事中李讚李侃李春蘇霖林聰張文質十三道御史王震朱英徐謙丁泰亨強宏劉琚陸厚原傑嚴樞沈義楊瑄王驥左鼎上言父有天下必傳於子陛下膺天明命中興邦家統緒之傳宜歸聖子黃玆奏是制曰可朕上請聖母上聖皇太后太后言予老矣願宗社安天下得太平

人心既如此不可拂朕敬承慈命禮部具儀擇日以聞即日簡置東官官懸亭漢直四人太子太師溥儀穀謙四人太子太傅觀文淵濂南京禮部尚書儀銘士悅工部尚書兼大理卿石璞都御史溢文鄭九人太子太保淵一寧滋三人太子少師山太子少傅錫維禎兵部左侍郎俞綱都御史羅通四人太子少保輅兵部左侍郎兼左春坊大學士中敷太子賓客嘉言詹事文曜琦少詹事餘左庶子侍讀彭時侍講劉儼左右春坊大學士周旋趙恢左右庶子脩撰林文侍講徐珵左右諭德修撰李紹侍講劉定之司經局沈馬侍講楊鼎倪謙呂原修撰柯潛左右中允李侃御史魏齡詹事丞編修周洪謨劉俊檢討錢溥編修岳正左右贊善編修周安李泰林聰典籍鄒循左右司直郎侍書陳穀徐必監丞鮑相縣丞高誠左右清紀郎檢討曾選傳宗五經博士陸藝典籍李鑑左右司諫編修王懷校書中書舍人劉鈺趙昂正字教諭劉潔錄事序班楊欽王政周寧傳榮通事舍人凡東宮公孤皆支二俸五月甲午立見濟爲皇太子廢汪皇后立見濟母杭妃爲皇后詔曰天佑下民作之君

實遺安於四海父有天下傳之子斯本固於萬年大赦天下先是一日陳儀仗奉天門有男子執赤挺直入擊香亭奮呼曰先打東方甲乙末詣內使急縛男子詔付錦衣獄瘐死乙未以東宮令大賞文武官吏軍士丙申禮部言太子冲年百官朝朔望丁未柳溥于謙充正副使持節更封太子爲沂王癸丑以立太子故賞諸親王公主乙卯賞邊鎮文武內外羣臣又加賞內閣陳循高穀學士江淵王一寧蕭鑑商輅各黃金五十兩六月以后兄杭聚爲錦衣正千戶四年二月乙未太子冠命胡濙持節掌冠高穀贊冠蕭鑑宣戒勅甲辰冠沂王及其弟榮王命陳循于謙持節掌冠何文淵儀銘贊冠商輅宣戒勅十一月以御史張鵬言簡東官師傅請讀官上命胡濙王直陳循高穀王文儀銘江淵蕭鑑俞山俞綱商輅日更番侍班彭時日專講書李侃李齡錢謙劉吉日專侍讀書王謙趙昂更日侍書越四日太子薨謚懷獻葬西山天願元年降稱懷獻世子

悼恭太子

悼恭太子祐極 憲宗長子成化七年十一月已

酉立爲皇太子是年十二月上旬彗星見東方未幾皇太子卒葬西山

岐王

岐王祐封德安弘治中請迎母養不許許諸王有子別居者得迎養其母母有子多亦從一子無子者移別宮者爲令王卒謚惠妃王氏葬西山國除

益王

益王祐楨封江西建昌母張德妃德妃生王及衛王汝王茂陵諸王皆歲祿本色萬石弘治中進馬

衡王

衡王祐輝成化二十三年封青州卒謚恭子厚樸初封江華王嘉靖十年卒封世宗十八年嗣王有載壤厚煌一子載學載增一子未名

衡王

衡王祐輝成化二十三年封青州卒謚恭子厚樸初封江華王嘉靖十年卒封世宗十八年嗣王有

賢行

雍王

雍王祐封衡州弘治四年之國十一年邸震壞正德二年卒謚靖妃吳氏葬西山國除 孝惠邵太后三子 睿宗及歧雍二王也

壽王

壽王祐楨封保寧改常德嘉靖二年卒謚無子國除壽王有兄八皇子未封卒

汝王

汝王祐梓封衛輝弘治十四年之國正德十五年王以婚故請預支食鹽十年年三百引 上曰王

同姓諸王傳

以婚禮請宜別給長蘆鹽二千引食鹽如故嘉靖十八年車駕南巡王迓於途甚恭 上喜加祿歲五百石賜金幣

涇王

涇王祐樞母楊恭妃弘治四年封十五年之國沂州卒謚簡妃曹氏子厚烜嗣病辭祿不許未幾卒謚無子國除葬西山長史沈燦以王卒故改南

京鴻臚少卿

榮王

榮王祐樞母潘端妃弘治四年封常德正德初

京邸劉瑾惡王與吏部尚書張綏謀逐王就國王嘗爲諸子請得食鹽菜戶嘉靖四年請沉江酉港天心團坪淶池河泊稅八年盡取諸稅供王祿十八年卒謚莊六子長厚勲正德中封世子嘉靖十一年卒謚懷穆子載瑾嘉靖十八年封世孫嗣贈其父榮懷王

申王

申王祐楷涇王同母弟也成化二十三年生生五年而封封十一年而冊妃項氏又明年而卒謚懿葬京西蘭山無子國除王邸建於四川叙州未之

詞苑

卷三

三

國嘉靖中彰邸僅得銀萬兩

蔚王

蔚王厚孝宗第三子母孝康皇后早夭謚悼葬西山

岳王

岳王睿宗長子母慈孝皇太后弘治十三年六月生生五日而卒嘉靖初贈岳王謚懷墓在承天睿宗子女五長岳王次長寧長公主生四歲卒次善化長公主十歲卒初皆封郡主嘉靖初贈長公主又次鄔公主又次謝公主皆婚而卒開馬

都尉鄔景和謫居蘇州謝詔掌宗人府事三十九年四月賜岳王名厚熙

靖江王

靖江王守謙太祖長兄南昌王之孫也南昌王從祀廟庭子文正少孤其母王氏守節撫文正依太祖太祖愛之比長涉傳記有才略從渡江克太平破陳也先取建康擢樞密院同食辛丑改院爲大都督府文正爲大都督節制中外諸軍事尋統元帥趙德勝等鎮守南昌號令明肅癸卯四月陳友諒圍南昌用雲梯攻具百道進擊文正主畫軍叔華臨江同知趙天祐狗城下文正不爲動至六月援兵不至文正遣子戶張子明告急建康敵攻城益急文正遣捨命王諒友諒管許約降友諒緩攻及期城上旗幟一新至暮不出友諒縛捨命王城下殺之子明從水關潛出夜行晝止半月始達建康上問友諒兵若何對曰彼兵雖盛戰鬪死者亦不少今江水日涸賊巨艦將不利又師久之糧若援兵至必可破上謂子明汝歸語文正堅守一月吾當自取之子明還至湖口被執友諒使

呼文正出降于明陽許之至城下呼曰大軍旦夕
至諸君宜固守以待友諒殺于明文正守益堅七
月上統舟師二十萬來援友諒始解圍逆戰都
陽湖竟敗死禁江口甲辰文正遣部將何文輝等
討平江西未附州縣吳元年春江西按察使李飲
水言文正驕僭不遜有怨言上詰責大懼謀叛
降張士誠上大驚曰噫此子才不才至此非吾自
行不可即日登舟至南昌泊城下召文正文正倉
卒出謁上泣曰汝何爲輒起此意遂載與俱歸
群臣劾請伏法上曰吾兄惟此兒免文正官安
置桐城召其子鐵柱語之曰兒無惡爾父違訓教
忘艱難恣兒狡貽我憂我育汝汝長且封汝我終
不以汝父故廢汝未幾文正卒洪武三年封鐵柱
靖江王改名煒又改名守謙國於桂林桂林獨秀
山前有元順帝潛邸改爲王宮未幾以淫虐廢爲
庶人使田鳳陽閔七年復其王使居雲南賜璽書
戒諭比至雲南益貪暴召還安置鳳陽又橫恣不
法召至京撻而錮之二十五年卒子贊儀尚幼
上憐宗室諸王皆無後命爲世子留京師贊儀恭
慎好學能書洪武三十年春遣省督燕周楚齊蜀

明史紀事本末

卷三

三

三

明史紀事本末

卷三

三

三

皇明同姓諸王傳第三卷終

子履澤校

孫心材重校

湘代蕭遼慶谷秦諸王先自楚湘入蜀歷陝西出
河南上山西抵大同宣府北平東至大寧遼東轉
於山東擇文武忠厚之士以從以贊儀年幼欲其
知親親之義且令涉山川險易也永樂中遣之固
卒諡悼僖子佐敬嗣卒諡莊簡子和承嗣卒諡悼
順子規嗣卒諡昭和子約麒麟嗣卒諡子經
扶嗣卒諡安肅子邦聲嘉靖六年嗣先是靖江府
食鹽歲給銀廣東至桂林市鹽至是乞支本色不
許又乞桂林府稅銀亦不許

附異姓三王傳

海鹽鄭曉

楊王

楊王陳公也建國之初上念淳皇后母家贈后父陳公爲楊王母楊王夫人立祠太廟東歲遣大臣祀洪武三年中都守臣上言伏惟皇上肇紀開天功德殷茂隆周恩於甥舅陋漢禮於靈文眷惟陳氏本乏胤宗更迭玄宰軫心揮涕日夕靡遑臣等旁詢父老徧歷村墟得陳公葬地在下縣盱眙風氣包凝天地之藏如故樵蘇絡繹焚衛之

異姓三傳

附

異姓三傳

異姓三傳

附

二

異姓三傳

禁甚疎宜崇華表兼建廟祠臣又聞諸人言公

本維揚人籍當宋祚將傾扈蹕南遜師住海島將項君崩士卒死溺莫可數計公舟破中濟脫死登岸招携瘡殘匍匐沙嶼累石支釜調康苟活已而食盡自分天亡旁有死馬衆欲烹食曰我等餓且死食死馬肉亦死死等食馬肉死得爲飽鬼公夢白衣人謂公勿食馬肉吾舟寧汝恍惚未信俄人杖觸公膝曰舟且至奈何不起公驚立熟視身在艤中食頃颶發舟如輪轉公夙諸巫呪叩齒禱

神須臾風濤靖恬檣柁寧捷舉皆謝公共進酒食比至通州復饋巨魚歸於故里厭棄弓矢假藉符術避地盱眙津里鎮久之始生二女季卽淳皇后也作配仁祖誕育聖躬公卒年九十有九臣等無任嗟異伏惟宋元之交華綱塗地戎貫滔天神宵倏鍾乾靈未殞淳皇后之有父乃皇上之有母也豈偶然之故哉臣等昧死奏上曰朕固聞之立命中書省爲朕外王父楊王廟盱眙墓次置灑掃戶三家設祠祭署有司歲仲春秋祀召儒臣宋濂爲文神道碑

徐王

徐王馬公高皇后父也洪武四年六月丙申

上坐皇宮門召禮部尚書陶凱諭曰皇后德懋塗辛功高任奴佐朕布衣永清寰海寔惟慶宗發此靈胤惟后父馬翁世籍宿州鄉聯閭于少力耕農劬勤魏儉長負膂力虎視鷹揚疾惡如讐附順如狎墟中敬憚莫敢頽頽元末使氣殺人藏命定遠已而江淮繚騷間井飢困避地轉徙蓄器俟時謀諸室人鄭媼乃以愛女託諸好友郭子與子與定遠豪俠首難稱雄衆推元帥收召民兵朕邁歸

塵部積著勲庸子與顧朕喜曰行且爲汝擇配又曰莫如吾女乃館朕幼廬祥成嘉禮又曰吾女馬公季女也惟吾夫婦愛如已女音本嗣微祥由天定朕時敬諾周旋有年既登大寶遂正軒龍褒贈翁爲徐王嫔徐王夫人物色嗣昆並遭閔天朕悲悼益深情文未備立廟太廟之東歲時奉祀顧族類有別典禮無稽姑卽王塋闢地作廟奉安神靈歲仲春秋俾有司祇供祀事汝凱宗伯典司人鬼其次第朕言刻石凱再拜頓首受命設宿州祠祭署以王鄰家武氏世爲奉祠守王墳灑掃戶九十

魏延三傳

附

三

言李

滁陽王

滁陽王郭子興其先曹州人父贅定遠生子興子與兄弟三人富有力量淮西元末妖人起子興悉散家財陰結俠客死士友人馬公有季女日者言此女當大貴馬公以屬子興子興妻張夫人極撫愛馬公女壬辰汝穎亂子興召諸所結賓客子弟逐官吏與孫德崖等稱元帥據濠梁時上欲起兵往依子興仗劍走濠梁濠梁人欲殺上子興一見驚曰非常人也留麾下時時召與語益大異

魏延三傳

附

四

言李

上居數月謂上曰吾爲若婚小張夫人亦曰此異人也勿使爲他人用遂以馬公女妻上孝慈皇后是也子興勇悍善戰一時四帥孫德崖輩皆坐子興上子興剛直不肯下四帥四帥臨事木強不能出一語子興爲決通敵中節四帥固忌子興子興又出非語數侵四帥者會客兵彭早住趙君用駐濠稱王四帥挾二王縛子興下獄欲殺子興上方練兵於外聞變馳入子興家集諸健銳欲且宴子興不濟卽殺四帥去子興以故得釋歸故里稍收散卒得三千人二王又挾子興屯泗州時上在滁陽獨堅守不從子興去輒賂二王左右子興又得歸滁陽上初移兵和陽有說上於子興者子興忽至和陽奪上兵子興遂卒于典子四人長二子忌上英武得衆心兵勢日盛爲毒酒召上家人洩語上上見二子果來召大喜並馬行去至半途上忽躍起跪馬上仰天若聽語言已又頓首伏馬上頃之勒馬罵二子豎奴乃欲毒我耶二子曰安有是上曰適天神云云二子駭汗洽背下馬伏地曰安敢有是上竟馳馬歸自是不復至于興所遂積嫌隙二子者竟

不知所終或曰大舍二舍三舍皆戰歿或曰沉諸
和州江中李子老舍洪武元年贈子興滁陽王建
廟祠以王鄰家宥氏世爲奉祠守王墳已而復老
舍家洪武十六年十一月太祖面諭太常丞張
來儀爲子興廟碑碑言王無後二十八年太祖
令旗手衛官李忠召老舍於黑窩廠入四川候蜀
王蜀王母子興女所謂郭惠妃也老舍生謙謙生
昇昇生信信生琥世以王孫朝京師琥乞恩弘治
十五年得爲奉祀琥請乞不休正德中奪官
論曰國制異姓不得王三王者皆贈王也又無後
卽有之文獻不相佐不得沾半食

附孔氏世家

海鹽鄭曉

孔克堅字璟夫先師五十五世孫也性敏學博善詩詞尤精樂府至正元年襲封衍聖公至正八年賜銀章攝太常卿治書侍御史山東廉訪使集賢直學士禮部尚書西臺侍御史國子祭酒世亂不樂居朝謝病歸復起力辭二十六年太祖手詔趣入朝待以賓禮不名不煩以政郊社致膳歲致祿洪武元年上召見面諭守先訓又曰爾有福快活人也洪武三年以疾告遣中使日再存問疾

孔氏世家

附

三

篤詔乘傳還賜白金雜緣行至邳新安驛卒子九人皆有行誼長希學字士行至正五年襲封衍聖公洪武元年朝京師上問歷代治理條對甚悉上喜賜雜緣卽命還守祖庭是年十二月授資善大夫襲封衍聖公賜屬官皆句典籍司樂各一人希學歲入朝賜與稠疊元旦之朝特命班亞上相祖庭兵後廊廡圯壞祭田荒蕪官賦煩迫希學條請復故又請備禮器樂器樂舞儀式希學子詞字言伯篤學恭謹能詩書工篆法律身嚴恪始終不渝洪武十六年外縣以中官册赴京祭于孝

陵竣事入見上顧謂廷臣曰孔訥真聖人子孫

也館于太學遣尚書劉仲質勞問日繼庖廩復賜衣服鈔錠充初館舍十七年正月朝京師襲封衍聖公命禮官以大樂導至太學明日入謝復賜襲衣宴禮部吏部擬詔用資善大夫階上曰既爵公勿事散官但詔以織文玉軸爲異耳遂著爲令每歲入覲得給符乘傳班序文臣首子公鑑字昭文生而岐嶷長益端謹建文二年二十一襲封衍聖公嗜學尤篤四年卒成祖初卽位遣使諭祭子彥緒字朝紳名字皆仁宗所命蚤孤母胡

孔氏世家

一

三

夫人教育之永樂八年襲封衍聖公上觀其言動進退從容喜謂侍臣曰真聖人裔也館之太學歸讀祖書不懈洪熙元年賜第東安門北景泰二年上幸太學特召率三氏子孫觀禮賜冠帶錦衣越三年朝會賜三臺銀印玉帶麒麟服于承慶年六歲遭母夏夫人喪奉父及繼母盡孝旣長從三氏學錄族祖孔克宴學所著有禮庭吟藁行于世未幾爵而卒景泰六年贈襲封衍聖公子二人弘緒弘泰弘緒字以敬早失怙年八歲景泰召見賜冠服於東角門景泰六年襲封衍聖公賜玉

帶以軀小去二鎊授之俾藏焉又賜金謹禮崇德圖書勅族人共保護之英宗復阼入朝召見便殿上握其手置膝上與語久之以賜第湫隘改賜大宅弘緒嘗奏給三氏教授印開生員歲貢格蠲孔氏田租十七成化六年坐事削爵廷議世嫡相傳古今通義請如宋若蒙若虛故事命其弟弘泰襲封後仍歸其子弘治十一年巡按御史上言弘緒改過乞復爵上與冠服家居弘泰字以和成化六年襲封衍聖公弘泰美風儀善論議每評陽人曲直料事當成敗多奇中憲宗見弘泰東

孔氏世家

附

三

三

事中禮科癸未陞少詹事茂陵初以訊獄知法比陞大理左少卿尋復少詹事兼左諭德成化二十一年言事出為漢陽知府適外艱六年復少詹事出南京卒公恂孝友善事繼母動遵禮度

附孔氏世家

子履準校

孫心材重校

皇明異姓諸侯傳序

我

朝初起淮甸旋定江東收拓疆宇統一華夏滅漢之功爲最取幽燕次之次汴洛秦晉齊魯次吳次閩越大蜀又次滇南當是時功臣封者食租衣稅雖不得分土臨民而鐵券實綸天盟廟授追崇之禮過于商周世宥之恩寬于漢魏矣

高皇帝撫還開天刑用重典藍胡詔雪誅鋤萬數

相國慘於繫蕭督府嚴於誅越豈非功高過

異姓諸侯傳序

大疑積累深人主卽欲包荒法吏致其深數

寵祿浚剝宗姓熾夷勢運然也況革除之後

輝祖以守義釋囚景隆以負國淹繫江陰失

律遼西長興喪師眞定越舊安陸之流乍承

收復終歸氓隸故其存者魏西平武定三家耳

成祖靖難以九門壩上白溝滄州薊城夾河靈璧

七戰論功已而北驅殘虜南縛交酋西靖羌

番東捕倭韓舊恩新績降胡願養往往登封

洪熙宣德文教漸張九伯皆特轅欵塞合騎

從征頗稱不僭正統景泰天順間醜戎猾夏

奸黨貪天已巳丁丑剖符益衆朱幾誅奪存

亦無幾成化時國家治平屯細柳出居胥雖

師律尚嚴而檢覈多濫以故傳世者鮮弘治

熙熙慎名與器封者無聞焉正德間汨廢典

章黷濫極矣

今皇帝洗滌乾坤光復

祖憲

登極之詔首錄擒反者宸濠功已而秉鬯宗禋

顧瞻烝侑悼念元勳興滅繼絕五姓續封於

斯善述若乃外戚恩澤封者洪武永樂未之

前聞增壽雖

文后介弟顧靖難密謀殞命

廷闕

長陵悼念子封定國至

獻陵卽位景始以

昭后恩封

裕陵又封景第昇自是進紀褒申更相援引

今皇帝若曰營丘以鷹揚裂土建成以馬歌受盟

后家封爵

皇祖未有典制魏定封公雖緣戚里實開國靖難

佐命功臣彭城惠安軍功居半可世如故他皆宜革徒以

先朝恩命錄之且終其身自是慶陽太和皆罷封稍稍陳乞或得都督都指揮指揮云今攷累朝封者公十八人侯八十三人伯八十八人王一人外戚公一人侯五人伯十一人凡二百七人乃今世及者纔四十四人其以文臣封者公一人伯八人不得嗣者乃七人畧考其狀世次為異姓諸侯傳令後世得覽云道德勲庸最著者錄諸名臣記

嘉靖甲子三月三日鄭曉識

皇明異姓諸侯表

吾學編第十七

姓名 功 封邑爵 祿 進封除世 續封

徐達 開國信國公 伍千石魏 世

李善長 開國宣國公 四千石韓 除

常遇春 開國鄂國公 參千石 懷遠侯

李文忠 開國曹國公 參千石 除

馮勝 開國大國公 參千石 除

鄧愈 開國衛國公 參千石申 除 定遠侯

常茂 開國鄭國公 參千石 除

湯和 開國中山侯 千伍百石信國公 除 靈壁侯

唐勝宗 開國延安侯 千伍百石 除

陸仲亨 開國吉安侯 千伍百石 除

周德興 開國江夏侯 千伍百石 除

華雲龍 開國淮安侯 千伍百石 除

顧時 開國濟寧侯 千伍百石 除

耿炳文 開國長興侯 千伍百石 除

陳德 開國臨江侯 千伍百石 除

郭子興 開國寧昌侯 千伍百石 除

王志 開國六安侯 玖百石 除

鄭遇春 開國榮陽侯 玖百石 除

| | | | | |
|-----|-------|------|---|----|
| 貴聚 | 開國平涼侯 | 千五百石 | 除 | |
| 吳良 | 開國江陰侯 | 千五百石 | 除 | |
| 吳頴 | 開國靖海侯 | 千五百石 | 除 | |
| 趙肅 | 開國南雄侯 | 千五百石 | 除 | |
| 廖永忠 | 開國德慶侯 | 千五百石 | 除 | |
| 俞通源 | 開國南安侯 | 千五百石 | 除 | |
| 華高 | 開國廣德侯 | 千五百石 | 除 | |
| 楊璟 | 開國營陽侯 | 千五百石 | 除 | |
| 康鐸 | 開國營陽侯 | 千五百石 | 除 | |
| 朱亮祖 | 開國永嘉侯 | 千五百石 | 除 | |
| 傅友德 | 開國潁川侯 | 千五百石 | 除 | |
| 胡美 | 開國豫章侯 | 千五百石 | 除 | |
| 韓政 | 開國東平侯 | 千五百石 | 除 | |
| 黃彬 | 開國宜春侯 | 千五百石 | 除 | |
| 曹良臣 | 開國宣寧侯 | 千五百石 | 除 | |
| 梅思祖 | 開國汝南侯 | 千五百石 | 除 | |
| 陸聚 | 開國河南侯 | 千五百石 | 除 | |
| 汪廣洋 | 開國忠勤伯 | 千五百石 | 除 | |
| 劉基 | 開國誠意伯 | 千五百石 | 除 | 續封 |
| 薛顯 | 開國永誠侯 | 千五百石 | 除 | |

| | | | | |
|-----|-------|-------|---|--|
| 沐英 | 征西西平侯 | 貳千五百石 | 世 | |
| 仇成 | 征西安慶侯 | 貳千五百石 | 除 | |
| 藍玉 | 征西永昌侯 | 貳千五百石 | 除 | |
| 謝成 | 征西永平侯 | 貳千石 | 除 | |
| 張龍 | 征西鳳翔侯 | 貳千五百石 | 除 | |
| 吳復 | 征西安陸侯 | 貳千五百石 | 除 | |
| 金朝興 | 征西宣德侯 | 貳千五百石 | 除 | |
| 曹興 | 征西懷遠侯 | 貳千石 | 除 | |
| 葉昇 | 征西靖寧侯 | 貳千石 | 除 | |
| 曹震 | 征西景川侯 | 貳千石 | 除 | |
| 張溫 | 征西會寧侯 | 貳千石 | 除 | |
| 周武 | 征西雄武侯 | 貳千五百石 | 除 | |
| 王弼 | 征西定遠侯 | 貳千五百石 | 除 | |
| 陳桓 | 征西普定侯 | 貳千五百石 | 除 | |
| 胡海 | 征西東川侯 | 貳千五百石 | 除 | |
| 郭英 | 征西武定侯 | 貳千五百石 | 除 | |
| 張翼 | 征西鶴慶侯 | 貳千五百石 | 除 | |
| 李新 | 征西崇山侯 | 千五百石 | 除 | |
| 汪興祖 | 開國東勝侯 | 千五百石 | 除 | |
| 張赫 | 海運航海侯 | 貳千石 | 除 | |

| | | | |
|-----|---------|------|---|
| 朱壽 | 海運舳舻侯 | 貳千石 | 除 |
| 孫恪 | 征胡金寧侯 | 貳千石 | 除 |
| 濮瑛 | 父英西涼侯 | 壹千石 | 除 |
| 桑敬 | 父世徽先伯 | 千柒百石 | 除 |
| 俞通淵 | 征南越葛侯 | 貳千石 | 除 |
| 張銓 | 征蠻永寧侯 | 千伍百石 | 除 |
| 胡顯 | 征蠻梁國公 | 除 | 除 |
| 何真 | 歸降東莞伯 | 千伍百石 | 除 |
| 陳理 | 降王歸德侯 | 除 | 除 |
| 陳普才 | 父諒承恩侯 | 除 | 除 |
| 陳友富 | 父諒歸仁伯 | 除 | 除 |
| 陳友直 | 父諒懷恩伯 | 除 | 除 |
| 明昇 | 降王歸義侯 | 除 | 除 |
| 高里納 | 父主崇禮侯 | 除 | 除 |
| 納哈出 | 降胡海西侯 | 除 | 除 |
| 蔡罕 | 納哈出子海海侯 | 除 | 除 |
| 常昇 | 父通開國公 | 除 | 除 |
| 盛庸 | 戰勝歷城侯 | 千石 | 除 |
| 李堅 | 戰勝濼城侯 | 千石 | 除 |

右洪武年封

| | | | |
|----|-------|-------|---|
| 丘福 | 靖難洪國公 | 貳千伍百石 | 除 |
| 朱能 | 靖難成國公 | 叁千伍百石 | 世 |
| 張武 | 靖難成陽侯 | 千伍百石 | 世 |
| 陳珪 | 靖難太寧侯 | 千貳百石 | 世 |
| 鄭亨 | 靖難武安侯 | 千伍百石 | 世 |
| 孟善 | 靖難保定侯 | 千貳百石 | 除 |
| 火真 | 靖難同安侯 | 千伍百石 | 除 |
| 顧成 | 靖難鎮遠侯 | 千伍百石 | 世 |
| 王忠 | 靖難靖安侯 | 千石 | 除 |
| 徐忠 | 靖難永康侯 | 千壹百石 | 世 |
| 張信 | 靖難隆平侯 | 千石 | 世 |
| 李遠 | 靖難安平侯 | 千石 | 除 |
| 郭亮 | 靖難成安侯 | 千貳百石 | 世 |
| 房寬 | 靖難思恩侯 | 捌百石 | 世 |
| 王寧 | 推戴永春伯 | 千石 | 除 |
| 徐祥 | 靖難興安伯 | 千石 | 世 |
| 徐理 | 靖難武康伯 | 千石 | 世 |
| 李濬 | 靖難襄城伯 | 千石 | 世 |
| 張輔 | 靖難信安伯 | 叁千石 | 世 |

右建文年封

| | | | |
|-----|-------|------|-------|
| 唐雲 | 靖難新昌伯 | 千石 | 舊授 |
| 譚忠 | 父淵新寧伯 | 千石 | 世 |
| 孫岩 | 靖難應城伯 | 千石 | 世 |
| 房勝 | 靖難富昌伯 | 千石 | 舊授 |
| 陳旭 | 靖難雲陽伯 | 千石 | 舊授 |
| 劉才 | 靖難廣恩伯 | 玖百石 | 舊授 |
| 茹瑋 | 推戴忠誠伯 | 千石 | 流 |
| 王佐 | 推戴順昌伯 | 千石 | |
| 陳瑄 | 推戴平江伯 | 千石 | 流侯世伯 |
| 袁容 | 靖難廣平侯 | 千伍百石 | 舊授 |
| 李彬 | 靖難豐城侯 | 千石 | 世 |
| 陳懋 | 靖難寧陽伯 | 千石 | 侯世 |
| 王通 | 父真武義伯 | 千貳百石 | 成山侯世伯 |
| 王友 | 靖難清遠伯 | 千伍百石 | 除 |
| 陳賢 | 靖難榮昌伯 | 千石 | 除 |
| 張興 | 靖難安鄉伯 | 千石 | 世 |
| 陳志 | 靖難遂安伯 | 千石 | 世 |
| 徐景昌 | 父指定國公 | 貳伍百石 | 世 |
| 王聰 | 靖難武城侯 | 千伍百石 | 無除 |

| | | | |
|-----|-------|------|-------|
| 趙昇 | 靖難忻城伯 | 千石 | 世 |
| 宋晟 | 征西西寧侯 | 千壹百石 | 世 |
| 沐晟 | 征西黔國公 | 叁千石 | 世 |
| 柳升 | 征西安遠伯 | 千伍百石 | 侯世 |
| 郭義 | 戰勝安陽侯 | 千壹百石 | 舊授 |
| 何福 | 征胡寧遠侯 | 千石 | 除 |
| 薛祿 | 征胡陽武侯 | 千壹百石 | 世 |
| 劉榮 | 捕倭廣寧伯 | 千貳百石 | 侯世伯 |
| 朱榮 | 征胡武進伯 | 千貳百石 | 世 |
| 高士文 | 戰歿建平伯 | 千叁百石 | 世 |
| 薛斌 | 征胡永順伯 | 玖百石 | 舊授 |
| 薛貴 | 征胡安順伯 | 玖百石 | 舊授 |
| 吳允誠 | 征胡恭順伯 | 千貳百石 | 侯世 |
| 金忠 | 降胡忠勇王 | 千石 | |
| 梁銘 | 靖難保定伯 | 千石 | 右永樂年封 |
| 蔣廷珪 | 保昌伯 | | 世 |
| 吳成 | 征胡清平伯 | 千壹百石 | 世 |
| 吳管者 | 征胡廣義伯 | 千石 | |

李賢 征胡忠勤伯 千壹百石

右洪熙年封

賁獻 征胡崇信伯 千壹百石

李玉 征胡新建伯 捌百石

滕定 征胡奉化伯 捌百石

李英 征胡會寧伯 捌百石

金順 征胡順義伯 捌百石

右宣德年封

蔣貴 征胡定西伯 千伍百石

趙安 征胡會川伯 千石

沈清 營建修武伯 千壹百石

譚廣 征胡永寧伯 千石

陳懷 征胡平鄉伯 千壹百石

馬亮 征胡招遠伯 千壹百石

王驥 征蠻靖遠伯 千叁百石

蔣信 征胡忠勇伯 千石

楊洪 禦胡昌平伯 千石

石亨 禦胡武清伯 叁千石

右正統年封

除

石彪 禦胡定遠伯 千石

郭登 禦胡定襄伯 千壹百石

朱謙 禦胡撫寧伯 千貳百石

方瑛 征蠻南和伯 千石

毛勝 征蠻南寧伯 千石

徐有貞 奪門武功伯 千壹百石

楊善 奪門興濟伯 千貳百石

張觀 奪門文安伯 千貳百石

張軌 奪門太平侯 貳千石

孫鏗 奪門懷寧伯 千叁百石

衛穎 奪門宣城伯 千壹百石

曹欽 奪門昭武伯 千貳百石

楊信 禦胡彰武伯 千石

楊能 禦胡武強伯 千石

陳友 征蠻武平伯 千石

曹義 禦胡豐潤伯 千貳百石

施聚 禦胡懷柔伯 千壹百石

焦禮 禦胡東寧伯 千貳百石

董興 禦胡海寧伯 千石

除

除

除

除

除

除

除

除

除

除

除

除

除

除

除

除

除

除

除

除

除

除

| | | | | | | | | | | | | | | | | | |
|-------|-------|-------|-------|-------|-------|-------|-------|-------|-------|-------|-------|-------|-------|-------|-------|-------|-------|
| 李英 | 劉聚 | 毛忠 | 趙輔 | 趙勝 | 王超 | 李震 | 羅秉忠 | 和勇 | 仇鉞 | 神英 | 張富 | 張容 | 武德 | 谷大寬 | 馬山 | 陸永 | 魏英 |
| 禦胡高陽伯 | 禦胡寧晉伯 | 征番伏羌伯 | 征蠻武靖伯 | 營建昌寧伯 | 征胡威寧伯 | 討賊興寧伯 | 征蠻順義伯 | 征蠻靖安伯 | 捕反威寧伯 | 禦胡涇陽伯 | 弟 泰安伯 | 弟 安定伯 | 義兒永壽伯 | 弟 高平伯 | 弟 平涼伯 | 弟 鎮平伯 | 弟 鎮安伯 |
| | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 | 千石 |
| 除 | 世 | 世 | 世 | 世 | 除 | 除 | 除 | 除 | 除 | 除 | 除 | 除 | 除 | 除 | 除 | 除 | 除 |
| 右天順年封 | | | | | | | | | | | | | | | | | |

右成化年封

| | | | | |
|-------|-------|-------|-------|-----|
| 谷大亮 | 江彬 | 許太 | 王守仁 | 陶仲文 |
| 弟 永清伯 | 弟 平虜伯 | 義兒永定伯 | 捕反新建伯 | 恭誠伯 |
| 千石 | 千石 | 千石 | 千石 | 千石 |
| 除 | 除 | 除 | 除 | 除 |
| 右正德年封 | | | | |

皇明恩澤侯表

| 家 | 名 | 封邑爵 | 祿 | 進封 | 世 | 續封 |
|-------|----|-----|------|----|---|----|
| 孝誠昭后 | 昶 | 彭城伯 | 千五百石 | 除 | 世 | 除 |
| 孝恭章后 | 昇 | 惠安伯 | 千五百石 | 除 | 世 | 除 |
| 孝恭章后 | 忠 | 會昌伯 | 千五百石 | 除 | 世 | 除 |
| 孝恭章后 | 安 | 安平伯 | 千石 | 除 | 世 | 除 |
| 孝恭章后 | 承宗 | 安昌伯 | 千石 | 除 | 世 | 除 |
| 孝恭章后 | 壽 | 慶雲伯 | 千石 | 除 | 世 | 除 |
| 孝貞純后 | 源 | 瑞安伯 | 千石 | 除 | 世 | 除 |
| 孝貞純后 | 長寧 | 長寧伯 | 千石 | 除 | 世 | 除 |
| 孝惠太后来 | 濟 | 安仁伯 | 千石 | 除 | 世 | 除 |
| 孝惠太后来 | 喜 | 昌化伯 | 千石 | 除 | 世 | 除 |
| 孝惠太后来 | 壽寧 | 壽寧伯 | 千五百石 | 除 | 世 | 除 |
| 孝惠太后来 | 延齡 | 建昌伯 | 千五百石 | 除 | 世 | 除 |
| 孝惠太后来 | 輪 | 玉田伯 | 千石 | 除 | 世 | 除 |
| 孝惠太后来 | 儒 | 慶陽伯 | 千石 | 除 | 世 | 除 |
| 孝惠太后来 | 萬言 | 太和伯 | 千石 | 除 | 世 | 除 |
| 孝惠太后来 | 銳 | 安平伯 | 千石 | 除 | 世 | 除 |
| 孝惠太后来 | 鸞 | 京山侯 | 千五百石 | 除 | 世 | 除 |

皇明異姓諸侯傳上卷目錄

郭英 馮勝 藍玉 汪廣洋

桑敬 廖永忠 俞通源 俞通淵

吳良 吳復 康茂才 耿炳文

唐勝宗 陸仲亨 周德興 華雲龍

顧時 陳德 郭子興 王

鄭遇春 費聚 吳禎 趙庸

華高 朱亮祖 胡美 韓政

黃彬 曹良臣 梅思祖 陸聚

葉昇 張溫 王弼 曹震

曹興 周武 金朝興 薛顯

胡海 張翼 仇成 楊璟

汪興祖 張龍 陳桓 張赫

朱壽 張銓 孫恪 濮輿

李新 謝成 胡顯 何真

陳理 賈的里八刺 納哈出

盛庸 李堅

皇明異姓諸侯傳上卷

皇明異姓諸侯傳上卷 吾學編第十八

海鹽鄭曉

吳元年平吳封李善長宣國公徐達信國公常遇

春郭國公洪武三年冬大封功臣 上御奉天殿

皇太子諸王侍左右丞相善長達率文武百官立

丹陛下 上諭諸將曰汝等其聽朕今日定封行

賞非出已私昔倣古先聖王之典壽之二年以征

討未暇故至今日思昔創業之初天下擾亂羣雄

並起當時有心於建功立業者往往無法以馭下

故特無成朕本無意天下今日成此大業寔天地

神明之眷祐有非人力所致然自起兵以來諸將

從朕披堅執銳以征討四方戰勝攻取其功何可

忘今天下既定用報以爵賞其新附將帥有功者

亦如之凡今爵賞次第皆朕自定至公無私如御

史大夫湯和與朕同里間結髮相從屢建功勞然

嗜酒妄殺不由法度趙庸從李文忠取應昌其功

不細而乃私其奴婢廢國法廖永忠戰鄱陽時奮

勇忘身與敵舟相拒朕見之可謂奇男子然而使

所善儒士窺朕意向以邀封爵貪都督郭子興不

奉主將之命不守紀律雖有勞未足掩過此四人

其姓諸侯傳

卷一

四

三

六 上征漢大戰鄱陽湖英豪力疾乘海船應戰敗漢人禁江口征武昌戰保安門又傷手足漢陳金同者號將善擊馳入中軍上方坐胡床呼曰郭四為吾殺賊英持鎗躍馬奮臂一呼賊應手斃上解亦戰袍衣之曰唐尉遲敬德不汝過也攻岳州賊發張援兵擒屠鎮撫充管軍頭目遂克廬江襄陽陞千戶克淮安安豐陞統帥指揮僉事從大將軍北定中原還兵渡河北取彰德廣平至直沽遂破通州克永平轉戰薊關隴陞指揮副使攻破王保保營至察罕惱兒陞陞河南都指揮

起鎮上寧妃英女弟也遣餞之第英素清儉賜白金二十兩馬二十匹移鎮北平召進督府僉事從征雲南功多洪武十九年封武定侯食祿二千五百石與世券克靖海將軍鎮遼東討納哈出進征虜右副將軍仍鎮遼東討虜至捕魚兒海手斬蠻子太尉獲金寶珍玩圖書馬四萬復征迤北斬獲功多賜養遣歸鄉召還京統禁兵東征朵顏西討川陝叛寇御史裴承祖劾英養家奴百五十人輒殺人上不問建文時從炳文景隆用兵靖難後罷歸第永樂元年卒贈營國公諡武襄子男

其姓諸侯傳

卷一

五

三

十二人鎮駙馬都尉尚永嘉公主女二遼鄂二王妃長孫女仁宗貴妃玳以貴妃弟故得嗣侯宜德中玳署宗人府事奪河間民曰廬又奪天津屯田千九十畝罪其奴宥玳十年永嘉公主乞子珍嗣侯英宗念珍本英嫡孫與錦衣衛指揮僉事已而玳子聰與珍爭嗣侯並初停亦與聰錦衣指揮僉事天順元年詔恩嗣侯諸大臣言英適長曾孫昌宜嗣昌者珍長子也聰又與昌爭上許昌嗣五年昌卒子良優給成化四年聰又言良非昌子停良嗣與指揮僉事錦衣已而良屢乞嗣并奪指揮關住弘治三年良又乞嗣下刑部獄三年復良指揮僉事已而郭宗人共乞擇英諸孫一人嗣侯下廷議皆言良本英適玄孫上許良嗣正德二年卒子助嗣為團營總兵加保傳嘉靖八年作戚福自恣楊一清惡之會御史趙鏜論劾奪團營總兵保傳寄祿中府以張孚敬薦九年復保傳總兵提督郊廟工十六年助乞進英太廟侑享禮官言官及戶部侍郎唐胥皆言英不當侑享胥言尤明悉助請益力英竟得侑享十八年扈駕巡承天進封朔國公勛勳直好指斥人貴溪惡之二十年

都給事中高時勛勅下詔獄核刑部獄諸大臣會鞠論當死留中勛死於獄已而貴溪死西市時論死繫臺獄久之勛子守乾嗣侯

馮勝

馮勝初名國勝又名宗異後更名勝兄國用自有傳勝兄弟相與講讀兵書夜分不寢智略日充射百步外輒中甲午同謁太祖於妙山從克滁和乙未渡江取太平擒也先上釋也先勝兄弟察也先有異志曲防之竟不能爲害丙申敗蠻子海牙舟師克臺城還軍擊鎮江丹徒寧國擢萬戶丁

六

酉克耳露松山望亭戊戌取泰興宜興授元帥守禦會國用卒子幼庚子勝嗣官掌親軍友諒陷太平寇龍灣擊友諒石灰山破其中堅追至采石大戰復太平辛丑攻高郵從上征友諒擢安慶長驅至江州陞都護癸卯士誠圍安豐號二十萬劉福通請援敵殺福通圍益急勝從上奮擊敗敵陞同知樞密院調擊廬州甲辰平漢克廬州走左君弼乙巳取江西同達遇春取淮東丙午下安豐薄浙西克舊館執呂珍徇湖州城李伯昇降進圍蘇州丁未召還治軍府事叅知政事張昶陰事覺

吳玠

七

勝鞠誅昶以平吳功陞右都督是冬領偏師北伐下山東洪武元年兼太子右詹事引兵遡河取汴洛趨潼關破守將張德欽穆薛飛等奪關遂取華州還汴上按右副將軍留守調征山西克懷慶兵至太行山擊子閼達敗澤州賀宗哲遁克潞太原克平陽授征西將軍克河中陝西鳳翔李思齊西奔臨洮取蘭州並昌進征臨洮思齊降從大將軍圍慶陽擊敗張良臣復與大將軍謀移軍扼原州絕良臣聲援遂克慶陽承制統兵鎮守下河州不俟命輒還京上詰責勝宥之三年爲右副將軍帥師自潼關出西安王保保等俱北竄自秦州南出一百八渡至略陽擒元平章蔡琳遂入河州遣金興旺張龍由鳳翔入連雲棧合兵攻克興元又西平土番授開國輔運推誠宣力武臣封宋國公叅軍國事食祿三千石賜世券四年鎮陝西五年爲征西將軍與副將軍傅友德陳德等北征敗虜別力篤山分兵取甘州破元將失剌罕兵拔肅州至亦集乃六年練兵臨清北平大同八年自大同征散不剌還鎮陝西九年練兵西征十年鎮河南召至京十一年還鎮十二年董建周王宮殿

大將軍征乃兒不花勝爲征虜將軍節制河南勅勝曰今天象有警占在大梁乃爾封地就語都指揮馬兒宜慎防刺客未逾月又勅勝曰天象屢見不可不警泰晉二王還京宜選精銳嚴密衛二王至宋國公迎都指揮守城即都指揮迎宋國公守官兵三之一迎餘悉城守慎毋忽十八年召授征虜大將軍北征練兵絳橋兩月而還是時納哈出擁衆金山數寇邊二十年爲征虜大將軍總兵三十萬喻金山降其部將觀軍納哈出分兵爲三營輜重富盛虜王數招不聽勝進兵逼其營乃刺舌

哈出有二姪不肯降勝復遣諭再三折弓矢擲地來降勝禮遇納哈出令耿忠與呂寢食遣使奉捷并劾茂驚潰虜衆狀遂班師令都督濮英將騎兵殿英遇虜伏被執死勝驅降衆二十萬入山海關茂亦計勝軍中事召還奉朝請二十一年領東昌諸胡兵征雲南胡兵中道叛是冬鎮永寧撫安胡兵二十三年詔還鄉明年來朝命梁軍山西屯種大同二十五年加太子太師二十七年諭勝曰天道以有餘補不足人反其道廼以不足奉有餘嗚呼禍福之來皆人自致朕命卿子出鎮西鄙近以

與莊諸侯傳

卷二

九

三

勸起降猶豫未決勝遣馬指揮往諭納哈出遣使陽納欵覲我兵勝遣藍玉往受降納哈出見玉大喜與飲酒歡甚酌酒酬玉玉解衣衣之曰請服此而後飲納哈出不肯服玉持酒不飲爭讓久之納哈出取酒澆地顧其下咄咄語將脫去特鄭國公常茂在坐茂麾下趨指揮者解胡語告茂直前搏納哈出大驚起欲就馬茂拔刀砍傷其臂不得出都督耿忠遂擁之見勝時納哈出所部妻子將士凡十餘萬在松花江北聞納哈出傷大驚潰勝遣觀童往諭降其衆凡二十萬人輜畜亘百餘里納

藍玉

藍玉定遠人長身植面言動異常始以開平王妻弟從征摧鋒突圍累功至都督洪武十二年以征

西番功封永昌侯食祿二千五百石與世券從穎川侯征雲南戰捷又出塞征納哈出從馮勝有功二十一年代勝爲征虜大將軍率師十五萬出大寧進至慶州聞虜主脫古思帖木兒在捕魚海間道兼程而進至百眼井去海四十里不見虜欲引還定遂侯王弼曰吾輩提十餘萬眾深入虜地無所得遽班師勞人費財何以復命王曰然令諸軍穴地而焚毋令虜見煙火乘夜至海南瞰知虜主營在海東北八十里王令弼爲前鋒直薄其營虜始謂我軍乏水草不能深入不設備會大風揚沙晝晦虜不知我兵至虜主方欲北走忽見我兵合戰殺其大將脫古思帖木兒與其太子天保奴知院捍怯來丞相失烈門等數十騎遁去王率精騎追之不及還獲虜主少兒地保奴等六十四人及故太子必里禿妃公主等五十九人搜林莽降獲官酋男婦八萬人玉璽金印圖書牌及馬駝牛羊十五萬遣人奏捷遂班師又破哈刺章營殺人畜六萬歸至北平以名馬獻 文皇不受玉慙謝歸見太子太子如聞平王女也因說太子曰殿下試觀皇上於諸子中最愛者爲誰太子曰鴈鵠之愛

焉有軒輊玉頓首曰臣觀燕王英武得人心威名日盛皇上所最愛又聞術者言燕地有天子氣臣幸托肺腑願殿下自愛以北伐功進封涼國公二十三年晉燕論征胡功太子右晉王玉功高驕橫上不喜會有訐玉出塞陰事者 上詰玉玉應對不謹 上大怒念玉功忍未發二十六年遣玉西征加王太傅玉不喜曰我功不得爲太師乎及奏事 上輒不允玉曰疑我矣錦衣指揮蔣瓌遂告玉謀反簿錄其家凡有片紙隻字者並逮獄獄上集羣臣廷議玉強辯轉展攀捺不肯服吏部尚書詹徽叱玉吐實無徒株連人王大呼曰徽卽吾黨遂併殺徽及詩人王行孫黃是歲九月詔曰藍賊爲亂謀泄族誅者已萬五千人自今胡黨藍黨皆赦不問微素刻薄嘗陷李善長又惡解縉爲虞部郎中王朝用草疏申救善長并欲中縉危法懿文太子亦恨徽徽與太子錄囚太子欲開釋徽輒文附重法太子爲白 上先入徵言謂太子曰徽執者法也太子因言立國以仁厚爲本 上笑曰汝欲遂自爲皇帝耶太子懼因感疾卒謂建文君曰詹徽殺我建文君爲太孫錄藍獄命先斷微手足

戮於市

汪廣洋

汪廣洋字朝宗高郵人廣洋寬和簡重通經能文善篆隸大書尤工詩歌少從余問學游太平乙未上渡江召廣洋入見與語大悅留幕下爲元帥府令史行樞密院掾史江南行省提控丁酉除照磨已亥立執法議理司大書四字牌上以廣洋李勝端爲執法官朝政有失執牌直諫又名爲都諫官辛丑遷江南行省都事陞郎中甲辰立中書省改右司郎中尋知驍騎衛事常將軍下贛州廣洋出參軍事遂守贛州尋陞江西行省參政洪武元年開省山東廣洋以廉明持正改山東安輯有勞是冬召入中書爲參政明年出參政陝西三年李丞相病召入爲左丞時楊憲以山西參政先召入爲右丞惡廣洋軋已嗾侍御史劉炳劾廣洋不孝上切責斥還鄉憲意未已又嗾炳劾廣洋謫海南李丞相奏憲誣大臣放肆爲奸上誅憲召廣洋還是年冬與劉基同日受封封廣洋護軍忠勤伯食祿三千六百石誥詞比之子房孔明四年善長致仕廣洋爲右丞相參知政事胡惟庸爲左丞六

其姓名

卷一

三

廣洋

年進左丞相惟庸爲右丞相尋廣洋坐畏懦廷術

斥爲廣東參政逾年召爲左御史大夫十年復爲

左丞相上益厚廣洋未幾上以惟庸暴橫廣

洋荒於酒色怠棄政機浮沉守位勅戒令洗心補

過會占城貢使至不以時引見上下勅切責執

政廣洋惶懼十二年御史中丞余節言劉基死毒

廣洋宜知狀上問廣洋對無是事上怒廣洋

朋黨又謫海南舟至太平上再遣勅責廣洋事

朕十餘年不聞一善言不薦一賢士在江西曲庇

文正在中書不發楊憲奸惡惟務沉湎不事事廣

洋得書益怒大懼自縊死十三年惟庸坐罪死遂

詔天下罷中書省先是上卜相劉基首問楊憲

憲故與基厚善基對曰宰相持心如水憲有相才

非相器次問廣洋對曰穉淺又次問惟庸曰此小

用之將債軋而破犁矣上曰吾固知無逾先

生者基起頓首謝曰臣疾惡太深又不能煩劇天

下何患無才惟明主博求而慎用之幸甚

桑敬

桑敬父世傑無爲州人世傑有開國功戰歿贈永義侯伯享太廟自有傳敬以父故陞督府僉事立

功洪武二十三年封徵先伯諡曰朕當羣雄鼎沸之秋提虎旅東渡大江爾父世傑率舟師來歸由是被堅執銳數著勤勞旣而歿于戰陣已贈侯爵功在國家朕不能忘遂陞爾中軍都督府僉事俾蒙先業屢從征伐克底成功茲又擒除奸覓豈不彰美前人朕嘉爾忠特封爲推忠協謀武臣龍虎將軍上護軍徵先伯食祿一千七百石子孫世嗣二十四年練兵邊塞召還明年又出南陽信陽練兵繕浚城隍經略屯田明年閱民籍軍屯軍平陽已而屢出山陝北平練兵

吳越諸侯傳

卷上

古

一傳元

三頁五十五

廖永忠

廖永忠巢人父旺子五人永清永寧永堅永安永忠旺危止渡江不仕永清以子昇贈指揮僉事永寧早卒永堅仕陳友諒爲參政來歸亦卒永安沒於吳贈楚國公諡武愍永忠少豪邁有大志智勇過人甲午屯巢湖乙未來歸上見其年少謂曰汝亦欲圖富貴乎以水將屬永安永忠爲副從渡江拔采石太平蕪湖擒陳也先破蠻子海子陳兆先乘勝定建康克鎮江宣城討江陰海寇皆有功永安陷敵授永忠樞密僉院總永安兵攻普勝

柵江營追殺賊衆復樞密陽友諒襲太平犯龍江諸將據險張德勝總兵進擊永忠大呼殺入諸兵從之友諒敗復太平陞同知樞密院事上率舟師伐友諒至安慶敵固守上以陸兵疑之敵兵動永忠擊其水寨破敵舟破克安慶追至小孤山次湖口未至江州五里友諒知之窮蹙舉妻子棄城走武昌遂入江州從征南昌南昌降祝宗康泰據南昌叛復從徐將軍討復其城援安豐敗士誠兵是時友諒圍南昌上討友諒永忠以七舟載葦荻置火藥其中乘風縱火焚戰艦數百艘煙焰漲天湖水盡赤大敗敵兵友諒移舟近湖口永忠邀其歸路友諒中流矢死擒其太子善兒次子理奔武昌復稱帝上還論功賜永忠伯上復征理至武昌永忠等分兵柵四門又於江中聯舟爲長寨絕其出入上還建康留永忠等守營柵勿與戰上復往武昌視師督攻城降理陞湖廣行省左丞攻廬州左君弼敗走復援安豐取江西未下州郡從徐將軍常將軍取淮東克海安高郵淮安從援姑蘇陞中書平章政事湯將軍旣下溫台慶元方國珍遁入海島永忠爲副率師自海道會湯

吳越諸侯傳

卷上

主

陳南三頁五十五

將軍討降國珍得兵械舟楫萬計取福州洪武元年兼同知詹事院事畧定閩中執陳友定克征南將軍朱亮祖副之率舟師由海道取兩廣永忠自福州遣人諭何真真以廣循惠降師至廣州龍潭元將盧左丞降破偽參政邵宗愚山寨獲宗愚等斬廣州市捕誅諸叛土豪諸郡相繼降檄諭九真日南朱崖儋耳三十餘城皆納印請吏送進取廣西至梧州降元達魯花赤拜住廣西平章者林時元普顏帖木兒張翔以便宜行事入廣西募兵欲迎戰亮祖勒兵追普顏戰死翔赴水死潯貴等州郡皆降師次貴州遣亮祖會楊璟收未下州郡兩廣悉平明年還京上命太子率百官迎勞龍驤入見命太子送還第二年撫定泉漳三年封德慶侯食祿一千五百石賜世券是年湯將軍克征西將軍永忠為副率京衛荆湘舟師由瞿塘趨重慶伐明昇四年和克歸州駐師大溪口永忠率所部先進至瞿塘關蜀設鐵鎖飛檣據關口我舟不得進永忠密遣數百人昇小舟踰山度關出上流人持糧糗帶水筒禦飢渴蜀山多草木將士皆衣青葉衣魚貫出崖石間蜀人不覺度已至率精銳出

墨葉渡分兩道夜五鼓攻水陸寨寨上皆以鐵裹頭船火器而前黎明蜀人始覺盡焚之蜀人已破其陸寨矣既而將士昇舟踰山出江第一為俱發上流揚旗鼓譟而下蜀人大駭下流之師亦擁舟前進發火器夾攻大破之斬其將遂焚其三橋斷橫江鐵索斬溺死者無算飛天張鐵面等皆遁去永忠入夔明日湯將軍兵始至永忠乃與湯將軍分道並進湯將軍率步騎永忠率州師會重慶永忠抵重慶次銅鑼峽昇遣使請永忠軍請降永忠俟湯將軍至受降下令將士不得侵掠撫諭向大享戴壽等家令持書往成都招諭遣指揮萬德送昇等并降表京師蜀平凱還賜第京師又出征胡捕倭八年卒子權娶湯將軍女為散騎舍人九年從馮勝練兵西安十一年從御史大夫丁玉征松壘十三年嗣侯十四年從傅將軍征雲南十五年領兵守畢節移守瀘州十六年召還十七年卒從子昇淮安衛指揮僉事陞同知蘇州衛事

俞通源
俞通源字百川巢人父廷玉兄通海通淵結寨巢湖自守上駐兵和陽歸款時上方欲渡江得

延玉小軍其喜率師至巢湖拔延玉出寨從渡江
燒蠻子海牙又破陳兆先定臺城鎮江復池州陞
廷玉僉樞院事總水軍攻安慶戰越普勝沒追封
河間郡公通源屢從征與父兄立功通海卒通源
即軍中領其眾攻蘇州擒士誠嗣通海官從大將
軍征中原下山東河南北山西諸郡皆副將馮宗
異等會兵太原取陝西克慶陽慶陽未下也張良
臣再叛扇黨與爲聲援通源率師自臨洮疾趨至
涇州略其西路顧時略其北傳友德略其東南一
將軍兵合圍良臣竟援絕糧盡窘戰死西征王保
真其妻傳宋一

俞通淵

俞通淵以父兄故充參侍舍人從大將軍征秦隴
燕趙功陞督府僉事征哈喇哈至捕魚兒海獲酋
長人畜班師轉餉二十萬石江西又征都勻龍場

諸蠻峒克辰沅寶慶俘獲多上又念通淵父兄
功封越僉侯食祿二千五百石率師討建昌叛賊
築城越萬二十六年坐累罷侯以家人還鄉建文
元年召通淵爲豹衛指揮使戰歿白溝河子翊
先卒次靖是年嗣官明年卒次端又明年倭給錦
衣未幾卒遂無後通源子祖病瘵不能嗣孫宗曾
孫信信宣德十年乞嗣信子璵璵子仲仲弘治五
年乞嗣皆不許

吳良

吳良定遠人本名國興賜名良氣岸雄偉性質剛
直與弟禎俱以勇略稱元末良兄弟從取滁和采
石姑熟定建康克鎮江下常州歷陞鎮撫守丹陽
陞指揮使士誠據姑蘇跨有淮東浙西地大物衆
兵食富強江陰當其要衝枕大江姑蘇通州濟渡
喉襟之地士誠又多變詐數以金帛啗將士上
移良守江陰諭曰彼以其詐我以其誠汝慎守封
疆約束士卒毋外交母納逋逃毋逐小利毋與爭
鋒惟保境安民而已復命禎增兵協守敗敵侵兵
陞樞密判官寇逼常州良遣兵間道殲其援兵于
無錫自是敵舟師不敢汴大江上金焦召入見

上勞曰吳院判保障一方使吾無東顧憂賜車馬珠玉不足旌其能命館閣學士宋濂等贈良詩文良在鎮仁勇不妄刑殺儉素自持食不二味聲色貨利泊無所嗜夜宿城樓枕戈警備獎勵名節鼎新學宮崇尚士習絃誦相聞官無鬪訟屯田平徭禁賭諸好居十年封境帖然上屢將兵下江西湖廣而東潞竟無擾者皆良捍蔽之功也既克姑蘇移良蘇州衛武備益修軍民輯睦洪武三年封江陰侯食祿一千五百石與世券廣西右江叛良爲征南將軍討平其地移兵入銅鼓五開路騰浪

吳桂詩侯傳

卷一

三

三

三

諸溪洞蠻夷畏威懷德輸租奉法令八年上移江南民十四萬田鳳陽壯京畿令良與李太師周德興等督田事齊王封青州良營王府十五年卒于青州贈江國公諡襄烈子高署前軍都督僉事十七年同屢出山陝北平河南練兵從征二十八年有罪調廣西從征趙宗壽靖難兵起高守遼東與楊文數以遼東兵攻永平文皇曰高雖怯行事差密文無謀去言高文不足慮也遣人遺二人書盛譽高極詆文故且其函投二人所二人得書並聞建文君竟疑高誦爵徙廣西獨命文守遼東竟

敗文靖難後召高鎮守大同高上言禦虜方略示樂十二年被劾鵠氓江陰十七年奪券洪熙元年上見高名曰高往年多行無禮請成海南高即死徙其家會赦得釋宣德十年子昇乞嗣不許

吳復

吳復字伯起合肥人甲午率衆歸濠鎮前驅從克泗滁采石太平歷陞萬戶定建康授總兵攻鎮江斬元定定平章守常州吳兵奄至死戰躍馬持矛追奔數里援宜興戰高橋仍守常州從征陳理圍廬州先登下漢沔授鎮武衛指揮同知守沔陽克

吳桂詩侯傳

卷一

三

三

三

汝州黃口陞安陸指揮使調征限西土番克河州從穎川侯平蜀從衛國公平九溪蠻進督府僉事從西平侯再征土番洪武十二年封安陸侯世指揮使從穎川侯征雲南克普定克總兵官勦殺蠻寇比取廣西轉餉盤江卒追封黔國公諡威毅與世侯券食祿二千五百石復衛冒矢石體無完膚平居恂恂至臨陣奮發無堅不潰在普定買妾楊氏年十七復殮慟哭已沐浴更求自經死封貞烈淑人十八年子傑以指揮嗣屢出山陝河南北平練兵從征二十八年有罪與吳高皆徙楊文征龍

州建功自續建文中率師拔真定戰白溝河失律
謫南寧衛指揮使永樂元年子璟乞嗣正統間再
三乞皆不許弘治六年璟孫金拔詔乞嗣亦不許

康茂才

康茂才新入元末結義兵保鄉里立功至都元帥
上渡江時茂才力戰立寨天寧湖諸將以襄陽砲
破茂才寨茂才奔至京口不能脫率兵三千來降
頗首軍門曰前日之戰勦力爲主屢敗不振天數
非人力今願歸死效尺寸 上喜得茂才立拜泰
淮翼水軍元帥守龍灣敗馬駝沙克樞陽改營田

吳廷貴傳

卷二

三

清江

使上曰比兵亂失耕乏食特設此官命汝興水
利高下旱澇時其蓄戕屯田大獲仍兼帳前總制
親兵左副指揮使友諒既破姑熟將窺建康 上
密諭茂才曰有事任汝能辦乎應曰惟命曰友諒
且入寇吾欲速其來分其力給以虛實非汝莫可
使者汝與友諒舊可僞降約爲內應者友諒來吾
事濟矣對曰家有老閭舊事友諒今持書往必信
茂才爲書言上不足與有爲兵弱地蹙四面勦敵
僕委身圖併欲奮翼冀大將軍分道逼進便
當納款建康可唾手得也友諒得書大喜問康公

安在曰守江東橋問橋何爲曰木橋道閼者歸書
答茂才余某日至橋所呼老康公卽我應內外奮
擊功成官賞不爾各茂才以書上 上曰虜且墮
轂中矣卽命善長日夜易檣鑼石友諒至見鐵石
橋愕然又連呼老康不應遣視營中騎馬散旗四
散落落益大驚曰老賊給我語未畢伏兵四起友
諒狼狽走得脫擒殺將士數萬茂才從破斬黃戰
鄱陽湖圍武昌有功陞副都護收湖南敗吳巫子
門戰尹山橋逼蘇州軍其北門吳平進督府同知
兼太子左率府使又從征下齊魯關隴鎮河中節
制太原諸城再征漢中卒追封蕪國公謚武襄子
鐸洪武三年以茂才功封蕪春侯食祿千五百石
與世券曰鐸嫡子也嫡終無後及庶長時鐸年十
歲入侍 皇太子讀書大本堂金鑄蕪國武襄公
五字牌賜鐸及其庶兄鑑鐸長督民墾田鳳陽征
辰州療平松疊諸州有功巡並海諸城從徐將軍
征胡傳將軍征雲南皆有功卒於軍追封如父謚
忠愍子淵澄皆幼淵澄優給充散騎舍人已而華冠
服勒居山西卒子勝永樂二十二年宣德二年再
乞嗣爵勝子永弘治七年援詔請嗣皆不許

吳廷貴傳

卷二

三

清江

耿炳文

耿炳文濠人父君用取滁和積功爲管軍總管克
朱石取金陵丙申與士誠戰實勇先登死炳文代
領其軍明年取廣德長興擒士誠守將降其兵會
立元帥府長與以炳文爲總兵都元帥其敗士
誠將李伯昇追斬五千餘將詣使是元年破
蘇州陞大都督府僉事洪武初授鎮江府都督
右府副使二年鎮守陝西三年授秦州守備

兼陝西行省右丞封長興侯食祿千五百石與世
券十四年破虜北黃河復還陝西二十四年賜鐵
券

吳廷賢傳

卷一

三

三

鈔造第鳳陽耳先塋贈君用爲侯二十五年兩當
妖人作亂總兵討平之三十年克征西將軍勦平
蜀盜三十一年鎮守遼東建文元年靖難兵起炳
文爲征虜大將軍率衆二十萬北進至真定都督
徐凱兵十萬駐河間都督潘忠楊松營莫州先鋒
至雄縣文皇出炳文不虞破其城忠松引衆來
援伏兵起忠等皆被執因得炳文虛實遂長驅至
真定張玉朱能譚淵來戰炳文大敗奔還滹沱河
東炳文衆尚數萬復戰衆潰皆降副將駙馬李堅
都督竇忠顧成指揮劉遂俱被執炳文固守真定

靖難兵攻城二日不能下而去炳文老將善戰至
是敗建文君始有憂色召還遣李景隆代炳文竟
至亡永樂二年刑部尚書鄭賜左都御史陳瑛劾
炳文衣服器皿皆飾龍鳳王帶帶丹鞋上曰炳
文先朝老臣亦爲此其速改法懲初瑛以長興侯
田舍賜還守郭鑑云子蒼騎馬都尉職後軍都督
僉事瑛取騎舍人擢尚寶卿皆獲罪死

唐勝宗

唐勝宗濠人壬辰勝宗年十八挺身來歸從攻
宣發池高郵安慶九江南昌敗友諒禁江口平濠

吳廷賢傳

卷一

三

三

澄辰荆諸郡皆有功成賴川從拔延安初勝宗自
中夾帥職歷龍驤驃騎安豐三衛指揮十餘年多
著勲績洪武三年封延安侯食祿千五百石與世
券出守雁門擒胡酋還征處都溫山寇巡視陝西
屯田練兵移鎮遼東勅勝宗絕高麗曰舊歲今春
高麗之使水陸兩至此非臣禮暗行侮慢明彰繫
潰此夷自古侮中國構兵禍可與絕交漢四伐
絕滅其國族魏再伐屠其都晉再伐焚其宮室俘
其男女五萬隋再伐城困將亡受降而免唐四伐
斬首五萬獲牛馬八萬餘夷王臧等戮於市遼五

伐焚其宮室斬亂臣康寧拔十餘城金一伐元五
伐夷王竄就羅捕殺之脫羅以故竟爲元牧馬之
野爾出征遼左使至送來勿令其還以絕彼奸計
未幾高麗使復至勝宗察其奸奏上諭勝宗曰高
麗今若使至賄賂京官甚重內有一學云上等人
若干中等人若干觀此甚無禮受賂者少有知豈
不報哉今爾知誘而能奏田豫不待名千古矣
遼寧東界隔緣北鄰贍塞非多算不能守慎之勝
宗在鎮威聲惠懷兵民輯睦防奸禦侮邊境肅寧

二十六年辛

長杜諸侯傳

卷一

陸仲亨

陸仲亨潯人少負武略壬辰從征滁和姑熟平建
康攻京口下常宣江陰發越三衢常熟高郵皆有
功從上親征取南昌下合肥拔安豐穢友諒宣
力先登加帥職又從大將軍取贛州以驍騎衛指
揮使改贛州衛鎮戍節制南安雄韶諸府調兵克
梅州會昌湘鄉悉剽諸山寨自將取英德清遠晉
江下廣州遂爲美東衛指揮使江西行省平章政
事移鎮襄陽洪武三年封吉安侯食祿千五百石
與世券明年出守雁門十三年胡惟庸事註誤惟

庸誅法官請併罪仲亨上曰朕初起兵時仲亨

年十七喪父母兄弟避亂持一升麥藏草間朕見
之呼來從朕長育成就累功封侯此吾初起時股
肱心腹吾不忍罪其勿問十四年鎮成都烏蠻再
叛仲亨佐傅將軍討之有功二十三年坐法論死
子賢尚五皇女汝寧公主校駙馬都尉或曰仲亨
與唐勝宗先坐擅調發無功論罪甚繁久之待殺
後坐黨死上曰朕初先知仲亨反無見其若貴
位難雅和之色時默默有憂容異態今竟爲家奴
所發時同坐者侯十四人顧時胡均美勝宗仲亨

長杜諸侯傳

卷一

陳德貴聚華中王志原楊璟朱亮祖梅思祖陸聚
黃彬金朝興

周德興

周德興潯人甲午來歸從定滁和渡江克采石太
平攻溧水破水寨遂收建康京口毘陵宣城江陰
池陽有功歷陞左翼大元帥從取金華安慶高郵
援安豐征合肥歷陞衛指揮從討贛州安福永新
有功尋提兵拔安吉西安再陞行省湖廣叅政左
丞從征廣東西洪武二年封江夏侯食祿千五百
石與世券爲征西左副將軍入瞿塘討明昇蜀平

移江南民十四萬田鳳陽 上曰南安侯俞通源
關田弗勤役擬三月考并日工一夫闢止四分不
及半畝遣卿督責尋理軍務福建築海上諸城防
倭召還五溪蠻作亂德興請行時德興老 上未
許德興請益力 上壯而遣之賜手書至五溪蠻
悉散走四川水盡源通塔平散毛諸洞作亂德興
克征南將軍討平之師還賜印左爲子孫世祿德
興請決荊州岳山壩通水利得溉田萬餘官租四
千三百石俄往河南召集故元將校未幾思州五
開諸蠻亂克征虜將軍討之俘斬四萬二十五年
吳壯節侯傳 宋上

秋坐法論死收其公田

華雲龍

華雲龍定遠人善擊劍結羣少居韭山甲午來歸
從攻除和爲千夫長克采石下如熟縛將臺城檣
堅廣德鎮江陞總管戰舊館擒湯元帥漢人犯龍
江鼓勇先登復南昌戰彭蠡功進豹韜指揮使取
江陵還取淮東守高郵移掌淮安衛事從收浙西
平吳又從大將軍開中原爲都督府僉事鎮北平
兼行省叅政燕王左相築城建王邸洪武三年封
淮安侯食祿千五百石與世券再出雲州俘獲多

進至上都大石崖攻克劉學士諸寨擊敗驢兒國
公北奔去雲龍在鎮七年慎固防守威名大著坐
黨誅謫命何文輝代雲龍木至京卒以侯禮葬子
忠

顧時

顧時濠人甲午來歸從攻得滁和渡江克姑熟下
溧陽平宣州廣陵功以百夫長陞元帥取安慶南
昌廬泰州海安陞同知天策衛事守禦臨濠從伐
蘇湖先登征中原轉戰關隴皆有功洪武三年封
濟寧侯食祿千五百石與世券爲左副將軍圍成
都平蜀又從李將軍北征分道入沙漠迷失道糧
盡遇虜軍疲乏不能戰時獨引麾下數百人躍馬
大呼衝擊虜敗走遂掠其輜重糧馬還軍復大振
總諸衛軍鎮北平築堡障練士伍繕甲兵廣牧畜
逾年召還尋復出鎮北平十二年卒贈滕國公諡
襄靖子敬金吾前衛鎮撫十五年嗣侯爲左副將
軍討平龍泉山寇屢從征有功次英華步先是坐
黨 上特釋時以故子得嗣侯後竟除

陳德

陳德濠人世農家有勇力善騎射壬辰來歸從克

滁和支萬夫長取姑熟定建康下京口爲都先鋒
得寧國衛娶陞大元帥從攻吳漢陞指揮使天策
衛平吳爲僉事督府從平中原山東河洛燕晉戰
功多洪武三年封臨江侯食祿千五百石與世券
從傅將軍克成都又從馮將軍征沙漠遇虜別力
篤山力戰擒元岐王克甘肅亦集乃路爲總兵節
制諸軍仍出塞敗虜三岔山還屯陝西再出次刺
河三戰三捷緣兵北平禦胡越四年召還十一年
卒贈杞國公謚定襄十三年胡黨誣誤時德已卒
得有明年子鑄以散騎舍人嗣十六年爲征南將

吳桂芳傳

卷上

三

三百六十四

郭子興

郭子興一名興濠人壬辰定遠郭子興所謂滁陽
王者據滁城稱元帥興祿麾下時上在元帥甥
館專征伐興備宿衛從克滁和渡江拔采石取太
平定金陵先登授管軍總管克鎮江置五翼元帥
府陞統軍元帥圍常州晝夜不解衣甲生蟣蟲下
宜州江陰宜興婺州破南昌進克鄱陽彭蠡之戰

吳桂芳傳

卷上

三

三百六十四

海陵駢進賈勇先登征武昌灑血馳戰斬獲多陞
鷹揚衛指揮使拔廬州援安豐陷陣大敗姑蘇兵
平襄陽衝澧還蹂高郵陪淮安刻吳興往往裏創
力戰平姑蘇陞僉事督府叅佐大將軍取中原守
潼關潼關三秦門戶李思齊張思道日覬覦興厲
兵積貯隘塞慎固屢敗其兵不敢東向移戍鞏昌
爲秦王府武傳兼陝西行府僉事洪武三年封鞏
昌侯食祿千五百石與世券賜地佃墳戶伐蜀克
成都練兵臨清巡北邊召還十六年卒贈陝國公
謚宣武子四景儀振宗官僧第英自有傳女弟入
宮進位寧妃興有弟德成事上爲駢騎舍人性
明奏見幾避禍以酒自放上一日召授某府都
督懇辭不受上變色曰朕念爾親且舊兄弟肯
登列侯而爾獨未顯故畀爾職何辭爲德成免冠
泣拜曰臣性狂愚嬾慢耽酒嗜臥不識事情緩急
儻位高祿重必任職司事苟不理上殺我也人
情不過多得錢飲美酒隨意自適足了一生願卒
賜上大喜曰善人舉能若此吾刑可措矣立書
勅賜黃封百罌金絲稱是寵待益厚德成嘗侍宴
後苑醉匍匐免冠謝髮禿落且盡上笑曰醉風

漢毛髮如此非過酒耶德成仰首曰臣猶厭其多
欲盡剝始快意 上嘿然既醒大懼誤觸忌諱遂
盡剝髮披僧衣狂呼唱佛不已 上笑謂寧妃曰
前謂汝兄戲言乃實爲之非風而何德成嘗見其
兄弟征鎮四方逾年不得歸輒笑其以虛名受辛
苦曾如我飲中樂耶已而黨事起死者相屬德成
益任蕩不檢以壽終

王志

王志濠人有謀略壬辰起鄉兵取濠又明年來歸
謁 上滁陽從克和州采石姑熟溧陽金陵鎮江

吳桂芳傳 卷上

三

三

常州屢勝柵先登身犯矢石陞右副元帥從平
常州寧國江陰征高郵擣九江下黃梅降南昌蹙
友諒彭蠡從征武昌與賊還克廬州援安豐
陞親軍指揮使守六安改六安指揮使北伐中原
從馮將軍渡河取懷慶澤潞留守平陽移漢中將
屯陝西深入塞罕腦兒絕塞却胡還軍平陽累陞
都督同知洪武三年封六安侯食祿九百石與世
券賜田佃墾戶從大將軍統中軍征朔漠又從傳
將軍平雲南繕城隍立屯堡凱還十九年卒贈許
國公益襄簡子四人威域璣琛威二十二年嗣侯

明年坐林來保事謫安南衛指揮使卒無子域嗣
改清平衛世官後坐志黨事 上以志死不問

鄭遇春

鄭遇春濠人與兄遇霖來附甲午從取滁鐵佛岡
三汊河大柳樹諸寨爲先鋒克滁州拔采石
太平獲寔營攻蕪湖進氣戰克之 上領其兵從征
取源水破方山營定金陵解圍平塘取宣州陞左
翼元帥從克揚州婺州再擊敗友諒兵下黃梅南
昌大敗禁江口殲友諒平武昌下淮安取安豐賴
六安陞六安衛指揮使留守征中原下汴洛陞
朔州衛指揮副使進都督僉事洪武三年封榮陽
侯食祿九百石與世券坐累奪爵逾年復侯從平
雲南經略城池屯堡凱還督金吾諸衛造舟海運
二十三年卒

費聚

費聚濠人壬辰謁 上壯其狀貌留幕下從略定
遠取驢牌得壯士三千人又降谿鼻山寨得八百
人取靈璧儀真溧水定金陵下廣德長興爲副元
帥副炳文守長興從 上戰鄱陽克武昌還攻廬
州援安豐爲指揮同知克高郵淮安還攻舊館平

吳陞指揮使討方國珍下溫台慶元由海道進取福州擒陳友定從征中原取山西守禦關陝改西安衛指揮使召爲督府僉事未幾出鎮平涼練兵洪武三年封平涼侯食祿千五百石與世券從傳將軍征雲南克普定置貴州都指揮司聚著司事討平雲南叛夷爲總兵征廣南俘斬萬計還鎮雲南召還鄉賜老二十六年卒子超征方國珍戰死次辦人材起家十八年試江西左叅政孫宏初克參侍舍人衛鎮撫從征雲南功陞世指揮使二十年坐奏對不實戍金齒又明年召還侍養聚坐胡

吳陞傳

卷二

三百

二五五

得釋

吳禎

吳禎初名國實賜名禎定遠人江陰侯良弟少卓犖有膽畧從上起兵里中克除和將郭子興與上並駐和陽濠舊帥孫德崖率衆就食于子興已而有違言令其衆去德崖殿留城中上護德崖衆行二舍許忽報子興德崖軍圍城中大譁上急呼禎還整兵且戰得不亂從克采石破水寨及方山營定金陵擣鎮江池州由帳前都先鋒爲總

管尋爲天興右翼副元帥助良守江陰僞吳與江陰接壤每寇至擊走授親軍指揮使平吳陞督府僉事撫蘇州爲征南副將軍從湯將軍征國珍降進取福州擒陳友定還次昌國勦海寇兼左率府副使吳王左相兼都督僉事大將軍征陝西禎與馮將軍駐慶陽爲援洪武二年封靖海侯食祿千五百石與世券大軍成定遼禎總舟師數萬由登州轉餉海道險遠禎善調度兵食充足召還未幾海上警聞復領沿海兵出捕至琉球大洋獲倭船獻俘自是時時往來海道總理軍務數年海上無

吳禎傳

卷二

三三

三六

冠詔出兵定遼疾卒贈海國公謚襄毅子忠嗣侯

趙庸

趙庸廬州人與兄仲中率舟師來附從渡江援采石太平定金陵克安慶陞仲中僉院守安慶友諒破安慶上怒欲誅仲中常遇春曰仲中渡江勦舊幸而救上不許竟殺仲中庸以兄故特授僉院從破安慶九江南昌陞叅知政事鄱陽之戰庸及通海永忠等以六舟深入陷敵力戰大敗漢兵死友諒賜庸金帛從平武昌克廬州安豐海安高

郵淮安從伐吳後蘇州陞中書左丞從大將軍取
山東兼太子副詹事兄東昌汴洛渡河取河北州
縣克元都西收晉秦諸郡走張良弼降李思齊還
楊永平過惠州至大寧也速遁破開平追奔至北
河俘元宗王三人元兵攻大同李將軍謀於庸出
雁門至馬邑擒脫剌伯進兵東勝未幾慶陽平出
野狐嶺進兵寧塞脫剌伯擒平章祝真又從李將軍
克應昌獲賈的里八刺至苦脫孫紅羅山朔庭遂
空洪武三年封南雄侯食祿千五百石與世券伐
蜀定漳州海陽程鄉東莞撫廣州種戶萬人爲
吳桂芳侯傳 卷上

華高

華高舍山人甲午入吳未歸克采石深陽
太平授總管破水寨方山營擒陳兆先從定金陵
鎮江陞泰淮翼元帥下丹陽金壇常州陞僉行樞
密院事擊敗趙普勝漢人犯龍江高與張德勝敗
之石灰山從征友諒克安慶擒九江援長興敗李
伯昇下南昌慶戰鄱陽殲友諒克武昌陞湖廣行
省左丞從取海安高郵還攻下舊館進圍蘇州平

吳陞湖廣行省平章政事鎮禦湖廣洪武三年封
廣德侯食祿六百石與世券券成會高使廣東視
海南城池券留內府明年卒於崖州 上命中書
省補支高祿三百石卽無干納券墓中贈巢國公
謚武莊從子岳授指揮僉事

朱亮祖

朱亮祖六合人元義兵元帥乙未 上克寧國擒
亮祖喜其勇悍賜金帛仍舊官復叛歸元數與我
戰敗我兵七千餘人徐將軍等圍亮祖寧國亮將
軍被創還 上自往督戰徐將軍奮攻縛亮祖見

吳桂芳侯傳 卷上

三

陳勢三

上詰之對曰生則盡力死則死爾 上壯其言輟
而釋之從軍立功歷陞元帥至院判從征友諒克
九江下南昌江西諸郡大戰鄱陽湖平武昌陞廣
信衛指揮使會胡深討陳友定攻桐廬餘杭至杭
州降潘原明陞浙江行省叅知政事副李將軍守
杭州馬步舟師討方國珍國珍拒戰敗奔黃岩亮
祖入城遂徇下仙居諸縣進兵温州國珍子明善
拒戰敗擊妻子遁去分兵徇瑞安還至黃岩方氏
父子來降遂建康爲庾征南副將軍取兩廣師還
太子率百官迎勞龍灣洪武三年封永嘉侯食祿

千五百石與世券諸將伐蜀久無功亮祖爲征虜右副將軍濟師比至蜀傳將軍已克階文永忠克重慶亮祖亦從克崇慶保寧蜀平還師與何文輝同鎮北平還巡淮陽移鎮廣東亮祖在鎮多不法番禺知縣道同聞上上念功臣下下吏罷職令居江寧又坐胡黨十三年卒上爲志墳以侯禮葬子遵從征有功爲府軍衛指揮使先亮祖卒

胡美

胡美汚人初名廷瑞仕友諒爲江西行省丞相守南昌遣宣使鄭仁傑詣九江降上至南昌廷瑞

迎謁改名美仍故官從克海安太郵淮泗書賴

三九

湖州進園蘇州執士誠爲征南將軍由江西取福建進中書平章兼同知詹事院事克建寧興化建陽福州延平統兵守福建上幸汴召還扈從洪武三年封豫章侯食祿千五百石與世券改封臨川侯董建潭王府長沙後坐黨事二十六年卒

韓政

韓政雅人元季爲義兵長上定江左來歸授淮行省平章政事李濟據濠爲僞吳守上長書招濟不報上曰濠吾鄉濟爲僞吳守是

有國無家可乎命政率指揮顧時等以雲梯砲石四門攻下潛穴城東龍尾壩二十餘丈壞城遂破安豐忻都竹昌左君弼皆出走追獲忻都昌君弼走汴竹貞來援又破貞克安豐至穎獲糧歸淮東西悉平從平浙西北伐中原分兵扼黃河斷山東援兵取益都濟寧濟南東平攻山東行省平章政事大將軍取元都檄政會東昌鎮撫臨清元都定又令政分兵守廣平蠶尖寨者在林慮西北二十里元右丞相庸等據寨剽劫旁近給軍食徐將領收諸山寨蠶尖寨恃險絕未下政進攻庸降調征陝西還兵守禦河北洪武三年封東平侯食祿千五百石與世券移鎮山東未幾復征河北招撫流移出居庸橋應昌取和林深入土刺進至阿魯渾河大獲而還出巡河南再巡陝西練兵臨清十一年卒贈鄆國公子英散騎舍人

黃彬

黃彬未詳何許人從徐壽輝守袁州友諒殺壽輝歸友諒上拔江州彬來降授江西行省參政從取新淦復南昌大戰鄱陽湖克武昌上書諭江

西守將鄧將軍曰熊天瑞龍鳳八年降今負初言
理宜聲討令彬從鄧將軍討贛州贛州平留鎮移
表州置表州衛洪武三年封宜春侯食祿九百石
與世券討捕上猶山寇駐臨清練兵後坐胡黨
上念其未嘗失朝廷禮宥之數年卒

曹良臣

曹良臣安豐人壬寅率所部來歸爲江淮行省參
政從征廬州大戰都陽湖征陳理進取海安太郵
淮濠泗攻湖州平姑蘇陞行省江淮左丞從取中
原克山東濟寧汴梁河南潼關旋師渡河克衛輝

其後諸侯傳

卷上

四一

三

廣柔會師臨清取德州張盧直沽至河西務自通
州進克元都遷古北諸隘口陞山西行省平章政
事下保定河間澤潞守通州從征陝西復守通州
王保保爲西北邊患從征大敗其衆出哨沙漠洪
武三年封宣寧侯食祿九百石與世券征蜀克歸
州至瞿塘關會重慶降明昇蜀平四年從李將軍
征迤北領東道兵出和林深入至阿魯渾河及其
裨將周鎮常榮張耀戰殲贈安國公諡忠壯子太
嗣侯

梅思祖

梅思祖夏邑人元末父爲王保保所醢歸張士誠
爲中書省右丞守淮安大將軍下高郵思祖封府
庫籍甲兵求歸士誠赦其兄弟數人上憐之授
大都督府副使制曰辭項從劉知同幽通舍竊去
述議捉伏波從取浙西克舊館園諸州將士誠陞
浙江行省右丞從征中原克山東取汴河下潼關
旋師徇河北守彰德檄赴北平征山西入秦汴取
興元洪武二年封汝南侯食祿九百石與世券從
伐蜀征耳肅練士馬北平巡視山東陝西遼東城
池四川永盡源通塔平散毛諸洞叛爲征南副將

其後諸侯傳

卷上

四二

三

陸聚

陸聚不知何許人元樞密同知守徐州來歸爲江
淮行省參政仍守徐州元擴廓帖木兒遣兵侵徐
駐陵子村聚令指揮傅友德率兵二千禦戰敗去
益兵復來戰擒其將從取中原克山東歸德汴梁

還鎮陝山東行省叅政從克德州長蘆定元都略大同保定中山真定攻鳳山成山鐵山三寨復取故關山寨守井陘征陝西仍鎮徐州討平沂邳叛人洪武三年封河南侯食祿九百石與世券移鎮山東承嗣理軍務福建召還坐胡黨上念其爲奸臣所誘宥之尋卒

葉昇

葉昇合肥人歸上和陽從渡江拔采石定金陵京口授管軍總管復太平陞右翼元帥從征友諒破安慶擣九江下南昌大戰鄱陽克武昌陞指揮

葉昇傳

卷一

四一

三

僉事拔廬江襄陽淮東克湖州進平吳陞府軍衛指揮使從取明州還征中原陞督府僉事充將征蜀入重慶陞都指揮使鎮守西安復陞督府僉事西番叛昇與都督王弼等往征降乞失迎夷其部落復討平延安伯顏帖木兒擒洮州番酋洪武十二年封靖寧侯食祿二千石世清揮使鎮守遼東諭昇絕高麗修海蓋復三城召征雲南平班師二十五年坐胡黨論死

張溫

張溫不知何許人從取太平定臺城京口歷陞千

戶廳戰鄱陽湖收武昌陞統軍元帥略湖南征淮東克舊館下湖州平吳從征中原克陝西下蘭州留守元將王保保襲蘭州圍溫鞏昌守將指揮于光來援至馬蘭灘卒遇保保兵戰敗被執至蘭州城下使呼張將軍出降光大呼曰公等堅守徐將軍將大兵行至矣城中聞光言守益固相持數月引去陞督府僉事爲叅將伐蜀克階文成都崇慶討平西番羌戎降朵苴酋萬戶乞失迎洪武十三年封會寧侯食祿二千石世指揮使理河南軍務督周邸從征雲南出塞皆有功後坐黨論死

張溫傳

卷一

四一

三

王弼定遠人膽略過人號雙刀王初結鄉里依三臺山樹柵相保丙申平部下來歸備宿衛克池州石埭婺源授元帥下蘭谿金華諸暨紹興援池州復太平攻武昌大戰鄱陽截擊禁江口平武昌還收廬江援安豐破襄陽安陞還取淮東克舊館湖州陞指揮使圍蘇州軍盤門士誠被圍久突出轉戰盤門欲奔常將軍分兵北濠截其後遣兵與戰戰良久未決常將軍拊弼背曰軍中皆稱爾猛將能爲我取此乎弼卽馳鐵騎揮雙刀奮擊却敵常

將軍乘之吳兵大敗人馬溺死沙盆澤甚衆士誠
馬驚墮水幾不救肩輿奔入城吳平從征中原下
山東河南北遂克元都保定中山進兵太原自河
中渡取陝西兵至察罕惱兒及紅羅斷頭山進食
督府事討西番獲馬牛羊駝二十二萬班師洪武
十二年封定遠侯食祿二千石世指揮使從征雲
南功與世侯券加祿五百石爲副將軍征大寧東
出遼東征納哈出二十二年詔功臣還鄉二十七
年卒

曹震

曹震漢人立功開國時洪武十二年以征西功封
景川侯食祿二千石世指揮使十三年與管陽永
城二侯屯田北平從傳將軍征雲南取臨安諸路
十八年請討施南朵耳上曰以利而動非兵之
善慎宜鎮靜遣置四川傳道召還鄉耒及行又命
覈征士四川代監玉還京上便宜五事報可二十
四年往四川鑿石通河爲灘百九十三爲橋五十
四永寧至大理建昌至西番皆爲驛鋪詢議任勞
雨雪不避坐藍黨論死

曹興

曹興一名興才未詳何許人從取姑熟定建康克
南徐收武昌陞指揮僉事平吳陞指揮使從征中
原定元都陞河南行省參政討西番洮羌征朵耳
凱還洪武十二年封懷遠侯食祿二千石世指揮
使理軍務山西已而北征有功洪武中卒

周武

周武不知何許人從取江南滅漢攻淮東平吳積
戰功歷陞指揮僉事從征中原歷陞都督僉事西
番叛爲參將與藍玉張龍張溫王弼等從沐將軍
討平之取朵耳獲人畜十餘萬洪武十二年封雄
鎮侯食祿二千五百石世指揮使理軍務河南巡
北邊訓練士卒召還京復出巡河南洪武中卒

金朝興

金朝興巢人初結里中少年立若會俞氏父子廖
氏兄弟以舟師來歸卽率衆從上渡江克采石
定建業下京口廣德宣城常州授都先鋒取江陰
湖州復宜興陞左翼元帥上自將取婺州朝興
爲奇兵征紹興拔諸暨復太平克九江下黃梅臨
江苦安坎戰康郎山截擊蔡江口漢平陞龍巖衛
指揮同知取襄陽調鎮武衛收淮東濠泗睢宿從

攻舊館下湖州平吳陞振武衛指揮使又從征中原徇河北擣長蘆直沽河西務通州定元都遂下保定中山征山西略大同衛征宣府取東勝陞督府僉事世指揮使兼秦王傳尋命專爲王傳解都督伐夏破成都征迤北領東道兵取和林至土刺河征西番俘殺數萬獲馬二萬牛羊駝二十萬得納降七站洪武十二年封宣德侯食祿二千石世指揮使從征雲南建昌至會川卒贈沂國公謚武毅十七年以雲南功授世券食祿二千五百石子鎮嗣二十三年坐黨降平壩衛指揮累功陞都指揮

薛顯

薛顯蕭人元泗州守將也來降立功陞指揮守南昌禦陳友諒陞江西行省參政從征淮東又從常將軍轉戰德清僞五太子及朱暹呂珍以舊館降五太子者士誠養子短小精悍平地躍起高丈餘又善沒水刼營沉船暹珍皆驍將能戰士誠失此三人大窘顯縛珍徇湖州守將李伯昇降陞左承行省大將軍北征上曰薛顯勇冠三軍足當一

面偏師征山東河南北有攻克北平俘獲數萬征山西進攻陝西敗王保保我兵攻慶陽保保爲張良臣聲援數出撓我顯駐靈州還保保破慶陽誅良臣又追破賀宗哲六盤山洪武三年封永城侯食祿千五百石以專殺千戶吳富奪其俘獲及殺馬軍詣海南分顯祿爲三二贍千戶馬軍家一與顯母妻守已而念顯力戰有功召還與世券督兵屯田北平練兵巡北邊征降納哈出還次山海關卒贈永國公謚桓襄無千弟綱幼妻張納券顯後坐黨事以死不論弘治六年珍自稱顯曾孫乞嗣

胡海

胡海字海洋定遠人來歸授百戶從敗賈魯兵克泗滁爲萬戶從渡江定采石太平拔蠻子海牙水寨鎮江敗謝聖選克先鋒攻宜興屢戰紹興擒賊陞都先鋒攻廬江數傷矢刃戰益力一上壯其勇授花鎗上千戶從克荆澧衡潭擢寶慶指揮僉事陞使鎮益陽從楊璟征湖南廣西抵廣西爲左副總兵勦左江上思蠻從克雲南俘斬多調征蜀克湟湯關殺其守將洪武十九年以平雲南功封東

川侯食祿二千五百石與世券卒子斌立功陞都督同知征雲南戰歿無子次子觀尚南康公主爲駙馬都尉未嗣卒宣德十年公主乞子忠嗣授孝陵衛指揮僉事陞都指揮同知正統元年公主乞忠嗣斌都指揮同知

張翼

張翼臨淮人父聚來歸立功授前翼元帥從平江南淮東累遷指揮同知致仕翼隨父軍中勇而善戰嗣父職從北伐及征陝西擒戮諸叛賊陞都司僉事再陞督府僉事從征雲南克普定曲靖取鶴慶洪武十九年封鶴慶侯食祿二千五百石與世券生監黨論死

仇成

仇成含山人乙未從渡江克采石太平定金陵下鎮江爲領軍先鋒收毘陵寧國池安權統軍大元帥從取安慶破江州援安豐大戰鄱陽湖陞指揮僉事平吳陞指揮使守安慶陞督府僉事洪武十二年封安慶侯食祿二千石世指揮使克征南副將軍征容美諸洞還至常德從征雲南克普定普安曲靖與世侯參加祿五百石二十一年卒贈晚

國謚莊襄又明年子太嗣太子宗宗子銘銘子璋不得嗣

楊璟

楊璟合肥人本儒家子少沉毅讀書不喜章句好武略來歸授管軍萬戶溧水句容金陵功陞管軍總管鎮江江陰功陞親軍副都指揮使茲詔暨功陞樞密判官從征友諒克九江黃梅廣濟立湖廣行省璟爲參政移鎮江陵討斬叛寇進攻湖南平蠻駐師三江口招討功陞平章政事克征南將軍取廣西降土官黃英衍岑伯顏還京爲偏將軍征

楊璟傳

卷一

四

三

山西平唐鄧南陽留鎮未幾招諭明昇昇不從璟還復書與昇曰昔據蜀者最盛莫如昭烈孔明佐之訓練士卒財用不足取之南中然猶朝不謀夕僅能自保足下疆場南不過橋州北不及漢中而欲以一隅之地綿頃刻之命可謂智乎若謂險阻可恃蠶叢魚鳧之鄉不至足下矣鄧陽一戰友諒授首旋師東討張氏而縛此非人力實天命也友諒子竄歸江夏王師致伐勢窮出降主上宥罪封侯恩榮之盛天下所知足下憐然覺悟自求多福豈不賢智哉今爲足下謀者他日或以郡獻或

以城降各自為身計取富貴當此時老母弱子將安歸乎即足下年幼未諳時勢語及老母獨不痛心乎禍福利害瞭然可觀逆順之途在足下審之而已昇不能從湖廣慈利土酋覃廬誘蠻為亂環討之賊遁溪洞還兵洪武三年封營陽侯食祿千五百石與世券從伐蜀次夔州進平賊寇戰不利赤甲白鹽之師亦退還歸州蜀師平上以璚無功不賞沅辰蠻亂為副將軍討平之師佐大將軍鎮北平召還又赴北平練兵募領遊兵訓練士卒十五年卒贈芮國公諡武信子通十七年蜀侯十九年與靖寧侯葉昇捕象廣西左江十萬山二十年領韃靼官軍往戍雲南多道亡降普定衛指揮使次達散騎舍人

汪興祖

汪興祖巢人初為張德勝養子德勝戰歿子宣幼與祖嗣職從張姓征友諒與俞通海趙德勝擣水寨抵江州克其城進拔蘄州從取南昌士誠圍劉福通安豐興祖從上援敗其眾還攻廬州鄱陽之戰興祖等六舟深入搏戰又邀擊禁江口敗死友諒擢湖廣行省參政陞督府副使克淮東下湖

手

國朝

卷五

李新

卷五

五

五

五

五

五

五

五

五

五

五

五

五

五

五

五

五

五

五

李新

李新濠人癸巳來歸從克滁和渡江拔采石取姑熟鎮江江陰發諸營彭蠡大戰平武昌取江陵累功陞正千戶下湖州圍平江平吳陞指揮僉事守茶陵為督府僉事營孝陵有功洪武十五年封崇山侯食祿千五百石二十八年坐事死

謝成

謝成濠人從克滁和渡江拔采石太平金陵功授總管南徐功陞管軍千戶屢戰彭蠡平武昌進東

轉攻湖州克姑蘇陞指揮僉事從征中原平元都收趙燕魏諸郡遂取山西破陝西平涼莊浪陞指揮使爲晉王府相征朵耳其降萬戶乞失迎討平洮番十八族洪武十二年封永平侯食祿二千石世指揮使巡北邊訓練士卒召還二十七年坐累卒田宅並賜汪嬰

張龍

張龍溪人從渡江立功陞都督先鋒改花鎗千戶吳元年陞威武衛指揮僉事領偏師立功陞都督征西番斬獲招附功多洪武十二年封鳳翔侯食祿二千五百石與世券子麟尚福清公主爲駙馬都尉龍卒麟歸葬父還京卒孫傑侍母公主京師永樂中卒以失侯傑子綱宣德十年授詔恩乞嗣侯吏部言龍侯不嗣者四十年不許

陳桓

陳桓溪人略定遠克滁和渡江取采石太平克副先鋒收寧國戰彭蠡定荆湖淮揚下湖州平吳討方國珍陞指揮副使平中原陞督府僉事征雲南桓與胡海郭英率兵五萬由永寧趨烏撒克曲靖城烏撒得七星關通畢節進克大理洪武十九年

封普定侯食祿二千五百石與世券與靖寧侯征東川龍海俘獲還二十年又與靖寧侯總制雲南諸軍立管屯田後坐黨論死

張赫

張赫溪人歸附授千戶從克定遠泗滁和州援采石太平陞總管收集慶鎮江常州進常春翼元帥守常州大戰鄱陽湖禁江口征武昌降寧國下湖州平吳討方國珍克慶元溫台降國珍國福州衛都指揮副使捕倭功陞同知署都司事坐捕倭功奪俸統哨出海入牛山洋遇倭追至琉球大洋擒獲酋調興化衛還係召陞督府僉事時遼東艱食命赫督海運庚申辛酉歲一行捕東椒山寇仍督遼運癸亥甲子乙丑丁卯歲一行二十年封航海侯食祿二千石與世券復三督海運二十三年卒贈恩國公謚莊簡子榮累功至指揮使未嗣侯孫繼指揮使陞福建都指揮使巡海捕倭擒賊楊總從成國公征廣西留鎮交趾曾孫寧

朱壽

朱壽未詳何許人從征爲萬戶渡江取江左郡邑陞總管收常登克武昌平蘇湖轉戰南北積功歷

陞督府僉事與張赫轉餉有功二十年封舳艫侯食祿二千石與世券後坐黨論死

張鈐

張鈐定遠人從取太平定建康南徐毗陵婺州討偽漢壽江州賊鄱陽湖收鄂清攻淮東平吳累戰功歷陞指揮僉事從取中原下濟南汴洛莒晉三秦四川累陞都督僉事兼建齊郎青州征五溪討平水盡源逼塔平散毛諸洞從征雲南有功洪武二十三年封永定侯食祿千五百石與世券子嗣指揮使

孫椿父與祖格以父功嗣指揮使曾在土左謹敏小心未嘗有過歷戰功陞都督僉事洪武二十五年爲右參將從藍玉征胡至捕魚兒海先登陷陣野戰有功二十二年封金寧侯食祿三千石

張瑄

漢陽人英廬人少勇敢開國累功爲西安指揮陞都督僉事洪武二十年爲將軍征納哈出既受降餘衆驚潰亂匪盡驅其降衆入山海關諸降人太戢餘衆設伏於途邀襲大軍英爲殿虜伏發衆寡

不敵英復馬踣被執英絕食不言乘間自剖腹而死二十一年贈金山侯諡忠襄明年贈樂浪公時與生數月王念英忠卽極祿封瑄西涼侯食祿二千五百石瑄年幼趨朝踴躍傷命鑄玉字牌懸瑄冠俾人還避嘗從大將軍征討有功又出練兵臨清二十六年坐黨戍五開生子真女適寧河王子鑄永樂元年鑄爲瑄子陳情赦真賜鑄爲子

胡顯

胡顯臨淮人父泉立功開國時歷官定遼都指揮同知昭教皇妃泉妹也妃生楚王封武昌改顯武昌泉老矣致仕顯嗣官從王征銅鼓諸蠻功陞督府僉事侍王二十一年從帝定侯靖寧侯征東川龍海諸蠻得城邑馬畜珍寶獻上明年封梁國公食祿若干石與世券出入朝禁者十年建文三年坐交通楚王革爵父子並徙臨襄山安置泉竟死山中永樂元年楚王言母兄弟胡泉泉子顯無罪廢屏臨襄泉死矣乞赦顯召顯授皇陵衛指揮僉事改鳳陽陞同知楚王又言顯母在武昌乞還顯養母顯還武昌卒至曾孫深調都勻衛僉事

何真

何真東莞人少英偉好書劍元末歷河源縣務副使嶺海發勳業官歸鄉里率衆保障遂併有循惠三州元授江西分省左丞洪武元年原將軍率舟師取廣東至福州遣人書諭真師至潮真遣都事劉克佐詣軍門上印章籍郡縣戶口兵糧奉表降廖將軍遂使表詣京師賜詔褒真實李義讓驛召來庭真遂乘傳入朝授江西行省參政轉山東陞山東右布政使十六年致仕又命收集廣東兵民十八年遷浙江右布政使明年來朝陞湖廣左又

陳理

陳理父友諒死兄善兒被擒理稱漢皇帝上至武昌出降封歸德侯又封友諒父普才爲承恩侯兄友富歸仁伯友直懷恩伯弟友仁贈南康王理居京師鬱不樂出怨言上曰此童孺小過不足問恐爲小人壘惑不得全朕恩宜處之遠方洪武

五年徙高麗遣元樞密使延安答理護行賜高麗王羅綺令善觀理時蜀明玉珍子昇降封歸義侯與理同徙高麗普才徙滁

買的里八剌

買的里八剌元順帝孫也洪武三年征虜左副將軍文忠克應昌元太子愛猷識理達剌遁去獲買的里八剌送至京上免獻俘封爲崇禮侯奉元祀五年上貽元主書又與元臣劉重德朱彥德書令遣使迎買的里八剌七年遣北歸

納哈出

納哈出者元木華黎裔孫也爲萬戶土初後納哈出待之如子居常不樂上令降萬戶黃驍察其去就納哈出求歸上欲從之徐將軍從旁力阻上曰人臣各念其主况有父母妻子之恩竟資遣去納哈出既歸出沒遼東塞下殺掠吏民洪武十九年馮將軍率兵三十萬擣金山降納哈出及其部落二十餘萬明年至京師封海西侯食祿二千石賜其官屬衣冠有差仍授指揮千百戶食祿不任事分其衆隸雲南兩廣福建諸都可從征稍有功二十一年隨傅將軍征雲南至武昌卒納

吟出嗜飲燒酒盛夏水浴因得疾 上每戒其過
飲不聽竟以是死賜葬南京是年改封其子察罕
濟陽侯坐黨死

盛庸

盛庸不知何許人亦未詳其始自起建文時充
將隨狀炳文軍失利又隨李景隆戰燕齊間互有
勝負已而與鐵鉉守濟南靖難兵圍甚密庸夜出
劫戰晝憑城禦防盡毀靖難兵諸攻且捷聞陞鉉
兵部尚書封庸歷城侯食祿千石充平燕將軍總
兵官代景隆北進與靖難兵大戰東昌天河殺張
瑄諸將皆死

李堅

李堅武涉人父英開國有功為驍騎右衛指揮食
事力戰死烏撒贈指揮使堅尚太祖第七女大

名公主為駙馬都尉嘗與駙馬歐陽倫梅殷陸賢
賑北平建文君即位進公主大長公主堅素負才
勇充左副將軍佐耿炳文北進遇靖難兵炳文謹
備西北靖難兵突擊出不意破東南炳文敗立福
又攻子城堅出接戰互有勝負封灤城侯食祿若
千石與券已而兵敗淳沱河薛祿引槊中堅墮馬
祿揮刀斫堅堅大呼我李駙馬勿殺祿擒堅見
成祖謂爾至親今至此奈何祿遂北平道卒子莊
以公主故特有當嗣侯公主懼禍繳詰券莊流寓
南京詩酒終其身公主至宣德初卒或曰堅子莊

子堅世南京衛指揮使
皇明吳姓諸侯傳上卷終
予履事校

孫心材書

皇明異姓諸侯傳下卷目錄

譚淵 顧成 陳懋 徐忠

張信 郭亮 王通 李彬

陳珪 徐祥 李濟 孫岩

趙彝 張興 陳志 徐增壽

柳升 朱榮 高士文 梁銘

吳允誠 吳成 費勳 蔣貴

方瑛 毛勝 楊信 朱謙

孫鐘 綽穎 陳友 曹義

趙聚 焦禮 劉聚 毛忠

趙輔 仇鉞 丘福 李遠

王忠 王聰 何福 郭義

王友 陳賢 房勝 陳旭

劉才 房寬 張武 徐理

孟善 唐雲 茹瑞 王佐

王寧 袁容 李讓 火真

金忠 金玉 薛斌 薛貴

李賢 吳管者 勝定 金順

李英 蔣信 羅秉忠 和勇

李玉 蔣廷珪 趙安 任禮

沈清 譚廣 陳懷 馬亮

楊能 石亨 楊善 張輓弟輓

董興 李文 趙勝 李震

神英

恩澤侯目錄

張昶 張昇 孫忠 吳安

錢承宗 周壽 王源 張巒

邵喜 蔣輪 夏需 陳萬言

方銳 崔元 陶仲文

目錄

皇明異姓諸侯傳卷下

吾學編第十九

海鹽縣志

譚淵

譚淵清流人父勝開國功爲燕山副千戶淵嗣官從靖難奪九門永平大寧真定薊城滄州功陞都指揮同知建文三年三月來河戰歿于忠嗣官從靖難有功建文四年贈淵崇安侯謚壯節立祠香山陽京尹春秋少牢祭忠以淵故得封新寧伯食祿千石與世券宣德二年征交趾失律下獄赦出八年卒子璟乞嗣伯吏部言忠失律論死子不得

異姓諸侯傳

卷下

三十七

顧成

顧成字景昭其先湘潭人成往來江淮間遂居江都容貌魁梧壯勇質直有膽略習武事自文其身誇異人或謂成黠徒者非也丙申來歸充帳前親兵常擊蓋侍上出入忠謹無過初授百戶從征陞金吾副千戶宿衛陞指揮僉事從平蜀破貴

州蠻克普定功陞指揮使普定衛進都指揮同知

已而征雲南成扼普定斷後進督府僉事克征南

將軍鎮貴州征五開六洞破一百三十七寨斬首

三千建文初令錦衣指揮談全諭成班師二年進

同知三年進右都督是年閏三月從盛庸至真定

戰敗被執成祖解成縛曰吾且用之遣至北平

侍仁宗居守有功建文四年以左都督封鎮遠

侯食祿一千五百石與世券又出鎮貴州申嚴號

令威信並行討撫諸蠻擣臺羅寨斬叛酋普亮滅

其家羣蠻震懾卒年八十五贈夏國公謚武毅

異姓諸侯傳

卷下

三十八

中皆祠祀成八子長統爲普定指揮使先卒孫興

祖永樂十二年嗣侯贈父統侯爲總兵宣德中坐

交趾事徵下獄正統十四年從征失律降都督同

知景帝初守備紫荆關詔與伯爵英宗復辟

詔復侯出鎮貴州有戰功加祿三百石守南京宣

德中鎮廣西生貪財好色失地喪師逮下獄既而

釋之子翰先卒翰子淳天順八年嗣侯卒無子淳

從弟溥者成諸元孫也成化九年嗣侯溥初學國

學解文墨嘗總兵團營爲平蠻將軍鎮湖廣貴

苗僞王通滇蜀道還流移五千家復爛二長官司

設都勾府增祿二百石溥清慎囊無餘貲英國公張懋爲率布帛供欽事謚襄恪子仕隆弘治十七年嗣侯仕隆好文諳武爲京營總兵寬弘簡質得士心充漕運總兵鎮守淮安廉幹不苛擾卒贈太傅謚榮靖子震嘉靖七年嗣侯出爲漕運總兵二十三年言官劾罷伏羌伯毛漢代震旨下數日又勅罷漢用都督劉璽璽致仕居南京萬表代璽璽端靖廉明溫榮孝友時論歸之言官竟被考察去震復爲漕運總兵鎮守淮安尋總督京營戎政

陳懋

吳姓舊傳

卷下

三

黃洪

陳懋壽州人父亨居和州開國功陞大寧都指揮使征虜功陞都督僉事建文初爲大寧行軍都督從靖難戰壩上先登建文二年十月戰鐸山爲平安所殺贈涇國公謚襄敏懋結髮從父兵爲前行廣昌濟南單橋西水寨東平力戰有功累官都督尋以父功封寧陽伯食祿千石與世券出鎮寧夏永樂七年捕虜赤保連卽軍中進侯立號加祿三百石三從上北征女入宮冊麗妃特與歸寧二十一年總陝西三鎮兵征胡直濤賀蘭山盡收也先土千部落及馬駝數萬明年又從北征還後殿

仁宗加太保與世侯券宣宗初從討漢庶人宣德二年復鎮寧夏明年徙靈州城六年還朝十年移鎮西正統元年勅罷削祿五年奉朝請十三年充總兵討鄧茂七有功班師領宗人府景泰中加太子太師天順元年加祿二百石七年卒贈瀋國公謚武靖懋偉貌修髯洪聲禮敬文士長子晟勲衛坐罪謫戍是弟嗣侯成化二年卒無子弟瑛嗣侯晟子也宜嗣章瑛祿十五年晟子瑄生二年矣晨言臣罪廢臣男宜優給瑛本借臣宜還臣男內批候輔壯二十二年輔嗣侯與瑛勲衛弘治元年輔坐殺人會赦章壽編氓八年瑛子思之子繼祖繼祖懋曾孫也年七歲與米月十石正德元年嗣侯

徐忠

吳姓舊傳

卷下

四

黃洪

徐忠字仲達合肥人父用開國功陞副千戶忠嗣官征虜功陞濟陽衛指揮僉事鎮開平靖難時歸附立功燕趙齊楚間白溝之戰敵揮刃斷忠兩指未殊忠自斷指樹地裂帛帛裹創發憤進戰大捷歷陞都指揮僉事建文四年封永康侯食祿千一百石與世券仁宗監國留忠南京掌兵政卒贈

蔡國公謚忠烈忠三庶子安敬曠爭襲永樂十六年上令長庶子安嗣侯卒子昌先卒昌子錡嗣侯卒子濟乞優給旨下戶部以非職掌移吏部吏部爲薄請月給米十石卒庶長子源嗣與優給長嗣侯

張信

張信臨淮人父興開國功爲永寧指揮僉事信嗣官紫江草塘功陞都指揮僉事洪武三十一年建文君卽位疑北平大臣薦信有謀勇名調北平都司受密勅令與謝貴張昂合力盡縛藩府人信日

吳廷諸侯傳

卷一

五

信

信

父憂惜母怪而問之信詭對曰兒統兵邊關焉能無憂母曰汝非此憂其語我故信屏左右對曰密旨欲得親王奈何母大驚曰不可汝父每言王氣在燕汝無妄爲禍家族信益憂懼未幾勅促信益急信絕然起曰何忍已甚至此三造燕邸文皇辭不見乃乘婦人輿求見文皇召入拜文皇床下時文皇稱風病不能言久矣信頓首曰殿下無恙卽有恙當急諭臣文皇曰余誠病且因待死爾信復曰殿下不以情語臣朝廷密勅信執殿下殿下意果無他幸從臣歸命京師卽有意宜

告臣文皇見信稱臣又意甚誠側泣下告信密

謀立召姚廣孝朱能張玉定計奪九門信遂從靖難兵戰大寧直定都村壩還軍攻九門營西克大同韓戰夾河藁城渡淮破盛庸兵入金川門陞都督僉事建文四年封隆平侯食祿一千石與券世伯文皇時時呼信爲恩張凡召太子北京察藩王勅靜諸密要事皆命信承永樂二十年征明功加少師洪熙元年與世侯劄支兩俸子鋪自立功爲指揮僉事先卒鋪子淳嗣官正統七年信卒贈鄖國公謚褒僖淳以指揮僉事嗣侯卒子福嗣侯無子弟祿嗣侯卒無子弟祿與祿爭嗣下法司理正德三年祿嗣侯卒子偉僉給十二年嗣侯

吳廷諸侯傳

卷一

六

信

信

郭亮

郭亮合肥人父聚開國功陞流百戶亮嗣官征胡功歷陞永平指揮從靖難與都督耿獻戰又與都督楊文戰皆有功當是時靖難兵南下亮獨守永平與北平爲聲援建文四年封成安侯世伯食祿千二百石出守開平築烽堠永樂二十一年卒贈與國公謚忠壯庶長子晟嗣侯宣德五年扈蹕先入德勝門歸私第劾下錦衣獄天順二年卒無

子弟昂乞嗣 上曰如誥券與伯肅卒子鎖嗣伯
卒子寧嗣伯卒寧子璋早卒璋從弟璣嗣伯

王通

王通陝咸寧人父真開國功爲燕山護衛百戶從
靖難攻九門戰永平真定功陞都指揮使建文四
年泥河戰歿 文皇卽位贈金鄉侯謚忠壯進爵
寧國公通亦從靖難有功又以父故封武義伯食
祿千二百石與世券永樂七年作天壽山十三年
進封成山侯二十三年與世券又以父故加祿歲
一千石 仁宗時以真從祀 文皇宣德元年充

李彬定遠人

七

李彬定遠人

征夷將軍總兵鎮交趾未幾通言交趾反勅通
賊都督方政坐罪隸麾下立功二年斬僞司徒利
賊大懼通怯不敢追又爲奄山壽所窘賊復聚寧
橋戰通敗績擲升兵又未至通輒與利賊書和許
昇清化等州地按察使揚時習以爲不可力爭通
勵聲叱時習比升兵至隘留關又大敗升死通遂
與利賊盟班師陸行出廣西山壽陳智山水道出
欽州凡文武吏士得還者八萬六千六百四十人
利賊閉關不遣者尚數萬人三年廷臣劾通論當
死繫獄奪券籍其家會赦宥死爲民正統元年通

千琮乞得祖塋葬適母十四年北虜南侵廷薦通
爲都督僉事與楊善守京城禦虜功陞都督同知
尋守山陵景泰三年卒琮爲景陵指揮僉事天順
元年詔恩琮得嗣成山伯卒子璘嗣伯弘治十一
年乞券 孝宗念其靖難功又卹食 太廟出原
券賜璘卒子洪嗣吏部言通罪廢琮嗣伯以詔恩
璘時未許世嗣執不許洪嗣伯 上以洪祖真券
故在許洪嗣伯

李彬

李彬定遠人或曰和州人父信權指揮僉事彬善

李彬定遠人

八

李彬定遠人

騎射嗣父官爲真從傳將軍征朵顏經略宣府興
和雲州築萬全懷來城從靖難率騎兵攻薊州轉
戰雄漢真定襲大寧壓鄭村白溝濟南滄州掠彰
德皆有功歷陞督府僉卒建文四年謫 仁孝皇
后至京明年封豐城侯食祿千石與世券出鎮西
陞六年以交趾功加祿五百石永樂二十年卒贈
茂園公謚剛毅明年子賢嗣侯鎮守大同守備南
京景泰二年卒贈豐園公謚忠憲四年子易嗣侯
卒無子第昇之子昺嗣

陳球

陳珪泰州人開國功陞百戶調燕山護衛擒虜乃
兒不花陞副千戶靖難奪九門雄鄭功陞指揮又
壩上力戰陞都指揮大戰楊村陞僉事督府建文
四年封太寧侯食祿一千二百石與世券卒贈靖
國公諡忠襄子璽先以靖難功爲武成左衛指揮
使璽子鍾已嗣指揮使珪次子愉遂得嗣侯二十
年北征失律下錦衣獄死鍾與愉子鏞爭嗣 仁
宗以鍾庶長孫二十二年嗣侯卒子灝宣德五年
嗣卒無子八年弟瀛乞嗣 宣宗曰陳愉失律念
璽有功璽孫瀛與嗣侯給半祿十年吏部言璽年
十五與全祿已已陣歿是年弟涇嗣侯成化元年
失律坐斬放還侯停祿卒子桓八年嗣侯才三年
桓坐與僧娼飲酒淫酗奪俸一年子璵弘治七年
嗣侯卒子儒正德七年嗣侯卒

徐祥

徐祥大冶人漢萬戶歸附從軍功陞燕山護衛千
戶靖難兵起攻奪九門轉戰漁陽真定永平彰德
白溝河滄州保定小河齊眉山渡淮江入金川門
有功建文四年九月封伯十三人祥第一爲興安
伯食祿千石與世券祥在靖難諸將中年稍長及

封益勤慎不敢驕怠永樂二年卒子永未嗣伯卒
承子亨嗣伯正統元年征胡功進流侯加祿百石
卒諡武襄子賢嗣伯病跛與半祿免朝請卒子盛
優給十六年嗣伯卒無子從子良正德三年嗣伯
卒子勳嗣伯卒子夢賜優給嘉靖二十年嗣伯

李濟

李濟和州人父旺開國功爲燕山護衛千戶靖
官從靖難執謝貴張昂奪九門克居庸戰永平
真定功陞指揮僉事鄭村壩大捷陞都指揮僉事
白溝濟南功陞同知建文四年封襄城伯食祿一

李濟

千石與世券永樂元年出鎮江西召還三年卒子
隆年十五嗣伯八年從 上北征有功十四年留
守南京 仁宗時出鎮山海未幾復守南京先後
凡十八年正統五年入總禁兵十一年巡邊明年
卒隆有才畧頗好文恭慎不敢驕守法度明年子
珍嗣伯又明年沒於土木無子弟璉病不能嗣璉
弟璉景泰元年嗣伯成化三年總兵與程信征川
貴蠻大戰渡船舖攀崖焚其巢賊退保大壩貴人
椅之川人角之賊敗奔入洞室而圍之逾月皆死
四年進流侯弘治二年卒贈尚國公諡莊武子輔

嗣伯卒無子璉子鄺嗣伯正德四年卒子全禮嗣伯嘉靖十八年卒明年子應臣嗣伯

孫嚴

孫嚴鳳陽人開國功爲流百戶改護衛十三年從藩王之燕山久之致仕子亨嗣言陞正千戶建文元年嚴以致仕官從靖難守通州突門力戰追奔至張家灣掠餉舟三百復還守城又敗遼東兵陞陞都指揮建文四年封應城伯食祿千石與世券永樂十六年卒贈翼城侯謚威武亨先以靖難立功薊州永平鄭村壩大同白溝河滄州彰德靈璧

孫在衡後傳

卷下

十一

三

趙彝

趙彝虹人洪武初虎賁百戶調燕山右衛從賴國公征沙漠城宣府萬全懷來歷陞永平衛指揮僉事靖難兵至永平彝以城降從徐忠等轉戰有功陞北平都指揮使文皇卽位封忻城伯食祿一千石與世券永樂十三年鎮徐州仁宗召還卒

孫在衡後傳

卷下

十一

三

十三年嗣伯

張興

張興壽州人開國功歷陞燕山護衛指揮僉事靖難時奪九門戰漁陽永平大寧廣昌白溝河濟南夾河西水寨功歷陞都指揮同知從子勇年壯有膂力從興行間先登輿單騎追敵被十餘創病勇領其兵嗣護衛指揮使戰淮泗渡江入金川門陞都指揮同知文皇卽位封興安鄉伯食祿千石與世券五年卒贈侯七年勇嗣伯明年從征胡失律謫交趾總旗立功十年赦還復伯道病卒十五年子安嗣伯正統十三年出鎮廣東十四年戰賊黃蕭養敗歿子鐸優給卒無子安弟寧嗣伯卒子珣嗣伯卒子勲未嗣卒孫坤嗣伯

孫在衡後傳

卷下

十一

三

陳志

陳志巴人開國功累陞燕山中護衛指揮僉事從靖難戰真定白溝河濟南再陞都指揮同知永樂元年封遂安伯食祿千石與世券卒志二子長良坐法謫戍死次春立功爲指揮使先志卒春子瑛嗣僉事指揮矣至是良子瑄與瑛爭嗣伯吏部上請文皇曰瑄父洪武中役罪無勞於國然志適

孫也春有功授指揮瑄已嗣父官今與瑛伯奈適孫何瑛又不肯讓下廷臣議議上瑄適孫宜嗣文皇曰瑄與瑛也令陛見朕二人者見文皇曰二人者皆可嗣朕與汝闔闔得伯者嗣瑛得闔文皇笑曰乃汝瑛也竟得伯者瑛卒子瑄幼與半祿優給正統十一年嗣十四年隨上北征陣沒無子瑄叔詔與瑄又爭嗣景帝曰先朝言二人者皆得嗣今國家急人總兵石亨楊洪尚書于謙擇嗣一人必有功也與世嗣謙等上言瑄老詔壯景帝令詔嗣伯天順八年部坐干撓軍政奪坐營

徐增壽

徐增壽武寧王第三子少隨父入見太祖太祖喜其秀朗機警賜名增壽長勇敢立戰功陞右軍都督嘗從文皇出塞征乃兒不花有功班師入見仁孝皇后還朝數與文皇往來靖難兵起建文君疑增壽繫禁中文皇兵入金川門建文

君梓增壽至左順門殺之廬下即發火燒官文皇卽位念增壽首贈武陽侯謚忠愍永樂二年加贈定國公子景昌嗣公食祿二千五百石與世祿卒子顯忠嗣公卒子永寧優給嗣公卒子世美未嗣卒孫光祚嗣公嘉靖五年加太師八年卒子延德嗣公

柳升

柳升懷遠人父崇或名德立功洪武時爲燕山護衛百戶升嗣官事成祖靖難攻懷來密雲白溝河東平大小二十餘戰皆有功歷官都司督府丞

異姓諸侯傳

宋一

十四

傳三

樂四年征交趾功六年封安遠伯食祿千石與世券八年北征至玄冥河功進流侯加祿五百石仍世伯出鎮寧夏還總京營兵又從上北征至蒼崖峽鬼力河慶州有功得世侯十八年討唐賽兒失律下吏尋宥二十年又從征胡宣德四年王通言交人反升爲征虜副將軍充總兵保定侯梁銘左副總兵都督崔聚左叅將率兵會沐晟討利二年兵至隘留關利上書詭請立陳氏後升受書不發封馳奏上賊已列柵拒我兵道升連破賊直抵鎮夷關賊斂迹無禦我者升喜謂賊窘弛備銘及

參贊尚書李慶又病慶力言賊詐升不聽至倒馬坡入賊伏升中鏢死是月銘病卒明日慶又卒聚收散卒進至昌江遇賊衆寡不敵聚死戰賊驅象大至我兵遂亂聚被執賊欲降聚不屈死之聚懷遠人靖難征胡累功至督府僉事升質直簡靖臨敵勇敢死贈融國公謚襄愍子溥宣德十年嗣侯鎮守廣西天順初年加太傳出守甘涼虜殺掠人畜不能禦御史劉濟劾溥失律上怒御史言溥下獄落職外除比溥還上悟欲罪溥勒溥罷太傅溥輒乞進駝馬上怒却其獻未幾內臣牛

景天順五年

景天順五年

景天順五年

景天順五年

景天順五年

景天順五年

景天順五年

朱榮

朱榮沂人洪武初起驍騎舍人從征雲南功授百戶出塞征胡功陞大寧副千戶文皇至大寧榮率衆降陞指揮僉事從還北平戰鄭村壩白溝河薺城功三遷至都指揮使伏兵泥河大戰又戰小

河靈壁渡淮下揚州入金川門陞都督僉事征交趾功陞右都督永樂八年從上出塞征胡敗本雅失里阿魯台轉左都督再從上出塞至和林爲先鋒破虜又從上出塞敗虜殺胡原二十年封武進伯食祿一千三百石與世孫洪熙元年卒贈侯謚忠靖是年子冕嗣伯正統四年出鎮大同十四年禦虜戰歿贈侯謚忠愍是年子英嗣伯卒子雲嗣伯卒無子弟霖嗣伯卒子潔嗣伯卒子嗣卒無子叔江嗣伯卒無子從弟海嗣伯

高士文

高士文

高士文

高士文

高士文

高士文

高士文

高士文

高士文陝西咸寧人洪武中雲南塞北功陞燕山護衛百戶從靖難戰大寧廣昌白溝夾河東平汶上每出入陷陣先登累陞都督僉事永樂四年征交趾五年交趾平餘寇奔入七源諸川山谷中出沒寇掠張將軍遣士文捕賊晝夜急攻賊突出走士文又進追賊中飛砲死都兵復追賊賊又竄入七源州以士文力戰故賊竟潰亂張將軍繼遣都指揮程錫平賊贈士文建平伯今子福嗣伯食祿千三百石與世孫卒子遠嗣伯宣德五年與成安侯晟暉不敵下獄得釋卒子震病不能嗣遠弟進

嗣伯卒無子弟逵之子霍嗣伯卒子繼宗嗣伯

梁銘汝陽人洪武中嗣父燕山護衛百戶事成祖靖難時南兵攻北平又攻通州銘守戰甚力積功至督府僉事侍大子監國生事下獄不樂十年赦令捕倭廣東仁宗即位遷工部同知充叅將出鎮寧夏上念銘舊有守城功封保定伯食祿一千石與世券宣德初御史石璞劾銘守寧夏罪狀上特原銘遣銘副柳升征交趾卒軍中銘坦夷寬簡勇敢當敵能撫循士卒銘不死崔聚亦未至敗沒于瑯宣德十年嗣伯正統十四年坐失律謫從石亨立功尋與半祿復其爵斬虜首復與全祿景泰元年文平蠻將軍代王驥征貴州又征福建皆有功三年進流侯加祿五百石世伯天順元年與世侯辛贈蠡園公謚襄靖子傳嗣伯坐不敬逮獄習禮園子監卒子宗初與祿歲百石優給卒次子任嗣伯卒子永福嗣伯嘉靖中爲京營總兵

吳光誠

吳允誠本胡人賜姓名永樂二年父子率衆來降

爲督府僉事出塞爲鄉導征胡至卜哈思擒哈刺
乞台達同知八年扈駕敗阿魯台進都督元年又
出塞逐虜至濶脫赤斬首虜中律封恭順伯食祿
一千二百石先是允誠父子從 成祖出塞留家
涼州虎保魯兄誠部衆劫允誠妻及其少子管者
叛去妻急召部將都指揮保住卜顏不花等出兵
盡擒殺諸叛者 上遣行人勅勞允誠妻賜縑米
羊鈔陞管者指揮僉事允誠卒贈郕國公諡忠壯
子伯客十六年嗣伯賜名克忠二十二年扈駕出
塞有功洪熙元年以戚里恩又有功進侯與世簪
累姓野侯傳 卷一 八十一 漢考 三傳卷五
加祿二百石宣德中副總兵巡邊正統九年統兵
出喜峰塞征兀良哈有功加太子太保十四年沒
於土木贈郕國公諡壯勇第克勤都督亦戰歿贈
遵化伯諡偉敏克忠子瑾嗣伯曹欽反刼瑾瑾不
從死贈涼國公諡忠壯與世侯子鑑優給與半祿
天順六年嗣侯卒子世興嗣侯

吳成

吳成本名買驢遼陽人父通伯元遼陽省右丞洪武中隨觀童來降買驢充總旗出塞征胡功陞木平衛百戶從靖難攻真定大寧鄭村壩功陞指揮

會事廣昌白溝館陶功再陞指揮使夾河薤城西水寨功陞都指揮僉事戰肥河小河齊眉山靈壁先登渡淮克揚州入金川門再陞都指揮使永樂八年從上出塞征胡功陞都督僉事已而三出塞斬獲多洪熙元年陞左都督是年大松嶺破虜封清平伯食祿千一百石與世券宣德初從擒漢庶人三年出喜峰塞敗虜寬河斬獲進封侯祿如故八年卒贈澤國公謚壯勇子忠先卒又明年孫英嗣伯卒子重嗣伯卒無子弟琮嗣伯卒子傑優給嗣伯卒子家彥優給嗣伯

吳姓舊傳

卷下

九

三百五十一

費璣

費璣定遠人祖遇洪武中爲燕府左相已革府相改護衛指揮使父肅嗣官肅卒璣嗣官事成祖靖難功累官都指揮同知鎮守山海關永樂五年召僉事後府六年充副總兵備倭海上七年征湖廣叛寇八年充總兵鎮寧夏甘肅討平叛虜亦令真巴十年又出甘肅防禦仁宗卽位充平羌將軍鎮甘肅尋陞右軍都督宣德元年入朝上念璣舊臣累著功名封崇信伯食祿千一百石與世券復出鎮璣和易善撫循士卒守邊二十年塞境

寧靜征漢庶人嘗爲先鋒將佐薛祿有功于劍宣德三年嗣伯景泰中鎮守福建卒天順八年子淮溥卒嗣憲宗曰淮母朱氏以劍故封夫人淮卽適子溥不得與淮爭成化元年與淮祿一百石優給嗣伯習學國子監十二年祭酒周洪謨言淮不務學奪半祿冠平巾以母乞恩故原淮卒子柱嗣伯

蔣貴

蔣貴江都人靖難初起小卒累戰功世昌國衛指揮同知又從征北虜九龍口大松嶺功陞都指揮

吳姓舊傳

卷下

三

三百五十二

僉事充叅將擊番賊任昌深入奪橋斬關進同知鎮守松番番夷再叛討平之陞都督僉事充副總兵盡平諸番陞總兵平蠻將軍鎮守正統元年召還陞右都督總兵討戎王阿台擒乃顏刺忽李羅等三年封定西伯食祿千二百石與世券七年征木麓川功進侯加祿三百石與世券貴奮起卒伍能與士卒同甘苦凡出境擒賊衣糧器仗身自囊負不後一人臨陣冒險衝敵皆披靡子第士卒追隨向敵雖目不識字短於謀略然天性朴實忘已下人以故所向有功登上將爵通侯爲一時名

將卒贈涇國公謚武勇子義病不能嗣十四年義子琬嗣侯成化初充平羌將軍總兵并肅効巡按御史罪狀曰臺官豈盡桓典耶八年南京操江上言六事極言江防空庖要害保護南京根本十年召還充團營總兵上言六事二十年充平胡將軍出雲中塞禦虜并統制宣府山西諸軍虜人偏頭關斬捕有功帝賜鵲望於滴水崖琬曰獨石八堡聲勢相首尾滴水崖遠益難救援不可徒卒贈京國公謚敏毅庶子驥嗣侯嘉靖三年守備南京道卒子傳優給嗣侯

吳姓書後傳

卷下

王

一傳元三百七十四

方瑛

方瑛全椒人大父銘開國功爲百戶父政靖難功爲都指揮正統三年都督總奇兵征木麓川戰殘贈威遠伯謚忠毅四年瑛以父功爲金吾指揮使憤發報父讐乞領父兵從定西伯効死先登破賊寨進都指揮使七年從靖遠伯征賊功陞督府會事充叅將守雲南已而從侯侍郎征貴州功進右都督充總兵移守貴州景泰元年香爐山功轉左召總五軍營論先後平賊功多封南和伯食祿千石與世泰明年征銅鼓留鎮湖廣貴州天順元

年進流侯加祿三百石四年卒謚忠襄子毅嗣伯卒子壽祥嗣伯卒以嘗論大禮得贈太子太保子東嗣伯卒

毛勝

毛勝初名福壽京師人伯父邵海元舊官歸附爲燕山中護衛開牧官從靖難歸附都指揮同知建文四年卒無子福壽父安太邵海母弟也嗣羽林指揮使永樂七年卒福壽兄濟嗣官卒無子福壽嗣官以兄濟九龍口殺胡鎮功進都指揮使正統六年征木麓川功陞都督僉事充右叅將復征木

吳姓書後傳

卷下

王

一傳元三百七十四

麓川功進同知十四年禦虜宣府功陞左府都督是年冬守宣武門又哨虜紫荆關景泰元年充左副總兵率河間東昌達兵征湖廣峒苗韋同烈戶部主事陳汝言言福壽本虜人奸黠不可信勅王驥候福壽至善御之無使驚疑已乃有功三年封南寧伯食祿千石五年進屯金川斬賊功與世泰改名勝移金齒彈壓諸蠻天順二年卒贈侯謚忠壯子榮嗣伯八年坐法調廣西立功卒子文嗣伯卒子良嗣伯卒子重器嗣伯卒

楊信

楊信伯父洪信功武悍正統初從洪征興州虜轉戰西涼亭白塔兒斬首功累陞指揮僉事十四年薦陞都指揮僉事守柴溝堡從洪戰虜紫荆關馬五郎河有功景泰二年出宣府歷陞督府僉事充參將再守懷來會洪病移信協守宣府五年充副總兵天順元年召還京陞同知移鎮延綏延綏總兵佩將軍印自信始明年虜李來毛里孩入塞擊退又明年虜入寧夏塞信合武平伯陳友兵於安邊營夾擊虜遁去四年封彰武伯食祿千石與世券五年移鎮大同成化二年毛里孩入河套出塞

楊信伯傳

卷下

三

夏三

朱謙夏邑人父真靖難功授世留守指揮僉事謙嗣官累征迤北功陞萬全都指揮使充右叅將分守宣府功陞都督充鎮朔將軍總兵宣府裕陵北狩過宣府率其子永出謁頓首哭獻犒軍勞虜金帛屢出兵截虜有功景泰元年虜入石峰口又入龍門關不能禦輒敗都督江福援謙又敗詔詰責謙已而與虜戰斬首中律封撫寧伯卒永嗣伯與世券天順初永陳父宣府謁上事贈侯因稱進用永永慎重不洩法令嚴整四年虜入宣府永出禦虜退班師六年總兵三千營八年兼總神機營時定襄伯郭登出鎮甘肅永薦留登與同事復圍營元總兵兼領三千營成化二年充靖虜將軍征荆襄有功進流侯乞謚謙武襄永幾虜亂加思蘭入大同塞充平胡將軍禦虜虜退去與世伯尋克平虜將軍出榆林禦虜有功即軍中進封侯立號總制陝西三邊與世券七年虜入屯柳樹渚永出奇邀戰有功十二年召還加太子太保十四年建州夷結朵顏入遼東塞明年永出塞破其營加太子太傅進封保國公十六年出延綏禦虜十七

朱謙傳

卷下

三

夏三

年大同禦虜亦思馬因戰海東山功賜券世公十
九年虜大入塞充鎮朔將軍總制宣大二路二十
三年 孝宗即位召還加太師掌後府總管如
故九年卒進封宣平王諡武襄子暉言與祖謙誼
同改武毅是歲暉請嗣公下廷議 上特令暉嗣
公一世暉嘗充京營總兵與英國公懋恭等伯祐
同事卒子麒請嗣公下廷議嗣侯

孫鎰

孫鎰康勝州人永樂二十年嗣父指揮同知從出
塞征胡功再陞都指揮僉事正統十四年充左參

孫鎰傳

卷一

三十五

三十九

三

將捕處州賊功陞督府僉事戰也先都城先登有
功景泰元年薦都指揮李奇楊洪劾其徇私下御
史獄武清侯石亨刑部右侍郎江淵薦鎰勇敢得
釋已而爲大同副總兵與郭登不協時忿爭乞罷
兵柄不許四年請盡統精兵出塞襲虜勒止鎰以
奪門功封懷寧伯明年與世泰五年充陝西總兵
與兵部尚書馬昂出禦虜期七月二日出師先一
日夜初指揮馬亮走告鎰曹欽反謀先殺鎰及昂
奪其軍攻皇城鎰拔衣起急草奏呼長安左門關
人曰與爾奏疾造 上前告急變稽遲軍法且斬

又走右門亦如之內廷始得集兵總吉祥鎰微服
至太平侯張瑾家議討賊賊已呼噪四出劫殺文
武大臣 上出帑帖隙中令百戶楊能至瑾家伺
鎰云何能報鎰等殺此賊 上喜手勅鎰父子爲
朕用心滅賊賊攻長安右門不得入走攻左門又
不得入欽兄弟率胡兵直趨東安門發火力攻
上又勅鎰賊犯關急鎰等努力殺賊賊又初鎰昂
盡統各營兵殺賊鎰子輔子軌追賊至東市大戰
軌奮力入陣砍欽兩臂傷賊并力圍軌攢鎗殺軌
鎰急調神砲與諸營兵夾攻欽傷遁歸家授并州
隍其黨盡擒伏誅進封侯食祿千三百石與世泰
成化改元盡革奪門鎰亦在革中 上曰鎰有勞
於國老且無恙可食祿奉朝請七年卒贈深國公
諡武敏子輔乞嗣 上曰鎰伯以奪門功封然滅
曹賊功大輔可嗣侯卒子應爵嗣侯卒子瑛嗣侯
卒無子弟明嗣

衛穎

衛穎華亭人世官濟南指揮使正統九年陞署都
指揮僉事京營練兵十四年禦虜功陞同知是年
冬出守黃花鎮戰西直門紫荊關功陞都督同知

景泰三年總兵守宣府天順元年陞左都督以李門功封宣成伯食祿千一百石與世券移鎮甘肅五年破虜鎮番八年捕番賊斬獲功多召還成化元年盡革李門功額亦在革中兵部言額有軍功得不革增祿百石四年被劾奪祿七年乞宥典祿朝請弘治十一年卒贈侯諡壯勇子璋嗣伯卒子鐸嗣伯嘉靖中爲京營總兵卒子守正嗣伯

陳友

陳友全椒人永樂初起騎卒從征胡功歷陞千戶正統初通使順寧王脫歡附降再陞都指揮僉事

異姓將侯傳

卷下

三

一三五十六字文

十九年充遊擊將軍捕虜宣夏功陞都督僉事四年龍門口捕虜功進同知充左叅將南征香爐山功陞右都督鎮守湖廣天順元年捕苗賊五開銅鼓功召還封武平伯食祿千石與世券二年出鎮番斬虜功多充總兵捕虜延綏塞功封流侯加祿百石四年卒贈沔國公諡武僖子能嗣伯卒子綱嗣伯卒子勲嗣伯卒無子弟熹嗣伯卒子大策嗣伯

曹義

曹義儀真人嗣父官燕山指揮永樂中出塞至平

壁山有功宣德中征梅花洞功累陞督府僉事充遼東總兵破虜開原進左都督天順元年封豐潤伯食祿千二百石與世券卒贈侯諡莊武子麟先卒麟庶子振嗣伯坐法革衣冠習禮國子監逾年復爵又坐法奪祿一年卒庶子愷嗣伯卒嘉靖中子豫乞嗣吏科駁棟義非開國靖難功不得嗣上與棟嗣伯卒庶子松乞嗣吏部言義以邊將立功封伯傳三世子奪請上裁松得嗣伯

施聚

施聚北通州人父忠立功洪武永樂間陞金吾右衛指揮使出塞征胡戰沒聚嗣官累有戰功正統

異姓將侯傳

卷下

三六

一三五十六字文

九年以都指揮征兀良哈功最陞督府僉事將遼東進總兵都督英宗北狩聚慟哭即日引兵西裨將爭進牛酒聚曰主上安在忍受此數日抵京師天順元年以禦胡功封懷柔伯食祿千一百石明年以守邊久與世券聚智勇朴直與士卒同其苦在遼東訓練有法增繕障塞興脩儒教虜人畏服卒贈侯諡威靖子榮嗣伯卒子鑑嗣伯坐法謫貴州立功赦復伯不得任軍政卒子瓚嗣伯卒無子弟璉嗣伯卒

焦禮

焦禮山後人父焦八思台洪武中降除荊州衛指揮僉事禮以舍人從軍有功太祖喜禮與禮官禮辭宣德初祠父官累立功遼東陞都督左軍充總兵守遼東景泰元年破虜小團山斬獲數千天順初封東寧伯食祿千二百石與世泰禮守遼東二十餘年年八十二卒贈侯諡襄毅適孫壽嗣伯卒無子壽弟俊嗣伯卒子淇嗣伯卒子一鳳後給卒無子淇弟詢嗣伯卒無子再從姪棟嗣伯棟者詢從兄澄之子禮元孫也

異姓諸侯傳

宋下

三元

劉聚

劉聚清豐人聚叔永誠太監出鎮甘肅聚驍勇有智略隨永誠塞上立功歷陞都督同知天順五年捕曹賊功陞右都督成化六年充總兵出延綏塞遇虜身被七創戰血力戰大破虜也烈忽斬首百級獲二千封寧晉伯食祿千石八年爲征虜將軍總陝西諸兵捕虜榆林塞斬首四百五十獲馬畜千與世伯券是年捕虜鎮靖堡未幾虜大入塞聚設伏破虜斬首百五十奪獲人畜數萬十年卒贈侯諡威武子祿嗣伯卒無子弟福嗣伯福爲京營

總兵加太子太保弘治十三年上召輔臣平臺議諸將去留福與成山伯王鏊皆勸罷卒子岳嗣伯卒無子從子文嗣伯卒子良聖後給

毛忠

毛忠涼州人曾大父刺及洪武初歸附從軍戰沒大父拜都征哈密又戰沒父寶永樂中從出塞功授百戶老忠嗣官立功其涼歷陞都督成化三年征番忠先登手斬番賊轉戰俘獲功多封伏羌伯食祿千石總兵鎮甘肅固原土胡滿四反猖獗勦忠討之力戰先登後援不能繼中流矢沒子海孫鑑皆沒於陣贈忠侯諡武勇與世伯券忠子佺先卒孫銳嗣伯有祖風弘治十三年鎮兩廣再加太子太傅正德三年逆瑾索銳金錢不能應落太子太傅奪祿十五勒罷瑾誅銳自陳得還祿復官傳嘉靖三年卒贈太傅諡威武子江嗣伯

趙輔

趙輔鳳陽人曾大父端開國功累官都指揮世指揮使父本從征漢庶人陞都指揮輔嗣官正統十四年大臣薦陞都指揮練兵禦虜有功充恭將出居庸守懷來禦虜天順八年陞都督同知成化元

年總兵征兩廣蠻俘斬二萬二年封武靖伯食祿千二百石三年征建州夷斬俘千人四年進侯與流侯劬十六年輔薛流侯乞世伯與伯世劬減祿二百石二十二年卒贈容國公諡恭肅子承慶嗣伯卒子弘澤嗣伯卒子世爵嗣伯

仇鉞

仇鉞江都人世指揮同知立功陞使充游擊將軍寧夏驍勇敢戰正德五年竄反陷賊中京師詔言公從賊與武營守備保助者又與賊聯姻爲外應李文正公曰鉞必不從賊助以賊故姻遂疑助

李義討倭傳

卷下

三

二百六十六

三

不用諸與賊通者皆懼不復歸正白上用助爲參將公爲副總兵討賊命下纔數日勦疏上言臣母及妻子俱在賊中臣義不顧家恨不飛渡黃河食賊肉謝朝廷公亦稱病臥陰約遊兵壯士候保助楊英諸兵至河上從中發爲內應俄蒼頭書童洩河潛入見公言諸兵至河上列營公嗾人謂賊何錦宜急出守渡口防決河灌城過東岸兵勿使渡河錦果出留賊周昂守城公又稱病丞昂來問公猶堅臥呻吟言日夕且死蒼頭卒起揮殺昂斬首公起披甲杖劍跨馬出門一呼諸遊兵壯士皆

至連奪城門擒竄鎬克總兵寧夏封威寧伯食祿千石與世劬仍總兵七年充平賊將軍征流賊功進侯與世劬加祿百石十六年子恩病恩子鸞嗣侯

丘福

丘福鳳陽人以小卒事成祖海州衛年勞後護衛千戶靖難兵初起與朱張二王首應張寧九門督文四年封淇國公食祿二千五百石與世劬當是時修功詔福第一福善高煦數勸上立高煦

李義討倭傳

卷下

三

二百六十六

三

勸爲太子上不許福質直無文有勇力善戰輒輕敵深入永樂七年爲征虜大將軍總兵武城侯王聰同安侯火真左右副總兵靖安侯王忠安平侯李達左右參將並出塞擊虜上曰本雅失理逆天道羈信使命爾徂征自開平以北即不見虜時時如對敵日夜嚴斥望過虜設奇奮擊否則審察事機便宜進止又密授方略臨遣福出塞率千餘人先至臚胸河南遇虜遊兵與戰敗虜遂乘勝渡河又獲虜間我者尚書一人福顧欲虜尚書酒問本雅失理今安在虜尚書言本雅失理關兵來

王聰斬水人起燕山總旗陞百戶從靖難取漁陽遵化徇涿州轉戰南皮平滑口獲馬千五百還守保定復南宮冀南徇淮泗首獲舟渡江累陞督府僉事封武城侯食祿千五百石與世券永樂七年戰沒虜中追封漳國公諡武毅 上以李遠及聰嘗諒福故得褒卹無子姪孫玘請嗣吏部言聰家許子孫襲文姪孫不得嗣侯宣德十年特與玘京衛指揮人襲事已而玘又累乞嗣侯不許

何福

何福未詳何許人國初以武功爲指揮使洪武十四年從三將軍征雲南有功來獻捷再遷督府僉事二十一年出塞至捕魚兒海俘獲萬計二十四年充平羌將軍代平侯討阿資三十一擒永寧酋十八加如誅木麓川亂魁刀千孟降其衆又討平畢節都勻諸羅進征五開自是南蠻馴順建文初班師進同知靖難兵起歷戰淮南北輒敗走建文四年八月爲征虜前將軍總兵鎮陝西寧夏節制甘肅河南山西諸兵永樂三年 上以福屯田積穀多又嘗請定屯田賞罰爲經久計賜勅勞福六年福請令大臣協守甘肅 上曰汝久總番

漢兵恐勢重致譏爲此言耳汝老將朕推誠倚任勿復顧慮七年本雅失理殺我使臣給事中郭驥糾阿魯台數入塞殺掠吏民已而二酋爲瓦剌所敗走臚朐河欲收合散潰寇河西勅福防禦福言韃靼脫脫不花王把秃王都督伯克帖木兒都指揮哈剌火敦國公賽因帖木兒司徒撒兒忒賽罕知院都秃阿魯把撒兒等來歸率衆駐亦集乃上勅楊榮諭福曰脫脫不花等來歸止亦集乃恐遲回生變爾與榮深議其哈剌火敦伯克帖木兒初與把都帖木兒同來已而叛去故徘徊近塞款進未果朕開誠柔遠不計前過卽遣把都帖木兒往亦集乃諭朕意或與俱來或令居亦集乃斟酌權宜在榮與爾是年九月諭福早事 皇考多歷歲年與兵督府小心謹愍朕初卽祚遂聯戚好寄任干城撫附西虜命楊榮卽軍中封福寧遠侯祿千石又密諭福近日韃靼來歸者且勿給土田令來北京扈從漸徙之南散處畜牧脫脫不花之事可鑑也軍中事宜先發後聞無失機會八年從征沙漠數違節度羣臣交劾 上念福舊人有才略曲赦福已而有怨言都察院又劾上福懼自經死

追奪侯

郭義

郭義太安州人丙午歸附立功山東河南及征王保保破雪山等寨克四川出塞征胡陞燕山護衛副千戶靖難時取懷來進指揮僉事調濟陽衛又立戰功真定永平陞北平都指揮僉事永樂五年陞中軍都督十八年封安陽侯食祿一千一百石世指揮使

王友

王友荊州人父榮燕山護衛百戶友嗣官事

祖靖難時戰有功累陞都指揮僉事永樂二年立福等言友前鋒摧敵功比劉才封清遠伯食祿千五百石六年征交趾功進爵侯與世券七年出塞築殺胡城飲馬河上與劉才並率衆轉餉車至擒胡山餉車不至士卒餓死上大怒奪其兵付張輔八年從出塞坐縱虜失律罪死繫錦衣獄十三年以病釋出獄卒明年子順乞嗣不許令從安遠侯征胡自效二十二年陞羽林前衛正千戶立功陞指揮僉事卒宣德三年子通病廢子鑑優給候通有子鑑通子官十年鑑又乞嗣侯不許正統

元年又乞嗣上曰友罪生斬不許嗣侯與指揮僉事景泰三年又乞嗣不許天順三年詔與子指揮使

陳賢

陳賢壽州人立功開國時爲指揮僉事從靖難九門雄鄉真定東平功累陞督府僉事永樂二年文皇以靖難時武臣賞未酬功者下丘福等議福等言賢及都指揮同知張興陳志王友皆以前鋒摧敵功與廣恩伯劉才等封賢祭昌伯食祿千石與世券十三年卒子智先以靖難功爲指揮使病

其姓諸侯傳

卷下

王

房勝

房勝未詳始所自起建文時爲通州衛指揮靖難兵起勝首率衆降附通州近北平文皇得通州兵遂東出薊州襲大寧戰鄭村壩無復服脇之憂甚喜勝累功陞都指揮使建文四年封富昌伯食

祿千石世指揮使

陳旭

陳旭全椒人父彬開國功爲右軍食事也以父征傷從靖難戰真定山東渡淮歷功累陞督僉事建文四年封雲陽伯食祿千石與世券承業七年征交趾八年卒軍中無子景泰六年旭義孫銘納奏

劉才

劉才字子才霍丘人故元元帥國初率衆歸附授百戶歷營州中護衛指揮僉事從靖難有功建文四年封廣恩伯食祿九百石永樂中修山海關又從征沙漠至懷來卒才惆悵無華恭介自守仁宗在東宮喜才世指揮使

房寬

房寬未詳何許人洪武四年以濟南左衛指揮帥兵五千人從魏國公北平練兵繕城爲北平行都司都指揮靖難兵至大寧守將朱鑑力戰寬忽引軍降鑑力不支死之建文二年寬戰白清河敗再戰有功已而轉戰濟沛江淮皆有功歷陞督府僉事四年封思恩侯食祿八百石世指揮使

張武

張武瀏陽人豁達有勇力稍涉書史爲燕山護衛百戶戰真定破耿炳文兵於濬沱河設伏戰勝夾河要敵西水寨累功陞都督同知建文四年封成陽侯食祿千五百石與世券當時武功第三前二人丘福朱能封公武侯第一卒成祖出內廐馬購武贈路國公諡忠毅無子婿臧子聚義兒張旺匿諸券天順二年奪入官

徐理

徐理西平人甲午從軍累戰功歷陞永清衛指揮僉事從靖難敗都督劉貞兵於寬河再陞北平都指揮僉事又戰平都督兵於白溝河斬先鋒哨騎追奪至雄轉戰濟南滄德間至夾河戰敗盛將軍兵西援水西寨陞督府僉事小河敗何都督兵克泗揚入金川門皆有功建文四年封武康伯食祿千石與世券永樂六年卒子嗣伯正統九年卒子勇嗣伯卒無子成化九年勇義兄嫂趙言勇從姪文英家西平吏部言勇發且二十年文英不得嗣伯

孟善

孟孝等三人立功洪武初爲定遠百戶十九年從征雲南又從征金山捕納哈出歷陞燕山護衛正千戶出塞賊虜哈刺爾獲多又以驍勇著名時召宿衛藩邸靖難初攻九門執薛叅議破松亭關進食事指揮戰真定破齊尚書兵陞北平都指揮奴事白溝濟南常山戰勝進同知夾河薺城敗盛庸兵遣使保定收官軍萬三千人陞督府僉事進同知文四年封保定侯食祿千二百石與世券卒贈滕國公謚忠勇子瑛嗣侯洪熙元年瑛弟賢連坐奪爵毀券謫雲南安置宣德十年赦與京衛指

舉許伯倬

宋

三

三

唐雲

唐雲未詳何許人事成祖藩邸最久慎恪果毅侍衛左右出入未嘗離雲於諸將中年最高且勇智爲人所信服軍中一日有異意雲察知之諭以天命衆遂定上由是益信任之每出師必命雲

輔世子守城敵至出兵禦之未嘗失利累陞都指揮文四年封新昌伯食祿一千石世指揮使

茹瑑

茹瑑衛山人洪武初年十六貢入太學擢承勅郎陞左通政歷通政使副都御史試兵部尚書二十六年加太子少保爲真上嘗稱茹瑑蔡瑑楊瑑蔡達復其家事建文君政吏部尚書與太常卿黃子澄不相能刑部尚書暴昭發瑑贓罪未入吏部出領河南布政司事未幾召還復尚書兵部襲武官襲替隸兵部五府不得預至是令瑑會掌中前後

舉許伯倬

宋

三

三

府事駙馬都尉謝達耿璿尹清署左府事孝陵指揮使黃鉉右府都督僉事陳春並請旨選授靖難兵至江上遣瑑及景隆都督王佐見成祖請割地講和瑑等見成祖伏地頓首惶恐流汗浹背稱萬死不敢仰視成祖勞瑑等又頓首不能發一言成祖曰公等有言即言無甚恐久之又頓首言建文君願割地講和成祖笑曰公等說客耶始吾無罪削爲庶人輒云大義滅親吾今救死不暇何以地爲况皇考封建諸子各有分地但轉奸臣來吾解甲謝罪謁孝陵歸藩瑑等唯唯頓

首退 成祖入京召問瑋瑋頓首勸進建文四

年詔言景隆瑋佐及陳瑋忠孝 太祖扶持社稷

默相事機其功甚重封瑋忠誠伯食祿一千石終

其身仍兵部尚書特見信用密預詔議慎厚不洩

永樂七年請告歸道出長沙不謁谷王谷王以為

言時方重藩王禮都察院遂劾瑋達 祖訓谷王

夕嘗開金川門有功 成祖重達王意不得已下

常錦衣獄瑋竟卒獄中子鑑泰府儀賓銓鏞及

家口二十七人皆沒官謫戍廣西河池 仁宗釋

還 宣宗與所沒田廬瑋狀貌魁奇雍容變重諫

其楚語優倖 天宗 四三 一 漢 三 三 元

和有容不妄言笑事必依於寬厚事 太祖十餘

年小心無過 太祖嘗稱瑋賢人君子

王佐

王佐不知始所自起歷官都督同知靖難兵至金

川門建文君遣曹國公茹尚書及佐見 文皇龍

潭議割地講和不聽二人者遂望風納款且獻密

謀比至城金川門遂開建文四年封順昌伯食祿

千石與世恭

王寧壽州人尚懷慶公主為駙馬都尉公主 太

祖第六女母成穆孫貴妃建文中寧通語言 成

祖漢中禁事籍其家紫寧錦衣獄建文四年詔封

功臣稱寧孝子 太祖忠於國家正直無私不阿

權勢遂遭誣陷幾致殞身達孝推恩允宜褒答封

永春侯食祿一千石與世恭永樂元年又官其子

貞亮羽林前衛指揮僉事寧侍 上言及 太

祖時事 上愴然寧即勸 上誦經飯僧為 皇

考獄判 上不悅五年寧坐事下詔獄已而釋之

卒貞亮先卒宣德七年貞亮子昇乞嗣衛僉事不

允再乞亦不允十年昇又援詔言公主適孫請嗣

侯 英宗授昇衛僉事帶俸奉公主祀 四 一 漢 三 三 元

表容

表容壽州人父洪開國功官至都督容初選燕府

儀賓配永安郡主靖難時城守從征皆有功 成

祖即位進郡主為公主容駙馬都尉食祿千石永

樂元年再論功封廣平侯食祿一千五百石與世

恭凡大駕出入皆命容居守公主卒 昭皇停容

侯祿與駙馬祿一千石 宣宗即位與侯祿容端

謹謙和通敏有才智卒贈沂國公諡忠穆子順宣

德四年嗣侯孝友廉慎卒無子庶弟瑄正統元年

乞嗣 上曰容封以公主恩禎嗣以公主子瑄庶子可長陵衛指揮僉事帶俸奉公主容祀天順元年詔與瑄侯卒弟瑋成化十五年開官長陵衛卒姪輅二十二年冬乞嗣侯內批允輅言官駁議上曰詔書許子孫嗣輅容孫也輅後停嗣仍世衛僉事卒子夢弘治二年乞嗣侯不許

李讓

李讓舒城人父申留守左衛指揮同知讓燕邸儀賓靖難兵起率府兵執謝貴等取大寧戰白溝河有功署掌北平布政司事佐 昭皇居守防禦有

吳廷諸侯傳

卷下

四

五

功建文君聞之大怒欲誘致讓且有申讓不肯願其家力戰破平安兵九門建文君遂殺申沒其產并殺諸男子族居人沒其幼子婦女異姓姻屬盡謫戍邊讓聞之慟哭誓死戰益力永樂元年進駙馬都尉封富陽侯食祿千石掌北京刑部事卒贈景國公諡恭敏子茂芳八年嗣侯二十二年坐事上曰茂芳早失父不知禮停祿章冠服讀書園子監十年能改過復爵祿否且削奪為編氓是年奪券卒子與正統二年授長陵衛指揮僉事天順元年詔與伯爵卒子欽成化十五年乞嗣伯吏部言

與伯出詔恩詔無世伯文欽嗣官長陵衛

火真

火真斃輅人名火里火真居開平紫乾嶺洪武初歸附為燕山護衛千戶靖難時取大寧克真定戰白溝河馳馬突陣手斬數十人長興侯兵敗走真領騎兵每出輒有斬獲呼噪歸營敵皆憚其悍勇歷官督府僉事建文四年封同安侯食祿千五百石與世券永樂八年戰沒虜中

金忠

金忠本名也先土于元太保不花孫虜中呼為王

吳廷諸侯傳

卷下

四

五

子永樂二十一年冬 上出塞駐王莊堡也先土于率妻子種落千人來歸 上喜立封忠勇王賜姓名金忠詔諭天下與鐵券金印玉帶綺衣金幣鞍馬牢廐居第器用歲祿千石并官其部百時時侍從 仁宗即位加太子太保支二俸諭塞義曰朕嗣位文武大臣進官忠得無異恩澤亦以慰其心爾義對曰胡人降附者眾皆視朝廷待忠何如聖慮及此柔遠之道也宣德三年扈巡邊出喜峰口至會州請深入捕虜自効或言忠非我族類去必不返 上曰朕推心待人何疑於忠同此覆載

任渠去留竟與兵數子遺去數日忠俘斬首虜及畜產歸 上大喜曰忠朕之金日殫也拊其背飲之酒明年進太保忠勇悍好謀恭慎不伐感 三聖恩遇矢心竭力至死不懈

金玉

金玉未詳始所自起永樂七年以督府僉事從出塞至長秀川護輜重十八年封惠安流伯食祿八百石世指揮使

薛斌

薛斌昌平人父薛台元洪武二十一年歸附賜薛

與姓薛侯傳

卷下

單

與姓薛侯傳

斌陞燕山右護衛指揮僉事斌嗣官從靖難累功陞陞都督僉事北征功陞同知永樂十八年封永順流伯食祿九百石世指揮使十九年卒子壽童年五歲二十二年叔安順伯引見 仁宗西角門諭塞義立命壽童嗣伯賜名綬正統十四年歿于土木贈侯諡武毅子輔乞嗣吏部言斌券世指揮使綬嗣伯本特恩執不與景泰元年內批輔嗣伯成化十二年卒子勲乞嗣吏部執如初內批勲嗣伯後如券與官正德六年卒子璽乞嗣伯吏部又執如初與璽指揮使

薛貴

薛貴昌平人舊名脫火赤兄歡爲燕山護衛指揮貴以舍人有膽力從靖難脫 文皇於險累功陞都指揮使再從征胡功陞督府僉事封安順伯食祿九百石洪熙元年與世伯宣德元年進侯加祿三百石與世券卒贈濱國公諡忠勇

李賢

李賢韃靼人名丑驢故元兵部尚書洪武中歸附賜姓名李賢譯虜書燕府侍 仁宗東宮最恭慎擢紀善靖難有功陞都指揮僉事 仁宗卽位進

與姓薛侯傳

卷下

單

與姓薛侯傳

若都督年八十請老封忠勤伯食祿千一百石嘗薦種人七十通蒙古書勝國舊臣 成祖命教譯書以爲鴻臚寺丞又有把敦杭者海山人降附賜姓名吳守義從北征累功至督府僉事卒贈西和伯諡億順

吳管者

吳管者本胡種從父允誠降父封恭順伯管者屢從征有功出塞斬虜降附部落屢功陞都督洪熙元年封廣義伯食祿千石與世券宣德元年管者妻早奴求朝貢馬曹賊反廣義伯琮與兄恭順侯

瑾惟長安門上變告琮不知誰子或曰管者子或曰孫也

滕定

滕定山後人父贊住元樞密知院洪武二十二年來降授會州衛指揮僉事二十六年賜姓滕靖難功歷陞燕山右衛指揮使建文三年卒兄安嗣官明年陞大寧都指揮同知永樂四年卒定嗣官敗金吾左衛八年出塞征胡有功陞都指揮使洪熙元年陞督府僉事出塞征胡累有功宣德四年封奉化伯食祿八百石與世券五年與武進伯朱冕

金順

金順瓦剌人名阿魯哥失里永樂七年來降授大寧都指揮僉事八年從北征至威胡鎮追敗本雅失理靜虜鎮又敗阿魯台進同知洪熙元年陞僉事督府宣德三年又從巡北邊有擒虜功明年一上以順遠歸効勞動事 皇祖封順義伯食祿八百石卒子忠纔五歲優給侯長與指揮僉事

李英

李英父南哥西垂人洪武初率衆降授西寧州同知累功陞西寧衛指揮僉事英嗣官事 成祖征胡出塞有功宣德四年以擒寇清邊通使封會寧伯食祿八百石鎮守西寧七年史昭陳通構譖下詔獄 上特詔諭英父子赦其罪削爵封伯纔二年英徙武有威名既沒妻夏氏懇英功 英宗憐之官其子昶錦衣指揮同知天順元年詔錄功臣後進都指揮使累官至督府子孫世錦衣使

蔣信

蔣信故降胡也名把台從舅氏忠勇王來降歷戰塞北有功陞都督與全倖正統中封忠勇伯食祿千石土木敗降也先也先令信居其弟察罕王部下景泰初信舊部曲達官伯顏答里從皮兒馬黑麻來請和告于謙曰把台欲南歸久矣不得間每南望揮涕感國恩慙死無地謙因奏言信從虜肆惡 皇上曲全其家信或未知况因謀用間取勝之術宜令伯顏答里密諭信家人無恙令其設策破虜入寇之計或擒殺也先來歸即授王爵事露以疑虜心即成亦足彌亂 上從謙言信從 上

皇至大同大同諸將吏不肯出喜寧嗾虜殺表彬
得信告 上皇獲免信竟從 上皇歸時已停信
祿至是補給卒贈侯謚倍順

羅秉忠

羅秉忠父因即來沙河衛指揮永樂中討平肅州
叛回哈喇馬牙陞都督同知二年秉忠征阿台朵
兒功陞千戶累功陞指揮使十年調平山衛十四
年征辰沅擒苗酋韋同烈功陞都督同知天順初
陞都督成化三年充游擊征貴州有功四年封順
義流伯食祿千石十六年卒謚榮壯子珍不得嗣

和勇

和勇祖阿魯台降 文皇封和寧王父阿卜只奄
授左都督勇以父故爲錦衣指揮使正統十四年
紫荆關斬首虜功陞陞都督僉事天順元年進同
知五年充遊擊將軍征廣蠻成化元年又征廣蠻
功陞陞左都督加祿歲百石已而澤州獲叛首斬
首功多封靖安流伯食祿千一百石十年卒謚武
敏子忠自歷戰功爲錦衣指揮僉事乞嗣伯不許
得爲指揮使錦衣

李玉

李玉交河人靖難初自大寧歸附立功陞都督宣
德四年封新建伯歲祿八百石賜券世指揮使歷
官四十年典領宿衛小心敬畏質約自居

蔣廷珪

蔣廷珪未詳始所自起衛聖夫人楊氏夫也洪熙
元年封保昌伯卒謚莊靖

趙安

趙安狄道人從兄琦土指揮同知坐罪死安謫戍
甘肅永樂元年進馬除臨洮百戶使西域從北征
歷功陞指揮同知宣德二年陞都指揮同知充叅
將征松臺番散剌有功陞督府僉事五年充叅將
從史昭討曲先十年援甘肅鎮番有功正統元年
進同知充副總兵守甘肅出塞降虜捕斬有功封
會川流伯食祿千石九年卒子英爲指揮使立功
陞督府同知卒子鉉嗣官乞嗣伯不許

任禮

任禮臨漳人起燕山護卒從靖難歷戰懷來白溝
河東昌黎城順德入金川門有功陞都指揮同知
永樂庚寅甲午壬寅癸卯四從出塞征本推失理

阿魯台有功陞督府僉事洪熙元年選同知宣德元年從征漢庶人有功陞都督正統元年總兵備甘肅三年轉戰石城兒泉斬捕首虜中律封寧遠流伯食祿千二百石十二年鎮守甘肅降沙州都督喃哥等十三年與世伯景泰中守備南京成化元年卒贈侯謚僖武子壽嗣伯鎮守陝西征滿四失律論死有戍邊卒子弘乞嗣吏部言壽經兵失律脫死幸謫戍弘不得嗣伯與指揮使京衛弘治中屢乞嗣伯不許

沈清

沈清滄人世官燕山百戶靖難時累功陞指揮同知出塞征胡陞督府僉事洪熙元年充叅將守居庸關宣德初勅下御史獄從征漢庶人梟駕出大寧再進都督正統元年與太監阮安工部尚書吳中修建京師九門城樓六年以營建官殿功封修武伯食祿千一百石逾年卒謚襄榮八年子榮嗣伯沒於土木削爵景泰三年召恩子煜得嗣伯減祿三百天順初贈榮侯謚愍成化十三年煜淫於酒色奪爵十八年卒子祺嗣伯卒無子弟坊嗣伯卒子瑞初月與贍米弘治十四年吏部言修武

伯初封非軍功下廷議瑞得世指揮使瑞乞比昌寧伯趙勝孫鑑得銓錦衣衛

譚廣

譚廣丹徒人開國功爲燕山百戶從靖難起兵首縛中朝人陳榮等三十人名奸細榮等皆沉湮不可考矣戰敗齊尚書兵又戰白溝真定夾河功陞指揮使又戰敗都督韓觀兵陞大寧都指揮再從出塞征胡至九龍口先鋒破賊陞都督鎮守宣德正統元年以泉州知府蔡錫爲山東副使叅理軍機文書六年捕虜獲胡馬中律封永寧流伯食祿千石九年卒廣在鎮二十年勤儉忠勇威行胡虜恩結人心明年子亨得爲指揮使屢乞嗣伯吏部言非世券不許

陳懷

陳懷合肥人父甄開國功爲真定副千戶懷嗣官陞通州千戶正靖難從戰雄鄭洽德小河泗州渡江功歷陞都指揮僉事遼東永樂六年曰堂海口功陞使從出塞功陞都督同知未幾總兵勦松番斬捕功多陞都督正統九年總兵出古北口至虎頭山捕斬首功封平鄉流伯食祿千一百石十四

年歿土木贈侯諡忠毅子黼乞嗣吏部言懷非世
券內批懷父子三人陣沒與黼嗣伯景泰五年卒
子政乞嗣吏部執如初移兵部兵部爲請內批懷
累朝有功與政嗣伯政用兵兩廣久之自言兩廣
功多乞世伯吏部執如初內批政自陳邊功與子
信嗣伯治六年卒子俊乞嗣伯吏部執如初會
兵部議上與俊指擇俊乞嗣伯不許

馬亮

馬亮其人燕山騎卒從靖難奪九門戰密雲大寧
白溝河西水寨渡江功歷陞都指揮僉事永樂中

會州歷陞左都督正統九年流沙河斬虜獲輜
功封招遠流伯食祿千一百石十一年卒諡榮毅
子驍爲指揮使屢乞嗣伯吏部言非世券不許

楊能

楊能六合人世開平指揮使已巳之變拔爲將號
雄善戰有功陞督府同知景泰初總兵鎮宣府與
李素共事天順元年陞都督仍充總兵鎮宣府援
大同有功封武強流伯食祿千石四年卒無子父
林乞以能弟倫嗣伯吏部言武強本流伯倫得世

指揮使

石亨

石虎 曹欽

石亨渭南人方面豐軀美髯及膝從姪彪體貌亦
雄偉髯亦過膺亨嘗與彪賈酒相工遇之酒肆大
奇之曰今當平此奈何二人有封侯相亨家本軍
官伯父嚴無子亨嗣爲寬河衛指揮僉事亨不學
然識字英果壯毅善騎射有膽略提大刀輪舞如
飛每從征挺刃當先輒立功累陞都指揮使彪
亦驍勇能挽強弓善揮斧始以官舍從亨有功授
尖同衛鎮撫正統十二年亨遷都督僉事爲大同
左路將軍萬全路處亦陞至指揮使從亨平謀
四年八月王師敗績亨與總兵官楊洪等並械繫
錦未衛獄十月虜酋也先犯京城有言亨勇者
景帝出亨獄令立功贖罪亨統兵出安定門即與
虜遇挺刃單馬進左右馳突獨殺數十人彪又持
斧率親兵從之諸軍懼呼踴躍震天地虜却而
西亨等追戰城西虜復却而南亨令彪率精兵十
人誘虜南至彰義門虜見彪軍少逼之亨率衆乘
之蹂虜大潰南奔亨日夜追虜三日至清風店北
虜將出紫荊倒馬關懼我躡後亨遣謀者紿虜亨

且未至陣中將者假亨名耳虜信之來攻亨率彪與南銳數十騎奮擊大呼直貫虜陣刀斧齊下殺虜數百人虜始知亨在營亂其謀遂去亨大捷虜所掠羊馬財物盡棄解我兵虜得遁去亨既敗虜威名益震虜自是不敢復踰塞深入輒請和虜見邊人呼石亨爺爺論功亨第一封武清伯尋進封侯康太子太師總京營彪陞都督僉事爲大同左叅將諸子姪潤溟濟仁並陞千戶鎮撫司敢浸彪爲叅將虜畏之稱石王于少保請勅亨巡邊至大同召還爲團營總兵于少保忠義清直不避強禦景帝倚任之亨恃功驕橫于少保又時年正月景帝不豫亨與都督張軫都御史徐有貞內官曹吉祥蔣冕等定謀奉 上皇復辟爲飛騎于少保及王文矯取金牌勅符迎襄世子吳又口 上令內官張永等捕亨數人掌兵者矣庚辰遂囚吉祥矯稱得 皇太后懿旨曰天子疾大漸殆弗與天位久虛 上皇居南內春秋鼎盛于今八年聖德無虧天意有在人心所屬項以奸臣擅謀罔而不聞欲迎立藩王以承大統將不利于

國家亨等其率兵以迎 上皇是月壬午四更亨與軫吉祥等暨羣從子弟家兵叩南內官門請 上皇升輿從東華門入奉天殿即位侍衛都督范廣舉戰死闕下亨遂言于少保有反謀不欲立 皇上請殺于少保 上意未決亨有貞力言不殺謀今日事無名 上不得已殺諱及文陳循商輅尚書江淵俞士悅等戍邊歸田廢 景泰皇帝爲郕王亨以奪門功第一進封忠國公歲祿三千石與世券有貞封武功伯入內閣彪封定遠伯爲大同副總兵諸從弟子姪及諸義婦子孫皆以奪門功得給錦衣都指揮指揮者三十二人千戶鎮撫者二十一人其諸寔名奪門員官者四千餘人亨矜功恃寵日與吉祥出入禁廷在 上左右弄權進退文武大臣盡革邊鎮撫奪民間婦女田廬財物 彪亦益驕橫凌鎮守文武大臣御史楊瑄等聯章劾亨亨疑有貞李賢等嗾言官見 上泣訴強 上下賢有貞并都御史御史耿九疇瑄等干獄會天大變異得釋賢留有貞九疇竟逐去諸御史謫戍調除有差及賢再入閣亨亦有力賢竟不悅亨亨益干朝政乞請無忌 上亦厭亨左右

怒亨者伺隙數言亨短 上漸疑亨一日 上登

翔鳳樓見亨新第極偉麗顧問恭順侯吳瑾撫寧

伯朱永曰此何人居永謝不知瑾曰此必王府

上笑曰非也瑾頓首曰非王府誰敢僭如此 上

不應顧內臣裴當曰汝聞若言乎亨橫睨毗中傷

人莫敢告亨者 上又諭賢曰總兵官豈可無故

輒入內廷令左順門關者非宣召不得輒入總兵

又以軍官貪暴復設巡撫亨慚憤必欲 上復筆

巡撫 上不許會兵部尚書陳汝言奸賊得罪

上歎思思好箇子謙亨益不自安又知衆不容已

吳廷諱侯傳 卷下 三

薦處士吳與弼 上又諭賢左右干預奈何賢請

上獨斷 上嘗與賢論及奪門功賢曰迎駕可奪

門不可又曰郕王不諱天命人心咸屬陛下何必

奪門且內府門豈可奪奪字尤非順不可示後世

賴天靈佑助事幸成脫郕王左右先知亨輩不足

惜不審置陛下何地 上愕然又曰臣彼時極知

此舉之非亦有邀臣與謀者臣不從臣愚謂郕王

果不起率文武羣臣請陛下復位安用如此勞攘

誰功陸賈誰復敢招權納賂者 上曰善由是益

薄亨亨生于男未彌月 上見亨喜令亨負兒見

朕 上見兒又喜摩其頂曰虎兒也往善撫之朕

行與卿結姻 上意次寵亨子駙馬且探亨意亨

不喻輒對不敢不敢臣兒無福 上笑而頷之命

左右取金鎖繫兒項賜封鎖定侯亨頓首謝負出

上益疑亨彪在大同肆貪暴誣劾都御史年嵩逮

至京 上疑問賢賢乞遣官 訊果不實彪又數

侮其總兵總兵因彪嘗奏城底寧海子遂為流言

誣彪有異志 上固疑彪欲召彪還大同人又乞

彪為總兵 上遂大怒或又曰彪結死黨必欲留

據大同為亨外援 上亦疑出亨意尋進彪侯召

吳廷諱侯傳 卷下 卒

遷京侍衛亨覺 上疑令人促彪疾馳入京彪既

至會北虜人貢見彪於朝羅拜稱石王 上聞益

疑不可解天順四年二月 上密詔御史按劾即

日縛彪棄市籍其家亨逮繫錦衣獄死亨既死法

司請瘞亨尸 上念亨功欲從之問賢賢請盡法

斬首 上不肯竟瘞亨都御史寇深等素惡亨論

彪大逆收亨家籍其財產亨從孫進士後亦被收

死獨亨從姪錦衣都指揮使溟得戍彬州少子滑

鎖定侯者幼未收溟在彬累功陞指揮滑至正德

末尚游食京師亨縣人孫弘初以舉人歷肥鄉洛

其詳後傳

卷下

空

三十八

陽令歷陞太僕寺丞少卿以迎駕功陞工部右侍郎亨再薦弘爲尚書上陞吏部左侍郎曰再陞當爲尚書亨曰即尚書何不可何再陞耐煩邪亨既以宏亦罷爲大理通判亨相家直輒軒豁無械巧爲馬昂爲兵部尚書又力薦賢有貞入內閣已還亨與賢實大恨亨亨曰重親賢賢日見上親賢威之震主不知譴補竟及於難五年七月朔亨前乃其姪昭武伯欽反言亨功與我同亨死我安得不反吉祥欽並伏誅吉祥不知其始所以進有奪門功與國政欽以故封昭武伯暨兄弟子姪皆冒武官吉祥不通文墨恐事歸司禮監稍附內閣有貞賢籠絡行已意至薦文武臣餘輒受金錢引用非人內閣或相左不能盡如吉祥意遂積不平會御史楊瑄劾吉祥罪狀上善瑄等言吉祥在旁初甚慚懼已見上寬不問即請罪瑄等上未許亨謂吉祥曰今在內惟公在外惟我彼陷我二人者意叵測吉祥初亦惡亨不相下每許其短至是遂相結合訴上內閣專權與言官應和上不得已下有貞等獄又逐岳正積戚市恩漸有異志吉祥嘗率番將往雲南福建殺賊

其詳後傳

卷下

空

三十八

冒功因收爲牙爪奪門時竄姓名陞大官爲將校亨敗盡革諸冒功者吉祥又出虎諸番將上積聞吉祥凶橫稍裁抑疎吉祥益懷逆謀益決會兵部尚書馬昂懷寧伯孫鏜出師西征欽約兄都督鐸從兄都督鐸弟都指揮鉉早朝殺昂等奪其兵入內爲亂推其黨點爲謀主吉祥誘禁兵爲內援故所結番將都督伯顏也先等數十人各以番兵從是日夜漏二鼓恭順伯及都指揮完者亮諸長安門告變上令臺石塞諸禁門召中官急召吉祥四鼓賊兵合番漢五百騎直抵禁城殺錦衣指揮邊泉擊賢傷首并執吏部王尚書東朝郎鐸帥數騎西救左都御史寇深斬傷廣寧侯劉安欽縱火焚東西皇城門適大雨火滅比明詔會昌侯孫繼宗統諸兵討賊鏜先登力戰諸將分道逆擊昂以精兵殿欽退中東安門鏜以衆接戰自辰至午敗鏜斬之欽中流矢創甚還駐東大街相拒至酉鏜以百餘騎往來馳突我師環結不動自相枕結鏜斬先潰者狗師督戰益急追斬鏜欽懼令百餘騎還攻朝陽門出奔不克諸軍進薄大破其衆鐸爲亂兵所殺欽匿其家皆井中伯顏也先等

絕城遁遣兵追之皆獲是晚 上御午門朝百官
下吉祥伯顏也先等御史獄伏誅仍棄鐸市礫欽
尾靖其家賞將士餘黨並落職流徙南明山下詔
暴欽罪

楊善

楊善大興人學增廣生靖難時守城力爲引禮舍
人歷官鴻臚卿陞禮部侍郎掌鴻臚事 英宗
北征還改副都御史虜至守城功陞右都御史仍
掌鴻臚時通政司參議王復陞禮部侍郎中書
人趙榮陞鴻臚卿往使虜不答已而禮部侍郎李

吳桂賢傳 卷下

堂

三十五

實大理少卿羅綺指揮馬欽再使實反覆辨析虜
悔調許送 上皇還京景泰元年七月善及侍郎
趙 使竟奉迎 上皇歸陞左都御史天順元年
李 功封興濟伯食祿千二百石與世榮卒贈侯
忠敏子宗二年嗣伯成化元年奪奪門功官爵
宗寄祿錦衣爲指揮同知宗累乞嗣伯不允徐有
貞亦以奪門功封武功伯入內閣

張觀

張觀

張觀忠武王第三子以功臣子累戰功爲中軍右
都督奪門功封文安伯食祿千二百石與世榮石

亨誅盡奪奪門封觀以勲戚故得不奪天順六年
卒贈侯諡忠僖子斌嗣伯坐詛呪論死宥閑住斌
子羽乞恩得指揮使寄祿錦衣衛奪券輒以勲戚
入宿衛永樂末稍有軍功陞錦衣衛指揮僉事洪
熙元年進同知宣德元年從征漢庶人正統元年
征虜有功陞指揮使又陞都指揮僉事十一年驟
陞督府僉事充副總兵征貴州景泰元年陞右都
督與石亨曹吉祥厚善天順元年以奪門功封太
平侯食祿二千石卒贈裕國公諡勇襄子瑾二年
嗣侯成化元年革奪門功與瑾指揮使寄祿錦衣

李 衛 奪 世 榮 瑾 卒 子 淳 弘 治 五 年 乞 嗣 侯 不 允

卷下

四

三十五

董興

董興未詳何許人其封海寧伯亦未詳功所自起
天順元年封二年爲遼東總兵與曹吉祥家爲姻
戚交結在遼東不能禦虜顧益科刻卒伍又比昵
都指揮夏霖上下爲奸利巡撫程信屢裁抑興伍
年曹賊反誅興坐流廣西成化元年停伯不得嗣

李文

李文不知何許人未詳其所自起爲陝西都指揮
督練西寧土兵封高陽伯天順四年秋虜宇來大

舉入寇自大同威遠西擁衆南侵文按兵不動虜遂直抵鴈門代朔忻掠人畜無算烽火達於京師郊甸大驚棄家走入京城莫能止急遣顏彪馮宗出兵駐紫荊倒馬二關虜退復至移二軍鴈門文竟不能截虜後文本流伯

趙勝

趙勝遷安人宣德中世官景泰元年累功陞都指揮僉事天順五年討曹賊功陞督府同知已而充叅將出固原捕虜有功成化四年陞都督充總兵官鎮遼東七年捕斬朵顏有功召還十二年修京城加太子太保三千管總兵十九年封昌寧流伯食祿千石又明年加太保卒贈侯諡壯敏子先卒弘治元年孫鑑乞嗣伯吏部言昌寧初封流伯鑑嗣世指揮使銓錦衣

興莊舊傳

卷下

卷下

李震

李震南陽人父謙督府僉事震嗣指揮使正統中征兀良哈木麓川香爐山榜嶺寨功歷陞督府僉事天順四年充總兵官征武岡黎平賊五年進攻兩廣貴州蠻陞同知成化元年還兵湖廣征荆襄賊功歷陞左都督十一年清水江斬捕功多封興

寧流伯食祿千石十四年革爵閑住震鎮湖廣時與叅將吳經有隙經弟綬從汪直刺事欲甘心震適有道人以黃白術得罪即附會震告遣道人私習識諱且有反語遣人籍逮之途遇直震呼冤言一介武夫蒙恩爵父子富貴已極更欲何爲此仇家經所爲直不聽下震錦衣獄鞫問無驗得不死二十年復伯爵乞誥券不許子昂不得嗣

神英

神英京師人高祖保立功洪武時爲大同指揮僉事父傑雲南功進指揮使陞陝西都指揮天順初英嗣指揮使延安衛驍勇敢戰先登累有斬虜功成化弘治間充總兵官守寧夏延綏宣府大同歷四鎮累官署都督正德五年給事中歐陽劾英年老不任金革致仕是年賂瑾金寶萬計矯旨英居官五十餘年有戰功欲封英爵下兵部議尚書曹元阿瑾即稱英功傳會盡錄上英前後首功中律瑾又欲籍衆口下廷臣再議莫敢異同是年四月封英涇陽伯食祿八百石與世券數月瑾敗言官交章劾英奪爵繳誥券爲右都督時有張富保定新城人少力耕自給弟永太監正德時與劉瑾導

上非幾得倖用事大臣請誅八黨者有永名永初
與瑾好相結左右富得爲錦衣指揮使已而瑾勢
盛益橫永不能堪正德五年安化王寘鐸反寧夏
永督軍與楊一清西討兵未至仇鉞等已擒諸反
者班師還京入見 上發瑾罪狀誅瑾遂論功封
富泰安伯永弟容安定伯並食祿千石與世券時
容已爲錦衣都指揮僉事矣嘉靖初詔盡革正德
間傳陞乞陞冒陞者官爵永出奉康陵富容並革
爵奪券與容都督富錦衣指揮使已而霍韜又論
容賄一清坐罪減級安化之後永嘗一校戰倭幸
封者六人武德未詳始所以進爲義兒冒國姓封
永壽伯太監谷大用兄大寬高平伯馬永成兄山
平京伯魏彬弟英鎮安伯並食祿千石與世券大
用弟大亮又以平流賊功冒封永清伯五人者皆
已官錦衣指揮封一詔盡勒罷奪券英獨以彬在
得爲都督同知又有江彬蔚州衛指揮使驍勇校
險狠忍不可測正德七年從宣府總兵官張俊征
流賊山東善戰頗有功班師入京賂錢寧引入豹
房得見 上彬機警善迎人意 上喜留侍左右
時出奸謀蠱惑陞左都督冒國姓爲義兒時時在

上前講說兵事因請盡調遼東宣府大同延綏四
鎮精兵入京雜引入大內操演死外四家又周
上振耀國威創西官廳爲提督十一年益樹奸黨
乘 上喜時妄言萬全都指揮李璋陝西都指揮
神周勇略得召入豹房侍 上琮周亦冒國姓爲
義兒十二年諺 上至宣府大起官殿號家裏迷
留朝廷明年始回鑾封彬平虜伯琮周皆都督彬
子勳錦衣都指揮是年導 上又出宣府至大同
至偏頭關至榆林至山西索金壁裘馬數十萬矯
令邊官各獻虎豹大馬逼金錢又萬萬計縛虜官
吏縱放死囚強奪民婦女無忌憚十四年又導
上幸山東至太山下江淮百官伏闕諫矯旨杖殺
員外郎陸震等餘編氓士伍削籍謫降朝士忠梗
者驅逐一空是年彬子杰勲然錦衣都指揮會寧
庶人反彬欲盡斂江南財導 上親征百官不敢
諫率諸兇徒官校四出南抵蘇杭西至武昌劫脅
吏民金錢萬萬計至邳州縛知州高巖詔獄幾死
至南京專事豪蔽題奏一百三十六封皆虜報獄
詞大事一切廢閣不上十五年宸濠縛至南京百
官跪行宮請 上回鑾矯旨叱辱大臣梁儲王憲

百官班退彬知權重勢逼恐禍至謀不軌盡飲南京諸城門鎖鑰中府經歷楊美瑣執不與彬誣美瑣賍縛下刑部獄八月十五日訪上遊牛首山三宿不返禁衛兵夜無敢大呼起彬懼不敢還尋奉駕還至通州逆謀益急盡召諸文武大臣至通州惶懼不敢發比上入京竟不豫以豹舁崩大學士楊廷和計擒彬并琮周俊等歸其家時又有許太者起指揮號勇通文義爲遊擊將軍征流賊河南山東淮沛間有功陞都督冒國姓爲義兒從上巡邊矯斬虜功封安邊伯太頗知法度不異姑請從傳

卷下

敢挾威福肆毒以故得不誅謫戍邊

張昶

張昶永城人父麟洪武二十年以女爲燕世子妃授兵馬副指揮食俸京師二十八年從世子還北平三十二年冬昶從文皇靖難戰永平大寧有功至鄭村壩遇齊尚書兵大敗先登陞義勇中衛指揮同知建文四年與內臣瑋東援薊州還又從梁銘戰沈都司兵白河上陷陣斬首有功陞都指揮永樂中調金吾再調錦衣旗手二十二年妃正位中宮陞昶左都督洪熙元年封彭城伯食祿千

五百石與世券贈顯彭城侯諡恭靖宣宗奉

母后謁二陵昶兄弟從太后特召見行宮諭令

謹飭保家祚宣宗厚母家禮昶兄弟正統三年

卒子輔病廢孫瑄嗣伯成化十六年卒子信嗣伯

正德三年卒子欽嗣伯嘉靖八年釐恩澤侯惟彭

城惠安以軍功半得世嗣如故十六年卒明年子

勳嗣伯昶家本謹厚又孝誠昭皇后有功德

仁宗在東官非孝誠禍且不測宣德正統間天

下治平皆昭皇后力也以故其恩澤兩封至今

傳世

身姓請從傳

卷下

張昇

主

張昇昶弟靖難時以舍人守北平有功陞義勇中衛正千戶永樂三年陞指揮僉事十二年從上出塞至忽剌忽失溫遇虜有戰功稍進官二十二年冬陞都督同知明年陞左都督正統五年秋封惠安伯食祿千一百石與世券六年卒子軾爲典寶先卒孫琮嗣伯成化三年卒無子弟瑛嗣伯無子庶兄瓚嗣伯弘治六年卒子偉嗣伯正德中爲總兵征流賊失律下獄論死會赦得釋嘉靖初復爲京營總兵十四年卒贈侯太傅諡靖襄子銅嗣

伯二十二年坐郭助姻黨下詔獄未減得出

孫忠

孫忠字子敬鄒平人初名愚貢入太學歷介休永城主簿率人供役天壽山陞鴻臚序班宣德初以女配宣宗賜名忠陞督府僉事又明年封會昌伯食祿千石與世券忠長厚好施年八十五卒贈侯謚康靖五子長繼宗次紹宗顯宗繼宗皆都指揮純宗錦衣僉事孫十人皆錦衣千戶顯宗稍驕橫忠不喜景泰三年繼宗嗣伯英宗復辟進繼宗侯加祿二百石與世券逾年贈忠安國公改謚

異姓諸侯傳

卷下

三

三

恭憲已而革奪門功繼宗家子弟蒼頭冒功得官者二十餘人疏謝罪辭免英宗念繼宗母家革諸蒼頭官官諸子弟如故五年總兵討曹賊加太保第顯宗蒼頭坐法繼宗為請上不悅繼宗頓首以母九十老為辭上終不允一日諭輔臣曰祖宗來外戚不得預政今繼宗得典兵太后猶悔李賢對曰孫侯醇謹無他腸後更不可為例耳成化元年又革奪門官傳旨繼宗出特恩如故卒贈鄭國公謚榮襄子通錦衣指揮使先卒十六

年璉子鎮嗣侯避先帝諱改名銘正德十五年卒明年子果嗣侯嘉靖初坐營八年以安昌伯故盡革外戚恩澤封十六年果卒子應乾不得嗣

吳安

吳安丹徒人父彥名有女入宮洪熙初召彥名子忠為錦衣百戶宣德三年卒安以忠弟嗣官正統十四年十二月陞忠府軍前衛指揮使是月景帝尊生母為皇太后詔天下太后即彥名女也太監興安傳旨改安錦衣衛景泰四年陞左都督前府安弟信陞南京前軍都督七年太監王誠

異姓諸侯傳

卷下

三

三

傳旨封安安平伯食祿千石天順元年太后復為貴妃安削爵

錢承宗

錢承宗海州人五世祖整從靖難克懷來大寧鄭村壩功陞燕山右護衛副千戶老子通嗣官白溝河滄州漚河功陞指揮使老子貴嗣官從文皇北征宣德十年陞都指揮僉事正統七年唐皇后恩陞中軍都督同知卒子欽嗣錦衣帶俸指揮使正統十四年欽與弟鍾北征沒於土木欽無子鍾子雄天順元年陞都指揮使成化二年累陞後

府都督同知成化十五年卒承宗幼陞都指揮使錦衣帶俸優給弘治二年比王源乞恩封安昌伯食祿千石與世券嘉靖四年卒謚榮僖明年子維圻嗣伯是年卒弟維垣乞嗣伯吏部請與維垣錦衣帶俸指揮使如欽官今皇帝制曰可已而維垣又乞嗣伯制曰外戚無功坐享重職非古帝王報功之典朕甚不取廷臣屢建議受國重名器也下會九卿言官議議上今皇帝曰戚里濫膺重爵名器既輕人不知勸維垣停伯不得嗣著爲令

周壽

異姓諸侯傳

卷下

三

卷六十五

周壽昌平人父能孝肅太后父也太初初入

宮侍英宗爲貴嬪冊爲貴妃生太子天順元

年授錦衣正千戶卒子壽嗣官八年陞左府都督

僉事憲宗卽位尊貴妃爲皇太后陞壽督府

同知成化三年封慶雲伯食祿千石與世券贈能

慶雲侯十七年進壽侯加祿二百石是年加贈能

寧國公謚榮靖弘治元年加壽大保祿一百石正

德二年卒贈宣國公謚恭和又明年子瑛嗣侯壽

第或初以恩授錦衣正千戶成化三年陞指揮使

十七年傳陞都督同知二十一年封長寧伯食祿

千石與世券弘治元年加祿百石正德三年卒明年干塘嗣伯十四年卒子大經嗣

王源

王源上元人父鎮孝貞皇后父也天順六年爲中府都督同知成化二十年源以嗣都督封瑞安伯食祿千石與世券弘治元年增祿五年進侯又增祿與世券加贈鎮阜國公謚康穆十年源弟清以都督同知封崇善伯食祿千石與世券十六年加源太保又明年加太傅又增祿正德二年源弟濬以左都督封安仁伯食祿如清是年濬卒子桓嗣伯十三年又增源祿嘉靖三年卒贈太師謚榮靖子橋嗣伯

張密

張密興濟人孝康皇后父也成化中皇后爲

東宮妃授密鴻臚卿弘治三年陞督府同知是年

冬封壽寧伯食祿千石與世券五年立東宮密

得進侯加祿二百石是秋卒贈太保昌國公謚莊

肅密本儒家從兄岐舉進士爲按察副使以戚恩

召入臺爲食都御史言官交劾岐岐亦有吏才密

子鶴齡是年嗣侯十六年秋太監李榮傳旨加太

保增歲祿正德中進太傅嘉靖二年三月加太師又加祿三百石是秋以定策功進封昌國公鶴齡第延齡弘治八年以都督同知封建昌伯食祿千石與世券十六年進侯加太保祿六百石嘉靖初加太傅祿一百石嘉靖八年盡革外戚封不得世嗣二張亦在革中未幾小張坐法并大張逮獄幾滅族矣自古外戚貴盛莫如西漢憐禍亦莫如西漢如衛青以奴產子數年父子四封侯又二十四年子孫遂無噍類然竊漢龜鼎者竟外戚也我朝

興姓諸侯傳

卷下

七

元

徐王歲時祀仁孝徐后中山王長女本功臣家無封爵其餘官止都督至稱舅氏有封爵外戚封不俟繼世寔始於泰陵泰陵時二張甚橫時時入禁中內臣何文鼎素忠直二張窺御帷文鼎持大瓜箠之幾死泰陵亦不罪文鼎當是時二張奪民田廬請官寺舍又豪奴姻親凌官府纂獄囚莫敢詰金玉積如山不厭市津龍斷往往皆二張人揚州府同知葉元嘗辱張儻人元至京羣僚入吏部撲元尚書馬文昇護元得免言官時論劾朝廷亦不問近世外戚莫橫於二張至正德時稍稍輟

欽乃嘉靖以來益跋扈自謹大張雖以定策功封公然亦不敢視邵將務謙退自保尚書胡世寧上言宜保全外戚不宜使後世謂外戚封公自陛下始顧二張內倚昭聖外多瑕隙嗜利之人奔走其門生長短朝廷頗疑二張奸徒劉東山遂奏二張有逆謀朝廷遂次意考問薄昭故事旨會法司多官譴斥亦恐傷太后意又其事無踪跡且皆先朝事奏從未減上不喜延齡坐斬鶴齡與京師衣指揮閑住延齡又有詞刑書聶賢等稍爲開釋上怒停書俸一年司官下詔獄錦衣都指

興姓諸侯傳

卷下

七

元

揮佐力爲推鞠反坐東山等重罪下法司唐龍王廷相屠僑等言東山情罪深重竟荷校死鶴齡子宗設延齡子宗儉調南京盡沒賜產延齡繫御史獄嘉靖二十五年死於西市

邵喜

邵喜母化人寓杭州父林孝惠太后父也太后初入宮爲貴妃生獻皇帝及歧雍二王喜歷陞錦衣指揮使嘉靖初尊貴妃爲皇太后封喜昌化伯食祿千石與世券明年卒謚榮和子惠嗣伯五年卒無子族人爭嗣今皇帝下吏部議又令

郭勛張璠方獻夫胡世寧李承勛議世寧言 皇上必欲邵氏嗣封蓋推 皇考獻皇帝之所自出于 孝惠皇太后又推 皇太后之所自出于其父母邵林楊氏而欲榮富其子孫也不幸林子孫皆絕今爭襲者乃其旁枝非林子孫其不當嗣明矣臣恐賜彼一代之爵而或亂彼百代之宗誤我皇上明倫之智達孝之仁可不慎乎臣觀江南蘇松諸郡浙江諸省未見有侯伯世嗣者喜封伯未逾年遂卒傳其子蕙僅再世而遂絕輔陞指揮弟弼即天玳三子長次二人皆以疾廢其不幸門祚之薄如此蓋亦地氣使然故臣愚以為與之嗣伯則宜考覈倫序若濫及旁枝誤及異姓彼第曰第彼姪曰姪 太后兄弟不得以之為子父母不得以之為孫他人富貴而本親告絕幽明之間各生嫌隙生者不得安其養死者不得歆其祀况門祚薄而福蔭隆恐非邵氏之利莫若停其封爵量與恩澤陸卑流遠乃久長之福七年春 上特令杰嗣伯八年革外戚封停嗣

蔣翰

蔣翰其先徐州人尺籍隸京師父教以 獻皇后

家授兵馬指揮從之安陸老無子以輪為後嘉靖元年輪以錦衣指揮僉事封玉田伯食祿子石與世券羣從山錦衣指揮同知壽僉事太正千戶四年輪卒贈太保諡榮僖明年子榮初為奉祀顯陵嗣伯榮弟華為奉祀今為都督守顯陵

夏儒

夏儒上元人 毅皇后父也始以錦衣指揮使陞都督同知正德二年封慶陽伯食祿千石與世券十年卒子臣十六年嗣伯嘉靖二年加太子太保卒八年停嗣

陳萬言

陳萬言元城人 孝潔皇后父也初為諸生頗解科舉文字嘉靖元年立 中宮以萬言為鴻臚卿陞都督同知二年封太和伯食祿千石與世券其子紹祖尚寶司丞八年盡革外戚封十四年萬言卒太和伯不得嗣萬言孫書乞恩得錦衣都指揮同知帶俸

崔元

崔元代州人尚 憲宗女永康公主為駙馬都尉嘉靖初以奉迎軍駕封京山侯食祿千五百石與

世恭已而坐張皇親事下詔獄得釋元好交文士
流聲譽 上喜元寵得與內閣大臣及郭勛朱
希忠並召見燕語元得乘間發助奸惡助坐死元
弟允嘉靖二年進士官至按察副使元卒其子不
肖盡破其家死

方鏡

方欽江寧人 孝烈皇后父也嘉靖九年十一月
皇后選入掖庭充九嬪明年二月陞鏡錦末署鎮
撫八月 上諭兵部朕慎選淑女為嬪御用廣嗣
續九嬪之父授署職似於人情有未盡鏡可與錦

異姓討侯傳

卷六

十九

嘉靖九年十一月

衣正千戶十三年正月 皇后正位中宮 止諭
兵部陞鏡衛都指揮使十八年二月隨幸承天至
衛輝陞鏡後府左都督十九年正月封安平伯食
祿一千石二十一年二月勅吏兵二部朕恭奉
皇妣慈孝獻皇后凡延痛憶遺音周足三期實成
朕孝后妃列御宜加恩遇鏡進封侯二十五年二
月卒五月子承裕嗣伯三十三年十一月加太子
太保

陶仲文

陶仲文湖廣黃岡人初以吏員為遼東海州衛大

使嘉靖十七年九年滿陞正九品守選會 上求
方士有薦仲文者得召入見一歲屢遷至神霄保
國宮教高士未幾進神霄保國弘烈宣教振法通
真忠孝兼一真人領道教事總各宮觀住持知道
錄事食正二品儀舉加少保總督內書又加少傅
餘著衣食正一品儀舉進少師少傅兼少保禮部
尚書祿膺云知道錄事若故我朝開國靖難勳
戚內閣五楊吏宰三王皆未有兼總三孤者仲文
獨以真人躋宗伯領三孤云舉又改神霄紫府闡
範保國弘烈云知道錄事少師少傅兼少保禮
部尚書若故勳階特進光祿大夫柱國又兼支大
學士修尋進文伯俸二十九年四月召吏部尚書
夏邦謨至迎和門授勅禮部尚書兼真人陶仲文
禱雨濟旱力贊于欽特封為恭誠伯賜詔歲祿一
千二百石八月內降歲加祿米一百石仲文疏辭
上曰卿祝釐保國禱祈雨暘景崇効職若鞠獄非
卿職也果專恭太上靈誠玄修雖數爵亦未克酬
今以平獄謝似非宜且准辭

皇明異姓諸侯傳下終

千履進校

孫心材重校

皇明直文淵閣諸臣表序

明興設中書省韓魏二國公以太師太傅兼左右丞相汪胡繼之不得領三公黨獄起死徙數萬人遂詔天下罷中書丞相而以五府九卿分理庶務監察御史許士廉請復三公府

高皇帝不聽然藍玉以涼國公尚領大將軍當時翰林春坊官看詳諸司奏啓署翰林院兼平駁

諸司文章事某官其雖殿閣大學士如宋訥吳伯宗皆侍左右備顧問不得平章國事如丞相

成祖省公孤而召解籍黃淮胡廣楊榮楊士奇胡

三十一

三百五十九

儼金幼孜七人直文淵閣內閣之預機務也自

建文四年始也閣中有文淵閣印印文獨異諸司凡封進詔草登答章疏用之不得下諸司即

下諸司以翰林院印諸司欲上內閣亦稱翰林院翰林院之入內閣也自解始也已而解出爲

交趾參議胡爲祭酒文簡下詔獄文穆早卒楊金三公事長陵二十三年官不過五品獻

陳復設公孤西楊始加少保內閣之登三孤也自西楊始也東楊以楡木川有大功特置大學

士謹身殿謹身殿之有大學士也自東楊始也

景奉時乃有孤卿入內閣者蓋自王文始也先

朝宣宗六年內閣元卿歷二三十年亦不得領

中書省四閣之領中書省也亦自文始也宣宗

教選至領五官徐有貞以武功伯兼大學士自

署掌文淵閣事益無謂矣有貞後二十八惟萬

丘以卿孤入內閣餘皆修撰贊善通泰少卿少

詹事侍郎自焦芳至於今非孤卿則六卿惟署

鑒以待郎兼學士以故內閣職業重於中書

體統尊於三公府省府之名雖廢而內閣之

益隆矣先是內閣亦外調宣德中陳山張瑄以

于請諸司出山教小內使書瑄爲南京禮部尚書景泰中亦出江淵爲工部尚書不獨解與胡也其入內閣也亦未必盡出翰林也西楊齊府審理也文簡中書舍人也文靖戶科給事中中文清監察御史也文達吏部主事也近日丹徒永嘉安仁南海貴溪亦中書舍人主事給事中

五文淵閣諸臣表序

二

文經武緯內戢外寧四十餘年號稱平治 昭
后既崩 裕陵親政一時五相才器尋常權歸
奄振國社彙擢景泰諸臣因人碌碌強者恣睢
弱者輟默或陰主邪謀或曲從密旨 儲官易
位官貨紛然天順復辟誅竄削逐臺閣一空自
是輔臣乍進乍退恩數輕微至有幾頭詔獄荷
戟邊隅者南陽既斥復留最專且久造膝陳謀
露章抗論六卿得人萬幾無叢成化間文憲文
毅事關綱常扣關力諫時值倭幸請劍行誅弘
治初年大奸距脫海內欣然宜興洛陽端靖寬
以是民爲富兵以薄伐爲威刑以緩死爲恩在
以舉進爲耻可謂與民休息培植元氣者矣正
德初逆瑾用事盡逐方正大臣芳宇本衣冠之
盜削跡禁屠數年間濁亂天下新都守正應變
未協
京闈而救時之功登於焉鉉矣

今皇帝龍飛虎變獨秉乾綱輔臣仰承休德夙夜
匪暇皆能責節絲綸典制禮樂豈非庸老之遇
賢於夢卜都俞之風幾於獻替乎茲表直文淵
閣者凡若干人擇其尤者入名臣記餘皆略次
其行事以備覽考云爾

嘉靖丙寅七月既望鄭曉識

皇明直文淵閣諸臣表

吾學編第七十

海國圖志

姓名 初官 終官 改官 遷請 贈諡

斌祖文皇帝洪武三十五年即建文四年六月己巳即位

解縉 翰林侍詔 翰林學士 廣西來議 諡獻

黃淮 翰林編修 翰林學士 諡獻

胡濙 翰林修撰 翰林學士 諡獻

楊士奇 翰林修撰 翰林學士 諡獻

金幼孜 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

楊士奇 翰林修撰 翰林學士 諡獻

宣統章皇帝洪熙元年六月庚戌即位

楊士奇 翰林修撰 翰林學士 諡獻

楊士奇 翰林修撰 翰林學士 諡獻

金幼孜 卒官 致仕 文簡

黃淮 卒官 致仕 文簡

楊溥 卒官 致仕 文簡

張瑄 卒官 致仕 文簡

陳山 卒官 致仕 文簡

英宗睿皇帝宣德十年正月癸未即位

楊士奇 卒官 致仕 文簡

楊榮 卒官 致仕 文簡

楊溥 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

楊士奇 卒官 致仕 文簡

| | | |
|------------------|----|------|
| 劉健 | 致仕 | 太師文靖 |
| 李東陽 | 致仕 | 太師文正 |
| 謝遷 | 致仕 | |
| 焦芳 | 致仕 | 削籍 |
| 王鏊 | 致仕 | 太傅文裕 |
| 楊廷和 | 致仕 | |
| 劉宇 | 致仕 | 削籍 |
| 曹元 | 致仕 | 削籍 |
| 劉忠 | 致仕 | 太傅文肅 |
| 梁儲 | 致仕 | |
| 新賁 | 致仕 | 太傅文僊 |
| 楊一清 | 致仕 | |
| 蔣冕 | 致仕 | |
| 楊廷和 | 致仕 | |
| 毛紀 | 致仕 | |
| 費宏 | 致仕 | |
| 世宗肅皇帝正德十六年四月癸卯即位 | | |
| 楊廷和 | 致仕 | 削籍 |
| 梁儲 | 致仕 | 太師文康 |

| | | |
|-----|----|------|
| 蔣冕 | 致仕 | 後贈少師 |
| 毛紀 | 致仕 | 太師文憲 |
| 費宏 | 致仕 | |
| 表宗皐 | 卒 | 太師文憲 |
| 石琚 | 致仕 | 太師文憲 |
| 賈詠 | 致仕 | 太師文憲 |
| 楊一清 | 致仕 | 太師文憲 |
| 席青 | 卒 | 太師文憲 |
| 張璠 | 致仕 | 太師文憲 |
| 張璠 | 致仕 | 太師文憲 |
| 桂芳 | 致仕 | 太師文憲 |
| 張孚敬 | 致仕 | 太師文憲 |
| 方獻夫 | 致仕 | 太師文憲 |
| 李時 | 致仕 | 太師文憲 |
| 張孚敬 | 致仕 | 太師文憲 |
| 費宏 | 致仕 | 太師文憲 |
| 夏言 | 致仕 | 太師文憲 |
| 顧鼎臣 | 致仕 | 太師文憲 |
| 崔鑒 | 致仕 | 太師文憲 |

于慎行

葉向高

李廷機

吳道南

方從哲

光宗

朱延禧

韓爌

劉一燾

朱國祚

沈淮

孫如游

今上皇帝

崇禎元年

月

葉向高

史繼偕

韓爌

劉一燾

朱國祚

何深秀

即位

皇明閣臣附錄

海鹽鄭曉

庚申洪武元年正月乙亥

太祖高皇帝卽皇帝位改國號曰大明政中書省左右相國爲左右丞相左右丞各一人叅知政事二人以宣國公左相國李善長爲左丞相葉少師統六部事

庚申洪武二年召山西叅政楊憲爲右丞陝西叅政汪廣洋爲左丞十一月進封李善長爲韓國公加太師封汪廣洋護軍忠勤伯尋殺憲

附錄

又

二百九十二李文

癸卯洪武四年正月太師左丞相韓國公李善長致仕以汪廣洋爲右丞相胡惟庸爲左丞

癸卯洪武六年正月出汪廣洋爲廣東叅政七月以胡惟庸爲右丞相

丁卯洪武十年五月令太師韓國公李善長曹國公李文忠共議軍國重事總中書省都督府御史臺

是年召汪廣洋復爲左丞相

卒

庚申洪武十三年正月殺右丞相胡惟庸詔罷中書

省官陞六部尚書爲正二品不隸中書省分大都督府爲五軍都督府二十八年上坐奉天門勅文武羣臣自古三公論道六卿分職自秦始置丞相而亡漢唐宋因之雖有賢相然多小人專權亂政我朝能相設五府六部都察院通政司大理寺分理天下庶務彼此顛倒不敢相壓事皆朝廷總之所以爲天下計君並不許立丞相臣下敢有奏請設立者文武羣臣卽時劾奏處以重刑

二百九十九文

皇明直文淵閣表

海鹽鄭曉

壬洪武三十五年六月己巳

成祖文皇帝卽位七月初建內閣以翰林待詔解縉爲侍讀中書舍人黃淮編修修撰胡廣侍講編修楊榮修撰王府審理副楊士奇編修戶科給事中金幼孜祠城知縣胡儼檢討並直文淵閣十一月進解縉侍讀學士胡廣黃淮胡儼侍讀楊榮楊士奇金幼孜侍講

癸永樂元年

十一
永樂二年四月進解縉翰林學士兼右春坊大學士黃淮胡廣左右庶子胡儼楊榮左右諭德楊士奇左中允兼侍讀侍講九月出胡儼爲國子祭酒

乙永樂三年

丙永樂四年三月出解縉爲廣西叅議

丁永樂五年十一月進胡廣翰林學士兼左春坊大學士黃淮右春坊大學士楊榮右庶子楊士奇金幼孜左右諭德仍兼侍讀侍講

戊永樂六年六月楊榮憂去

己永樂七年正月楊榮起復

庚永樂八年

辛永樂九年

壬永樂十年

癸永樂十一年

甲永樂十二年閏九月黃淮楊士奇繫錦衣獄尋釋士奇

乙永樂十三年

丙永樂十四年四月進胡廣文淵閣大學士兼左

春坊大學士楊榮金幼孜翰林學士兼庶子諭德

丁永樂十五年二月楊士奇爲翰林學士兼諭德

戊永樂十六年五月胡廣卒

己永樂十七年

庚永樂十八年正月進楊榮金幼孜並文淵閣大學士兼翰林學士

辛永樂十九年正月改楊士奇爲左春坊大學士

壬永樂二十年九月楊士奇繫錦衣獄尋釋之

癸永樂二十一年

甲永樂二十二年八月丁巳

仁宗昭皇帝卽位是月進楊士奇爲禮部左侍郎

兼華蓋殿大學士楊榮太常卿金幼孜戶部右侍郎並兼文淵閣大學士釋黃淮以爲通政使兼武英殿大學士

英殿大學士

九月加楊士奇少保楊榮太子少傅兼謹身殿大學士金幼孜太子少保兼武英殿大學士

十一月進士奇少傅

十二月進楊榮工部尚書

乙洪熙元年正月進楊士奇兵部尚書

六月庚戌

宣宗章皇帝即位閏七月太常卿兼翰林學士楊

直文淵閣

內閣辦事

宣德元年正月金幼孜憂去尋起復以張瑄爲禮部左侍郎兼華蓋殿大學士內閣辦事

宣德二年二月以陳山爲戶部尚書兼謹身殿大學士內閣辦事進張瑄爲禮部尚書

八月黃淮致仕

宣德三年

宣德四年十月出張瑄爲南京禮部尚書陳山

教小內使書是年楊溥憂去尋起復直弘文閣

宣德五年四月進楊榮少傅

宣德六年十二月金幼孜卒

宣德七年

宣德八年

宣德九年八月進楊溥禮部尚書

九月張瑄仍內閣辦事

宣德十年正月癸未

英宗睿皇帝即位是年楊溥仍直文淵閣

正統元年九月張瑄卒

正統二年

正統三年四月進楊士奇楊榮並少師楊溥少

武英殿大學士

正統四年

正統五年二月以翰林侍講學士馬愉侍講曹

德並內閣辦事

七月少師工部尚書兼謹身殿大學士楊榮卒

正統六年

正統七年

正統八年

正統九年正月進曹瑄翰林學士

三月少師工部尚書兼華蓋殿大學士楊士奇卒

四月以翰林學士陳循內閣辦事

乙丑正統十年十月進曹鶴吏部左侍郎陳循戶部右侍郎馬愉禮部右侍郎並兼學士以侍講學士苗衷爲兵部右侍郎侍講學士高穀爲工部右侍郎兼侍講學士並內閣辦事

丙寅正統十一年七月少師禮部尚書兼武英殿大學士楊溥卒

丁卯正統十二年九月馬愉卒

戊辰正統十三年

己巳正統十四年五月以侍讀學士張益內閣辦事

通鑑綱目表

八月曹鶴張益歿於土木九月丙子

景皇帝即位尊

英宗爲太上皇帝進陳循高穀戶工部尚書侍讀

彭時修撰商輅並內閣辦事

庚午景泰元年正月彭時憂去

二月進苗衷兵部尚書兼翰林學士

三月以兵部右侍郎俞綱內閣辦事尋出理部事

八月以刑部右侍郎江淵兼翰林學士內閣辦事

苗衷致仕

九月改江淵戶部右侍郎進商輅翰林學士

辛未景泰二年十二月加陳循少保進文淵閣大學

士高穀少保東閣大學士以禮部左侍郎王一寧

國子祭酒蕭鎡並兼翰林學士內閣辦事

壬申景泰三年進江淵吏部左侍郎蕭鎡戶部右侍郎

四月加陳循高穀太子太傅江淵王一寧蕭鎡太

子少師商輅兵部左侍郎兼左春坊大學士

七月王一寧卒

九月江淵憂去

癸酉景泰四年二月以太子太保左都御史王文爲

吏部尚書兼翰林學士內閣辦事

五月王文憂去九月起復

甲戌景泰五年正月遣江淵撫安山東河南尋還京

六月加王文少保東閣大學士

乙亥景泰六年正月出江淵爲工部尚書

丙子景泰七年五月進陳循華蓋殿大學士仍兼文

淵閣大學士高穀王文並謹身殿大學士仍兼東

閣大學士穀進少保蕭鎡戶部尚書商輅兼太常

卿

丁丑天順元年正月壬午

鐵商輅別籍以左副都御史徐有貞爲兵部尚書
太常卿許彬大理卿薛瑄禮部右侍郎並兼翰林
學士內閣辦事少保兼太子太傅工部尚書謹身
殿大學士高穀致仕

二月以吏部右侍郎李賢兼翰林學士內閣辦事
四月封徐有貞爲武功伯兼華蓋殿大學士掌文
淵閣事進李賢吏部尚書許彬薛瑄禮部左侍郎
六月禮部左侍郎兼翰林學士薛瑄致仕降徐有
貞李賢爲廣東福建叅政以通政司右叅議兼侍
講呂原左贊善兼修撰岳正並內閣辦事

進文淵閣表

二六 一百一十五文

七月李賢仍內閣辦事進吏部尚書改許彬爲南
京禮部左侍郎尋降陝西叅政降贊善兼修撰岳
正爲欽州同知尋謫戍

八月以太常少卿兼侍講彭時仍內閣辦事

十二月進彭時呂原並翰林學士

戊寅天順二年

己卯天順三年

庚辰天順四年

辛巳天順五年八月加李賢太子少保

壬午天順六年八月通政司右叅議兼翰林學士呂

原憂去

癸未天順七年二月以詹事陳文爲禮部右侍郎兼
翰林學士內閣辦事

甲申天順八年正月乙亥

憲宗純皇帝即位二月加李賢少保進華蓋殿大
學士陳文彭時吏部左右侍郎

乙酉成化元年三月進陳文禮部尚書

十月進彭時兵部尚書

丙戌成化二年三月李賢憂去五月起復

十二月少保吏部尚書兼華蓋殿大學士李賢卒

進文淵閣表

二七 一百一十五文

以太常少卿兼侍讀學士劉定之內閣辦事

丁未成化三年三月以商輅爲兵部左侍郎兼翰林
學士仍內閣辦事

八月加彭文彭時太子少保文淵閣大學士劉定

之工部右侍郎兼翰林學士

戊戌成化四年四月陳文卒

十月進彭時吏部尚書商輅兵部尚書劉定之禮
部左侍郎

己卯成化五年五月以禮部左侍郎萬安兼翰林學
士內閣辦事

八月劉定之卒

庚戌化六年

辛戌化七年

壬戌化八年

癸戌化九年五月進商輅萬安戶禮部尚書

甲戌化十年

乙戌化十一年正月加彭時少保

三月少保吏部尚書文淵閣大學士彭時卒

四月進商輅文淵閣大學士萬安禮部尚書以吏

禮部左侍郎劉翊劉吉翰林學士內閣辦事

萬安戶部尚書

丁戌化十三年四月進商輅謹身殿大學士萬安

太子少保劉翊劉吉戶禮部尚書

六月太子少保吏部尚書謹身殿大學士商輅加

少保致仕進萬安文淵閣大學士

戊戌化十四年三月進萬安吏部尚書謹身殿大

學士劉翊劉吉太子少保文淵閣大學士

十月加萬安太子太保

己戌化十五年

庚戌化十六年

辛亥化十七年

壬戌化十八年正月劉吉憂去七月起復

十二月進萬安太子太傅華蓋殿大學士劉翊劉

吉太子太保謹身武英殿大學士

癸戌化十九年

甲戌化二十年

乙戌化二十一年九月劉翊致仕

十二月進劉吉戶部尚書謹身殿大學士以詹事

彭華爲吏部左侍郎兼翰林學士內閣辦事

丙戌化二十三年九月以兵部左侍郎尹直爲戶

部左侍郎兼翰林學士內閣辦事

十月加萬安少傅兼太子太師劉吉少保兼太子

太傅彭華尹直禮兵部尚書太子少保

丁戌化二十三年三月彭華致仕

七月進萬安少師

九月壬寅

孝宗敬皇帝卽位十月萬安致仕以吏部左侍郎

兼翰林學士徐溥內閣辦事

十二月進劉吉少傅兼太子太師吏部尚書徐溥

禮部尚書兼文淵閣大學士尹直致仕以少詹事

成弘治元年

巳弘治二年

庚弘治三年

亥弘治四年八月進劉吉少師華蓋殿大學士徐溥太子太傅戶部尚書兼武英殿大學士劉健禮

部尚書文淵閣大學士

十月以太子太保禮部尚書掌詹事府事丘濟兼文淵閣大學士內閣辦事

癸弘治五年八月劉吉致仕

丑弘治六年

寅弘治七年八月加徐溥少傳吏部尚書謹身殿大學士丘濬少保戶部尚書劉健太子太保並兼

武英殿大學士

卯弘治八年二月少保兼太子太保戶部尚書武

英殿大學士丘濬卒以禮部右侍郎兼侍讀學士李東陽少詹事兼侍講學士謝遷並內閣辦事

十月進謝遷詹事

丙弘治九年

丁弘治十年

戊弘治十一年二月進徐溥少師兼太子太師蓋殿大學士劉健少傳太子太傅戶部尚書謹身

殿大學士李東陽太子少保禮部尚書文淵閣大

學士謝遷太子少保兵部尚書東閣大學士

十月少師兼太子太師吏部尚書華蓋殿大學士徐溥致仕

巳弘治十二年

庚弘治十三年

辛弘治十四年

壬弘治十五年

亥弘治十六年二月進劉健少師兼太子太師吏部尚書華蓋殿大學士李東陽太子太保戶部尚書謹身殿大學士謝遷太子太保禮部尚書武英

殿大學士

卯弘治十七年

丑弘治十八年五月壬寅

武宗毅皇帝即位七月加李東陽謝遷並少傳兼

太子太傅

丙正德元年十月少師兼太子太師吏部尚書華

蓋殿大學士劉健少傳兼太子太傅禮部尚書武

英殿大學士謝遷並致仕以吏部尚書焦芳兼文

淵閣大學士吏部左侍郎王鏊兼翰林學士並內

閣辦事芳仍掌部事

十一月焦芳解部事

十二月進李東陽少師兼太子太師吏部尚書華

蓋殿大學士焦芳太子太保武英殿大學士王鏊

戶部尚書文淵閣大學士

丁卯正德二年八月加焦芳少傳兼太子太傅謹身

殿大學士王鏊少傳兼太子太傅武英殿大學士

十一月以南京戶部尚書楊廷和爲戶部尚書兼文

淵閣大學士內閣辦事

戊辰正德三年八月進楊廷和少保兼太子太保

己巳正德四年四月少傳兼太子太傅戶部尚書武

英殿大學士王鏊致仕

五月進焦芳少師兼太子太師華蓋殿大學士

六月以少傳兼太子太傅吏部尚書劉宇兼文淵

閣大學士內閣辦事

庚午正德五年二月進楊廷和吏部尚書武英殿大

學士以太子太保兵部尚書曹元爲吏部尚書兼

文淵閣大學士內閣辦事

五月焦芳致仕

六月劉宇致仕

八月曹元致仕

九月以太子少保南京吏部尚書梁儲爲吏部尚

書兼翰林學士掌詹事府事劉忠並兼文淵閣大

學士內閣辦事進楊廷和少傳兼太子太傅謹身

殿大學士劉忠少傳兼太子太傅梁儲少保兼太

子太保並武英殿大學士

辛未正德六年十一月少傳兼太子太傅吏部尚書

武英殿大學士劉忠致仕

十二月以禮部尚書費宏兼文淵閣大學士內閣

辦事

壬午正德七年十月進楊廷和少師兼太子太師華

蓋殿大學士梁儲少傳兼太子太傅謹身殿大學

士費宏太子太保武英殿大學士

十一月李東陽致仕

癸未正德八年

正德九年二月以掌詹事府事禮部尚書兼翰

林學士新貴爲文淵閣大學士內閣辦事

五月太子太保禮部尚書兼武英殿大學士貴宏致仕

乙正德十年三月楊廷和憂去

閏四月以少傅兼太子太傅吏部尚書楊一清爲

武英殿大學士

丙正德十一年七月進梁儲少師兼太子太師華

蓋殿大學士

八月楊一清致仕以掌詹事府事禮部尚書兼翰林學士蔣冕爲文淵閣大學士內閣辦事

丁正德十二年四月靳貴致仕

五月以禮部尚書毛紀兼東閣大學士內閣辦事

七月加蔣冕太子太傅武英殿大學士毛紀太子

太保文淵閣大學士

十一月楊廷和仍內閣辦事

戊正德十三年

己正德十四年

庚正德十五年

辛正德十六年正月加蔣冕少傅戶部尚書謹身

殿大學士毛紀少保戶部尚書武英殿大學士貴

宏少保戶部尚書仍內閣辦事

四月癸卯

今皇帝卽位梁儲致仕以吏部左侍郎兼翰林學士袁宗皋爲禮部尚書兼文淵閣大學士內閣辦事

九月袁宗皋卒

壬嘉靖元年

癸嘉靖二年七月進楊廷和太傅辭不拜

十一月少師兼太子太師吏部尚書華蓋殿大學士楊廷和致仕

甲嘉靖三年六月少傅兼太子太傅戶部尚書謹

身殿大學士蔣冕致仕進毛紀貴宏並吏部尚書

紀冕致仕以吏部尚書兼翰林學士掌詹事府事

石琚爲文淵閣大學士內閣辦事

八月以吏部左侍郎兼翰林學士掌詹事府事賈

詠爲禮部尚書兼文淵閣大學士內閣辦事

乙嘉靖四年十一月以提督陝西軍務少傅兼太

子太傅兵部尚書左都御史楊一清爲少師兼太

子太傅吏部尚書武英殿大學士仍內閣辦事

十二月進賈宏少師兼太子太師謹身殿大學士

石琚賈詠並太子太保武英殿大學士

丙嘉靖五年六月進賢華蓋殿大學士楊一清
太子太師謹身殿大學士石琚賈詠並少保

亥嘉靖六年二月少保兼太子太保吏部尚書武

英殿大學士石琚致仕是月加少保兼太子太保
禮部尚書席書武英殿大學士致仕卒

四月賈宏致仕以禮部右侍郎翟鑾爲吏部左侍
郎兼翰林學士內閣辦事

八月進楊一清華蓋殿大學士賈詠致仕以掌都
察院掌兵部左侍郎兼翰林學士張璫爲禮部尚

書兼文淵閣辦事兼掌都察院事

十一月進謝遷吏部尚書謹身殿大學士仍內閣辦
事

戊嘉靖七年四月少保兼太子太傅吏部尚書謹
身殿大學士謝遷致仕加張璫太子太保辭遂加

少保解院事

六月進張璫少傅兼太子太傅吏部尚書謹身殿

大學士

配嘉靖八年七月以少保兼太子太傅吏部尚書
翰林學士桂萼爲武英殿大學士內閣辦事

八月張璫桂萼並致仕九月召選少師兼太子太

傅吏部尚書華蓋殿大學士楊一清致仕

庚嘉靖九年十二月桂萼致仕是年張璫更名璫
孚敬

辛嘉靖十年六月以少保兼太子太保吏部尚書
翰林學士方獻夫爲武英殿大學士內閣辦事

閏六月張孚敬致仕

九月太子太保禮部尚書兼翰林學士李時進太
子太傅武英殿大學士內閣辦事

壬嘉靖十一年二月進張孚敬華蓋殿大學士仍
內閣辦事

五月進李時吏部尚書

八月張孚敬致仕

癸嘉靖十二年正月進張孚敬少師仍內閣辦事
方獻夫致仕

甲嘉靖十三年二月翟鑾致仕

八月加李時少保

紀嘉靖十四年四月張孚敬致仕賈宏仍內閣辦
事

丙嘉靖十五年七月進李時太子太傅
九月進李時少傅謹身殿大學士

十一月費宏卒

十二月進李時太子太師華蓋殿大學士以少傅兼太子太傅禮部尚書翰林學士夏言爲武英殿大學士內閣辦事

嘉靖十六年

嘉靖十七年八月以太子太保禮部尚書兼翰林學士掌詹事府事顧鼎臣爲文淵閣大學士內閣辦事

十二月李時卒進夏言太子太師吏部尚書華蓋殿大學士

嘉靖十八年正月進夏言少師顧鼎臣少保兼太子太傅武英殿大學士

五月以太子少保兵部尚書兼都察院右都御史行邊使翟鑾爲禮部尚書兼武英殿大學士仍內閣辦事

嘉靖十九年十月顧鼎臣卒

嘉靖二十年

嘉靖二十一年七月夏言罷進翟鑾少傅謹身殿大學士

八月少保兼太子太保禮部尚書翰林學士嚴嵩

進武英殿大學士內閣辦事

嘉靖二十二年四月嚴嵩辭部事

嘉靖二十三年八月翟鑾辭籍進嚴嵩少傅兼太子太傅

八月以少保兼太子太傅吏部尚書許讚爲文淵閣大學士禮部尚書兼翰林學士張璧爲東閣大學士並內閣辦事

嘉靖二十四年七月進嚴嵩太子太傅許讚傳張璧太子太保

十月少傅兼太子太傅吏部尚書文淵閣大學士許讚乞致仕削籍張璧卒

嘉靖二十五年

嘉靖二十六年

嘉靖二十七年正月夏言落職致仕

嘉靖二十八年二月以南京吏部尚書張治爲禮部尚書兼文淵閣大學士國子祭酒李本少詹事兼翰林學士並內閣辦事

嘉靖二十九年加張治太子太保李本吏部右侍郎兼東閣大學士

十月太子太保禮部尚書文淵閣大學士張治卒

嘉靖三十年十月進李本禮部尚書

嘉靖三十一年三月以少保兼太子太保禮部

尚書翰林學士徐階爲東閣大學士內閣辦事仍

掌部事

十月徐階解部事

嘉靖三十二年

甲寅嘉靖三十三年八月進徐階太子太傅武英殿

大學士李本太子太保文淵閣大學士

嘉靖三十四年

嘉靖三十五年

丙辰嘉靖三十五年二月加李本少保武英殿大學

士

丁巳嘉靖三十六年八月進徐階少傅李本太子太

傅

嘉靖三十七年

戊午嘉靖三十八年五月徐階改兼吏部尚書

嘉靖三十八年

皇明直文淵表終

子履準校

孫心材重校

皇明南京典銓尚書表序

國初中書省統六部省有左右丞相中山武寧王以國公領丞相充大將軍統兵四征不預省事李汪胡相繼爲丞相十三年間李病乞致仕去汪請嶺南道死胡坐黨死於是罷省丞相而詔六部都察院通政司大理寺名九卿頤頤理務吏部尚書賈家宰即天子之相也故我朝文職至六曹極矣洪武中吏部真試署尚書二十七人併公斯召自山西參政入吏部爲尚書始不隸中書省當是時

明史稿卷一百一十五

陳元三

高皇帝開天治人求賢爲急雖富民稅戶與阜荒徒苟有才藝並躋高華吏部受成將美日不暇給永樂洪熙宣德間蹇公爲尚書者幾三十年內贊宸謨外康流品疇詞密斷莫敢侵官蹇公既輟部務新安代之望輕寡學始開保薦之途寓請寄之術以故言官張子初練綱林聰輩相繼論列循職分者則曰虞谷百揆宰統百官輒假推轂徒增壅斷况識面呈身勢難植立養交曲譽情易阿私附要津者則曰唐以明揚周以推讓專任銓軸何異聖書况耳目有限未易周

知色狀故存竟爲文具議論既多政體旋革間

稱得人類多失實正統以後太和鹽山始同房

杜終效蕭曹秉正懸公官評清允繼之李崔姚

尹或方毅守文或敏達應務雖有煩言亦能稱

職弘治初迭豐城而起三原三原素負時望羣

情欣悅盧氏金陵鈞陽並稱名碩以故四五十

年之間朝多壽俊之臣野無廢錮之彥士修端

靖之節人懷競躁之耻吏鮮苛黷之風民懷樂

利之澤洋洋乎蔚蔚乎有豐芑棣樸之化焉正

德中邪正雜進淆亂官方尚賴遺老共濟時艱

明史稿卷一百一十五

陳元三

高皇帝應期紹統光蒞寶極知人哲於放勳顧後

勤於神禹管劑不遺瑕瑜並蓄慎重名器未嘗

一月九遷收攬才賢奚啻拔十得五今表典銓

尚書凡若干人自滕公毅至蹇公二十九人官

南京蹇公至今官京師稍詮次其事爲傳其表

著者語在名臣記中

嘉靖丙寅七月望日鄭曉識

南京與銓尚書表

吾學編第二十一

海鹽鄭曉

| 姓名 | 初官 | 終官 | 改官 | 遷謫 | 贈謚 |
|-----|----|---------|------|----|----|
| 趙好德 | | | | | |
| 呂熙 | | | | | |
| 詹同 | | 兼翰林學士承旨 | | | |
| 李信 | | | | | |
| 高嵩 | | | | | |
| 趙瑁 | | | | | |
| 陳修 | | | | | |
| 阮峻 | | | | | |
| 劉松 | 署 | 致仕 | 禮部尚書 | | |
| 侯斯 | | | | | |
| 王敏 | | | | | |
| 呂本 | | 都頭監運使 | | | |
| 王興福 | | | | | |
| 郎本中 | | | | | |
| 陳敬 | 試 | 真 | | | |
| 周時中 | | | | | |

余煥 試 真 死

劉仲質

趙厚堅

李仁

吳琳

張銘

詹徽 兼左都御史太子少保

洪彝

翟善 署都察院左都御史 真

杜澤

杜澤

張統

張統

張統

張統

寒義 兼詹事

寒義

寒義

寒義

寒義

寒義

死

死

宣化知縣

右洪武年

右建文年

自經

右永樂年

右洪熙年

太師

忠定

| | | | | | | | | | | | | | | |
|------|----|----|------------------------|------|----|---------------------------|------|-------------------------|-----------------------|-----------------------|---------------------|---------------------|-------|------|
| 郭達 | 郭達 | 王直 | 王直 | 何文淵 | 王翔 | 王直 | 王翔 | 王朝 | 李秉 | 崔恭 | 姚菱 | 尹旻 | 耿裕 | 李裕 |
| | | | <small>少師兼太子太師</small> | 太子太保 | | | 太子太保 | 太子太保卒 | | | | | | |
| | 致仕 | | | | 王 | 致仕 | | | 致仕 | | 太子少保卒 | 李本傳致仕 | 南京禮部書 | |
| 右宣德年 | | | 右正統年 | | | 右景泰年 | 三 | 右天順年 | | | | | | 右成化年 |
| | | | | | | <small>後贈太保諡文端一百六</small> | | <small>忠肅太子少保子少</small> | <small>保義侯太子少</small> | <small>保莊敬太子少</small> | <small>文敏太子</small> | <small>恭簡太子</small> | | |

| | | | | | |
|-----|---------------|-----|--|--|----------------|
| 李裕 | 致仕 | | | | 太師 太保 太尉 |
| 王恕 | 太子太保整 | | | | 太師 太保 太尉 |
| 耿裕 | 太子太傅辛 | | | | 太師 太保 太尉 |
| 屠淵 | 太子少保李太傅整 | | | | 太師 太保 太尉 |
| 倪岳 | 太子少保辛 | | | | 太師 太保 太尉 |
| 馬文升 | 太子少傅 | | | | 太師 太保 太尉 |
| 馬文升 | 少兼李諭致仕 | | | | 太師 太保 太尉 |
| 焦芳 | 入內閣 | | | | 太師 太保 太尉 |
| 許進 | 太子少保整 | | | | 太師 太保 太尉 |
| 張綏 | 太子少保 | 入內閣 | | | 太師 太保 太尉 |
| 劉機 | 太子少保致仕 | 伏誅 | | | 太師 太保 太尉 |
| 楊一清 | 太子少保崔泰森 | 入內閣 | | | 太師 太保 太尉 |
| 陸完 | 太子少保太子太保 | 謫戍 | | | 太師 太保 太尉 |
| 王瓊 | 少兼李諭 | | | | 太師 太保 太尉 |
| 王瓊 | 右正德年 | | | | 太師 太保 太尉 |
| 石珪 | 掌儀事府後入內閣 | 謫戍 | | | 太師 太保 太尉 |
| 喬宇 | 太子少保少保兼太子太保致仕 | | | | 太師 太保 太尉 |

| | | | |
|------|------|-----|--------|
| 羅欽順 | 未任 | 致仕 | 後贈太子少保 |
| 楊巨 | 未任 | | 後贈太子少保 |
| 李承勛 | 未任 | | 後贈太子少保 |
| 廖紀 | 李太保整 | | 後贈太子少保 |
| 桂萼 | 太子太保 | 入內閣 | 後贈太子少保 |
| 方獻夫 | 太子太保 | 入內閣 | 後贈太子少保 |
| 王瓊 | 太子太保 | 卒 | 後贈太子少保 |
| 汪鉉 | 太子太保 | 致仕 | 後贈太子少保 |
| 許讚 | 太子太保 | 入內閣 | 後贈太子少保 |
| 龍汝 | 太子太保 | 卒 | 後贈太子少保 |
| 唐龍 | 太子太保 | 卒 | 後贈太子少保 |
| 周用 | 太子少保 | 卒 | 後贈太子少保 |
| 聞淵 | 太子少保 | 卒 | 後贈太子少保 |
| 夏邦謨 | 致仕 | | 後贈太子少保 |
| 李默 | 削籍 | | 後贈太子少保 |
| 萬鎰 | 削籍 | | 後贈太子少保 |
| 李默 | 太子少保 | | 後贈太子少保 |
| 吳鵬 | 太子太保 | 致仕 | 後贈太子少保 |
| 歐陽必進 | | | 後贈太子少保 |
| 郭朴 | | | 後贈太子少保 |

| | | | |
|-----|------|--|--|
| 嚴訥 | 後入內閣 | | |
| 郭朴 | 後入內閣 | | |
| 胡松 | 後入內閣 | | |
| 楊博 | 右嘉靖年 | | |
| 楊博 | 右隆慶年 | | |
| 高拱 | | | |
| 張瀚 | | | |
| 楊博 | | | |
| 梁夢龍 | | | |
| 嚴清 | | | |
| 楊巍 | | | |
| 宋纁 | | | |
| 陸光祖 | | | |
| 孫鑑 | | | |
| 陳有年 | | | |
| 孫丕揚 | | | |
| 蔡國珍 | | | |

李戴

皇明兩京盛銓向諱表

萬曆己亥孫心材直校

皇明兩京盛銓向諱表

萬曆己亥孫心材直校

皇明名臣記序

名臣有述久矣陸衰呂宋迄於近代蓋十數家咸足以表前修而式後進但領言其美者瑕瑜之義微摘書其事者始終之跡晦故今所記略倣史傳庶幾歲月可稽而先後不紊短長互見而法戒具存爾顧見聞寡陋遺缺者多尚有俟於後之君子云

嘉靖丙寅八月朔鄭曉識

名臣記

序

皇明名臣記目錄

一卷

中山徐武寧王

達

開平常忠武王

遇春

岐陽李武靖王

文忠

寧河鄧武順王

愈

東甌湯襲武王

和

黔寧沐昭靖王

英

誠意伯劉文成公

基

二卷

名臣記

目錄

學士宋文憲公

濂

學士王忠文公

韓

參政陶姑孰郡公

安

御史中丞章公

澄

祭酒宋文恪公

訥

大學士朱文恪公

善

三卷

號國俞忠烈公

通海

越國胡武莊公

大海

蔡國張忠毅公

德勝

梁國趙武莊公德勝

泗國耿武莊公再成

永義侯桑公世爵

太師丞相韓國李公善長

太子太師穎國傅公友德

四卷

靜誠陳公選

祭酒樂公詔鳳

祭酒劉公崧

祭酒陶公凱

名臣記 目錄

太子少保唐公鐸

尚書郁公新

尚書詹公同

尚書開公廣

大學士吳公伯宗

大學士吳公況

學士劉公三吾

五卷

河間張忠武王王

東平朱武烈王能

定興張忠烈王輔

平江侯陳恭襄公瑄

漳國鄭忠毅公亨

鄧國薛忠武公祿

鄆國宋忠順公晟

廣寧侯劉忠武公榮

六卷

太師楊文貞公士奇

太師楊文敏公榮

太師楊文定公溥

名臣記 目錄

太師蹇忠定公義

太師夏忠靖公原吉

太保黃忠宣公福

太子太師胡忠安公傑

尚書周文襄公忱

八卷

春坊大學士解公縉

少保黃文簡公淮

少師胡文穆公廣

少保金文靖公

善 即勿致

太保高文義公

毅

太常岳文肅公

正

九卷

太子賓客胡公

儼

侍郎薛文靖公

珪

侍郎呂文懿公

原

十卷

榮國姚恭靖公

廣孝

尚書宋公

禮

湯陰伯郭忠襄公

資

少師金忠襄公

忠

太子少師儀文簡公

智

尚書郭公

璉

知府况公

鑑

都御史羅公

通

太子太保陳僖敏公

鑑

武功伯徐公

有貞

少保馬恭襄公

昂

十一卷

太子少傅劉節愍公

儼

少保陳節愍公

洽

太傅曹文忠公

翥

少保鄺文肅公

望

十二卷

侍郎段公

民

都御史顧公

佐

尚書耿清惠公

九時

尚書年恭定公

富

都御史軒公

親

都御史魯公

雅

尚書林恭肅公

昂

都御史楊公

繼宗

太子少保樊清簡公

望

都御史熊莊簡公

鑑

尚書陳公

善

十三卷

侍郎李忠文公

瞻應

祭酒陳公

敬宗

尚書魏文靖公

驥

都御史吳文恪公諱

侍郎葉文莊公盛

尚書楊文懿公守陳

太子太保張莊簡公悅

尚書謝文肅公金

太子少保章文懿公懋

太子太保吳文定公寬

十四卷

學士劉忠愍公球

寺丞鍾恭愍公同

名臣記
目錄

尚書廖恭敏公荊

尚書章恭毅公倫

知府劉公寬

按察使楊公瑄

光祿卿陳恭愍公選

十五卷

太師李文達公賢

太傅商文毅公翰

太傅彭文憲公時

太傅徐文靖公溥

太師劉文靖公從

前少師大學士楊公廷和

十六卷

太保王文端公直

太保王忠肅公鼎

太師王端毅公懋

少保倪文毅公岳

太傅馬端肅公文升

太保耿文恪公裕

少保許襄毅公進

名臣記
目錄

太傅于肅愍公諱

尚書王莊毅公竑

太子太保項襄毅公忠

太保余肅敏公子俊

太子少保程襄毅公信

少保秦襄毅公純

少保胡端敏公世寧

少保李康惠公承勛

十八卷

侍郎錢文肅公晉禮

太子少保鄒文敏公齊

侍郎劉文介公齊

侍郎儲文懿公齊

太子少保邵文莊公齊

太子少保楊文恪公齊

祭酒魯文恪公齊

尚書崔文敏公齊

侍郎呂公齊

十九卷

名臣記 目錄

聘君吳公齊

翰林檢討陳公齊

翰林修撰羅公齊

給事中賀公齊

郎中莊公齊

吏目鄒公齊

祭酒蔡公齊

二十卷

尚書王文忠公齊

太子少保周文安公洪謨

太常卿張公元順

太子太保林文安公齊

尚書王文莊公齊

太子少保傅文毅公齊

少保毛文簡公齊

二十一卷

太子少保李襄敏公齊

太子少保崔莊敏公齊

少保姚文敏公齊

太保尹恭簡公齊

名臣記 目錄

二十二卷

太子少保彭惠安公齊

尚書何文肅公齊

太保周文端公齊

太保劉忠宣公齊

太傅韓忠定公齊

太子太保戴恭簡公齊

太子少保張簡肅公齊

二十三卷

尚書劉文安公齊

太傅丘文莊公源

太保劉文和公翊

太傅謝文正公達

太傅王文恪公鏊

太保劉文肅公忠

少保石文隱公琦

二十四卷

懷遠伯山襄毅公雲

定襄侯郭忠武公登

鎮國楊武襄公洪

靖遠侯王忠毅公驥

都督王公信

威寧伯王襄敏公越

錦永牟公斌

都督馬公永

太保梁武壯公震

二十五卷

都御史楊恭惠公信民

都御史韓襄毅公雍

太子少保鄧襄敏公廷貴

尚書孫公太

尚書孫公太

尚書吳公廷舉

二十六卷

少保林莊敏公璣

尚書王恭毅公鼎

尚書陳康懿公俊

都御史黃公誠

尚書黃文毅公孔昭

二十七卷

布政使夏公寅

大理卿夏公時正

知府張公寧

都御史王公雲鳳

新定伯王公守仁

尚書孫忠烈公燧

尚書許忠節公達

二十九卷

少卿黃公壽

少卿黃公壽

少卿黃公壽

少卿黃公壽

少卿黃公壽

御史陳公茂烈

三十卷

太師李文正公東陽

太保楊文襄公一清

太傅席文襄公書

太師張文忠公手敬

皇明名臣記目錄終

子履準校

孫心材重校

皇明名臣記卷第一

吾學編第二十二

海鹽鄭曉

中山徐武寧王

王名達鳳陽人幼倜儻沉雄有智略年二十二從

上起兵授鎮撫周旋二年進諸將上乙未脫

上急從克和陽渡江下采石定太平擒陳也先丙

申從定建康下京口授鎮江翼太元帥轉江南樞

密同僉國毗陵擒張九六敵復圍毗陵又破其後

兵丁酉克毗陵陞僉院轉攻下寧國戊戌取宜興

是年上征婺州留王守建康己亥池州捷聞升

卷之一

卷之一

二

武寧王

奉國上將軍同知樞密院上還遣西征皖城敗

趙普勝兵庚子伏敗漢兵池州吳陷宜興戰復宜

興辛丑升江南中書右丞從征江州友諒棄城走

武昌屯兵漢陽夏口遇友諒還守江州召歸友諒

即破江州中途遣王復守江州破友諒兵壬寅下

豫章西攻武昌豫章內變旋師討平之癸卯從

上援壽春破吳兵圍廬州會友諒大舉寇豫章從

上至彭蠡友諒逆戰王先諸將敗敵上慮友諒

襲建康命王還守上西征武昌甲辰升左相國

武昌平遂取廬州江陵常德夷陵衡州乙巳下淮

東郡縣丙午征吳廬戰阜林擒吳兵六萬直抵蘇

州築長圍架木塔與城中浮屠等築臺三層下瞰

城上設火筒發連中又設襄陽礮礮風着人皆死

城中震恐丁未遣人請事建康上曰將軍天性

忠義沉毅有謀端重有武顧軍中稟命此賢臣事

君之道吾甚嘉將軍然將在外君不御自後軍中

緩急將軍便宜行吾不中制蘇城堅難猝破無錫

莫天祐又與士誠爲聲援其部將楊茂善遊水天

祐遣爲偵邏卒獲茂王解茂縛待以腹心屢遣茂

遊水往來盡獲其書報知城中困乏督兵急攻破

卷之一

卷之一

二

武寧王

其城縛士誠送建康得兵二十五萬班師封信國

公是年冬爲征虜大將軍帥諸將取中原上曰

諸將非不健鬪然能持重師有紀律得爲將之體

者莫如大將軍宜專中軍策勵羣帥運籌決勝不

可輕動遂克沂州降王宣取益都東郡濟南規畫

芻糧兵不民擾洪武元年正月上即皇帝位加

中書右丞相信國公兼太子少傅是年克樂安邇

河入汴洛長驅峭函抵潼關五月上幸汴謁行

在所定計取元都渡河北收衛輝彰德廣平深趙

出臨清取德滄至直沽獲海舟聯橋濟師常將軍

都督張興祖率舟師並進步騎遵陸而前亮丞相也速等捍海口望風走遂克河西務入通州元主北走八月至元都齊化門填壕登城主坐門樓執其監國宗室淮王帖木兒不花及太尉左丞相慶童平章迭而必失村賽因不花右丞張聚伯御史中丞蒲川等戮之獲詣玉璽封府庫圖籍故宮殿分兵守妃主官人令故奄護視秋毫無犯市肆不移旣而順德諸守將皆自山西來降承制立燕山六衛守禦北平略保定中山河間懷慶轉入山西所過擇守要害進圖太原謂諸將曰聞擴廓帖木

卷之一

卷之一

三

三

兒出太原道保安經居庸攻北平孫都督總六衛兵足鎮禦我乘其不備直抵太原傾其巢穴彼進不得戰退無所依所謂批亢擣虛也若彼還軍救太原已爲我牽制進退失利必成擒矣諸將皆曰善引兵徑進擴廓帖木兒至保安聞之果還兵鋒甚銳王遣精兵夜襲其營擴廓帖木兒聞變倉卒急踰帳乘驛馬遁去遂克太原遣薛顯傳友德擊賀宗哲于石州平忻霍平陽二年取鹿臺河中西安鳳翔會諸將議兵所向諸將皆曰張良臣才不如李思齊慶陽易於臨洮先取慶陽從隴西攻臨

洮便王曰不然慶陽城險兵悍未易猝拔臨洮西通蕃夷北界河湟人足備戰鬪土足以供軍儲今以大軍感之思齊不西走胡束手就降矣臨洮旣克旁郡自下諸將曰善進至鞏昌遣副將馮宗異征臨洮思齊不戰降良臣懼亦以慶陽降王西征平涼良臣復叛王趨至涇原遣將率精騎抄其出入絕聲援別將國其城良臣開門挑戰王麾兵擊敗之其下開門納我兵王入城良臣投井引出斬之陝西悉平三年總兵征沙漠至於定西遣將取興元西平土蕃征哨極於西北始還是冬大封功

卷之一

卷之一

四

四

臣進魏國公授開國輔運推誠宣力功臣特進光祿大夫左柱國太傅中書右丞相奉軍國事食祿五千石與世券四年賜王及常李鄧馮四公佃墳儀仗戶表王里曰人功五年北征還命沿邊輯守十七年鎮燕召還冬疾作明年二月卒年五十四贈中山王諡武寧上爲神道碑文王言簡慮精當提兵時令出不二諸將敬若神明受命而出功成而旋不自矜伐至於封姑蘇府庫置胡宮美人財寶無所取婦女無所愛可謂忠志無疵昭光天日者也侑享太廟肖像功臣廟位皆第一子四

輝祖添福增壽膺緒長女 仁孝皇后次代王妃
次安王妃輝祖初名允恭 上賜名輝祖身長八
尺五寸洪武二十一年嗣二十六年遣諭燕防胡
明年練浙江海上兵防倭二十九年會禮部翰林
院試國子師生第優秀移吏部以次錄用輝祖嘗
侍 懿文太子學通經書大義從詹希元學書善
大字建文君即位特見信任靖難兵起與齊黃盧
振張曷葛誠通謀議督諸兵北進屢有功召還
文皇即位勒罷尋幽繫永樂三年勅禮部歲五祀
王著令五年輝祖卒年四十一 上曰輝祖與齊黃

開平常忠武王

王名遇春懷遠人性剛直膂力絕人乙未來歸乞

前部先鋒自効 上曰爾來就我食我安得爾留
王請再三涕泣伏地不起 上曰從我渡江俟克
太平委身事我未晚比抵采石元兵陣磧上下聯
大舟距三丈許相顧莫敢先登王後至 上麾之
前即捨舟挺戈大呼一躍而登衆披靡遂拔采石
取太平授總管先鋒陞管軍總管丙申營子海牙
屯江上王設疑兵分其勢正兵合戰出奇敗其中
堅尋守溧陽改建康先登從徐將軍克鎮江爲先
鋒再攻常州會青軍叛與吳合圍徐將軍牛培急
王力戰解圍擒吳健將張德陞統軍大元帥明年
克常州遷中翼大元帥從下寧國池州又明年擢
都督馬步水軍大元帥又明年轉鎮國上將軍同
僉書行樞密院事守婺城攻降衢州陞僉院又攻
杭州庚子召還從按安慶趙普勝水寨漢人言且
援安慶王曰必攻池州賊誤我留羸弱守城出銳
士伏九華山漢兵果攻池州伏起俘斬萬人又敗
友諒兵龍灣 上禦友諒王留守辛丑陞江南行
省叅知政事從 上取安慶破江州還守龍灣吳
寇長與援之敗吳兵壬寅羅友賢據神山寨通吳
勦杭欽蔡卯討斬友賢吳圍劉福通安豐從 上

擊吳突入陣三戰三勝敵大敗去遂圍廬州漢攻南昌解圍還從上援南昌遇彭蠡湖連舟力戰聲動天地縱火焚偽平章舟風急火熾湖水盡赤敵梟將張定邊前迎戰王射中定邊走友諒退保鞋山諸將曰漢兵尚強且縱去圖再舉王在上旁獨不言我師出湖口皆言江流急欲放舟下

名臣記

卷之一

七

三

七

上舟舟被圍又復力戰得脫是役也竟藏友諒進圍陳理武昌甲辰理降陞平章政事從取廬州自將平臨江攻贛州擒熊天瑞乙巳定南安南雄韶州尋取安陸襄陽從徐將軍克泰州丙午克高郵淮安濠泗徐宿安豐會諸將攻浙西次太湖擒逆戰尹萬戶趨湖州水陸鏖戰敵潰抵城下晝夜環攻吳張士信屯舊館出我師背王統奇兵由大全港入結營東阡復出敵背士誠急出親兵拒關輒敗復遣將徐義統赤龍船來援又敗降烏巢舊館下湖州進圍平江丁未圍益急士誠背城戰敗縛

士誠加授平章軍國重事封鄂國公爲征虜副將軍從大將軍北伐上即位之歲加上柱國兼太子少保從下山東汴梁進攻河南敵兵五萬屯洛北迎戰王布陣既定單騎執弓矢馳入陣敵二十騎攢槊刺王王一箭中其前鋒大呼殺入悉獲其衆河南諸城先後皆平上幸汴計取燕都從下河北諸郡遂定燕都下保定中山真定師次太原守將擴廓帖木兒帥銳兵逆戰王曰我騎兵雖寡士卒未至若遣精騎夜劫其營衆可亂主將可擒也大將軍從王言擴廓帖木兒中傷遁二年攻大

名臣記

卷之一

八

三

七

同平河東遂西入秦張良臣遁李思齊迎降盡平關隴元將也速侵通州王還兵拒戰遂擣永平遇惠州至大寧也速遁破開平元君北奔追至北河俘宗王三人及平章鼎住等全師還燕次柳河川卒年四十贈翊運推誠宣德靖遠功臣開府儀同三司上柱國大保中書右丞相開平王諡忠武喪葬江上爲文往祭曰朕開拓之功遇春十居一八求濂爲神道碑文侑享太廟王謙慎不矜有功無過運籌決勝不學而能其從大將軍謹約束及秉鉞專征即能制節將校所向克捷時

在 上前屢有直諫其妻藍玉兄弟也長子茂洪武三年以父功封鄭國公與世券二十年從馮勝出塞征納哈出勝械茂至京茂本勝婿勝言茂警潰納哈出衆降人茂亦言勝短 上召勝還奪總兵印罷朝請茂安置龍州次昇二十一年封開國公次森皆 上所賜名長女爲 皇太子妃二十四年茂卒於龍州無子靖難兵至浦子口昇及國公分道力戰已而昇見 文皇得釋昇子繼祖坐事謫雲南臨安永樂二年召至京賞鈔幣還謫所繼祖六子長子寧寧子復弘治五年詔錄

名臣記 卷之一

九

三百七十六

太廟元祀功臣後曰此其人佐 太祖平定天下有大功今其子孫不沾寸祿夷於吐隸朕不忍焉其加恩承祀於是復及李鄧湯三家後皆得爲南京錦衣衛世指揮使復卒子經嗣經老子鳳嗣鳳卒子玄振嗣嘉靖十年進劉永佑享 太廟弁議常李鄧湯四王後十一年吏部會議遇春文忠愈和皆勳力中原廓清方夏曾不再傳而子孫微替歲月彌久莫敢訟功逮我 孝宗憫焉下詔錄其裔孫四人爲錦衣衛指揮使 皇上神聖天啓

祖澤特詔誠意伯劉基裔孫世爵又推念

臣之功俾悉如基議從事廣祖宗崇德報功之仁修聖王興滅繼絕之與臣等愚昧謂四臣宜世其爵 制曰可封常玄振懷遠侯李性臨淮侯鄧繼坤定遠侯湯紹宗靈壁侯各食祿千石與世券嘉靖二十七年玄振卒

岐陽李武靖王

王名文忠盱眙人初名保保父貞尚龐西長公主以駙馬都尉封思親侯贈麗西王謚恭獻王生十二喪母甲午駙馬携至滁見 上上見甥喜且泣賜姓名朱文忠丁酉以舍人統兵援池州戊戌攻

名臣記 卷之一

十

三百七十七

因激果怒盡焚輜重進次淳安夜襲破賊營取嚴州接帳前總制親兵都指揮使兼領元帥府事守嚴州吳率苗獠水陸奄至出奇大敗之置斬賊巨筏上放中流下磬水賊賊遁去取浦江禁焚剝示恩信民大悅同僉貞成率苗將蔣英劉鎮三萬人降己亥會胡大海攻拔紹興諸暨吳又攻嚴州王縱兵出小北門過鮑婆嶺破賊碧溪塢又破之胥口遣元帥何世明克分水吳陸元帥者復據分水遣世明斬陸元帥陞同僉行樞密院事守嚴州辛

丑漢李明道攻廣信王援之擒明道降漢建昌守將王溥壬寅蔣英劉鎮反金華王馳赴蘭谿賊遁入武林遂定金華處州苗將又反王調兵屯緡雲邊侵軼陞浙江行省左丞總制嚴衢信處諸會諸軍王調胡德濟往援賊敗去癸卯謝再興叛降吳引之寇東陽王晝夜馳百六十里逆敗賊義烏遂築新城五指巖下留德濟城守未幾吳將李伯昇攻城城堅不可拔去甲辰陞右丞乙巳伯昇復寇新城王未至新城十里營龍潭新城守將遣人間道言衆寡不敵且避賊鋒俟大軍王曰以衆則我

卷之一

卷之一

十一

三

非彼敵以謀則彼非我敵吾未戰輒退賊勢益熾莫若與戰遂下令曰彼衆而驕我少而銳以銳當驕可一戰擒也賊擒輜重皆汝等有明日合戰王持槊引數十騎乘高馳下直出賊後衝其中堅敵列騎迎戰王格殺數人出入陣中披靡督衆乘之敵潰城將士出夾擊斬首數萬溪水盡赤丙午總水陸兵下江浙克桐廬新城富陽至餘杭謝再興子五人嬰城固守合圍一日而拔守將潘原明遣方晏請降王引入臥內款接因命條畫入城次遣歸原明封府庫籍兵餉執劉鎮蔣英出降王

宿城上令曰敢有擅入民居者斬有一卒借民釜立磔狗即軍中加浙江行中書省平章政事復李娃洪武元年平閩賊二年爲偏將軍副常將軍北征出遵化度鹿兒嶺敗江文清錦川次會章元將也速逆戰敗追至樂河斬其宗王慶生遂進攻大興設伏斬其將昂住克上都常將軍卒詔王爲大將領其衆西援慶陽至太原聞元兵攻大同急還移兵至鴈門馬邑元邏卒數千猝至王接戰擒平章劉帖本進次白楊門又擒虜四大王時天雨雪王疑有伏引數騎入山覘虜前軍營去敵五十里

卷之一

卷之一

十二

三

王至今前徙五里阻水爲營是夜元將脫列伯果悉銳劫我王令將士秣馬蓐食堅壁不動先以兩營誘敵督令死戰自寅至辰度其飢疲分軍爲左右翼自爲前鋒奮擊大破虜擒脫列伯進兵東勝州莽哥倉不見虜而還三年授征虜左副將軍總兵北伐出野狐嶺降其守將至察罕惱兒擒平章視貞敗太尉蠻子平章沙不兒朵兒只八剌遂進次開平獲平章上都罕克應昌獲元君孫買的里八剌及后妃諸王達官宋元璽金寶玉圖書玉璽鎮圭大圭玉竿玉斧元太子愛猷識理達臘

通還過中興擒江唐國公進攻虹螺山降楊思班師至龍江駕出勞江上王上平沙漠表是年大封功臣授開國輔運推誠宣力武臣特進榮祿太夫右柱國大都督府左都督曹國公同知軍國事食祿三千石與世券四年鎮撫成都五年佐大將軍北征王總東道兵取和林師進可溫至哈刺莽末虜遁去王曰兵貴神速千里襲人難多重賞乃留韓政駐輜重驢駒河持二旬糧兼程至土剌河元哈刺張蠻子起營渡河列騎待我王力戰馬中矢急持短兵接俄得指揮李榮馬王橫槊馳麾諸兵殊死戰虜敗走又追至聘海虜來益衆王據險爲營示弱疑虜遁去軍還失故道乏水多渴死大窘王出哥兒麻思野尋水脉忽所乘馬足跑地泉湧出六年將屯朔州擒元太尉伯顏不花七年總兵北伐駐代遣將分道出捕虜擒元平章國公攻大軍高州大石崖斬其宗王朵朶失里至豐州追斬魯王十二年理軍河岷洮鞏十三年召還泰贊軍國重事十六年兼領國子監事十七年卒年四十六贈岐陽王謚武靖脩享 太廟王器量沉闊人莫測其際臨陣蹈厲奮發遇大敵膽氣益壯好

學飭行釋兵家居恂恂若儒士子三人皆 上賜名長景隆小字九江次都督增枝次正留守芳英洪武十九年景隆嗣 上嘗書體爾祖福忠孝不忘字賜景隆使讀書友儒生一時章布有名天台林右輩皆與遊二十五年兼太子太傅建文君即位與嗣魏國公以元勳子並見倚任靖難兵起代耿炳文爲征虜大將軍乘傳至德州收集炳文將卒盡調各路兵五十萬進營河間 文皇語諸將曰李九江養養少年未嘗習兵見戰陣輒付兵二十萬是自坑也景隆率衆三十萬圍北平再戰精銳皆敗匿不聞明年又聚兵號百萬軍德州郭英吳傑等營真定逼北平又敗退戰白溝河又連敗兵將潰散南奔滄德州皆失守景隆遂奔還不誅靖難兵次江上景隆歸附得進太子太師增祿千石尋修 太祖實錄充總裁官永樂二年周王發其建文君時嘗至邸即訊受賂羣臣又劾景隆與弟增枝匿公命有不問又劾革爵沒其家錮下獄四十五年而卒景隆子佑佑子萼萼子璿弘治中得爲南錦永指揮使卒子濂嗣濂卒子性優給續封臨淮侯嘉靖十二年卒無子明年濂弟沂嗣

沂卒

寧河鄧武順王

王名愈虹人狀貌魁梧有勇力智略過人父順與兄隆聚眾臨濠相繼卒衆推事王時年十六每戰必挺身破敵乙未率衆來歸充管軍總管從渡江克采石太平與徐將軍以奇兵擒陳也先丙申從定金陵破鎮江陞元帥守廣德丁酉移戍宣州取徽州破敵兵戊戌取婺源嚴州淳安轉食書行樞密院事己亥略浙西臨安大破吳人關林寨庚子鄱陽院判于光左丞余椿擊走僞漢部將辛同知

名臣記

卷之一

十五

三百五十八

取饒州來附王移鎮饒饒濱彭蠡湖接漢界漢數遣舟師攻城王輒出戰殲其衆辛丑除江南行省參政兼僉院總制各翼軍馬襲浮梁取樂平敗蕭總管擒彭萬戶饒境悉定壬寅鄧克明據撫州僞降款我王卷甲夜趨旦入城克明單騎遁王號令嚴秋毫無犯民爭獻酒食悉却不受是時上討友諒江州敗友諒走遂下江西至南昌發王江西行省參知政事鎮洪都癸卯友諒圍洪都王固守生賊相持三月上率援兵至湖口友諒懼解圍

戰康郎山友諒竟敗死甲辰新淦叛擒其首

賊從常將軍平臨江諸山寨圍贛州乙巳降熊瑞平南安南雄韶州討熊鼎臣於安福軍掠民子女判官潘景告王王下令禁輯進江西左丞加湖廣行省平章移鎮襄陽西抵巴蜀北控河洛烽火相望新附之民未有定志上賜王書曰汝謹法度施惠愛無罪者勿妄殺有罪者宜詳審古良將以仁義爲先勇略次之汝能勉焉我無西顧之憂矣吳元年陞右御史大夫洪武元年兼太子左諭德充征戎將軍取江淮未附州郡攻唐州取南陽擒蔡國公史克新降隋州取金商鈞房三年爲征

名臣記

卷之一

十六

三百五十九

藏封衛國公授開國輔運推誠宣力武臣特進榮祿大夫右柱國參軍國事食祿三千石與世券五年爲征南將軍討溪洞蠻夷九年土蕃川藏遞掠馬斯藏使者改征西將軍進討十年督副將分兵三道併力覆巢穴窮追至崑崙山斬首功多獲馬牛卒二十餘萬召還至壽春卒年四十一贈寧河王諡武順侑享太廟樞至三山門上臨奠爲視葬地歎曰僉事朕二十二年歷鎮八州有功無過命朱夢炎爲文刻神道碑王器量宏偉沉毅簡

重謙恭慎密孝友純備臨敵不懼有功不矜禮賢下士寬惠愛人長子鎮羽林鎮撫改封申國公十八年征江西有功卒無子次銘西安護衛指揮鑄旗手指揮使女妃秦王銘征蠻卒于源永樂元年乞嗣以年二十爲散騎舍人七年征胡有功還卒子挺亦卒挺子炳成化十六年乞嗣不許弘治中始得爲南錦衣指揮使老子繼坤嗣續封定遠侯

東甌湯襄武王

王名和鳳陽人幼有奇志嬉戲常冒騎射指揮兒及長身長七尺偶儻饒智略壬辰率壯士從滁

名臣記

卷之一

七

卷之一

陽王時上在甥館王委心推翊爲萬夫長攻滁授管軍總管乙未上取和州諸將多滁陽貴客部曲驕顧望不肯用命王獨恭謹受約束下采石定太平陳也先康將軍水陸分道寇太平王擊其水軍矢中左臂益奮大戰擒也先分兵取溧水句容丙申上定建業王從徐將軍取鎮江陞統兵元帥轉同僉樞密院事丁酉守常州取江陰明年吳寇常州力戰却敵壬寅從攻無錫癸卯大破土誠兵錫山斬其梟將還拜中書左丞甲辰吳士信圍長興會常將軍兵合戰大敗士信還中書平章

乙巳擊斬江西劇盜姚大膽取永新還守常州丙午與諸將伐士誠畧太湖營舊館降吳呂左丞轉戰湖州守將張右丞降進擊吳江克姑蘇陞左御史大夫兼太子諭德方谷珍據台溫慶元王督諸軍征之谷珍匿海島王遣人持書諭降谷珍乘勝下福州洪武元年延平陳友定令副校降我觀望持兩端王虜以歸是歲從駕幸汴與馮勝取懷慶澤潞晉絳三年從大將軍拔河入潼關趨鳳翔越六盤盡平關隴明年與諸將至定西襲擴廓帖木兒取寧夏至察罕惱兒獲其猛將虎陳定東

名臣記

卷之一

十八

卷之一

大同宣府封中山侯授開國輔運宣力武臣榮祿大夫柱國食祿千五百石賜券四年討明昇王與傅將軍統諸將西征蜀王破瞿塘峽擒僞都降明昇五年從大將軍北征窮追至和林還駐通州八年鎮彰德是冬追伯顏帖木兒察罕惱兒十年加號推誠位特進左都督左柱國進封信國公議軍國事加祿至三千石賜世券明年巡撫西河州十四年從大將軍北伐下灰山又明年經理四川永寧塘壕士馬十八年討平五開山獠還朝乞骸骨湯寶鈔造第鳳陽尋諭王曰日本小夷屢擾東海

上卿雖老強爲朕行視要地築城增戍固守備

行築海上城起登萊抵江浙凡五十九城民丁四

調一爲戍兵二十年還京二十一年新第成棄妻

子辭去二十三年賀元旦京師感疾遣歸里是年

召至京歸二十七年上思王特詔興入覲明年

卒年七十贈東甌王謚襄武佑享太廟王沉毅

質直勇而善斷不妄發言入聞國論一語不泄行

師受任奉詔即行不少顧家臨敵果敢堅忍未嘗

挫衄有語及兵書者輒笑曰臨陣決機在智識

達何泥古爲家蓄勝妾百餘募年皆資遣歸賞

名臣記 卷之一 二十九

多惠鄉鄰父老及孤寡無告者子五人鼎立功陞

督府僉事征雲南卒贈信世子親太原護衛鎮撫

獨煥早卒醴督府同知征五開卒女妃魯王陽子

晟幼優給永樂元年卒子文瑜文瑜子傑皆病廢

不得嗣傑子倫倫子紹宗弘治中得爲南錦衣指

揮使績封靈壁侯嘉靖十四年卒子佑賢嗣王孫

胤勛居丹徒景泰元年巡撫周忱薦其才授錦衣

百戶尋陞正千戶從楊善趙榮使瓦剌還陞指揮

僉事充恭將守延綏虜寇邊遇害胤勛才志敏捷

兵善談論能文詞

黔寧沐昭靖王

王名英定遠人八歲喪母無所歸上憐之撫養

子賜姓朱王天資忠孝厚重簡默詔亂不喜狎戲

壬寅年十八授帳前都尉守京口甲辰轉廣武衛

親軍指揮使改廣信衛洪武元年取鉛山崇安遂

從大將克延平擒陳友定拔閩溪十八寨縛馮谷

保復沐姓守建寧節制邵武延平三年僉大都督

府事四年陞都督同知九年鎮撫關西十年克征

西副將軍總京畿兵伐蕃部川藏抵崑崙山俘十

三萬封西平侯賜號開國輔運推誠宣力武臣食

名臣記 卷之一 三十一

祿二千五百石授劄十一年授征西將軍征西番

朵耳降其萬戶迄失迦夷其部落擒洮州番酋獲

馬牛半二十萬還鎮關中十三年元脫火赤愛數

擾邊總兵畧亦集乃路渡河經寧夏歷賀蘭山涉

流沙至虜營五十里分軍襲其背掩其左右王當

其前夜銜枚合進擒脫火赤愛還鎮關中十四年

出古北口克灰山會寧過驢駒河獲知院李宣還

京充征南將軍副傅將軍討元孽梁王把匝剌瓦

爾彌于雲南每戰先登擣中堅下烏撒畢節十五

主畧建昌潞江臨安沅江尋甸楚雄洱海大理二

龍關取鶴慶麗江金齒車里平絕來附未幾烏撒
克川建昌叛雲南諸蠻乘之亦叛王赴援賊遁是
年諸將班師留王鎮雲南定貢賦均力役疎其節
目軍便其人十七年平廣南蠻二十年誅浪穹
慶劬川連寇二十一年平緬衆三十萬寇定遠
兵進討馮誠領前軍寧正湯昭爲左右大戰左
小却王令左右斬左軍帥首左帥遙見一人拔刀
馳下即麾衆復前王責戰益急不移時寇大敗
川蠻叛據烏路山山極險峻上下三百里遣
討降之復叛悉誅之廣西阿赤部結越州酋阿資
叛討誅阿赤降阿資明年春阿資復叛遣寧正討
之降阿資母是冬入朝宴奉天殿還鎮二十三年
遣兵討平教化三部及普安酋密即二十四年平
順寧蠻阿資復叛帥兵進討阿資走論還鎮以愈
都督平羌將軍寧正爲參將領王兵阿資遣子降
初王留鎮之明年哭孝慈皇后再鎮之三年哭
懿文太子極哀感疾卒年四十八贈黔寧王諡昭
靖脩享太廟王寬弘沈毅謀慮深遠事果
凡得上賜悉給將士鎮雲南簡官僚別上
農興學墾田治水嚴城堡謹斥堠通驛

軍食盈足恩威並施愛讀通鑑綱目大學衍義不
釋卷子四人春晟昂昕駙馬都尉昂嘗以都督
守雲南卒贈定邊伯謚武襄春年十七從父征討
有功授督府僉事大臣請且試春上曰兒本我
家人昇實授嘗錄囚烈山審逆黨蔚州開釋各數
百人二十五年卒父喪還嗣侯鎮雲南留意屯田
水利平緬甸東川叛夷復平越雋阿資刀千孟諸
砦三十一年卒年二十六建文君憐春謚惠襄春
無子是年九月弟晟以都督嗣永樂六年晟平交
趾功封黔國公食祿三千石與世朱留鎮宣德元
年臣通言人復反晟總兵與安伯徐亨新寧伯
譚忠左右副總兵會柳升討賊三年廷臣劾晟
上封劾章示晟正統三年征麓川明年班師至楚
雄卒贈定遠王謚忠敬又明年子儼賜名斌嗣晟
征思任發斌在行景泰元年斌卒謚榮康三年子
琮切優給以其從兄都指揮璘爲都督同知總兵
鎮雲南胡誌左參將協守璘卒弟璘繼之成化元
年琮嗣弘治九年卒謚武僖無子明年姪琮爲
後十年請嗣公廷議崑始祖英封西平侯後子
晟嗣侯以平交趾功封黔國公子斌孫琮嗣

無子以崑爲後崑高祖昂寔英之子晟之弟崑

誠意伯劉文成公

嗣西平侯不得嗣黔國公下雲南守臣議皆言百餘年來雲南人冒知黔國公一旦改西平侯似非所以定民志而憐夷情也朝廷從之崑得嗣公留鎮正德十四年卒謚莊襄又明年子紹勛嗣留鎮嘉靖十四年卒子朝輔嗣留鎮二十六年朝輔卒孝陵初起多畜養子每郡邑下輒遣養子出守蓋二十餘人而昭靖王功最大有徐司馬者揚州人九歲棄道旁上得之各馬兒既長出入侍左右征行守禦有功歷陞都督僉事司馬好文學謙恭禮部士大夫浙東河南尤著惠政得人歡心公暇退居一室蕭然如韋布及卒家無餘貲稱賢將云又有何文輝滁人初名道舍守宣城潼關成都北平雁門從征淮東姑蘇福建陝西四川尤有功建寧時建寧人降文輝主帥胡廷瑞怒欲屠其城文輝力止之曰吾與公奉命安百姓乃以私忿殺人耶遂止朱文遜者從定江左淮南有功授元帥拒漢兵戰死朱文剛初名柴舍從定江左授元帥與耿再成守處州苗帥叛文剛急收兵出戰揮劒所賊大罵死文遜文剛未詳何許人

公名基字伯溫青田人年十四通春秋能文章長務理學尤精於天文兵法舉進士丞高安以廉節名揭後斯見而奇之曰此魏徵之流而英特過之濟時器也江西行省辟掾史議不合去隱居力學嘗遊武林西湖有異雲起西北魯道原宇文公諒皆謂此慶雲公獨縱飲不顧曰此天子氣應在金陵十年後有王者起其下我當輔之方谷珍反海上省憲舉公爲行省都事公議方氏首亂宜捕斬行省請撫谷珍授官駁公擅作威福羈管紹興已而勦氏橫莫能制行省悟是公議上軍功爲行樞密院經歷經略使李谷鳳奏授處州總管府判公薄其官棄歸田著郁離子十卷客或說公今天下擾擾以公才畧據括蒼併金華閩越可折簡而定方氏將浮海避公因畫江自守此句踐之業也公曰吾平生念谷珍士誠輩所爲謝客云會上括蒼指乾象曰此天命也豈人力擊孫炎以命遣使來聘遂問道詣金陵陳時務十八策適陳氏入寇獻計者或曰降便或曰鍾山有王氣奔據便或曰決死一戰不勝而走未晚公獨不言

上召問公對曰先斬主降議及奔鍾山者乃可破賊上曰先生計將安出曰臣計莫若傾府庫開志誠以固士心且天道後舉者勝宜伏兵伺隙擊之取威制敵成王業在此時也上喜用公言奮大破之上賞公辭不受中書省設座奉小明王公大怒罵不拜曰何爲奉牧豎者爲因上陳天命所在上大感悟遂定計取天下攻皖城不拔公言宜巡拔江州上悉軍西上友諒走洪都將胡廷美遣子約降請禁止若干事上初有難色公竊坐之上悟許廷美竟降洪都初公聞母喪

名臣記

卷之一

五

生再三書慰留公不得已從征至是辭歸遣官護行時苗賊反金華括蒼殺守將衢州謀翻城應賊守將夏毅大懼會公至迎公即發書金處諸下邑固守指授諸軍復處州擒賊方氏素畏公遣致書禮不受使人白上上令公與通問公宣示國家威德方氏遂納土貢公上京出嚴州適吳寇至李將軍欲奮擊公曰勿擊不出三日賊自走追而擊之此成擒也比三日翼明公登城望曰賊走矣輒使進兵追擒賊于東陽當是時漢吳爲敵衆謂蘇湖地肥饒宜先取公曰士誠自守虜友諒居上流

且名號不正宜先伐漢漢滅吳直囊中物耳會再攻洪都上遂西征大戰彭蠡湖勝負未決公密言移軍湖口期以金木相犯日決勝上皆從之滅漢還上議取吳收中原公密謀居多以公爲太史令尋改爲太史院使上戊申大統曆災惑守心羣臣懼公密奏宜罪已回天意上爲引咎諭廷臣又疏請早定法制吳平後張昶使人上言頌功德勸及時娛樂公曰是欲爲趙高者上頌公言昶憾公嫉齊翼岩中傷公未及發昶誅已而司天臺災翼岩上公天文事不知其本出上命

名臣記

卷之一

五

五

五

五

澄清天下言於上曰宋元以來寬縱日久當使紀綱振肅而後惠政可施命憲司糾察諸道彈劾無所避因發中書省都事李彬罪狀訴彬中書省大恨上還京公曰鳳陽雖帝鄉非建都地王保保雖可取然爲力甚難是秋請告歸後定西失利王保保竟走沙漠上手詔叙公勲伐召至京稱公孔明之儔累欲封公謝曰陛下乃天授臣何敢貪天功固辭上因卜相楊憲注廣洋胡惟庸公對三人皆不可相三人者聞之皆恨公三年加弘文館學士封誠意伯授開國翊運守正文臣謨

卷之一

三

魏

軍食祿三百四十石四年賜老上手書問天象公條答言霜雪之後必有陽春今國威已立自宜少濟以寬先是公遣子璉論談洋巡檢司事得旨竟下政府胡左丞署省事劾公請捕璉上不問會海豪通政府許言公欲得王氣地輒移巡檢署談洋有異圖下政府議刑部論坐公死上不報移書諭公曰君子絕交惡言不出忠臣去國不潔其名又曰明哲保身觀鰥作孽今念卿功僅奪卿祿伯爵如故公得書大懼走詣闕謝罪乞留京師已而上疑稍釋八年賜告歸又手書慰籍未幾

卒年六十五公病時集諸天文書鑰匱中授子璉勿開緘且戒勿習俟服闋即馳上又曰上或思我問遺言願修德省刑祈天永命諸形勝要害宜與京師聲勢聯絡比公計至上急遣御史李鐸至青田索公天文諸書璉奉匱出授使者隨見上授考功監丞久之御史中丞徐節言公死遇毒汪丞相宜知狀上問廣洋謝不知上以罪胡丞相貶廣洋公剛毅慷慨有大節論天下安危義形于色與人交開心見誠至義所不可無少假借上察公誠任以心膺公自謂不世之遇知無不

卷之一

天

三

言每遇急難勇氣奮發計畫立就人莫能測其機家居飲酒弈碁未嘗言功上天威嚴重惟公抗言直議上亦禮重公常稱爲老先生不名又曰卿吾子房也公與同郡葉琛胡深章益金華宋濂友善同出處各行其志並以功名顯於世公更以文章尤著楊文懿公曰子房不見詞章玄齡僅辦符檄公勲業造邦文章傳世可謂千古大豪或疑公逮仕胡元專門象數何異管伊尹之屢就限周公之多才也所著文集五十卷行於世子長璉考功監丞試監察御史陞江西叅政有文行次璉

爲閣門使陞谷府左長史璉子薦二十四年嗣伯
加祿五百石明年卒子法與璉子貊永樂二年進
太祖書詔宣德二年授貊刑部照磨卒法子拒
拒子曇曇子祿景泰三年命錄公後守臣言璉七
世孫祿幼不堪授官璉四世孫文謙可詔用祿七
年授世襲翰林五經博士天順二年勅祠公成化
十八年勅取公像祿子憲未嗣官卒弘治十三年
給事中吳士偉言公子孫宜世爵憲子璉得爲處
州衛指揮使正德九年賜誥曰劉基學爲帝師才
稱王佐孔明之任豈間人言敬輿之謀不負所學
名臣記 卷之一
劉基考 劉明有徵驗運籌畫計動中機宜渡江策
比無雙開國文臣第一受爵能讓懷辭金蹈海之
風成功不居從辟穀封留之請可謂明哲允矣清
貞特贈爾爲太師謚文成嘉靖十八年刑部郎中
李璉言 皇上明聖斥姚廣孝 太廟侑享臣鄉
人劉基宜侑享 高廟世其封爵如徐達 上是
璉言下廷議皆言 高帝收攬賢豪創造基業一
時佐命功臣並軌宣翼而帷幄奇謀中原大計每
每屬基故在軍有子房之稱封發孔明之喻基
亡之後孫薦實嗣之 太祖嘗召諭再三鐵券丹

書誓言世祿薦嗣爵未幾旋即隕世穉主蒙於末
裔委礪帶於空言或謂後胤孤貧弗克荷負或謂
長陵紹統遂至踈嫌雖一辱塗泥傳聞多謬而載
書盟府績效具存昔者武王興滅天下歸心成季
無後爲善何勸基宜侑享 太廟其九世孫指揮
使璉宜嗣伯爵伏惟 聖明裁定制曰可公入祀
太廟庶中璉嗣誠意伯食祿七百石與世券二
十年璉卒
論曰中山淮陰之流亞而善保其功名誠意幾於
子房矣開平勇冠三軍岐陽恂恂若儒生閩浙皆
名臣記 卷之一
服其恩信寧河著績湖湘東甌守毘陵言雖不愜
而心靡二黔寧守滇南夷民懷之功不後子傳將
軍也

皇明名臣記第一卷

子履準校

孫心材重校

皇明名臣記第二卷

吾學編第二十三

海鹽鄭曉

學士宋文憲公

公名濂字景濂浦江人姪七月而生六歲能爲詩歌稍長文學名益著初爲翰林國史編修官辭入龍門山著書庚子徵至金陵見上問世亂奈何對曰願明公不嗜殺人除江南儒學提舉授太子經壬寅召講春秋左氏傳公曰春秋孔子褒善貶惡之書遵而行之賞罰適中天下可定甲辰改起居注侍左右明年侍上諭黃石公三畧濂曰尚書義錄帝王天經大法靡不畢具願陛下留意又明年乞歸省賜金帛太子贈有加還家箋謝上書奉太子願進修德業上覽書喜召語太子書意洪武二年徵總修元史除翰林學士知制誥兼修國史時其露屢降上問災祥之故對曰受命不于其天于其人休符不于其祥于其仁上嘗言古帝王當宴安之餘多好神仙朕謂國治民安心神恬康卽神仙也對曰漢武帝好神仙而方士至梁武帝好佛而異僧集使移此心以求賢才天下有不治乎三年坐議孔廟禮謫安遠知縣未

幾召爲禮部主事五年陞太子贊善大夫上問帝王宜讀何書公請讀真德秀大學衍義上立取覽說之令大書揭兩廡壁六年上坐西廡賜大臣坐令公講大學衍義司馬遷論黃老事講畢復言曰漢武帝嗜神仙好邊功民力旣竭譬以重刑幾至大亂人主能義理養性則邪說不能侵興學教民則禍亂不能作刑罰非所先也上曰朕上畏天地下畏兆民兢兢業業不敢自逸公離席頓首曰願皇上慎終如始天下幸甚陞侍講學士兼贊善大夫令集歷代姦臣事爲辨姦錄分賜諸王又命序太祖訓纂曰大明日曆七年日曆成一百卷又擇言行之大者爲寶訓五卷爲序上之公侍上久多所陳說直諒不務文飾上喜曰卿可參大政對曰臣少無他長徒以文墨議論事上一旦受職任事不效負陛下頓首力辭每燕見坐賜茶詢舊章講治道甚條析至闕廷臣臧否第言其善者詩文每寓忠告上喜公善諫公深密不洩禁中語有奏輒焚稿嘗大書溫樹二字室中或問朝廷事指二字不對上嘗強公飲醉歎笑賦楚辭一章命侍臣咸賦醉學士歌曰

後世知朕若臣同樂也九年除翰林學士承旨知制誥兼修國史 上曰朕自布衣爲天子卿自草萊列侍從爲開國文臣之首俾世世與國同休不亦美乎令太子選賜公良馬又爲良馬歌賜公時有上萬言疏者 上怒其迂衍罪且不測問羣臣阿意者輒指其疏此不敬此訕謗罪當誅召公問對曰彼應詔上疏本效忠無他烏可深罪 上從覽疏顧有足采者召罵阿意者曰若等激吾怒何異以膏沃火向非宋景濂幾不誤罪言者 上嘗廷譽公曰古人太上爲聖其次爲賢爲君子若景

卷之二

四

卷之二

四

父笑談如曩時璉曰非 陛下垂念臣父切至何以形諸夢寐公嘗曰古人爲學使心正身修措之行事俯仰無愧而已繁辭復說道之蔽也尤篤於倫品與人交和易任真內誠外恕一見信服汲引後學如恐不及平居布衣蔬食無異貧士或勸爲子孫計曰富貴一家物哉我乃所以遺之也自少至老未嘗一時去書致仕居青蘿山閉門纂述人不見其面日本使奉勅請文獻百金卻不受 上問公對曰天朝侍從受小夷金非所以崇國體三十年來孫慎坐法論死公罪且不測太子力救得釋安置茂州十四年五月行至夔卒年七十 門人方太史曰當元之衰國朝始興也地大兵強據名號雄視中國者十餘人皆莫能得士 太祖定都金陵獨能聘禮太史公公始見即勸不嗜殺人論道上前授經太子未嘗不言仁義天下既定上方稽古制治凡郊廟山川祠祀律曆禮樂英裔貢賁諸禮文大政皆太史公裁定太子寬大仁明天下歸心公戴太史公之功居多海外諸國朝貢茂國門至必問太史公安否公墓初在夔永樂十年孫恪以蜀獻王命遷葬華陽置祀用正德

益文憲源二子長瓚瓚子三人慎愷恂皆無後次
璩爲中書舍人子三人懌愷恪恪居華陽懌字子
夷奉母孝獻王時調粟帛懌力學攻書建文君召
懌入翰林爲侍書

學士王忠文公

公名稔字子克義烏人幼秀爽奇敏及長長身山
立屹有偉度習古學師事黃潛戊子元政亂公爲
書七八千言上時宰謙其切直格不聞竟棄張起
岩並薦不報隱青巖山著書戊戌徵公署中書省
掾商略機務上每稱子克不名間與論文章稱

卷之二

五

便

頌上見頌喜曰吾固知浙東有二儒卿與宋濂
耳學問之博卿不如濂才思之雄濂不如卿癸卯
授江南儒學提舉司校理外艱乙巳除侍禮郎兼
引進使定議禮制遷起居注丙午陞同知南康府
律按察建府署撫殘集徙散收廩賢士搜除
姦黨經理廢壞郡得安輯賜黃金帶丁未召議即
位禮忤旨洪武元年降漳州府通判尋上疏曰臣
聞帝王祈天永命以爲萬世無疆之計在乎修德
而已人君修德之要有二忠厚以存心寬大以爲

政二者其大端也是故周家以忠厚開國垂八
年之基漢室以寬大爲政成四百載之業欽惟

皇上艱難十載大業已成今日急務宜法天道順
人心夫上天以生物爲心雷霆霜雪有時而搏擊

焉有時而肅殺焉然皆暫而不常向使雷霆霜雪
無時不有則上天生物之心息矣人君體上天生

物之心故動靜之間務合乎天不然則天必示之
變異以儆戒之君能修德天意自回天眷自永臣

願陛下法天道者此也夫君民一體古者藏富
於民取之有節近發德音減茶課免軍需民心感

卷之二

六

觀

欣之當減猶有可議者臣願陛下順人心者此
也法天道順人心則存於心者自然忠厚施於政
者自然廣大祈天永命之道未有越此者也二年
召修元史爲總裁官徵逸士汪克寬胡翰宋信陶
凱陳基趙增曾魯高啓趙訪張文海徐尊生黃虎
傅恕王錡傳著謝懋十六人爲纂修官開局天界
寺公史事擅長裁繁剔穢力任筆削書成拜翰林
侍制同知制誥兼國史院編修官三年預教大本
堂公經明理達善開道召對殿廷必賜坐從容宴

語未久奉使土蕃尋召還五年往諭雲南六月至
諭梁王 皇上聰明神聖天人所歸惟爾僻在西
南久阻聲教故遣使者來諭意亟宜奉版圖歸職
方官封如故身名俱全不然天討旦夕且至梁王
不聽館別室數日又諭曰朝廷以雲南百萬生聚
不欲殲于鋒刃曾不聞元綱解紐天兵西征不五
六年天下大定爾恃險遠屢拒明命龍驤鷁艦會
戰昆明悔無及矣梁王駭服有降意即爲改館會
元遣使脫脫至雲南覲梁王有二心迫殺我使以
固其意梁王持兩可不決匿公民間脫脫聞之請
殺梁王不得已出公與脫脫相見脫脫欲屈公公罵
曰天訖汝元命我朝實代之汝如燭火餘燼尚欲
與日月爭光耶我將命遠來豈爲汝屈有死而已
顧梁王曰汝朝殺我大兵旦夕至六年十二月竟
被害瘞地藏寺北年五十二子紳字仲縉博學能
文洪武二十九年走雲南求父遺骸不得述滇南
慟哭記建文君即位給事中徐誠御史黃凱薦召
爲國子博士預修 高皇實錄與方太史友善嘗
尊太史爲百代儒宗勸著書淑來學太史不應紳
悟遂略文藝潛心道德建文元年四月紳上言父

死節狀且曰 陛下方隆孝治而明詔又有旌表
節義之條正徵臣得展情事之時先臣志節獲伸
之日也下翰林議贈公翰林院學士奉議大夫謚
文節開國以來文臣有謚者寔自公始二年紳卒
紳子稔亦有學行門人私謚爲孝莊先生正統六
年又贈公翰林學士謚忠文公歿之明年宜興吳
雲使雲南雲字友雲敏達善詞賦洪武初以故官
召授弘文館校書郎改渭南丞有善政歷陞刑部
郎中磨勘司令刑部尚書出爲湖廣叅政坐事被
逮上憐其才釋之謂雲曰雲南未奉正朔卿能
爲朕作陸賈乎對曰天命所在誰能違之臣奉威
德告以大義彼必附順若冥頑不從與師未晚七
年九月遣行會雲南使鐵知院等二十人使滇北
爲我復 上釋二十人與雲俱至沙塘口二十人
者謀曰吾屬奉使不達中道被執而還罪必死共
說誘雲令胡服辨髮詐爲元使者又逼令改制書
共詒梁王雲不從以死自誓竟被害梁王遣人收
雲骨瘞蜀給孤寺子徽以雲死事得入國子監弘
治中徐文靖公言於朝贈刑部尚書謚忠節與公
並祠雲南嘉靖中又官其曾孫承宗中書舍人

參政陶姑孰郡公

公名安字主敬當塗人少敏悟有大志博涉經史元書院山長乙未與耆儒李習率父老出城迎

上召語時事公曰今豪傑爭雄志在子女玉帛非有撥亂救民安天下之心明公率衆渡江神武不

殺人心悅服以此順天人行弔伐天下不足平也上曰善吾欲取金陵何如對曰金陵古帝都龍

蟠虎踞限以長江據其形勝出臨四方何向不克上又曰善留參幕府習知府太平未幾公爲都

事丙申從克金陵陞左司郎中贊機務既而得劉

知基學問不如濂治民之才不如盜璫辛丑知黃

州寬賦省徭招徠流亡民庶悅服甲辰移知饒州

賜詩行時方征伐用急公善論民樂輸軍興不乏

乙巳信州賊攻城公與千戶宋炳率吏民分城拒

守選勇卒爲游兵晝夜巡捍請救江西行省公登

城諭賊曰爾皆吾民反爲賊用得無失計乎衆曰

使皆如太守豈有今日城卽破不相害會援兵至

賊大敗遁去諸將怒請盡屠諸從賊者公曰民爲

置翰林院召爲學士知制誥修國史時召四方宿

儒集議禮制公總裁定修律爲議律官洪武元年

上與儒臣論學術安對曰道之不明邪說害之

也上曰邪說害道猶美色眩目鮮不爲惑自非

豪傑不能決去夫邪說不去則正道不與正道不

與天下烏得而治公頓首曰主臣探本至論上

嘗賜公對國朝謀略無雙士翰林文章第一家御

史有言公隱過者上曰朕素知安安豈有此且

爾何從知對曰聞之道路上曰御史取道路言

段朕人以此爲盡職乎立黜御史初置山東行中

書省調江西參政汪廣洋山東公出江西爲參政

上曰朕渡江初卿首率父老見軍門爲朕陳王

道諭時務深合朕心朝夕幕府裨益良多繼入翰

林益聞譴論江西上游都會擇卿撫治對曰臣微

陋恐付託不效負聖恩公寬仁達吏事政績益著

四年卒年五十七疾劇猶草上時務十二事贈姑

孰郡公國初諸禮多公裁定大祀禮專用公議裕

祿禮定於唐同齋戒禮朱升五祀禮崔亮朝會禮

劉基祝祭禮魏觀軍禮陶凱

公名溢字三益龍泉人壬辰斬黃妖寇犯龍泉執公從子存仁公憐存仁幼願代賊聞公名大喜問計公正色曰若等皆有父母妻子顧為此滅族事賊怒并執公公夜給守者乘間脫歸集里兵擊却賊石抹宜孫平盜公有力上功行省授龍泉主簿辭屢有功鄉邑歷官武德將軍僉浙東都元帥府事皆辭結廬匡山又辟地入閩庚子 上徵公及劉宋葉三公至建業問曰我爲天下屈四先生今四海紛紛何時定乎公對曰惟不嗜殺人者能一之權倉管田司事巡行江東兩淮公乞省母病賜

散青田福建寇合攻慶元龍泉公守禦却賊者陽賊寇鄰邑遞平陽瑞安傳道公令子存道合平瑞兵擒賊水軍千戶任惟淵朱仲欽成青田賊至仲欽逆戰惟淵走仲欽以無援故敗公斬惟淵徇溫州平請朝京師 上曰卿在邊良苦俟平吳即召卿浙西諸郡平召公且命分兵征閩以存道守處公入見 上諭羣臣曰盜雖儒臣父子宣力一方寇盜盡平功不在諸將後因問征閩諸將對曰湯和由海道進胡廷瑞自江西入此必勝然閩中尤服李汝忠威信若令文忠帥師從浦城取建寧此

義人始令征閩許事平歸農復調征爽信不可
上不應公又曰兵已入閩者俾還州里昔嘗叛逆
者宜籍爲軍使北征自贖一舉而恩威著矣 上
曰孰謂儒者迂先生強爲朕一行公至處乞終母
喪不許遣存厚還治喪公集鄉兵令存道部出永
嘉浮海北行三上章乞終喪得允存道出崑山走
京師見 上授處州衛指揮副使戊子黨尋移平
陽指揮同知公喪母哀毀疾作二年卒公性孝友
誠確宏偉外若和緩至臨大事議論爭是非不避
權勢必折衷於理存道征陽和遇虜斷頭山力戰

卷之二

祭酒宋文恪公

公名誦字仲敏滑人父壽卿仕元封魏國公謚忠
肅公少承家教矩矱自檢性遇重不妄言笑齒貴
胄館師友切磋學問該博益有造詣初舉進士爲
鹽山知縣中更釋發懷實自晦洪武十三年徵詣
公車除國子助教橫經發難擊節廓蒙學者歸嚮
嘗侍 上爲詩文渾健古雅同遊諸儒皆推公十
五年夏陞翰林學士時建太學 上幸學博士龔
敦執經祭酒吳順進講 上喜召公至奉天門令

爲文立碑太學是冬初置殿閣大學士公以翰林
學士爲文淵閣大學士嘗寒附火燎脇下衣傷膚
上聞之爲文警訥曰脇者協也聞火焚汝脇將
非汝居內相不能協助人主爲政神怒耶公頓首
謝明年顯罷公自文淵閣遷祭酒會初開太學學
徒日衆師生相訐教尼不行 上簡用公特與勅
又令曹國公領監事公嚴繩準推恩義身言並致
鏗礪不遺餘力寢食學廂不復家宿一時士皆適
用 上親爲制詞褒公公嘗應詔陳安邊策言屯
兵絕田之法 上嘉納公病遣中使諭卿稟天命

卷之二

十四

之性發仲尼之誠施已之幽德修道教人所以病
不病而速差以其有神也又嘗言宋祭酒骨格必
壽適有畫工至命繪公像甚肖 上喜吏部尚書
余煥不喜公以事逐公去 上怒誅煥已念公老
召其子望江主簿麟侍養二十三年卒於官年八
十 上爲文遣官致祭故事文臣四品無給喪費
者給自公始又遣行人祭于家爲治墳塋官其次
子鄉邑訓導復祖爲司業三十年秋以張顯宗韓
克忠署祭酒司業事 上因思公坐奉天門諭太
學生曰宋誦作祭酒學規嚴肅秀才循蹈規矩回

學用朝廷以故得人訥善終朕禮送回鄉墓又
公途有司祭訥近年老秀才做祭酒懷異心不肯
教誨故廢訥學規今年年少秀才署學事違犯學
規重罪杖沒頭帖謗師長者首人賞銀百兩犯者
凌遲沒產正德中謚公文恪

大學士朱文恪公

公名善字備萬豐城人少穎敏好學九歲通經史
大義能屬文元末兵亂隱山中益奮力讀書著詩
經解顧史輯事繼母孝壬寅江西亂奉繼母展隱
山中供武初爲郡學教授八年召廷試第一授翰

林待詔上疏論婚姻律曰國重
臣家運世婚冷民間婚姻之訟甚多非姑舅之
姑舅則兩姨之子若女蓋法不得爲婚以故舉家
訟訟或已聘見絕或既婚復離或成婚有年兒女
欲奔奔同逼奪使夫婦分離子母永隔冤憤抑鬱
無所控訴悲號道路感傷人心議律不精禍乃至
此按舊律尊長卑幼相與爲婚者有禁若謂母之
姊妹與已之身是謂姑舅兩姨不可以卑幼上匹
屬若已爲姑舅兩姨子彼爲姑舅兩姨女無草

單之嫌爲子擇婦爲女擇婿古人不以爲非成周
之時王朝所與婚者不過齊宋陳杞四國而已故
當時稱異姓大國曰伯舅小國曰叔舅其世爲婚
姻可知至於列國齊宋魯秦晉亦各自爲甥舅之
國後世如晉之王謝唐之崔盧潘楊之睦朱陳之
好皆世爲婚媾其顯然可證者如溫嶠之玉鏡臺
以舅之子娶姑之女呂榮公夫人張氏乃待制張
昱之女待制夫人卽榮公母申國夫人之姊也今
江浙此事尤多以致訟獄繁興賄賂公行風俗凋
弊願以臣章下羣臣議弛其禁庶幾刑清訟簡風

厚朝廷是之
公曰人君能以
好惡爲好惡則公以天下之智識爲智識則明
又曰人之常情多矜已能好言人過君子則不然
揚人之善不矜已之善貨人之過不貸已之過又
曰萬事不可以耳目察惟虛心以應之萬方不可
以智力服惟誠心以待之公頻首稱善十八年陞
交淵閣大學士上御文華殿公進讀心鑑畢
誦曰人心道心有倚伏之幾人當持此心不爲情
欲所蔽則至公無私自無物我之累公頻首稱善
是年九月卒年七十二正德中謚文恪是時景隆

鮑恂有名禮部主事劉庸薦恂余詮張紳張長年
皆明經老儒達治體可備顧問上遣使驛召洪
武十五年冬恂詮長年三人先至恂年八十餘詮
長年逾七十 上見之甚喜賜坐顧問退就舍一
日 上召三人面命爲文華殿大學士力辭老不
任役使 上曰念卿等皆年高授此職煩輔導東
宮免卿等早朝日晏而入侍對不久當聽卿等致
仕還終餘年庶不負卿等平生學術卿等鄉里亦
爲美談何爲固辭皆言老且疾辭益力明日放還
鄉紳後至授陝西鄜學教諭恂純心篤行好學能

皆宿儒長厚君子也
皇明名臣記第二卷

子履準校
孫心材重

皇明名臣記第三卷

吾學編第二十四

海鹽鄭勝

就國俞忠烈公

公名通海字碧泉巢人父廷玉弟通源通淵江淮妖賊起時父子結寨巢湖自守左君弼據廬州輒窘廷玉通海聞上駐兵和陽走歸欵時上欲渡江得通海父子水軍甚喜率師至巢湖拔出寨雙刀趙謀切上通海密白上扶兵歸營營子海牙陳兆先之戰皆火攻敗其衆通海功多上淮翼元帥攻鎮江常州宣城敗吳呂珍進兵吳江

名臣記

卷之三

三十一

中流矢矢鏃不能出右目失明再破雙刀趙復池州陞僉書樞密院事進同知從上征友諒克銅陵搗九江掠斬黃友諒通還武昌還軍擊叛將祝宗復南昌上曰吾得南昌斷友諒臂大喜已而友諒發憤率衆圍南昌上率通海等西援友諒解圍東出都陽湖逆我師大戰通海乘風火焚其舟漢驍將張定邊者直前戰通海率飛舸射中定邊相持數日復乘風棹七舟載葦置火藥入敵水寨焚其戰艦數百獲僞王友仁友貴賊稍退時通海舟深入敵寨鏖戰我師遙望久之不復見舟意

通海戰沒少頃舟飄飄遠出敵舟傍我師見之大喜躍呼奮前大敗敵兵且移舟拔水寨遁去我軍先樞密子口及橫截左翼追敵歸路通海曰潮有淺舟難膠戰不利盍移兵入江掠上游敵舟入我直擒易耳敵見我水陸結寨不敢出糧盡益窘繞下流欲遁通海追擊敗之友諒死班師還賜通海田金帛攻陳理降陞中書省平章政事總兵略荆家港平廬州擢江淮行中書省事守廬州結鄰與農田兵民寧輯從征浙西克湖州轉戰至漢橋中流矢卒贈豫國公改號國公謚忠烈侑享太廟廷玉戰歿贈河間郡公通源封南安侯通淵越雋侯語在異姓諸侯傳

越國胡武莊公

公名大海虹人長身鐵面智力過人甲午調上爲前鋒從入和州克采石攻金陵常州大海先登授右翼統軍元帥宿衛佐鄧將軍守宣州取徽嚴橫槩陷陣遷樞密判官攻下蘭谿陞僉行樞密院事收諸暨衢處廣信上以婺浙東大郡通旣引越以公爲江南行省叅政守婺州己亥克處州壬寅苗軍元帥蔣英叛刺公并殺郎中王愷等降士

誠李將軍下杭縛英至京 上命懸公像市曹刻
英血祭公贈公越國公祭卞壺廟洪武元年築壇
雞籠山祭故功臣公位第一而附以文臣沒王事
者李夢庚王愷孫炎等二年立功臣廟於雞籠山
定祀二十一人命死者塑其像生者虛其位時公
及馮國用趙德勝耿再成丁德興俞通海張德勝
茅成八人已卒樓神卞壺蔣子文廟六王及華高
吳良吳禎曹良臣康茂才吳復孫興祖尚存也諸
公武莊公嘗曰吾不知書吾行兵惟有三事不
人不虜人婦女不焚人廬舍以故所至健兒驍附

名臣記

卷之三

三

三

蔡國張忠毅公

公名德勝合肥人才略彙遠沉毅剛果集義聚結
水寨自保與左君弼趙普勝戰不勝乙未以舟師
來歸 上悅謂李丞相曰方欲渡江乏舟楫而德
勝至殆天意也 上率兵拔公至和陽營于新河
授萬戶渡江拔采石取太平擒陳也先擢營宣統

營蠻子海牙陳兆先復屯方山伺太平公破之從
取集慶大破方山營擒兆先克鎮江陞泰淮翼元
帥從下常州宣州再陞倉樞密院事從下宜興普
勝陷池州公敗普勝擄江口復池州友諒犯龍江
呼諸軍力戰敗走友諒降其將張志雄梁鉉喻國
興劉世衍還太諒至采石戰歿贈蔡國公諡忠毅
侑享 太廟子宣幼養子同嗣職宣長 上命宣
嗣同復姓名爲汪與祖與祖以開國功封東勝侯
自有傳合肥又有周顯陳文皆驍勇顯從常將軍
李將軍有功戰歿阿魯渾河贈汝南郡伯文早喪
父奉母最孝從收吳越中原累戰功歷陞督府僉
事洪武十七年卒贈東海侯諡孝勇

梁國趙武莊公

公名德勝鳳陽人狀貌魁偉膂力過人馬上運槩
健捷如飛甲午聞母在滁陽軍中遂棄妻子來歸
爲帳前先鋒從克和陽儀真陞總管先鋒敗方山
營苗軍水寨收丹陽金壇廣德宣城轉領軍先鋒
戰毘陵湖州擢左副元帥伏友諒龍江下銅陵臨
山寨出淮南征高郵陞統兵元帥從破漢水寨走
友諒收黃梅廣濟克瑞臨吉撫四郡旋慶安慶降

南昌祝慶後南昌叛殺葉琛從復南昌授食江南
行樞密院事臨江吉撫三城叛又復三城協守南
昌統精兵爲戰將癸卯漢圍南昌公出戰射殺漢
金指揮漢益兵晝夜急攻城且壞公先諸將死戰
且戰且築城城壞復完巡城至東門敵發蹶張弩
中腰臂箭深入六寸即拔出指髀歎曰命也奈何
大丈夫恨不能從 主上掃清中原耳卒于獻領
其衆公沉驚簡靜剛明質直馭下嚴肅號令一行
旗幟改色平生未嘗讀書隨機應變智略如神臨
難不懼奮不顧身曾孫輔立功封武靖侯語在異

名臣記

卷之三

三

卷之三

姓諸侯傳友諒之圖南昌也凡八十五日與公先
後死者右副指揮使劉齊右翼元帥同知朱潛統
軍元帥許圭率兵取吉安漢兵掠城三人力戰死
左翼元帥副使牛海龍突圍出戰中矢死樞密判
官李繼先左副元帥趙國昭以危急繼先出戰被
掠去死國昭引兵燒賊艦追至投橋死洪都知府
葉琛江西行省都事葉思成康祝之變琛思成迎
戰市中死臨江府同知趙天麟守臨江城城破死
官軍百戶徐明當圍城日沒設陷穿數臨城誘戰
明乘醉躍馬出城射賊賊走明追賊墮箬中賊鈎

主誘降不從死張子明者張元帥之子代父爲間
使走金陵求援還至湖城被執友諒強官之萬戶
令徇城給降子明佯許至城下大呼我張大舍已
見 主上令諸公堅守救兵且至我必死幸得見
諸公賊怒即攢槊刺死張德山夏茂成皆軍士性
勇敢善戰德山以夜半潛出城焚賊舟死茂成守
城樓當賊衝中飛砲死友諒滅贈公梁國公齊彭
城郡侯海龍隴西郡伯繼先隴西郡侯圭高陽郡
侯國昭天水郡侯琛南陽郡侯天麟天水郡侯明
合肥縣男茂成總管德山千戶子明初贈武毅將

名臣記

卷之三

三

卷之三

軍飛騎尉千戶後加贈忠節侯潛思成贈未詳皆
廟祀南昌公進侑享 太廟謚武莊琛麗水人博
學多才與同郡劉基章溢抗名元季從石抹宜孫
討寇有功 上下婺州見宋濂聞琛基溢皆國士
越公克處州琛避走建寧既而還麗水與基溢濂
應聘至建康處禮賢館講明經史訪論治道擢管
田司食事壬寅知洪都府事有吏才善輯撫兵民
愛戴之

四國耿武莊公

公名再成五河人癸巳來歸從征授百戶立功泗

滁和陽建康鎮江陞元帥守鎮江克揚州改守揚州宜興數被吳寇又改守宜興尋還守揚州上取金華爲前鋒屯緡雲取處州又改守處州石抹宜孫率衆驟至公擊敗走死先是士卒無論大小徵私粟民間號岩糧民苦莫敢誰何公白胡叅政盡罷岩糧壬寅苗帥叛公方與客飲聞變上馬收戰卒不滿二十人迎賊罵曰俘虜奴國何負汝乃反急解甲降不降吾斫汝萬段揮劍連斷數寨兵不繼賊刺公墮馬大罵不絕口死子天璧糾父部曲殺賊比至王師已誅賊贈公高陽郡公天璧嗣名臣記

卷之三

七

戴晉書五

永義侯桑公

公名世傑無爲人甲午與廖俞蔡諸公結水寨巢湖乙未納款趙普勝畜異志公洩其謀上得歸和陽集而舟載勇士至黃墩攻敗普勝及蠻子海牙上趨入和陽諸軍大集即攻破采石鱗魚洲鐵長官水砦取太平擒陳也先蠻子海牙遁擒兆先入金陵援鎮江陞兼淮翼元帥下金陵丹陽從常州攻寧國常州平陞判行樞密院事取馬駝

沙克大浦口江陰下太湖收宜興尋與諸將攻江陰石碑海寇樂瑞公奮戈躍馬陷陣死諸將大怒奮擊盡獲海舟擒瑞上念公贈永義侯侑享太廟國初忠節廬有公及廖楚公俞號公蔡梁公四人洪武六年詔定功臣謚號禮部言光武封寇侑爲承義侯景丹奉義侯世傑侯名永義不必重謚上從之子敬以父故封徽先伯語在異姓諸侯傳

太師丞相韓國李公

公名善長定遠人上略滁陽公謁道旁留幕下

名臣記

卷之三

八

三司五十七

掌書記謀議軍機畫饋餉甚見親信嘗語公務輯和諸將成功一日上從容問曰四方戰鬪天下何時定乎對曰秦亂漢高帝起布衣豁達大度知人善使不嗜殺人而不五載而成帝業胡元酷暴視秦尤烈以故群雄蠭起土崩瓦解解主公濠產距沛不遠與漢高帝同受山川王氣能法其所爲天下不足定也上曰漢高帝所用豪傑未有踰張良韓信蕭何三人者今徐達勇力或可方信先生可當張良蕭何乎對曰良智計絕人後世鮮比善長何敢望良若供給饋餉或可效何上曰良不可

名臣記

卷之三

九

三十八

得矣今天下才智之士可擬良者先生幸教孤孫將就見之對曰世豈乏才顧善長不能悉知惟知金華宋濂博學洽聞且知象緯上日以孤所聞知象緯者莫如青田劉基是年除陽王欲拔公置麾下弗肯行乙未上總兵和陽謀出諸將右諸將忌上公委曲調護上發采石公爲戒嚴軍士榜入太平榜通衢城中肅然初至太平與國翼元帥府公爲帥府都事丙申三月從克建康籍軍民凡五十萬七月奉 上爲吳國公公爲江南行中書省參議轉給軍食戊戌上征婺州守建康辛丑議立鹽錢茶法進叅知政事癸卯上授南昌復征武昌皆留守甲辰奉 上爲吳王陞右相國乙巳上言湖廣邊務議江右湖廣魚課歲可得穀一百餘萬石資餉李濟據濠公爲書招濟丙午濟降吳元年率諸臣勸進上未許時刑獄太繁上謂公無更連坐叅議李飲水楊希聖不職公劾黜二人九月論平吳功封宣國公十月定官儀尚左改左相國克總裁官定律令是月議取中原福建廣西十二月率百官勸進明年戊申正月上即皇帝位兼少師二月進郊社宗廟議五月

名臣記

卷之三

一

三十八

上幸汴議定都又議取元都公留守八月駕還上六部官制十二月定喪服及三司朝賀東宮儀二年正月上諸神祭禮及翰林官制二月監修元史四月奉詔編祖訓十二月議賞平定中原功三年正月定服色議征沙漠置司農司河南制存恤祿養國初都先鋒十大元帥都尉指揮陣亡無後者之父母妻妾淫祀是秋病十一月大封功臣上諭諸將曰善長雖無汗馬之勞然累歲久給足食功甚大宜進封韓國公授開國輔運推誠守正文臣太師左丞相食祿四千石券文比公蕭何四年正月致仕賜臨濠地墳佃戶董建臨濠宮殿七年以公弟存義爲太僕丞移江南民四十萬墾濠田命公總田事八年秋南安侯監田弗勤又勅公留鳳陽者數年子祺尚皇長女臨安公主爲駙馬都尉歲祿六百石是年廣洋陳寧劾公不問十三年正月胡惟庸辭連公羣臣請逮獄上曰朕初起兵善長謀畫門曰有天日矣是時朕年二十七善長年四十一所言多合吾意命掌簿書贊計畫功成爵以上公以女與其子此吾初起時朕心吾不忍罪勿問公奏還儀戶既而仍給御史三

中丞安然老命公理臺事十四年議征漢北雲南十六年上文官封贈蔭叙例十七年河南水命稭賑恤二十三年春肅清逆黨榜列勲臣五十七人公猶在上列未幾坐罪不問會有星變其占爲大臣災御史再劾公遂暴卒年七十七虞部郎中王國用上書訟公寃曰竊見太師善長與陛下同一心出萬死以得天下爲勲臣第一生封公死封王男尚公主親戚皆被寵榮人臣之分極矣志願足矣天下之富貴無以復加矣若謂其自圖不軌尚未可知而今謂其欲佐胡惟庸者揆之事理大謬

名臣記

卷之三

十一

言狀

不然人情之愛其子必甚於愛其兄弟之子安享萬全之富貴者豈肯僥倖萬一之富貴哉雖至病在亦不爲矣善長於惟庸則姪之親耳於陛下則子之親也豈肯舍其子而從其姪哉使善長佐惟庸成事亦不過勲臣第一而已矣太師國公封王而已矣尚主納妃而已矣豈復有加於今日之富貴者乎且善長豈不知天命之不可倖求取天下於百戰而艱危也哉當元之季欲爲此者何限莫不身爲齏粉世絕官污僅保首領者幾人哉此善長之所熟見也且人年邁權傾精神意慮鼓舞倦

矣偷安苟容則善長有之魯謂有血氣之強暴動感其中也哉又其子事陛下托骨肉至親無纖芥之嫌何得忽有深讎急變大不得已之謀哉凡爲此者必有深讐急變大不得已而後父子之間或至相挾以求脫禍圖全耳未有平居晏然都無形跡而忽起此謀者此理之所必無也若謂天象告變大臣當災則殺人以應天象夫豈上天之意哉今不幸以失刑而臣竊制爲明之猶願陛下作戒於將來也天下孰不曰功如李善長又何如哉臣恐四方之懈體也事枉寃延羣臣杜口竟無一人爲陛下言者臣誠愧耻忘其疎賤冀陛下萬一感悟并就鼎鑊無恨臨安公主卒于江浦祺子二人長芳留守中衛指揮茂鎮撫旗手衛陞指揮僉事芳子五人長恒停襲恒生城瑄城生宣宣生衛

名臣記

卷之三

三

言狀

太子太師賴國傳公

公名友德宿人初從明玉珍不得志走從陳友諒辛丑率衆來歸從征友諒鄱陽湖被數創戰益力殺數百人甲辰從征武昌先登陷城中大擢雄武衛指揮使乙巳攻安陸被九創丙午破張士誠兵于馬驪港吳元年守徐州躍馬奮刺敵乙擒李二

拜江淮行省叅知政事大將軍北征 上曰友德

勇略冠諸軍可當一面從下沂青洪武元年從克

汴梁河南衛輝廣平獲元將爲向导克德滄州直

沽至河西務下通州克元都偵邏古北諸隘口分

兵守蘆溝橋略大同還下保定真定撫太原擴廓

帖木兒遁敗賀宗哲石州二年從取陝西三年克

汧漢是秋征甘肅還封潁川侯食祿千五百石賜

券 上欲取蜀以中山侯爲征西將軍率廖永忠

等舟師由瞿塘趨重慶公以征虜前將軍率顧瑄

等步騎由秦隴趨成都四年辭 上曰蜀人聞言

西伐必悉精銳東守瞿塘北阻金牛拒我師出其

意外直搗階文門戶旣褻腹心自潰兵貴神速但

患不勇耳公至陝言出金牛規階文守備弱即趨

陳倉選鋒築綠山谷晝夜行大軍繼之直抵階州

蜀斷白龍江橋阻我都督汪興祖躍馬直前中飛

石死公奮攻拔文州兵渡白水江遂趨綿州至漢

江造戰艦將進兵漢州欲通軍聲湯將軍爲木牌

數千書克階文綿日月投漢江順流下蜀守者見

之解體尋拔漢州夏丞相戴壽太尉吳友仁悉衆

守瞿塘聞公破階文擣江油壽友仁分瞿塘守兵

還援漢州保成都未至公舟師逼漢州敗其將向

太亨城下迎擊壽兵敗之拔其城時湯將軍駐大

漢口未進 上引公冒險克階文功責湯將軍湯

將軍已獲公所書木牌遂趨夔州七月壽太亨以

成都降公湯將軍亦克重慶公分兵盡下川蜀諸

郡縣十月還京十二月論功 上曰友德統軍冒

險首克階文破綿漢成都克保寧諸郡功最大又

爲平蜀文旌公平蜀之後安輯撫禦平羌將軍御

史大夫丁玉恩信最著至今番夷稱丁大夫云五

年副馮勝征沙漠出金蘭攻甘肅至瓜沙六年復

出雁門爲前鋒虜遁軍還留鎮北平召還從太子

諸王獵荆山講武九年副湯將軍備伯顏帖木兒

延安番兵縛伯顏帖木兒以降 上將平雲南命

公巡川蜀降永寧雅播金筑普定中平乾溪等寨

還京十三年乃兒不花寇邊十四年副大將軍討

之九月朔爲征南將軍永昌侯西平侯爲副統兵

三十萬征雲南 上曰雲南遐僻取之當自永寧

始先遣驍將別軍向烏撒大軍繼自辰沅入普定

分據要害乃進兵曲靖雲南喉襟彼必併力拒我

審勢出奇取勝在此旣下曲靖三將軍一提勦兵

趨烏撒應永寧大軍直擣雲南彼此牽制彼疲於奔命破之必矣雲南既克分兵徑趨大理勢將瓦解其餘可不煩兵而下公兵至湖廣遣都督胡海洋等帥兵五萬由永寧趨烏撒公率大軍由辰沅趨貴州進攻曲靖擒其司徒平章達里麻擊烏撒遣副將軍趨雲南梁王走死滇池公遂城烏撒得七星關通畢節又克大渡河降東川烏蒙芒部諸蠻十五年上諭公霽翠輩不盡服雖有雲南亦難守慎之公進兵克大理諸郡是年翠及宋欽皆降蠻地悉平公因俗立法定貢賦興學校掩骸骸

名臣記

卷之三

十五

三十八

廣屯田南人大悅十七年還京論功進封賴國公食祿三千石與世宗十九年再征雲南二十一年復討曲靖普安二十三年征沙漠還駐開平復征寧夏二十四年北征哈者舍利王二十五年兼太子太師二十七年暴卒子忠尚壽春公主爲駙馬都尉讓金吾所鎮撫

論曰俞

通海胡大海張德勝趙德勝耿再成桑世傑

六公首從義旗經營四方皇情軫悼脩食大丞

然皆殞身行間不及見一統之盛韓公李善比述

蕭文終賴公傅友德取巴蜀雲南功第一佐成帝

業剖符上公竟不免於走狗良弓之憾功名之際可易言哉

皇明名臣記第三卷

子履寧校

孫心材重校

皇明名臣記第四卷

吾學編第二十五

海鹽鄭曉

靜誠陳公

公名遇字中行金陵人天資純粹篤學博覽元至正中授江東明道書院山長温州路教授元末棄官歸安澹守約自名靜誠人稱之爲靜誠先生每日焚香拜天願早生仁聖救此創殘上定金陵南臺侍御史秦元之薦公宜顧問左右即日召見與語大悅每稱先生三幸其第與官輒辭不就上既即位問保國安民大計公以不嗜殺人薄斂

名臣記

卷之四

一

三

狂賢爲對再除翰林學士固辭嘗奉密命至浙江還奏稱旨賜金除禮部侍郎又固辭會疾醫療類

至病愈入謝上望見連呼君子君子除禮部尚書又固辭自是不煩以務每從容燕見賜坐侍食談說經史古今成敗孝弟仁慈事公溫良謹恪人有過被上諫力爲解上喜公誠篤每聽公言嘗曰卿老矣有子可帶刀衛朕公頓首伏地辭年七十二卒賜贈祭加東園秘器季子恭舉人累官通政贈公大理少卿公弟中復嘗隨公侍上永樂初爲翰林待詔繪事精雅中復子孟顥善書

上以武功創業頗喜接耆儒特江西鉛山龔敦學博行淳鄉鄙人皆向慕敦國初以明經爲府學教授御史葉孟芳薦徵至洪武十三年秋上坐武英殿西廡見諸儒使言志皆對曰不敢上負聖主自棄明時上喜始置四輔官以王本杜佑及敦爲春官杜敦趙民望吳源夏官秋冬官缺公兼攝未幾敦致仕十四年起爲國子司業陞祭酒杜敦壺關人勤慎力學精通易書詩爲四輔官兼太子賓客後以疾卒源興化儒學教授洪武十三年中書舍人林廷綱薦源德行本以儒士行誼著聞

名臣記

卷之四

二

三

祭酒樂公

公名韶鳳全椒人博學能文章有智畧謹厚自持乙未從渡江參贊機事洪武三年授起居注四年轉給事中遷中書省員外郎再陞兵部侍郎尚書六年改侍講學士修大明日曆章定洪武正韻更製釋奠先師樂章尋移病見八年召拜國子司業未幾陞祭酒尋致仕歸以壽終弟暉人材進遷開封知府太常卿殺爲諸暨州同知並知名公有人趙奎王才魯文質陳旭陳友此五人者並起

敵潰從 上渡江取采石奎體貌魁岸有材畧立功援總管守宜興洪武四年從征其肅猝遇敵衆畏怖奎獨奮殊死戰敗之 上喜旭英毅多智識友有膽氣常居前鋒才尤材武文質攻醫授太醫院判奎才並都指揮使旭從靖難封雲陽伯友平蠻功封武平伯旭友語在異姓諸侯傳

祭酒劉公

公名崧字子高太和人七歲能賦詩洪武三年以才學舉職方郎中陞北平按察副使坐事輪作京師歸鄉十三年胡丞相誅 上手勅召爲禮部侍郎

名臣記

卷之四

三一

三

郎未幾署吏部尚書請老與勅致仕十四年召致仕刑部尚書李敏爲國子祭酒起公司業公至上喜賜鞍馬未旬日遽得疾猶強坐訓諸生疾革敬問所欲言曰天子遣崧教國子將責以成功而遽死乎無一語及家事年六十一 上爲文祭公公博學有志行家素貧及貴未嘗增產業居官十歲不以妻子相隨清苦如布衣時其爲北平按察副使携一童往至則遣還每夜孤燈一榻讀書不輟五更衣冠起坐待旦招徠逋逃慰安反側惟務寬厚存大體尤慎威刑小人險狡輒先事防制溫

顏異詞而見者凜然致仕歸益謙下問學之功老而彌篤與人言未嘗及官政文雅粹詩有唐人風韻所著有北平八府志及詩文十八卷藏于家職方集行于世

祭酒陶公

公名凱字中立臨海人博學善屬文洪武初薦與修元史選授太子書學除翰林應奉文字三年陞禮部尚書四年請建奉先殿乾清宮左 上曰焚香朔望薦新及節序生辰祭用常饌行家人禮上從之公每議禮與堦城崔亮相可否亮亦有

名臣記

卷之四

四一

三

學識善論奏是歲請選人專任東宮官罷兼領職庶輔導有所責成 上曰古者不備官惟賢能是用朕以廷臣有才望勳德者兼東宮官非無謂也嘗慮廷臣與東宮官有不相能遂成嫌隙或生奸謀離間骨肉其禍非細若江文事可爲明鑑朕今立法今府省臺官兼東宮贊輔之職父子一體君臣一心庶幾無相構之患五年公言漢唐皆有會要記載時政及起居注記言記事宜令臺省府各置銅匱簿錄 聖旨及時政依會要編類爲書上從之出爲湖廣叅政致仕八年召爲國子祭酒

太子少保唐公

尋老復以參政致仕自稱耐久道人 上聞之恣
曰何自賤也尋竟坐罪初牛諒與公同爲禮部尚
書以急職犧牲不中廢功臣廟不茸降主事尋復
尚書未幾坐不職罷公安性過人才高學博識見
卓遠爲文千言汨汨不見有艱難意初遊吳楚文
多激慨中更亂離去居深山中授經養親文多隱
約明與應聘而起凡稽古禮文事多公論定又兼
領翰林院事詔令封冊歌頌碑碣時時命公文章
遂盛傳於世時有潼州楊訓文者元淮海書院山
長遇亂不能去居江都吳元年徵爲起居注 上

名臣記

卷之四

五

唐

稱訓文謹厚諭令始終一致兩遷中書省左司郎
中改太常卿知湖州府移知汀州入禮部亦與公
同爲尚書已而改戶部出爲河南行省參政洪武
五年卒訓文學行政事有名亮初爲禮部尚書滕毅
遷濟南知府憂去洪武元年召爲禮部尚書滕毅
不知何許人與訓文同以儒士徵從事徐相國幕
下授起居注 上命集古無道之君如桀紂秦皇
隋煬事以進曰往古人君善惡皆朕鑑鑑也洪武
元年初設六部首擢毅爲吏部尚書召見面諭令

盡識

公名鐸鳳陽人庚子從攻江州授西安縣丞召還
中書省官勾出知延平府三載召爲殿中侍御史
復出知紹興陞刑部尚書改太常卿內艱賜半俸
服闋除兵部尚書改諫議大夫坐事左遷監察御
史尋陞右副都御史復爲兵刑二部尚書初立詹
事院兼詹事食尚書祿未幾致仕已而改院爲府
復起爲詹事食尚書祿事致仕再起爲太子賓客
尋陞太子少保二十八年使龍州諭趙宗壽還
出參議總兵楊文軍事經畫守衛撫輯蠻獠公重

名臣記

卷之四

六

唐

厚慎密靖廉不妄取予 上初起兵時即侍左右
每以故舊遇之僚屬罪數連公 上念公篤行皆
不問時諸卿中詹微以才勝公以德勝然不動聲
色而政務修理人咸愛之 上嘗曰都御史詹微
刑部掌部事唐鐸二人性行不同下人事之亦異
微剛斷嫉惡不容奸僞後吏髮蓬面垢容愁肌瘦
不異羈囚以不得肆其貪故若是鐸始友及臣至
今三十四載交不知變色口不出惡聲德有餘而
才稍不足屢被小人誣誤極刑者數矣朕深知其
德曲宥弗罪奸人忌微剛則謗訕滿朝鐸厚重無

疵又謂儒而無爲一切文移計稟皆舞文弄法愚
鐸賄賂公行鐸無可奈何嗚呼聰明決斷者以爲
非淵德海涵者以爲愚人之心不古若此邪三千
年卒年六十九卹賻最優

尚書郁公

公名新臨淮人洪武二十二年除戶部度支主事
賜名新明年陞北平部郎中又明年超授戶部右
侍郎考滿上廷中對羣臣稱新才陞尚書公尚
書戶部凡十三年綜理甚密而取民有節上嘗
問天下戶口田賦地里險易計數公應機響應無
名臣記 卷之四 七

遺謬時親王歲祿米五萬石他賜物又萬石公議
定歲一萬石并定郡王將軍中尉主君祿建文中
調兵食効勞靖難後賴戶部尚書永樂元年言淮
河間多淺灘跌坡阻運舟請自淮安用船可載三
百石以上者運入淮河沙河至陳州潁漢口跌坡
下復以淺船可載二百石以上者運至跌坡上別
以大船載入河至八柳樹諸處今河南車夫陸運
至衛輝入衛河輪北京二年上屯田賞罰例三年
卒上顧解公籍等歎息稱新才新理邦賦能會
計量入出今誰可代新者公篤實有禮家素餘財

慷慨豪舉喜賓客樂賑施

尚書詹公

公名同字同文徵新安人少穎悟好學元舉茂才
異等爲郴州學正避亂黃州事漢爲翰林學士承
旨兼御史甲辰兵下武昌見上授國子博士陞
考功郎中丙午爲起居注上命有司訪求古今
書籍藏秘府資覽閱因謂公曰三皇五帝之書不
盡傳于世後鮮知其行事漢武帝購遺書六經始
出唐虞三代之治始可得而見武帝雄才大畧
世罕及至表章六經開闡聖學又有功於後世

名臣記

卷之四

八

每於官中無事輒觀孔子之言如節用愛人使民
以時真治國之良規孔子之言誠萬世師也吳元
年上諭公等曰國史貴直筆是非善惡昔唐太
宗觀史雖失大體然命直書建成本事是欲以公天
下也予平日言行是非善惡汝等官當直書勿隱
諱使後世觀之不失其實是年自翰林待制遷直
學士明年陞侍讀學士上嘗諭公曰古人文章
明道德通世務如典謨之言皆明白易知無深怪
險僻之語孔明出師表亦何嘗雕刻爲文而誠意
溢出至今使人誦之自然忠義感激近世之士辭

難艱深意實淺近即使過於相如楊雄何禪實用
自今翰林爲文但取通達術達時務者無事浮藻

洪武四年陞吏部尚書六年爲翰林學士承旨兼

吏部尚書上言陛下起兵渡江以來征討平定之

蹟禮樂治道之詳雖有紀載向未成書乞編日曆

藏之金匱傳於後世上從之命公與侍講學士

宋訥爲總裁官七年五月大明日曆成自上起

兵臨濠至六年癸丑冬十二月凡征伐次第禮樂

沿革刑政設施羣臣功過四吏朝貢之類莫不具

載爲一百卷藏金匱副在秘書監公及宋訥又言

名臣記 卷之四 九

日曆藏之天府人欲見之有不可得臣請如唐太

宗貞觀政要分類更輯聖政爲書以傳天下後世

上從之分四十類自敬天至制蠻夷凡五卷名

皇明實訓自後凡有聖政史官日紀錄之隨類增

入尋以翰林學士承旨致仕未幾復爲承旨翰林

學士卒子徽歷官監察都御史改僉都御史洪武

十七年陞左都御史十九年上以徵奉職公勤

復其家二十二年爲吏部尚書兼左都御史明年

以徵子太子洗馬綬爲尚書司丞二十五年加太

子少保兼吏部尚書都御史與李太師不相能徵

從子希原爲中書舍人善大書兼歐虞韓柳凡官
殿城門坊扁皆希原書徵後坐藍黨死

尚書開公

公名濟字來學一字學臣洛陽人嘗自比賈誼以

明經舉爲府學訓導陞國子助教與胡丞相善以

疾罷歸訓徒里中洪武十四年御史大夫安然爲

公有治才召試刑部尚書未幾爲真公勤敏有爲

嘗奏令司置考功圖日書所行事稽覈勤怠上

喜賜大第甚宏麗曰有司以此爲式十五年陞

御史趙仁言曩以賢良方正聰明正直孝弟力田

名臣記 卷之四 十一

文學之士列置郡縣政績少聞又聘天下秀才以

資任用臣愚以知人不易莫若考其經明行脩達

於政事者爲一等通曉四書才兼幹濟者爲一等

量才授職往代舊官其既代之官就令布按二司

覈其稱職平常不稱職給文赴吏部再覈去留

上覽其言謂公等曰秀才今徵至數千人宜嚴試

授職公等條議乞選有才識文武之臣公暇延訪

秀才以經明行修爲一科工習文詞爲一科通曉

四書爲一科人品俊秀爲一科言有條理爲一科

達治道爲一科六科備者爲上三科以上爲中

三科以下爲下不通一科者不在擢中 上從之
公敏慧有才辦凡國家經制田賦獄訟工役河渠
事衆莫能裁定得公一算畫卽有條理品式可爲
世守公得 上信任益奮勵効職他部事輒兼理
人忌其才高又見 上每召公議事謗言遂起竟
暴卒

大學士吳公

公名伯宗金谿人洪武四年進士第一人時初開
科取士賜袍笏冠帶擢禮部員外郎命與學士宗
訥同修大明日曆胡惟庸方用事欲人附已公性
名臣記 卷之四 十一

諱季一

剛直不肯相屈下惟庸恨之八年惟庸竟中傷公
謫居鳳陽公上書論時政因言惟庸專恣不法不
宜獨在中書恐久之爲國患辭甚剴切 上得奏
卽召公還賜衣鈔使安南得馴象方物以歸爲國
子助教十二年進講東宮陳正心誠意之說明年
改翰林典籍 上製十題命賦公援筆立就詞語
峻潔 上曰伯宗才子賜織金錦衣十四年除太
常寺丞辭明年改國子司業又固辭由是忤旨貶
陝西金縣學教諭至淮安召還爲翰林檢討十五
年初設殿閣學士公爲武英殿大學士十六年冬

坐弟仲宴爲三河知縣謬薦人詞連公復爲翰林
檢討明年卒公溫厚詳雅博學能文章所著有南
宮使交成均玉堂詩集

大學士吳公

公名沉字濬仲金華人故元國子博士師道子博
學善屬文國初舉爲縣學訓導疾辭洪武十二年
薦授翰林待制明年降編修尋復爲待制十五年
應對失旨左遷渭源學教諭未行改翰林典籍陞
東閣大學士十六年進精誠錄錄三卷言敬天忠
君孝親事皆述五經四書語 上命公爲敘特撰
名臣記 卷之四 十二

諱季一

千家姓公爲表進未幾考功劾怠事降侍書尋改
國子博士十九年秋致仕公嘗著辯言孔子封王
爲非禮自是布政使夏寅祭酒丘濬皆以封孔子
王及謚爲非禮

學士劉公

公名三吾字如孫以字行初名崑茶陵人嘗避兵
廣西行省承制授靖江教諭遷儒學副提舉王師
下廣西歸茶陵洪武十七年通政使茹瑄薦爲
老矣應對詳慎 上喜除左贊善歷陞翰林學士
公博學通經史文章典麗旣入翰林備顧問等

密議懿文太子卒 上意在 文皇問公對曰皇

孫年富世適之子子沒孫承道統禮也即立燕王

置泰晉二王何地 上領之遂立建文君為皇太

孫十八年三月上省躬錄初 上命儒臣編古帝

王祭祀災祥感應可為鑒戒者為存心錄既又命

公編漢以來災異之應臣下者為書賜名省躬錄

云二十三年授晉世子經坐怠慢為吏部侍郎侯

庸劾降國子博士未幾復學士二十六年以婿趙

勉為戶部尚書坐罪乞免官未幾又復學士 上

厭表笑多諛詞纖巧命公及右贊善王俊華撰定

名臣記 卷之四 三十三

願天下尋暴卒 抗志辭榮終被恩遇三祭酒 樂韶

論曰靜誠 陳遇 抗志辭榮終被恩遇三祭酒 樂韶

積學勵行模範克修唐公 錄 才非不逮有容

德焉郝公 新 精敏善理財亦能任怨唐公 同 留心

史事後無繼者至今百七十餘年遺文故事闕焉

無聞開公 清 長才博識政有體要雖為刑官兼裁

衆職兩吳公 吳伯宗 文而不靡質而不俚劉公 吾

嫡孫繼統之對不可誣也

皇明名臣記第四卷 子履準校

孫心材重校

皇明名臣記第五卷

吾學編第二十六

海鹽鄭曉

河間張忠武王

王名玉字世美祥符人仕元爲樞密知院洪武十八年自拔來歸二十一年從征捕魚海子哈喇哈授濟南衛副千戶又從勦粉紅帖木兒至延安陞安慶衛指揮僉事二十三年從征永順散毛諸洞明年逐北虜至雅寒山還調燕山左護衛二十六年追虜至黑松林明年征野人陞都指揮同知建文君初卽位稍繩削親藩成祖舉兵靖難王議名臣記

卷之五

三月十四日

畫爲多事可否進止衆論未定者王正色數語立決首用王策奪北平九門撫順勦強三日城內外悉定師將南出王曰不先定薊州將爲後患會馬宣起兵薊州迎拒王攻之宣率衆出戰執殺宣并執毛指揮使是夜急趨遵化戒將士止殺曰師行以得人心爲本簡敢勇士四鼓登陴開其城門將士皆入城中始覺守將率衆拒戰執殺之不傷一人分兵永平密雲皆望風輸欵從上至灤河王進曰都督潘忠楊松在漢州阨吾南路宜先擒之上悅立發兵曰汝爲先鋒遂攻涿州雄縣擒潘楊

二都督時長與侯耿炳文率兵二十萬屯真定王自請往覘敵還言軍無紀律且其上有敗氣無能爲上至無極以敵衆我寡欲試諸將勇怯召問今兵所向度可必勝否衆未有說王曰今當徑趨真定彼衆新集我軍乘勝一鼓可破也上曰善吾倚王一人足辦吾事抵真定接戰炳文大敗獲其左右副將軍李堅寧忠及都督顧成等斬首三萬餘級獲馬二萬復敗安陸侯吳傑軍永平馳報江陰侯吳高等以遼東兵圍城急又譟報曹國公李景隆引兵數十萬將攻北平城上與王議

名臣記

卷之五

二

三月十二日

援永平既至高等望風棄輜重遁王從上追斬甚衆王言大寧去此不遠請移軍襲之可免後顧上從之遂取大寧殺其都指揮朱鑑北平報景隆兵圍城急遂旋師王請搗景隆營大戰二日城中不支謀出表裏夾攻景隆軍不支大敗遁去從攻廣昌大下景隆收潰卒號百萬且復至王言兵貴神速先事上命王率衆馳駐河上三日景隆兵至王以騎兵接戰景隆復大敗收餘卒退保濟南乘勝追擊圍其城既而解圍還攻滄州獲其大將徐凱進

攻東昌敵列陣決戰 上以數千騎繞出陣後敵

圍 上數匝衝擊得出王不知 上所在突入敵

陣大戰連殺百數十人王竟被創歿年五十八

上哭既旋師諸將侍語及東昌事 上曰勝負兵

家常事不足計所恨艱難之際失王今吾寢不帖

席食不下咽憤涕不已諸將皆泣 上即位論功

顧侍臣曰王才備智勇論靖難功當第一惜其蚤

歿贈奉天靖難推誠宣力武臣特進榮祿大夫右

柱國追封榮國公謚忠顯 仁宗在春宮數與侍

臣言王識見謀略卓然老成非諸將所及且端方

名臣記 卷之五 三 三

有匡直之益洪熙元年加封河間王改謚忠武伯

享 成祖廟廷子輔別有傳

東平朱武烈王

王名能字士弘懷遠人父亮國初功世燕山護衛

正千戶王嗣官事 成祖藩邸建文元年起兵靖

難王及河間王首議縛三司奪九門即引兵東攻

薊州敗都指揮馬宣兵拔薊州度石門又拔遵化

襲破大寧還兵破雄縣鄭州擒都督楊松長驅至

真定敗長興侯耿炳文再戰滹沱河王躍馬大呼

突陣敗炳文兵還鄭村壩破九門兵又敗平安兵

白溝河二年攻濟南追戰敗鐸山下戰東昌盛唐

鐵鉉力戰圍 上數匝平安兵又至國益急王率

周長等兵合胡騎奮戰 上潰圍東北角出還營

王在諸將中最年少善戰河間王善謀戰沒東昌

軍事一諮王是年歷陞都指揮同知三年收合諸

軍將薛祿等進戰夾河擒都指揮張安夾河之戰

潭淵死靖難兵窘得王至再戰勝軍聲復振敗盛

庸兵藁城三戰三敗之遂至王與陳亨諸將攻真

定王先鋒衝庸中堅殺幾萬人擒都督顧成山

兵截南兵哨騎連戰順德大名彰德衛輝皆有功

名臣記 卷之五 四 三

戰西嘉山破定州十月戰蠡南兵大潰是年陞都

督倉事四年克東阿進攻東平殺判官鄭華盡破

汶上諸寨至小河王真戰死平安兵大捷靖難諸

將議旋師王獨按劍奮罵諸將曰漢高祖十戰九

敗終有四海今舉事連捷小挫輒歸更能北而事

人耶諸將皆大不忠當斬衆遂定 上引兵南下

大戰大店又戰小河橋又大戰齊眉山連捷盛庸

平安等合兵六十萬依潼山爲陣王率李遠等設

奇四面進攻大敗平安等銀牌軍都督陳暉來援

安又敗暉擒平安等三十人降十萬衆六月渡江

進屯金川門夜漏下五刻門開定京城建文四年
封成國公食祿二千五百石與世朱永樂四年元
征夷將軍率二十五將軍討安南加祿千石至龍
州卒能身長八尺沉毅號果善射士卒被服常依
儒生追封東平王謚武烈侑享 成祖廟庭子勇
嗣正統十四年扈駕北征虜卒至勇引兵五萬迎
擊冒入鵝兒嶺中虜伏戰歿隻騎不返子儀乞葬
祭不許停侯景泰二年詔已已諸將敗胡者其受
朝廷成算陣亡成國公修武伯與子襲爵贈方三
陰王謚武愍儀始得嗣守備南京三十餘年卒

名臣記

卷之五

五

三

定興張忠烈王

王名輔河間忠武王子也靖難功歷陞指揮同知
辛巳嗣父都指揮同知統父兵戰夾河濠城彰德
靈璧有功壬午九月封信安伯食祿一千石與世
朱永樂三年以父功進新城世侯加祿三百石四
年克征夷右副將軍佐成國公討交趾成國公卒
軍中進王大將統二十五將軍兵八十萬人賊境

名臣記

卷之五

六

信

賊沿江列柵六七百里水陸拒守我師至江口破
其堅壁遂拔多邦城進攻破交州乘勝引兵蹙清
化獲其巢穴降夷民十餘萬季犛遁入海屯兵猷
子關賊襲我逆擊敗之五年督舟師進攻斬賊數
萬追至奇羅海口擒季犛并其二子蒼澄交南平
得郡縣一百三十四戶三百一十二萬上議復古
郡縣置交趾都布按三司六年進封英國公食祿
三千石是年交賊簡定又反王率師二十萬討之
七年獲簡定召還京八年交賊陳季擴又反福復
陳氏王又出討之賊走海洋據險荷花口王率兵
促之至愛子江登岸賊設象伏我王偵知令先驅
曰羣象來衝一矢落象奴再矢披象鼻象奔還自
相蹂大軍乘之賊敗十二年縛季擴十三年留王
鎮守盡平餘寇十四年召還京二十年從 上北
征胡二十三年冊王女為貴妃洪熙元年加太師
改王從兄兵部右侍郎信為錦太世指揮同知宣
德元年漢王謀反審遣人通王王母賢令王縛見
上得早覺從 上親征加祿歲三百石顧佐為都
御史請保全功臣王辭兵權時時與蹇夏三楊諸
大臣侍 上左右備顧問正統十四年從駕出土

木敗績王殺景泰元年贈定興王謚忠烈王三征交趾皆與沐晟偕王功爲多王器宇雄壯顧盼有威不妄言笑歷事昭章睿皇皆重王武臣恭慎有禮長子忠勳衛病忠庶子傑乞嗣王弟文安伯觀太平侯軌言傑本忠婢子不可嗣景泰五年王庶子懋嗣懋謹恪好禮守法知兵歷三營十二營總兵累加太師正德十六年卒贈寧陽王謚恭靖子嵩嗣嘉靖十四年卒子濬嗣

平江侯陳恭襄公

公名瑄字彥純合肥人父開開國功歷陞成都右名臣記 卷之五

衛指揮同知公嗣父謫戍遼陽公請代原戍從征卜木瓦寨冒險先登敗賊復從征餘寇賈哈刺一日十三戰明日又七戰擒賈哈刺陞四川行都司同知進督府僉事建文時召防江靖難兵至江上具舟迎降封平江伯食祿千石世指揮使永樂初北京遼東軍儲不足充總兵都督宣信爲副帥舟師海運歲米百萬請建百萬倉直沽尹兒灣城天津衛籍兵萬人戍守舟經海島下令交市人不取譴兩便之會有倭劫沙門島公以漕舟追至朝鮮境盡焚其舟殺溺死者甚衆三率舟師備倭聞

海海溢江北岸崩公起隄自海門歷通泰北至鹽城凡八百里又後人二十萬起高丘嘉定爲海運表識名寶山 上爲文樹碑山上旣開舍通河罷海運公建議造淺艦二千艘歲運二百萬石後增至五百萬石疏清江浦引水由管家湖入鴨陳口達淮就管家湖築隄亘十里以便引舟淺儀真瓜洲通潮鑿呂梁百步二洪石平水勢開泰州白河通大江築高郵湖隄內鑿渠亘四十里淮濱作常盈倉五十區貯江南輸稅徐臨清德州皆定倉便轉輸河淺處輒膠舟濱河置舍五百六十八所

名臣記 卷之五

八

舍置淺夫俾導舟可行處緣河隄鑿井樹木使人行獻陵初下詔求言陳七事其一言江南轉漕軍民並困 上覽之戚然令有司議所以寬恤者仍勅獎公與世伯券景陵時鎮守淮安兼督漕運政益修上言楚王府密事請曲防調護衛軍漕上不從卒贈侯謚恭襄公閩獎英毅弘度傳客家人廣會談論疊疊公餘披閱載籍考知代官成敗治亂之故喜近逢掖士時相講議善交際無利濟人所謂海運者本虞夏時沿江入海貢漕自劉家港開洋經黑水綠水白達頭水諸大洋險又有

伏礁洞以故糧多漂至歲數萬石挽卒往往溺死
自宋公開會通河罷海運瑄又治邦溝通江淮於
是漕大利便并罷中濬之運漕渠在江淮間者公
功爲大在齊魯間者宋公爲多公久祠清江浦漕
渠旁往往有公祠至正德中始祀宋公濟寧分水
河上宣德十年公子佐嗣卒子豫正統二年嗣
三年統兵討福建叛寇有功明年滅鄧茂七進流
侯加祿百石景泰中兩鎮臨清卒贈顯國公謚莊
敏子銳天順八年嗣出鎮兩廣勦蠻賊奪還得掠
萬人召總漕運十二年建白百餘疏脩治渠有功

名臣記

宋之五

卷之五

加祿二百石歷進大傅卒子熊弘治十六年嗣正
德三年總漕運劉瑾橫索熊金錢不得坐多買田
宅侵民利謫戍海南衛奪誥券瑾誅復爵卒正德
七年子森復給卒無子熊廷圭嘉靖元年嗣

漳國鄭忠毅公

公名亨合肥人父用開國功陞副千戶大興衛公
嗣以勇健持榜招胡幹難河陞指揮僉事密雲從
靖難首擒馬宣克薊州南破雄鄭克真定先登援
永平敗遼東兵克先鋒襲大寧夜率衆破鄭村壩
兵乘勝西破紫荆關掠廣昌直抵大同旋軍大

戰白溝河陷陣大捷遂北至雄又南出攻濟南再
攻滄州絕餉道南驅至東昌戰敗西收散卒軍深
州連戰夾河蕞城並捷巡徼至河上還屯完遂破
東平汶上長驅至齊眉山先鋒力戰巖靈壁大捷
遂克泗州渡淮至江上入金川門歷陞都督僉事
封武安侯食祿千五百石與世券永樂元年留守
北京出鎮宣府繕諸屯堡八年總右哨從上出
塞敗本雅失理十三年領中軍發出塞二十二年
領左哨又從出塞還守大同獻陵卽位克征西前
將軍再鎮守大同防禦有方畧大同無虞患是時

名臣記

宋之五

十

卷之五

遵將稱公及薛公祿宣德元年召還掌北京行後
府事未幾又出鎮大同轉餉宣府九年卒公嚴肅
謹厚善撫士廉潔琬培克人不敢干撓卒贈漳國
公謚忠毅妾張自經殉贈淑人十年子能嗣坐法
立功邊塞正統六年復爵卒子宏十二年嗣卒子
英成化十三年嗣卒子綱正德十二年嗣

鄆國薛忠武公

公名祿初名貴膠人起卒伍從靖難奪九門東攻
薊南破雄鄭圍真定擒駙馬李堅東援永平襲大
寧旋師解北平圍大戰白溝河又戰夾河濟沁河

先登有功單橋之戰馬蹶被擒奮脫縛拔刀斬守
兵數人復上馬去再戰大敗平安軍轉戰淮上有
功陞督府僉事從征胡有功進右軍都督訓練
初軍董建宮殿永樂十一年封陽武侯食祿千一
百石又再出從征胡獻陵即位巡北邊戰虜大松
嶺斬獲功多遣鴻臚卿即軍中勞賞與世券加祿
五百石洪熙元年克鎮朔大將軍巡邊景陵討高
照以公宿將忠謹克先鋒圖樂安城擒高照留鎮
樂安明年從上巡邊出會州戰敗虜塞下留鎮
朔州永平復克鎮朔大將軍護軍餉開平又出塞
邊戰虜鳳凰嶺斬其酋收華蓋數萬加太保條上
邊事城赤城永寧獨石疾作召還卒贈鄴國公謚
忠武公有勇畧善謀謀定後戰以故戰必勝紀律
嚴明秋毫無犯又潔庶善撫從兒同甘苦人樂爲
效力靖難諸將推河間東平二王及公三人爲最
子勳先卒宣德七年孫誦嗣與初祿千一百石卒
于琮正統五年優給景泰四年嗣卒于倫優給成
化十五年嗣卒于翰嘉靖九年嗣

鄴國宋忠順公

公名晟字景陽定遠人父朝用兄國興皆起定遠

此葉北大配補

田間累開國功朝用官至右都督國興總管戰沒
南堂公嗣兄官克徵寧征關陝三鎮涼州進官松
府洪武一十三年克總兵官征破哈密密者虜
所城也公誅其酋王子別列怯等三十餘人獲虜
衆千三百人金印一銀印一所得馬牛羊咸給將
上又明年征平東西番誅擒七十五百餘人獲馬
二千五百牛羊十萬班師二十七年調中府克副
總兵討遼東邊寇戰騰溫江大捷明年平廣西斬
幪諸寨又明年總羽林八軍平伍開龍里十三洞
三十一一年率師城萬全諸衛還京建文元年以公
父若涼州若威信回番畏服克總兵官鎮河西靖
難後來朝進左都督克平兼稱軍復鎮永樂三年
論降虜酋把都帖木兒倫篤兒失遣使持節即軍
中封西寧侯食祿千一百石世指揮使留鎮木義
卒贈鄴國公謚忠順子瑄指揮使卒次琥尚安成
公主次瑛尚威寧公主六年上召入駟馬見武
英門諭兵部曰琥父有功可嗣侯與世券八年琥
出鎮河西輒遣人出塞上切責琥令讀書改過
洪熙初坐不敬奪爵小駟馬嗣求白河坎地有司
言坎地有民田四十七頃景陵怒不與坎河坎地

此葉北大配補

尋念號功臣子又懿親與駙馬祿千石正統十四年瑛戰歿北邊子傑以金吾指揮使嗣繼第偉俊皆指揮儼佐皆千戶傑卒景泰六年子誠嗣誠卒無子天順二年第讓嗣成化八年卒子禮嗣卒子良臣正德十六年嗣

廣寧侯劉忠武公

公名榮宿遷人沿父名江爲總旗旗例得沿祖名以故公以江名爲總旗從靖難立功夾河葉城泥河陞督府僉事出塞討馬哈木阿魯台進左都督克總兵守遼東當是時倭寇數入金復公設墩堡

名臣記

卷之五

三

言李

伏兵永樂十七年倭船入王家山島傳烽至公率精兵疾馳入望海埭明日倭數千人分乘二十艘直抵馬雄島圍望海埭榮發伏出戰遣奇兵伏山下斷其歸路倭奔入櫻桃園公合圍斬首七百四十二捕生八百五十七自是倭大創迄今不敢犯遼東召封廣寧伯食祿千二百石與世祚復名榮還鎮十八年卒贈侯謚忠武子湍嗣卒無子第安嗣正統十四年從征降都督同知景泰中守大同詔復伯爵時上皇至大同安邀郭登出見郭曰不可測吾二人者守土爲職脫有變奈社稷何

擢甲登城北面拜曰臣義與城存亡安竟出見命進侯從上皇入京言官葉盛劾安落侯復爲伯天順元年進封侯加祿六百石與世侯恭討曹賊功加太子少傅成化七年卒贈嶧國公謚忠偉安兄淮子璫與安庶子璇爭嗣十二年璫嗣伯與璇錦衣正千戶十五年璫卒無子安妻劉薛璫官乞嗣父安侯安少子璫又乞嗣祖伯爵十六年令璇嗣伯以璫官與璫弘治二年幾卒子佶嗣嘉靖元年佶卒璫嫡孫泰嗣

論曰河間張王善謀東平朱能善戰靖難之勲之名臣記

卷之五

十四

言李

王爲最平江陳瑄開漕渠而罷海運至今賴之定興張輔三出南交拓地千里武安鄭亨陽武薛斌往來北塞下且戰且守忠順宋晟靖羌於西垂廣寧劉榮伏倭於東徼所謂經營四方矯矯虎臣與皇明名臣記第五卷

子履準校

孫心材重校

皇明名臣記第六卷

吾學編第二十七

海鹽鄭曉

太師楊文貞公

公名士奇初名遇以字行江西泰和人早孤從母教敏力學手不釋卷年十三通舉業爲鄉里師有陳生携書數冊過館下色懷甚公問故云有母不能養也公曰嗟乎人孰無母亟分徒十五與生弱冠游章貢章貢守儒者重公令攝琴江教事琴江令亦儒者重公公道令平恕邑有冤囚公爲言令得解囚懷金謝公曰吾以教爲職縣官事吾安所

名臣記

卷之六

一

楊文貞公

預聞辭不受已而游楚中楚中人皆慕公諸楚中吏欲薦公輒辭建文初廷臣薦公名儒徵授教職時年三十六未任會修高帝實錄留翰林充編纂官尋命吏部考第史館諸儒尚書張統泰公第一除吳府審理副明日復召入翰林靖難後改編修入直文淵閣陞侍讀公有經濟才廉靜寡慾文學蘊藉上顧喜公永樂二年兼左中允饒人朱季友獻所著書詆求儒公請毀季友書上勅行人鈞季友至饒大會藩臬郡縣吏民捷季友望其家所著書五年陞諭德六年上巡北京

太子監國上問監國事公頓首言太子孝敬仁

明每侍學輒言尊君順親忠孝天性太子每注意

傾聽十一年請罷明年元旦朝賀以日食故十二

年秋上北征還下公錦衣衛領繫尋宥之十四

年上在北京聞漢庶人有異志召問隆平侯信

還京又問公頓首乞善處父子兄弟間全天恩

上默然削庶人兩議衛是年上歷代名臣奏議十

五年東宮令公爲周易直指置齋閣中二十年秋

上北征還又下公錦衣衛領繫逾旬釋公事長

久歷陞翰林學士改左春坊大學士二十二年太

子即位始陞禮部左侍郎兼華蓋殿大學士入謝

首言北京山東賦棘歲八十萬爲香炭得無與寬

詔戾上立減十五上曰朕倚任義原吉士奇

宜盡言匡朕公每與兵部尚書李慶禮部尚書呂

震議事不協上輒從公言憐公孤立又曲爲調

劑和輯諸大臣洪熙元年加少保兵部尚書三俸

並給解尚書俸賜天元玉曆賦尋加少傅一日

上出章示諸大臣言海內治平者公對曰流徙未

歸瘡痍未復人尚艱食願聖明留意上曰曩

與卿輩繩愆糾繆銀章惟士奇封入伍疏豈朝政

無關生民果安乎諸大臣皆頓首謝 上即位以來大理少卿弋謙數言事免謙朝羣臣恐懼久之無敢復言事者公爲謙解召謙爲副都御史大理卿虞謙亦以直言左遷少卿而以其屬吏楊時習爲卿公又力言不可是年四月遷夏東楊及公侍上問昨夜星變見否對曰未見 上慘然曰天命也歎息而起又明日召公及蹇公諭曰朕監國二十年謾應交構心之艱危吾三人共之賴 皇考仁明得保全言已泣二人亦流涕慰 上上曰即吾不幸後誰復知吾三人同心一誠遂賜公楊貞

名臣記

卷之六

三

三

一印閱月 上崩景陵即位公首定南北取士法會試南十六北十四宣德初漢庶人反 上親征擒庶人師還陳山迎 上乞移師彰德襲趙王上令諸大臣議未決公不可比至京 上思公言召賜金幣二年安南反黎利矯陳氏有孫葛在乞立焉 上密示張輔輔曰此利請詞當益發兵誅此賊輔退又召問蹇夏皆對曰利不可信蹇夏退又召諭公及東楊曰輔義原吉云云二公力言棄交趾便 上喜賜二人飲明日出利表示廷臣遂殺交趾三年斥都御史劉觀 上諭朝臣貪濁奈

何公對曰貪風始永樂末今更甚 上問何如對曰十五六年後 文皇數疾不視朝慮從之臣託賄賂公行無忌 仁宗嘗諭臣初至北京 上言諸從臣惟吏部侍郎師遠廉東楊曰當是時惟方賓有貪名 上即顧東楊問今日貪者誰甚對曰莫甚劉觀 上撫掌歎曰除惡務本親去誰代觀者公薦顧佐五年春 上御齊宮召議赦即授罕賈曰蠲災傷田租第一事詔下民大悅是歲清明 上奉太后謁二陵召見公及張輔蹇東楊南楊六臣 太后曰卿等先朝舊臣勉輔爾君

名臣記

卷之六

四

三

太后退謂上曰先帝曩在官時議六臣優劣輔武臣達大義重厚小心但多思少斷士奇能持正不避忤意每議事先帝數不樂後竟從士奇言是夏上立文華門召公屏左右言張璠嘗言榮當馬甚富今察之皆邊將饋榮榮大召朕對曰榮屢從文皇北征典兵馬以故接諸將今內閣臣知邊將才否塞阮險易遠近及虜情順逆臣等皆不及榮遠甚 上笑曰朕初即位榮數短汝非義原吉汝去內閣久矣汝顧爲榮地耶頌貢曰願 陛下以曲容臣者容榮使改過六年秋 上頗微行衣半

從四騎至公家比出迎 上已入門立庭中公懷懼伏地言 陛下奈何以宗廟社稷之身自輕擾擾塵埃昏昧中 上笑曰思一見卿明日遣太監弘問曷不謝對曰至尊夜出愚臣迨今中心惴惴未已豈敢言謝又數日遣弘問竟不微行乎對曰陛下恩澤豈能遍洽幽隱萬一有冤夫怨卒窺伺竊發誠不可無慮後旬餘錦衣獲二盜嘗殺人捕急遂私約候駕之玉泉寺挾弓矢伏道旁林莽中作亂捕盜枝樹變服如盜入盜羣盜不疑以謀告遂為所獲 上歎曰士奇言不虛遣弘賜金綺七

名臣記

卷之六

五

年乞方面郡守聽三品以上京官及布政按察使薦用犯賊連坐又乞極刑之家有賢子弟勿素上皆從之 上又曰劉翀亦極刑家今不在侍近乎十年裕陵即位冲年 昭皇后臨朝委任公公乞屯田以省漕運又乞開經筵選簡侍從加少師正統四年乞致仕不允與璽書展墓過歸數年間災變頻仍每切修省獨適慎獄休養生民又能嚴嚴百司推薦才傑公卿藩臬頗稱得人 上亦高拱九重不事巡幸南北供億十減三四奄振上畏母后下憚公雖欲侵權稍自歛戢七年 昭皇后

崩又明年公卒年八十贈太師諡文貞公預修四朝實錄 太祖實錄凡三修初建文時王景總裁永樂初解縉再修公也公所著有沙羨稿石臺稿文籍志法書志東里集三朝聖諭錄

太師楊文敏公

公初名子榮字勉仁閬建安人建文二年進士為翰林編修靖難後召七臣入內閣公年最少最警敏 上為更名榮 上嘗晚出右順門召內閣准公在出江西撫賊章曰都督韓觀宜有勞勅公章曰計發奏時觀在途觀不得論功 上從公言

名臣記

卷之六

六

三百五十五歲

當是時內難初平危疑未戢公內承顧問外副政務稽纂文事日無虛晷進修撰數月陞侍講永樂元年歸省二年七人侍 上勞曰天下事朕與若等相商確非若六卿分理並賜三品服立 太子兼諭德尋轉庶子分直講經史五年經畧并肅邊外艱起復俄內艱會北巡又起復七年公及胡廣金幼孜扈行其肅總兵官何福言虜脫脫不花來歸公復至其肅受降還復命公持節至亦集乃軍中封福寧遠侯上寧夏邊務八年春徵征本雅失

三驢駒河九年春始得奔母喪中使護行比還

侍學 皇孫十年中臣宋琥言老的罕叛數入赤

斤蒙古寇 上以公曉暢軍旅命公至陝西會豐

城侯彬議進兵方畧是冬還言出嘉峪關千里險

阨乏水草餉道弗能通又近寒士馬疲瘠不可輒

用兵罷中國役小醜當自來歸 上從公言未幾

老的罕復歸十一年從巡北京明年從征瓦剌時

皇長孫侍行 上令公三人驛即侍 長孫請所

治理十四年陞翰林學士兼庶子十五年從巡

京十六年掌院事 上益信任公公抗直或發人

私以故人亦忌公薦公爲祭酒國子疎公不得近

名臣記 卷之六 三十五

在左右 上憐公才不許公知諸大臣忌已幸

上不信益發府部院拾弊爲密章上 上亦留中

不下務輒和諸大臣十八年進文淵閣大學士仍

兼翰林學士從北征秋還京冬又將西征或言是

文中琮江西民兵可徵發 上持章示公對曰

皇上命復民業且二十年復征發信勸衆非仁料

兵非勇 上曰善三殿災借犒致上便宜十事二

十一年秋從西征駐宣府軍中事一切付公是役

也也先土干來歸衆疑懼莫敢定議公請往受降

二十二年從北征中道乏軍與公請令軍中相假

貸入塞官債亟班師浙江守臣言浙東麗水與閩

政和山寇掠劫請兩都司合兵進剿公曰不可愚

民苦有司不得已相聚剿則毒民益聚不可解願

下勅遣一介撫諭不足煩兵 上從之侍 上坐

帳殿 上曰東官監國久政務熟閑今歸付天下

事東官朕將老焉公曰 太子孝友天下歸心稱

皇上付託 上悅至榆木川大漸時 太子在南

京公秘不發喪歛畢馳告 太子太子至即位

太常卿仍兼大學士逾月進太子少傅謹身殿

學士已而 上知公軍中倉卒有大功陞工部

名臣記 卷之六 八

書文三俸明年獻陵崩 太子又去南京防奸疎

變兩京戒嚴公急迎 太子入即位復公家宣德

元年漢庶人反公力贊親征選棟將卒及軍中進

止從公策馬騁亂交趾黎利以立陳氏爲名據地

反大臣皆言發兵滅此賊公及西楊請棄交趾界

陳氏是年秋從 上出喜峰塞召公問曰人君馭

世之權孰重對曰命德討罪 上曰然二者天下

公器舜舉十六相誅四凶而天下服以天下之好

惡爲好惡也齊威王烹阿封卽墨大夫不以左右

一好惡爲好惡也人君賞罰至公無私然後能服

天下公頓首稱善選陞少傳賜剛直方正銀章敦
月上上念寒夏西楊及公四人老賜勅褒諭公又
再侍巡邊皆至洗馬林班師裕陵即位與西楊並
進少師正統五年展墓還至武林卒年七十贈太
師謚文敏校世都指揮使建寧公總裁四朝實錄
經理三帝山陵累從出塞屢受逆音撫順討逆
勦勒萬里運籌設險折衝理財隨機應變靖而不
撓濟險解紛調停有術果而能容謀而善斷行
修謹智度圓融祿厚財豐贍賑窮既貴賤聲名
歸心焉所著有北征記默菴退思二集靜軒

名臣記

卷之六

九

楊文定公

二稿訓子編兩京類稿

太師楊文定公

公名溥字弘濟楚石首人建文二年進士爲翰林
編修靖難後侍東宮爲洗馬兼編修東宮觀漢書
稱張釋之對曰釋之誠賢非文帝寬仁亦未得行
其志因采文帝事編類以獻東宮大悅時二王巧
中東宮宮寮多得罪永樂十二年東宮遣使迎
上還上怒黃淮先至下獄西楊金間繼至上
曰且有士奇問何人乃得侍太子下法司訊詞
建公及芮善王愷遂與二部侍郎陳壽俱下詔獄

公在獄中勵志讀書不輟獄中人止公命臣測無
徒勞苦爲應曰朝聞道夕可死奈何輒自棄經史
諸子讀數周長陵崩獻陵釋夏公即釋公公出獄
哭文皇伏地不能起上亦哭陞公翰林學士
宣德元年陞太常卿兼學士入內閣是年獻陵崩
先是獻陵欲近公建弘文閣思善門左命公掌閣
事又選侍講王璉侍直改博士陳繼學錄楊敬爲
編修訓導何澄爲給事中輪對上手弘文閣印
授公曰朕用卿左右非止助益學問亦欲廣知民
事爲理道助即有建白封識以進公嘗密疏言事

名臣記

卷之六

十一

楊文定公

上褒答至是上還弘文閣印宣德元年上召
公語及治兵公曰兵貴訓練有方撫養得宜上
曰養之厚則得其心練之精則得其用若素不訓
養一旦驅之矢石間進退失措安望有濟三年屢
上出喜峰口征虜四年上坐齋宮召諭曰朕每
念創業難守成不易夙夜倦倦今幸百姓稍安顧
禍亂生于不虞嘗爲憂惕邇來群臣好進諛詞令
人厭聞卿宜勉輔朕公頓首謝臣不敢忘報稱
上曰直箴朕過報朕多矣公又頓首謝直言求之
非難受之爲難上曰然是年秋內艱遣中官護

行賜葬母一品夫人禮遂召公復入弘文閣尋
從巡塞上度雞鳴山六年冬 上坐文華殿三楊
並侍 上諭曰朕念祖宗積德累善篤生 太祖
繼天立極創業垂統 太宗迅掃姦回再安宗社
皇考恢弘治化增高累厚以固鴻業朕承天位夙
夜不忘記曰先祖有美而不知不明知而不傳不
仁是用撰述成詩揭之座上朝夕覽觀勉圖繼述
庶幾永保天命今以刻本賜卿等當亦思祖宗開
創之難守成不易盡心輔朕國家安卿等亦與
榮焉尋陞禮部尚書兼學士裕陵卽位 昭皇后

名臣記

卷之六

十一

三百六十六

臨朝公復入內閣首言聖帝明王莫不務學 先
帝在時屢諭臣等勸學 東宮遺音尚在靈鑒如
臨 皇上肇登寶位必明堯舜之道以圖唐虞之
治乞早開經筵預擇講官必得學識平正言行端
謹老成重厚遠大體者數人以共其職及選宮中
左右朝夕侍從之人涵養本源輔成德性 昭皇
后喜一日后坐便殿 上西面立后傍召三楊及
國公輔尚書湊諭曰卿等老臣嗣君冲年幸并力
同心共安社稷又召公前諭曰 先帝每念卿忠
履形愁歎不謂今日復得見卿公伏地泣 昭皇

后亦泣左右皆悲愴先是永樂中 上時巡北京
太子居守以護故宮寮大臣輒下詔獄陳壽解籍
馬京徐善述王汝玉梁潛周見相繼死獄中公及
黃淮一繫十年瀕死者數矣獻陵每與 后言及
東宮時事慘然泣下以故 昭皇后爲言后又顧
上曰此五臣三朝簡任俾輔後人皇帝萬機宜與
五臣共計正統四年 宣宗實錄成遂少保兼武
英殿大學士公夙稟淳實操性直剛不尚機警每
崇忠厚至議政決疑與諸大臣爭可否或有躁心
浮氣公能舍己從人畧無係吝時稱三楊學士文

名臣記

卷之六

十一

三百六十六

貞爲西楊文敏東楊公南楊正統五年東楊卒又
明年 昭皇后崩又明年西楊卒十一年公卒十
四年遂有土木之禍公卒年七十五贈太師謚文
定

論曰西楊

文奇

玉質金相通達國體東楊

文揮

斤游刃遇事立斷南楊

文

安貞展節調羹釀醴

泰合成名並稱賢相云余聞之先人曰文貞輔導

監國危心慮患卒能保其身以濟其主文敏經畧

北塞金湯萬里有武績焉文定中更險難比人內

閣連二楊者二十三年復還弘文再入內閣 昭

皇后臨朝與民休息四海宴然皆其力也

皇明名臣託第六卷

子履準校

孫心材重校

名臣記

卷之六

十三

早天

皇明名臣記第七卷

吾學編第二十八

海鹽鄭曉

太師蹇忠定公

公名義字宜之初名瑑巴人洪武十八年進士授中書舍人奏事稱旨一日上顧問公汝蹇叔後乎頌首謝不敢上喜即書義字賜公易名一考當調命滿九載朕且用義建文君即位知太祖欲用公超陞吏部右侍郎靖難後轉左廵月陞尚書代張統當是時盡改建文諸例復洪武之舊公從容爲上言鑒成憲者豈無因革反亂政者從名臣記

卷之七

一

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

有經權間舉數事陳說本末上喜公忠實從其言或遂諸公不忘建文君上不聽永樂二年兼詹事上欲論太子率令詹事往導意太子尤愛重公七年巡北京佐太子監國諸王及遠夷奏請諸行在所餘悉啓太子處分公熟於典故達政體不動聲色事賴以濟九年與夏公同滿考賜宴勅獎諭十七年父喪歸起復詣北京謝遣中官護還京明年從太子朝北京十九年三殿災特勅廷臣二十六人巡行天下公及給事中馬俊巡應天諸

盡法繩吏人將不勝斥出太甚者數人遷吏部二十年上北征還坐東宮事與西楊頌繫錦衣衛尋釋獻陵即位預政議者四五大臣首進公少保兼尚書文二俸歷進少傅少師賜公及東西楊公金公夏公繩愆糾謬銀圖書各一論曰朕有過舉卿即具疏用此封識進內制呈五臣及黃文簡公誥草上特增二語曰勿謂崇高而難入勿以有所從違而或怠又面諭曰此朕實心未幾又制蹇忠貞印賜公公重厚不敢專斷每承顧問常持兩端不能決然忠實無他腸西楊謂公勿過思公曰事不熟慮有後患上嘗笑曰義士奇言皆是東楊或詆公語聞上上不直東楊公頓首言榮無他即左右有譏榮者願皇上慎察上笑曰吾亦不信偶言及耳宣德初從征漢庶人軍中進止多從公時議赦交趾公及夏公力言祖宗疆土不可棄上不聽命擇人使交趾公薦伏伯安西楊語夏公伯安不可使公當榻前力爭當是時上尤信任夏公比召諸大臣入議公薦伯安上顧原吉云何對曰不可公曰伯安有口才群臣不

上又顧問士奇云何對曰伯安有穢行無學

識遣使必辱國 上從二人言不遣伯安使公亦不以二人爲異已宣德三年秋從巡邊還 上顧寒少師老不欲煩以事勅曰卿事 祖宗積效勤誠朕嗣統允資贊輔夙夜在念圖善始終以卿春秋高尚典劇司非所以優老待賢況師保宣亮爲職不煩庶政乃副倚畀可輒吏部務朝夕在朕左右相與討論至理共寧邦家其專精神審思慮益致嘉猷用稱眷倚老成之意明年夏郭璉代公尚書又賜公忠厚寬弘銀章一七七年秋令有司治公第八年一品九年賜宴禮部公生日賜鈔萬馬一

名臣記

卷之七

三

三

太師夏忠靖公

公名原吉字惟詰湘陰人鄉薦遊太學選入禁廡書誥授戶部主事尚書郁新奇之與商確諸司事劉郎中者忌公會劾諸司忌事者 上曰宥之新請必罪 上怒新問誰教汝新免冠謝得已劉郎中因奏果人教尚書者意中公 上問新爲誰對曰堂後書算生教臣臣愚過聽萬死 上下書算生獄劉郎中又奏公專尚書柄言前事實原吉教尚書 上曰聞原吉能佐尚書汝願欲陷原吉耶劉郎中與書算生皆棄市建文君即位逾月陞部右侍郎明年充採訪使巡福建未幾移鎮新州

名臣記

卷之七

四

四

前代屢疏以當潮汐沙泥淤積旋疏旋塞自吳江長橋至下界浦約百二十餘里雖稍通流多有淺窄又自下界浦抵上海南倉浦口可百三十餘里潮汐壅障芟蘆叢生已成平陸欲即開浚工費浩大且淤沙淤泥浮泛動盪難以施工臣等相視得嘉定劉家港即古婁江徑通大海常熟白茆港徑入大江皆廣川浚流宜疏吳松江南北兩岸安定等浦港引太湖諸水入劉家白茆二港使直注海松江大黃浦乃通吳松要道下流壅塞難即疏浚傍有范家浜至南倉浦口可徑達海宜浚令深闊

名臣記

卷之七

五

三十八

上接大黃浦以達涖湖之水此即禹貢三江入海之跡俟既開通相度地勢各置石閘以時啓閉每歲水涸時修圩岸以禦暴流上從之後夫凡十餘萬公布衣徒步日夜經畫盛暑揮蓋去日衆赤體暴日中吾何忍哉饑奏發粟二十萬石賑濟二年還朝復出治水水洩農田大利召還部時賞功封建征夷下番營北京費億萬計皆取辦于公從上北巡兼掌行在吏禮兵部都察院事八年上北征輔太孫留守北京總理行在九卿事諭曰朕以房玄齡視卿公旦入朝獨遲展前奏決機務

朝退即官御史環請事公口應手判不動聲色駕還扈還京尋命侍太孫周行鄉落取鑾泰進太孫曰願殿下味此知民艱苦九年考滿宴便殿論廷臣曰原吉高皇養成賢德欲觀古名臣此其人矣命與姚廣孝監修國史十一年扈北巡侍太孫居上營後十四年侍太孫還南京十五年從幸北京十八年宮殿成命召太子太孫于南京十九年三殿災詔求直言言者輒云都北京不便主事蕭儀言尤峻上怒殺儀曰吾與大臣密議數月言遷都便言官遂劾諸大臣上跪言官大臣午門

名臣記

卷之七

六

三十九

難遷都利害都御史陳瑛罵言官白面書生不知大計上令左右問衆議云何公曰臺諫職言且應詔陳言臣等備員大臣不能協贊大議臣等萬死罪再問對如初上說盡釋言官大臣上御便殿關門每召公語移時左右莫得聞退則恂恂若無預者交趾平上問陞賞孰便對曰賞費于一時有限陞費於後日無窮上從之法王來朝上欲郊勞公以爲不可法王見便殿命公拜又不肯拜上笑曰卿欲效韓愈耶過侍郎楊勉之遠矣十九年上議征虜公力諫上怒繫內

官監籍其家竟北征阿魯台及兀良哈明年又征
阿魯台又明年北征還至榆木川不豫顧左右曰
原吉愛我 上計至太子走公繫所呼公哭曰楊
榮至父皇賓天矣公伏地哭不能起太子召問國
事公言方今民力竭于東南矣臣處于漕運宜幸
南京少蘇民困太子即位復公戶部尚書會母喪
乞終制 上曰卿老臣宜其濟艱難卿有母我無
父乎如卿辭職朕亦不當在此不允立太子兼太
子少傅尋進少保兼太子少傅尚書如故文三年
固辭許辭太子少傅俸洪熙元年冬無雪 上作

名臣記

卷之七

七

明倫彙編

憂民吟授公和手勅欲除鬻割鞭背連坐妖言誹
謗之刑公與二三大臣密議聞 上從之賜田五
頃建第兩京李時勉廷諍激 上大怒言時勉
朝辱朕公曰時勉小臣豈能損聖德願少霽天威
下法司議罪未晚太子去南京 上崩 昭皇
命公急迎太子太子將至羣臣郊迎 后留公佐
襄王居守太子既即位時密咨公或袖小帖付
公公亦時有所白宣德元年漢庶人反指公微赦
租爲奸臣首 上夜召諸大臣議公免冠頓首曰
非當死 上曰彼僭卿爲兵端耳命坐屏左右

密議東楊首勸親征 上難之顧公對曰往事可
鑒臣見所遣將諸臣兵事輒泣臨事可知兵貴神
速卷甲趨之所謂先人有奪人之心也榮言是
上意遂決師臨城庶人猶令人繞城罵公三年賜
鉅金銀印曰含弘貞靜曰謙謙齋曰後天下樂從
巡還 上念公老勅報部務俾專論道左右明
年夏召郭資代公是冬從閱武郊外公生日 上
繪壽星圖爲詩賜公五年春卒贈太師諡忠靖復
其家朝議公宜贈伯西楊不可後三年郭資卒
贈湯陰伯公天性寬平靡德不報靡怨不釋其

名臣記

卷之七

八

三百七十九

財賦以愛人節用爲先酌大體畧煩苛以故雖數
興大役供餉贍給而民不繹騷雖愒無矯節不
務悅人人無識不識皆謂公君子長者呂震嘗
上前短公云奸震爲子求官 上問公公稱震有
守城功陳瑄靖難初欲殺公公力薦瑄才總漕運
周旋爲長史或薦爲郡守公言郡守不足展其才
悅得陞侍郎巡撫當是時蹇夏齊名塞公簡重善
謀夏公弘治善斷靖難後外兼臺省內參館閣呼
爲可否則濟國三十年間民安吏治有古大臣
之風焉公時修 太祖 成祖 仁宗三朝實錄

太祖實錄凡三修建文中徐輝祖監脩永樂初李景隆監修再公監修解學士表永樂初修者元年六月上凡一百八十三卷公再修者十六年五月上凡二百五十七卷又寶訓十五卷公治水東南有功吳人尸祝之正統間豪勢家奪水利溝防盡壞周文襄公治之纔十餘年又壞景泰中李侍郎敏治之弘治中又壞徐侍郎貫又治之正德末又壞李尚書充嗣又治之

太保黃忠宣公

公名福字如錫昌邑人鄉貢士爲項城主簿改清名臣記

卷之七

九

三

源有惠政遷金吾前衛知事陞龍江衛經歷參謀勤職才識明敏數出奇見任上官洪武中上書論大計上奇公三十一年四月起陞工部右侍郎建文君特見信用靖難後李景隆指公爲齊黨公厲聲言臣罪固應死但目爲姦黨則臣心未服上不問復其官尋轉左諭月陞尚書永樂三年都御史陳瑛劾公不恤工匠改北京行部尚書四年征交趾公及大理卿陳洽轉軍餉既郡縣交趾公以尚書兼掌布按二司事公視民如子勞來安輯勸勸不倦又戒郡邑吏事意撫字曰新造之邦新

附之民政今條畫並寬簡中朝士還謫至者咸見溫恤問疾周貧禮賢雪罪兵民感悅夷蠻欣附中官馬騏估恩肆虐公數裁抑騏驎誣公有異志

上察其妄曰此君子不容於小人不問獻陵即位召還曰卿老成人久勞於外朕亟欲見卿公在交趾凡十九年及還交人扶攜走送號泣不忍別宣德元年騏驎交趾反時洽以兵部尚書代公累奏乞公還撫交人會公持節出封親藩即日召還勅曰卿遺愛在交人思卿卿強爲朕再行昔先帝念卿萬里召還輔朕朕亦不欲遠卿願還方新

名臣記

卷之七

十

三

附終始勞卿安輯以工部尚書兼詹事出領交趾藩臬事比至柳總兵敗死公亦被賊執賊驚下拜曰公不北歸我曹不至此饋白金餼糧肩輿衛送出境至龍州公盡取賊遺歸官還京爲行在工部尚書四年與平江伯計潛事五年公請於濟寧以北衛輝真定以南近河地役軍民十萬人屯田積穀省漕粟下行在戶兵部議鄒魯張本言綠河屯田便鳳陽淮安以北及山東河南北直隸近河二百里內通舟楫足澤荒開田以五萬頃爲率發附軍民五萬人耕給官牛農器但山東近年旱饑

流徙初復衛卒多有役宜先遣官行視田俟開墾上從之遣吏部郎中等官趙新劉澤榮華張琰吳政等經理屯田公總其事既而有言軍民各有常業若復分田役益勞擾事竟不行七年上宮中覽公言漕事便宜喜公有經畧恤民隱出其章示西楊曰福言智慮深遠可行六卿中誰倫對曰福受知太祖最先大用正直明果一志國家生民今六卿中鮮及福者永樂初建北京行部命之綏輯蠲瘼及得交趾命總藩憲安新附具有成績德兼備有大臣體諸卿誠不及福今年七十矣

名臣記

卷之七

十一 刻三百八十二

後進少年高坐公堂理政事享安佚出入輿馬騶從揚揚福四朝舊人乃朝暮奔走道路勞瘁不已殆非國家所以優老敬賢之道上曰非汝不聞此言西楊曰南京根本重地先帝以儲官監國今宜用福南京福老成忠直緩急可倚上曰然明日遂命吏部改公南京戶部尚書明年兼掌南京兵部當時諸大臣多依違承順公持正不阿以故去南京裕陵即位加少保叅贊機務留都有文臣叅贊機務自公始公每事先籌定付襄城伯襄伯亦敬信公比視事皆襄城伯處分公不出一

語或以爲言公已置言如是三致見守備何嘗一事錯時以公諫言公素心正大義利介然天下士初贈太師諡忠愍公秉心正大義利介然天下士大夫無論識不識皆知其爲君子斤姦闇諛無所顧忌憂國忘家老而彌篤俸賜分贍族姻屬續之日室無百緡

太子太師胡忠安公

公名濂字源潔武進人建文二年進士爲兵科給事中永樂元年陞都給事中戶科時傳建文君崩或云遜去諸舊臣多從建文君去者上益疑大戮建文君諸臣遣公巡天下各訪張儼備又各頒書徧行郡縣察人心及建文君安在時又傳建文君在滇南公以故在楚湖南最久十四年內默起爲禮部右侍郎明年巡江浙二十一年巡均遷還朝會

名臣記

卷之七

十二

三百五十七

上駐宣府公地夜上謁上已就寢聞公至被衣急起召入勞公賜坐與語公言不足慮也先公未至傳言建文君蹈海去上分遣內臣和數輩浮海下西洋至是上疑始釋大監國藩王謀奪適造飛語上命公往察察其誦公具述監國七事言太子誠敬孝謹無他方上即位轉

太子賓客兼祭酒南京未幾閱宮中密疏見所逐
七事大喜謂公忠慎朕不及知也俄崩景陵即位
復召爲侍郎部兼太子賓客會公來朝留行在
禮部宣德元年進尚書二年賜第給閣三年賜文
恭世家清和恭靖二銀章是秋扈駕出會州明年
夏再扈巡邊沒常豪人田宅盡歸公尋兼詹事六
年兼領行在戶部事公有才識深厚不洩機密財
賦經畫有章國家大議與諸閣老相可否必執正
論景陵嘗曲宴公及西楊蹇夏曰海內無虞四
力也裕陵即位益禮敬公元年失行在禮部印

名臣記

卷之七

十三

三

劾上不問改給行禮部印九年疏引年不允十
四年北征留守京師廷議迎上皇時王文廟色
曰執謂虜可和彼不索金帛且索土地憂方大耳
衆相顧不敢言于少保徐曰防變方畧我與總
責也俄旅退賴公有定執竟上表迎儀注景泰元
年楊善使虜浚言上皇蒙塵已久宜即附善等
進上服食不報又請明年正旦朝上皇於延安
門不許二年災異乞歸不允三年以太子太傅加
少傅懷獻太子立進養太子太師是年十一月已
巳上皇萬壽節公乞養言拜賀於延安門不

許六月疾作又明年上皇復位力疾入一見請
老去遣子長寧來謝上念公疏屢請令百官朝
延安門忘舊校長寧官錦衣世鎮撫卒年八十九
謚忠安公平易寬和廉靖寡慾自奉薄簡與居有
常立朝幾六十年十知禮部貢舉未嘗疾言遽色
人皆知爲君子長者

尚書周文襄公

公名忱字恂如吉水人永樂二年進士監間進士
二十八人進學文淵閣公乞預上書公初
翰林庶吉士十年授刑部主事陞員外郎嘉
名臣記

卷之七

十四

三

順二十二年爲越府右長史宣德五年東南財
煩敝廷薦陞工部右侍郎巡撫江南直隸公
靖王至江南召父老問利病興革滿九年轉左
統六年兼巡撫嘉湖二府十四年八月陞戶部
書改工部仍巡撫景泰元年引年不允明年請老
召還京致仕又明年卒凡江南巡撫二十二年先
是胡璡巡撫江南用法嚴刻公濟之以寬凡告訐
輒不省或面詰公不及胡卿使我下情不能上達
公笑應曰胡卿勑有祛除民害語我劾但云撫安
民朝廷委任自異耳當是時蘇州府道稅七百

九十萬石常松亦然公閱牒大異詢父老皆伏地
哭言蘇吳豪富有方者不出耗并賦之貧民貧民
不能支盡流徙公制爲平米官曰民田並加耗蘇
稅額二百九十餘萬石公與知府況鍾曲算疏減
八十餘萬舊例不得團局收糧公令縣立便民倉
水次每鄉圖里推富有方一人名糧長收鄉圖里
人夏秋兩稅加耗不得過十一又於糧長中差力
產厚薄爲押運視遠近勞逸爲上下酌量支撥京
通正米一石支三臨清淮安南京等倉以次定
爲舟楫剝轉諸費填出銷入支撥羨餘各存積

名臣記

卷之七

五

一四三

倉號餘米米有餘減耗次年十六徵又次年十五
更有羨縣爲倉名預備備水旱不時賑貸及農乏
食綱運風漂盜奪者國服轉假至秋抵斗還官其
修圩築岸開河濟湖人支口糧以爲農事故不責
償時播蒔農借貸必驗中下事力及田多寡給之
秋與糧并賦凶歲再賑秋熟不借者來歲不復給
時裏河漕軍與民半軍船出官賑民率雇舟又經
年往復失農業公與平江伯譚泰運民舟至淮安
或瓜洲水次交兌江北衙所漕者出通關還繳淮
云一石先加五斗瓜洲五斗如襄河舟米渡江南

京師得救倉完者加與過江米及觀墊蘆席與折
米民間爲草炭運南京勞費不貲公請通州草場
立官廩每京折銀三分千束銀止三千兩南京輕
齎赴買上北京文武職官俸糧皆支南京米賤時
銀一兩得米七八石公請江南重額官田極貧下
戶兩稅准折納金花銀銀一兩准米四石解京折
支京官俸蘇有官布足准糧一石舊例足重三劬
比解又以紗麤十退八九公言農間布足劬重紗
纒價顧賤紗細布輕價益高不拘劬重務在長
如式耳傳中馬衣被諸應客者舊皆領於馬頭馬

名臣記

卷之七

一

一四三

頭豪者橫科弱者粥產公令田畝收米升九合與
糧俱征驗馬上中下價直給米正統初淮揚災鹽
課虧公巡視奏令蘇州等府撥剩餘米縣撥一二
萬石運貯揚州鹽場准爲縣明年田租聽竈戶上
私鹽給米時米貴鹽賤官得積鹽民得食米公私
大濟緣繪官殿計用牛膠萬餘勛遣官勅公上供
甚急會公議事赴京遇諸塗勃使速公且還治公
不應至京言京庫貯牛皮歲久朽腐請出煎膠贖
出餘米市皮還庫十四年邊事急工部索兵仗數
萬計公出餘米造上明盛者須水磨非遲歲月

不可公令且沃錫旬日畢辦正統六年至海鹽
捍海塘令郡七縣合役萬夫自七年正月至十一
年費萬計皆出公度支海竟不能爲患每遇凶荒
輒便宜從事以餘米賦外更無科率凡百上供
及解舍學校 祠古墓橋梁道路溝渠修葺一切
取給餘米歲不下萬計施給僧道門報饋遺往往
不吝各得其歡心江南之人愛戴如父母沒而尸
祝至今恩周尚書也公宇量恢弘才識通敏莅事
精勤臨民和易有善謀者雖卑官賤吏破去崖
開心訪納性尤機警籌畫諸郡錢穀鉅萬一屆
名臣記 卷之二 十一 三頁十一

無遺算嘗爲冊曆記日所行事及陰晴風雨有告
報輒按據詰訊人莫能欺每出會計視地豐凶事
緩急爲弛張調劑變通民無逋負官有餘積前後
理財者皆不能及卒年七十三謚文襄

論曰忠定

忠定公忠靖復原 程利權皆二十七

年忠宣

尚書兩京三十九年而在交南者十

有九年忠安

爲禮部尚書三十二年文襄

巡撫江南二十二年皆久任責成以政用人理財

禮樂征伐諸大政事文經武緯各盡其長章程故

在後鮮能及焉

皇明名臣記第七卷

皇明名臣記第八卷

吾學編第二十九

海鹽鄭曉

左春坊大學士解公

公名縉字縉紱吉水人洪武二十一年進士選中書庶吉士大庖西上封事論時政剴切萬言其略曰陛下挺生南服一統華夷功高萬古既無文寵外戚寺人藩鎮之患又無貨利聲色遊畋玩好之欲既皆遠過於漢宋又何遜讓于唐虞乎陛下下以天地爲一體以天下爲一人令出必行言下必從數改刑期無刑也寧失於不經而不失於過民疑疑則不信刑太繁則民玩玩則不清立國至今將二十載無幾時無變之法無一日無過之人良由誠信有間用刑太繁也臣見陛下好觀詩花韻府雜書與所謂道德心經者臣切謂甚非宜也說苑出於劉向向學不純溺于妄誕所取不經且多戰國縱橫之論壞人心術莫此爲甚韻府出元之陰氏鄙猥細儒學孤識陋龜集一時兇閹寒士抄緝穢雜略無可采陛下若喜其便於檢閱則願集一二志士儒英臣請得執筆而隨其後上許唐虞下及殷周根實精明隨事類別刪其無益

名臣記

卷之八

一

三

名臣記

卷之八

二

三

勅成一經豈非太平制作之一端歟禮記出於漢儒蕪雜尤甚宜及時刪改日御經筵訪求審樂之儒大備百王之典作樂書一經以惠萬世若夫配天宜復掃地之規尊祖宜備七廟之制奉天不宜爲寢宴之所文淵未備夫館閣之隆太常非俗樂之可肄官妓非人道之所爲禁絕娼優俾於變之民不遷於淫巧易置闡寺尊天子之賞不近於刑人執戟陞墀皆爲吉士虎賁趣馬悉用俊良雖門戶掃除之後命公卿子弟之賢任諸侯王於衆職定久任法而加封木輅朴居而土木之工勿起佈墾荒田而四夷之地勿貪釋老之壯者驅之俾復於人倫經呪之妄者火之俾絕其欺詐斷所謂瑜珈之教禁所謂符式之科絕鬼巫破淫祀省冗官減細縣痛懲法外之威刑永革京城之工役流三年而聽復杖八十以無加婦女非帷薄不修毋令逮係大臣有過惡當誅不宜加辱治曆明時授時作事但伸播植之宜何用建除之說伏見陛下奉牽於畏天畏鬼神而所謂畏民者則未至也孽孽於治民治強暴而所以治心者猶未至也桀盛之桀衣服之齊脩舉之時儀文之備此畏天畏鬼神

之哀事也簿書之期獄訟之斷詔詒之勤鈞臣之巧此治民治強暴之支流也近年以來臺綱不肅以刑名經重爲能事以問囚多寡爲勛勞甚非所以爲清要長風采也夫人自救過之不給何暇劾人之過人自以言爲諱何能有諒諍之言御史糾彈皆承密旨未聞舉善但曰除奸蓋人人之罪或謂無私而出人之罪必疑受賄逢迎甚易而或索褒管救甚難而多得禍也陛下進人不擇于賢否授職不量于重輕建不爲君用之法所謂取之資錙銖置奸朋倚法之條所謂用之如泥沙監生選

名臣記

卷之八

三

三

士經明行修而多困于州縣屈于下僚孝廉人材冥蹈瞽瞍而咸布于朝省驟歷清華推埋器悍關茸下愚者朝捐刀鋸暮擁冠裳左棄筐篋右縮組符剔履之賤袞纁纁幾負販之傭與馬赫奕雖曰立賢無方亦豈沈詢有德古者鄉鄰善惡必記今雖有申明旌善之舉而無黨岸鄉學之規互知之法雖嚴訓告之方未備紀綱不立節目無張臣欲取古人治家之禮睦鄰之法若古藍田呂氏之鄉約今義門鄭氏之家範布之天下世臣大族率先以勸旌之復之爲民表率此不可視爲迂濶而不

切當今之急務也陛下天資至高合於道微百家神怪誕妄恍惚無不洞曉其謬然猶不免欲以愚弄天下若所謂以神道設教者臣謂不然也所謂傳國寶者臣考按前史焚燬久矣屢求屢得真偽莫明即真有之區區李斯之書秦政之制何足爲寶哉地有盛衰物有盈歉而商稅之徵率皆定額盈也奸黠得以侵欺歉也良善困於補納夏稅一也而茶椒有糧泉絲有稅既稅於所產之地又稅于所過之津何其奪民之利如此之密也且多貧下之家不免拋荒之咎或疾病死喪逃亡棄家

名臣記

卷之八

四

三

今日之土地無前日之生植而今日之徵聚有前日之稅糧里胥不爲呈州縣不爲理或賣產以抵稅產去而稅存或禪讓以富後後重而民困又土田之高下不均而起科之輕重無別或膏腴而稅反輕瘠鹵而稅反重欲拯其困而革其弊莫若行授田均田常平義倉之法積之以漸至有九年之食無難者王公設險以守其國近世征于晏安險名城銷鋒鏑禁兵諱武以爲太平一旦有不測之虞連郡至望風而靡武備廢弛之過也及今脩治不勤衆但勅有司以時整兵開武舉以收天下之

英確廣鄉校以延天下之俊又古時多有書院遺基學田舊業貢士有莊義田有族皆宜興復而廣益之夫罪人不挈帶及嗣連坐起於秦法挈戮本於偽書今之爲善者妻子未必蒙宥有過者里胥必陷其罪況律以人倫爲重而本配婦女之條聽之於不義則又何取夫節義談向書侍郎內侍也而以加於六卿郎中員外郎何職也而以名爲六屬御史詞臣所以居寵臺閣郡守縣令不應回避鄉邦同寅協恭相倡以禮而今內外百司皆楚屬官甚於奴隸是致柔懦之徒蕩無廉耻之節

名臣記

卷之八

五

三十四

六

一爲下官肌膚不保甚非所以長孝行厲節義也臣但知罄竭愚衷欲言固不止此急於陳獻略無次序亦不暇組織成文冀以將來取舉惟陛下幸垂鑒焉 上覽之喜公少年有才志封事留中諸大臣皆忌公 上顧敦稱公奇才兵部尚書沈潛忌公年少得 上意乞改公御史使遠 上公在臺嘗爲王國用草諫書雪韓國公爲詹徽所嫉已又爲夏長文作劾都御史袁太疏太切謫恨公公又時時敢直言竟坐深文得罪且不測 上憐公便殿慰諭賜銀曰汝歸且讀書十年者述冠

帶承廷又命公修正元史誤及踵成宋書剛定禮經凡例皆留中公歸家八年 上崩來奔喪有司劾公母喪未葬父年九十違詔奔喪謫河州衛吏逮文元年召入翰林待詔靖難後召公及黃淮立御榻左備顧問遂命居內閣未幾又召胡廣楊士奇金幼孜胡儼楊榮陞公侍讀不數日遷侍讀學士七人並直文淵閣內閣與機務之名自此始永樂初重修 高廟實錄文總裁官又修永樂大典古今列女傳諸書 上寵公信用賞賚輒與六等當是時儲位未定 上密詢公公稱世子仁孝

名臣記

卷之八

六

三十五

七

天下歸心以孽奪宗自古致亂 上不應又頓首曰好聖孫 上曰已喻逾年冊世子爲太子進公翰林學士兼左春坊大學士初議頗洩丘福等謗公洩禁中語高煦大恨欲殺公未幾用兵交趾公力言交趾古羈縻國通正朔時賓貢而已得其地不足郡縣 上遂疎公出爲廣西參議李至剛奏公慈望改交趾永樂八年入奏事南京會 上北征見 東官辭去高煦密疏言公瞰 上出塞輒遠觀儲君徑歸無人臣禮 上怒逮公并至賜下獄十三年正月公卒獄中籍其家妻子徙遼東

至剛不死 仁宗時以官臣得爲通政事亦諫遠

郡初 成祖信公手書倚任大臣十人養義等

名授公曰汝疏其人品十人者皆與公厚善公具

實封對義天資厚直中無定見夏原吉有德有量

不遠小人劉嵩雖有才幹不知顧義鄭賜可謂君

子頗短於才李至剛誕而附勢雖才不端黃福素

心易直確有執守陳瑛刻於用法好惡頗端宋體

難直而苛人怨不恤陳洽疏通警敏亦不失正方

賔簿書之才馴僮之心奏上 成祖以示東宮曰

至剛朕已洞燭餘徐驗東宮因問公建文君所用

名臣記 卷之八 七

人何如對曰此皆洪武中人材事性已不足論又

問尹昌隆王汝玉對曰昌隆君子而量不宏汝玉

文翰不易得惜有市心耳東宮即位出公奏示

楊曰今人率謂縉狂士觀所論評皆有定見也

妻子還鄉官其子積中書舍人正統元年又盡還

其沒產公結髮讀書留心經濟任事直前風生電

發早遇聖明名動天下晚罹讒毒中道天閑不盡

其用其重義輕利遇人憂患疾苦輒隱於心苟可

用力盡意爲之篤於故舊反名賢世家之後喜引

士類或謂其汎愛者終不爲變襟宇濶略不屑

意細故而表裏洞達絕崖岸雖野夫穉子皆樂親

之求文約言曰與公率與之無倦意或言有不當

與者笑曰兩露是擇地而施哉文雄勁奇古新意

疊出叙事高處通司爲子長韓退之詩豪宕豐贍

似李杜其敦學者恒曰寧爲有瑕玉勿作無瑕石

審小楷精絕行草皆佳

少保黃文簡公

公名淮字宗豫永嘉人洪武三十年進士爲中書

舍人靖難後 上坐奉天門左室召見訪政務

旨每朝解縉及公立御榻左備顧問或至夜分

上寢即賜坐榻前論議密務不數日令人內閣尋

掌制勅既又選五人與共事名直文淵閣是秋陞

編修進侍讀立東宮陞左庶子永樂五年陞右春

坊大學士兼侍讀進講東宮太孫立又兼輔太孫

六年命蹇義金忠西楊及公留守 上稱太子仁

厚有識留汝四人佐太子明年 上北狩又明年

上征胡長沙妖人李法良反太子遣豐城侯彬討

法良漢庶人忌沮太子諱彬公侍太子卒遣彬擒

法良十一年 上再北狩公復留守庶人日夜謀

尋矯造飛語動搖監國并中傷公十二年坐公奉

表迎 上不敬違詔獄凡十年獄中有省愆集自
省錄獻陵即位出獄中陞通政使兼武英殿大學
士仍入內閣洪熙元年陞少保戶部尚書大學士
如故支三俸辭尚書俸獻陵大漸太子在南京未
至深機卒禍中外洶洶西楊及公佐鄭襄二王監
國候太子至公憂危嘔血宣德元年漢庶人反公
留佐二王監國班師始還第二年秋公請老 上
賜葬公父來謝賜遊西苑與公侯伯師傅尚書十
一人俱肩輿承萬歲山宴山簷比辭又宴太液池
論公曰明年朕生日卿其復來至期公至 上喜

名臣記

卷之八

九

三十一

八年禮部會試貢士 上命公與少詹事兼侍讀
學士王直充考試官十年景陵崩公奔喪留逾月
辭歸正統十四年卒年八十三謚文簡永樂初黨
獄大起南人避北官者又有編茂法公言不可阿
魯台歸款欲并女真吐蕃東西諸部落聽其約束
請朝廷出誓詞鑄金定集諸酋席酒中飲爲盟衆
議且從之公言夷虜勢分易制併力一心後患滋
大此奸謀不可許 文皇善公言顧左右曰准如
立高岡遠覽爾輩直平地見目前耳賜大寶法王
玉章示公璞公言朝廷賜外夷用勅命廣運二寶

此璞大於二寶夷人將謂法王尊於朝廷矣皆從
公言初與公並入閣者七人胡儼早休胡廣先卒
解縉沒詔獄惟西楊秉鈞最久東楊謀帷最密並
總修累朝實錄而公園土十年家食餘二十年家
垢簡牘君子弗信也

少師胡文穆公

公名廣字光大廬陵人父子琪洪武三年爲御史
疏請遷都關中已而出爲按察僉事調知彭州陞
延平知府卒建文二年靖難兵起公對制有曰親
藩陸梁人心不搖建文君喜擢進士第一更名靖

名臣記

卷之九

十一

三十一

爲修謨翰林靖難後召入內閣陞侍講復名廣改
侍讀陞右庶子永樂五年進翰林學士兼左春坊
大學士勅吏部廣等侍朕日久繼今考滿勿改外
任十二年十一月命公及文敏文靖纂脩五經四
書性理大全明年九月書遂成尋進文淵閣大學
士兼坊學再從 上出塞征胡 上時召張殿語
移時或夜漏數刻遣出道中相失必急遣兵騎四
出尋諸學士時時顧左右問諸學士來未公不知
兵以文墨論議侍 上備顧問 上不得諸學士
相與語不悅也公敦實簡重持大體存心愛人

上諒其朴厚信任亞於東陽禁廷應對愼密不洩
操晨津公退報杜門讀書賦詩寡交遊崇儉素
爲文下筆滔滔制命典冊多出其手禮部郎中周
訥請封禪公力言封禪非禮上斥訥言公因上
却封禪頌奔母喪還朝上問民間疾苦公頓首
對曰百姓願安給惟有司窮治建文時奸黨枝附
扳連坐誣善良甚苦上立命罷追詰者人或毀
公上不信或遽斥去毀者公善書行草尤等十
六年卒贈禮部尚書諡文穆已而念公官其子
翰林檢討獻陵加贈少師西楊曰我朝文臣有

名臣記

卷之八

十一

漢書

三

文

自姚公廣孝及公始然建文時嘗謚王公禮文節

少保金文靖公

公名善字幼孜以字行新淦人建文元年進士乙
科授戶科給事中靖難後入內閣改檢討數月陞
侍講時翰林坊局臣日講經史東宮凡經義皆內
閣閱正呈上覽已進講繕閱書士奇閱易廣闊
詩公閱春秋上太子春秋直指三卷五年陞右諭
德兼侍講七年扈巡北京八年從上征虜上
歷指所過山川論公記之登野狐嶺曰至此看山
盡在下矣至興和曰汝觀地勢遠望似高近即漸

平此陰山脊也若因山爲塹因塹爲池守茲巖
雖鐵騎千羣安能飛度耶次鳴鑾成曰此大伯顏
山其西北小伯顏山東北即開平次環環圖指塞
北山川曰古交河在哈喇火州兩河相交水噴沙
出唐碑尚在次小甘泉曰女直有山其顛有水色
白草木虎豹色皆如之所謂長白山也至長清塞
曰此南望北斗矣經潤澤海曰此周千餘里幹難
臚胸凡七河注其中賜名玄冥池次通川留遙指
海上石山曰此即三石山十一年扈巡北京從征
虜十二年復從北征陞翰林學士兼論德十四年

名臣記

卷之八

十二

漢書

三

文

還南京明年扈巡北京十八年陞文淵閣大學士
兼翰林學士二十年扈從北征二十二年復從征
北次開平上曰朕夢神人語朕上帝好生者三
是何祥也公時聞軍中有詔言因力請班師上
曰善立命公草詔還次清平鎮宴羣臣命內侍歌
高皇詞五章曰此先帝垂諭叙創業守成之難
戒荒淫酣醕之失朕嗣鴻業惟恐失墜尚相與勉
之遂康五章言奉天法祖勤政恤民事命內侍歌
之榆木川之變東楊南討公留軍中護喪太子
即位進戶部右侍郎兼大學士勳月陞太子少保

榮武英殿大學士賜純愆糾繆銀圍書洪熙元年
監禮部尚書支三律當是時法司論死罪多寬
上令決必三大學士會諫奏公知律例多平反
未幾還省母卒景陵起公服中爲總裁官修
兩朝實錄明年持節出寧夏冊慶府兩郡王妃還
上封事從上巡邊度雞鳴山上曰唐太宗恃
其英武征遼嘗度此山公對曰太宗尋悔是侯以
故建憫忠閣至宣府還宣德六年卒贈少保諡文
靖公簡易沈默溫裕有容不肯伐善爭名爲文
平寬綽類其人子昭伯宣德二年進士

名臣記

卷之八

一

三

太保高文義公

公名穀字世用揚州興化人永樂十三年進士改
翰林庶吉士授中書舍人二十二年改春坊司直
郎洪熙初爲翰林侍講正統元年楊文貞公薦公
學術醇正充講官修實錄五年陞侍講學士十年
入內閣陞工部右侍郎兼前職十四年上北征
曹文忠公從行公居守景泰初進尚書工部兼翰林
學士是年虜數請使迎上皇侵我上谷雲中
急廷議相顧忌不能決中書舍人趙榮毅然獨讀
進公壯榮解金帶贈榮曰子忠義人也上皇將

名臣記

卷之八

十四

三

至京公言奉迎禮宜厚會有千戶龔遂榮投匿名
書公所公袖入朝傳示羣公卿羣公卿不敢出一
言言官疏聞上不喜詰匿名書從何所得公曰
得自臣所遂榮恐累公自縛闕下下詔獄上亦
不深罪遂榮也二年進少保東閣大學士明年廢
東宮爲沂王而立懷獻爲太子公悲憤不敢爭加
公太子太傅公亦不敢辭是時內閣不相能公上
疏言內外諸司惟賢是用况經筵日講關係聖德
尤在得人遂薦大理少卿陳詢侍講楊鼎充日講
官左都御史王文大理卿蕭維禎庶子王恂入內
閣上令詢與侍經筵文遂得入內閣文既入內
閣又輒與公相擠五年勅公視南畿災尋還朝力
救都給事中林聰傳不死七年進少保大學士謹
身殿是年首相陳玘及王文皆以子不得舉計順
天考鄉試官劉文軒公儼上令公覆試公曰貴
胄與寒賤爭進已早可況從而爲之辭奏斥林廷
一人事遂已裕陵崇禎內閣諸臣皆流放竄陞惟
公以忠謹故英宗曰穀在內閣每議迎駕及南
內事輒左右朕穀無他賜可致仕公既歸田杜門
不接賓客人有問及止統景泰天順間事者輒不

應公官至台鼎而家業蕭然散廬瘠田僅足衣食身沒未幾子孫貧窶其方毅端靖潔廉無私卓然有古大臣之風一時內閣七人議論每相齟齬公獨持正嘗曰清議可畏以是見忌於人亦以是受知裕陵成化初姚文敏公既請謚王佐鄭登又上言公鯁直不回端亮有守始以翰林學士侍英宗經筵入內閣輔政孜孜爲國恪持公論景泰間力主遣使迎鑾之議及其還駕獨建備禮郊迎策天順初以老疾乞歸田里遂卒于家進退有道始終不渝加之贈謚庶表臣節得贈太保謚文義

名臣記

卷之八

五

劉三才

太常岳文肅公

公名正字季方進士及第授編修景泰三年遷左贊善兼編修天順元年改兼修撰王忠肅公薦公宰相材召對文華殿公神采秀發上遙見遂曰好公登殿又曰好好問年幾何對曰四十又曰正好問家安在對曰渾縣曰又朕北方人甚善問讀何經對曰尚書曰是書經尤善問舉進士科對曰正統十三年上益喜曰朕固取汝朕今用汝內閣許彬老矣不足恃汝爲朕努力公頓首受命出赴閣至左順門遇石亨張軫愕然問曰何爲至此

公不對二人者忌公才名比見上上又言朕今

擇一內閣臣甚佳二人者請爲誰上曰岳正顧

正官小須與吏部左侍郎兼翰林學士二人者陽

頓首賀陛下既得人俟果稱職進官未晚上

默然然時時召見公公感知遇銳意功名欽天監

湯序奏災異請盡去好臣上問公對曰奸臣無

主名即求之人人自危且序術疎淺不足信事遂

止亨與賢吉祥表裏擅權有匿各校書指斥時事

罪狀吉祥獨不及亨吉祥怒力請上榜購告

者官三品公與呂文懿公見上曰爲政有體朝

名臣記

卷之八

一六

劉三才

廷豈可自榜購募秦始皇杜諫下妖言誹謗令竟

不聞其過以亡國乞以秦爲戒事遂止公又言

石驕橫不早制恐禍起肘腋上諭公汝從言朕

意公徑造亨所諷令戢欽二人者謂公許我矩矱

以

上意却我益大恨是年承天門災下詔罪

公歷數政弊詞極切直二人者遠飛語岳正草

出時時對人言此非上意我欲諷上改過也

王賣直訥君父不數日內批降公欽州同知欽

南海瘴毒公便過家辭母留數日兵部尚書陳

言者黨二人又憾公嘗言其不可用遂嗾遇者

公私事遺詔徵考掠謫成肅州鎮夷所未及行李
鐸都督竟奪公廬時猛虎石者太監鎮河西上
密諭石正須生不須死四年石坐法誅明年曹又
反誅上思公言解士伍放歸田茂陵即位言官
請復公官吏部擬調南京上曰勿調留院文經
建講官預修先朝實錄未幾南楊欲薦公南國
子祭酒公不應忌者偽爲公劾南楊章示南楊
大疑公成化元年廷推公及禮科都給事于謙
爲兵部清黃官不得陞興化知府公至興化
民事操利權興修水利積穀出美餘補助民役
名臣記 卷之八 三十一
化士人規利弗遂者騰謗書彭惠安公獨曰太守
節財愛民無他也三年來朝乞致仕時李鐸敗朝
廷還公故廬未幾卒公文章氣節名滿海內抱負
經濟屹屹不肯下人再起再廢竟不盡其用嘉靖
中贈太常卿謚文肅公自贊有自京師來者傳天
語於臣曰岳正倒好只是大膽或以賀正曰上
念公如此行召公矣曹生爲寫陋容遂擧括其詞
題於上曰岳正倒好只是大膽惟帝念哉必當有
感如或赦汝再敢不敢臣常誦古人之言蓋將之
死而靡憾也公偉貌美鬚言論灑灑動循矩度石

曾事或議其迂又曰未信而諫直應曰渠謂我諫
官耶我道當如是人有不可意事雖權貴人當言
即言無藏宿以故奇公者雖多忌者亦衆所著有
類博稿

論曰解公簡才高志銳受知三朝皆遭讒忌竟殞

其身黃公准纔脫縲紲不一二年遂屏迹丘園尤

不免于媚嫺之口胡公廣金公幼孜入奉絲綸出

從羈勒軍旅之事不及東楊而隨事獻納裨補亦

多高公素稱忠實遣使迎鑾之議尤壯岳公三

賁才氣直前任事仆而復起益不屑下人皆名落

賢輔臣也 名臣記 卷之八 十八 三十一

皇明名臣記第八卷

子履準校

孫心材重校

皇明名臣記第九卷

吾學編第三十

海鹽鄭曉

太子賓客胡公

公名儼字若思南昌人洪武二十年鄉舉明年會試乙科授華亭教諭時年尚少抗師道訓勵諸生敦行檢爲講說經史寒暑不廢內艱服闋改長垣乞便養親改餘干著令建文元年薦陞桐城知縣心存撫字政尚寬平蠲逋賑乏除虎驅蝗表祀循良歷有惠績四年兵事甚棘御史大夫練安薦公學足以達天人之際智足以資帷幄之籌必援用之乃知臣言不妄下吏部召公比至京靖難兵渡江矣 文皇即位擇翰林官吏部薦公 上曰儼曉天文宜令欽天監試送翰林供事欽天監言公果通象緯及風雲氣候解縉又薦公遂授翰林檢討與縉等七人同直內閣尋陞侍讀公每承顧問應對從容至論成敗得失之故必反覆明切 上爲傾聽永樂二年陞左諭德兼侍讀外艱去詔奪情道過南京入見東宮詢及民情所對皆救時急務公持論少撓亦能委曲以全交諸同事人顧不能容薦公學行堪爲師表陞國子祭酒出內閣公

名臣記

卷之九

一

三

三

率以身教士心翕然嚮慕 上幸太學御尋倫堂賜坐講經 上倚聽其說賜賚優厚六年薦修撰

吳溥爲司業八年 上北征以祭酒兼侍講掌翰林院事輔導 皇太孫監國鎮密謹飭上下無間

言洪熙元年春以疾乞休賜璽書加授太子賓客致仕復其子孫公在國學二十餘年敦尚恩義時

諸生托故告歸者法坐戍邊公申論得免公既歸

內閣雖不復預機務諸大臣不自安凡朝廷制作

修 太祖實錄永樂大典天下圖志皆推公

歸田後乞修白鹿書院及春秋祀祀許遜章丹家

名臣記

卷之九

名臣記

卷之九

二

三

二十餘年年八十三卒公自處淡薄衣食僅足閒

居日與學者講求問學方岳重臣待以師禮由然

終日言不及私其處是非利害可否之間審度情

理務求相安羣倫中有不如意即引退不與辯以

故所至敬愛之公資性朴諒問學該博凡天文地

理曆律醫卜皆通其說文章簡質不事辭藻晚年

沉潛性理充養益粹言行惔惔稱耆俊焉

侍郎薛文清公

公名瑄字德溫河津人年十二能詩賦既壯讀周

程張朱諸書遂焚所作詩賦專心性理之學至忘

寢食永樂一亢進士權御史監湖廣銀場手
性理大全宸夜玩讀潛思有得秉燭疾書深探密
玩或通宵不寢正統元年初設提學憲臣出爲僉
事山東誨育生徒翕然愛敬王振問三楊吾鄉誰
可爲大臣者皆薦公召爲大理右少卿三楊以用
公出振意欲公一見振公正色曰安有授官公朝
而拜恩私門耶振聞憾公會有獄夫病死三年其
妾欲嫁其私人王山山振姪也妻在禁妾弗得嫁
遂誣妻毒殺夫下御史獄坐妻死公辨其冤三
臺官詣事振又曲庇御史劾公受賄棄律出人死

名臣記

卷之九

三

三月十六

請廷鞫振喜曰是固應死竟坐公死繫獄公怡然
讀易不輟得大臣伸救又家人乞代死得免歸田
居家六年造詣益遠十四年給事中程信薦起爲
大理丞分守北門禦虜景泰元年督川雲轉餉貴
州尋陞南京大理卿蘇松飢民貸粟富民不得遂
尤富人屋寬海中王文即訊坐謀叛公抗章辯獲
免是冬御史劉孜薦公粹學飭躬進無所求退無
所累實君子之儒不宜置之閑遠乞召供館閣之
職俾講學輔導必有裨益 上曰內閣本朕簡任
八所得薦不許四年秋召爲大理卿裕陵復位

以禮部右侍郎兼翰林學士入內閣居數月轉左
會欲遣使徵御西番公持不可不聽又曹石專用
辜遂引疾致仕去四方從學者日衆公學實踐履
不務論說辭受取與必揆諸義出處大節光明峻
潔於富貴利達泊如也接人無大小衆寡待之以
誠其言平易簡切不爲穿鑿奇僻之說晚年造詣
高明踐履篤實益至純熟著讀書錄二十卷嘗曰
自朱子後性理已明不必復著書程明道許魯齋
未嘗著作而言道統者必歸焉天順八年卒年一
十三謚文清劉文安公嘗請公從祀孔廟言公

名臣記

卷之九

四

三月十七

躬慕古談道淑徒進無附麗退不慕戀勤學好問
可謂文矣歸潔其身可謂清矣若論其於道所得
以比朱子諸徒若黃幹輔廣之親承微言金履祥
許謙之推衍緒說未知可伯仲否至斥建言者爲
非愚則諛過矣言官屢乞進公從祀先師廟庭不
果嘉靖二十三年令春秋專祀於鄉

侍郎呂文懿公

公名原字逢原秀水人正統七年進士公質性渾
厚貌容端偉未冠已讀書博洽能出入經史父嗣
芳萬泉教諭凡本爲景州學正父歿景州不能歸

名臣記

卷之九

五

魏芳

名臣記

卷之九

六

魏芳

袁或勸公火葬公痛哭不肯從權晉景州時時至
墓慟哭景人及道旁行聞者皆酸惜已而奉母南
歸家益貧攻苦力學知府黃懋閱秀水學官文奇
學官對曰此邑里中呂生文也呂生貧不能補弟
子員學官致家塾教諸子懋輒數郡中乃有文士
如呂生遺草萊中者急召公見公入見衣藍縷甚
試之舉業文詞理皆勝問之經書輒能默誦講析
懋益驚異與之新衣謝不受懋曰生家貧粥此且得善價又
餘材木又謝不受懋曰生家貧粥此且得善價又
謝不能太守益大奇呂生當是時太守得輒補學

諸生懋即遣公入學是秋發解浙江第一明年進
士第二入翰林時選翰林講讀官裴綸杜寧謝連
王玉江淵陳文李紹商輅劉俊及公十人習制誥
於東閣十四年罷景泰中倪謙及公初教小內官
黃賜等七人書于文華殿東廡 上一日至廡中
命二人講倪講詩國風公講書堯典 上悅問二
人官謙對臣左中允兼翰林侍講公對中允右兼
侍講 上又問中允講讀官品二人對曰皆正六
品 上曰品同安得相兼令左右取官制再三覽
讀二人曰進汝二人講讀學士兼中允二人頗首
謝曰 上召至二人遷坐旁壁下 上曰何踞
踏乃爾二人頓首對 上曰父嘗臨坐臣子避不敢
當 上喜二人敬慎後至節輒立語或東西行不
復坐天順初改選致左參議仍兼侍講入內閣尋
陞翰林學士石曹寵用事知敬公公朝會未嘗利
享笑曰行為先生易緋公不答未幾岳公正登公
列上石曹罪狀 上留中不發曹石微覺 上意
大恐遂共謀摘承天門穴詔中語謂內閣臣訕
上上大怒坐便殿召對近臣厲聲曰正大膽曰
爾原素謹厚左右正何也岳既去公得留公
賢同在內閣李公通達見事立斷公守正謹恪稍
濟之持重修大明一統志公充總裁母憂去道景
州啓父定歸合葬或以陰陽五行家說沮公不聽
奏裁舟中寢苦枕塊極哀毀竟病抵家尋卒贈
部左侍郎諡文懿公在內閣六年端潔不苟取予
性儉約身無純綺儀中惟賜衣幾輒分祿贈宗
姻貧賈者清心寡慾稠第無隱過至老勤學晨夕
不少輟子憲虞試中書舍人舉順天鄉試歷官南
太常卿有學行
論曰胡公 端諒持正好直言薛公 瑄剛毅沉潛

聖學並不見容於時呂公原溫恭潔約與人無忤
竟以憂去卒士君子際時遇主尚不究於用惜哉

皇明名臣記第九卷

子履準校

孫心材重校

名臣記

卷之九

七

辛巳

皇明名臣記第十卷

吾學編第三十一

海鹽鄭曉

榮國姚恭靖公

公名廣孝長洲人幼名天信父欲公學醫曰兒不樂爲醫願學諸生求仕否則從佛學至正間削髮爲僧里中妙智庵名衍宇斯道已又不學佛願好讀兵書尚謀畧兼爲詩學書嘗遇異人授占術爲人決休咎與王賓高啓章善厚亦與宋濂孫伯衡來往徧游江湖洪武四年詔取高僧會病免八年詔僧通儒者與官禮部試不得官賜僧服還山

名臣記

卷之十

一

陳孝

十五年僧宗泐薦公因往來南京成祖將之北平乘間請曰殿下骨相非常英武冠世今皇圖草昧東宮仁柔願厚自愛殿下試乞臣府中必有以報殿下成祖已稔知公意亦欲得公已而十王之國會高皇后崩上曰王與一名僧誦經念佛修齋公名在燕府籍中大喜至北平居故慶壽寺公每夢與劉秉忠語成祖時召入便殿審議或歎息泣下公曰天之所興誰能廢之願厚自愛靖難兵初起暴風雨成祖意不說問公對曰飛龍在天從以風雨元吉丘南行公遂道旁言江南

有方孝孺者學行負盛名即不肯降幸勿殺當是時獻陵居守公及郭資等日夜守禦輯討兵民南兵再攻城設伏截其後城上呼噪伏發急開門夾擊大敗南兵去又夜縋死士下城打南兵或遣數十人遠伏草莽聞夜舉火鳴砲罷南兵不得休息輒出精兵奮擊敗之盡焚九門諸寨成祖軍中有聞見異事及兵進止詔書飛騎問公降客附去並中機適靖難後爲左善世立東宮陞太子少師復姚姓賜名廣孝輔太子南京上令公髮再三終不肯從命嘗賜兩宮人逾月不近亦不

名臣記

卷之十

二

陳孝

辭上乃召還兩宮人永樂二年賑濟蘇湖十六年來朝北京寓慶壽寺病革駕再臨視卒贈少師贈榮國公諡恭靖上爲文神道碑洪熙元年侑享成祖廟庭嘉靖九年移祀大興隆寺罷侑享

尚書宋公

公名禮字大本永寧人洪武中太學生爲山西按察僉事坐事左遷戶部主事謫戍寧夏建文初薦授陝西僉事辛巳又坐事除刑部員外郎靖難後命署禮部事俄陞禮部右侍郎逾月轉左永樂二年尚書工部或曰公爲陝西布政使召入工部爲

尚書時管北京公取才川爲七生爭憂伐山通道
深入險阻時下劾嘉公勞蹟九年治漕河已又入
蜀十二年九載考績十六年來朝又入蜀是歲理
獄江西十七年又入蜀是年病召還京理部事造
番舟十九年造黃升是年又入蜀公初治漕河濟
寧與侍郎金純都督周長修復會通河置十三
盡用濟寧同知潘叔正策役夫三十萬工十旬
租一百十萬石浚黃河故道用侍郎張信圖策與
興安伯徐亨侍郎蔣廷瓚自祥符魚王口至中瀝
下二十餘里殺水勢河成賞功公第一長以徇私

名臣記

卷之十

三

三百六十七歲

虐人不得賞又於寧陽築堰城壩遏汶水盡入漕
河用御史許堪策疏洩衛河至海豐大古河入凡
四百五十七里役夫三千工一句自是挽漕京師
罷海道公功最大卒之日家無餘貲洪熙元年呂
震言公卹典未備與葬祭正德七年始賜祠祀會
通河上公剛果質直有經濟才取下稍嚴以故事
亦易集純泗州人洪武中太學生爲文選郎中江
西叅政召爲刑部侍郎應爲北征歷禮工刑三部
尚書太子賓客所至有政績淮泗開治水功最著
卒贈山陽伯純寬和有容吏事幹敏宣德二年

署勅法司疏獄純數會客當飲言官論純淹囚頌
繫錦衣獄上念純老臣由致仕去純在刑部獻
陵嘗論純及臺寺劉觀虞諫曰法司尚羅織言及
國事輒論誹謗甚無謂自今諸告誹謗者悉勿治
又嘗曰朕或嫉惡過甚處法失中卿等須執正長
天長人有膂力善騎射從諸難白溝來昌黎城戰
有功歷官督府治漕河卒贈萊陽伯諡忠毅又有
蘭芳者夏人讀書通古今洪武中舉孝廉爲刑部
郎官知吉安府有惠政民思之坐事謫爲辦事
從治河濟寧復爲工部主事永樂十年以公二

名臣記

卷之十

四

三百六十八歲

工部右侍郎清潔無私

湯陰伯郭忠襄公

公名資字存性武安人洪武十八年進士爲戶科
庶吉士謫主事戶部總部歷改湖廣陝西司爲真
曉練錢穀陞僉都御史尚書郁新薦改北平叅議
上言弊政陞叅政不數月進布政使靖難兵起公
獻策防禦已而留侍獻陵居守李景隆攻北平晝
夜扞備輯睦兵民轉給饋餉盡心瘁力不畏強禦
靖難後陞戶部尚書上曰資朕蕭何也未閱月
出掌北平布政司事即建北京置行部與維僉並

改行部尚書深見信用永樂十九年罷行部復爲戶部尚書時巡狩營建百費並與皆公調度獻陵卽位念公舊勞存寵資立東宮兼太子賓客陞太子太師以足疾賜勅給半俸致仕復其家宣德三年夏公輟部務明年召公以太子太師掌戶部事免朝參公益恭慎和柔事而必入者視事不少休卒年七十三贈湯陰伯諡忠襄官其子佑戶部主事公受眷三朝屢登八座衣食僅充幾不能言永樂後文臣贈伯四人金純山陽伯吳中荏平金濂沐陽伯

名臣記

卷之十

五

三百五十七

少師金忠襄公

公名忠鄞人少慷慨負義氣凡戍通州公省兄官靖難兵起布衣田冠上謁典儀云浙東奇士金忠願見殿下說兵事及中朝動靜得召見公言殿下太平皇帝小人耕江海間及來往齊魯道上聞殿下賢譽服人心久矣茲舉大事人材爲急成祖悅立授署紀善日侍帷幄贊理戎務尋陞署長史已爲真靖難後陞工部右侍郎治事北京永樂二年召入兵部爲尚書公博覽史籍議論河懸儲位永定上密問公歷數古昔通弊故事對上喜

賜公大錢又曰等事官端汝以尚書兼詹事幸善認誤佐太子公侍監國時時勸起孝敬篤友愛小心敬慎無失禮毀譽禍福聽諸天日而已或譏謗廷臣及宮寮過者上密令公察審公退每數日頓首再三爲白無此事願陛下寬霽上或不喜卽又頓首言臣敢保其無他他日有踪跡卽如人言臣耳連坐以故諸所全護者多公謹厚不洩人亦不知也公每導人寬愛無爲苛刻公事報推同官使展其才能有關誤引爲已過不遺片善不舊惡俸賜有餘周賑鄉族太子卽位念公贈少師名臣記

卷之十

六

三百五十八

太子少師儀文簡公

公名智高密人洪武中薦爲教官知高郵州高郵人皆愛公曰知州長者陞知寶慶府寶慶人健悍又畏敬公曰太守不可犯永樂二年選東宮官陞通政兼右中允未幾陞湖廣布政使三年入侍郎禮部十一年元旦日食呂尚書請賀知常公獨爭

議不可 上令吏部翰林院擇一老儒侍太孫明日太子召問得人未遑公及西楊薦公又曰人無知智者以故議未決太子曰吾嘗舉李鑑禹大謬悔無及如智誠端士然老矣西楊稱智起家學官明理守正精神未衰廷臣中老成正大無踰智者是日午朝 上顧太子問曰侍太孫講讀得人未太子應曰舉禮部侍郎儀智議尚未決 上喜曰得人得人智雖老能直言元旦日食智執議免賀智可用公寬平嚴正務持大體尚忠厚遇事是非又輒別白爲太孫陳說不屑附會年八十致仕子名臣記

卷之十

七

三月十三日

銘字子新學于吳訥天性易直孝友舉經明行修洪熙時爲行在禮科給事中贈父太子少師謚文簡銘內府教書歷編修侍講正統中爲郕王長史景帝初出南京爲禮部侍郎以立懷獻太子故加太子太保未幾召爲兵部尚書尋掌詹事府事卒贈太師謚忠襄

尚書郕公

公名璉北圻新安人初名進太學生永樂中爲戶部郎官 上知進仕早未遑問學天資質直寬厚臨事從容不見喜怒精練吏事簡約有餘宣德

初爲行在吏部左侍郎兼少詹事 上爲改名璉四年代蹇忠定公爲行在吏部尚書罷兼職五年冬 上諭曰朕以用人之柄付卿卿宜爲朕擇才昨郡守多缺命廷臣薦舉古人當斯任者必勤於咨訪有得即錄故官不乏才呂蒙正夾袋虞允文材館錄是也慎留意正統元年除公尺籍時進士李賢人選公試賢嘉禾詩奇賢輔相材授驗封主事未幾旱蝗侍臣言大臣尸位妨賢內批令自陳諸大臣遂皆乞去謝天譴公獨不可曰 主上冲年吾輩皆先朝簡任受付託一時請去誰與共理

卷之一

八

三月十一日

宜引罪乞改過璉老矣官至冢宰豈敢貪位顧君臣恩義如此衆是公言疏上盡留諸大臣七年請老先是宣德初內閣謂用人之柄不宜專在吏部令三品以上京官薦用方面風憲郡守至公入吏部又令五品以上京官薦用御史知縣人多嗜進賈薦至行金錢相請乞言官論奏僅罷五品薦舉公秉銓十四年名不及蹇公然爲廉務採實行不用薄游聲譽之士雖爲內閣所侵能堅忍持正自行其志

知府況公

公名鍾字伯律靖安人初以吏員事禮部呂尚書
震尚書薦其才永樂十三年授禮部主事二十一年陞郎中初令五品上京官得薦士公薦右中允
張宗璉上召問西楊曰人皆薦下僚鍾乃薦朕
宮臣耶對曰臣與王直樞薦宗璉不意爲鍾所先
上喜曰鍾能知宗璉即日陞宗璉大理寺丞宣德
五年擇郡守九人公知蘇州府賜勅褒賞之任公
初至郡倅不解事諸吏抱案環立請判公顧左右
問吏吏所欲行止公輒聽吏吏大喜謂太守恩
三日公召諸吏詰曰某事宜行若願止茲某事宜

名臣記

卷之十

九

三十一

止若願欲我行縛諸吏拷掠投庭下輒死者數人
諸吏又皆大懼謂太守神明公乃盡罷屬吏斥貪
者五人庸儒者十餘人八年夏旱既發預備糧
賑農俾得盡力於田畝復與周文襄公講究收糶
法由永樂間轉輸北京餉道遠運糧長以一徵三
府二百七十萬石加徵至八百一十萬除正供及

船費盡爲糧長乾沒議別立糧頭同收受互

徵三之一以其二之一爲虧輸費餘

爲來年經費本是年馬草米數十萬

稅折布絲數十萬斤絹數十萬疋小

麥數十萬石及雜出供費並代以餘米上無通事
下無橫科民大悅每旱又輒發此餘米賑活輒發
萬人二十餘年積弊不數一人而盡除民接通
歲在官不得負販公叙丁差歲不過三日盡罷其
在官者置綱道簿防運夫侵盜又置館夫簿防非
禮需索綜理周密簡約易行大抵公爲守專厲
狡拊善良勢家恣犯法立死杖下吏民大驚
束寒門下士有行藝者時時賑贍諸儒生喜爲
聲譽爭獻詩頌美有鄒亮者獻詩公辭實欲
朝會有以匿名書數亮過失揭府門者公得書
名臣記

卷之十

十

三十二

日彼欲沮吾薦正速成亮名耳遂奏亮才學可用
召試授吏刑二部司務轉監察御史正統元年
御史王璉罪狀法司論速璉歲滿去民叩閭乞
者八萬餘人陞公正三品仍知蘇州府七年辛
巷哭送其喪競立祠祀公公剛正奇偉潔廉之
一塵不滓操履之固千夫莫同令行秋霜靡
馴惠流時雨庠序弗聘國初蘇州知府有王與宗
者與葉春並爲卓犖事孝陵上以二人老成不
貪以

使司副使與宗爲金華知縣李丞相

慨奈何爲令上曰與宗勤而不貪又

善處等僉兵吏不及也何有於縣歷陞南昌通判
嵩州知州懷慶知府員缺乏守上令胡丞相擇
人未及擬請上曰莫如與宗政守蘇州有善政
陞河南布政使老歸又有魏觀清沂人博學有文
名歷陞侍讀學士授太子諸王經筵祭酒請知
縣召為主事乞歸既平吳守者非人上恩觀
守蘇州觀至防奸撫善賑貧禮賢徐平役賦
爲天下最陞四川參政難其代復遷觀守燕後
政府治於士誠故基及浚錦帆涇爲御史張度
劾上怒逮觀及高啓王彝並坐死未幾上又

名臣記

卷之十

上

三十五

恩賜賜葬祭

都御史羅公

公名通字吉水人永樂十年進士授御史巡
四川有風節永樂十九年奉詔言事與六科官並
請邊知州正統元年爲戶部員外郎理宣府邊餉
陞兵部郎中三年從尚書王驥北討征阿台朵兒
只怕有功十四年冬虜報至公守居庸關給事中
孫祥守紫荆關廷議並授僉都御史時景帝初
即位面諭吏部誤云副都御史二人竟得爲副都
史公守關有方畧才警敏擒虜酋那言帖木兒

提精兵五千南襲虜至拘羊山斬捕虜有功召入
參贊軍務理院事景泰元年給事中言公本河泊
所官以內閣陳循薦其曉暢兵法尋陞副臺泰昌
平侯軍務今更兼院事妨誤戎機不便是年公疏
乞勒石亨楊洪各率精銳馬步官軍言出紫荆出
大同洪自是庸出宣府沿途巡哨提督官軍堵塞
關口修理牆樁勦除賊寇防護耕種公又言邊軍
妄報首功虛張虜勢德勝之戰近在都門新虜幾
何陞六萬六千有餘又言腰玉珥貂者皆荷全
命忌能憎言于公謙不喜上言德賤當先一萬九

名臣記

卷之十

上

三十五

千八百八十人陞一級陣亡三千一百一十八人
陞二級餘皆給賞且乞罷兵柄六府部院翰林科
道議乞留于公亦言通志在滅賊爲國計無他
等宜同心協力勿互猜嫌是年公乞下令擒斬也
先伯顏帖木兒喜寧者賞萬金封公侯于公上言
口外軍民連歲被兵不能種藝恐虜寇野無所掠
擁衆以送駕爲名突至太原則山西搖動而河南
淮甸之間亦可憂矣宜選有謀略文職大臣登鎮
山西上以命公時昌平侯乞差文武大臣率兵
出應門局鹿角據管護山西餽運大同兵部議命

公公意不欲行，跪言于謙楊洪建此策，乞令與臣同行。奏下于公，疏曰：「當國家多事之秋，非臣子辭勞之日。」臣謹請熱山雪海，特請宜去。上仍令公往。三年冬，公言：「虜馬力盡，入塞下，今也。先使臣有馬四萬，宜增價酬之，價重則馬不至不數年，胡馬自空。此坐弱強虜之策也。」是年督兵逐虜懷來，至長安嶺，又斬首有功。龍門鵬鶚諸城殘破，守將撤兵，內徙遺芻糧數萬。公上言：「虜來有鄉導，欲奪芻糧，守則軍力不足，遲則民財不足，焚則國用不足。」乞廷議。戶部尚書金濂奏：「下公及總餉侍郎。」

名臣記

卷之十

十一 魏孝 卷之十

璉總兵朱謙共計上已而虜退，公請班師還京，協贊軍務。四年上將傳要略，命以訓練將士。是秋與蕭維禎並陞左右都御史。天順二年致仕弘治十八年隆慶父老奏已已之變，通守關有保障功，祠居庸關。

太子太保陳僖敏公

公名鑑，字有成，吳人。永樂十年進士，尋御史陞按察副使，擢副都御史，鎮陝西，得便宜行事。公慈厚寬洪，清慎，悉民疾苦，不作聲色。三子：安、驥、凡。田水利鹽法事有經畫，薦於憲。三子：安、驥、凡。

廉入內臺，正統元年與于公上疏，請定輸粟贖罪法。在陝十餘年，教興政理，每入朝，民必遮道送，不忍舍。比還，歡迎父老，或走數程。久旱，公至，即雨。久公至，必霽。人益愛戴。公召入臺，為右都御史，與王文共事。正統景泰間，文與公夏口，陝西已而文當代公入陝，御史為文上疏言文風采乞留內臺，耿清惠以待，郎出代公尋陞公左都御史。太子太保景泰四年秋致仕卒，謚僖敏。陝人尸祝焉。

武功伯徐公

名臣記

卷之十

十四

十一 魏孝 卷之十

公名有貞，字元武，初名理，字元玉，吳人。宣德八年進士，庶吉士，授編修，陞侍講。已已之變，有薦公才者，召問計，泣曰：「驗之星象，稽之歷數，天命已去，請幸南京避虜。」謙力言不可，遂止。景帝即位，勅十五人守要害，屯兵為京師援。公權監察御史，守彰德。景泰四年秋，公為諭德，兼侍講。上言：「人臣避國諱，子孫避家諱，禮也。臣幼誤犯祖諱，禮當避，請更名。有貞是冬，河決張秋，石璞洽之久，無功集議文淵閣，推公擢僉都御史，治河。公自北東徂南，西踰濟汶，沿衛及沁，循河道，濮范究源，流度地，行水上，疏曰：「臣聞平水土要在知天時地利人事而」

已蓋河自雍而豫出險之夷水勢既肆又由豫而充土益疎水益肆沙灣之東所謂大洪口者適當其衝于是決而奪濟汶入海之路以去諸水從之而洩隄潰渠淤澇則溢旱則涸此漕途所由阻然欲驟壅則潰者益潰淤者益淤今請先疏其水水勢平乃治決決止乃濬淤多爲之方以時節宣俾無溢涸必如是而後有成制曰可公往來展布經營作治水開疏水渠渠起張秋金隄西南行九里至濮陽濬又九里至博陵陂又六里至壽張沙河又八里至東西影塘又十有五里至于白嶺灣又

之長百之濶廣三十有六丈厚倍之隄之厚如濶崇如壠長倍之架濬截流柵木絡竹實之石而鍵以鐵蓋合土木火金以平水性又導汶泗之源出諸山匯澶濮之流納諸澤又濬漕渠由沙灣北至臨清凡二百四十里南至濟寧凡二百一十里復作放水閘于東昌龍灣魏灣凡八爲水之度其盈過丈則洩皆通古河以入于海上制其源下放其流既節且宣用平水道初議者欲築堤弗治而由河沁及海以漕又欲出京軍疏河公因奏蠲湖河民馬牧庸後專力河防以省軍費紓民力工部請如公言不中制以是得成功是役也聚而閘役者四萬五千人分而常役者萬三千人用木大小十萬竹倍之鐵斤十有二萬錠三千緡八百釜二千八百麻百萬斤刺倍之藎秸又倍之而用石若土不可算然用糧千官僅五萬石爲日五百五十有五君子曰元武之才徵於是役也白渠溉而不漕鄭渠漕而不貢工皆累年費萬萬計然子不溉不漕又不以貢久役勞人至勤萬乘獻璧馬額神視張秋輕重難易何如也七年陞副都御史還朝公文武材臨事敢爲有經畧乃與石亨並竟以奪

門功登大將。事慈殿大學士。武功伯伯食祿千一百石。世持樞使。入內閣。時大僚諸臣盡得罪。死徙落籍。去公得爲首相。欲立功名。自異。稍與石總兵相左。李賢旁助公。凡用人行政。稍持正。左右已不能堪。內臣曹吉祥亦以奪功。與國政不通。文墨恐事歸司禮力贊。上事須經內閣。意寵絡內閣。附已已。而吉祥薦用私人。內閣輒相阻。吉祥固不悅。天順元年。御史楊瑄劾曹石。曹石疑出公意見之。盛氣乞逮御史。初曹石爭寵。利不相能。至是遂合牽。上衣哭訴曰。內閣專權。欲除奴輩。位

地哭不已。又言。蔡門時出。萬死立功。今爲內閣所陷。遂下楊御史及都御史耿九疇公及賢詔獄。即日雷電交作。大風拔木。承天門災。二凶家大木皆折。冰雹尤甚。不自安。上遂釋賢。謫公廣東叅政。行至德州。會有投匿名書斥朝政者。曹石以爲出公。復逮詔獄。拷治無驗。命取公誥券示三法司。刑部侍郎劉廣衡等遂劾公。詐撰制文。竊弄國柄。自謂治水希蹤神禹。敢以定策冒貪天功。大不敬。無人臣禮。論斬。上會災變。得宥。編置金齒四年。冬上坐文華殿。諭賢王。朝曰。有貞才學。亦難得。當時

有何大罪。爲石亨張軌所陷。如後世議。何可釋歸田。始得還鄉。卒于家。公短小精悍。博學多能。有膂力。天官地理。兵法水利。陰陽方術。無不通貫。文雄奇詩亦道勁。

少保馬恭襄公

公名昂。字志高。滄州人。鄉舉入國子監。授序班。正統二年。薦陞監察御史。整飭大同兵備。八年。刑部失囚堂上。官下獄。陞公刑部右侍郎。改副都御史。參贊甘肅軍務。劾都督王喜。喜坐罪戍遼東。守臣責駝馬赤斤蒙古罕東諸蕃掠去。公出戰擒大酋鎖南奔。景泰初。病乞還朝。勒致仕。四年。薦起總督軍務。代鹽山兼巡撫兩廣。擒僞將軍周鐵等三人。陞右都御史。七年。平斗峒賊。轉左都御史。天順元年。致仕。入見。復留命。巡視山西。還院。二年。陳汝言坐贓下獄。論死。代爲兵部尚書。五年。虜寇陝西。公總督軍務。與懷寧侯孫鏗西征。師且出。會曹欽反。與鏗擊賊。賊誅。加太子少保。仍掌部事。裕陵每召公對。詢將官短長。用邊鎮巡撫。亦令南楊鹽山與公議。公質直肯任事。曉暢軍務。選擢將校多得其人。茂陵即位。改戶部尚書。與都御史林聰簡十二

營軍公在戶部亦欲理財裕國用顧曲算潤狹會計非其所長功名損於兵部時四年御史以星變劾公公請致仕卒年七十八贈少保謚恭襄錄子忠國子生子恕錦衣世百戶

論曰成湯立賢無方有以哉姚公謹孝籌軍旅宋公禮成河渠況公鍾條賦役金公忠處君臣父子

兄弟間卒能調護猜嫌以終其身此其人豈易及哉儀公智耆德有園綯之風郭公雙朴魯少文然

能持正不繳倣與人競亦不失已羅公通陳公鏗皆有風節知兵曉吏事民思慕之馬公昂著功名

名臣記卷之十晉北邊本兵亦不失其職湯陰資不能救張北

平武功有貞不能全于肅愍與廢之際然乎

皇明名臣記第十卷
子履準校
孫心材重校

皇明名臣記第十一卷

吾學編第三十二

海鹽鄭曉

太子少傅劉節愍公

公名雋江陵人洪武十八年進士爲兵部主事累陞左侍郎建文中爲侍中靖難後陞尚書公有材力縝密勤敏能出奇應變征交趾出叅軍有功還受賞永樂六年趾賊簡定反出叅沐晟軍敗生擒江被圍卒洪熙元年贈太子少傅諡節愍時都督僉事呂毅陷陣死交趾叅政劉昱亦死毅項城人百戶從靖難陞督僉送陳天平至雞陵關敗宥罪名臣記

卷之十一

三十三

從征克鷹揚將軍掌交趾都司事沉勇有智畧昱武陵人嚴猛有吏才

少保陳節愍公

公名洽武進人淹貫經史謹敏有才識洪武中薦布衣華書授兵科給事中憂去建文中起復文選郎中靖難後陞右侍郎轉左政大理卿討交趾出叅軍兼給餉交趾平嚴將士功罪建授土官經理兵食分守隘寨訓決如流皆中節適陞吏部左侍郎是時黃尚書兼掌布按兩司事寬大專意撫輯公甄拔才能振以風紀交人悅服還朝陞兵部尚

名臣記

卷之十一

二

三十三

書鎮交趾仍叅軍事洪熙元年召黃尚書還公代兼兩司事仍叅軍事未幾內官馬騏背欵暴交人再叛攻交州城敗賊去王通復引兵渡河擊賊戰寧橋公力陳利害言賊役有伏誘我不可出通不聽遇賊公奮身力戰不支被賊執不屈罵賊死事聞上曰大臣以忠徇國一代幾人贈少保諡節愍官其子樞刑科給事中時交趾布政使弋謙上言乞褒死節贈都指揮李任都督同知指揮使顧福劉順徐麒皆都指揮同知指揮僉事劉安指揮同知正千戶蔡顯指揮僉事副千戶桂勝正千戶知府諒江劉子輔諒山易先布政司叅政政平知州何忠府同知內官馮智太監並復其家任全華人襲父官靖難有功交賊獲都督蔡福福至昌江城呼任等降任罵福叛君賊狗彘不如與顧福等且守且戰前後三十餘戰輒破賊賊益兵象攻九閱月糧盡衆困賊雲梯登城奪其門任復率死士三戰三敗賊賊擁兵象大進不能支任福皆自刎死智順自縊死城中人不肯降死者數千人于輔廬陵人以太學生爲御史持身謹行儉約如布衣用法公平不見喜怒巡浙江有風裁陞廣東按察

系臣記

卷之十一

三

清史稿

使坐累左遷守諒江撫民如子民亦愛戴于輔賊
攻城勢猖獗旁郡縣皆陷于輔獨效死守援久不
至食盡城破城中兵民盡鬪死不肯降于輔曰郡
亡我亡義不污賊自縊死一子一妾皆先死何忠
江陵人進士爲御史持正永樂十九年三殿災言
事出知政平州明敏有吏才居州廉慈忠計事上
藩司會寧橋軍敗賊乘勝逼城成山侯詭與賊和
且請赦朝廷賊遣酋陳渭老表謝密令忠勝同渭
老行請益兵征勦至昌江內使徐訓泄其謀賊
忠等欲降忠忠不聽刀鋸臨忠不降且錫忠忠益
大罵賊勝亦不屈忠父子及勝同日死與顯守
立溫賊攻城糧盡猶率罷卒固守城陷無一人降
者賊屠城顯顯皆自縊死易先湘陰人國子生爲
知府諒山有善政任滿當還交人乞留進三品祿
留諒山城陷自縊死劉安征交趾功留官交趾前
衛守備又安將還保東關至富良江遇賊被執安
客與衆謀候討賊兵至內應千戶包宣以告賊賊
將殺安安與信揮陳麟奮起奪賊刀殺數人自刎
都督蔡福都指揮朱廣薛聚于瓚指揮魯貴千戶
李忠皆伏誅福鎮守又安不與賊戰率廣等降賊

又教賊造攻具破東關時有官軍九千餘人桀驁
欲劫焚賊營福又遣百戶牟英告賊賊盡殺九千
餘人遂攻破昌江等城又輒至各城說降至清化
知州羅通罵福反賊宣德三年黎利歸福等京師
盡棄市籍其家又有馮貴侯保爲交趾左右叅政
討賊力戰死景陵即位贈二人左右布政使

太傅曹文忠公

公名鶴字 寧晉人疏俊明偉內剛外和諫達

國契才量出人初鄉舉署代州訓導非其好也
得一劇官自效政泰和典吏益肆力問學嘗習工

名臣記

卷之十一

四

清史稿

匠入京自陳願就禮部試宣德八年進士第一授
翰林修撰正統五年陞侍講九年陞翰林學士十
一年入內閣與政典制文詞宏潤日講音旨清切
尋陞吏部左侍郎兼學士是時東楊卒凡議大政
諸閣老推決於公公才明敏類東楊視中官玉振
正色不少假振益憚公十四年沒土木贈太傅文
淵閣大學士謚文襄改謚文忠賜衣冠葬官其孫
榮錦衣世百戶

少保鄭忠肅公

公名塾字孟質宜章人永樂辛卯鄉貢士理刑都

察院以廉平各十一年為監察御史時駕在北京

有言南京鈔法滯眾謂將起大獄公往檣市豪一

二歸奏曰市人聞令懼鈔法通矣事遂已十六年

石州人告變擢陝西按察副使勅公事即實會官

軍勦公察其証乃反獄亡命妄言冀脫死聞上止

弗問誅証者宣德四年陝右饑移粟煮粥全活人

公最清謹父又賢嘗市褐寄父父胎書罵何處得

此褐者以不義汚我父教官公欲見父聘陝西考

鄉試父又大怒罵辭不至歸愛服除陞應天尹與

利去害市征田稅皆酌其平豪猾不得為輕重正

統元年進兵部左侍郎時尚書王驥西征公任部

事有勞上與除戎籍四年京師淫雨壞廬舍公

言此陰陽為沴兵陰也臣等不職所致乞罷歸田

里不許久之進尚書時欲變易軍伍使南北人各

適土性下羣議公曰此舊制不可紊稍有變易將

不勝其弊各將誰歸卒不動十四年上北征虜

力止不允比出關又請回鑾王振惡公矯旨令與

戶部王尚書佐隨老營至懷安墜馬幾殆從者請

留就醫藥曰天子在前可託疾求自便力疾至雲

還至宣府虜大至公再上章請疾驅入關而嚴

兵為殿皆不報最後詣行殿力請振怒曰腐儒安

知兵事再妄言必死公曰我為社稷生靈言何得

以死懼我振愈怒叱左右扶出明日次土木師覆

遇害贈少保諡忠肅佐海豐人永樂中貢士為給

事中正統初陞戶部侍郎六年陞尚書十二年兼

吏部事佐狀貌魁梧器宇深厚政有體要心無苛

隘耻不若人晚嗜學問贈少保諡忠簡

論曰劉陳曹鄺南征北伐倉卒遇賊非

所謂以死勤事者耶劉陳宜力遐徼從事獨賢始

焉共命終焉效死可無憾也曹平章有密鄺典司

無及矣

子履準校

孫心材重校

皇明名臣記第十二卷

吾學錄第三十二

海鹽鄭勝

侍郎段公

公名民字時舉武進人永樂二年進士庶吉士與修永樂大典除刑部主事又與修五經四書性理大全進員外郎郎中永樂十八年妖賊唐賽兒反山東十九年冬陞山東左叅政討平之廷議擇守臣當是時索賽兒急盡逮山東北京尼既又盡逮天下出家婦女先後幾萬人公協定綏輯曲爲解釋人情始安再駕征北虜勅公轉餉舟自濟寧通州俄又令陸轉居庸關塞公節約曲算有財力民不擾事集道中忽降勅令公與巡按御史考所過郡縣吏宣德二年召考會試禮部三年召入戶部爲右侍郎滿剌奸鋸齒納清允尋改刑部特賜勅公廉介端謹令考案在京百司先是榜例越訴者杖百謫戍邊公請罪如律九年卒官貧不能喪吳文恪公力爲經紀始克殮成化間葉文莊公請褒公不果公好古力學精練吏事廉平動座人莫敢干以私

都御史顧公

公名佐字禮卿太康人建文二年進士爲知縣莊浪拜御史巡廣西採木四川防守邊陞陞山西按察副使再陞應天府尹尋以營建冗棘改順天公歷兩京尹剛稜不撓貴戚豪勲欲戢永樂十九年貴州有夷警改按察使貴州或曰勲戚家不利公以故相排擯去獻陵素知公廉徙召爲通政使宣德三年臣僚者縱御史多淫貪不法都御史劉觀被斥上問東西楊廷臣孰可掌憲者二人未卽對上曰未必乏人至此西楊言通政使顧佐歷內外臺有風采東楊亦言佐尹京威廉上喜曰佐乃能如此擢右副都御史與重書曰都察院朝廷耳目國家綱紀用得其人則庶政清平羣僚警肅否則百職怠弛小人橫恣近年在京諸司奸弊紛出司風憲者不能糾舉且與同國何賴焉爾佐剛直廉正簡在朕心特昇斯任其竭誠盡力恪恭夙夜毋憚勤勞彈劾愆謬毋避權要毋枉良善毋縱姦宄各道御史即宜審擇凡廉勤公正老成醇厚者留用不達政體貪淫無耻及曾犯贓罪者送吏部降黜公差給假下憂者亦如之御史缺行吏部慎選不得濫授欽哉公遂考覈御史貪淫不

律嚴暉等二十人論吏遼東不達政體李孟宣等
九人降典史老疾馮斌等三人爲民五年增潛入
京造詞脅人公又劾暉踪跡詭秘且欲殺臣上
誅暉西市陞右都御史奸吏犯科者摺奏公受隸
金私遣歸上以公臺端不欲發其過密示西楊
且曰爾不舉佐廉乎西楊聞奏謝曰事有之顧中
朝官祿薄僕馬新易咸資之隸遣隸隸得歸耕官
得資費中朝官皆然臣亦然蓋自永樂至於今
先帝固知之以故增中朝官俸上怒曰朕方
佐用小人輒誣佐必下法司治對曰末事不足于

名臣記

卷之七

三

三月十七日

上怒請付佐治恩法並行矣上召公授吏狀且
諭曰此不足爲卿累小人不樂卿檢制敢誣正人
汝自治之公頓首謝公呼吏至言上命我治汝
汝宜改行吾且貸汝上聞之益喜數月又有囚
告公文淹不理上又怒召西楊諭曰此必死囚
教之欲中傷佐立命三法司會鞠實出千戶臧清
清殺無罪家三人奉當死繫獄上曰不誅清佐
安能行法立命磔清西市是年在告行在兵部右
侍郎王驥署院事時上數郊巡必勅公及勲臣
留守八年又在告吏部尚書郭璉兼院事正統元

年開公尺籍二年公考察去御史邵宗宗九載滿
在吏部上爲原宗詰公公請老勅戶部復公家
家居十餘年卒公性嚴重守正嫉邪人知敬憚以
故竟擠之去公旦晚小憩外廬立呵藤戶外官僚
行道者輒引避入內直廬獨處小夾室非議政不
與諸司羣坐先是有師達者京阿人長陵北巡嘗
問太子南京羣臣孰廉太子對曰皆廉上
曰從朕北來者率好貨惟吏部侍郎師達一人廉
耳達起太學生歷御史按察使堅貞有風裁請
後陞兵部右侍郎改吏部領行在吏部事征

名臣記

卷之七

四

三月十四日

武職

軍餉陞南京戶部尚書兼領吏部達孝行純至操
履端潔又有進賢向瑀洪武十八年進士歷職方
員外郎九年滿陞通政使不能奏對自陳改應天
尹建文中坐累謫廣西靖難後復府尹坐繫獄數
年左遷運司判官獻陵知其廉直召爲副都御史
兼詹事宣德初蒞南臺致仕珪有文學屢經窮阨
介節不渝蔬食水飲布衣泊如也

尚書耿清惠公

公名九疇字禹範廬氏人永樂二十二年進士宣
德六年爲禮科給事中議論持大體有清譽正統

二年兩淮鹽法大弊擢運司同知公性節儉嚴肅尤慎交接無毫髮私吏胥豪商勢家凜凜不敢肆嘗條奏鹽法便宜事著令內艱鹽場數千人走關下乞留陞都轉運使嘗坐水旁童子曰水清不若使君清已而被誣逮下獄得釋又以都御史清理兩淮鹽法景帝初陞刑部右侍郎屢辭疑獄勢利不能休有婦訟其夫坐離異公不可杖其婦歸夫尋出理兩淮鹽法已兼江北巡撫歲凶盜起公善循拊流民復業者七萬家勅錄諸郡大辟囚寬得釋者二十六人有婦人來何苟家者去而死婦

名臣記

卷之十二

一

得殺婦者警家也代還京景泰三年王文當出陝西鎮守代陳鑑文不欲行諷諸御史留已公以待郎出陝西鎮守除弊屏貪威望著先是巡撫多部寺司堂上官文移不得輒下按察司不肯受約東公奏得徑下邊將請增臨洮諸衛戍兵下公議

言邊城士卒不爲少將官能嚴紀律藉藉勤撫恤絕侵盜奉銳氣一可當百加以賞罰明信人人自奮不然徒冗食耳竟不增戍是秋勅公考察陝西方面官四年冬陝西左布政使許資言侍郎鎮

守與御史不相攝文移輒礙改公右副都御史鎮守會有旨市羊角爲上供燈公疏論曰昔宋神宗買浙燈蘇軾諫止今買羊角製燈無乃類是書曰不矜細行終累大德上遂止天順元年公來自陝西留爲右都御史勅公考察諸御史是年諸御史劾曹石逮詔獄并逮公降江西左右布政使尋轉四川上知公清正一日對輔臣論人才言九疇去非其罪南楊對曰九疇操行誠不易得未幾以禮部召至京陛見上憐其老改南京刑部尚書曰遂卿優閑四年卒上又曰可惜此老以左都

名臣記

卷之十二

六

御史蕭維禎代公公孝友純至居喪秉禮平生無他嗜好公退焚香讀書而已交遊不泛請寄不至其門雖權貴亦敬憚不敢犯論事是非確然不肯詭隨好善嫉邪別白太過以故與衆寡合累遭謗困卒謚清惠子裕自有傳

尚書年恭定公

公名富字大有懷遠人本姓嚴籍訛爲年永樂中鄉貢爲山東德平訓導乞修定先師廟配享從祀封爵禮儀召爲吏科給事中糾正違失務存大體陞陝西參政巡歷郡邑察民隱革奸弊興學勸農

尤驍賊吏正統九年陞河南布政使饑民流聚十數萬驍掠居民撫輯散解力行節儉却侈靡風俗爲之一變也先數倭邊陲左副都御史提督大同軍務舉廉政章科徵抑豪橫廣屯田民始有更生之望軍功爵賞必覈無濫襲垣王遜輝誣公公請老戶部言公廉威爲奸豪所忌不可許景帝爲勅王守法度勿得汙風憲大臣卒吳誣公不法謂侵郭總兵坐總兵上于謙上議曰穰苴布衣監莊賈軍以軍法誅賈卒破秦晉齊以一穰苴法強列國裴度御史中丞督淮西諸大帥平蔡元

名臣記

卷之二

十一

三

近日左都御史王翱右舍都御史鄒來學皆坐總兵上以軍令出翱等准妄言沮軍法宜究主者事遂寢公又嘗按山西參政林厚坐厚法厚亦誣公臺置獄訊景帝曰厚怨富富執法公廉誣富得自便朕以邊事付富終不以一人言辱富厚竟削籍公又按分守內臣韋力轉貪虐力轉誣公巡按御史爲雪公誣狀事得已天順初石彪倚亨中公危法逮詔獄上素知公南楊又力爲解得致仕未幾南楊薦賈銓爲戶部尚書召銓至又薦公左右不悅公者輒巧譖沮公上諭南楊戶部非年

都御史軒公

名臣記

卷之二

八

三

富不可對曰人多不喜富上曰富執法宜司國計竟召公爲戶部尚書時王忠肅公年七十八上又諭南楊曰繼翱吏部非富不可公經理財賦蒞以勤廉不動聲色出納節適八年春陝西用兵督餉非人屢乏軍興公薦楊璿余子俊吏部疏論公侵官公上言薦賢爲國同心共濟若事無任已動率尤人恐乖推讓之風自矢寅恭之義且乞致仕不許公剛正朴忠簡言寡慾遇事直前不顧利害氣節才識世不易得卒年七十謚恭定

公名輓字惟行鹿邑人永樂二十二年進士天性廉介進士督漕淮上嚴冬忽墮水援出裹被坐有司急進衣却去竟俟舊衣乾除行人司副陞監察御史正統元年與御史十六人出清理軍政清修苦節嚴明不苟人畏服之陞浙江按察使前使客太不檢公矯以清約禁絕和買四時一布袍蔬食不厭約諸僉三日出俸易肉一斤多不能堪故嘗經過輒留飯飯惟一肉或至殺雞見者皆驚異曰軒廉使殺雞爲客大破費遭喪即行僚屬尚未及一拜字浙阮監丞隨亦清謹安靖與公善公既去

陳璇代公亦清嚴浙臬稱治景泰四年公爲副都御史巡撫浙江改南臺內艱奔喪天順初首用公爲刑部尚書耿公爲右都御史二人廉介有名海內信向未幾耿公欲去召亨太果反爲亨逐去公亦病請致仕上召公至文華殿面諭留視公疾不可強與致仕陛辭上復問公曰昔浙江廉使考滿歸家僅二竹籠是汝乎公頓首謝又問卿年未老病愈再可用乎公又頓首辭疾上賜金爲道路費公去上復思公召爲左都御史督南京糧儲公嚴毅遇人無賢否悉峻拒不與接歲時詣

名臣記

卷之二

九

三十五

禮部拜表慶賀屏居一室徹燭朝服端坐寂無一言鼓嚴出行禮禮畢竟御肩輿歸僚儕聞公來輒避去不樂與公處南武庫郎沈琮嘗言留都大臣惟公及魏驥廉平峻偉不務文飾間令吏寫公牘數十冊卒後修史有司從其家取行實無有也公前有南海周新者永樂中爲浙江按察使廉梗有威爲錦衣紀綱中傷死獻陵每悼惜之人稱新爲冷面寒鐵公

都御史魯公

台穆字希文天台人永樂四年進士爲監察

御史執法不撓獻陵監國時列上漢庶人不法罪狀留中陞福建按察僉事理冤濫懲貪墨摧豪強直介孤立行一意不可干以私泉州人有李姓者妻吳美舊與富烟林私李調官廣西林令二僮從李行殺李道中并殺其姪吳竟遮林李宗人訴之那郡得賂反坐李宗人誣又訴按察司司得賂如郡十餘年未決公故廉得踪跡甚詳一訊林即服漳富人許初無子後兄子已而妾有子與兄子貴三之一托已子許死兄子言妾子非許子也逐去盡奪其貲公大召縣中父老及許宗人詢之皆曰

名臣記

卷之二

十

三十八

妾子本許種也兄子始服罪超陞僉都御史召入臺正統七年巡視應天府公幼舉動異常兒稍長攻苦食淡力學博經史嘗大書座右咬得菜根百事可做比入官請寄不行同遺並絕義色正詞清心寡慾蒞政臨民外嚴內恕決疑應變才氣雄敏歷官中外三十餘年家無餘貲沒不能飲公卿贈賻僅足茹荼國初有薛祥無爲州人佐孝陵開國有功陞陞工部尚書頗以怨言聞下獄死家徙瓊州孫遠進士授戶部主事天順初使交南還陞左侍郎母憂去起復爲工部侍郎治河河南舉繫揚

州河四十里成化初兵計兩廣叛徠改戶部調兵食諭衆能被賊者即有其輜重人人奮勇師至大勝峽賊平陞左侍郎三年進尚書總督京儲六年行視漕河十三年致仕又明年起爲南京兵部尚書奉贊機務十六年致仕弘治八年卒年八十三遠於禮樂兵刑天官律曆無不涉獵尤熟國朝典故在戶部最久文移奏劄悉出其手改定戶部事例芟繁正詛均節委積內外遠近多寡輕重咸有品式會校出納吏胥拱手時中外競陳利害始一人以爲可行而行又一人以爲可罷而罷公一切弗聽遠居官四十年家無長物食無兼味室無騰妾曰少吾事親恒不足令安恐有餘

尚書林恭肅公

公名鶚字一鶚浙太平人景泰二年進士初爲御史時言官得志報妄言摺據中傷人益交結橫甚公獨持大體略細故嘗監試禮部內閣陳王子不得舉誣考官劉文介公又以公兄子林挺得舉誣公私挺建挺考試且并逐公及枝挺文文固有辭理事得白裕陵復位盡左遷諸言事瑣恨勢鵠張者簡諸守正持大體者爲大郡知府公鎮江

名臣記

卷之十二

二

三

比許召見賜食楮幣諭擢用意公至都汲汲興利除害不出一言暴前人短鎮江漕河孔道往經孟瀆險議鑿河自七里港引金山上流通丹陽避孟瀆公言迂遠多石又壞民廬墓請按京口閘甘露壩故迹稍深浚通舟舂夏啓閘秋冬度壩道里近功力省又不損民壞地利甚便竟停役從公言未幾更劇治蘇州公一切簡靖即有建革必審覈再三吳人重公名旦夕責效頗笑守迂緩已而見其深思曲算圖久遠利即又稱林太守康濟才也起拜江西按察使平反冤獄必據律不肯輒重輕徇上下意廣信有妖賊妄稱天神夏尚書等旁近邑盡驚疑公榜縛其魁事遂解否且用兵或起大獄歷兩布政使歲饑秦減民田租十五萬石嶺南有僚寇急調兵食捍境上寇不得入境成化六年陞兩刑部侍郎審訊刑獄必從容調劑僚屬間務適情法內艱去服闋召刑部侍郎時年未五十嘗出諸卿右衆冀公大用未幾卒官貧無以爲歛賁文毅謝文肅二公經紀歸其喪公秉禮而葬必必恭慎公餘輒危坐閱書史臨古帖作書必夜半漏盡即起臥下稍嚴交遊不尚事無程族人

名臣記

卷之十二

三

三

極敬愛母不說跪請移時必母說乃起歷仕中外二十六年家無益產篤行孝廉君子也嘉靖二十二年御史趙大佑上公節行贈刑部尚書諡恭肅

都御史楊公

公名繼宗字承芳山西陽城人天順元年進士性鯁直言動磊落初爲刑部主事獄中重囚數百父枉桎多臭腐死公巡牢曰此曹罪皆死卽未死亦宜善視時與食飲御沐蘇活人無算會廷議澤郡守王忠肅公薦知嘉興府公携一蒼頭書一篋署中蕭然如旅舍興學勸士閔農賑災夙夜不解民

名臣記

卷之十二

十三

三三六

四

有事至郡和顏曲問盡得郡中諸豪奸及良馴狀與民所疾苦爲調劑興革有孔御史者挾威凌有司杖殺人公榜通衢孔御史酷捷人至死者言府孔御史見之卽之旁郡去嘉興當江南孔道內臣往來百方索賂公直與菱藕曆日內臣曰我無用此太守幸與我金錢或好布絹公曰諾卽出牒取庫金云與太監市布絹卽索金錢又出牒取庫金錢入饋曰布絹金錢在也幸與印券附案飽日磨勘內臣昨古不敢受公有大節持風裁藩臬御史皆憚敬公公在郡誅鋤奸豪盡束手歛跡但得改

卽止不深究滿九載民遮道扶携不忍舍去爲立生祠祀公陞浙江按察使公在嘉興廉聲正氣滿天下比至浙臬威信益著貪墨吏望風走避盡革諸司和市鎮守內臣橫日索供萬錢公一符下杭盡革去未幾內艱一篋自隨惟夫數襲大明律書數冊而已制終起爲僉都御史巡撫順天永平威宦庄田占民者盡奪還民成化二十一年上疏忤旨左遷雲南按察副使弘治元年陞湖廣按察使再陞僉都御史巡撫雲南卒於官公好善惡惡出於天性與人不苟合人亦憚其方嚴居官三十餘年所至民懷父母吏畏神明忠孝諒直光明俊偉雖庸人孺子皆知其名或言公別白女節目太疏言論太激非知公者也

太子少保樊清簡公

公名瑩字廷璧常山人天順八年進士爲御史巡兩淮豪有力者憚公清介莫敢撓阻條上清寧事宜行之著令又巡雲南交人誘邊氓盜掠發吏民方議用兵公移諭禍福交人畏御史清梗皆納款知松江府府故富贍公布衣薪食學於士民又議折徵米穀減布錢征通許漕計數事行之再如手

陽以黃孔昭薦陞河南按察使未幾尹應天府三年陞南工部侍郎改都御史巡撫湖廣計擒錦田賊首散解其黨奏省諸藩王營造費金凡百萬計尋以疾致仕薦起撫治鄖陽鄖襄流冗安輯馬鈞陽又薦召爲南刑部侍郎雲南晝晦五日勅公考察雲貴諸吏罷遣千餘人召還部爲尚書十八年致仕正德三年逆瑾誣公妄理隆平侯事及擅減上供布帛贖奪其官此瑾誅公卒已三年詔復公官十四年贈太子少保謚清簡公明習律令潔已好修侃侃自樹交遊稀寡人皆敬而畏之

名臣記

卷之二十二

十五

都御史熊莊簡公

公名繡字汝明道州人成化二年進士爲御史坐事謫清豐知縣累官都御史巡撫延綏操勵潔廉自甘蔬布飯廩有羨不入私室憂邊練武套虜三年不大入塞憂去家拜兵部侍郎陞兩廣右都御史逾年召入南臺正德三年中官李榮忽傳旨熊繡致仕公屏居山中斷絕書問生事蕭條俯仰益恬適卒時子已天繼子又天巡撫秦金爲請子朝贈南刑部尚書明年太僕少卿何孟春上疏曰竊兄致仕故都御史能繡事母能孝事兄能友居貴

能貧居常能儉敬歷中外四十餘年守法徇公推賢嫉惡不邀時譽不急近功言無爽於屬垣行弗虧於顧影往年都御史戴珊張敷華卒其門生屬吏子孫咸請易名主事張鳳翔孔琦卒鄉人請卹其家聖朝表勸清賢不吝恩需繡才節操履無讓珊等賜謚卹孤惟宸衷軫允幸甚詔給繡繼子子端米月一石謚莊簡時有工部侍郎潘禮歸德入清廉恬退未老乞休弘治間年八十一巡撫韓邦問疏言禮歷官居鄉益堅晚節草廬蔬食不求安飽詔給米月三石南工部尚書胡拱辰淳安人

名臣記

卷之二十二

十六

廉正德初遣行人存問年九十二贈太子少傅謚莊懿邦問亦仕至尚書致仕年九十二卒仁和

王琦字文進舉人乙榜授汝州學正陞御史山西僉事提學改四川乞致仕歸清介自持不治生產冬大雪寒僵臥不能出門戶或唁之曰吾求無愧於心耳雖饑寒無不樂也天順間竟以饑寒卒臨潼李嵩字世瞻篤實莊重雖祁寒暑雨手不釋卷成化六年進士歷知廬州府陞河南參政清慎絕俗吏事克修卒之日貧不能葬妻郝至饑寒守臣

爲奏上得給月米終其身沙河朱寰宇公垂正德九年進士少勵清節貧困裕如也提學御史顧潛知家檄府資寰學京師寰不受躬自炊汲爲御史寒約如故巡按山西山東有風采人稱寰爲長齋御史爲華昌知府歷浙江副使福建按察使浙江左布政使副都御史治河乞歸再起治河卒清堅自信士頌其廉民懷其惠知友服其不市名饒州孫需字孚吉成化八年進士歷官南京吏部尚書守法畏公議白首清風嶠然不滓雖不能發揚功名有赫赫之譽顧正德間大臣多掎克回通需獨

名臣記

卷之二十一

十七

李三才八

廣寧節縮財用不肯加賦於民時郭勛寵用事積資度文金銀百萬計公力推抑爲助所中傷削籍歸卒生理蕭然

尚書陳公

公名壽字本仁新淦人成籍遼東成化八年進士弘治元年以都給事中陞大理寺丞御史爭寺丞劾公吏部尚書三原王公言壽廉正稱執法吏改南光祿少卿陞卿南鴻臚十三年陞僉都御史巡撫延綏十六年陞南京副都御史正德元年南京科道劾逆瑾被逮公抗疏救諸言官瑾怒奪職八年薦起巡撫陝西未幾遷南京兵部侍郎九上疏乞休陞南京刑部尚書致仕初壽在科萬貴妃寵族入橫甚中官梁方又結妖僧繼曉干國是公疏論繫詔獄得釋在榆林會火篩入寇出奇兵却之加俸一等旣歸田杜門謝客陝西鎮守內臣廖鐘暴虐吏民楊文襄公言公忠鯁輕去就宜起公撫陝公至陝清勁鏗畏欽戴比公去陝人號哭擁公不得行公卒久之都督楊宏陝人也上疏言壽仁廉恤下知兵能退虜請卹其後公歷官四十年大半在散地食祿任事不久而廉名最著老無所干

名臣記

卷之二十一

十八

李三才九

歸諸子旅寓飄泊環堵蕭然歿不能葬久之親省
相周僅歸其喪公爲言官時直論時政得失無隱
不喜彈劾人曰吾父戒我勿作刑官枉人若言官
枉人尤甚吾不敢妄言文襄公曰宋王素爲諫官
言人材難得無事之時當爲朝廷愛惜程明道爲
御史告君曰使臣拾遺補過則可若搜索臣下短
長以沽直名臣不能也本仁得之矣

論曰 成祖痛懲賊吏然左右大臣亦有好利蓄

貸聚馬者獨段公民以清謹受知顧佐耿九疇年

三公皆有孝肅清獻之風屢遭頑譏非恃聖

路作記卷之二九一李三

明幾陷奇禍軒輊魯林楊繼宗陳青五公剛

毅直方不可犯顧於民有惠政樊公堂熊公清

譽字洽竟與時違不究其用

皇明名臣記第十二卷 子履準校

孫心村重校

皇明名臣記第十三卷

吾學編第三十四

海鹽鄭曉

侍郎李忠文公

公名時勉名懋以字行安福人永樂二年進士公少有大志七歲小學四書皆成誦甫成童每自勵曰願會希聖四勿三省長益肆力問學冬寒衾裘足納榻中刻苦盡讀諸經史庶吉士時預修太祖實錄憂去服闋授主事刑部召入修書書成進翰林侍讀十九年三殿災求直言條上十五事未幾謫構下獄二十一年出獄復其官獻陵初即位

卷之三

三十五

上怒縛至便

野命力士橋十八瓜折其肋幾死明日改監察御史又明日下午詔獄宣德元年十月上恨公言觸觸仁考怒令縛時勉來朕面鞠必殺時勉已又令王指揮縛時勉斬西市王指揮出端西旁門公已爲先輩使者縛入端東旁門門中相左王指揮至獄知公入亟走還縛公送西市公已得見上上顧憐時勉忠臣能直言立脫公桎梏復其官預修兩朝實錄陞侍讀學士正統三年進學士尋陞國子祭酒是時具祭酒罷西楊歡祭酒難其入

名臣記

卷之三

三十五

公曰豈遂乏人耶程雲甫在旁言無過公者公不悅竟以公爲祭酒初公與陳敬宗在翰林表忠徹與二人並列曰二公他日功名相埒陳儀觀魁梧公貌稍寢聞者未信後二人皆至祭酒陳方嚴肅下公平恕得士並著聲太學公崇廉耻抑奔競別賢否示勸懲一新條教變士習諸生負不能瘡病不能醫死不能葬者節縮餐錢力爲贍給督諸生讀書與寢有常燈光達旦書聲不絕恩義浹洽不啻父子王振惡公守正傾搆公荷校國學門諸生石大用上章願以身代號哭奔走闕下請赦公者數千人以故得解尋乞致仕去諸生走涕泣送觀者塞途商賈爲罷市又明年聞北狩北而頓首號慟上疏言選將練兵親君子遠小人褒表忠節迎還車駕復讐雪耻數事景泰元年卒年七十七謚文毅成化中贈禮部侍郎改謚忠文公文學老成操行修潔節義足以表俗剛正足以任事量足以容而志不可奪宣德中姑蘇有陳僉事祚初以進士仕永樂時爲河南參議與分巡官交章言事編置均州泰和山且十年景陵起爲御史疏請上讀大學衍義上怒曰蠻嚙朕不讀書大學且不

識豈堪作皇帝乎并逮其妻子族人繫詔獄五年
出獄復發遼府不法事又下獄出又劾法司亂成
法吳文定公曰陳御史忠義之心剛大之氣蹈而
復奮幾死不悔天下想望其風采云

祭酒陳公

公名敬宗字光世慈谿人永樂二年進士時選庶
吉士七十餘人再選留魯榮及公等二十八入讀
書文淵閣上時臨試賜其文行公預修永樂大
典成授刑部主事明習法律練達時政永樂十二
年預修五經四書性理大全入史館預重修

名臣記

卷之十三

三

刑部

皇實錄成改翰林侍講獻北京賦平胡頌及爲詹
陰陽頌十七年春卿雲見其露降獻聖德瑞應頌
是冬甘露再降于孝陵松柏復獻頌又獻龍馬麒麟
獅子騶虞賦內艱上宣德改元起復修兩朝
實錄未及成轉南京四子司業秩滿陞祭酒公美
鬚髯容儀端整步履有定則人望之起敬久居太
學力以師道自任每立教條痛革舊習日屬諸生
進學成德是時晉宗之政肅於朝廷公以是得名亦
以是致怨僚屬生心懷忿訟公法司請逮理周文
襄曰蓋疏申雪即屬草詞或轉輒公驚曰得無

誑君周笑曰律奏重不實耳不果上事亦竟白時
關中楊鼎發解試禮部下第疏乞入南監從公學
上從之鼎至監清苦刀學修行後舉禮部亦第一
廷試第二仕至戶部尚書公善飲嘗飲襄城伯李
隆所隆知重公賓罷歸留公再飲飲醅言貌儼
然若未嘗飲者一夕飲過劇兀坐喧頽中人伺公
見公拳握最謹其矜嚴好禮如此公剛正介潔不
見喜愠撓之不亂澄之愈清官太學二十餘年諸
生多位至卿貳公獨久不調意豁如也時北監祭
酒李時勉約束諸生身教亦嚴世稱南陳北李景

名臣記

卷之十三

四

刑部

泰元年引年與魏文靖公同致仕公德望文章名
聞朝野既退家居不輕出入被其容接莫不興起
別號澹庵居士至是又號休樂老人云有詩文十
八卷行於時曰澹庵居士集天順三年卒年八十
三彭惠安公贊曰行方而嚴學優而粹勢利紛如
類然無累抑抑德隅人望知畏詞林重輕卜其進
退時有古廉於公作配古廉卽時勉

尚書魏文靖公

公名驥字仲房蕭山人永樂三年鄉舉明年爲松
江府學訓導汲汲成就人才諸生讀書學宮或夜

據茶粥勞問諸生益感激自奮滿九載諸生楊瑛等詣闕乞留獻陵監國令還任復教三年十七年師達薦陞太常博士宣德初陞行在考功員外郎轉南京太常少卿三年召試行在吏部侍郎踰年爲真八年老辭調禮部又辭調南京吏部正統十三年陞尚書景泰元年年七十七致仕公嘗至京師大學士陳循公所取士謂公曰先生雖位冢宰未嘗得立朝願少待公曰君爲輔臣宜爲天下進賢才不得私一座主意稍不悅循亦愧茂陵復位進榮祿大夫居家二十年布袍糲食不治生產端

名臣記

卷之十三

五

三十九歲

厚祗慎簡約廉勤顧徑直好別白君子小人權要人不悅性好吟詠矢口適情不求雕飾自有雋味羣年事其兄教諭騏愈恭謹成化間監察御史梁防疏公有德有壽請如漢故事優禮特遣行人存問賜羊酒有司加餐月三石公病遺書子完勿擾鄉里營墳墓已有司得請如例葬祭完以遺言力辭公身不勝衣言不出口清德雅望海內達尊卒年九十八謚文靖

都御史吳文恪公

公名訥字敏憲常熟人父爲沅陵主簿謚繫宗公

乞身代事未白父歿治喪如禮公篤行好古兼習醫術有名江東郡邑交薦爲學官不就永樂末舉醫士至南京疏懇辭時太子監國知公命教大臣子弟於禮部儀侍郎重公遣子銘從學洪熙元年除監察御史歷陞南院僉副都御史敬慎直廉不務矯飾議論舉措自耻詭隨嘗巡撫浙西表陞宣公里修岳鄂王墓斷秦檜碑輒以扶植綱常爲務爲文根柢經書出入遷固博覽詳玩通達今古在臺十餘年昌詞義色風采凜然雖心存恕厚未嘗察察求人過而奸賊不法之徒自然消縮摧沮

名臣記

卷之十三

六

三十九歲

宣德五年請老手不釋卷年八十六卒謚文恪所著小學解集錄文章辨體行於世

侍郎葉文莊公

公名盛字與中崑山人正統十年進士授兵科給事中已巳之變率同列請誅將臣扈從失律者謝天下然後練兵選將討虜復讎如此則大綱既正大義自伸一日三疏悉中機宜虜退請明賞罰言效勞如孫鏗死事如謝澤韓清宜賞以示勸守關不嚴赴難不力不可不罰以示懲陞都給事中監守城兵効于少保德勝之捷時北虜方張大臣有

奉留邊兵守京師者公言今日之事邊關爲急往者獨石馬營不棄則六師何以陷土木紫荆白羊不破則虜騎何以薄都城邊關不固縱守京師不過係九門耳如凌宸郊壇社稷田里生靈何急宜固守宣府居庸便會河南陳州流民聚爲變勅公往視除貪虐賑饑寒民稍解散得安輯景泰元年春還朝疏進沒名書請迎駕者留中三年遷山西右叅政督宣府軍餉尋以李秉薦協贊獨石諸城中備都督孫安軍務獨石馬營八城被虜殘毀未復列上利害可興革八條得次第罷行又設煖舖

薦柯潛萬安劉定之公吳節五人 上用定之四年陞公禮部侍郎五年改吏部六年賑圻內八年北虜入河套議增兵設險或請大舉搜套驅虜出河外沿河築城堡抵東勝徙民耕守其中勅公往議方略上言搜河套復東勝未可輕議惟增兵守險可爲遠圖宜令守臣剴削邊牆增築城堡收新軍以實邊選士兵以助守便 上從之九年轉左侍郎公在吏部留意人才務求行實議論恒守經義未幾卒年五十五謚文莊公博學宏才清修苦節言行相孚文武兼濟每稱慕范希文惜其未獲名臣記 卷之二十三 三十一
柄用當是時慎選諫官如公及姚夔林聰尹旻張寧章皆狀貌才識行藝相副尹嘗問張宣德以來科中人物誰第一張曰季聰尹曰季聰何敢望與中
尚書楊文懿公
公名宇陳字維新鄞人景泰二年進士更三喪有禮益讀書充養天順二年授翰林編修成化三年累官司經洗馬充講官經筵公進講武成篇曰論語稱舜無爲周書稱武王垂拱皆能致治後世人士有深拱禁中委政內侍者召問樂之禍高居無

爲惟對變亂者啓祿山之亂何也蓋舜武能舉桀
除凶悼信明義憂勞於先逸安於後後世直窺危
利災以逸居逸以故危亡八年遷侍講學士內艱
去官五品十六年或誦公援有力者謝曰我癸
婦抱節三十年今老矣改志耶奉陵出簡簡公曰
講時文華大訓成篇目放大學衍義顧事涉中官
即刪去公毅然曰是不足訓述其善惡得失條錄
以進尋陞少詹事兼侍講學士公未柄用譽望日
起薦國子祭酒薦吏部侍郎又薦入內閣皆不果
用奉陵卽位進宮寮官柄臣忌公擬侍郎南吏部

名臣記

卷之十三

九

言八十一

上覽疏曰中陳宜留此卽塗去南京字未幾詔議
祧禮禮官請祧 懿祖以 德祖比宋僖祖百世
不遷公疏言禮天子七廟祖功宗德故凡號太祖
者卽始祖必以配天若商周契稷皆有功德非直
原本統也宋僖及我 德祖可比商報乙周亞圉
非契稷比議者習見宋儒嘗取王安石說遂使七
廟既有始祖又有太祖太祖配天又不得正位南
向各與實乖非禮或曰降而合食以尊就卑不可
謂禮不又有大禘乎 憲宗升祔請并祧 德懿
熙三祖自 仁祖下爲七廟異時祧盡則 太祖

擬契稷而祧主藏于後寢祫禮行于前廟祫主藏
太祖祫祭尊 德祖思義各不失尊功德是崇
無悖禮時不能從弘治元年疏論議學聽政累
百言畧曰陛下御極以來屏棄珍玩放迷奇袤
納忠諫躬覽題奏持此不懈可幾堯舜臣愚過
正始猶易保終實難若內養弗深外資弗博銳志
少懈愆心漸滋有初鮮終古今大戒乞開經筵御
午朝聽講未明輒賜清問必求明悟不憚咨詢午
朝政事口奏畧節而領裁斷其有軍國重務卽召
大臣從容面議仍許諫官隨仗彈駁大抵一日之

名臣記

卷之十三

十一

言八十二

間居文華殿之時多處乾清宮之時少俾賢才當
接於耳目視聽不偏於左右則內外交修始終如
一若但如近日日講午朝應故事凡百題奏皆付
司禮諸臣調旨批答臣恐積弊未革後患滋深
上是公言下禮部三月御經筵禮部并請午朝得
如公奏後數年 上時召輔臣坐論政事閱章奏
皆自公發之大臣顧畏 上英明一見卽頓首伏
地請退 上留再三又謝容臣等出議上 上每
退歎息公在吏部倡倡持正論會修 憲宗實錄
總裁再請解部事專史職不允未幾三

且請老曰吏部進退百官衆怨所集尚書王恕尚不免人言况臣迂疎宜亟退伏林泉 上不許公力請老以本官兼詹事丞專職史館而以張莊簡公代公公嘗曰國可減史不可減靖難後不記建文君事遂使當時朝政與方黃死事諸臣皆闕落無傳及今蒐采猶可補輯 景帝已正位號 英宗實錄標目猶書邸戾王附宜改正凡疏留中者即忠言正議國家大政事例不得登實錄宜宣付史館以備遺忘疏具病不果上卒謚文懿後二年實錄成始贈禮部尚書公孝友方正與人文篤於

名臣記

卷之十三

十一

三十九

太子太保張莊簡公

公名悅字時敏華亭人天順四年進士少凝靜篤學力行鄉里推重及居官奉職守法以不欺爲本自刑部出爲浙江提學初糊名校士舉白我且自

疑人誰信我請託觀鯢屹不爲動成化二年湖廣按察使朝覲時東廠尚銘忌公伺察無所得未幾銘敗歷陞工部侍郎泰陵即位諸大臣相率求去位公獨不可曰更新之始正當竭忠報國豈可言去弘治元年改禮部再改吏部六年大旱陳遵舊章恤小民崇儉素裁冗食禁濫罰數事又上修德圖治二疏時三原在吏部倚信公三原致仕衆望屬公徐丘皆不喜公欲用翰林入吏部出公南銓尚書尋改兵部參贊機務公疑重簡靜上下安之平居謹畏小心無疾言厲色至臨事卓有定見未嘗以思怨利害動其心嘗謂人曰古之聖賢其過人遠甚凡所猷爲皆公無私故其事業光明俊偉今之人去古聖遠矣每事竭其公忠猶恐不及况復濟之以私乎或言有善讀書不善作官者公笑曰此正不善讀書耳公性素清約終始不渝四年六疏乞歸 上爲賜璽書加太子少保致仕歸處舊居杜門不出見風俗奢靡日甚益崇節儉率子孫至於待賓日費不敢少豐以助薄俗嘗有言揭屏間示人曰客至留饌儉約適情有隨有而設酒隨量而傾雖新親不擡飯雖大賓不宰牲匪直戒

名臣記

卷之十三

十一

三十九

耆修而可久亦將免煩勞以安生卒贈太子太保
謚莊簡楊文懿公嘗曰吾友三人時敏廷秀鳳儀
皆始仕刑部爲名卿

尚書謝文肅公

公名鐸字鳴治浙太平人天順八年進士成化元
年授翰林編修校勘通鑑綱目因上封事言講學
圖治昔宋神宗喜通鑑理宗好綱目皆不能推之
政治願陛下求賢講學按史實經窮理修身以立
大本大本立則萬目自舉十一年進侍講未幾請
告弘治元年薦起修實錄三年陞南國子祭酒上

名臣記

卷之三

一三

三

修明教化六事明年致仕又累薦十二年家拜禮
部侍郎掌國子祭酒事力辭不允公先後在國學
律已率人嚴立規約兩監中故有美金公盡籍於
官均贍僚屬構書樓東西庑諸經史刻北監廟街
湫隘益市地闢其斜側又市廬舍三十餘區居博
士助教諸學官諸生貧者贍給死者賻襚皆出美
金不私入一錢請從祀楊時斥吳澄條上教人欲
木之術十六年預修通鑑纂要是歲請致仕特賜
告正德三年謹勒致仕五年卒年七十六贈尚書
謚文肅公忠誠孝友性氣屹屹好善嫉邪不屑互

同非其書不讀非其友不交非其時不仕家器積
有餘財周賑宗戚疏食布衣囊無長物鄉人方正
學殞身滅族沉鬱百年公不避忌諱收綴遺文行
於世所著有桃溪集續西山讀書記伊洛淵源續
錄元史本末宰輔沿革圖朝名臣事略尊鄉錄赤
城新志論諫錄祭禮儀注公嘗曰我太祖有度
越歷代者五事攘克夷狄收復諸夏也肇基南服
統一天下也威加勝國鋒刃不交也躬自創業臨
御最久也申明 祖訓家法最嚴也

太子少保章文懿公

名臣記

卷之三

十四

三

公名懋字德懋蘭谿人成化二年禮部貢士第一
公少遊庠校讀書學問負經濟志略然不自銜露
進士入翰林爲庶吉士逾年除編修內庭張燈下
詞臣賦詩公謂莊昶黃仲昭曰國家無事海宇治
安內廷燃燈朝士踏歌傳之往史已非盛事此蘇
長公所以有疏而深惜其君之不用也 今天子
仁聖孝奉二宮將以備耳目之娛極天下之養則
斯舉固足以爲樂然大孝養志吾輩盡諫明日三
人同上章以培養聖德爲言 上怒杖三人闕下
左遷知臨武縣稱三君子時羅一峰論內閣大臣

起復非禮亦謫官又稱爲翰林四諫公未行給事中毛玉論救改南京大理左評事一考陞福建按察僉事毅然以振風紀爲已任雖盡心職業顧直以德學顯而不以吏事名其議處番貨通貿易便商聽福安民採礦絕盜托清軍擒泰寧之寇先賑濟平尤沙之賊善政卓然一考至吏部乞致仕時年四十一開門卻掃跡弗入城府四方弟子執業問難顯賢名公卿巖穴隱士仰風接軫貧無供具刈蔬脫粟餉之家食二十餘年公卿臺諫累薦弘治十二年召謝文肅公爲北監祭酒十四年召公祭酒南監時遭父喪力辭詔增司業員聽終制赴官十六年服闋上任謹禦度尚德化厲廉耻諸生翕然向風尋上修舉學政條陳弊政二疏正德元年陳言治道要務五事曰勤聖學隆繼述謹大婚重詔令敬天茂再疏乞休未允任滿三載疏引年不待報歸復三疏始得請五年陞南太常卿辭六年陞南禮部侍郎辭致仕嘉靖初進南禮部尚書致仕公平生襟懷坦蕩不修城府器度宏偉不見涯涘望之龐朴即之和厚聽其言開心見誠好賢禮士樂人爲善包荒藏疾與物無忤人與之交則

親與之言則信或以不情處之亦不逆意也居常無甚異同至臨大事決大議則據經援古確乎不易性尤寡慾衣服飲食宮室器用隨寓而安百凡嗜好一不入其心行藏去就以時而動惟義之歸筮仕九轉至八座居官不過十年歷俸僅滿三考難進易退之節世尤高之嘗論學者須大其心胸蓋心大則百物皆通必有窮理工夫心纔會大又須心小必有涵養工夫心纔會小論學術去程朱未久又大壞必須真聖賢出方能救得論政體必先格君心收人才固民心爲本然後政事可舉論此則一泰一否祗憑氣運推遷耳論家法如鄭義門兄弟讓死篤義如此其家安得不悠久乎論風俗須做橫渠復古之志行藍田呂氏鄉約庶可一變而厚論居敬自謂于專一上見功覺得心中無甚放僻邪侈之雜論窮理自謂于精義處得力見得進退辭受之節頗分明不敢放過姜僉事麟贊公喜怒不形于色恩怨不繫于心矜伐不出諸口驕泰不措于身碩膚不自見小疵不自揜以聞然與命可謂稱情矣楊文恪公曰儒雅如黃禾軒東

遷如莊定山公就華就實獨立其間風節如羅一峰習靜如陳白沙公既博復約自成一家至於收四海無瑕之舉庸五福無疆之年此則同時諸老未有或之先者也嗚呼在漢東都不爲危言之叔度在宋驚湖不立異論之伯恭公之謂矣卒年八十六贈太子太保諡文懿子孫皆天孫諱又不慧晚有子接公卒特恩與國子生從子拯屢官工部尚書有才行

太子太保吳文定公

公名寬字原博長洲人成化八年進士第一人

卷之三

年八公爲諸生時有文行即負重望徐武當稱吳生館閣器歲貢入太學張汝弼尤奇公歷宦翰林坊詹侍康陵東官官中侍豎不欲太子近儒臣數移事間講讀公率官僚上疏曰仰惟東宮講學寒暑風雨則止朔望令節則止一歲不過數月三月不過數日一日不過數刻況又間有推移時或罷歇古人八歲出就外傳欲離近習親正入也借曰習讀於內終不若就傳于外上嘉納公進講開雅詳明意存規誨主理亂邪正安危之際猶及復明廟冀開悟弘治十七年孝肅太后崩

議附葬廟禮先是成化四年孝莊廢后崩中外籍籍言周太后萬歲後葬裕陵祭廟禮皆如適至是謚稱廢皇后與孝莊同輔臣覺其誤又未敢顯言詔禮官議議又不能決賴上仁聖張

主綱常再三召輔臣密議便殿悲愴感悟必欲如禮又下議廷臣公以掌詹事與議衆促公言公出行從容揖衆議臣曰魯頌姜嫄閔宮春秋考仲子之官皆別廟漢唐來皆然至宋始有並稱者其禮已謬然皆諸帝繼室作配天子非後世子孫嗣承帝位尊崇所生者惟宋李宸妃歿仁宗傷痛始追

卷之三

繼室曰太毅深恩並行不悖改稱孝肅太皇太后祀之奉慈殿奉慈殿者在奉先殿西上初是奉祀母孝穆太后令稍展其制中室奉孝肅左奉孝穆嘉靖初右奉孝安邵太后公忠信宏厚廉靖方嚴好古力學文翰淳美適權勢榮利退避不暇及位尚書掌制諸衆屬望柄用忌公者高者輒沮公益冲適無少望公兩爲吏部侍郎皆充實錄會典通鑑纂要副總裁領誥勅內閣以禮部尚書掌詹事府卒贈太子太保諡文定王文恪

公稱公文不事追琢而體裁具存外若簡淡而意味雋永明興文士獨推西楊有典則公無愧焉

論曰太祖曰吾取士欲得經明行修博古通今

文質得中名實相稱者此十君子

李時勉陳敬宗
魏驥吳訥葉盛

楊守陳張花謝可以當之行誼足以帥人文章足

以華國問學足以明道才諳足以濟務隱約足以

徵時所謂先進於禮樂者非歟嗟乎吾不得而見

之矣

皇明名臣記第十三卷

子履準校

孫心材重校

九一

皇明名臣記第十四卷

吾學編第三十五

海鹽鄭曉

學士劉忠愍公

公名球字求樂更字廷振安福人永樂十九年進士初爲主事儀制薦侍經筵修宣宗實錄成改翰林侍講正統八年夏震奉天殿應詔陳十事其一勤聖學以正心德其二親政務以總乾綱其三別賢否以親正士其四選禮臣以隆祀典其五嚴考覈以督吏治其六慎刑罰以彰憲典其七罷營作以蘇人勞其八

其九息兵威

名臣記

卷之十四

一

三

以重民命其十修武備以防外患王振怒公言總乾綱意詆振欲置公死地不得會翰林修譔董璚乞爲太常卿事神下詔獄公疏中偶言太常官必得儒臣馬順附振喜曰此可并殺公遂酷考璚誣服公爲畫此疏者矯旨逮公當朝梓公去公不知何坐大呼死語太祖太宗縛公至暗獄中斧礮暴下碎其體極慘毒其邑人成器設公位龍泉山巔爲文哭而祭之人名其地爲祭忠臺公天性孝弟忠潔寬平議論堅正慷慨常依名節沉思積學好義力行文詞鏗鏘金春玉應人共寶之如月

殯天犀也正統十四年冬贈翰林學士謚忠愍子鉞鈇舉進士鉞官廣東叅政鈇雲南按察使

寺丞鍾恭愍公

公名同字世京吉安永豐人景泰二年進士三年冬爲監察御史易儲時每獨坐深思泣下已而懷獻太子卒公入朝待漏與禮部郎中章綸論儲位事慷慨流涕五年九月公遂上疏請復立沂王東宮以固宗社并陳時政闕失疏入縛下詔獄械繫極苦杖之不死又下獄六年八月又杖闕下下獄竟死獄中時年三十二骸掩園土莫敢收葬裕懷復辟曰鍾同忠誠節義可貫金石贈大理左寺丞官其子啓知縣茂陵又憐公忠受慘禍祿公妻羅氏官其一子通政知事啓上疏請公遺骸得出園土葬時公歿久矣血漬臂間洗出倍鮮好成化二十三年公子援綸例請謚禮官謂公應詔陳言中及復儲事不若綸言詳切執不與謚輿論嗤禮官公得謚恭愍

尚書廖恭敏公

公名莊字安止吉水人宣德五年進士八年選庶官士十年給事中刑科正統六年出陝西賑饑得

便宜從專當是時西楊在內閣公抗章劾西楊不職八年署大理寺事踰月陞大理丞十一年陞少卿南京大理景泰五年七月災異下詔求言公上疏仰惟 上皇被留虜庭 皇上撫有萬方屢降詔書以大兄皇帝鑾輿未復虜警未報爲意 皇上之心即堯親九族舜徵五典之心也賴郊廟神靈 皇上勝算迎歸 上皇於南宮臣遠臣未知皇上於萬幾之暇曾時朝見以叙天倫之樂敦友愛之情否也臣自爲翰林庶吉士刑科給事中入理寺丞時伏覲 上皇即位之初遣太師英國公

名臣記

卷之十四

三

三十九

張輔吏部尚書郭璉爲正副使冊封 皇上祔有大國每遇正旦冬至令羣臣朝 皇上於東廡百官感 上皇兄弟友愛如此天下其有不治乎今幸 上皇迎歸伏望駕親親之恩萬幾之暇時時朝見 上皇于南宮或講明家法或商確治道仍令羣臣時令亦得朝見以慰 上皇之心如此則孝弟刑于國家恩義通於神明災可弭而祥可召矣然所係之重又不特此太子者天下之本臣愚竊以爲 上皇諸子 皇上之猶子也宜令親近諸臣誦讀經書以待皇嗣之生使天下臣民曉然

知 皇上有公天下之心蓋天下者 太祖太宗之天下 仁宗 宣宗之繼體守成者此天下也 上皇之北征亦爲此天下也今 皇上撫而有之必能念 祖宗創業之艱難思所以繫屬天下之心矣近年日食星變地震且陷山崩水溢災異疊見非止霜雪不時而已臣切憂心以爲弭災召祥之道莫過於此詞意悲懇留中不報明年閏六月內艱來京適章鍾二疏入 上忽念公往年有疏大類二人并逮三人杖午門前幸不死定義驛丞裕陵復辟召還時內艱未闋繼遭父喪

名臣記

卷之十四

四

三十九

上憐公忠特并與祭葬除服改南大理言官劾公請老 上曰莊有大節逾年卒贈刑部尚書諡恭敏公任性易直表裏洞然好剛尚氣言辭激憤又好面折人人不能堪公已無芥蒂人政益恨公公既抗忠獲罪名聞天下顧不屑謹細行遠嫌好存謝賓客諸遊知爲權狎卒不能喪衆率錢相哀助人始信公廉靖其闊達天性然也

尚書章恭毅公

公名綸字大綸初名崙樂清人正統四年進士爲主事南京禮部景泰初爲儀制郎中屢有論建又

條上太平十四事一曰躬攬乾綱在聖德英明二曰緝熙聖學在儒臣直說三曰面議大政在委任孤卿四曰爲政得人正愛惜名爵五曰肅正朝綱在激勸懲諫六曰廣開言路在聽用忠良七曰敬畏天戒在下詔求言八曰精慎選舉在舉主得人九曰嚴明考察在黜陟公當十曰守備邊境在選將練兵十一曰征討不庭在專任將帥十二曰禁止罪犯在恪守律例十三曰官吏養廉在沙汰冗職十四曰作興人材在教養有道反復萬餘言天刺也先行成公言宜暫結和好力圖修攘又言災變非常宜下詔求言懷獻太子卒人心危懼御史鍾公諷禮部請復立沂王東宮禮部大臣縮首咋舌曰作死公憤即具疏陳修德弭災十四事一畏天戒二任賢理三養聖躬四節幸御五務儉約六勤論政七悌孝義八愼賞賚九重名爵十章巡撫十一擇重臣十二辨異端十三却貢獻十四汰冗官其大者言內臣不可干外政佞臣不可假威福後宮不宜盛聲色又言上皇君臨天下十有四

帝天下至尊也月朔望及歲時節旦宜率百官朝

見延安門復汪后於中宮以正壹儀復沂王於東宮以定國本上見疏大怒下公詔獄炮烙煨煉迫公引大臣及通南城狀體無完膚竟不承以鍾同先嘗上言并逮欲殺二人會天大風雨黃霧四塞乃止廖莊自南京來亦嘗請復儲者遂縛三人至午門前杖一百鍾公死廖公遠謫公錮禁獄中越二年裕陵復辟輒歎綸好臣子爲朕家享受若毒出獄中脫桎梏拜禮部右侍郎上今以侍檢公十四事疏不得內侍從旁誦數言上三

可公獨疏上南諸司構公激言官忿並誣章劾公

上特遣侍郎葉盛給事中毛弘即詔留都公誣得
白五年秋星變自劾不九秩滿轉左十二年請老
卒泰陵即位特贈尚書證恭毅官其子立爲鴻臚
主簿公錮詔獄二三年間 景帝拒讒言教孝欽
裕陵茂陵卒踐天祚者三君子有力焉成化初謝
鐸預修 英宗實錄檢公復儲疏不得輒歎息泣
下曰公疏動萬言竟一字不傳何以示天下後世
數白總裁劉定之徐應曰奏疏留中者例不書謝
公曰景泰數年間事孰此爲大不書此奚書蓋請
上增入錄中竟不從長子玄應給事中南京

名臣記

卷之十四

七

知府劉公

知府劉公

公名實字嘉秀安福人宣德五年進士改庶吉士
未嘗投足權門自陳才薄親老乞教職會有詔汰
庶官累千人公意且得教職竟爲同知金華在金
華三年不以妻子隨不與流輩伍廉操直節綽有
聲稱金華早賦通叢積催科急民或鬻子女公疏
得免又贖還其子女公閒輒探聞經史即視事又
掩卷已則復然羣僚或竊笑公不爲改郡有類孝
子宗忠簡呂東萊祠墓公爲修葺鄭義門合費久
不能給又買馬出力給傳山西公爲疏乞免役權

順天府治中景泰中召修元史筆削任心無所吝
承屈遂見他人書不合已意輒大笑聲徹閣陛間
聞者驚愕相戒勿以葉示公權南雄知府南雄當
嶺南孔道商稅鉅萬知南雄者輒盈壓推其餘餌
過客得其歡心且爲游聲譽公至存稅十一繕郡
學補張九齡大庾嶺松不肯私一錢未數月中貴
使嶺外至南雄意得重賄不得苛辱公郡人擁公
竟出中貴去至韶韶人爲言南雄守且驛言中貴
橫索賂辱太守事中 上書言臣蒙
毀勅大不敬詔逮公至

名臣記

卷之十四

上書言臣蒙

恩仕官三十年不以妻子自隨餐粗衣敝欲爲國
家愛養小民不忍勞費以是觸忤天使無所逃罪
上不復更窮治不數日竟卒獄中公喜著書尤長
於春秋中夜有得蹴童子燃燈起書如獲至寶生
平清強甘心貧窶與古廉吏范丹李及無異彭文
憲公稱公躬過人之操履立絕俗之儀矩利誘不
回勢惕不沮

按察使楊公

公名瑄字廷獻豐城人景泰五年進士天順初爲
御史印馬圻內民羣訴曹石二凶奪民田若干頃

公疏劾二人怙寵擅權 上喜公敢言稱職命吏部記公名且大用既還京尋李連見祥亨二凶日登張公與十三道御史議班劾二凶有洩語二凶者二凶先譴諸御史 上前登彈章入 上怒召諸御史詣文華殿俾誦彈章詰公公與御史周旋且誦且對歷陳二凶罪狀甚悉下諸御史詔獄逼公誣引大臣刑甚慘酷數瀕死卒一語不他及理刑者文致公坐死掌道者誦成餘貶斥奏上會京城大風雹拔木壞屋走正陽門下馬牌于郊外得從末減公竟戍遼東鐵嶺道遇赦還或謂公宜譴

名臣記

卷之十四

九

李三頁十五

二凶謝庶免後禍公不可復謫戍廣西南丹二凶相繼逆誅釋歸田茂陵即位言官論奏復公官尋陞浙江按察副使定海城北捍海塘縣西走馬堤霽衛所裏外海塘隄跳所海鹽海塘皆公修築有功海鹽塘踰二千三百丈工尤巨禦患尤大陞按察使力振憲度察吏奸斷訟明敏無留獄禁官署毋黨桑爭民利諸婦女毋入寺觀隨風俗甫半載病病亟察案問候尚論築海塘法及濬西湖之利無片言及私卒祠海鹽東海上著祀典于源弘治間任五官監候正德元年七月源上疏言占候得

大角及心中星動搖天璇天機天權星不明乞安居深宮絕遠遊獵罷弓馬嚴號令毋輕出入關除內侍寵倖遊逸小人節賞賜止工役親元老大臣日侍講習詩書疏下禮部部言源占候之言深切時弊源復疏言十月二十六日占候得連日霖霖交作為衆邪之氣陰冒于陽臣欺于君小人擅權爲下叛上引譬甚力劉瑾怒矯旨杖三十源又疏言自正德二年來一向占候得火星入太微垣帝座前或東或西往來不一乞思患預防瑾又大怒罵源爾何官亦學爲忠臣乎矯旨又杖三十論戍

名臣記

卷之十四

十

三頁十五

光祿卿陳恭愍公

公名選字士賢臨海人父員韜景泰中爲福建右布政使活沙盜脇從者萬人公天順三年進士爲御史成化初疏救羅倫論大學士李賢奪情非禮綱常偉議倫不宜謫劾學士倪謙錢溥干進又劾尚書馬昂諸大臣不職巡江西貪殘史堊風引去嶺南賊流入執殺掠事聞未報公急調兵食捕賊改提學南圻陞按察副使河南提學言動循禮規約簡明誨訓生徒必求踐履抑斥纖怪靡弱之詞

在南圻先後三年變色之語不見於章縫折筆之
管不加於輿阜而人畏之如神明既去思之如父
母在河南亦然進按察使出死因冤濫者桂廷璋
輩百數人貪殘吏結媚權貴人縱不法盡鐫暴逐
去奔內艱開封人遮道泣送者萬計歷廣東兩布
政使減徭役革市舶中貴人戶與民均役凡戶庇
中貴人者大抵皆富有也番人馬力麻往來販
海上犯法詭蘇門答刺袁使公察其偽頒繫懷遠
驛奏遣歸撒馬兒罕使怕陸灣等貢獅得厚賞中
人護行至南海又欲航海市獅滿刺加國貢徽賞
名臣記 卷之十四 十一 三十九

公疏言珍禽奇獸之好不可以示外夷罷中國事
竟止公在廣東節財愛民中貴人積不能堪誣奏
公違法司即訊公嘗黜屬吏張聚中貴人鈎致聚
使誣公聚對法司頓大哭頓搶地言陳布政冤法
司者皆媚軟竟不能雪公械公上京師嶺南人號
哭挽留者又千萬計徒步日夜從公者數百人見
公鈴轄囊頭坐舟中夾道哭不休至南昌病卒正
德中贈光祿卿謚恭愍公學醇行方文詞簡古潔
廉無私終身處窮經濟之才綽有展布實行高名
信於海內嘗曰居此官必盡此職行此事必盡此

心所註小學孝經冠祭禮儀等書行於世

諭曰劉公球之言行必無已巳八月之事鍾公同

廖公龍章公綸之言行必無丁丑正月之事楊公

瑞之言行必無辛巳七月之事五公忠憤所激遇

事當言見死且不避彼受順指爲權貴人鷹犬博

一笑語者真天淵矣劉南雄實陳方伯選皆以節

用愛民故忤中貴人殞其身悲哉

皇明名臣記第十四卷

子履華校

孫心材重校

名臣記

卷之十四

三十九

皇明名臣記第十五卷

吾學編第三十六

海鹽鄭曉

太師李文達公

公名賢字原德鄧州人宣德八年進士才藝有名使山西見御史薛文清公益好學沉潛裕陵即位疏言帝王之道赤子黎庶禽獸夷狄理一分殊愛有差等指揮月俸三十五石者實支一石黠官得實支十七石五斗黠官一當華官十七有差京師黠官奚啻萬計冗食橫賜其何能繼况非我族類其心必異晉胡迭亂殷鑒不遠乞漸分徙正統元年授驗封主事上言國家都北京以來顏弛其甚于太學繕飾莫多於佛寺興措如此可謂大奸華詔新太學十年陞考功文選郎中選法公平十四年扈駕土木還景帝初立上正本十策曰勤聖學顧箴傲戒嗜然絕玩好慎舉措崇節儉畏天變抑貴近振士風結民心嘉泰二年詔議禦虜長策公請用戰車火鎗行可驅敵出境止可衛民力耕然善用長技存乎將士尊嚴將士存乎賞罰是年冬陞兵部右侍郎明年考察四川諸吏又明年遷改戶部上言也先弑君併吞諸夷包藏禍心今

名臣記

卷之十五

一

三

名臣記

卷之十五

一

三

聽其講和貢馬削浚膏血輦送金帛醜類日強生民日困持此悠悠實非長策乞勅邊羣臣練兵觀隙于少保壯公言請下公章屬邊臣五年入吏部采君鑑中孝友恭儉事為鑑古錄獻上天順元年入內閣兼翰林學士山東饑請賑金內帑武功伯持不肯公力請發三萬兩上特增四萬當時石曹表裏奸橫上密諭輔臣稍抑其干請會御史楊瑄劾吉祥亨上壯瑄令吏部籍瑄名且大瑄瑄二凶意出內閣哭頓首訴上奴輩萬死一迎復皇上有貞賢必欲傾奴二人使無噍類又伏地哭不休上不得已諭言官劾武功伯及公下詔獄是日忽雷電大風拔木上悟釋公調外亨吉祥亦輒對上言天怒有貞賢故變異如此上不應調公福建叅政頗辭上諭王忠肅公曰賢不當與有貞並責王即頓首請改公南吏部王意公且宜遠去避禍上顧不喜曰南京遠仍留賢吏部左侍郎學士亨吉祥又大恨顧上意屬公不得已匿怨接殷勤得同召對輒喜獨召公即不喜疑公或短毀喻月進尚書天順二年東官將出閣領春坊事吳處士聘至上問授何官對曰

與獨老儒可授奉坊諭德侍東宮虞士辭再三公請從處士請勵風節三年亨坐誅 上問公迎復事對曰此輩貪富貴非爲社稷計萬一景泰先寬奈何天下人心歸嚮陛下者以正統十數年間節用愛人與民休息今爲此輩十壞七八 上竦然詔革奪門功陞者凡四千人是年賜公第當是時上視朝左右顧必呼公與錦衣門達語良久乃已五年虜卒來入雲中塞至厲門明年虜又入門塞公薦將帥顏彪等調兵食畫上五事等語

名臣記

卷之十五

三

三十八

十餘萬兩曹賊反擊公傷首又劫公疏申救賊敗上急召見公請下寬卹詔解散逆黨聞言登太太子少保時西師未解京城有變王竑白圭出禦寇公亟請虜退即班師使民得屯種 章皇后崩僅冬享 太廟 上問公請俟釋服七年 上生足疾不視朝 上問公遣官攝太祀公請駕出郊壇即不能行禮遣攝 上力疾至齋宮復召問公朕拜下不能起起須人掖禮可藉人掖否對曰疾而力行禮敬天掖何不可二月空中有聲公言上不恤民厥有鼓妖請下寬恤詔靜慈仙師者景陵廢

后也 上念之問公更諡恭讓章皇后錦衣門達寵而橫許臨川弋陽二王墜事訊無左驗公請戒緝事者達又誣袁彬下彬獄有疏雪彬者達又并誣疏出公公乞罷不允未幾達坐附中官譴戍嶺表時禁中有讒言謂茂陵不宜復在東宮者 上疑之一日 上不豫臥便殿召公諭曰今庶事頗寧而大者反搖奈何公頓首伏地曰此國本也 上曰然則必傳太子位乎公又頓首賀曰 宗社幸甚 上起立召 太子至公扶 太子曰 太子謝 上抱 上足泣 上亦泣謔竟不得行

名臣記

卷之十五

四

三十九

八年 太子即位進少保華蓋殿大學士餘官如故會災異屢見公請出官人又請簡近侍左右人大風電拔郊壇木飄瓦公上疏乞無狎左右聽其冒誘吳后廢飛語欲害公 上遣衛士宿公家出入呵護會奪門功冒陞者又羣囂訴乞復官公力爭得允按籍褫官太平侯張瑾與濟伯楊崇皆奪爵成化二年外艱詔起復遣內臣護行促上道公入京疏辭言古大臣若張九齡寇準雖當起復人無非議以其才足勝任臣非其人乞賜矜從不允修撰羅倫論公不當起復謫官公上道中所見軍

民利病八事又率廷臣上言天下盜賊未息災傷未止惟 祖宗創業垂統宮禁甚嚴內外閉密內帑充積無得妄費遊有常所無起離宮賜有常度無開倖穴 祖訓一書載此明備願垂省覽是年冬卒於賜第贈太師謚文達公恭莊端重練達政務不屑爲小廉曲謹薦用耿九疇軒輅年富王竑李秉程信姚夔崔恭白圭許貴顏彪馮宗諸文武大吏皆得其人天順四年 上諭選庶吉士必此人公曰立賢無方何限於南政務任九卿議擬不相侵奪時於 上前參酌可否爲行止王馬二公

名臣記

卷之五

五

三十一

太傅商文毅公

公名輅字弘載淳安人宣德乙卯癸解第一正統九年會試明年廷試皆第一爲翰林修撰十四年景帝監國入內閣陞侍讀明年八月迎 上皇於居庸關九月陞學士景泰三年陞兵部左侍郎歷

兼左春坊大學士翰林學士太常少卿賜居第時錦衣指揮盧忠妄言南內事中官阮浪死之窮治不已公極言儉言不可聽忠始坐罪衆得釋 景帝不豫太監與安飭廷臣云何公曰 今上宣宗章皇帝子當復立 宣宗章皇帝孫它非所當立者疏未及進石亨輩奪門迎 上皇復位亨素忌公文致致于少保詞中坐死奏上內批除名公去上每念商學士旁有擠者久之不得召成化二年遣使驛召至京以野服見復官入內閣首疏八事勤政納諫儲將材飭邊備革冗員設社倉崇先聖之號以配天開入德之基以造士又言文廟從祀諸賢洪武中增董仲舒正統中增胡安國蔡沈真德秀但仲舒止稱舊官安國等贈謚未稱乞如伏勝等封伯爵四年議 慈懿皇太后喪禮得祔葬祔廟是年彗星見言官劾公力求退 上怒詰言官曰唐太宗用王魏朕用輅何不可公又力請宥言官 上喜曰輅稱大臣言官得不問尋陞兵部尚書兼學士五年冬煥七年彗星再見天田入太微垣八年天下大水公上弭災七事崇正道謹命令親賢臣慎賞罰納諫諍屬官守恤軍民十年改

名臣記

卷之五

六

三十二

戶部尚書十一年兼文淵閣大學士 上嘗召見

從容議及 鄭王監國時事公言景泰有社稷功

當復帝號左右聞者皆泣 上亦泣遂下詔上尊

謚公因對請立 皇子東宮先是 悼恭太子薨

上憂念已而知西宮有子六歲矣公上疏略曰

皇子聰明岐嶷國本攸繫天下歸心重以昭德宮

貴妃撫育保護恩喻已出百官萬民皆謂貴妃賢

哲近代無比但外議皆謂 皇子之母因病別居

久不得見揆之人情事體誠爲未順伏望勅令

近居住 皇子仍煩貴妃撫育俾朝夕之間便於

名臣記

卷之十五

七

七

接見庶得遂母子之至情懷朝野之公論 上召

公擬 皇子名逾月 皇子母薨於永壽宮公舉

宋李宸妃故事言得贈淑妃殮歛悉如禮是年十

一月立 皇子爲皇太子十二年加太子少保吏

部尚書十三年建玉皇閣宮北公疏言 皇上爲

此上爲 母后祝釐下爲生民祈福 聖心誠敬

人所共知但稽之子古未爲合禮昔傳說告高宗

曰顯于祭祀時謂弗欽禮煩則亂事神則難乞停

罷神祠像送宮觀祭服祭器樂舞之具盡送太常

收貯一應齋醮之事悉皆停止勿爲廢瀆庶幾天

心昭鑒可以變災爲祥 上從之是歲遼謹身殿

大學士會鼎青見條上八事曰番僧國師不得重

給符券日四方常貢外勿受玩好日諱色人許直

言自達日分遣部使者錄囚理冤抑日停不急營

造日實三邊軍儲日守沿邊關隘日增置雲南巡

撫時汪直開西廠羅織數起大獄臣民恐悚公疏

言近日伺察太煩政令太急刑網太密人情疑畏

洵洵不安蓋緣委聽斷於汪直一人而直又寄耳

目於羣小如韋瑛王英輩并條直十罪又云直不

去天下必危 上怒日一內豎輒能危天下乎太

名臣記

卷之十五

八

七

監懷恩傳旨詰責甚厲公曰朝臣無大小有罪皆

請旨收問渠敢擅抄扎三品以上京官大同宣府

北門鎖鑰守備一日不可缺渠一日擒械數人南

京 祖宗根本重地留守大臣渠敢擅自收捕諸

近侍渠敢擅易置直不黜國家安得不危恩昨舌

退奏上 上立命去西廠諸內臣故忌公會楊輝

董璵事誣公不自安同列又輒從旁切擠公遂請

老陞少保致仕公去萬安得爲首相送復西廠直

益橫諸大臣皆諂事直矣公家居十年卒年七十

二贈太傅謚文毅公方果好直言與王文陳瓚高

穀彭特爲安劉吉先後共事每遇大議能持正
嘗曰余與商公處數年未嘗見其妄殺一人馬
陽曰我朝賢佐商公第一楊文貞李文達不及也
子良臣翰林侍講

太傅彭文憲公

公名時字純道安福人正統十三年進士第一人
歷官翰林侍讀十四年與商公同入內閣景泰
元年春乞終繼母喪許旨去三年服除不得入內
閣供職翰林初公入閣與陳循共事稍周旋相
否天順元年九月岳正許彬謫罷上召公見

名臣記

卷之五

九

三

華殿問曰汝十三年狀元耶對曰臣不才誤蒙
擢頓首上又問第二陳鑑第三岳正乎對曰
又問汝年幾何對曰犬馬齒四十二上笑曰
賜酒飯出當是時內閣進退甚輕惟公召見
命以太常少卿兼翰林侍讀復入內閣尋陞
學士上嚮用南陽每召對或并召吏部兵部
王馬兩尚書相商確南陽亦諮公公持正論不
相徇或至失色爭議定不相諍南陽亦重公雅量
天順末錦衣門達怙寵中傷南陽上曰去賢行
專用時內臣或語公公震然曰李公有經濟才明

名臣記

卷之五

十

五

遂至此因力辯其誣謝內臣曰李公去時不得獨
留語頗聞上南陽寧竟雪河南衛官強橫凌人
刺事者誣謀反煇煉成反獄公持不可坐如律活
其家百口茂陵即位進吏部右侍郎兼學士尋進
兵部尚書成化二年賜歸省還朝三年四川宣府
遼東地震上疏陳六事英宗實錄成進太子少
保兼文淵閣大學士時侍講江朝宗楊守陳以質
錄成陞洗馬久之以不兼翰林不得與院事不喜
二人疏乞兼舊官且言祖宗來宮寮未有不兼
翰林者下內閣公言諸君考滿時咸言寧無兼官
得陞二級足矣顧復有此疏謂余不練朝章乎永
樂中西楊以翰林學士改左春坊大學士未嘗兼
舊官也竟不許四年疏言臣才識迂陋冒內閣首
僚不副羣望辭不允孝莊太后崩公言漢文帝
合葬呂后宋仁宗合葬劉后故事此國家體常宜
從典禮是年秋彗星見起三台時儲位久虛公懇
乞修省疏言外廷大政固所當先官中根本尤爲
至急望正名均愛廣繼嗣爲宗社大計又言大臣
進退皆宜斷自聖衷不可專委旁近如皇上
素知其人亦宜召吏部面議或召臣等參詳庶

歸朝廷人無希幸五年無雲疏言自古旱災皆由下民愁苦感動天變近日光祿寺買辦各城門抽分括剋太甚而獻珍珠寶石者倍估增直規取府庫以萬民膏血充奸佞囊橐伏望懲革以惠生民進吏部尚書大學士如故七年冬尋復見疏言德政之要一罷佛事二謹命令三請退朝之暇延接大臣面議政事兼問軍民休戚訪人材賢否察治體風俗得失四重官賞節刑獄五聽受直言六戒勵百司奮厲事功七清理三營草場減退豪勢莊田嚴有司括剋之禁太監劉永誠殺家人陳有聲

名臣記

卷之五

十一

李三才

功乞贈伯爵公力沮得癸八年水旱復疏時政闕失乞放歸田不許十一年陞少保卒贈太傅諡文憲公資稟既異充養問學敬謹粹溫休休好善秉謙抒誠終歲未嘗一二宴會即會未嘗有音崇愛惜天物片楮寸墨未嘗輕費非其義一毫不取

太傅徐文靖公

公名溥字時用宜興人景泰五年進士授翰林學士順元年兼司經校書成化元年陞左庶子兼侍讀十年陞少詹事兼侍講學士十六年轉太常卿兼學士明年禮部侍郎二十二年改吏部奉陵御位

以吏部侍郎兼學士入內閣是年十一月陞禮部尚書兼文淵閣大學士弘治四年 憲宗 成加太子太傳戶書武英殿大學士七年加少傅兼太子太傅吏書謹身殿是年上言機務日繁誥勅委積正統中王直王英皆侍郎兼學士在內閣專誥勅 上從公言用李謝二文正公未幾星隕地震京師雨土飛蝗乞罷不允八年命撰三清祭章率同官上言天子祭天地夫天至尊無對故禮以少爲貴祭不過兩郊時不過孟春特不過牲牛漢祀五帝儒者非之況三清乃邪妄之說謂一天之

名臣記

卷之五

十二

李三才

上有三大帝乃以李聃居其一是以人鬼列於天神非禮也至于郊祀樂章 皇祖舊製今所傳樂章雖載永樂大典是書博采弗精不可以黷禮臣等誦習儒書若邪說俚曲尤所不習且初設文淵閣命學士居之者實欲其謀議政事講論經史培養本源弼正闕失非欲其阿諛順旨以取容悅也上嘉納欽天監正李華者不職罷忽傳旨復職公言 皇上即位來大小陞除皆出題擬別無內降指揮以故干請斷絕華選張齋葬地有勞宜量與賞資傳帖既行伴門遂啓臣等不敢阿從十年三

月韋太監急走內閣言 上坐文華殿宣四先生

公及劉李謝三公倉卒問故章對不知公等至殿

頓首 上曰近前公等前請司禮皆環跪御案傍

上曰看文書請司禮取諸司題奏與公及劉公以

片紙數幅與李謝二公每疏一疏 上必曰與先生

輩議公等擬批答上 上覽或更定二三字或刪

去一二句應手疾書略無凝滯公等懼不能稱

上意頓首請曰疏中事多者臣等請將下閣看詳

擬上 上稍不說曰文書尚多欲盡閱閣中亦

盡就此面議諸輔臣又頓首曰唯自裕陵召見南

名臣記

卷之五

三

三

陽等後四十年茂陵及泰陵初歲不過一二見道

二三語是日公等得見 上天質明庶聖心仁厚

大喜顧應對不能副 上意又輒慙懼自是不復

召十一年公目曹乞休卒年七十二贈太傅諡文

靖公在相位數年間六部多得其人當是時災異

屢見旋復消滅虜寇跳梁亦竟遁去天下稱平公

能任人凡弘治中所上章疏皆屬李公而公因事

納忠隨才器使屢遇大獄保全善類從容調劑弭

謗消讒雖無勇功智名而培養國家元氣多矣公

嘗置義田八百畝贍族請下戶部着籍

太師劉文靖公

公名健字希賢洛陽人天順四年進士授編修成

化中陞修撰歷諭德庶干少詹事奉泰陵于東官

東官即位之年陞禮部侍郎兼學士入內閣四年

進尚書文淵閣大學士公初在翰林閉戶讀書交

遊稀寡衆謂公木強人已入閣益練習國家典故

人又謂公有經濟才當是時萬安劉吉相繼去宜

興瓊臺與公在內閣公正色簡言廉靖不肯依違

七年進太子太保武英殿大學士明年薦李謝二

公入內閣十一年 大明會典成進少傅太子太

名臣記

卷之五

十四

三

傳戶書謹身殿大學士時 上方勵精凡國家大

事召見輔臣宜與去召公及李謝二公至文華殿

平臺煖閣面議大政如吳一貫張天祥獄 詹皇

后陵寢殿禮進退五府四營公侯伯災異去留大

臣皆 上前相可否公確直見事稍遲李公才敏

達謝公方質三人同心時人語曰李公謀劉公斷

謝公尤侃侃十六年加少師太子太師吏書華蓋

殿大學士是年五月一品滿九載當是時國家治

平無事 上顧公喜諭曰勞卿久矣兼支大學士

俸先是率同官上疏近有旨令中官往武當山該

像懸旒修醮命臣等撰勅并祝文者竊聞茲山宮觀像設已極壯麗復有此舉實爲無益矧今災異迭出生民困苦苗賊肆亂軍旅方興轉餉結兵猶恐不給君門萬里豈能悉知宜斥邪妄以遏無良十七年又率同官上言近有旨朝陽門外修建壽塔者臣等竊惟人主信佛莫梁武帝爲甚卒餓死臺城信老莫宋徽宗爲甚卒囚斃虜地本以求福反以致禍觀諸往事可爲鑒戒我祖宗相傳以治天下者堯舜周孔之道而已似此異端靈財衆何關于治佛塔之後非所以訓天下垂後世也

名臣記

卷之十五

十五

劉言八十五

又令撰真人杜永祺等誥命及封號疏言臣等竊惟異端不可信誥命封號不當與夫誥命朝廷所以獎貞勵能雖卿士大臣必待秩滿考最乃得頒給况祖宗廟號不過十六字親王及文武大臣有功德者謚號止一二字此輩何賢何能封號多至十八字流布朝野傳聞後世皆曰此朝廷所賜予儒臣所擬撰天下後世其謂之何十八年進左柱國支正一品俸上時憂勞思治益明習機務眷念民瘼欲盡革諸煩苛弊靈召對輒屏左右左右不得聞太懼竊從屏隙中觀但聞上數數稱

善上仁慈敬慎尤欲守成法惡慘核公等亦見太子未壯上體清癯恐一旦禍起不可測務却謀遠顧省機密發使天下隱受其福至上語及宮中事毅然欲創抑盡刷洗近侍權復高皇帝舊然亦未敢輕動也當是時三人者在內閣鈞陽在吏部華容兵部浮梁都宋院洪洞戶部同心勳力天下仰望風采又明年上遽病外議籍籍謂禍本有所起也上大漸召公三人入乾清宮受顧命力疾起坐寢榻語在李公傳中康陵即位新政猶肅未幾劉瑾等導上遊戲廢政公三人上

名臣記

卷之十五

十六

劉言八十

疏極諫請誅瑾等不報又與諸大臣伏闕門諫焦芳洩於瑾瑾得先見上泣請并斥言諸大臣過欺官家切冲上果疑怒諫竟不得入語在洪洞傳中公因乞致仕謝公亦去焦芳遂入內閣自是好黨益熾羣小附之盡逐諸骨鯁卿士大夫瑾尚恨公不已矯旨奪公官罰輸粟瑾欲起大獄盡殺諸不附已者矯勅羣臣指內官王岳范亨徐智公及謝公洪洞浮梁楊公守陝公瀚郎中李夢陽主事王守仁王綸孫榮黃昭檢討劉瑞給事中湯禮敬陳霆徐昂陶諧劉蒞艾洪呂勣任惠李光翰

戴銑徐蕃牧相徐道張良弼葛嵩趙仕賢御史
璚貢安甫史良佐曹蘭王弘任諸李熙王蕃陸
張鳴鳳蕭乾元姚學禮黃昭道蔣欽薄彦徽潘
王良臣趙祐何天衢徐鈺楊璋熊倬朱廷聲劉
爲奸黨榜朝堂公益懼杜門謝客誅得復官致
仕比 上數巡邊幸江南輒泣不食歎曰吾死無
以見 先帝矣嘉靖初公年已九十降詔存問又
遣撫臣即其家賜束帛餼羊上尊酒又官公及
公洪洞子並爲中書舍人公年九十四卒贈
謚文靖公骨相奇古學問深粹行淳履正偉
名臣記 卷之五 三十九

前少師大學士楊公

公名廷和字介夫新都人父春湖廣提學僉事公
成化十四年進士除檢討弘治三年陞修撰四年
陞侍讀九年改左中允憂去滿復陞左中允十六
年陞左春坊大學士兼侍讀學士十八年陞少詹
事兼學士正德二年陞詹事仍兼學士內閣專管
詔勅陞戶部侍郎改南京吏部左侍郎尋陞南京

戶部尚書改戶部尚書文淵閣大學士入內閣三
年加少保兼太子太保四年修會典成降倖二等
俄以修實錄加俸二等五年進吏部尚書兼武英
殿大學士又進少傅兼太子太傅謹身殿大學士
七年加少師兼太子太師華蓋殿大學士十一年
憂去服闋梁文康請 上遣行人起公後入內閣
康陵崩內外危疑公擒滅凶奸奉 敬皇后旨遵
祖訓迎 今皇帝入繼大統改元一詔滿除弊政
朝野肅清 上勅封公伯辭不受一品十二載考
績進太傅賜褒勅宴禮部公辭太傅力諫大
削籍子慎正德六年進士第一人亦以論大禮校
閣下謫戍雲南

論曰文達

李賢

遇曹石巽以行權文毅

壽昭德兩宮間順以濟險斯寔難矣文憲

終喪起不得入內閣所謂儉德避難者與文靖

承萬劉之後有取新之義焉康陵時劉公鞠躬盡

瘁以匡其始楊公

廷和

撥亂反正以扶其終或去

或不去均之爲大臣乎

子履華校

孫心材重校

皇明名臣記第十六卷

吾學編第三十七

海鹽鄭曉

太保王文端公

公名直字行儉太和人永樂二年進士爲庶吉士翰林召入內閣書機密文字尋授修撰上巡北京留黃文簡楊文貞及公輔導監國再巡扈駕憂闕陞侍讀洪熙初進侍讀學士立太子陞右庶子兼故官記注聖政聖訓宣德初遷少詹事兼職如故裕陵初總裁實錄成陞禮部左侍郎兼學士尋典制誥正統六年出部佐胡忠安公八年爲尚

名臣記

卷之十六

一

三百五十四

名臣記

卷之十六

二

三百五十四

修倘不卽死成此一事竊名穹壤間他富貴皆無所望所念者國家安則民皆安叙輩亦可偷生畢其素志今歲以來因朝廷屢有更張事不敢避禍屢有所陳未審朝議以爲可采否自是以往亦不敢演告一語矣尋被劾得白初上欲親征虜公率廷臣疏止不獲命留守加太子太保景帝初進少傅屢乞遣使奉迎上皇不允景泰元年禮部議奏復迎上御文華殿門諭大臣言官絕虜公言報使便勿使有後悔上不悅曰朕無意大位若曹過謂朕宜今奈何異議于少保曰天位已定孰敢他議祇答使舒邊急耳上意始釋曰從汝從汝羣臣退纔出文華門內臣與安匍匐而呼曰疇堪使者有文天祥富弼其人乎衆未答公面赤厲聲曰是何言臣皆王臣唯上是使敢弗行乎言至再詞色愈厲安語塞遂遣李實羅綺使虜三年立東宮加少師兼太子太師何文淵以左侍郎加太子太保爲尚書佐公中書舍人何觀劾公上不聽未幾文淵去王忠肅公代文淵爲御史練綱等論劾公累請老不許裕陵復位請老去公方面修輯器宇宏偉性嚴重寡言咲居家儼然及接

人和氣可樹學富才敏詩文精緻在翰林三十餘年恭勤不怠既秉銓軸益廉慎時方面官罷廷臣薦舉專屬吏部公留意人才于請斷絕奔競稍息居第隘陋曾不屑意臨川聶大年嘗謂公公不爲憾大年卒泣銘其墓恨未能薦大年也時江西二王東王謂公西王謂英公年八十四卒贈太保諡文端公歸田康樂嘗言西楊不欲予同事內閣出弔理部事當是時不能無憾於西楊若使不出部丁丑正月當坐首禍能免遼陽之行乎

太保王忠肅公

名臣記

卷之十六

三

陳

公名翔字九臯鹽山人永樂十三年進士先是北人舉進士者輒在後是年初會試貢士北京公兩試皆高等上喜召見賜食改翰林庶吉士授大理左寺正註誤遷行人宣德元年西楊薦陞行在山東道御史謹重達大體十年陞僉都御史正統元年鎮守江西未幾巡浙江拊善摧奸吏民畏愛四年松番用兵不効公出贊理六年鎮陝西七年東虜殺掠吏民師出輒北遼東西震動且據漁陽公提督軍務明年陞副都御史留撫遼東十二年出塞破虜有功陞右副都御史十四年陞左是年

秋虜分寇廣寧清野困之虜退去景泰三年召還臺尋加太子太保是年建州酋李滿住上番書乞留公遼東不許會南蠻寇兩廣兩廣副總兵董興武毅觀望不肯戰巡撫侍郎揭稽李棠不相統賊益熾于少保請用安遠侯柳溥總督兩廣軍務如溥未可出臣謙及戶部尚書金澤用乞用一人上用公明年蠻平召還臺是年夏吏部何尚書下獄致仕公以太子太保兼吏部尚書初公入四川寧布恩信招懷降附出賜金市牛酒慰犒番酋商巴等十八寨來歸不煩兵力松番遂定遼東法令久弛不復知有朝廷賞罰以故虜至不敢戰戰亦不力公至諸將庭參責其玩寇喪師失律當斬軍中股栗頭搶地言自今效死用命得釋公即出巡邊起山海抵開原繕濟墻溝五里爲堡十里爲屯烽燧斥堠千里相望虜見嚙指走公益簡練卒伍賑賙窮乏偶配鰥寡人情大悅邊塞孤遠軍輿輒置綠俗立法細大收贖十數年間得金穀馬牛羊數十萬邊用充饒器械明利士皆樂戰願得一戰報王公逾年督諸軍出塞大破虜斬首二級比至

名臣記

卷之十六

四

陳

懼公畧兵威推誠撫諭盜寇止息酋長信向公嘗
言蠻戎撫捕各有機宜以故四川兩廣得免釋騷
之患公初入吏部佐王文端公天順初落太子太
保文端公致仕專任公公嚴考察公銓注抑奔競
杜請寄一時任使並稱得人南陽爲石亨逐去裕
陵召見公問賢何如人公力言賢才行得復留內
閣益見倚任南陽在內閣亦左右公上進退大
臣時時召公面可否稱公先生屢乞休不允公以
故得行其志天順五年加太子少保上嘗諭南
陽曰今六部尚書庶皆得人但慮吏部王翱老僭
名臣記 卷之十六 五

清白儉約立心制行循守禮法惕厲憂勤仰思待
旦居第三十餘年不改於舊上特命有司起第
縣西公餘退宿朝房惟朔望時令歸謁先祠曹賊
亦知重公不忍加害南陽嘗曰臯陶言九德王公
有其五亂而敬擾而敬簡而廉剛而塞強而義彭
惠安公贊公淡然無欲不識姜姬而况苞苴莫我
敢施古三不惑於公見之人皆以爲確論子幹世
官錦衣副千戶

太師王端毅公

公名恕字宗貴三原人正統十三年進士庶吉士

名臣記

卷之十六

六

入翰林出爲大理寺副景泰五年出知揚州府屢
辨疑獄歲饑發廩不俟報且給醫藥多所全活作
資政書院教郡子弟天順四年歷遷江西河南左
左布政使安輯流冗解散盜賊成化元年陞左副
都御史撫治荆襄兩陽豪爭礦殺人獲渠魁餘悉
解散蝗生乞避位因勸上去奢崇儉俄內艱會
襄陽盜起起復會總兵朱永搗其巢劉千斤石和
尚作亂佐王師三年討平之帥欲縱兵搜山公不
可下今日擅殺者斬復榜示流民復業爲建生
繪像事公四年轉左巡撫河南閏雨賑災均

廉於貪明年陞南京刑部侍郎外艱七年改刑部
總河道漕隄邦溝省河隄吏上疏言災異九年改
南戶部十二年改左副都御史巡撫雲南時鎮守
內臣錢能私市外夷誅求無厭公効能其下懼而
自盡沒其寶石并械數人致京師且劾上不實
鎮守非人致一方陷沒騰衝啓發致麓賊叛逆今
日之事殆又甚焉在雲南九閱月疏二十上十三
年進右都御史明年召理南臺兼叅贊機務條上
江操京操事宜又明年改兵部尚書兼副都御史
名臣記 卷之十六 七 三十八年

和氣而召災沴 上立詔戒敬久之敬等俱收捕
下獄斬其黨錦衣千戶王臣所謂王劄子者傳首
中外稱快二十年轉南京兵部尚書叅贊機務尋
加太子少保會刑部員外郎林俊論妖僧建寺下
獄經歷張輶救俊亦下獄公上言二人志在盡忠
而得罪恐人自此以言爲諱設有奸邪誤國誰復
肯爲朝廷言者疏入留中會侍郎馬顯乞致仕內
批附公名落太子少保與顯並致仕主事王純論
公忠亮下純獄謫思南推官當是時天下無事內
則宦戚外則閣部各引私朋置清顯及汪直李孜
省內外交結得進退大臣大臣亦多低頭甘心依
附惟公著節不撓二十三年冬泰陵召爲吏部尚
書加太子太保公薦楊守陳彭韶張悅周經爲左
右侍郎耿裕何喬新倪岳皆引置執政忠諫久廢
如王徵黃仲昭賀欽迂直被抑如周瑛祁順並皆
薦用裁抑僥倖褒獎名節無敢以私干者博野在
內閣每持公公直已不屈南科道劾博野薦公入
閣博野惡南科道會南守備內臣與南科道相訐
南科道多貶斥者公力言宮中府中俱爲一體陟
罰臧否不宜異同知州劉樂御史李興以忤吉下

徵公力解得減死內批通政司經歷高祿爲本司
參議公言祿出科目自能遠到而越次超陞非所
以愛祿幸以天下之官待天下之士勿以親戚妨
公議徐生者太醫諸醫也傳陞院判公執奏下吏
部會藏部太醫院同御藥房太監選用公力爭
祖宗來未有吏部會內官推選官員例成憲不可
更末流不可救 上曰徐生善藥與院判公遂乞
休屢疏上 上曰卿持正輔佐朕心知之勿辭公
遇事輒言有不合即引疾求退 上每溫言留公
內閣滋不悅謂公好名徽王乞陞釣州爲府晉王

名臣記

卷之十六

九

三十一

乞爲世子別設典膳公皆論止兩廣都御史秦紱
劾安達侯柳景不法紱坐致仕去公極言紱不當
致仕 上留紱爲南戶部尚書公在吏部時臺諫
劾巡撫及藩郡官內批下罷斥公以爲不得其職
連疏乞休皆不許南臺又薦公入內閣內閣益忌
公 上曰朕用寒義王直故事任恕吏部若有謀
議亦無不聽也弘治六年時瓊臺忌公爲御醫劉
文太草疏指斥公公亦疏辯 上留公公力求去
遂致仕公仕四十五年凡上三十餘疏皆忠直剴
切蓋憂世之志如范希文濟世之才如司馬君實

直諫如汲長孺惠愛如鄭子產年九十矣猶考論
著述言動必揆矩度嘗言我垂老方理會學問卒
年九十三贈太師諡端毅子承裕歷官南戶部尚
書諡康僖李夢陽曰國制文極六曹天造不論夏
蹇經綸惻惻 文皇北征全國是屬三楊熙績臺
省坐臻太平君佚臣勞所謂代天之相 英廟之
遇文達密畫顯斷萬機精覈局體一變成化間三
原河州單縣封丘居則岳屹動則雷擊大事斧斷
小細海蓄帷幄倭幸請劒必殛使見之者長聞之
者懾斯其人死生富貴足動之哉然較之天順以

名臣記

卷之十六

十

三十一

前則殊矣時與位不同耶委任權力殊耶弘治中
華容洪洞鈞陽靈陽曲盧氏金陵安福咸稱名
卿然志存納約行在精審苟濟其事小枉安焉局
體又一變矣雖形迹罔暴義遂矯直亦運數然歟
少保倪文毅公

公名岳字舜咨錢塘人國初徙實上元父謙正統
四年進士歷陞左春坊大學士兼侍講天順元年
晉學士侍東宮上大學諸直解又明年考順天鄉
試勢家子弟不獲倖進被誣謫戍開平八年赦還
外艱去歷仕至南京禮部尚書卒贈太子少保諡

名臣記

卷之六

十一

陳百十七

文僖文僖嘗奉命祀北嶽夫人姚夢緋袍神入室生公因以爲名公瓊偉秀異目光炯炯望之如神爲文敏捷若不經意天順元年進士入翰林爲編修考校纂綴精詳安雅進講上前敷古義傳時政言意剴切音吐洪亮上喜歷陞侍讀至學士留心世務經史之餘凡生民休戚財計登縮戎禦利害無不諳暢歷官執政每大廷集議慷慨持正論一時儀文古典軍國重計多公定裁公又長於奏議一寫千言春容豐達考古道今會文切理下至瑣屑案牘吏人旁候運筆如飛畧不經意成化二十三年茂陵升祔詔禮官集議時耿裕爲尚書公侍郎疏言國朝九廟已備今憲宗祔廟議者咸謂德懿僖仁四廟以次當祔至太祖爲百世不遷之祖是知尊太祖而不知太祖之尊其祖也昔周既追王太王王季又上祀先公以天子之禮國家自德祖以上莫推其世則德祖比周之后稷不可祧明甚懿僖仁三祖以次當祧一太祖文皇爲周文武百世不遷禮也憲宗升祔當祧懿祖一廟宜於太廟寢殿後別建藏祧之所如古夾室之制每歲暮則奉祧主合

名臣記

卷之六

十二

陳百十八

享應古祫祭之制又有言孝穆太后當祔廟者下廷議公言周姜嫄爲帝嚳次妃后稷之母故周禮有享先妣樂舞蓋指姜嫄而魯頌閟宮之詩特見其名此別廟之證且唐宋以來皆有故事可考如奉先殿儀奏上詔可時釐正京師諸淫祠剔諸冗費議皆出公手耿公方正持大體禮文事多屬公見公疏稱善不啻已出禮科右給事中張九功少詹事程敏政又欲改定孔庭從祀諸賢及七十二子公言馬融王弼之徒其立身不無貶議然秦漢以來六經出于煨燼賴諸儒抱遺經專門講授經得復存自唐之註疏咸祖其言而今之經傳引用尚多其說何可盡廢况七十二子名字自司馬遷以來相沿已久今生千百年後安敢臆定進左侍郎會災異求言與尚書共疏寅畏天戒七事未幾復陳八事守嶺南內臣韋眷誘撤馬兒罕貢獅子開海道公力言南海非西域貢道禁不許通斥還貢物六年代裕爲尚書內臣辜泰傳旨召國師領占竹于四川公抗言領占竹僭號法王淫昏矯僞上初登大寶首納諫言削奪斥遣傳聞四方共稱聖德今復召還殊駭羣聽馬鈞陽言成化

間累度僧道非便下禮部議公言成化二年度十三萬二千有奇十二年一萬三千有奇二十二年二十二萬四千有奇十年一度國版日耗異端日繁愚耗民財坐侵民食宜立嚴科痛加條革如文升議便九年改南京吏部尚書加太子少保未幾改南兵部參贊機務兼正達變不激不隨百廢頓舉十一年清寧宮災條上修省勤聖學聞言路減齊醮省供應節親藩懲欺蔽卹困窮核名實疏濬滯擇將領節差遣慎功賞停工役斥奸貪進忠直恤刑獄等二十八事十三年召入吏部爲尚書登正品類獎恬抑躁不恤恩怨正色昌言千謁消沮或勸公毋別白賢不肖太過且召怨輒撓沮不得盡行其志公曰冢宰職固如是公才學識量優於經濟狀貌魁梧又足稱其志意於諸卿中推遜馬鈞陽至論國事亦不肯相徇先是弘治六年鈞陽言五嶽之名宜從京師我朝北嶽乃在京南乞改北嶽下禮官議公言北嶽恒山祀曲陽歷漢至今二千餘年不可輒改上從禮官議昔金世宗時議者以都燕請別議五嶽太常卿范拱言軒轅居上谷在恒山之西虞舜居蒲坂在華山之北未嘗

據都改嶽公議良是鈞陽又嘗言今天下財力大耗計無所出獨蘇松折糧銀價今宜稍增以足國用下廷議公曰東南民力已竭又復重之且生變誰任其咎事得止十四年卒贈少保謚文毅國朝父子爲學士翰林得並謚文自公父子始文集並傳自王忠文後再見云公奏議多不錄錄其論西北備邊事狀畧云論事者貴審理勢酌古今凡肆夸大耻雷同皆非爲國忠謀者也近歲虜酋毛里孩阿羅出孛羅忽儿加思蘭大爲邊患蓋緣河套之中水草丰肥易於屯劄腹裏之地道路曠遠難於守禦是以轄於榆林者若孤山安塞安邊定邊諸路轄於寧夏者若花馬池興武高橋萌城諸路皆其入寇之所迤東則延安綏德鄜州諸路迤西則環慶平涼固原諸路皆其騷掠之處擁衆長驅遠者逾千里近者不下數十里沿邊諸將或嬰城自守或擁兵自衛輕佻者挫衄怯懦者退避既不能折其前鋒又不能邀其歸路虜遂源源而來洋洋而去進獲重利退無後憂取於我者衣食自恣屢起盜心處於彼者窟穴既安遂無去志虜勢不輯邊患不寧上厯廟慮遣將徂征奈何四年三

舉一無寸功或高臥而歸或安行以返乃折主體
爵優游朝行輦帛與金充勿私室且其軍旅一動
輒報捷音賜予濫施官爵輕授殺傷我士卒悉泯
弗聞撥拾彼器械虛張勝勢甚至濫殺彼虜平民
妄稱逆虜首級未嘗致其敗北輒以奔遁爲言未
嘗有所斬獲輒以鈎搭爲解考其功籍所載實格
所加者非私家之子弟即權門之厮養而骨委戰
塵血膏野草者非什五之卒即轉餉之民天怒人
怨禍機日深非細故也況夫京營之兵素爲冗怯
臨陣退縮反顧邊兵之功望敵奔潰久爲虜人所
名臣記 卷之六 三五八十九

之民任飛芻輓粟之後仰關而西徒步千里夫運
而妻供父輓而子荷道路愁怨并落空虛幸而至
也東芻百錢斗米倍直不幸遇賊身已虜矣他尚
何計輸將不足則有輕齎輕齎不足又有預徵嗚
呼水旱不可先知豐歉未能逆卜如之何其可預
徵也至甚不得已則令民輸芻粟以補官然媚權
貴私親故者或出空牒而授之而倉庾無升合之
人又令民輸芻粟而給鹽然恃豪右專請託者率
占虛名而鬻之而商賈費倍蓰之利官級日濫
法日沮而邊儲不充如故也又朝廷出帑發以給
名臣記 卷之六 一六

而無再之之道兵力敵而無養之之實徒委西顧之憂於陛下誰果分憂盡心効力乎採之建白察之論議則又往往紛紛紜紜指掌之圖肆冒臆之見者率謂復受降之故險守東勝之舊城則東西之聲援可通彼此之犄角易制是非不善也第二城之廢棄既久地形之險易未知况欲復城河北以爲之守必須屯兵塞外以爲之助出孤遠之軍涉荒漠之地輜重爲累饋餉爲艱彼或佯爲遁逃潛肆邀伏或鈔掠於前驍襲於後曠日持久露行野宿人心驚駭軍食乏絕進不得城退不得歸一敗

名臣記

卷之六

十七

言九載

塗地聲威大損其有懷敵愾之心馳伊吾之志者率謂統十萬之衆裹半月之糧奮揚威武掃盪腥膻使河套一空邊陲永靖是亦非不善也然帝王之兵以全取勝孫吳之法以逸待勞今欲鼓勇前行窮搜遠擊乘危履險微倖萬一運糧遠隨則重不及事提兵深入則孤不可援況其間地方千里綿亘無際既無城郭之居亦無委寄之守彼或往來遷徙罷我馳驅或掩襲衝突撓我困憊虜酋安望於成擒中國復至於大創失坐勝之機蹈覆沒之轍必矣至有欲圖大舉以建奇功者謂必剪楚

州之衆除朵顏之徒乘勝而西遂平河套夫祖宗之於建州朵顏諸衛不過羈縻保塞以固吾圉今若是將使戎狄生心藩籬頓壞遺孽難盡邊憂益多是果何知識爲無策甚者至謂昔以東勝不可守既已棄東勝今之延綏不易守不若棄延綏則兵民可以息肩關陝得以安枕夫一民尺土皆受之於天於祖宗不可忽也向失東勝故今日之害萃於延綏而關陝騷動今棄延綏則他日之害鍾於關陝而京師震驚賊逾近而莫支禍逾大而難救此實寡謀故爾大謬嗚呼一倡百和牢不

名臣記

卷之十六

十八

言九載

可移甲是乙非卒莫能合成功既鮮高談奚取焉臣所尤不滿者徒以書生典兵謂詢謀爲無益棄人言而不顧謂專斷爲無傷執已意而不同處置乖方指揮失義若向之圖復西戎旣爲苟且之舉已損威而失信近之議制南夷復倡隄備之說以啓釁而示怯遠居中制外之權昧以大字小之體推是以往其他可知徒使下弛兵機上隳國紀又皆此輩舞文之過重貽後時噬臍之悔者也故以臣論之不若即古人已用而有成及今日可行而示盡者舉而措之其爲力也少其致功也多曰重

將權以一統制而責成功曰增城堅廣斥壤以保衆而疑賊曰募民壯去客兵以弭患而省費曰明賞罰嚴間謀以立兵紀而覘賊情曰實屯田復漕運以足兵食而紓民力其論邊濶略曰今關陝所需皆山西河南所給而三方之地俱近黃河其間雖有三門析津龍門之險然昔漢唐糧餉由此而通即今鹽船木筏往來無滯且以今戶部所計山西米豆必令運貯潼關衛及陝州諸倉其諸州衛地皆瀕河可通舟楫踵往古故跡而行免當今陸運之害公私之利奚啻萬萬也況今河道當潼關之北數十里接連渭河可通陝西及鳳翔鞏昌渭河西流數十里接連洛河可通延安及北上源可通邊堡渭河西流三百餘里接連涇河可通慶陽又龍門之上舊有小河徑通延綏儼加修濬必可行舟此宜簡命水部之臣示以必行之意相度地形按求古跡某處避險可以陸運某處可立倉以備倒運某處可造船以備裝運淤塞悉加導濬漕河務在疏通毋憚一時之勞而失永久之利如是則不但三方之困可紓雖四方之物無不可致矣

多臣記

卷之六

九

三月十七

太僕馬場司公

公名元字賓圖釣州人生有異質童時嬉戲每以瓦兒百十地下識者知爲異人景泰二年進士爲御史巡晉楚有名天順七年陞福建按察使憤鎮守中官擾民輒繩以法民戴其德歌謠載道成化元年陞南大理卿未幾憂去四年固原土胡滿四反起右副都御史巡撫陝西與項襄毅公討擒四陞左時流賊起漢中李嗣子潼關火竭兒滿城王彪聚衆劫殺敵官軍公悉計剪除又破虜阿素出亂加思蘭八年虜入寇平涼臨華追至黑水坪名臣記

卷之六

三

三月十五

擒其平章鐵烈孫斬首多遂止時政十五事及禦邊三策尋命節制三邊九嶺虜至遇伏驚遁盡棄輜重擒斬二百又勦平岷州叛番十二年召入兵部爲右侍郎出總遼東軍務制五花營八陣圖訓士上禦邊十五事虜退陞左都僉一等十四年建州女直復叛巡撫陳鉞誘殺貢夷屬掩已過由是東夷譁懼爲亂公再往撫勸時汪直恃寵倖功陰主鉞議遣公偕行公弗聽竟疾馳至鎮撫黑鎖忒等二百餘人比直至虜已解散直無所獲忌公鉞行事乖方公多更置約束不得動亦恨公會直巡

邊鉞懼戎裝遠逐除道飾厨供張鮮備賄託儀從
公獨與直抗禮奴視其左右左右多譽鉞詆公鉞
乘間譏毀直還奏公妄啓邊釁謂女直建州諸虜
皆以公禁不與易農器故屢寇塞 上遣直及刑
部尚書林聰即訊遼東直稍禮聰上報盡如直言
遂下公詔獄公上言實禁鐵器非農器竟謫戍重
慶已而直敗貶內使南京鉞亦敗下詔獄公得雪
復官致仕十九年起爲左副都御史巡撫遼東禁
輯科害人無敢犯公三至遼東皆樹奇績東人至
今思之明年陞右都御史督漕漕江北巡撫未期

名臣記

卷之十六

三

陳宏明八十八

陞兵部尚書尋改南京恭贊機務弘治元年入臺
爲左都御史是春 上耕田雜劇出狎語公厲色
曰 新天子當知稼穡艱難豈宜以此瀆亂宸聰
即斥去二御史糾儀下獄公言即位之初不宜輒
罪言官遂得釋又上時政十五事明年改兵部尚
書京城大雨上時政十事安南占城有違言占城
請兵公言諭安南貢使還占城侵地竟解不用兵
四年內艱起復建州酋伏當加叛繫至京不服公
折數語伏地請罪寬南海七年議絕土魯番先是
哈密忠順王者爲土魯番鎖擅阿力王虜去王母

金印國人驚散已而王母故鎖擅阿力亦故弘治
四年鎖擅阿力子阿黑麻以金印城池來歸公言
哈密國回回畏兀兒哈刺灰三種共居一城種類
不貴又有小列剋也力克數種強虜時肆侵凌至
難守必得元遺孽襲封理國事可懾服諸番與復
哈密不然禍變未已且搖甘肅動關隴因訪得陝
巴襲封忠順王主哈密未幾阿黑麻復虜陝巴及
金印去邊臣檄聞適阿黑麻遣寫亦滿速兒等四
十餘人入貢丘濬曰哈密事重煩公一行衆言公
不可去其涼委四方邊事始以兵部侍郎張海都

名臣記

卷之十六

三二

陳宏明九十九

督僉事纓謙往經略修嘉峪關捕通阿黑麻黠詐
回回二十餘人戍廣西公言此虜既遣使人貢復
虜陝巴金印迫勅使往輒久不報其心輕中國不
大創不戢諱以寫亦滿速兒等安置兩廣福建開
關示絕西域諸番入貢孤其勢且使歸怨阿黑麻
無何阿黑麻復令頭目牙蘭率番夷二百餘據哈
密城公曰事急用兵不可已顧方略何如召肅州
撫夷指揮楊壽至京問襲牙蘭策公遂薦許進爲
河西巡撫與總兵劉寧彭清統番漢兵入哈密城
襲牙蘭牙蘭遁去阿黑麻以故悔過遂遣使人貢

庚部 上元節十一年春 皇太子出閣公上疏

略曰太子國之儲貳天下根本宜擇老成純謹之士以資啓沃不宜雜以浮薄之流恐虧損盛德

上嘉納十三年八月火師擁衆寇大同京師戒嚴

上賜宸翰又召入便殿咨戰守方略公薦保國公

朱瑄等整兵爲備勅各邊謹斥堠修戰具又遣文

武大臣許進陳銳率師出宣大分遣諸大臣守天

壽山朔河川居庸諸關虜尋亦去十四年拜吏部

尚書十五年加太子太傅十七年早朝畢 上坐

名臣記 卷之六 三

煖閣召入面諭明年天下官朝覲卿用心訪察大

彰黜陟復諭曰聽得否對曰 聖心留意求治如

此 宗社之福臣敢不盡心圖報稱命中官掖下

階明年考察來朝官法不職無異議加少師兼太

子太師正德元年內臣王瑞以大婚禮欲用儒士

七人篆刻番字公言方杜塞倖門堅執不肯從不

聽給事中安奎疏乞聽公言不可墜姦計大臣垂

首喪氣直道何由得伸非國家之利瑞怒詆公拒

命賴諸大臣力辯事始白公累上二十一疏求致

仕去逆瑾恨公持正三年坐薦許進雍衆爲朋黨

除名調公子錦求百戶琇鈞州所瑾誅復官琇錦

太保耿文恪公

公名裕字好問清惠公子景泰五年進士入翰林

爲庶吉士七年除工科給事中天順元年清惠公

在內臺改翰林檢討是年石亨被御史劾恨清惠

斥去謫公泗州判官改定州成化元年召還翰林

歷國子司業祭酒誨教有恩義時異姓諸侯年幼

者令學于國學公類古諸侯勲戚言行可法者爲

書授之十二年陞右侍郎吏部轉左二十二年進

尚書代尹昇清慎簡平銓法疏理諸請寄者不便

忽改南京禮部而以工部尚書李彝代公泰陵即

位改南京兵部參贊機務弘治元年召尚書禮部

婚喪諸大禮傳經律酌古今行之崇王請朝下廷

議公請遵祖訓遺書王勿朝西夷由南海貢獅公

曰賈胡嗜利輒開海道宣却去六年復尚書吏部
代三原加太子太保天順初德秀諸王出閣南陽
言四王講讀官八人翰林官少請擇新進士授翰
林檢討充王講讀官至是諸王將出閣亦按故事
選十進士侍王十進士詣吏部請九年滿考得陞
改出王府公以爲例不可十進士語不遜公劾十
進士上爲除一進士名餘調外公在吏部薦進
賢才務協輿論愛憎毀譽莫能遁守正律身干
謁斷絕即內降斜封封章抗議杜塞倖門父子清
修不營產業不治居第約儉蕭然無異寒素公偉
名臣記

卷之十六

三十一

陳於

幹修髯儼然神明學問該洽文章雅正冠冕縉紳
世濟其美弘治八年卒贈太保謚文恪

少保許襄毅公

公名達字季升靈寶人成化二年進士除監察御
史巡其肅山東風裁卓然道士以黃白術干湖廣
李總兵不遂誣總兵反汪直欲爲已功逮季百口
至京煨成獄下法司謝公發遣士奸即日磔道士
於市御史滿三考陞山東按察副使明敏發奸伏
如神東昌有武官子懷數金挾一儒生飲酒家是
夜武官子被殺無主名有司疑生逮生酷訊生誣

澤公調蘇疑托他事徧取商曆入覽至布商家乃
武官子死之明日酒家市數十在懷厚公曰此必
武官千金也一訊遂伏儒生得釋不死弘治元年
陞廣西按察使尋陞僉都御史巡撫大同數條邊
事戎政修明小王子瓦剌兩種聞公威名遣其酋
哈桶察察少保等兩年三貢僅費帑銀六萬兩雲
中上谷河曲塞竟無虜患當是時士馬壯軍容
整公才智忠毅又能幹旋應變以故每貢多至三
千人少亦不下二千至關皆下馬脫弓矢入候
戰聽命代藩諸郡王或驕與巡撫通酒食乾

卷之十六

三十一

陳於

餉公一切持法行已意諸郡王輒惡公會武邑王
聰泳不律公發其罪廢爲庶人警動諸郡王諸郡
王自是不敢譁忤巡撫四年上言守內臣石岩刻
侵士餉撓軍政岩亦誣公擅用旄幟降兗州知府
以寬簡宜民七年冬陞陝西按察使明年吐魯番
速檀阿力及其酋牙蘭劫忠順王據哈密鈞陽薦
公爲僉都御史巡撫甘肅公至鎮結赤斤罕東諸
夷爲援又結小列禿截吐魯番後聲言遠征不恤
浮議冬月與都督劉寧彭清冒雪夜行出嘉峪關
二千餘里擣哈密城牙蘭遁去得忠順王陝巴及

都督平懷復哈密城斬首百餘級獲牛馬駝數千時牙蘭既走遺別種八百人登臺自保將校請曰斬此八百首功公且得封侯公曰拊膺從柔遠人期在安輯安忍以多敵爲功逆天道無後違者斬八百人竟得不死疏請懷輯罕東諸夷相援離吐番黨與孤其勢西域遂定九年陞右副都御史巡撫陝西公爲平役調餉興水利開屯田去貪殘獎循善格強禦數下有權人稱神明關隴大治十年召爲戶部右侍郎會刑部主事鄭岳言事下獄疏赦岳彗星見又條上修省事外戚奉河間民田公

時上不親政公疏乞勸聖學戒遊逸改吏部尚書代焦芳時逆瑾專權公持正不可干撓三年考察外官瑾得賂輒欲留諸貪殘吏公不肯瑾怒百方欲中傷公不可得以劉吉署員外郎再署郎中爲非制又誣公薦雍太非其人除籍瑾怒猶未解又摺公在大同時籍士出雇役錢失勾校爲史乾沒且籍公家會瑾誅得解復官致仕卒贈太子太保卒後十七年巡撫上公功賢請謚得謚襄毅子讚贈公少保公子八人詩鄉進士誥歷吏部侍郎南京戶部尚書博學能文卒謚莊敏贈太子太保

往數田歸民與戶部尚書周經上疏曰此皆小民恒產國家賦役之地若奪彼與此仁者不爲十三年虜入大同塞且犯宣府京師戒嚴公兼憲職提督軍務與平江伯陳銳出師勦虜銳失律總兵王重違公節制又敗銳璽得罪公致仕既歸廷臣論薦四十八疏素陵知公時時稱許進可大用又曰劉大夏若入吏部進可代大夏未及召泰陵崩康陵即位首召公爲兵部左侍郎提督團營正德九年代劉公爲兵部尚書當是時劉求去屢矣侯公至曰吾可去矣謂公曰勉爲國家負荷報先帝

賢不肖功名不及禮部兵部時吏部之難非一日
矣襄毅許進沮於逆瑾當是時焦芳入內閣襄毅

去劉吉入吏部吉又入內閣而張綏代吉矣

皇明名臣記第十六卷

子履準校

孫心材重校

卷之六

三

皇明名臣記第十七卷

吾學編第二十八

海鹽鄭曉

太傅于肅愍公

公名謙字廷益錢塘人永樂十九年進士骨相異常甫七歲僧蘭古春曰此他日救時宰相少讀書手不釋卷過目輒成誦文如雲行水湧有奇氣詩清麗頃刻千言宣德元年授山西道御史從討漢庶人庶人就縛上命公數庶人罪辭嚴義正庶人流汗伏地 上喜師還賞公與文武大臣等馬意且用公巡按江西平反冤獄稱爲神明民所

名臣記

卷之七

三百五十五

便登革殆盡五年河南山西災 上親書公名行在兵部右侍郎巡撫二省時年三十三公巡經壁畫遂爲規式正統元年上便宜十事九載轉左侍郎十一年薦參政孫原貞王來自代降大理左少卿兩省萬人赴闕乞留復公巡撫凡歷十八年每議事入京不持一物而省人皆尸祝公十二年復右侍郎還部十四年秋虜也先入寇 上欲親征兵部尚書鄭瑄力言不可不聽師駐狼山 上北狩京師大震 章皇后詔立 皇長子爲皇

太子 鄭王監國 鄭朝臺諫廷劾王振監國倉卒未有處分錦衣指揮馬順素附振叱衆衆怒擊順死并索毛王二長隨廷中大譁監國疑懼起且退公上陞掖止之亟請命將軍瓜擊二長隨死謝衆怒又請諭羣臣振罪當赤族侯啓太后行誅未晚願罪應死擊死勿論衆遂定朝退王文瑞公謝公曰今日賴公鎮定若百王直何能爲 章皇后聞之即陞公兵部尚書尋加太子少保時內外注視倚公安危公即調兵爲禦虜城守計是年九月 章皇后諭百官 太子冲年未能遽理萬幾鄭二

名臣記

卷之七

三百五十六

長 宣宗親于宜嗣大統鄭王卽皇帝位還尊上爲太上皇帝改明年爲景泰元年時三營稍就盡圖征行留者皆老弱公見 上泣曰虜賊不道將長驅深入不可不預爲計宜急遣官募義民夫更漕卒練神機等營又令工部理戎器戶部調兵食傳檄邊鎮及山東西關陝虜至或迎擊其前或邀遮其後勤王構景二授古畧經理相定十月朔喜寧導也先詣 上皇還京五日入紫荊京師戒嚴侍講徐理交言占象倡議南遷二三大臣依違其間公慟哭言京師天下根本郊廟社稷陵

寢百官葛姓公私積聚皆在一動則大勢盡去朱事可鑒敢言南遷者衆共誅之自是羣心始定公奏用王通楊善守京城孫鏗衛穎張軌雷通分兵出城守戰監以王竑葉盛程信諸言官石亨楊洪柳溥爲總兵盡移郭外人入城令虜所過堅壁清野固守勿與戰急散官軍通州糧百萬盡入都城公率先士卒躬擐甲胄誓死泣諭六軍國恩大義事機一失禍患立至生不如死人人感奮勇氣百倍十一日也先擁衆至城下公及亨統兵出禦見我師堅不可憾喜寧嗾也先邀大臣及公出和索金帛萬萬計廷議相顧不能決問公云何公曰吾本兵知有軍旅他非所敢聞即出德勝門閉門對壘約戰以 上皇在虜中未敢輒動已諜知虜移 上皇西我發大砲擊虜虜死砲下者數千計也先大沮衆請進擊公曰勝未足雪耻萬一不捷所損寔多况 上皇在虜中不得不慎諸大出聖旨榜文潛遣虜營中諭回達漢有能擒斬也先來獻者賞萬金封固公疑其心十七日也先果遁去論功加少保總督軍務尚書如故公辭不允客言少保功高宋李綱不能及公謝曰四郊多壘

卿大夫之耻城下不盟幸耳大同恭將許貴乞與虜和公請詰貴大勦邊將戰守分遣都督都指揮劉安王信等屯真保通涿易五路各監以文大臣驍將楊俊督之俄虜逼朱謙于關子口襲亨於鴈門關羽書至京師公請自將大舉北伐會虜逼遂止景泰元年二月公曰不早除喜寧虜知我險易虛實益反復不可禦計授楊俊擒寧伏誅自是也先悔禍果遣使請奉 上皇還京 上勅公防護京城且議通使羣臣顧望不能堅決公曰天位已定誰復異議惟君臣大義兄弟至情自當遣使奉迎 上皇從公言三月 上皇至大同出塞去六月 上皇又至大同七月我使再出恭迎八月 上皇發塞外九月丙戌至京居南宮三年薦王忠肅公自遼東召還院是年五月立懷獻太子加太子太傅十月諜虜南侵公奏孫鏗石彪出大同楊寧衛穎出宣府參政葉盛參贊獨石八城軍務虜竟入貢十二月公議立十營團操石亨爲公乞官其子冕爲府軍前衛副千戶公力辭不允四年 上有疾公又薦王忠肅公自兩廣召還院尋用爲吏部尚書是年八月也先殺其主脫脫不花王而

名臣記

卷之十七

五

陳南三言八十八

自稱田盛大可汗遣人朝貢御史顧璘言國家設六部分理庶務又置內閣大臣備顧問乞令六部諸大政會內閣議可否條奏 上下廷議公抗言祖宗成法國家重務並所司奏請處分臣知遵祖憲重君命他不敢從 上是公言先是也先犯京師脫脫不花寇遼東不樂出冠陝西浙江葉宗留福建鄧茂七廣東黃蕭養各擁衆數萬僭號攻城南蠻西番益復蠢動詭言萬端變在呼吸公內固京師外籌邊鎮防衛陵寢散遣降胡抗控漕渠開鎮臨清收復獨石八城堡仍留貴州藩臬條奏立奏動中機宜僚屬受成相顧驚服胡廟欸取群盜削平口不言功益自斂飭 上推誠倚任獨秉朝綱文武大臣面酬進退宮庭密務接膝調停廉清方正一錢不私力還賜第止宿直房旁無姬妾鄉廬數椽僅蔽風雨薄田幾畝繞供飽粥食無兼味衣無累帛大璫舒良及草等皆散悼公不敢競法相忤亨忌公屢辭兵柄公亦辭總督避亨 上爲諭解亨尤縱橫亨姪彪驍雄公稍裁抑亨請出彪守大同公嘗臥病中官更番來視見公家且蕭然因聞 上特勅上方繼供資用公藥須竹瀝

名臣記

卷之十七

六

陳南三言七十八

上幸萬壽山伐竹取瀝昇公和藥言官或言公柄用太過 上意益堅羣猜遂起怨謗亦興 上病時 上皇出南內復位亨以奪門爲功誣王文與太監王誠及公意欲盜金符迎立外藩都御史蕭維禎恨王文排已得先入內閣又恨公每抑維禎維禎攘臂欲殺公奏公謀反當族 裕陵持之下徐有貞從旁言不殺諫今日之事何名有貞即理公自知功高隙深廷訊不復自辯時年六十籍其家無長物惟 上賜盥甲袍帶子冕戎龍門公死之日天日驟變陰霾蔽空思功悼枉四海一訃章皇后憐公忠於社稷有功不賞嗟嘆累日面諭上何不留諫 上深悔悟未幾代公尚書陳汝言敗 上曰于謙囊橐罄懸汝言賊穢山積賢否相去奚啻天淵亨從旁聽 上言低頭大慚懼俄有邊警廷議紛紜恭順侯吳瑾對 上曰諫不死虜不至此 上默然茂陵雖中遭廢厄念公勛績事起倉卒不遑申救每一念公爲之歎息茂陵即位之初赦冕還公沒產成化二年復公官遣官致祭曰 先帝已知其枉朕心實憐其忠弘治三年特贈太傅諡肅愍建旌功祠令有司春秋祭公遺骸

得都督陳達密賂守者收瘞見請歸葬祖塋今建祠地是也見改文資授兵部員外郎進禮部郎中南太僕少卿應天府尹致仕節樂修潔有文學婦錦衣千戶朱驥亦坐戍邊有還累官掌錦衣衛事都指揮使冕無子徽人云公族子世杭州衛正千戶奉祠李夢陽曰賊酋擁太上皇大同城下勒降也大同人登城謝曰賴天地宗社之靈國有君矣至宣府城下宣府人登城謝曰賴天地宗社之靈國有君矣至京城下京城人又謝曰賴天地宗社之靈國有君矣於是公颺言曰豈不聞社稷

名臣記

卷之十一

七

三百六十六

尚書王莊教公

公名竑字公度江夏人成籍河州正統四年進士公正直剛毅有經濟才初爲戶科給事中邸王監國初坐午門南面視朝百官勅王振誤國讀彈文未起錦衣指揮馬順振黨也從旁叱言官去公起浚順首曰此正奸臣當亟誅百官批殺順又索毛

王二長隨監國爲擊死血漬丹陛內臣滌血儀長史曰勿滌爲若曹鑒俄遣都御史陳鑑籍振家并其黨是冬虜犯京師命公監守北城軍當是時北城諸將獨彰勝退虜京師解嚴公上言虜去不大挫必再至宜急爲戰守計勿遠謂無事陞僉都御史守居庸關訓練士卒繕塞險隘軍政一新又能諭以大義感動羣心北門屹然尋病還京薈啓代公景泰二年總漕淮上三年兼巡撫清理鹽法賑濟勅巡河御史王琨貪食淫誦珉戍開平會災傷四年上疏言山東河南東昌開封抵江北徐淮去年正月大雪異常夏秋雨水人民廬舍漂蕩麥稻淹沒老穉顛連流徙邇者新春風雨連月寒沍倍冬不識天意何在嘗觀易泰卦彖曰內陽外陰君子道長小人道消否卦彖曰內陰外陽小人道長君子道消蓋陽爲君子陰爲小人今方春陽長其候類秋冬是陰盛陽微殆食祿者君子少而小人多故也然小人之行豈懦而無用鈍而不敏訥而無言愚戇而冒犯天怒者乎必其欺詐若誠敬便佞若忠鯁大貪若廉大姦若愚即書所謂靜言庸違孔子所謂色厲內荏者是也伏望 皇上念

名臣記

卷之七

八

四百八十六

名臣記

卷之七

九

陳元百八十

宗社稷之重上天咎徵之戒責有位之臣痛自修省改圖進君子退小人俾忠良者任政姦邪者屏處又必省刑罰而止聚歛節財用而抑貢獻罷無益之工嚴無功之賞散財以收民心愛民以植邦本庶幾人事修而天變可回然欲知君子小人邪正又必本於聖德之明庶伏望 皇上日親講臣俾陳二帝三王與 祖宗列聖養心修德之要以清出治之源則凡君子小人莫逃天鑑矣臣邇處臺憲致茲災異無所逃罪伏乞罷歸田里 上嘉納引咎勅諸大臣修省下災郡邑賑濟公又上疏

名臣記

卷之七

一

陳元百七十

政平委曲調劑弘濟民艱况總督漕運姦貪畏憚兼理巡撫兵民慕戴陞副都御史仍治淮安 上皇復辟謫浙江參政尋除名編管江夏居牛歲放歸田天順五年字來寇陝西我兵再敗京師曹賊反傷二三大臣南陽薦起公視師會虜退再蒞淮上威行惠戢聲望益重茂陵即位收用名賢陞兵部尚書公守正嫉邪人知嚴憚不能盡行其志三閏月請老去正德中謚莊毅公與李秉皆一時名臣比居鄉公抗志寡交出入里閭博奕諧謔公聞之曰執中八座大臣胡逐細民戲狎不自愛秉亦非公曰所謂大臣者豈立異鄉曲矯激爲哉

太子太保項襄毅公

公名忠字蓋臣嘉興人正統七年進士爲刑部主事陞員外郎扈 上北征羈虜中飼馬走七晝夜達宣府得還陞廣東按察副使天順三年按察使陝西會陝西饑不待奏報輒發倉賑全活萬人內艱陝人數千赴闕乞留奪服還任徵爲大理卿統行陝人復詣闕乞留改右副都御史留巡撫持議岷番亂調兵撫捕降其衆成化元年虜入延綏公及寧遠伯擊虜遁去明年又與

中水泉鹵故有龍首渠久湮廢公開渠三十里涇陽鄭白渠亦久廢公募工疏鑿灌田七萬頃四年固原土達滿四叛不三月有衆二萬據石城遠近戒嚴守將寧遠伯廖義伯巡撫都御史陳价逮詔獄公總督軍務同馬鈞陽劉玉進討伏羌伯又戰死我軍遽退公即陣斬千戶狗陣始定衆望望援兵廷議亦欲濟師公移兵據賊水草困賊兵部惡師老賊乘我請詔問公公請勿濟師主議者惡公異已扇浮言公益堅困賊相持百日賊稍來降公隨二卒單騎抵賊寨曉禍福諸脅從賊日相率降滿四率驍賊時時出劫營前後大小二百餘戰賊愛將楊虎狸者夜遠汲被擒公罵虎狸黠賊叱斫頭虎狸伏地乞宥死自効公即假詞色諭順逆許立功不死又解金鈞束賜虎狸遣去約爲內應滿四竟爲虎狸所誘擒凡斬首七千六百俘獲二千六百因陳四事爲經久計是時兵事急訛言洶洶公督軍矢石雨下無懼色常歎曰奉命討賊久無功甘心效死鈞陽服公勇毅狗國召還會京圻大水勅巡視順天河間永平發廩賑濟更設法義勸得米十六萬五千石銀布牛具數軍民全活者

二十七萬人六年大旱荆襄流民入山者九十萬人李胡子者劉千斤黨倡流民爲亂公出總督軍務遣人持榜入山諭降即負險不服縱兵勦不赦凡遣還鄉者四十萬人編戍者萬餘人俘斬二千人上便宜十事詔暫留撫治進左都御史會有星李天田言官因論荆襄妄殺公再疏自列言爲國任怨乞歸不許八年又討平野王剛小王洪召還院判襄以公搜斬故三十餘年賊不起十年代王璽爲刑部尚書十一年爲兵部尚書代白圭尋錦衣百戶韋瑛者挾汪直爲訶察屢興大獄擅執京朝官中外重足莫敢正言其非公發憤草疏約吏部尚書尹旻諸公卿發直瑛奸罪或先漏言於直疏入幸上明聖大怒罷職還直司設監瑛坐成邊直又見上泣言此內臣黃賜陳祖生中傷奴賜祖生調南京御史戴縉幸進迎上意言直奉法無他直又得領廠直遂首誣公下廷訊事本起於千戶吳綬綬在楚軍中撓法公逐去附直用事構公欲寘死地公廷辯慷慨不少屈落職去久之諸奸次第敗復公兵部尚書致仕初直用事諸大臣耻與往來已而一二大臣首結直諸大臣因相

引附直隸言官排異已者許自陳於是商文毅公首乞去都御史李賓刑部尚書董方戶部薛遠兵部侍郎程萬里繼去翁世資代逮余子俊代公公家居二十六年卒贈太子太保謚襄毅公明果個儻達練吏事悉體民隱曉暢軍務直言正色不屑詭隨子經孫錫皆舉進士經爲江西參政錫爲南光祿卿錫兄鏞以公功世蘇州衛指揮錫子治元嘉靖丙辰進士

太保余肅敏公

公名子俊字士英青神人景泰二年進士幼孤有

名臣記

卷之七

十三

陳前三百六十三

大志迥異常兒爲戶部主事陞員外郎開霽精敏有吏才兩勢家爭田久未決公言立斷出爲西安知府西安關中會府民事戎務諸節鎮大臣使車往來極冗繁難治公酬酢從容上下孚悅西安民苦城中水嫌飲派病公爲開新渠引山泉行地中匪偏城市人人得戶汲至今便利號余公渠涇陽山高水下溉田病公不得畜公出府金貴清強吏鑿山開水道轉灌田

綏延綏自正統中命都督

手榆林亦城也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

不消也

名臣記

卷之七

十四

陳前三百六十四

七年置衛八年公廣榆林城增三十六營堡公請盡蘆陝中人有伍籍詭落者及罪謫南戍子孫不能南風土者實榆林衛又擇俊子弟教之讀書請建學立官師爲弟子員俗多棄地不圖藝公又教之樹蔬果開界石外地與屯田歲得糧數萬石自是榆林始爲重鎮東渡河連大同西接寧夏虜不敢復肆出入公又上疏言陝西有二邊延慶寧夏甘肅三邊之中延慶爲內地國初逐出北虜遠遁黃河外至正統初渡河犯近邊始於沿邊立界石創營堡築墩臺天順以來虜知東西諸邊各據險以守難窺伺惟延慶一帶地無險阻可以馳突屢來犯邊掠我邊人爲鄉導遂知河套所在入屯其中自是虜顧居內而我列屯守禦反在其外臣以爲莫若於沿邊一帶墩臺空處築爲邊牆立若堡况舊界石一帶多高山斗崖依山形隨地勢或剴削或累築或挑塹綿引相接爲邊牆便報可於是東起清水營紫城砦西至寧夏花馬池東西二千里每二里間爲對角敵臺砦連比不絕空處築牆如新月狀以偵敵避射凡爲堡十有二崖砦八百一十有九小墩七十有八大墩十有五兩月成

自是虜寇益稀十二年移鎮陝西會詔議弭盜安民之策選將厲兵之方條上七疏皆行之芳令十三年入兵部爲尚書公在邊久知虜情及將校勇怯地里險易遠近虜所出入凡邊臣奏請從中調度輒中機宜未幾致仕召加太子太保改戶部公又能知錢穀經實曲算盈縮諸吏少年敏悟者自謂不及也十八年又出總督宣府大同山西三關軍務言禦虜利用戰車條奏上二十年召出宣大還京以左都御史致仕復召爲兵部尚書乞致仕公凝重簡默外和內嚴正不詭俗廉不近名每

名臣記

卷之七

五

三

五

關中三巡撫廷璋由選舉爲工科給事中都給事中以副都御史巡撫
太子少保程襄毅公
公名信字彥實休寧人生於河間正統七年進士十年選給事中吏科景帝即位疏薦起薛文清公虜犯京師公監軍守西城上五事曰新號令以振軍威募勇敢以備警急召勤王以遏南侵設武備以防內變養銳氣以備戰守都督孫鏜禦虜西城外失利諸將不相援鏜急呼城門求入公不肯說言鏜小失利即開城納鏜虜益張人心益危

名臣記

卷之七

六

三

五

恭政山東山西遼東宣府故隸二藩公至遼東愛去六年服闋改四川理餉松潘天順元年入賀會錄昇奉間進言者陞公太僕卿公案故事理管衛馬三營大將石亨孫鏗曹欽並跽言太僕苛急請馬隸兵部太僕寺言馬政 高皇帝諭馬數勿令人知今隸兵部馬登耗太僕不得聞即有警馬不給請以責兵部 上是公言復歸太僕二年陞僉都御史巡撫遼東建州酋董山通朝鮮受偽制爲中樞密使公廉得偽制疏請先發伐其謀 上爲遣給事中使朝鮮錦衣譯官出建州董山匿不承出偽制示之皆愕懼乞貢馬謝罪會虜年來欲寇遼東塞公提兵出境屯三月解遼東總兵海寧伯董興倚吉祥姻又昵都指揮夏霖恣不法分巡僉事胡鼎發霖奸賄罪四十事公條上詔錦衣指揮郭英逮霖籍其家英得霖貨米減霖寇深遂劾公惑外臺官漬聖聽詔詰公不肯引咎徵下詔獄調南京太僕少卿五年召還侍郎刑部憂去成化元年起爲兵部侍郎當是時兩廣川陝荆襄諸路用兵獨署部區畫方略皆中機宜先是四川貴州山都掌蠻叛兩鎮守將不相下兵久無功朝議遣憲

大臣督戰科道官在軍中者忽生口捷得賞未幾諸蠻又叛據大壩山菁險破合江上九縣三年進公尚書督軍興襄城伯李瑾發川廣雲貴番漢兵討賊公至永寧分大軍三道自督入金鵝池四川軍由茂縣貴州軍由芒部雲南軍由普市入期會大壩大軍進至李子關渡船舖賊恃險拒敵飛校下砦石如雨我軍發神鎗勁弩賊却攀崖上順風舉火焚其龍背豹尾二寨賊退保大壩貴州軍已蹕其後四川雲南軍角其左右賊驚散不支連破諸賊寨斬首五千擒三千餘賊復走入天井水二洞洞窺幽暗不可入室洞圍守月餘賊死幾盡九姓土獠附賊乘選師撲勦又大捷請移瀘州衛渡航舖控諸蠻分山都掌故地隸永寧芒部更大壩爲太平川立長官司轄熟夷論功兼大理卿官官論公上首虜不實公四疏請老不允七年春無雨雲公應詔條關政言兵事可更張者四兵弊可申理者五其大者延綏兩廣歲遭發遣以捷聞朝以捷賀上下相蒙戎夷益肆四方流民盡聚荆襄不早區畫變起中土 天子六師驅蹙是重京管土馬疲耗器甲頓朽非大更張緩急可憂是歲改

南部叅贊機務公曰叅贊謹非常有司事非所宜預八年合南都大臣言與利除害二十餘事乞召還給事中王徽劾退南京守臣應城伯孫繼先明年致仕又明年卒贈太子少保諡襄毅以功得世錦衣百戶公才雄氣果然沉思曲算顧不輕洩先是虜久據河套中議遣大同守將楊信將兵十萬搜套公執不可公征南蠻制詞官殺皆得專斷迨班師不敢輒賞殺一人曰刑賞天子大柄顧問外事不易集假大臣東攝人即幸事集輒自專非分有奇禍少時力耕養父母及貴寡怨自檢花鳥書畫不接耳目割田五百畝爲義莊贍姻族人子敏政字克勤成化二年進士敏政幼靈異少時讀書一目數行下以奇童薦入翰林登甲科益攻學問淹貫經籍成化弘治間翰林稱敏政學最博贈李東陽文章俊麗陳音性行真純敏政爲官坊侍講康陵東宮弘治十年起復副總裁修會典辭不至明年召至京以太常卿進禮部侍郎兼翰林學士侍東宮又明年主考禮部忌敏政者誘敏政洩會試題溺進士得金錢無算言官輒劾上逮治午門前敏政素負時名不能忍辱下人朋輩要津人

亦幸敏政敗污讒去不可復起不復相左右敏政竟奪職逾年憤懣卒敏政讀書著述尚本實議論傳經義奉法理惕惕行檢不宜無忌憚至此此出讓忌口無疑敏政少詹事時請正文廟祀典謂戴聖劉向賈逵馬融何休王肅王弼杜預八人宜襮爵罷祀郭衆盧植鄭玄服虔范甯五人各祀于鄉后蒼說禮萬言號曲臺禮戴聖等皆受業今禮記非后氏不傳王通胡瑗身立師道百世如新宜加封爵從祀乞別祠祀啓聖王以顏無繇曾點孔孟孫氏配享程珦朱松從祀大抵敏政議與宋文公相表裏竊謂禮部報聞又請錄開國功臣後裔嘉靖中議禮考文敏政言多採行敏政又請楊時從祀文廟請孝穆太后比周姜嫄別廟享所輯有道一編心經附註新安文獻志皇明文衡瀛賢奏對錄宋逸民錄近二百卷

少保秦襄毅公

公名紘字世饒單人景泰二年進士初爲南京御史有風裁劾中官降北黃驛丞御史陳綱薦如雄縣禁中官捕獵誣得禍幾不測民數千走擊登聞鼓訟寃得有調知府谷縣陞知葭州調秦州威化

初爲葦昌知府清廉自守禁官府和市吏民畏愛
十三年陞陝西參政有軍功坐事調廣西十八年
陞僉都御史巡撫宣府破虜柴溝堡巡撫陝西時
秦府旗校肆橫苦軍民悉擒治不少貸王不能堪
訐公凌親王茂陵怒逮公詔獄命內臣尚草籍其
家得黃絹一疋故衣數事亨還言公貧狀上親
閱其貲嘉歎良久立釋公且賜鈔萬貫旌其廉巡
撫河南會汪直至他巡撫率屈禮公獨與抗密疏
直多帶旗校擾地方直還上問各省撫臣賢否
直獨稱公廉能上出公疏示直直頓首伏罪

名臣記

卷之七

主

三

稱公賢弘治三年以右都御史總制兩廣軍務破
岑欽鷗鵠嶺走匿泗城遂克田州又破海南黎及
瀧水後山賊四年勅總兵安遠侯柳景貪不法逮
景下刑部獄追贓鉅萬覈其爵景千內降減賊且
據他事誣公亦被逮坐免臺諫交章論救上報
聞三原在吏部極言公廉直忠信不可棄內批南
戶部尚書黃綬改南左都御史公代統南戶部尚
書八年乞致仕不允十一年致仕十四年虜報急
以王忠肅馬恭襄故事召公戶部尚書兼憲職巡
撫陝西十五年總制陝西三邊軍務整花馬池鹽

課買馬開豫望城屯田先後斬首九千修城堡關
塞一萬四千所剄山崖三千里十七年乞致仕不
允加太子少保是歲革總制召還部辭得致仕十
八年年八十卒贈少保謚襄毅公剛毅廉介歷官
西十餘年提兵南北列位孤卿所居僅蔽風雨妻
孥菜羹麥飯不改其舊及卒家無餘貲未幾子孫
有貧乏不能存者逆瑾專政時公義兒丁玉與公
繼妻弟楊瑾爭訐楊瑾因誣公子畊有資萬計逆
瑾喜即籍公家無所得

少保胡端敏公

名臣記

卷之七

三

三

公名世寧字永清仁和人弘治六年進士公骨相
奇古家貧力學志節清峻長益韜戢留心世務初
爲德安推官陞南刑部主事歷郎中與李承勳魏
校余祐友善相切磨問學時稱南都四君子弘治
十八年春詔求言公條上十事其一言用人宜立
賢無方先朝李賢薛瑄入內閣不由翰林翰林如
胡儼劉球不由庶吉士年富以教官爲給事中王
翔以大理左寺正復爲御史今一切叙轉舉泥科
條以故才賢抑塞朋類引援乏人佐理其來有
出爲知府廣西太平太平遠惡領土宦公訪接示

名臣記

卷之七

重

三十九

禮意不擾一錢翕然帖順一撤創壹關萬夫畢集
工費數千金皆土官辦關數旬成太平州李濟淫
刑撓法莫敢詰公密授方略龍英士知州趙元瑤
元瑤擒潛來獻元瑤者瑯外兄也土官世及輒轉
展結勒索賂土夷土夷以故怨叛益輕中朝土人
公令土官生子即開府子弟應世及者年且十歲
朔望或有事調集皆携之見太守太守爲識年數
狀貌父兄有故接籍爲請官於朝土官大悅服謂
胡太守仁廉內艱歸土人走送者數萬服闋北上
過滄州會流賊攻州公入城爲州防守賊攻城不
能破去補實慶知府節約公廉有威藩府人不取
忤盡平其役賦當是時川蜀江浙盜起陞江西按
察副使兵備東鄉東鄉盜藪初縣公鋤強撫順東
鄉得安戢督戰裴源及廣昌城三邑時都御史俞
諫用兵桃源久無功寧庶人有逆謀公上平賊二
策惟勦與撫今素無定見恩威倒施事多轉展賊
益無忌憚惟舊撫者不勦再叛者不撫新起者必
撲滅于微持此三端官有定守民有定志戢戰與
農救傷卹困治安之效可尋崩解之亂可息不然
窮財盡兵連禍結後患未涯殷憂方甚又恐江

名臣記

卷之七

重

三十九

西之患不止盜賊最可憂者天旱日久千里赤地
水泉亦竭曰禾無以麥種難下來歲民饑賑救無
備省城被火延燒萬室基地所侵盡歸王府債負
所責閭閻破家莊田所逼村落結寨三司官多被
鈐束錢穀刑名奉行府案近者買辦漸行於外府
播擾逼及於窮鄉臣恐此不善處則良民不得安
生聚爲大盜臣下懼有隱禍多懷賣心禮樂政令
漸不自朝廷出矣寧王懿親多才豈有毫髮過議
但內外臣僚輔導非法自因逆瑾得復護兵以
威勢日盛上下官司承奉太過伏乞聖明廣集群
臣及江西鄉土有識士夫會議推舉才望服人公
忠體國不避權勢不惑浮議大臣一人兼任提督
巡撫之責假以陳金彭澤之權使其統御將帥調
度兵食激揚清濁易置官吏興革利弊甘得便宜
其新舊盜賊應撫應勦或先或後悉聽計畫萬全
奏聞區處久困窮民妙選循良曲加撫綏早期休
養務使安全更乞溫詔諭賢王益崇謙順遠避
嫌疑仰遵祖訓止治國內官僚江西藩臬郡縣
應有政務專事朝廷奉持常憲無得干私同上
法該府更宜嚴戢官箴恪守禁例苑

貧民莊田基址悉還原業再有稔惡不悛及投充
撥置考法司提問如例更乞嚴勅鎮撫以下官欽
奉 文皇聖旨事例凡遇王府發放事務必須奏
准方許奉行庶幾小民有再生之望地方無意外
之虞宗室有磐石之固九重舒南顧之憂疏上宸
濠大懼徧賂權奸朱寧蕭敬張銳等及兵部尚書
陸完都御史石玠坐公誹謗妖言離間罪必欲殺
公公先是已陞福建按察使乞休未得允歸抵家
宸濠徧遣覓徒挾 上旨襲公巡浙御史潘瑄
宸濠盡囚公家人索公甚急會李承勛爲浙按察
使匿公變姓名間道歸命京師得不死下錦衣獄
公獄中三上書言江藩橫逆朝野皆聞微臣懇愚
天日共鑒兩京言官程啟充徐文華輩並疏論救
諸奸亦懼後事未可知公得出獄謫戍濬陽居四
年宸濠果反釋公士伍薦除湖廣按察使未任嘉
靖初擢僉都御史巡撫四川公疏勸修德講學條
上四川爲土蕃所苦餉道梗阻乞用人理財增兵
將明賞罰未幾召爲吏部右侍郎永上外艱去服
闋乞休時大禮議未決江淮饑人相食公疏乞早
定大禮赦羣臣小過簡賢求治疏成不果上聞羣

臣伏闕爭大禮得罪又疏言羣臣心欲効忠詞乃
過激乞擴然開釋消除疑沮圖回治安召爲左侍
郎兵部上京東邊備二十五事又上大學仁人能
好惡洪範惟辟作威福臣無得僭易大傳不出戶
庭無咎講議三章疏上留中言官因劾公告密公
乞下臣章宣示引罪求去不允又上知人官人二
十事尋以病乞改南京吏部侍郎未幾擢南京工
部尚書以左都御史召與康惠公同過浦疏漕河
事宜改刑部尚書霍南海言公廉直宜總憲加太
子少保仍右都御史提督團營尋復尚書刑部永
嘉惡陳九疇公力爭九疇有功河西忠勇不可殺
九疇快奸回輕中國九疇得不死風霾詔求言上
勤學恤民任官干事轉兵部尚書加太子太保力
辭至三疏言外虜方強內憂日甚天下之人闐然
皆無忠義之氣我朝尚書兵部者臣鄉里所聞方
賓于謙耳目所逮劉大夏彭澤忠力爲國不得保
全其幸免者依阿軟媚坐視養亂者也援姚崇李
綱故事上定武略崇憲職重將權增武備更賞罰
御土夷足邊儲絕弊源正謀謨惜人才十事屢說
時安仁倡言太平勸 上銷兵興禮樂公又持疏

申論武略人才二事 上知公忠鯁促上任議行
十事公議棄哈密不可勞中國奔命小夷閉關絕
貢便芒部酋沙保本未誅矯誣請實力薦陳九疇
馬吳可任軍旅唐龍可爲兵部侍郎相佐助在告
又上武備人材邊儲三事公自度不得行其志決
意辭疾去李公代公尚書逾年又召公南京參贊
機務兵部尚書辭不起嘉靖九年九月端坐而逝
贈少保謚端敏公朴忠直諒氣壯才雄濟以字問
優於經濟淡薄寧靜清素不滯席文襄公稱公詩
事如結舌草奏如懸河邵康僖公曰胡公疾惡邪

名臣記

卷三

三

六十七

警善則猶已余兩爲公屬吏手畫勉余忠孝大節
公在兵曹不數月夙弊大奸利事整刷十五六議
哈密與南海不合論芒部功王浚川以爲發其過
大不喜薦賢才安仁以爲侵官相壓亂政發怒訴
於朝哈密上營番疏制置極詳土營番劫曲先衛
人牙木蘭爲將牙木蘭擁帳內徙歸我土營番遣
使來而大臣即欲縛牙木蘭與之易哈密公議曲
先衛本中國羈縻牙木蘭反正歸順非納叛比而
哈密空城懸遠無益事實土營番善買多巧術往
住以珍奇時貴自成化至於今中國爲彼欺負

今欲其心牙木蘭以擄取我屬夷而以哈密爲餌
釣大利宜勅王璉爲國忠謀先蓋復瓜沙羽翼之
地悉以亡失屬夷封植哈密永爲不侵不叛之臣
而後請勅降印庶不辱王命且土營番方恫惴中
國懸衡諸夷但遠起流沙烏合難久我大震威畧
以誰其黨贖實義附使相破滅此伐交之術正宜
厚牙木蘭以風蠻夷及薦馬吳楚備楊必進及九
疇爲將皆報聞河西之議語侵永嘉彭澤陳九疇
得免奇禍昌化嗣伯下廷議公言吾輩不得以厚
賂故誣朝廷安仁變色大沮以故諸大臣皆忌公

名臣記

卷三

三八

三十八

公論大禮是永嘉安仁說竟不肯相依附賴上
明聖憐其忠鯁終始眷注云公有奏議行於世其
危言正色遠慮深憂天性然也子純摩慶知府有
材行屢登薦剡引疾乞致仕

少保李康惠公

公名承勛字立卿嘉魚人弘治六年進士父田歷
官都御史公幼靖敏長與諸兄郎中承恩評事承
芳貢士承箕承顏相師友修勵行業初知太湖縣
力行善政爲南京主事刑部歷戶工部郎中出守
南昌當是時南昌難治劇賊騎藩內外孔棘公深

略雄才撫機輟應正德六年執賊犯新淦執參政趙士賢靖安賊據越王嶺瑪瑙岸華林賊破瑞州公廣訓謀繕壁壘扼溪澗屢進戰擒胡雪二纓還府華林賊又叛殺副使周憲公論降健賊王奇約內應夜引兵舉火爲號大破賊斬首三千境內安輯公即上疏請蠲租八年桃源賊起江浙間執兵備吳廷舉總制俞諫請邊兵勦賊公曰賊乏食必掠裴源積粟請贖兵自德興南昌兵自岳源分兩翼伏裴源而今邊兵驅賊賊果走裴源大敗遁去太監黎安欲奪公功誣公寬賊詞大理卿燕忠即

名臣記

卷之七

三

元 三十九

訊廣信事白陞浙江按察使歷陝西河南左右布政使十五年副都御史巡撫遼東遼東故富饒無虜患自汪直開邊虜輒携貳擾我開原懿路汎河三城極殘破公修築定遠慶雲古城鎮夷松山崇河六堡墩望百八十一所屯田千五百頃又修中固鐵嶺蒲河撫順諸城皆濬隄樹木爲阻固東園稍寬進公俸一等逾年請告嘉靖初起公南臺轉南京刑部侍郎進尚書又召入吏部尚書道改刑部加太子少保上疏論時事改兵部尚書兼都御史代胡端敏公提督團營惡郭勛驕縱剪其羽翼

勛懇公欲并中端敏公公辭營務不允嘉靖八年尚書兵部當是時田州岑猛叛用兵兩廣騷動芒部沙保又叛土魯番奪我哈密搖河西小王子歲入塞公與端敏公相繼本兵同心經理戎事頗戢公奏裁各省鎮守守備內臣二十七人錦衣官校旗勇內府詭匠數千人此皆破祖宗法依城社坐耗國儲股民膏血大蠹衆束手閉目莫敢何問者公侍上聖明一旦剪剔去騰驤四衛者詭冒依附奸欺不可詰公言官府一體請官軍考選清數並如旗手等衛制曰可內臣言四衛禁軍隸兵

名臣記

卷之七

三十一

元 三十九

部不便往歲彰義門破虜東市勦曹賊皆四衛功以直內故得號召易集下兵部再議公執言往歲之事正以兵權歸閹人致亂彰義門之戰由太監王振東市之賊即太監曹吉祥也上從公議九年大風晝晦上恐懼憂邊詔問公答曰聖明有訓謹備胡戎去歲水合北虜盡入河套以故陝西邊患延寧固原爲急耳肅軍餉專仰河東宜於蘭州及時糴貯以備河西災窘曩時河西患苦土魯番亦卜刺又深八兩寇夾擾孤危益甚海賊套賊出入殺掠並經菲浪被其殘害急宜繕塞設險

斷臂截踵使賊相隔絕兀良哈最近京師不善撫
即爲門庭之寇雲南安鳳之叛軍民困敝臨安蒙
自盜賊復起曠日持久恐釀成大患交趾世子流
寓老撾異日歸命請援或據地求封皆未可測惟
用人理財早爲警備以保社稷幸甚十年議耕桑
禮詔問公答言禮有儀文政有根本惟上下儉節
墾田興水利足民衣食今日急務議郊禘又詔問
公以傳經術順人心對公楚人有名 上稔知公
幾欲用爲吏部尚書不果是年春充正使冊九
晨起趨朝暴疾卒贈少保謚康惠公學有源委才

名臣記 卷之七 三 三月十一日

徐康自守家無餘貲于牧益府長史

論曰肅愍公謙在當時衆輒罵權奸又請削公

兵柄至謂德勝之後爲無功公沒未幾端人志士

並談公事又輒流涕稱公忠勇謂公社稷臣也豈

非竭忠激於同時是非白於異世耶王公故殺焉

順頌公中權汪直余公子侯開榆林程公甫上襲

赤戶書恭公故勅柳景胡公世寧發宸濠反謀李

公故勸抗疏言彰義東市之事皆起於內臣此其

豈以死生利害動其心乎公名臣記第十七卷

皇明名臣記第十八卷

吾學編第三十九

海鹽縣志

侍郎錢文肅公

公初字習禮名幹以字行吉水人才敏力學永樂六年鄉貢上禮部七年會試中甲科時上北征又明年辛卯始舉進士入翰林爲庶吉士除檢討上喜公鄉人惡公者持公短長公行潔修無可摘乃指公爲練子寧姻宜坐奸黨劫公公懼告東陽東楊間聞上曰習禮有文學史才願陛下察上欣然曰使練子寧尚在朕且用之況習

第巨記

卷之八

一 陳前三百八十六

公感泣自奮勵獻陵即位陞翰林侍讀知制誥宣德初與修兩朝實錄四年十二月朔霜寒上顧光祿卿文官早朝寒盍賜羊酒又顧公曰皇祖考臨朝每旦常賜食朕偶忘習禮謹識之五年陞侍讀學士七年上過史館示近臣招隱歌頓首曰皇上聖性聰明文章清麗懷賢覽古天趣悠然上喜正統初與修宣宗實錄三年陞學士七年以故鴻臚寺爲翰林院落成諸殿大學士皆至公不設西楊南楊座或問公應曰此非三公府也二楊間上上命工部具座禮部叙位次

二楊始自內閣出坐諸學士上九年乞致仕不許十年吏部上禮部右侍郎用苗衷內批用公而陳循代掌院事或賀公者答曰吾今且爲有司又奚賀爲未幾陳高曹苗皆得陞侍郎入內閣公尋兼署吏部稱疾辭致仕公孝友忠信篤於倫誼厚生送死推財賑贍好古秉禮動有矩則文章論議士類宗仰歸山十五年卒諡文肅吉安永豐有曾祭字子啓永樂二年進士第一人授翰林修撰上命解縉選進士進學文淵閣公及編修周述周孟簡進士楊相劉子欽彭汝器王英王直第巨記卷之八二 陳前三百八十八余昂章敵王訓崇廣敬王道熊直陳敬宗沈升洪順章朴余學夔羅汝敬盧翰湯塗李時勉段民倪維哲袁添祿吳紳楊勉被選名翰林庶吉士入見上諭曰人須立志志立則功就未有無志而能建功成事者爾等拔千百人中爲進士又拔進士中至此固皆今之英俊然當立心遠大不可安於小成爲學必造道德之微具體用之全爲文必並驅班馬韓歐如此立心日進不已未有不成者古人文學豈皆天成亦積功所致爾等勉之朕不任爾以事文淵閣古今載籍所萃各食其祿日就閣中

玩索發實得於已庶國家將來皆得爾用不可自
怠負朕期待之意公學問日進上時召試迅筆
千言立就理詞皆到上屢擢羣書隱僻事問公
悉能對以故喜公公名聞天下明年修永樂大典
爲副總裁陞侍講數侍燕閒應制賦詩有薦文士
者必問得如曾祭否內艱起復扈從邑人坐奸黨
事詞及公上特原曰朕惜爾才也公居長安右
門外火延禁垣上不問陞侍讀學士修天下郡
縣志爲副總裁獻陵陞左春坊大學士仍兼翰林
進講從景陵南京還陞少詹事公預修三朝實錄

卷之八

三

三

三

三

三

三

三

三

三

三

三

三

三

錢韓愈北巡三考會試爲文章如源泉混混沛然
乎里又如園林得春羣芳爛然興致所到筆不停
揮狀寫之工極其天趣他人不足已嘗有餘工書
法草書雄放有晉人風自解胡後獨步當世儀貌
魁偉襟度坦夷而神情灑落能飲酒善談論平生
以及物爲心使之臨民必有所濟惜仕三十年徒
以文學自見卒贈禮部左侍郎謚襄敏南城有羅
玘成化二十三年進士爲翰林編修時武岡知州
劉遜忤氓王被逮給事中龐洋等以救遜下詔獄
玘上疏救主事李夢陽論外戚收考又疏救太監

卷之八

三

三

三

三

三

三

三

三

三

三

三

三

三

李廣死言官劾文武大臣附廣者請按廣籍斥逐
玘言不可暴其名羞朝廷宜令諸大臣自陳或坐
他事黜便正德中歷陞南京吏部侍郎上大本急
務疏言逆瑾逐榮王虛朝廷上未有子諸大臣
依違不肯爲國家遠慮忤時宰致仕去潛心問學
文益奇偉宏暢寧庶人致百金壽玘走避深山中
李文正公處瑾永間曰調護善類玘引大義責之
願削門人之籍卒贈禮部尚書亦謚文肅

太子少保鄒文敏公

卷之八

三

三

三

三

三

三

三

公名濟字汝舟其先嘉興人徙餘杭洪武十五年
舉通經儒士授餘杭訓導累官平度知州公博學
修行能文章樂易無崖岸兼通老釋靖難後大臣
薦修高廟實錄錄成永樂元年陞儀制郎中已
而修永樂大典諸儒臣推公總裁征安南公參贊
大將軍軍事草獻俘露布八年陞廣東參政十年
坐事改考功郎中獻陵留守南京擇宮寮改公右
庶子進少詹事當是時宮寮多得罪徐善述王汝
玉馬京梁潛周冕相繼下獄死公幾陷死地者數
矣竟積憂懼成疾東宮憐之書問曰卿善自攝即
不諱卿苗裔余爲提携不使墜入蓬蒿公卒後獻

卷之八

三

三

三

三

三

三

三

陵悼念舊學贈太子少保謚文敏建祠今有司春秋祀公子幹獻陵監國時遣入應天學給米月二石正統四年進士歷官太子少保禮部尚書致仕年八十四卒贈太子太保謚康靖善述天台人爲左司直郎陞右贊善耿介恬靖汝玉長洲人仕至贊善兼檢討坐戍邊東宮特宥之竟累下獄死汝玉聰敏過人文章精粹洪熙初贈汝玉太子賓客謚文靖善述太子少保謚文肅京武功人洪武十八年進士靖厚端方累官北京行部侍郎兼官察謫戍廣西已而有薦京者竟坐前事下詔獄死洪

名臣記

卷之八

三

洪武

應初贈少傅謚文簡潛太和人洪武二十九年鄉舉歷訓導知縣靖難後召修實錄成陞修撰尋兼贊善永樂十五年夏呂方三尚書薦副西楊輔太子監國坐陳十戶事被譏周冕並逮詔獄卒妻楊隨潛北京潛卒慟毀不食亦卒潛聞爽弘毅通諸經尤長於詩易爲文章務去陳言出新意見寧波人爲司諫春坊

侍郎劉文介公

公名儼字宣化吉水人正統七年進士第一人除翰林修撰茂陵在東宮公爲左春坊大學士充國

史副總裁已而陞太常少卿兼侍讀學士景奉七年考順天鄉試內閣陳循王文有子試屬公公不爲地皆不得舉二人令其子錄試文訟公閱文不明取士徇私會譚字官劉淳卷注翰林院考中送入貢院比書榜竟落淳名二人因劾公違制并摘命題雖欲自絕語請如洪武中劉三吾等坐公罪重開科試士上命高文義公覆試諸得舉者朝退高公請奏事門上力言二臣之子文亦可觀願解有定額儼等本無罪上重違二人意令順天府推其子會試王文復疏辯上不喜曰敢再言

名臣記

卷之八

六

洪武

侍郎儲文懿公

公名璫字靜夫泰州人成化二十年進士歷南京考功主事文選郎中弘治七年調考功十年陞太僕少卿公淳行清修與物無競而自守介然在考功出入三年臧否不淆交游稱寡嘗薦張吉等五

人可任諫官論救科道龐泮等不宜以言事下獄又上言乞令史官紀注言動如古左右史康陵初陞太僕卿明年僉都御史總糧南京間局無事專心經史訪輯國朝故事又明年入戶部爲侍郎逆瑾專權益甚公卿奔走瑾前公愧憤引疾求去長沙與公善得允致仕內批公有才望行且起瑾公去數月瑾誅不數月起公時瑾雖誅諸倖倂繼用事公益不樂明年又乞休去七年改南京戶部是年冬改吏部南京公辭益力起益數其淳易恬靖人皆慕之卒諡文懿

卷之十八
七
太子少保邵文莊公

公名寶字國賢無錫人成化二十年進士初知許州愛民訓士弘治七年入戶部爲員外郎郎中凡歲杪會計出納及勾校京邊儲蓄鹽屯皆公區條具疏陞按察副使提學江西章勵名節敷寬善誘累官泉藩長吏政總大端而已正德四年陞副都御史總漕巡撫江北公有清譽在江淮不事改革赫赫漕大小將校皆嚴憚不敢苛黷未幾事忤逆瑾瑾又惡平江伯平江伯者漕帥也事連公瑾益忿禍且不測長沙力解得致仕瑾誅起巡撫貴州

陞戶部侍郎公故熟知戶部程法見財用竭耗心憂之七年請養母歸十四年陞南禮部尚書辭嘉靖初再辭詔特與終養母服闋請致仕不允卒贈太子少保諡文莊公質性淳懿問學該洽孝親收族獎誨後進應務之才細巨皆適所著學史簡端錄二書巡撫吳廷舉上于朝

太子少保楊文恪公

公名廉字方震豐城人成化二十三年進士爲給事中南京建議皆國家大體邊防要務弘治十三年陞南光祿少卿歷南太僕少卿通政正德七年

升順天府巡撫後裁諸賈冗愛人節用京輔稱清

十年陞南禮部侍郎進尚書大禮議起具疏同南

九卿請考 孝宗母 昭聖以崇正統一本之義

報聞公好學能文負時名史事精敏性介耿耻回

互論事據經義時傳律例通古今所著有國朝名

臣言行錄行於世卒贈太子少保諡文恪

祭酒魯文恪公

公名鐸字振之景陵人弘治十五年進士庶吉士入翰林閉門歛跡不事交游爲編修益沉潛學問不專爲文詞歷司業祭酒端飭自勵日危坐焚香

讀五經四書不肯言人短長及時政得失慮心納已清慎不渝憂時濟世之心每悵悵焉屢請告屢起屢歸羣情鄉慕益兢持名節嘉靖初交薦不起卒年六十七謚文恪

尚書崔文敏公

公名銳字子鍾一字仲臯安陽人弘治十八年進士改翰林庶吉士授編修正德初宦瑾擅權鄉佐皆伏謁跪公遇瑾史館門獨長揖瑾怒目視公他日諸史官旅見又皆長揖瑾益怒謂張綵曰翰林白面後生多輕薄如崔銳尤甚會 孝宗實錄成

卷之八

九

陳於

瑾燭前史官陞級調部屬州縣練政理改公南京驗封主事瑾誅召入翰林上書李文正公及時悟主救民薦賢理財張兵無徒驅獵翰臺十一年九載滿陞侍讀明年請告歸嘉靖元年召修 武宗實錄明年日講陞南京國子祭酒公開誠善誘明教條正文體日衣冠坐東堂對諸生問難時議大禮江南北大饑人相食公上疏略曰近者主事張璉等以先後獻議起遷大學士蔣冕尚書汪俊修譏呂柟編修鄒守益監察御史馬明衡等以上疏罷斥御史段續陳相吏部員外郎薛蕙下獄仰惟

皇上求備禮於本生至孝也然當詳稽禮意大順通情獨任已意亦易有極疏入報間十八年春改少詹事兼侍讀學士未幾擢南京禮部右侍郎都御史王睟言句容朱家巷者 皇祖故鄉墳址且在請表揚公獨持不可曰興王之基失實爲罔事竟寢尋病致仕卒贈尚書謚文敏公宏才博學好古能文素履礪然出處無玷銳嘗曰予讀元子述時述命述居三篇蓋全生保行之道非得已也予自丁丑迄甲申仕于兩京不及二載餘皆山林閑佚之日撫已相時古今何相遠哉乃仍舊題綴緝

見刊詒及經貽諸同好云文多不錄

侍郎呂公

公名柟字仲木高陵人正德三年進士第一人除翰林修譏公初入庠校與馬理康海皆有名關中既入翰林柟靖端約力學慕古時逆瑾用事以公鄉人欲引公啗公驟與卿佐且援先朝故事得入內閣公遜避不與求往瑾憾且中 公會瑾敗得已九年請告歸嘉靖元年復除修譏三年議大禮下詔獄降解州判官六年陞南考功郎中九年陞卿南尚寶十三年陞南太常少卿十四年陞祭酒

國子監公篤行率人勤於訓迪每有條約動遵古
誼經書子史博讀詳玩並有發擢門生環向請益
耳聽口授無倦容無擇言十五年陞禮部侍郎南
京十八年致仕歸越四年卒時有馬汝驥字仲房
綏德人正德十二年進士卒謚文簡武城有王定
字純甫正德六年進士歷官吏部侍郎仲房簡靖
端恪純甫淳懿溫恭並有文學負時望難進易退
未究其用而卒善類惜之

論曰諸君子文學節行足任承弼往往惟譏排忤
權奸否即抱病天閑不獲致用儻所謂命數非耶

路臣記

卷之八

二

三

不然錢習禮

劉儼崔銳

呂楠

豈在胡商彭徐之下

鄒濟

儲璠

邵實

楊廉獨不得與金李呂楊奕乎

皇明名臣記第十八卷

子履華疏

孫心耕

皇明名臣記第十九卷

五學編第四十

海鹽鄭曉

聘君吳公

公名與弼字子傳江西崇仁人父溥爲國子司業
事建文君永樂中爲翰林修撰公資稟英異八九
歲時讀書鄉塾已熾然不凡年十九見伊洛淵源
錄日夜玩讀至程伯淳亦有獵心喜曰審知是吾
亦可學爲聖賢遂去舉業謝人事獨處小樓盡讀
四書五經洛閩諸錄收歛身心沉潛義理足不下
樓者二年中歲家貧衣食不給風雨不蔽躬親耕
稼足胼胝非其道義一介不取四方來學者約
已分少飲食誨教天順元年石亨謀於南陽南陽
爲草疏薦留中數日 上問南陽與弼何如人對
曰與弼儒者高蹈古昔明王莫不好賢下士 皇
上聘與弼即聖朝盛事 上曰善卿草勅加束帛
遣使聘處士勅曰朕承 祖宗丕緒求賢圖治亦
有年矣永惟勞於求賢然後成治爲之治樂於忘
勢乃能致難進之賢聞爾與弼潛心經史博洽古
今蘊經國之遠猷抱致君之宏畧顧乃嘉趣丘園
不求聞達朕眷懷高誼思訪嘉猷企望丰儀以咨

名臣記

卷之九

三十五

名臣記

卷之九

二

三十五

啓沃夫古之君子隱居以求其志行義以達其道
而獨善自安豈其本心諒爾於行藏之宜處之當
矣今特遣行人曹隆詣爾居所徵爾赴闕仍賜禮
幣以表至懷其惠然就道以副朕翹望之意比至
上問南陽與弼宜何官對曰宜授官寮侍太子講
學 上曰與弼德左對曰與弼至乞召至文華殿
顧問 上曰然又乞與館次俱張 上曰然已而
見 上文華殿公辭官 上曰前公前 上曰久
聞高義特聘爾來何爲不受職對曰微臣草茅
之士少時多病杜迹山林本無高行徒以聲聞過
誤塵薦牘聖明過聽龍書束帛天使造門不勝愧
感力疾謝 皇上厚意今年六十八實不能供職
上曰官寮優閑不必辭公辭益力 上賜文幣八
酒牢廩遣內臣牛玉送館次 上起顧南陽曰此
老非迂濶者務令就職公三辭不允遂稱病篤
上又諭南陽曰與弼召至何爲不受職即受職必
欲歸山俟秋涼亦不固留且辭之終身不亦可乎
卿爲朕諭此意公固辭不受留京師二月求歸益
切南陽爲 上言與弼初意本欲受一官事 陛
下第老且病進退狼狽幸 陛下包荒許再上疏

幸甚上曰果爾亦難留南陽又曰此朝廷盛
事幸始終恩禮上首肯曰既以行人聘來復以
行人送歸與靈書令有司繼粟終其身南陽頓首
曰帝王盛德事也公陳十事復表謝而歸公風格
高邁議論英偉胃次灑落師道尊嚴善感悟啓發
人其學術質任自然務涵養性情有孔門陋巷風
雪之意亦通時務能用世凡天文兵法陰陽易卜
無不諳悉嘗曰註箋繁無益以故不務著述云清
江有陳海雅號龍潭老人潛心古學遐世無悶公
雅敬重之白沙嘗以周易疑義質公公曰過清江

龍潭記

朱之九

三

陳元三百五十九

翰林檢討陳公

陳真履

胡居仁

可即龍潭老人白沙如其言往謁適龍潭雨中簑
笠犁田乃延至家與之對榻信宿辯析疑義白沙
歎服而去龍潭語兒輩曰吳康齋非愛我者

公名獻章字公甫新會人正統十二年舉人身長
八尺目光如星右臉有七黑子如北斗狀穎悟絕
人讀書一覽輒記戊辰辛未再上禮部不第聞康
齋講伊洛之學遂棄其學而學焉成化三年復游
太學邢祭酒謙試和楊龜山此日不再得詩曰能
飢謀藝稷胃寒思植桑少年負奇氣萬丈摩青蒼

夢寐見古人慨然悲流光吾道有宗主千秋朱紫
陽說敬不離口示我入德方義利分兩途析之極
毫芒聖學信匪難要在用心藏善端日培養庶免
物欲戕道德乃膏腴文詞固秕糠俯仰天地間此
身何昂藏胡能追逸駕但欲漱餘芳持此木鑽系
其如磐石剛中夜攪衣起沉吟獨傍徨聖途萬里
餘髮短心苦長及此歲未暮驅車適康莊行遠必
自適育德貴含章邇來十六載滅迹聲利場閉門
事探討蛻俗如驅羊隱几一室內兀兀同坐忘那
知顛沛中此志竟莫強譬如濟巨川中道奪我航

名臣記

卷之一

四

陳元三百八十八

顧茲一身小所繫乃綱常樞紐存方寸操舍決存
亡胡為漫役役斷喪良可傷願言各努力大海終
回狂尋歸隱白沙久之十八年布政使彭韶督府
朱英交薦召至京令就試吏部辭疾不赴越數日
赴試至部復以疾驟發辭卒不就試時年五十六
懇辭乞終養疏曰臣母以貧賤早寡俯仰無聊殷
憂成疾老而彌劇使臣遠客異鄉臣母之憂臣日
甚愈病愈憂憂愈病病憂相仍理難長久臣又
以病軀憂老母年未暮而氣則衰心有爲而力不
逮乞歸養特授翰林檢討疏謝曰臣至愚陋亦知

銜負恩德圖報稱於親終疾愈之日不敢負朝廷待士之盛意不敢違臣子效用之初心歸至南安知府張弼問出處曰康齋以布衣爲石亨所薦以故不受職求覲秘書冀得開悟主上惜時相不悟以爲實然言之上令受職然後覲書殊矣康齋意遂決去獻章以聽選監生薦又疏陳始終願仕故不敢僞辭釣虛名或受或不受各有攸宜爾自後屢薦不起或勸之著述不答弘治十三年卒學者稱爲白沙先生公嘗曰吾年二十七始發憤從吳聘君學於古聖賢垂訓之書蓋無所不講然未知入處比歸白沙杜門不出專求所以用力之方既無師友指引惟日尋書冊忘寢忘食如是者亦累年而卒未得所謂未得謂吾此心與此理未自騰泊脗合處也於是舍彼之繁求吾之約惟在靜坐久之然後見吾此心之體隱然呈露常若有物日用間種種應酬隨吾所欲如馬之御銜勒也體認物理稽諸聖訓各有頭緒來歷如水之有源委也於是渙然自信曰作聖之功其在茲乎林俊曰康齋之有白沙猶李挺之之有邵康節始求之博久之曰雜矣又求之靜久之曰偏矣雜佛老而起

佛老張朱二夫子先迷而後獲也遂以宋大儒爲依歸其立志甚專嚮道甚勇涵養甚熟德器粹完脫落清瀝獨超造物宰龍之外而寓言寄典于風煙水月之間蓋有舞雩陋巷之風焉當是時有布衣陳真晟字晦德又字剩夫漳人也人稱陳布衣骨格高聳神氣肅清望之非塵埃中八年十七八即能自拔于俗專心儒業嘗至福州應試聞有司防察過嚴無待士禮走歸自是不復計科舉務爲聖賢踐履之學初讀中庸爲行泰省察工夫覺其統緒繼讀大學始知爲學次第乃以大學爲據及讀大學或問見朱子博采主敬諸說以補小學工夫始知敬者乃大學之基本也求其所以爲敬見程子以主一釋敬以無適釋主一始於敬字見得親切實下工夫推尋此心之動靜而務主于一嘗曰大學誠意爲鐵門關難過主一二字乃其玉鑰匙也又曰人於此學若真知之則行在其中矣天順二年用伊川故事詣閣上程朱正學纂要其書首採程氏學制次採朱子論說補正學工夫次作二圖一著聖人心與天同運次著學者心法天之運次言立明師補正學輔皇儲隆教本敦率以終

圖說之意書未上先疏乞召見陳說不報及書上下禮部看議竟寢既而家居讀提學憲臣勅諭教條有主敬窮理修己治人崇正學迪正道敦尚孝弟忠信禮義廉耻等語喜曰此學校正教也然學校雖崇正教而科舉不定正考雖有正教不行因採勅諭中要語參以程氏學制呂氏鄉約朱氏貢奉私議作正教正考會通定考德爲六等考文爲三等各有案例可據而行又纂長書告當道諸君子諸君子終不能推行其說走臨川就正康齋貧其家直得五金攜兄子一人行戒之曰我死即瘞

名臣記

卷之九

七

陳於

于道題曰閩南布衣陳某墓至江西張元禎止之宿扣其學大加稱許曰無至臨川爲也遂歸鎮海教人專一靜坐卒年六十四後郡守彭桓立石官道傍題曰大明閣下兩上書請補正學泉南布衣陳先生墓提學副使姚錫祀之鄉賢祠布衣平日不爲文字之學有雜藁藏于家又有胡居仁字叔心餘千人切類異有大志七歲學於家塾言動如老成人既而學於康齋慨然以古人自期斯道自任以記誦詞章爲不足事專用心於內其學以主忠信求放心主敬爲要因名敬齋處家庭如朝堂

對妻孥如賓客端莊凝重履繩蹈矩造次顚沛未嘗少違隱微幽獨之際愈嚴愈密每日必立課程詳書得失自考終日竟夕孳孳不倦見義勇爲不擇利害爲趨舍排異端振流俗高風偉節儀表江南所著有居業錄敬齋集門人吏部侍郎余祐曰先生弱冠時奮志聖學往遊康齋先生門退而藏修于家讀書窮理存諸心者不以一時或息反諸身者不以一事或遺久之則知益精守益固養益裕而所得益深矣居業錄者先生道明德立無可告語事有感于外而無可施行故筆之于冊取易

名臣記

卷之九

八

陳於

修辭立誠之義其間論聖賢德業經傳旨趣學問工夫政教基本性命淵微不一而足至畢端佛老之學尤深辯詳闢惟恐其陷溺人心變亂士習蓋亦有爲而發故其詞繁而不殺焉莆田又有布衣劉閔恭慎醇粹孝行高古日無二粥身無完衣而處之裕如劉大夏徐貫每拜其門知府王弼齋所必致閔曰對劉君鄙各自去詞藻雖不逮其爲人而德宇道風人自難及弘治中尚書林俊薦閔以布衣入侍 東宮報問

翰林修撰羅公

公名倫字彝正吉安永豐人成化二年進士第一策對萬言中引程正公言人主一日之間接賢士大夫之時多親宦官宮妾之時少執政欲節去下句公不從爲翰林修撰會南陽起復公詣私第言不可復上疏歷陳古今起復非是且曰如其不然必準富弼故事終喪劉珙故事言事反復數千言請副提舉福建市舶自是臺省少起復者明年召復官改南京專疾辭歸閉門授徒日以註經爲業垂十年卒知公者謂公有滂沛之文奇偉之節勇敢之氣至其心所欲爲而力所未逮未必盡知也

名臣記

卷之十九

九

陳南言字一

公嗜學好古篤志力行避惡若浼聞善若驚嘗欲倣古置義田贍族人或助之堂食錢謝弗受或衣之衣行遇乞人死於途輒解覆去客晨至留飯其妻語子瓶粟聲情之旁舍比舉火日已近午公不爲意結茅棲息取給隴畝往來共樵牧若無意於世者興至爲文一發感慨之意而人亦莫之知也白沙稱公才大不可及其志青天白日云

給事中賀公

余主事武選時尚書李康惠公令剛正賢間先生言行錄爲八卷余請告歸武進唐順之稍加校錄

刻於遼東賢間先生者賀公欽也字克恭世縣定海其先成廣寧後屯爲遼西人少穎敏沉厚好學偶得近思錄朝夕玩讀得其旨要遂厭俗學成化二年舉進士爲戶科給事中見白沙論學歎曰至性不顯寶藏猶靈世即用我而我奚以爲用即日上疏解官去執弟子禮事白沙既別肖其像懸室中事之甚謹泰陵初薦授陝西叅議撫治商洛以老病母憂上疏懇辭且陳四事一曰資真儒以講聖學謂今日急務莫先于講學而經筵勸講之官所謂師友之臣尤當訪求真儒以充其任不宜苟

名臣記

卷之十九

十一

陳南言字一

以俗儒廁其間二曰薦賢才以輔治道謂新會縣歷事監生陳獻章天性高明學術純正誠當世之大賢爲士夫之矜式宜以非常之禮起之或任內閣俾參大政或任經筵使養君德三曰遵祖訓以處內官謂內府監司局庫衙門載之祖訓內官脩其職掌不過灑掃供養關防出入等事而已近年如王振喜寧舒良王誠曹吉祥牛玉汪直尚銘梁方陳喜輩或陷主虜庭身叛賊境或主易諸君禁錮南內或謀爲不軌賄易后妃或邀功啓黨流毒邊徼或恃寵招權納賂不貴或引用左道

蠱惑 上心或導進淫巧盜虛府庫此其階若謀
國蠱政殃民昭昭在人耳目者也宜深鑒已往之
弊永絕方來之禍內不可使職掌奏牘得預大政
外不可使鎮守地方掌握兵權則非惟爲國家無
疆之福亦宦官無疆之禍也四曰興禮樂以化天

下謂陛下紹基之初罷黜浮屠妄誕之邪術舉行
朱子喪葬之正禮真所謂守成業而致盛始也但
初政之施方發其端而頽敗之俗尚仍其舊禮讓
之化未行淫穢之風日甚乞申明正禮之當行並
去教坊之俗樂則固不異政家不殊俗而風俗自

名臣記

卷之九

十一

三百五十九

美民心自善疏入報聞允公辭正德四年逆瑾括
田東人驚疑思亂義州以守臣貪故遂先發聚衆
縱火劫財大擾然相戒曰毋入東街驚黃門公
往諭曰渠輩既知悔即不殺人可解鎮城當有人
至爾輩直拜跪求生慎無殺人已而撫鎮人果至
須臾又言軍至且勦衆復呼譟曰賀黃門無設語
又趨跪公里門公曰城中擾亂至此鎮城焉得不
發兵兵雖至爾等第不殺人必有爾無恐衆遂定
城中不傷一人公不務博覽專讀五經四書小學
靜思默識反身實踐冠婚喪祭遵用家禮每教人

讀白鹿洞規小學鄉人由是興於行義老更好易
究心象數手不釋卷卒鄉人祠之凌溪釣臺子士
謫鄉貢士博學篤行嘗陳十二事論王政不報辭
疾歸終身不仕

郎中莊公

公名昶字孟暘江浦人成化二年進士庶吉士授
翰林檢討與羅倫陳獻章友未幾與編修章懋黃
仲昭上培養君德疏曰成化三年十一月二十九
日內閣遣郎中韓定持小揭帖到東閣及史館分
與太常卿兼侍讀學士吳節等令各賦詩臣等名

名臣記

卷之九

十一

三百五十九

受一帖內開花果烟火等項向帖詩讀題目仍令
依舊格擬進及觀舊格俱是玩好之物鄙棄之詞
甚非所以養 聖心崇 聖德也 陛下即位之
初下溫詔放田租絕貢獻倖不急之務與民息肩
大開言路天下欣然承望太平及觀去年以來如
遣人造楮國家舊制一聞大臣之言而遂寢節令
宴樂每歲常例一因大臣之疏而遂罷向因災異
勅諭羣臣同加修省凡此數事皆臣目擊未嘗不
頌 陛下從善如流改過不吝決知 陛下之不
樂於此今日之舉或 兩宮在上 陛下欲極孝

養其惟心然大孝養志不徒玩好 母后恭儉慈仁德著天下豈在烟火之樂哉况兩廣鼎靖四川未寧遼東離亂北虜毛里孩包藏禍心江西湖廣大旱數千里民不聊生此正宵旰焦勞不遑暇食 兩宮母后同憂之日又知 陛下不暇為此至於翰林以論思代言爲職雖供奉文字然鄙俚不經之詞豈宜進於君上若不取法聖賢而曲引蘇軾宋郊爲比自取侮慢罪復何辭又嘗伏讀宣宗翰林箴曰啓沃之言惟義與仁堯舜之道邵孟以陳煙火之舉恐非堯舜之道煙火之詩恐非

卷之九

十一

聖治

信義之言臣不敢妄陳人謂此直微事細故不足論陳然止漆器惡音酒停露臺古之聖帝明王正以欲不可縱漸不可長故也疏入謫桂楊州判官給事中毛弘御史陳壯論救改南京行人司副久之以家艱去不復起居定山垂三十年有薦公者召至京徐文靖公言當復公官翰林竟復司副遷南驗封郎中得風疾遷延野寺明年乞告未得乞輒歸又明年罷

吏目鄒公

公名智字汝愚合州人成化二十三年進士生而

穎敏過人年十二能文章經史一目即不忘嘗居龍泉菴貧掃樹葉焚之照讀書達旦如是者二年文思警拔千言立就改庶吉士翰林會星變應詔陳言極論陰陽之理言少師萬安持祿怙寵殊無厭足少保劉吉附下罔上漫無可否太子少保尹直挾詐懷奸全無廉耻世之所謂小人也南京兵部尚書致仕王恕託志忠勤可任大事兵部尚書致仕王竑秉節剛勁可寢大奸直隸巡撫右副都御史彭韶學識醇正可決大疑世之所謂君子也乞盡斥小人而進用君子又言君子所以不進小

名臣記

卷之九

十四

三

人所以不退大抵宦官陰主之疏入不報弘治三年御史壽州湯雋劾萬劉尹萬尹去劉留恨雋御史魏璋附劉啖璋能去雋陞僉都御史璋即草疏署陳景隆等名劾雋與壽州知州劉榮妄言朝政嫉公者因入公名下詔獄公身親三木僅餘殘喘神色自若無所曲撓獄官苦訊公公書詞曰智與今湯雋等來往相會或論經筵不宜以大寒大暑輒講或論午朝不宜以一事兩事塞責或論紀綱廢弛或論風俗淫沉或論生民憔悴無賑濟之策或論邊境空虛無儲蓄之具當事者恨公坐公卿

樂妖言惑衆罪死刑部侍郎彭韶辭不判徐文靖公亦力言吾輩不可使朝廷有殺諫臣名獲免左遷廣東石城所吏目傳謫戍河西公既謫毅然就道衣結屨穿幾不能存親識饋遺堅却不受至石城視事兩月廢政悉舉總督都御史秦紘檄遣董巖修書得居廣城友白沙四年暴疾卒年二十

六 國子祭酒蔡公

公名清字介夫晉江人成化二十年進士爲禮部主事三年三原用之吏部竟復禮部乞南又乞告

名臣記

卷之九

五

三百五十六

國子祭酒

起按察副使督學江西賀藩王壽旦獨去朝服中蔽膝三司官舊用朝望朝王次日謁孔子公請三司先謁孔子藩王素憾林俊譏者因言公與林厚遂忌公伺公短使人傳謗京師欲併逐公一日宴藩王所故設機械直譏公不能詩文公據理正對拂其意僚友又有挾術相傾者遂決意引疾致仕逆瑾專政時起國子祭酒厭人心公已卒矣公明經博學行潔心淳氣清色和外簡而內辯與之論天下事治俗隆汙文章高下學術邪正古今人品優劣事功立後當若何成敗一以禮義折斷其言

精深剴切嘗曰儒者致用尚欲經綏一世康濟羣生今吾數口之家生計常不辦至數數仰貸他人貽憂父母才之疎分於此亦可自考又嘗題卧處曰命好德不好王侯同腐草德好命不好顏淵任窮天又曰善愛其身者能以一生爲萬載之業或一日而遺數百年之休不知自愛者以其聰明際盛時操名器徒就一己之私而已所謂如入寶山空手回也又曰分陰不惜舉力不充當事臨疑口耳無所歸手足無所措又曰處今世亦自有許多當避嫌處不可便以聖賢自擬

名臣記

卷之九

六

言全明

論曰諸君子學聖人者也志氣清明踐履篤實超然物表一洗陋俗其於喜怒哀樂視聽言動之際蓋兢兢焉若乃昌言義色違衆矯時視險如堯不淪不沮非所謂直養而無害者歟

皇明名臣記第十九卷

子履歷

皇明名臣記第二十卷

吾學編第四十一

海鹽鄭曉

尚書王文忠公

公名英字時彥金谿人永樂二年進士庶吉士入翰林未幾召公及王直入內閣書機宜奏疏五年授修撰上北巡十四年進侍講二十年從征朔至瀾樂兒海旋師至威虜命碎李陵臺驛令碑沉河中絕虜爭上顧公喜曰秀才二十八人中讀書者朕需爾爲用宜宣力勿憚勞公因言虜幸勿入險窮追一笑曰朕爲天下國家計秀才

嘉臣記

卷之二十

一

三

直不欲黥武耳又曰凡軍中一切動靜或謠言有聞即密奏朕又顧內臣曰秀才有事見朕勿闕駐安平鎮軍中有怨言上怒公言此皆壯士幸宥其過稍與恩澤異日得其死力上喜立命兵部尚書李慶給餉及輜畜二十二年上崩榆木川東宮命公與諸大臣定喪禮議國事宿內閣凡七日東宮即位陞侍講學士又陞右春坊大學士兼故官支兼俸明年乞省歸朝長陵石入便殿謂曰洪武中學士有宋濂吳沉朱善劉三吾永樂初解縉胡廣皆有名汝英慎自勉五年陞少詹事兼

侍講學士七年內艱起復裕陵即位充史館總裁講官陞禮部左侍郎兼侍講學士正統八年出理部事領日講十一年引年不允十三年陞尚書南京禮部景泰元年卒謚文安政謚文忠公與修文仁宣三朝實錄文章典贍尤善草書寬弘樂易豪俊豁達不屑曲檢顧直諒好規人過以故三楊皆不喜

太子少保周文安公

公名洪謨字堯弼長寧人正統十年進士祖父皆儒官有學行公少有奇質歷官翰林官坊專心問學爲文詞簡直有理致不爲奇澀語而言意宛轉可愛尤熟國家典故議論建白緣飾吏事應對賓客出入經史初在翰林即勸裕陵勤經筵以明聖學謹內治以敦政本未幾上時政十二事條蜀寇防禦便宜成化初爲祭酒兩國子表率生徒規閑整整又上言祀禮儲蓄省刑減役薄稅禦虜撫夷等十事我朝尊崇孔子冕服循前代用天子制而禮樂不稱封號不加公以爲闕典宜更諡下禮部鄒尚書不可茂陵用公議增諡豆十二舞八佾十四年陞禮部右侍郎尋尋左十六年陞尚書二十

三年加太子少保公又言書蔡氏傳璿璣玉衡非是以故占步不合乞更定西番烏思藏者合諸族入貢徵賞賚舊總歲益至三四千人河西諸番又詭烏思藏族益不可詰公請視海中倭夷給與符二十道每貢書貢使名及貢物符上識以舊賜金印至關驗是納否斥去成化木月當食不食衆議宜賀公言陰盛故不可賀竟不賀弘治元年致仕歸聞有虜警力疾上安中國禦四夷十事又三年卒謚文安

太常卿張公

名臣記

卷之二

三

三

公名元禎字廷祥南昌人天順四年進士選庶吉士翰林爲編修言選給事中不必論軀幹惟其識遠大學問該博文章優贍耳諸給事中惡公言竟格不行茂陵即位上疏勸行二年喪又言治道大本原在講學聽治用人厚風化行此四者則庶政畢舉未幾與時宰議不合請告歸家居二十餘年益潛心理學名益高廷臣交薦弘治初召修憲宗實錄進左贊善上疏勸行王道反覆幾萬言錄成陞侍講學士去南京乞歸養母家居者又九年修大明會典交薦召爲副總裁陞翰林學士

日講泰陵知公名特聽公講說喜母服闋又交薦進南京太常卿修通鑑纂要又召爲副總裁改太常卿兼翰林學士日講又侍東宮講讀未幾掌詹事府管內閣詔勅疏勸經筵講太極圖及西銘諸性理書東宮講孝經小學上忻然嘉納亟索太極圖觀曰天生斯人以開朕也且將大用竟不果公貌癯然纖弱勤學好問力探經傳隱多所獨得論議揭揭崖岸孤貞剛果之氣不可屈好面折人過交陳選羅倫陳獻章皆以道學相規切

太子太保林文安公

名臣記

卷之二

四

三

公名瀚字亨大閩人成化二年進士爲翰林編修歷陞諭德弘治三年爲祭酒上疏請開科進人才大略謂今天下學校作養日盛科貢二途取有定數歲有常規不無遺材淹滯之歎詔開貢公祭酒垂十年待諸士嚴而有恩請託不行故事祭酒膳役銀歲百數公悉貯官俸祭酒公署及監中諸師儒寓舍九年進禮部侍郎掌監事十二年入吏部爲侍郎明年爲南吏部尚書會災異率羣僚陳十二事曰明黜陟去冗官清吏弊定庄田折鹽鈔處生嚴軍政省供應収才望禁奸貪停不急寬民

力時有御史自巡按逮獄二三儒生僉錄傳奉授中書舍人上疏申救御史乞寬宥全風憲之職收同中書舍人成命杜倖進之門則天命天討自協至公忤旨自劾不報十七年復疏重根本以同天變四事曰保固南京以重 祖宗之根本佑啓皇儲以重天下之根本撫綏百姓以重邦家之根本增進賢才以重政治之根本明年甲子適符洪武十七年 聖祖開科取士之期宜加增鄉試額以廣賢路是年請老疏云臣在南京親見書翟瑄董越謝綬王繼陳道乞休不允三年

政改州治以奉陵寢崇儉德以裕財用省虛費以甦軍民增貢舉以進人才修武備以禦寇盜省匠役以甦民困節工役以省財用清吏役以革宿弊清馬政以防欺蔽大優容以廣言路剴切無忌諱是時逆瑾側目方正士會南京科道官言事被逮公獨往送贐俸金且議上章直諸言官瑾聞之恨勒科道招詞逮公爲黨矯詔降浙江左叅政致仕瑾恨未已復矯詔指公與大學士劉謝尚書韓文等爲奸黨瑾誅復尚書致仕按察副使陳伯

尚書王文莊公

公名鴻儒字懋學南陽人成化二三年進士公聰悟天成書過目成誦作字端勁有古法里人有爲府史者嘗致公佐書府中知府段堅見公書顧

奇史史對曰史里人王生書也堅即召見曰子風神清徹豈塵埃中人即留讀書府中續食授衣遣入郡學爲諸生提學副使陳選異其文曰此高才生文章經世者非直舉業未幾發解河南第一筮仕南京戶部出納倉庾權舟督稅皆有條式便公私聲蹟遂著衆益占其爲全才弘治九年僉事提學山西十五年進副使提學在晉九載教人以養爲本文藝爲末正己率人簡約條束生徒請因材開發竟日不倦教之不幸至再三益懇請改悟輒喜士以故益信嚮泰陵勵治思賢嘗

華容論人材曰藩臬中如王鴻儒他日可大用正德改元乞致仕賜告四年家拜國子祭酒不數月憂去七年又家拜南戶部侍郎十年召入吏部歷左右侍郎嘗曰惟誠與直能濟國事趨名者亦趨利於社稷生民無益也時吏部尚書陸完有才名顧與宸濠通語言公亟稱其忠靖王忠肅二公賢可師法感動完完意不訖十四年三月陞公南戶部尚書是歲六月宸濠反完敗公出督餉留都至九江聞變趨流欲入武昌約守臣起兵討賊又聞東陵南巡益憤遵庑發背卒謚文莊公博聞多識

太子少保傳文毅公

公名珪字邦瑞清苑人成化二十三年進士庶吉士授編修弘治十三年陞左中允正德四年逆瑾惡翰林不附已矯旨大明會典文訛舛奪預修有官公降修譴貶復中允五年以學士陞吏部右侍郎明年轉左尋陞禮部尚書當是時康陵好佛自稱大慶法王外廷顧聞之無微以諫俄內批禮部番僧請腴田千畝爲大慶法王下院乃書大慶法王與聖旨等公佯不知者執奏執爲大慶法王者敢並至尊書奏天子壞祖宗法大不敬詔勿問田亦竟止寵伶藏賢請改牙牌公曰優取亂祖宗法滅又欲改教坊司印公曰優取亂

宗法皆格不行時流賊亂中原太監陸閏總軍
容征久不捷諸內臣又立監鎗名益出後曹內臣
統軍下廷議衆莫敢先發公奮曰兵老民疲賊日
熾以肩功者冗實僨事者漏罰失將士心今賊在郊
圻肺腑間民驚然思亂禍在 宗社旦夕吾輩死
不贖責諸公尚首鼠耶議罷疏上竟遣監鎗諸內
臣俄有旨令公請致仕公即請致仕去杜門謝客
及卒遺命無請葬祭嘉靖元年理守正文臣贈太
子少保謚文毅公朴端簡諒自檢甚嚴孝友之行
孚於鄉曲

名臣記

卷之二十

九

陳元三百五十五

少保毛文簡公

公名澄字憲清崑山人弘治六年進士第一人方
正端毅有濟務才初授修撰預修大明會典陞右
諭德充 東宮講讀官又預修通鑑纂要進右庶
子兼侍讀賜金緋康陵即位預修 孝宗實錄瑾
矯奪官仍侍讀尋以侍講學士日講正德十二年
爲禮部尚書公在部持正守典禮不與諸貴倖通
存謝恭默靖慎諸貴倖亦不恨公康陵崩奉 昭
聖皇太后旨偕大學士梁儲駙馬都尉崔元壽寧
侯張鶴齡韋太監邵皇親迎 皇帝與邸以功勛

居子一人世錦衣指揮同知辭充副總裁修 武
宗實錄未幾大禮議起公守漢議請以益王子崇
仁王子後 獻皇帝 上不從 章聖太后至請
由大明左門入又不從會議所生不得稱父母即
不得 帝后其所生又不從 上不喜或勸公將
順者霍韜再移書公論今日主漢議非是公不從
嘉靖二年三月病請致仕加太子太傅令屬吏護
行至興濟卒贈少保謚文簡公心術平夷學識淳
正狀貌抑抑謙恭至是非義利禍福確乎不可拔
也

名臣記

卷之二十

十

陳元三百六十四

論曰余釋褐時文簡公 毛 潛 知貢舉國士遇我也

公清修雅量顧宏達無枝柱然有定執不曲徇人
大禮議起公最先去當是時內閣楊廷和蔣冕毛
紀賁宏五部尚書喬宇孫交彭澤林俊趙璜詹事
尚書石瑄吏部侍郎汪俊何孟春云文忠 王 與
抑菴 王 齊名稱東西王皆阻於廬陵 楊 士 不得
入內閣東王 王 直 久秉銓柄公竟置散地商文毅
公 不能薦周文安 洪 謀 乃萬安劉吉皆得入內
閣張公 元 禎 家居時人爭薦東白 元 禎 名儒碩輔
一起又交章醜詆諺曰毀譽無常朝玄暮黃信然

林文安諭傳文毅珪二公皆守正抗奸佞風節稜

稜文莊王鴻在外僚遂受知泰陵皆不究其用

皇明名臣記第二十卷 子履準校

孫心材重校

皇明名臣記第二十一卷 吾學編第四十二

海鹽鄭曉

太子少保李義敏公

公名秉宇執中曹州人正統元年進士爲監察御史才識宏博議論持正已負公輔之望景泰二年宣府總餉侍郎劉瑾巡撫都御史任寧罷公以僉都御史總督邊儲叅贊軍務劾退柴溝堡都督董斌又盡更置諸不才將校三年秋瓦剌入貢上言迤北使臣納哈赤等三千人馬駝畜四萬餘匹除進貢外存養宣府日支草料宣府草不過二十萬東料二萬石我兵尚不給何以供虜使且永樂宣德間虜使進馬官驗不堪者令虜草地牧放不許入境住劄窺伺正統間許住牧大同以故深知地利數犯邊今虜使畜多謫詐之計不可不防是年冬兼巡撫尋改提督軍務公遂薦葉盛叅贊獨石諸城軍務劾總兵紀廣副總兵楊能上曰塞圍方棘不得以細故掎大將下巡按御史覈報廣亦訴公專權召公還京以右通政蔣琳爲僉都御史代公言官交章請留公上爲且留琳遣言官即勸改琳貴州鎮守督軍務巡撫公留宣府四年掩

名臣記

卷之二十一

三

土木鴟兒蠻戰沒遺骸萬五千請下大同紫荆諸鎮並掩凡十數萬是秋病乞代不許許公一子視疾其在遼東巡撫皆能節用愛人恩威兼濟史民畏服又能識破將校斥遠烽火塞上無大寇深入即小入輒先覺驅出塞即已以故邊民得休息軍無冗賞虜亦知公名輒徙帳避去成化二年輩山誘海西寇遼東公及武靖伯討降山達山至海寧誅之徙其黨廣西加太子少保還臺四年入吏部代鹽山爲尚書請寄不得行五年春致仕元公與王竑並以剛方負時望坐廢再起起撫公遼東王陝西未行改淮揚尋都給事中張寧薦公爲兵部尚書王左都御史葉盛入閣時導自廣東入議事御史呂洪言公尤可薦葉盛名損於嶺南不可薦薦公及王竑上用王兵部公都察院葉亦改宣府未幾公入吏部公在吏部時崔尹爲侍郎不相能適巡檢事爲考功郎中張寰所持康御史又以星變合諸言官乞汰京官且劾戶禮兵部尚書馬昂姚夔程信學士商輅康御史者本與公善諸大臣益忌公公請會臺官考察京官大臣被劾聽自陳上留姚程商三公馬罷去又有戴御史者

名臣記

卷之二十一

二

三

計方面官復如正統間例聽在京三品以上大臣
薦舉語侵吏部劉御史又言薦舉開競門不可是
年朝覲斥退者衆又多大臣姻黨兩侍郎時時短
公蕭給事中遂劾公下廷議兩侍郎唯唯曰吾二
人嘗言之奈不肯聽何公遂致仕與來朝被斥官
河辭竟快諸議忌者蕭給事中又爲山西布政使
江陵許逮詔獄諸言官又疏言王樂欲入吏部彭
時爲之內主以故逐秉彭不自安稱病商欲弭卒
口請用崔侍郎吏部尹轉左葉陞右侍郎代尹康
劉二御史蕭給事中並請官公家居言官屢薦大

名臣記

卷之三

三

三百七十四

臣忌其方鯁竟不起謚襄敏

太子少保崔莊敏公

公名恭字克讓廣宗人正統元年進士爲戶部主
事有能舉出督延綏邊儲南陽薦知萊州府府廩
故歲入漕海布數萬緡池瀾破庫人家公請量留
漕海布餘並出爲軍餉不踰年布盡歸守庫者八
百家十三年萊大旱蝗捕蝗發賑乞免下邑通租
又善辨疑獄人稱神明明年虜犯京師集兵數千
遣官部署勤王在萊六年吏畏民懷景泰三年陞
湖廣右布政使盡革諸冗費及和市苗賊侵武岡

名臣記

卷之三

四

三百七十五

秉爲尚書不久罷歸九年起爲南京吏部尚書卒
贈太子少保謚莊敏公寬平坦易中無芥蒂好善
惡惡出於天性臨事剛而不亢柔而不褻其在吏
部慎惜人材獎拔後進廉靖自居人知嚴憚

少保姚文敏公

公名夔字大章桐廬人正統七年進士明年爲吏
科給事中條上時務八事內艱闕復入科會虜變
累疏言禦虜方略景帝監國議即真公預議有
力景泰元年超陞南京刑部侍郎三年改南禮部
初考察雲南諸吏四年還朝留禮部上不豫羣

情洵洵禮官方具議 上皇已復辟調南刑部未

幾召還禮部天順二年南陽薦改吏部代孫弘佐

鹽山七年代石琚爲尚書禮部 上顧公儀度又

奏對都雅喜茂陵即位率羣臣上思艱難戒逸欲

重名節數事成化四年疏請謹小星葛藟之分以

兆百男之慶 睿皇后崩議合葬禮又議祔廟禮

上以 孝肅太后故輒報聞公疏言 先帝治令

錢后與我合葬書內閣無忘朕言此綱常大事臣

等不忍誤朝廷又率百官伏文華殿門哭諫 上

頗前再三請 太后竟從百官議泰陵嘗見公及

彭時疏謂劉健曰先朝大臣忠厚爲國如此五年

李秉去商輅欲薦公彭時欲薦王桢而尹旻又欲

得尚書相持久之乃以崔恭爲尚書是年六月公

代崔七年滿九載加太子少保是時屢有災變公

力陳荐遭侵異禍亂將起疚心危論冀 上感悟

因乞歸不許未幾卒贈少保諡文敏公資儀山立

議論河懸雄才偉度遇事立斷獎誘後進振拔淹

滯意所交識不避親故成化初公言少保黃福得

謚忠宣王木死事大臣尚書王佐鄭埜雖贈少保

未得易名佐操存正大經略弘遠埜心術端介處

格沒於王事乞謚如福例制曰可謚佐忠簡
埜忠肅

太保尹恭簡公

公名旻字同仁歷城人正統十三年進士入翰林
爲庶吉士景泰間歷戶吏科給事中天順初遷通
政司叅議六年督餉陝西成化二年陞吏部右侍
郎五年轉左歷佐王李崔姚四公九年代姚公尚
書累進太子少保太子太保太子太傅二十二年
致仕弘治十六年卒贈太保諡恭簡公選法過錄
賢愚皆說竟爲津要人所惡中傷去

名臣記

卷之三

六

三

論曰九臬王鼎執中 李秉相繼在吏部南人不喜

謂二公右北人也時內閣南人爲政各欲用南人

吏部以故執中僅一年去北人紛然詆南黨善傾

人內閣不得已乃用克讓 南人又不喜克讓

數月去而大章 入吏部出入五年北人爲之

語曰斬却姚夔頭去祭王朔墓同仁 尹旻代大章

凡十三年內閣又指同仁爲北黨巧中傷敗其名

父子奪官去甚矣銓曹之難任也

皇明名臣記第二十一卷

子履華校

孫心材重校

皇明名臣記第二十二卷 吾等四十三

海寧鄭曉

太子少保彭惠安公

公名韶字鳳儀莆田人天順元年進士爲郎部時張岐以壽寧侯兄從外臺躡僉都御史入院公疏岐不可用乞召故尚書王竑李秉侍講葉盛下詔獄給事中毛弘等論救得釋尋郎中廣東司司隸輦轂間事多涉貴近豪戚骨挾撓沮公屹然持正不吐茹外戚家冒賜額奪民田勃公即按頃畝公至真定繞田周視徑歸上疏自劾曰昔田文令

名臣記

卷之二十三

一 陳前 三百五十九

馮驩收責于薛驪顧折券矯賜薛人今真定田

祖宗來許民開種卽爲恒產不復增科以勸力農往年韓太監廣寧侯屢奏虐民賴 先皇明聖民間稍得安業乃今周或又復強割歸秦傷民病國臣誠不忍履敵奪小民衣食尺寸地也蓋貴戚又逮下詔獄言官交論得釋他日有貴戚請荒田者上怒顧左右曰周或爲彭韶所持令朕負朝論奈何又請當是時何喬新與公同官刑部有縱術練吏事純懿貞方並負重望成化六年陞公副使按察四川劉氏扈氏曾氏殺人獄疑久莫能決公至

名臣記

卷之二十三

二

一 陳前 三百六十三

下褒賞其家幾與 先帝后家等一也內臣日增數至萬計利源兵柄盡付其手作奸犯科一切不問二也四方貢物通番航海科擾百姓驚動四夷三也六卿大臣並加師保諸寺監卿兼領高官及其休去月廩歲輿徧施凡鄙四也 上不喜芳輒從傍言公每事輒邀名方命左班相左右得大官益肆無忌 上直視芳不應芳懼伏地調公貴州未幾吏部尹尚書屢薦公大臣器 上故知公名二十年遂陞副都御史巡撫江南督糧儲公簡靖明法禁吏不敢犯明年召入爲大理卿未上又坐

內外官貢獻道改副都御史巡撫順天泰陵即位交薦召侍郎刑部會浙江不靖勅公巡視劾罷不職守臣誅其渠魁事遂定戶部言鹽法沮壞即勅公理鹽法公繪煮海貧人晒淋熬負折閱朋儕之苦節爲八圖以獻尋召入吏部爲侍郎弘治三年彗星見天津公上厚根本減役錢正近侍官爵四事又請午朝無循故奏細事四年尚書府安遠侯柳景總兵兩廣兩廣巡撫秦紘發其鉅萬景有挾欲破法且擠紘巡撫公竟抵法其爵景賊入八百兩忽降劄旨公言景賊十

名臣記 卷之三 三 三百五十五文

一即劄他日遂可營復爵位爵位既復遂可營求征鎮公在部二年請致仕卒贈太子少保諡忠安林俊嘗疏言詔謚不副行乞如葉盛吳訥等謚不報公孝友溫恭廉明直諒寡慾清心始終玷儀狀歉然不啻寒士至法理所在義色昌詞人不可奪所著有國朝名臣錄贊莆陽文獻志政志文集百餘卷

尚書何文肅公

公名喬新字廷秀廣昌人景泰五年進士父文淵進士嘗知温州府廉靖平恕郡中稱治召入刑部

爲侍郎請告歸正統中薦起吏部侍郎景泰中進太子太保佐王直同爲尚書被劾乞致仕去公幼敏銳有奇質讀書發難出人意表初主事南京禮部歸葬父卜地不得吉會宋鑑著陳文定公葬父廣昌子孫貧欲弔其葬地宋鑑此言據公曰暴人父而葬吾父吾不忍爲刑部郎中張介獻冷持法平即執是莫可撓奪爲按察副使福建擒盜捕海盜減礦課罷牛租控險設縣表儒賢政績不瑣屑簿書陞河南按察使諸貪殘吏倚強不敢詰公盡鐫暴坐法去撫輯南陽山谷流冗

名臣記 卷之三 四 三百五十九文

戶陞布政使湖廣會荆襄大水漂千家民饑公均賑平徭列九等授役成化十七年副都御史巡撫山西督三關兵事會山西又旱饑出倉粟賑輕三十萬石虜自河曲入塞急遣伏兵灰海旁斬虜大敗去召入刑部左侍郎虜酋擡衆寇大同殺邊將紫荊居庸告急勅公巡邊遣謀覘虜營聲言遣兵搗其巢虜懼不戰遁去山西又饑人相食卽命公賑贖得便且行事公請內帑准鹽銀及粥祠部僧道牒得粟數十萬石分部賑卹又饒饑人疏溝渠

太保周文端公

乃寵其子友欲奪嫡子愛諸小酋不肯從輝矯奪大壩鎮算諸夷寨立懷遠宣化二長官司又割播州凱離五十二寨設安寧宣撫司立友爲使張都御史輒爲輝畫請得旨會愛母死友母益橫專其家結凶黨誣愛反交通唐王朝廷疑愛違公即訊友母子又輦金賈賂諸權貴人欲公因愛待命衆籍籍爲友遊說必欲去愛公至盡得友子母奸惡罪條上白愛無反謀輩友宜撫削官銷印還保寧與產業自給播州遂定陞南刑部尚書疏奪內臣守備盧洲還民秦陵召公刑部爲尚書公執法

名臣記

卷之三十三

五

嘉靖十五年

嚴毅凡中外貴有力請寄一切不得行上疏乞禁京師胡服胡語鄒御史者凶橫欲躡得大理丞公薦曲阜魏紳郎中鄒御史恨公會外公外氏與鄉人訟即誣公得金錢與行賂輒下上其手要地人又從中主之公杜門引咎辭位下諸根連人詔獄窮治無踪跡公雖湧白竟不安其職請老去公卿臺諫交薦起公竟不得起卒後江西巡撫林俊論公文行政節應誣法得諡文肅公守官清慎律已方整博學精法律敏於吏事事無難易夷險不避嫌怨必行其志

公名經字伯常天順四年進士父瑄字廷玉陽南人宣德乙卯貢士初主事刑部歷陞南京刑部尚書致仕尚書兄大詳雅修髯長身善議論守官廉故鄉無田宅可歸寄家江陵卒諡莊懿贈太子少保公歷官翰林至春坊中允侍奉陵東宮講文華大訓東宮每起立拱聽內閣言太子勞公宜跪請東宮坐聽公不從弘治二年侍郎禮部條奏會傳經義政吏部靈壽人以大明川民田獻太監廣戶部執議不得允公會諸司奏竟奪田歸民八年諸大臣以災故上言屬公草疏請早視朝勤聽政節後費省遊幸止貢獻斥樂戲斥樂戲一事語尤切直頗傳踪跡此疏出誰耿尚書曰疏名首吏部裕寔具草公又曰疏草本出經即有罪罪經十年陞戶部尚書凡諸王請河湖稅錢執不與中官出南京織造者請長蘆鹽八千引附兩淮准給中官鹽銀二萬兩又執不與中官織造浙江者請甯竹木稅又執不與上說公言并停織造大同鈐戰馬鈞陽請出太倉銀市馬公曰燈馬冬不可祖訓六部不得相壓兵部輒侵戶部官非

名臣記

卷之三十三

六

三月十三日

上是公言更命太僕銀市馬給事中魯昂言國用不足請盡括諸省稅役金錢輸太倉公曰國用不足宜儉於國不宜浚於民織造賞賚濟鹽土木費益廣不節乃欲括天下財盡歸京師給事中言非是中官傳旨取太倉銀三萬兩爲燈費公又執不肯發內監臺奏增灑掃卒當給月廩公再一竟不與修清寧官議調役山東七千人公曰山東歲民貧民不可輒動請以戶部羨銀雇役壽寧侯家有賜田河間數百頃詭賜額并得旁近民田又千餘頃又乞畝加稅二分公曰河間地多沮洳歲

名臣記

卷之三

七

三

常收項因久旱即耕退灘一過淫雨遂成溝壑荷指目前輒增畝稅貽累貧民轉爲流徙且王府賜田畝稅二分外戚不宜獨優又聞茂陵妃家私田與民田比一切還民壽寧家不宜獨異疏三四上會雄縣有以退灘地獻爲東宮庄者上念公言擲其奏抵罪十三年致仕康陵卽位起南戶部憂去正德三年又起禮部卒贈太保諡文端公初在清散幾三十年編摩校閱有文章名及授政務守正應變剴裁不滯屹然有古大臣風

太保劉忠宣公

公名大夏字時雍華容人天順八年進士爲庶吉士出職方爲主事歷郎中時有獻取交南策者下部索永樂中調兵食數甚急公匿其籍徐以利害告尚書余肅敏公力沮得寢朝鮮使貢告建州虜遽道請改道由鴨綠江中官有朝鮮人爲地下部讓公曰朝鮮貢自鴉鴨關由遼陽經廣寧過前屯入山海迂回四三大城戍此祖宗微意若自鴨綠江抵前屯山海路大徑恐貽他日憂不可從定有虜入尚書必問劉郎中云何劉郎中言輒行行輒效出爲福建叅政巡海海道兵久弛公至造

名臣記

卷之三

八

三

船葦倉計儲立收支法寨設一館往來督察不半年海道肅然陞廣東右布政使嘗過崖山弔大忠祠宋慈元后陵泣然曰后與陸張二臣同死國今大忠有祠而慈元不祀義弗稱謀立廟人感其義不日而就轉左浙江弘治六年河決張秋擢右副都御史治河不能塞再遣平江伯陳銳內臣李興山東按察副使楊茂元疏乞召還銳與專任公及抑損外戚以回天意茂元謫長沙同知公集山河二省守臣上議曰河性湍悍崇秋乃下流喉襟未可輒治治于上流分導南行復築長隄禦橫波且

防大名山東之患候其循軌而後決可塞也遂疏
孫家渡河三十里四府管河十里築長堤起河南
胙城盡徐州經滑長垣東明曹單諸境長三百六
十里量能任功五旬而事竣十年虜入塞師行乏
軍與公以戶部侍郎出經畫或曰邊糧草半屬京
貴子弟此行剛且取禍公曰處天下事以理不以
勢定天下事在近不在遠俟至彼圖之至邊召問
父老得其要領一日榜通衢云某倉缺糧幾千石
每石給官銀若干凡境內外官員客商願輸者
米自十石上草自百束上聽即中貴子弟不禁也

名臣記

卷之三

九

言十六 鹽亭

不兩月積蓄有餘蓋往時糴買法糧百千石草千
萬束方聽以故貴子弟爭相爲市轉買邊人糧草
續運牟利十五此法立有糧草家自得告輸貴子
弟即欲收糴無所得邊人言自劉侍郎收市法行
倉場有餘積私家有餘財十一年三章乞致仕賜
誥杜門修廡十三年家拜右都御史總督兩廣軍
務即攜二僮行兩廣人聞公來大喜公旌賢本序
貪穢裁冗費更役法上下不便者一切更正十五
年陞兵部尚書時邊事急 上以兵事屬內臣苗
兵機虜 上召公問力言不可 上曰米

樂頻出塞破虜今何不可對曰 皇上聖武固同
符 太宗奈今兵將庸疲遠不逮昔當時淇國公
丘福稍違節制數萬甲兵一日陷虜今之將又在
福下不若且令各邊料敵戰守猶似得策 上曰
善一日召問天下衛所軍士何如對曰貧與民同
安能養其銳氣 上曰諸軍居有月糧出有行餉
何以故貧對曰江南困于運糧江北困于京操此
外浪費猶有不能盡知者翌日即詔各衙門條上
軍民疾苦有造飛語帖宮門誣公者 上曰官門
外人不能至必內臣忿不得私役軍士耳修清寧

名臣記

卷之三

言十九 鹽亭

官旨下部役軍萬餘人公請減十五督工者訴
上上令內臣語內閣擬旨詰責公洛陽曰惜軍力
兵部職近劉尚書輒以老辭朝廷下溫旨勉留尚
請未已若詰責彼將以不職固辭更於何處得如
此人用內臣以告 上欣然如公議是年以災求
去不許因上十事皆兵食要務下諸司議興革
上嘗召諭曰事有不可每欲召卿議又以非卿部
事而去後有當行罷者卿揭帖啓朕公對不敢
上問何也曰先朝李孜省可戒 上曰卿與朕論
事豈孜省比曰臣下以揭帖進朝廷以揭帖顯

行何異前代斜封墨勅陛下宜遠法帝王近法

祖宗事之可否外付府部內咨內閣可也如用得帖上下俱有弊且非後世法臣不敢效順 上稱

善嘗召問天下何時太平朕幾時得如古帝王對

曰求治不宜太急凡用人行政即召內閣并執政

大臣面議行之但求順理即致太平 上曰劉德

管薦劉宇才堪大用朕觀宇小人內閣亦豈可盡

托 上嘗召問近日外議云何曰近有旨釋李夢

陽中外懽呼 聖德如天地 上曰夢陽指斥

晚且語言狂妄朕不得已下詔獄比奏上朕試

名臣記 卷之三十三 三百七十九

左右云何應曰付錦衣撻而釋之朕知此輩得旨

即重責致死以快中官之怒使朕受殺直臣名不

忠如此朕以故釋復職刑部尚書閔珪獄大獄忤

旨批答久不下公獨對 上因語及之對曰入臣

執法不過效忠朝廷珪所爲無足異 上曰且道

自古何君何大臣亦當如此對曰臣勿讀孟子凡

舜爲天子皋陶爲士瞽瞍殺人皋陶亦執之而已

似未可深責 上領之明日允珪奏十七年北邊

缺總兵 上諭內臣語公用李李本外戚所薦也

臣言大夏得傳帖尚執奏安肯聽奴口語 上

默然一日朝罷召公 上手一帖付公帖書李李

公退至部語同列曰此非將才豈可爲大帥明日

別推二人 上內批竟用李李去鎮無幾劾臺至

上謂公曰悔不用卿所薦先是公應詔陳言盡罷

光祿無名供億歲百萬計又議革騰驤四衛軍士

內臣恨公 上召公密議又或及裁抑內臣事一

日 上召公入御榻前 上左右顧近侍內臣

避去奏事畢復來對久欲起不能 上命太監

榮掖公出榮且扶且請曰吾輩行事多失老先生

幸隱惡揚善公曰 聖上天性聰明基於政事

名臣記 卷之三十三 三百七十九

未嘗敢輕易毀譽人某今日力求退 上曰李榮

每稱卿某於老太監踪跡疎遠何以得此榮曰當

朝大臣公名第一榮何敢蔽賢時戴公爲左都御

史 上有大政事每召公及戴公面議十八年奏

二人對畢 上賜二人白金二錠諭曰朕聞朝覲

日文官避嫌有開戶不與人接者卿二人雖開門

延客誰復以賂通乎以故賜卿二人又曰勿朝謝

公卿知之且懷愧懼 上崩公慟哭不能起正德

元年加太子太保致仕二年瑾專政劉宇恨公素

陵時面對不爲宇地謂瑾曰精劉尚書家可得幾

萬金璫因潘尚書藩毛總兵銳獄詞有公名三年夏矯制逮詔獄且欲殺公下廷議屠潘曰檢律劉尚書無死罪謫戍肅州四年至河西買墓地五年赦歸田八月璫誅復官致仕公平生不以勢位自居所至愛民如子民亦愛之如父母遇事有當行未嘗先洩有疑未明者不以公移顯行雖屬官亦具手簡直述其事紙尾書名以故所委事無大小無不盡心力不相欺

貴子孫福澤泊如

士大夫家子

弟愛其父兄者俟其身後必

大筆鋪張行

名臣記

卷之三

十三

陳前三百六十一

業以誌于其墓作國史者或憑而采之予無似承祖宗世澤竊科甲官祿前後四十年在家在邦無一事可述者萬一後人私所親謬言以誤名筆縱可欺人獨不自愧于地下也耶用是述平生履歷書而勒諸石付兒祖生等藏之以俟他日其詞雖俚其事則核予心安焉公嘗曰居官以正己為先所謂正己不特當戒利亦當遠名李東陽曰東山乃昔人所謂與物無競臨事有為者也卒贈太保謚忠宣

太傅韓忠定公

公名文字貫道洪洞人母姪夢紫衣人言與爾太潞公已而生子因名文成化二年進士為給事中工科劾都御史王越薦故吏兵尚書李秉王竑頗涉兩宮越又附汪豎以故逮文華殿考試幾死出為湖廣叅議累官都御史侍郎南兵部尚書太陵知公召為尚書戶部時時召見公一日顧公長歎公頓首謝不職上曰朕欲理鹽法苦人撓沮今邊儲日急奈何公又頓首謝出上疏請革七弊一開中引鹽二典販私鹽三賤賣官鹽四買

名臣記

卷之十二

十四

陳前三百六十六

行其言康陵初即位青宮宮內侍劉瑾等日導上狗馬鷹兔舞唱角抵廢萬幾時號八虎公每朝退輒泣恨不能救正屬吏李夢陽說公大臣義共國休戚徒泣何益公曰計安出夢陽曰比言官章入交劾諸內侍章下閣閣老特劾章甚力公誠及此時率諸大臣死爭閣老又得諸大臣爭持劾章必益堅去瑾輩易耳公持鬚昂肩毅然改容曰善即事弗濟吾年足死不死不足以報國明日早朝公密叩閣老閣老許之倡諸大臣諸大臣又皆應曰諾公退具疏曰臣等待罪股肱值主少國疑

瞻前顧後心焉如割中夜起歎臨食而泣者屢矣
近歲朝政日非秋來視朝漸晚仰觀 聖容日就
清瘦可言太監馬永成谷大用張永羅謙魏彬劉
瑾丘聚等置造巧偽淫蕩 上心璧走馬放鷹
逐犬或俳優雜劇錯陳於前至導萬乘與外人交
易狎昵嫖褻無復禮體日遊不足夜以繼之勞耗
精神虧損志德遂使天道失常地氣靡寧雷異星
變桃李秋華考厥占候咸非吉徵切緣此等細人
惟知蠱惑 君上以便已行爲不思皇皇帝業在
陛下 一身今大婚雖畢儲嗣未建萬一起居六館

名臣記

卷之三

三

三

雖將此輩盡粉飾臨何補於事昔我 高皇帝親
難百戰取有天下 列聖繼承傳之 先帝以至
陛下 先帝臨崩命之語 陛下所聞也奈何
姑息羣小置之左右累 聖德乎今馬永成等罪
惡既著若縱不治將來無所忌憚爲患非細伏望
奮剛斷割私愛上告 兩宮下諭百僚將馬永成
等明正典刑以回天變泄神人之憤潛消亂階以
保靈長之業疏入 上驚泣不食瑾等大懼王岳
者亦青宮舊內侍素剛勵頗惡其黨初閣老持言
言章不肯下閣堂等窘相對泣會諸大臣疏又入

上遣司禮監八人詣閣議一日三至閣益持議不
肯下岳奉八人中人顧獨曰閣議是明日忽召諸
大臣入諸大臣或有咎公者曰公疏言何公故不
應令吏部侍郎王鏊請閣候決陽語蓋曰事且十
成七八諸公第堅持至左順門太監李榮手諸大
臣疏曰有旨諸先生愛君憂國言良是第奴情事
上久不忍即置之法幸少寬 上自處衆懼莫敢
出一語答榮面公曰此疏本出公公云何公曰公
海內民窮盜起水旱頻仍天變日增文等備員
佐靡所匡救 上始踐祚輒乘萬幾遊宴無度

名臣記

卷之三

一六

三

暱羣小文等何忍無言榮曰 上非不知第欲寬
之耳諸大臣遂旅退鏊前謂榮曰設 上不處奈
何榮曰榮頸有裹鐵耶敢壞國事是日瑾等益窘
自求去南京安置閣議堅持猶不肯下是夜瑾等
繞 上前跪伏哭頭觸地曰微 上恩奴儕且碌
餒狗 上色動瑾又進曰害奴儕者王岳 上曰
何謂曰岳前掌東廠謂言官先生有言第言議閣
時岳又獨是閣議狗馬鷹兔岳嘗獻否 上心所
謂也今獨營奴儕益復伏地痛哭 上怒夜取王
瑾又曰狗馬鷹兔何損萬幾左班宮殿謹

無忌者司禮監無人耳有則惟上所欲爲誰敢言者上立詔瑾入司禮監覓岳亭南京途中賜死遂連斥洛陽餘姚二閹老自是瑾益專弄權矯詔奪公官二子士聰士奇皆削籍又矯詔逮公詔獄欲殺公會有投匿名書者事不果坐贖米先後三千石破公家瑾誅復官致仕今皇帝卽位羣臣交薦加太子太保賜誥存問曰起文彥博於九表之餘人心攸屬繼韓魏公於百代之後家慶彌長公清心寡慾凝厚雍粹又奮勵充養識量益宏居常抑抑至臨大事斧斷霆擊之死不撓卒贈二傳謚謚稱公愚同寧子而竟保其身老似武公而不弛於學請謚忠定

卷之三

七

卷之三

太子太保戴恭簡公

公名瑄字廷珍浮梁人天順八年進士成化三年御史督學南畿十四年陝西督學爲按察副使窮鄉下邑無不至約束堅明風而不爽二十年陞浙江按察使尋陞福建兩布政使弘治二年副都御史撫治鄖陽諸府豪右多竊流聚爲利公刻日令自首嚴練兵伍自製爲管陣法蜀盜野王剛越境

兵誅其首惡縱脅從千餘人事遂定四年陞刑部侍郎卽訊荆晉兩王府獄明允九年陞南京刑部尚書十三年改左都御史益自檢飭務持風紀疎簿書之細必極精覈上親鞠大獄諸司震悚公從容應對時有開析天威頓霽上知公清慎每延宣接膝面咨至移晷刻引疾求退必優詔勉留命醫賜食間有慰諭若家人父子公不覺泣下上亦爲動客一日公私懇華容曰瑄老病子勿爲我一客死異鄉不瞑目公同年好友受知主上不爲我一言乎一日上召華容議事畢曰

名臣記

卷之三

大

卷之三

病華容言瑄久病累疏乞休本出情實乞憐免上曰渠情卿素乎對曰瑄在告臣往視瑄瑄恐微誠不能動天聽令臣見陛下日爲彼達情悃上曰卿去說與瑄朕以天下事推誠付託猶家人父子太平未兆何忍捨朕先歸華容以語台公泣曰吾不得返家矣十八年卒於官贈太子太保謚恭簡公德性和粹顧耿耿不苟合而洞達無城府奉職守法不爲物撓而意常近厚祿仕四十餘年家無餘貲辰入酉出窮寒暑不變敝屣中外所至有聲績學政尤著

太子少保張簡肅公

公名敷華字公實安福人天順八年進士父洪進士爲御史沒于土木公少有奇氣里有竹樹爲怪公年七歲即指麾羣小兒盡斬去入翰林爲庶吉士與華容同出兵部爲主事歷郎中華容醇亮端恪公方毅坦直並負時名成化十一年參議浙江景寧有礦盜衆且熾用兵公力請撫執十二人寘法餘悉解散弘治元年左布政使湖廣會歲大饑公給粟散賑華容擢侍高值來商卑詞告糴亟修學官資其傭直以業餓者得全活甚衆三年

名臣記

卷之三

九

一三十八字

都御史巡撫山西憂去六年復山西巡撫奏增解池鹽課補藩祿餉大同多折色民困公請太原北可車行者致米八年改陝西會妖僧據山中爲逆朝議且用兵鈞陽曰張都御史能了此不數日公果授計山中父老縛妖僧至明年陞南京刑部侍郎十二年右都御史總漕巡撫江北盡斥武臣諸貪刻者時例漕司負算假銀太倉稍寬其息明年來償償前負又復假前後相尾負益積公曰下剝上攘漕是以害國貨取足大非政體築高郵湖隄

水勢又築院實應十四年陞兩臺與林瀚

後章懋稱南都四君子十八年遷南刑部尚書尋召還內臺言請嚴禁奔競貪酷者上知公名與華容鈞陽浮梁同心效職一時並稱名卿正德元年遷詹事遂公歸田又明年卒病且革儼衣冠揖家廟退終正寢公風采凝重義利介然學問文章賁飾吏治贈太子少保謚簡肅

論曰近年仕路好附權貴人求翰林科道清要官權貴人敗亦隨以敗即不敗處其身廉耻掃地矣官翰林者多以詞翰相誦不屑言錢穀刑名行違倚言路持銓曹短長不肯出爲郡守藩臬即出

名臣記

卷之三

三

一三十八字

郡爲藩臬銓曹必慎秘不洩奏上輒鎖閉書奏人恐洩科道即署故官具疏且指摘銓曹惠安文肅何喬新在刑部忠宣劉大夏簡肅張敷華在兵部歷主事員外郎郎中未嘗更曹文端周經理財最節慎曲算盈縮黠吏不能欺忠定韓文恭簡戴瑄出爲參議副使何今昔大異也諸公際時則旬宣亮以濟康熙遇險則正色危言以遏奸宄卓然以道事君不可則止者矣

皇明名臣記卷之二十二卷

子嚴華校

孫心村

皇明名臣記第二十三卷 吾學編第四十四

海鹽鄭曉

尚書劉文安公

公名定之字主靜永新人正統元年進士授翰林編修四年京城大水詔求直言公上十事留中進侍講 景帝登極又言十事乞奪德勝門城功陞職以崇廉耻作敵愾陞洗馬尋進右庶子北虜遣使廷議未決公言宜遣使慰勞我得益修之五年順元年改通政司參議兼侍讀成化二年 上欲得人入內閣勅王忠肅慎簡擬上柯潛 公葉盛吳節 上用公陞太常少卿兼侍讀學士三年進工部侍郎兼翰林學士明年改禮部公在內閣再進客疏皆國家大計公博學能文性充孝友微時苦家貧授徒資束修爲養既仕分祿自其非惡色溫氣和與物無忤至居官論議振理直言略無沮忌卒贈禮部尚書謚文安

太傅丘文莊公

公名濬字仲深瓊山人景泰五年進士改庶吉士授編修少天資過人孤貧力學爲庶吉士益矜持 羣書經史百家箋疏今古文詞至卜醫老釋外

名臣記

卷之三

一

順元前三十九

名臣記

卷之三

二

順元前八十六

家小說靡不覽觀爲文章不求奇古平易順暢可讀成化元年爲侍講修 英宗實錄或曰于少保死以不軌盡正其罪公曰已巳之變可無譏哉諫功大過亦不可掩竟錄其實兩廣用兵公上南陽平寇方略奇公言繳上請付總帥陞侍講學士內艱服闋還職五年陞翰林學士十三年爲國子祭酒十六年進禮部右侍郎掌監事公嚴立師道總理詳察采諸儒言行事著家禮儀節集朱文公言彙爲二十篇做論語爲朱子學的以通鑑綱目義重正統秦隋漢唐之交予奪太速稍次其世 升降治亂大端與國統偏全作世史正綱爲大學衍義補補真西山衍義治國平天下事附以當世利害大學衍義初成適泰陵即位表上覽 上喜命陞公尚書禮部掌詹事府事時年餘七十矣弘治四年副總裁 憲宗實錄成加太子太保是年兼文淵閣大學士入內閣上時政疏略曰成化間彗星三見徧掃三垣地無慮五六百震邇者彗見天津地震天鳴無虛日且異鳥三鳴于禁中考諸經史天變莫大於彗星在三垣三台尤重地變 於震動在京師邊防爲急刻禽鳥動物得氣

之先春秋二百四十二年書華字者三地震者五
飛禽者二今乃屢見于二十五六年之間變不虛
生必有其應天人相與甚可畏也臣願體上天仁
愛念 祖宗基業端身以立本清心以應務謹好
尚勿流于異端節財費勿至于耗國公任用勿失
于偏聽禁私謁以肅內政明義理以絕奸憚儉
德以懷永圖勤政務以弘至治庶可以回天災消
物異帝王之治可幾也疏凡十餘萬言七年陞少
保改尚書戶部大學士武英殿公每以寬大啓

上心忠厚變士習平順正文體經濟嚴人

名臣記 卷之三十三 三 三百八十四

立治體又請訪求遺書 上知公老儒讀書事上

輒允吏部考察外官斥二千人公以爲非唐虞九

載三考之法又非 祖宗制請 上凡歷官未二

載者且復任任雖經一考非貪暴蹤跡顯著者且

勿斥一時不肖者皆喜然自是貪殘吏日肆三原

在吏部持正不肯徇人公不說會劉醫官素出入

公家失職憾誣訐三原衆皆疑劉醫官疏出公意

以故臺諫交劾公公乞老未九年卒贈太傅諡

文莊公好論議上下千古尤熟國家典故政事可

否反覆與大臣言官爭是非即未必一一中適然

之始如取悅商確往事時出意見自爲奇矯衆
論能以辯降濟其說人莫能難如論泰檜稱其於
宋有再造功與虜和不爲無見范仲淹生事岳飛
未必能恢復皆怪詭可駭其絕元正統斥許衡不
當仕元又嘗言我朝相業三楊偉矣然當其時南
交叛逆軒龍易位勅使旁午頻泛西洋曾無一語
權歸常侍遠征麓川兵連禍結極於土木之變誰
實啓之皆正論也

太保劉文和公

公名瑒字叔溫壽光人正統十三年進士

名臣記 卷之三十三 四 三百八十五

士授編修歷修撰天順初陞右中允七年陞侍講

學士侍東宮東宮即位陞太常少卿兼侍講學士

實錄成進卿仍兼職內艱服除還任成化十年陞

吏部左侍郎兼官如故明年兼翰林學士人內閣

十三年進戶部尚書明年加太子少保兼文淵閣

大學士十八年修續資治通鑑綱目纂文華大訓

成進太子太保謹身殿大學士公鄧薄萬安時對

客罵安負國無耻安積恨公百計中傷二十一年

九月致仕去卒贈太保諡文和公美安客善談

論遇人無矯飾景泰初議迎鑾成化初議 膺皇

長程末年諭宰政省左道亂政動搖國本密疏
言幸定儲位有大臣之節當是時公與博野同
在內閣人海公東劉博野北劉林俊嘗曰余以妖
僧孽寺售術貢郭肆興土木不憚狂躁上千宸怒
萬竄俱絳紵下詔獄鬼錄爲伍惟公立爲上解
乃得薄誦崔統曰公素心不疑諒直無顧而護嫉
肆作爲惡於羣小假威於邇宰竟去位嘉靖二年
言官疏公孝友乎化於鄉閭爲立昭賢祠祀公

太傅謝文正公

公名遷字子喬餘姚人成化十一年進士授

名臣記

卷之三

五

三

七

十九年陞右諭德二十三年陞左庶子兼翰林侍
讀弘治四年陞少詹事兼侍讀學士憂去八年與
長沙同入內閣十一年加太子少保兵部尚書
東閣大學士十六年加太子太保禮部尚書兼武
英殿大學士十八年加少傅兼太子太傅尚書大
學士如故泰陵大漸入受顧命康陵即位閣瑾專
政公不得其職正德元年乞致仕去瑾指公等爲
奸黨矯上青榜示天下成化弘治間翰林聲望
最重者吳文定公及公二人皆進士第一人
諱整文定溫粹含弘公明暢亮直文定詩文有

名臣記

卷之三

六

三

七

古意一時並負公輔之望丘文莊卒文定適憂
公入內閣十餘年間號能持正不失爲賢相文定
竟不得入內閣洛陽爲首相公數言文定洛陽曰
吾且去用之未晚他日又言又曰我且去用之未
晚公曰吾豈私原博耶顧渠科第先予年齒先予
望實先予予越次在此慙焉故言之而公終不聽
耶洛陽笑不答正德初天變輔臣皆上章自劾公
求去不得復上疏薦文定及王文恪自代公初入
內閣宜與洛陽相繼爲首相當是時長沙位在公
上凡條答敷奏章疏皆出長沙公與洛陽並
仕長沙爲首相文恪以時望所屬焦芳欲援以爲
重告瑾內閣宜南北各用一人以故芳與文恪同
入內閣嘉靖初遣使存問公謝疏曰臣匪才誤蒙
孝宗知遇顧託之重欲圖報稱不自知其力之不
足既而格心無術輔導不效引身退避杜門省愆
俯仰懷慙慙罪責難追分與草木同腐幸溝壑未填
遇皇帝聖明嗣承天統一新萬化疲困更生如
臣衰朽特軫聖慈不加負國之誅重錫優老之典
寵命下及慙懼交并顧茲垂暮之年諒無圖報之
惟有一言獻納庶幾少效涓埃臣聞傳說古高

宗曰學于古訓乃有獲又曰監于先王成憲其永無愆古訓者二帝三王之典謨訓誥及諸經史之所載者是已成憲者聖祖神宗之典章法度凡

今諸司之所職者是已仰惟聖性睿哲生知而聖德成就必資問學經筵儒臣分直進講所以薰陶涵養者是在是燕閒之時尤宜博覽羣籍以廣見聞苟有疑義難明卽召勸講之臣面賜質問務求通解戒一暴十寒之失積日就月將之功則聖學輝熙追蹤古昔帝王之盛近代不足言矣我朝二宗之法斟酌古今之宜諸司而能恪守萬世可以

名臣記

卷之三

七

三

常行奈何世遠人亡政久弊積漸失其初者有矣聽覽之際宜申飭百司講求成憲苟有窒礙難行卽召執政之臣面加商確務合舊制究詰舛訛之端振革廢弛之弊則聖政有恒而聖治之成可以紹休祖宗垂裕無疆矣夫一日萬幾固未易縷陳而一心萬化惟在於知要臣故特舉君道之至要以裨聰明之萬一其他軍民利病政治缺失陛下明詔許諸人直言無隱况以言爲職者林立于廷必能爲陛下次第陳之惟望留神省覽兼聽廣納不以疎淺而或遺不以拂逆而見拒則宗社幸甚

生靈幸甚嘉靖六年春復召入內閣尋進戶部尚書大學士如故明年三月乞歸十一年辛酉八十贈太傅諡文正

太傅王文恪公

公名鏊字濟之吳人成化十一年進士公幼穎悟不凡十六隨父讀書太學太學諸生爭傳誦其文侍郎葉盛提學御史陳選嘗奇公天下士初授翰林編修開門力學避遠權勢弘治初滿九載陞侍講實錄成陞右諭德八年薦陞侍講學士兼日講公學問賡博有識鑒爲文春容爾雅議論條暢試

名臣記

卷之三

八

三

士南宮專尚經術險麗奇袤者一切屏去弘治間文體一變士習稍端公有力焉東宮將出閣大臣請選正人端國本首薦公九年兼諭德十一年陞少詹事兼侍講學士十三年陞吏部右侍郎時鈞陽代金陵爲尚書洪洞及公爲侍郎會虜火餉入寇公上籌邊八事一定算二重主將三嚴法令四恤邊民五廣召募六用間七分兵八出奇遂薦泰紘起陝西總制又請科貢之外略訪前代制科如博學宏詞之類以收異才六年一舉舉不過十餘人其翹然出類者諸之翰林餘補科道部屬中書

先有官者量材加秩數年之後士類濯磨必以通經學古爲高而脫去諛聞之陋矣其選將才亦然十六年夏去正德元年復除侍郎兼學士會災異謝公求退薦公自代當是時八閹導上遊郊外洵陶臺諫交論不聽洪洞時爲戶部尚書與諸大臣伏闕請誅八閹召諸大臣至左順門中官傳諭甚厲衆相視莫敢發言公對曰八人者不去此本不除竟不能去八閹遂分兩路瑾入司禮監首逐洪洞繼逐劉謝欲引吏部尚書焦芳入內廷議推公瑾恨公追公論不得已公遂與芳同

名臣記

卷之三

九

三十九歲洪

內閣進戶部尚書文淵閣大學士逾年加少傅改武英殿上時政四事曰講學曰延下曰用人曰節用時瑾方威鎮士類按索微瑕誣枷械死公謂瑾曰士大夫可殺不可辱而殺之吾尚何顏於此瑾恨洪洞不已必欲置死地又欲以他事中劉謝公前後力救得免瑾又欲殺華容遂詔獄坐激變土官罪死公曰土官未叛何名爲激變或惡楊文襄於瑾謂築邊大費瑾又欲罪之公曰楊總制高才偉略爲國修邊豈可以功罪初瑾見公開誠與亦強聽公言芳專事嬖阿瑾驕悍日甚公無可

奈何居常戚戚四年夏力求去瑾每念公相忤又輒發怒欲中傷公公惴惴杜門瑾敗得免嘗自贊曰噫嘻先生何如其人窮年校書結髮勵行白首於道茫然無問者乎爵厠公孤官居臺閣志懷輸忠幾味納約者乎貴戚赫炎不能附麗權璫狂狷不能嫌阿一有違言超然不辱者乎遺事直前不知顧忌見利思義不知規避歸臥空山晏然寤寐者乎斯人也其量則隘其才則庸無稱于世自潔其躬跡其所至蓋知慕首陽之節而不知柱下之工知希止足之疏而不能爲應變之崇者乎居間

名臣記

卷之三

一

三十九歲

戴洪

十餘年論薦交章嘉靖初遣行人存問曰朕行且召卿公疏謝乞上講學親政講學篇曰國家經筵之設盛矣經筵一開天下欣欣焉傳之以爲希濶之典其間寒暑皆報春秋之月月不過三月三日之期風雨則免政事有妨則免講之日夙具講章至期講訖綸音賜宴儼然而退上下之情未見其親且密也至於日講可謂親矣然體分過嚴上有疑焉未嘗問也下有見焉未嘗獻也昔高宗學于古訓遜志時敏成王訪學于羣臣曰學有緝熙于光明商周之君好學如此夫人主一日萬幾固不

名臣記

卷之三

十一

三百八十五

暇如儒生學士日夜孜孜然而帝王精一之傳治天下之大經大法古今治亂之迹天人精微之際自非遜斂緝熙亦安望其有得今乃濶略如是暴之之日少寒之之日多俸之之人寡咻之之人眾未見其能得也且不獨高宗成王爲然也漢元武雖在軍中投戈講藝息馬論道至夜分乃罷唐太宗延四方文學之士房杜褚薛輩十八人分宿宿討論經籍或至夜分今貞觀政要與魏徵所亦可見矣宋世賢主宮中消日惟是觀書居常中亦有日課翰林侍從日寓直禁中以備顧問太祖甫得天下開禮賢館與宋濂劉基章溢等日相講論其後聖學高明詔誥天下皆出御製厚如飛羣臣拱視今御製文集是也仁宗臨御憲弘文閣於思善門之右文學之臣數人入直時至館中講論孝宗經筵之外每觀永樂大典又嘗索太極圖西銘諸書於宮中玩之尤嗜故學士沈度之書日臨數過夫古帝王之學如此祖宗之學如此陛下睿哲自天春秋鼎盛講明聖學正其時也臣愚特望於便殿之側復弘文閣故事妙選天下文學行義著聞者七八人更番入直內閣大

名臣記

卷之三

十二

三百八十六

臣一人領之如先朝楊溥故事陛下萬幾有暇時造館中屏去法從特霽天威從容訪問或講經或讀史傳或論古今成敗或論民間疾苦間則遊戲翰墨雖詩文之類亦惟所好蓋亦日講之義而加親焉大略如家人父子上有疑則必問下有見則必陳日改月化有不知其然而然者時御經筵所以昭國家之盛典日造弘文所以崇聖學之實功如是不已則聖德日新又新高宗成王不得每笑於前矣親政篇曰易之泰曰上下交而其志同曰上下不交而天下無邦交則泰不交則否言昔然而不交之弊未有如近世之甚者君臣相見止於視朝數刻上下之間章奏批答相問接而法度相維持而已非獨沿襲故事亦其地勢使然何也國家常朝於奉天門未嘗一日廢可謂勤矣然堂陛懸絕威儀赫奕御史糾儀鴻臚舉不如法通政司引奏上特是之謝恩見辭惴惴而退上何嘗問一事下何嘗進一言哉臣愚以爲欲上下之交莫若復古內朝之法蓋周之時有三朝庫門之外爲外朝詢大事在焉路門之外爲治朝日門之內爲內朝亦曰燕朝王藻曰君臣

朝退適趨寢聽政蓋視朝而見羣臣所以正上下之分聽政而適路寢所以通遠近之情漢制大司馬左右前後將軍侍中散騎常侍散騎諸吏爲中朝丞相以下至六百石爲外朝唐皇城之北南三門曰承天元正冬至受萬國之朝貢則御焉蓋古之外朝也其北曰太極門其內曰太極殿朔望則坐而視朝蓋古之正朝也又北曰兩儀門其內曰兩儀殿常日聽朝而視事蓋古之內朝也宋時常朝則文德殿五日一起居則垂拱殿正旦冬至至節稱賀則大慶殿賜宴則紫宸殿或集英殿試進

名臣記

卷之三

三

言八

士則崇政殿侍從以下五日一人上殿謂之輪對則必述時政利害內殿引見亦或賜坐或免穿靴亦三朝之遺意焉蓋天有三垣天子象之正朝象太微也外朝象天市也內朝象紫微也國朝聖節正旦冬至大朝會則奉天殿即古之正朝也常朝則奉天門即古之外朝也而內朝獨缺然非缺也華蓋護身武英等殿豈非內朝之遺制乎洪武中如宋濂劉基永樂以來如楊士奇楊榮輩日侍左右蹇義夏原吉輩常奏對便殿于斯時也豈有壅隔之患哉今內朝罕復臨御常朝之後人臣無復

進見三殿高閣鮮或窺焉故上下之情壅而不通天下之弊由是而積孝宗晚年深慨於斯屢召大臣於便殿議論政事將大有爲而民之無祿不及覩至治之美天下至今爲恨惟陛下遠法聖祖近法孝宗盡剋近世壅隔之弊常朝之外即文華武英做古內朝之意大臣三日或五日一起居侍從臺諫各一人上殿輪對諸司請事上據所見決之有難決者與大臣面議之不時引見羣臣凡謝恩辭見之類皆得上殿陳奏虛心而問之和顏色而道之如此人人得以自盡陛下雖深居九重而天下之事燦然畢陳于前唐虞之世明目達聰嘉言罔伏野無遺賢亦不過是而已大禮議起連逐輔臣士類咸願起公未及起病卒年七十五巡撫吳廷舉上言鑒高文清節守道見幾洞庭雲臥望重東山震澤波澄名高北海乞與褒卹贈太傅諡文恪

名臣記

卷之三

四

三百五十八

太保劉文肅公

公名忠字司直陳留人成化十四年進士庶吉士編修陞侍講再陞侍讀學士公修勵行檢時國事翰林程李輩有文學詞藝好交遊有聲臺

直一人耳

少保石文隱公

公獨卷歛沉默正德二年陞南京禮部侍郎尋進
尚書明年改南京吏部公性峻行方寡合一介不
苟得惡士人競趨自處常過抗貴人亦力抑之以
故久在南京南京名吏隱多悅仰无合公獨毅然
持規撫奪越閭黠吏竄名籍詭冒者千人焦芳顧
知公薦公賢五年正月瑾傳旨召入翰林比至相
見又不喜業已召改吏部尚書兼翰林學士掌詹
事府事管誥勅是年瑾誅始入內閣是時張永幸
用事大臣事永復如瑾公益持重永遣其黨廖鵬
來謁公不加禮如僕又却其餽永大不說公在
名臣記 卷之三 三原先生文

公名瑤字邦彥棠城人成化二十三年進士庶吉
士授檢討正德元年爲南院侍讀學士四年南國
子祭酒公靖方介恪潔已好修士類信嚮五年召
國子祭酒時浮逐競進公獨鯁狷有名八年爲南
吏部侍郎十年召入禮部十六年進尚書掌詹事
府嘉靖初代王瓊吏部尚書吏部黥亂者數年公
以孤貞行一意柄臣不悅閏兩月解吏部以尚書
兼學士仍掌詹事府事嘉靖三年五月大禮議起
名臣記 卷之三 六 一百五十五

諸大臣相繼去兼文淵閣大學士入內閣五年六
月加少保兼太子太保大學士武英殿尚書如故
時時召對平臺煖閣議廟樂再議廟衛又議 章
聖太后 皇后謂 世廟儀守正義力爭 上諍
公非通儒公又三封內批言 太后 皇后出入
正朝陰強陽弱之兆忤旨六年二月致仕卒諡文
隱公清修無玷毀譽不撓持論堅確不避夷險秉
正嫉邪進禮退義兄玠同舉進士累官戶部尚書
論曰文安 定 無大建明亦無大過文莊 丘濬博
今古號通儒其所著書多附正義羽翼經史文

和劉瑀處文康萬安文穆劉吉間道不同時時相

詆文康去文和又爲文穆所擠文正謝遷文恪王

之遇逆瑾退進殊途歸潔其身文肅劉忠去時逆

瑾已誅長沙李東爲政竟不知其說間所起文隱

石琚乘全清動不說於新都和數議大禮乃不

肯附新都也文隱去後而吁嘯之風微矣

皇明名臣記第二十三卷 于履準校

孫心村宣校

名臣記

卷之二十三

十七

二百四十五

皇明名臣記第二十四卷 吾學編第四十五

海鹽鄭曉

懷遠伯山裏毅公

公名雲初以指揮同都御史王彰修邊自居庸至山海者勞績從長陵出塞力戰功陞都督僉事宣德初廷臣薦公廉勇有謀克征蠻將單代領興祖鎮廣西廣西溪洞猺獠叛服不常歲殺掠吏民萬計公至鎮嚴號令公賞罰每與賊戰臨陣身先士卒三年降南安廣源蠻四年討柳澤賊二千四百五年斬平樂蠻四百討慶遠諸蠻所首名臣記 卷之二十四 十一 陳元嘉三十九

七千四百自是蠻夷畏服嶺南無警七年進都督同知公沉毅不洩用兵如神廉正自持淡然儒士馭諸土官專屬威嚴期刻征調無敢後先師府有鄭牢者老練也性鯁敢言公呼牢試問曰世謂爲將者不忌貪廣西餽珍貨我亦可貪否牢曰自袍點墨終不可滿公笑曰人言土夷饋送苟不納使疑且忿奈何牢曰居官黷貨國憲甚嚴公不畏朝廷乃畏蠻子耶公舉手禮牢曰教我教我我正統元年貴州按察使應履平劾公作威福公自陳上不問卒贈懷遠伯謚襄毅初韓觀守廣西專殺處

遠諸生來近觀曰此皆賊規我悉推出斬之公以

英國公殺黃叅將幾致大禍不敢輒殺人人亦不

敢犯武臣有將略者功名昭著者高成以騎士從

靖難功累官都督宣德中卒贈營山伯謚武毅張

廉起卒任從靖難出塞征胡功累陞督府僉事宣

德中卒贈榆次伯謚忠敏馬榮靖難出塞功官至

右都督卒贈景城伯謚武壯冀傑東安人起卒任

靖難功陞督府僉事出塞征虜有功洪熙時守開

平者恩信宣德初進都督恭謹有大節高顯又河

侯諸將或持兩端輒言漢王機變不測用兵之

名臣記 卷之二十四 十一 陳元嘉三十九

傑獨罵諸言者勿妄言取族滅高煦誇詐無略

況順逆曲直分明又臨以天威當不日就擒卒贈

清源伯謚忠壯妾王氏自殉贈淑人馬聚武定人

燕山總旗靖難功陞都指揮使三從出塞征胡功

洪熙元年進中府都督聚體貌不揚膽力過人薨

直不肯俛仰人卒贈邵陽伯謚壯勇妾陳氏自殉

亦贈淑人一月中傑聚相繼卒景陵爲之悼惜梁

成歷踐有功陞都督贈任丘伯謚壯勇正統中又

有再保贈宜良伯謚榮壯蕭授贈臨武伯謚靖襄

泰中武興贈山陽伯謚忠毅紀廣贈漂陽伯謚

名臣記

卷之三

三

三十七日

名臣記

卷之三

四

三十七日

傳順成化中陶璵贈大同伯謚武毅劉玉贈固安伯謚毅敏國初有廖永安贈楚國公改鄆國謚武閔初陪享太廟已而罷巢人也巢又有孫世陳清世贈富春侯謚忠勇清贈合浦侯謚榮武定遠馮國用贈鄧國公韓成有紀信之義贈高陽侯建忠臣廟康郎山凡三十六人成位第一又有東丘侯花雲太原郡侯王禹高陽郡侯許瑗濟國公丁德興丹陽男孫炎安定伯程國勝縉雲伯胡深炎深知書好士稱文武才燕山侯孫典祖謚忠愍天水郡公嚴德東海郡侯茅成宜興城隍顯祐伯楊國

定襄侯郭忠武公

公名登字元登武定侯英諸孫也年七歲讀書過目輒成誦十歲能文詞永樂二十二年克敵嶺正

七年從王驥征木麓川有功九年從沐斌征騰衛有功歷陞署都指揮僉事十四年七月虜入塞急進都督領事副劉安守大同會上親征成國公朱勇西寧侯宋瑛武進伯朱冕全軍覆沒倉卒議班師公告學士曹鼐張益駕入宜從紫荆關乃忽東折向居庸繞四十里虜至上北狩當是時大同堡塢蕭條城門晝閉人心危疑公慷慨自奮修城繕兵討循士卒死問傷裹創傳藥眾皆感戴是年八月虜奉 上皇至城下索金幣約賂至歸駕公開門不納 上皇曰朕與登有姻何外朕若此公遣人奏曰臣奉朝命守城不敢擅啓閉竟不出劉安孫祥霍瑄出見獻 上皇金帛瑄尤効力及約賄往虜笑不應竟擁駕去十月虜以和爲名犯京師公欲率所部兵并糾集忠義從屬門人援先以璽書馳奏大略謂胡馬南驅三關失險賊留連內地爲患非輕欲悉起各處官軍民壯人護關庭使賊腹背受敵首尾不救奏至賊已退優詔褒答上疏言虜人雖回離邊不遠傳報云黃河已凍且向延緩青草復生再侵京闕事雖未信情亦可推乞 上待下側席求賢擴天理克人欲以

成聖學之功親君子遠小人以收天下之望十二月虜復欲犯京師公以京兵新選不可輕戰又疏曰今日之計可以養銳不可浪戰可以用智不可鬪勇此謂知彼知已可守則守其涑水易州真定保定一帶皆堅壁清野京兵分據犄角安營以逸待勞以主待客勿求僥倖務在萬全此謂不戰而屈人兵善之善者也歷陞右都督景泰元年正月賊入境率兵躡之行七十里至水頭日暮休兵夜二鼓東西沙窩賊營自朔州掠回公召將士問計或言我寡莫若全軍而返公曰我軍去城百里一

名臣記

卷三十四

五

原前言八十七

退避人馬疲憊賊以鐵騎來追難以自全即按劍起曰敢言退者斬徑薄賊營天漸明賊以數百騎迎戰公奮勇先登諸軍繼進呼聲震山谷公射中二人手弁一人遂大破其衆逸奔四十餘里至栲栳山斬首虜二百餘奪還人馬器械萬計進封定襄伯食祿千一百石與世券是役也公以八百騎破虜數千爲一時戰功第一閏正月公復廣謀二械至京皆也先所親信翰之云喜寧與也先謀人至京謁兵衆寡大明皇帝立未立期今年名送 上皇奪京城誘也先入寇皆喜寧及

小田兒也先戰大同把八平章死戰北京那孩平章及其弟孛羅死人馬約九萬戰死瘞死不下萬餘老營駐九龍口其精銳在斷頭山又言虜甚畏我大砲神銳短鎗時鎮守內臣陳公忌公會姚都指揮發陳公奸賊二十事陳公疑公巡撫沈固又言鎮守不和乞更調 景帝召陳公還諭公留鎮公憤邊事未戢弊政猶存思得公廉有爲者相與共事上疏曰往者承平日久人心驕逸在官既無廉耻之心蒞政惟肆貪婪之志釀成汚濁之風致有夷狄之禍又曰虜勢雖云請和變態豈能

名臣記

卷三十四

一陳前言八十八

度倘或渝盟則大同一鎮首先受敵及今無事之時若不早爲措置一旦賊至又似前日手無所措中國受侮已深邊事豈容再壞虜既退欲大興屯田苦民力困乏牛種俱無疏乞官爲措置四年秋病召還京公初至大同士可戰者不及數百馬百餘匹不數年馬至萬五千匹精兵數萬人公智勇兼備紀律嚴明料敵制勝動合機宜一年百戰未挫嗣以已意設爲撓地龍飛天網鑿深暫覆土才人馬通行如履實地賊入圍中令人發其機自相擊撞頃刻十餘里皆陷當是時巡撫年富知公

公與都督孫鏜不睦鏜乞分公軍公亦會病稱疾不出富爲聞於朝上詰責鏜天順元年奪爵爲都督僉事南京是秋謫戍甘肅茂陵卽位復爵出鎮甘肅未幾召還充團營總兵八年卒贈侯諡忠武公事母至孝居喪兼禮武而能文諱而善斷公無子以兄向寶承斌之子嵩請於朝爲後得嗣伯減祿五百石十四年卒子參乞嗣不許授世指揮使

穎國楊武襄公

公名洪六合人祖政立功世漢中百戶公嗣官

名臣記

卷之十四

七

三十八

開平機變敏捷善用計出奇兵擣虛或夜劫營功陞都指揮正統元年內臣韓政阮警疏公短

上詰二內官曰此必小人左右汝卽械至京姑寬汝二人者時公頗爲衆忌上又每舉公功將公益自奮公守邊屯營專用鐵蒺藜尋以都督

守獨石敗虜宣府大石門寶昌州捕虜阿台打刺花斬首功二百正統十三年封昌平伯食祿千石

克總兵鎮宣府虜畏公呼楊王十四年虜入敗我土木上皇道宣府北狩去公閉城門逮繫詔獄

年十月虜犯京師出公獄中自効公與孫鏜范

廣等率兵二萬擊虜涿州紫荆等處逐至固安大捷捕虜阿歸等四十八人斬首功四百八十邀還俘掠人萬計馬牛羊弓刀數萬虜去進侯景泰二年賜世券還鎮宣府卒贈穎國公諡武襄公紀律嚴明將士用命敬慎自將不敢專殺宣德正統景泰間稱名將諸大臣皆重公威略每左右公初指揮杜衡誣公尚書魏源卽訊雪公貶衡廣西都卒李友全誣奏公上付公自治公以故感激勦力也先之難奮不顧身轉戰千里一時諸將公功爲最時石亨爲大將京營忌公公又與孫鏜不相能

名臣記

卷之十四

八

三十八

時忿爭公千傑嗣侯言臣家一侯三都督諸蒼頭得官旗者十六人乞停蒼頭職後許之未幾卒僚庶兄俊嗣侯俊先以擒叛者喜寧功陞都督上言也先往時酋長尚在東西諸番未附今旣弑脫腕不花并其衆東自女直兀良哈野人西至蒙古赤斤哈密皆受約束包藏禍心待時而動又聞其妻孥輜重在哈刺莽來去宣府纔數百里健人壯馬屯沙窩去邊尤近今大同宣府懷來遼東山海永平宣夏延綏甘肅涼莊浪等處宿兵不下數十萬臣以爲險阻之處量留守禦其餘壯勇各選老成

謀略將官統率迤西悉赴代州迤東悉赴永平結
營操練更選京營騎兵申令股肱大臣統率至大
同宣府會合所在兵列營堅守爲正兵其永平營
赴獨石代州營兵赴偏頭關一帶接伏爲奇兵部
署既定或荷絕虜使以激其怒或微數叛逆以正
其罪彼必來侵我正兵堅壁清野坐觀其變密遣
奇兵日夜倍道搗其巢穴使彼前不敢進後不能
顧必擒其妻孥獲其輜重彼或察知我謀急還相
救我乘其奔潰奇兵夾擊立致摧敗此實戰攻取
勝之機抑臣又聞三軍之害猶豫最甚昔在有穴

名臣記

卷之二十四

九

魏秀

澶淵之役若從寇準之議必無靖康之悔今若間
以羣疑失今不治臣恐他日之患又有甚於今日
者願陛下重念天下者 祖宗之天下人民者

祖宗之人民縱欲息兵保民暫安一時寧不思

祖宗創業守成之艱乎文武諸臣何面目忍耻偷

生縱此虜驕悍乎臣一家父子兄弟受恩實深馬

革裏屍固其分也事下總督總兵及營中諸將校

議干少保言賊虜也先違天背德彼之罪惡已盈

我之警耻宜雪楊俊此疏發憤徇國但與兵舉事

係社稷安危即如俊所言萬一我軍出境賊與我

牽制別分犬羊由間道乘虛四散剽掠是自撤守
備計非萬全國家之患非止北虜東南寇盜未除
河南流民又聚豈可輕內重外更不思患預防夷
狄之性利於疾速不能持久去來如風雨聚散如
蜂蟻得利則鴟張失勢則鼠遁乃其常態若欲糾
兵涉遠出徵倖之謀撩奸凶之虜將卒不相知號
令不相統臣愚未見其可疏上從于公議先是遣
俊及劉深充游擊將軍出宣府經略獨石諸城堡
叅贊叅政葉盛言俊往守獨石所謂敗軍之將乞
遣深罷俊遂令俊護瓦剌使人出塞俊又挾私怨

名臣記

卷之二十四

十一

魏秀

杖永寧守備都指揮姚貴且縛貴斬曰我嘗殺陶
都指揮 上不問諸裨校力解得釋比還廷臣劾
俊論死會傑卒母請釋俊葬傑得降督府僉事遂
得嗣父侯後坐法罪死宥革爵子珍嗣天順元年
石亨坐俊及驍勇都指揮范信等附于公斬西市
調珍戍廣西奉議天順八年赦珍授龍虎指揮使
孫越乞調開平公從子四人能武強伯信彰武伯
仁錦衣指揮僉事智開平指揮使

靖遠侯王忠毅公

名驥字尚德東鹿人永樂四年進士爲兵科給

事守使山西劉徐溝鹽廚課二十餘萬陞山西按察副使召入尹順天宣德二年陞行在兵部右侍郎坐事縛下獄尋復任陞尚書正統二年阿台朵兒只怕數入塞寇掠甘涼公總諸軍與便宜勅西征至軍中大會諸將轅門問將校畏敵不畏軍令者誰最甚諸將伏地仰面齊應曰都指揮安敬公立縛敬斬轅門遂大閱士伍定更番減輪輓飽士調馬養銳待虜虜至莊浪授方略出戰稍捷虜去未幾虜復至公馳至甘州簡副將蔣貴率追擊戒貴曰努力破賊樹功名否無相見貴

名臣記

卷二十四

十一

陳於

石城兒泉戰敗虜虜尚數窺邊近公曰虜未大切不畏我不退去我罷於奔命遣謀知虜巢所在復用貴先鋒公率兵與都督任禮等分道出塞期會夾攻轉戰二千餘里俘虜人畜數千上勞公金幣兼大理卿支二俸還京六年雲南思任發叛木麓川木麓川本百夷僻遠不當中國一郡公統兵十五萬轉餉半天下至雲南大暑衆請且按兵公曰賊方熾毒吾民行不可緩敢阻軍者斬部署至金齒分三道擣上江上江者賊巢也攻三日不下會大風縱火焚賊柵乘勢力戰斬首五萬賊退走

保險拒我我兵深入破連環七砦於沙木籠山又破其象陣馬鞍山思任發遁移兵討韋郎羅韋郎羅者維摩賊僭稱廣新王公遣偏師抵賊境言王尚書大軍且至賊黨潰韋郎羅走安南傳檄且入安南追賊安南人懼斬其首并縛妻子來獻七年班師還京封靖遠伯食祿一千二百石世指揮同知未幾思任發自緬甸復反驢督征發卒轉餉三十萬人擊思任發緬甸思任發遁韋麓川宣慰司設隴川宣撫司于隴把加祿三百石是年巡寧夏甘涼塞十三年木麓川賊孽思機發反孟養公又

名臣記

卷二十四

十一

陳於

督軍至金沙江賊堅柵西峰拒我公潛渡破賊柵思機發遁苗富蟲者僭稱刻天王公克征蠻將軍討之獲俘獻京師加祿一百石景泰元年與世泰行在兵部右侍郎柴車言虜性謫詐叛服靡常脫帖木兒者永樂初隨其部長把都帖木兒等來歸未幾叛去迨今三十年又復來歸安知異日不叛况京儲漕運不易請因其初來分處江南衛所下兵部公言永樂間來降達官柴永正等分住真定等府乞如例遣送河間德州等處授田贖料救自便著此爲例上從之尋改南京兵部總

務三年罷天順元年復兼兵部尚書加祿一百石尋請老四年卒年八十三贈侯誥忠毅公流毅宏偉有文武才遇事果剛用法嚴明子瑞嗣候成化七年卒子添嗣十五年卒子憲嗣正德九年卒子瑾嗣

都督王公

公名信字君實南鄭人正統中世官寬河千戶父忠征迤北致戰毋岳氏生公半歲持節旌爲忠臣節婦已巳虜犯京師拒戰西直門功陞指揮僉事景泰六年從征五開諸蠻遷指揮同知天順五

名臣記

卷之二十四

十三

三百五十八字文

破曹賊東市遷指揮使成化初守通州改守倒馬關移守荆襄二年石和尚劉千斤反荆襄公進據房陵民兵不滿千人賊四千餘衆突至圍公主帥逗遛不援公多張旗舉火晝夜不息歷四旬餘間以死士出城五六里舉火礮賊以爲援兵且至驚走追斬有功陞都指揮同知鎮臨清兼管倉糧決獄明慎請託不行發鎮湖廣條陳八事曰繕城隍廣儲蓄省徭役立賞罰選能官禁窩戶練將才慎守備又條上慎專任以利民實倉儲以備兵荒

兵衛以圖無患禁科罰以資財用十七年疏言

湖廣蠻夷雖腹中之憂實無能爲但我軍姦黠之徒利其竊發可以邀功今但選精銳常加隱防勿蹈前非其患自息荆襄流遁本意逃避徭役長子老孫已成家業濫加誅殺非惟死及無辜恐致傷和氣南畝之農無所蓄積欲獲未竟餓殍已空機杼纒停布縷何在求免饑寒不可得乞選公正仁惠守令大加存恤濫陞官員無慮千百無一矢之勞冒崇階之賞乞查勘削奪三司方面所以折衝禦侮承宣激揚者也當公以格物廉以律已端本澄源在朝廷而已所部指揮劉斌張全智勇過人

名臣記

卷之二十四

十四

三百五十九字文

力薦於朝且云英俊之士處心剛正寧肯抑心低首奔走媚求若不曲加攬訪則賢才多隱志士沉匿任用何能廣乎陞都督同知總理漕運即日上道嘗語人曰荷國厚恩未能報稱此行當以江水洗滌肺肝少盡區區耳公沉毅簡重被服儒素出入省驛從人莫敢犯歷鎮大邦不營私產平居默坐展玩經史寬袍緩帶糲飯蔬羹故人婚喪傾心賑恤無所顧吝出鎮三十年筭無華衣廐無肥馬鈴閣之下寂無人聲金玉歌玩一無所好子繼善

名臣記

卷之二十四

十四

三百五十九字文

威寧伯王襄敏公

公名越字世昌濟人景泰二年進士廷試時風塵蔽天颺公卷去監試陳御史爲請得再給卷初爲御史有名天順四年起陞山東按察使七年陞右副都御史巡撫大同成化元年請告還京去還家三年召署院事六年禦虜延綏有功轉左又以黃草梁功陞右都御史八年以寧夏功轉左明年出延綏搜套擒虜巢斬虜首二百八十加太子少保還掌院事十三年加太子太師兵部尚書兼憲議十六年出大同禦虜時汪直專事開邊直薦公及保國公永遂與直統兵而西未至榆林虜大掠出塞公曰受命討虜無俘獲何以報班師遂與直永議潛師出塞至威寧海與虜戰斬首功四百封威寧伯食祿千二百石與世券仍左都御史掌院事十七年出寧夏尋佩征西前將軍印充總兵鎮大同移鎮延綏斬虜首功加太子太傅增祿歲四百石掌前軍都督府事提督團營叙一子錦衣百戶明年言官交章劾公爲詩怨望上怒奪公封編管安陸弘治元年陳寬許還鄉七年又陳寬下廷議公功過復左都御史致仕十年虜大入塞陝

名臣記

卷之二十四

七

陳元嘉三十七

西急起總制寧夏并涼諸路軍務并經略哈密召至陞見加太子太保公有才略者威寧再起益奮勵出塞襲斬賀蘭巢虜登還掠我人畜加少保兼太子太傅十一年卒軍中贈太傅諡襄敏王文恪公曰世昌紅鹽池劫虜取勝本兵家奇術議者往往黜其功崔文敏公曰少聞世昌文武大略比入翰林人多言其任術不足及修泰陵實錄得見國史知其塞上功甚偉世昌安來音邁慷慨自許論議英發見享風生久膺師寄歷西北諸鎮身經十餘戰其於邊徼險易虜情真偽將品事勢定

名臣記

卷之二十四

七

陳元嘉六十八

錦衣卒公

公名斌字益之正德初掌錦衣鎮巡瑾竊政遂

方正大臣言官劉范戴銑等凡數十人一時下詔

獄公輕刑緩械曲爲申救任御史者自懇諸條上
奏時置其名彼寔他出公曰古人耻不與黨人爾
爲忠乃悔邪瑾令復獄詞去銑疏首權閣字公不
肯謂其條曰存此則諸君子臣節白他日昔宋鄒
道卿以失原奏被害吾儕毋自爲計奏入瑾大怒
又偵知公庇言官矯旨廷杖公垂死瑾誅公復任
真無知言官與內臣相計下公治內臣張瑾
令曲祥并賂公公不從雄陷公安置武昌感疾而
卒公再用時長子死工部官賻三百金公指其一

名臣記

卷之三

一七

三十三四

都督馬公

公名永字天錫遷安人世金吾左衛指揮使父榮
鎮營參將公讀左氏春秋及兵法襲父官機警善
騎射正德六年流賊起督戰功陞都指揮同知江
彬統宣府兵練西內公以千總隸彬稱疾不起彬
強起稱病篤以故得脫彬禍十年守備遵化明年
虜入馬蘭峪塞殺參將陳乾以公爲參將守太平
寨十二年虜入塞戰柏崖堂再戰白羊峪斬首五
十三年陞署都督僉事充總兵官治三屯營尋
署都督同知盡簡諸軍散遣老弱聽其農市取其

名臣記

卷之三

一八

三十五

子曰斌司不道天禍一子天若受金行及此矣公
庫屋敝衣再遭禍怡怡若分然崔銑曰正德中前
則劉瑾恠行其毒中則張永巧蓋其惡終則張忠
張璉錢寧江彬肆其愚暴士靡靡矣全臣節者大
學士劉公忠尚書傅公珪及公凡三人公前有袁
斌者以小校從裕陵北狩當是時文武羣臣或捐
軀草野或奉頭鼠竄彬獨從上恭謹服勞駕還入
南宮陞試百戶復辟後陞都指揮掌錦衣衛事門
達中傷彬調南京達敗戍邊召彬還嘉靖中劉東
山之獄錦衣王佐忠勤廉勁有名

庸倍給諸健武者衣餉健武者又皆喜人人奮習
武藝當是時漁陽一軍稱雄未幾 上至喜峰口
欲出塞公扣馬諫不可 上注視久之領內侍曰
此馬永耶笑而止孕顏酋把兒孫結諸虜邀官賞
不得輒入塞公迎擊洪山口大敗虜斬首五十八
陞右都督嘉靖三年把兒孫入青山口塞斬其驍
酋遁去把兒孫自是效順保塞四年大同軍亂殺
都御史張文錦參將賈鑑用兵不利朝議且撫公
上疏力言不可撫他日九邊效尤將有唐室河北
藩鎮之禍勅公提兵出居庸討賊俄以流言中止

平賊功宜顯昇錄用其子李總兵寄祿南京督府十二年大同再亂殺總兵李瑾討之久無功廷臣薦公召至業已撫罷兵復還南京十四年遼東軍亂遼都御史呂經召公總兵遼東十七年虜入塞率兵五千人搗虜巢焚其廬還十八年遼軍再亂率家兵逼賊斬四十餘人遂定陞左都督公卒於遼東遼人為罷市哭喪過漁陽漁陽人皆哭兩鎮皆祠公公為將善調虜情先知所從來及眾寡設伏待虜以故虜往往失利去公善養士同其苦又

名臣記

卷之三

二十九

三十九年

善知人獎拔蕭陞劉淵祝雄皆起列校為方鎮

太保梁武壯公

公名震新野人世榆林衛指揮使忠勇好讀兵書嘉靖七年陞署都指揮僉事協守寧夏興武營慣戰敢先登破虜八年進遊擊將軍益憤志撫士卒練訓東西援應有斬虜功十一年進副總兵延綏十三年斬虜首功陞陞都督同知十四年總兵鎮守陝西當是時關中少虜患大同宣府虜數入塞殺掠吏民十五年陞右都督改總兵大同大同自五堡之役殺巡撫張文錦叅將賈鑑尋又殺總兵

李瑾鎮巡每耳言煦之稍不如意即反唇瞪目戎飛章訛語相搖撼公聞命率家丁五百人馳至雲中申嚴約束曰我無備陞爾無我叛王法軍令具在我不敢破綱紀誤國其家丁時時向鎮兵語曰爾敢蔑主將者恃眾耳兒郎輩無不一當百五步內恐爾不得用其眾鎮兵稍斂縮十六年春公率兵出玉林川斬虜首一百四十進左都督又出黑山門猶兒莊各斬首八十叙一子百戶十八年公鳩卒給餉修五堡軍中不敢譁公益身先之與同甘苦五堡竟復虜不敢近塞公卒以五堡功贈太

名臣記

卷之三

三十一

三十九年

子太保公卒後五堡亦旋廢十九年二十年倭答阿卜孩吉囊三入雲中塞直逾太原窺平陽公不死五堡不再廢虜亦不敢輒輕入塞自是鴈門河東雲中上谷殘破朝廷亦思公侵與郵典贈太保謚武壯公在邊專練家丁時時出塞劫虜營虜不敢輒近塞得虜營馬盡與諸出塞劫者以故人皆效死趨利虜以故益畏公或謂公出邊起釁曰起釁律有之謂承平時虜牧獵為生不擾我邊而我邊將撲殺邀功也乃今虜數深入駐帳塞上官堡民堡十去七八我首陽巢否也公卒家丁無所歸

守臣以聞令入伍與衣糧邊將頗得其力

論曰余觀彭楊林徐四公叙名臣錄贊何其略武將也因稍述所聞註次其事令後世得覽焉撫寧侯朱謙懷寧侯孫鏗定西侯蔣琬襄城伯李隆新寧伯譚佑鎮遠侯顧仕隆啓封嗣秩並著聲猷語在異姓諸侯傳中邊鎮總兵王效桂勇悅雄何卿沈希儀周尚文安慶守將崔文楊統濟師王瑜劉璽死諫指揮使張英戰沒叅將陳乾張世忠皆名將尚未錄也馬都督承梁太保余所見者

皇明名臣記第二十四卷

于履舉校

名臣記

卷之二十四

三十一

孫心材

皇明名臣記第二十五卷 吾學編第四十六

海鹽鄭曉

都御史楊恭惠公

公名信民新昌人永樂中舉人宣德間擢工科給事中
正統間陞廣東左叅議嘗劾罷快察使破逮至京廣中數千人走萬里詰問疏公公勸廉能乞留以安百姓得復職適南海盜起陞僉都御史守其地公宣布恩威獎勵士卒屢戰屢捷擒賊數萬人景泰元年卒官廣人手香燈弔哭者幾萬人諡其子玠爲太學生廣者民又相率走京乞立祠祀

名臣記

卷之二十五

三十八

公著祀典成化中謚恭惠

都御史韓襄毅公

公名雍字永熙吳人正統七年進士爲監察御史奉命錄囚碭山學教諭責膳夫祝磨兒磨兒父令逸去告教諭殺磨兒棄其尸他御史坐教諭死以屍不得故輒稱冤會黃河傍有尸支解者磨兒父執兒尸也教諭辯不得解竟誣伏公疑不決遣人蹤跡獲磨兒教諭得釋十三年巡按江西會廬陵賊起公與巡撫侍郎楊寧捕斬二百人解散其衆

公副使廣東不數月少保陳循薦陞僉都御

史巡撫江西年未三十練達吏治曉習人情黜奸貪疏冤滯均徭役平市價恩威大著凡所注措後按爲格例他巡撫不能改景泰七年劾寧王不法并論府察上遣大臣即訊奪王護衛罪諸府察天順初請從邊公調山西副使坐累致仕二年起爲大理右少卿尋復右僉都御史錦衣指揮劉敬坐飲石亨直房論奸黨公曰律意結交亂政者爲奸黨今以一飯坐罪赴宴會者東漢時朋黨二字陷忠賢覆轍不可蹈是冬巡撫大同陞辭召至文華殿賜鈔上諭善爲朝廷守北門公精悍通達

名臣記

卷之二十五

三十八

有智略時出已意經畫防守城堡部署將校料去奸黨訓練士伍逾年戎政大脩虜不近塞七年還議事上喜公狀貌陞兵部右侍郎諭南陽曰邊撫臣宜得如雍者南陽薦山東按察使王越代公越至見上上又喜曰是將官也裕陵崩坐事左遷浙江右叅政成化元年兩廣巡撫儒不振有蠻寇以都督趙輔爲征夷將軍用兵兩廣王竑薦公以僉都御史贊理軍務勅公及輔會南京議衆欲分江西兵從遊擊將軍率達官由使嶺入廣東逐賊大軍從湖廣入廣西合諸兵圍困勿輿關公

曰不然古者仗鉞臨戎專制夫兵聚而爲正分而爲奇今兩廣已無完郡舍大藤峽賊巢不圖而趨其末未見其能濟苟全師至彼南可攻大藤峽援

高廉雷東可應南韶西可取柳慶北可斷陽峒諸

路勢如常山蛇動無不應攻無不克何煩於逐自

古蠻夷來寇不可以禮義較惟戰勝自戢叔敖云

寧我薄人軍志曰先人有奪人之心薄之也兵貴

拙速不尚巧遲何泥於困衆從公會諸軍出東道

遣偏師平陽峒諸賊又進平修仁荔浦諸峒遂直

抵大藤峽奪其險塞焚其積聚四面夾攻斬俘

萬二千有奇盡降其餘黨斬其藤改爲斷藤峽置

藤縣千戶所控賊出入刻石紀功班師陞左副都

御史提督兩廣軍務兼巡撫陸子錦衣所鎮撫公

以與弟睦四年公言嶺東西地廣山深恐餘孽復

作宜預爲彈壓請得文武大臣分理六年陞右都

御史總督兼巡撫開府梧州公得承制專決盡法

繩下不貸大吏以故謗議遂起內臣黃沁忌公束

縛不得肆嗾人上書誣公上爲遣使即訊公引

疾乞歸卒年五十三謚襄毅公明經讀律洞達凱

西嶺南莫不畏如神明愛如父母摘詞灑翰風生
泉湧天才逸發

太子少保鄧襄敏公

公名廷瓚字宗器巴陵人景泰五年進士爲淳安

知縣問民疾苦專施惠政不求赫赫名終九載無

知者兵部尚書張鵬時以都御史巡撫廣西知公

薦知梧州府會母憂去貴州程番初府在萬山中

夷獠雜聚難治以公知程番公悉心規畫凡城郭

街衢廟宇廨舍以次興建榜諭諸夷使受約束政

令公嘗莫不感說墾田不踰界入市不二價四境

晏然蔚如中州巡撫貴州適黑苗久叛益肆守臣

告急勅公往視兼提督軍務初撫不從始合衆謀

調兵食決策征勦兵至其地號令嚴明將校用命

斬首六千獲二千械首惡俘京寇既平奏言都勻

清平舊設二衛所屬九長官司其人世祿驕縱稔

惡釀患致夷人侵田奪貨逞欲無厭已四十餘年

軍疲于戍守民困于轉輸其害不可勝言今幸黨

惡削除非大更張不能爲保境安民之計條上十

清平縣一更設流官與土官兼治以右副都御史召入臺未幾出鎮梧州兩廣自成化初韓襄毅平寇後開府梧州事以憲臣有才望及官高者總督軍務兼巡撫公性不瑣瑣益思安靜為治屬史有賢者輒薦舉或不職特去一二太甚者奏除諸冗吏曰祿奉出于民毋徒費領羣蠻以劫掠為常往往出沒閩楚諸郡公言都御史金澤巡撫偏方非宜宜以江西一省付澤使二司聽節制庶軍馬錢糧可以調度其湖廣衡州該兵備憲臣遷治於衡州便又以廣東瀧水為賊巢宜即其地設于戶部

名臣記

卷之三十五

五

三月十九日

調軍守禦仍宜給隙地屯種為久計公於羣蠻結以恩信兵不輕出則成功若鬱林川雲甕大諸種作亂以次討平其後四會諸下縣饑盜竊勢尤熾公斬獲首惡李景光覃傑及其黨二百餘人餘悉解散歸農公歷官處事求濟待人不疑雅量廓如莫窺其際至所設施動中機宜其中明炳人亦莫能及卒贈太子少保謚襄敏兩廣總鎮又有桂陽朱英正統十年進士初為御史禦賊葉宗留處州劾外戚汪金內臣善增陞廣東參議葉宗莊公每事詢英叅政陝西調兵食征固原巡撫并

肅條邊事陞兩廣督撫專意安輯兵革久因民得休息流人復業者十五萬家出人十年召入臺加太子少保卒贈太子太保謚恭簡英性度宏暢才通敏剛介而仁恕所至有惠政慈谿姚鏐弘治六年進士有文學達吏事個儻有負荷嘉靖中督撫兩廣土酋岑猛積凶狡數十年鏐討誅之遭讒而去

尚書雍公

公名太字世隆陝咸寧人成化五年進士授吳縣知縣吳濱湖潮漲淪田于頃公作堤民受其利稱雍公隄吳民有妾亡者妾父訟其夫密殺吾女兩月匿尸湖中石下召訊夫夫曰妾逃兩月踪跡不可得妾父脅財始知死所公使人視其尸乃訊父曰夫密殺汝女汝安知匿於石下此又豈兩月尸邪此必非汝汝殺他人女冀得賂一考而服十年召為監察御史舊令行吳人富好饋公不受一錢巡鹽兩淮淮竈丁貧而鰥者幾二千人公巡滿俱與完室歷陞浙江右布政使時勢家鬻販私鹽鄉人效尤幾至千輩盜竊橫行公先收勢家人抵

名臣記

卷之三十五

六

三月十八日

於是羣盜悉平為都御史巡撫宣府參將李稽

不法部下狀其惡公具單且聞上稍曉堂下乞受
責圖自新公曰此亦軍法也縛下杖之三軍股栗
稽已乃譖公時相言官遂劾公以擅辱將官罷退
居韋曲別墅不涉城市正德二年給事中潘鐸薦
公有敢死之節克亂之才詔起左副都御史操江
固辭弗允未幾陞南京戶部尚書時逆瑾用事以
公鄉人欲親用公公不應遂斥公去而諸所嘗薦
公者鈞陽靈寶皆獲罪公歸復居韋曲日焚香讀
書與鄉人論禮事不與上官相見族黨有犯必
有司曰某是某非幸無以太故屈法年八十卒

名臣記

卷之五

七

三十七

尚書吳公

公名廷舉字獻臣嘉魚人成籍梧州成化二十三
年進士授廣東順德知縣潔已字民時華容爲左
布政使知公移公輒具尺書公益盡力效職有都
御史召見公甚溫廷舉請事都御史曰順德有大
鐘某者屬我修其家廟縣令可理葺之公謝曰令
非有舊例新思一夫不敢役一錢不敢費也市舶
太監出銀市葛公即以銀市二葛曰奉此爲式如
不中請還金且葛雷產也太監怒取金去汪御史
惡公曰彼專抗上官市已能者會公壞淫祠撤其

材作土堤書院賢館修學宮御史按而會其直竹
木碎屑計斤兩公囚服梏手日詣訟所士夫羣泣
訴公亡私盜狀御史大慙釋公弘治九年都御史
者入爲吏部尚書時公爲令十年矣遷成都同知
起復改松江上疏請修軍政十八年廣東盜起陞
兵備僉事討平十三村池水盜正德二年革兵備
三年改鹽法兼屯田四年陞廣東右叅議再逾月
陞瓊州兵備副使時逆瑾專權公發鎮守內官濫
忠二十罪又奏有旨取省帑解京皆非正費曰
進內也曰司禮打點錢賂瑾也又疏便宜事忌

名臣記

卷之五

八

三十九

許公五年瑾矯旨坐公枉道荷校不死成鴈門再
月赦罪還鄉是年瑾誅改雲南兵備副使六年陞
江西右叅政計桃源賊時總制數易官兵不協力
歷數年費萬計賊益熾公饒智略勇不避難及逢
盤錯益喜與副使胡世寧發憤欲設奇取捷平賊
且諭解散反爲賊得賊劫公求撫公詞色不撓久
之伺得賊中要領誘勁賊執其酋出公復入討平
之九年陞廣東右布政使立番舶進貢交易之法
平傳役十年嶺西猺獯作亂兼兵備副使撫治廣
諸府十一年轉左十二年湖南饑陞副都御史

賑濟十三年勅勸永順保靖兩江口夷情公爲堅
明約束條奏上十四年還京復出湖南定諸夷地
界又疏言六事備宸濠髮宸濠大恨惟恐公巡撫
江西嘉靖初召爲兵部右侍郎上疏忤輔臣改南
工部又改南戶部晉右都御史理南畿折豪強植
貧弱禁私驛止妄工南圻肅然公長身而瘠面如
削爪敝衣帶穿不修藻飾神采英毅志識雄偉言
行必自信人鮮能奪之視財利如糞土妻子饑寒
而施予不較有亡陞南工部尚書即疏歸歸二年
卒年六十六公居湫隘無郭外田頗有書至萬卷
名臣記 卷之三五 九 三十五 外記
卒之日不能歛都御史姚鏤爲之經理崔文敏公
稱公貞才潔履厚行定力鮮儷也又曰公恒衣食
人妻子乃不能給朝夕官四十年百瘁九死不能
一月安于朝推下賢哲不憚屈已卒未聞報德者
論曰大臣持繡斧督撫方隅固欲其威望素著然
必有恩信焉非約已裕人與士卒同甘苦與農忙
共休戚而徒欲以武健聲夷蠻金壁媚津要數月
日幸無事得內遷即砌祠樹碑稱頌功德人誰信
之此五公楊信民韓鼎鄂廷者信心而行信極落
恩威孚布沒世不忘卓乎不可及矣

皇明名臣記第二十五卷

子履準校

孫心材重校

皇明名臣記第二十六卷 吾學編第四十七

海鹽鄭曉

少保林莊敏公

公名聰字季聰寧德人正統四年進士爲刑科給事中劾石章楊洪孫鏜諸大將及內臣善增金英著風裁景泰元年遷都給事中 上皇將還會有投匿名書者王文端得之高文義所王與胡忠安欲聞 上曰此所謂禮失而求諸野已而取出京言事且止公疏言直潑皆股肱大臣不當移言語大政詔按之高曰得之小隸小隸曰得之適

名臣記

卷之三十六

一

吾學

上怒急捕千戶龔遂榮挺身自白曰迎 上皇

本當厚遂榮投此帖冀感動無他腸甘死無憾已乃下廷議或言也先遣使行成虜不可信即迎得一車二馬足矣公言 上皇北狩與陛下迎鑾皆社稷綱常大計宜厚無他日悔竟從議景泰三年議易儲改右司直郎不敢辭也先遣人來貢自稱田盛大可汗公言也先弑逆縱中國不治夷狄不可納其稱謂四年南文毅薦復爲吏科都給事中乞禁中外官奪情起復又劾吏部尚書何文淵刑部尚書俞士悅通政司李錫工部侍郎張敏諸大

臣益多忌公王少保嫉御史王溥劾公挾持吏部擢選教官得善近地下廷議按致公路不得坐比擅選法死胡忠安不肯署稱病臥數日 上遣中使問對曰老臣本無病聞欲殺松聰殊驚悸遂病上立解公左遷園子學正裕陵復辟起陞右僉都御史賑山東饑陞右副都御史捕江淮鹽賊天順三年內艱明年起復又明年曹欽反起大獄牽連冤濫冒功者至割乞兒頭上功都人不敢夜出公時署院事力請禁戢平雪警嫌成化二年江淮旱人相食公往賑奏截漕粟數十萬明年九載滿秩名臣記

名臣記

卷之三十六

二

吾學

陞右都御史七年出撫大同將吏用命邊事稍寧逾年致仕越二年起掌南院又三年召入爲刑部尚書加太子少保隸獄詳明清聲益振十五年與定西侯蔣琬按事遼東釣陽及御史強珍竟坐謫成明年乞致仕不許十八年卒贈少保諡莊敏公恂恂和易身若不勝衣遇事可否大義毅不可撓抗議易儲直聲大振宦歷所至傾邇風采晚更爲謙厚稍示包荒

尚書王恭毅公

公名鏐字同節廬陵人正統七年進士敏達有才

暢習吏事初授刑部主事歷陞員外郎郎中屢遷河南按察使所至案無留牘獄無冤詞天順初被誣下獄會襄憲王入朝上問所過官吏賢否王對曰臣過河南百姓遮道訴王廉使寬且言王廉使清勁鋤豪附善有恩有威殿下幸爲百姓奏皇帝還我王使上喜立命法司雲公還任尋陞右副都御史巡撫陝西設法救荒全活數萬人流徙歸業天順七年遷大理卿出入十年凡兩法司及畿藩讞奏參錯情法多所平反時吏諂律比者類多深刻爲名公獨持明允濟以長厚諸所

名臣記

卷之二十六

三

三

水

駁會文切理倫要簡暢轉相傳錄類成卷籍成化八年遷刑部尚書疏陳時政十事上嘉納商文毅知公薦代姚文敏吏部主議者不喜兩人竟用尹同仁十年卒謚恭毅子臣成化五年進士翰林侍講廣西叅政

尚書陳康謨公

公名俊字時英莆田人正統十三年進士歷官戶部父珪教諭茂文昌公蹈海迎柩不家於喪征秋青草天津諸衛公言舊負未蠲新額存積人不能減三十五萬東天順五年兩廣合兵討叛蠻

公假便宜勅督軍興內艱起復明年蠻平解兵得奔喪成化元年以戶部郎中陞南京太常少卿四年召戶部右侍郎公練習錢穀凡四方災傷遠鎮請芻粟爲裁盈縮條析利害曲折佐尚書楊鼎禹亦能聽公言七年京師大饑勅公出太倉米百萬斛賑糴公禁絕射利者請石以上閏不與八年虜入河套兵出公督餉上便宜乞內帑助邊除徑道發丁飛輓軍興不乏榆林大捷進俸一等明年改吏部十三年侍郎九載陞南京戶部尚書歷兵二部又九載請老公孝友廉慎沉毅簡質南

名臣記

卷之三十六

四

三

水

都御史黃公

公名紱字用章封丘人曾祖思豫事孝陵掌太常事以罪編氓沅州又徙戍平越公以故爲平越諸生舉雲南正統十三年進士行人歷南刑部郎中廉直遇事颺發即重忤時貴不恤必欲行己意人或笑黃郎中呆公正色抗言不移沮亦竟以是得名譚千戶者大猾任俠結權貴顯人嘗奪民廬場

萬畝貴顯人業與譚千戶酒飲食住來即知民枉不能直公竟盡法直蘆場歸民歷四川參議參政右布政使數年初督松茂軍餉劾治將領侵冒諸倚勢豪肆邊上者參政過崇慶忽旋風起輿前擁不得行公曰即有寬且散吾爲若理風遂止抵州休而禱城隍夢中若有神言州西寺云公密訪州西四十里有寺當孔道倚山爲巢公旦起率吏兵急抵寺盡繫諸僧諸僧中一人少而狀甚惡詰之無祠牒即塗醋壘額上曬洗之隱有巾痕公曰是盜也即訊諸僧諸僧不能隱盡得其奸狀蓋寺

名臣記

卷之三十六

五

第百八十五

西有巨塘夜殺投宿人沉塘中衆共分其囊負有妻女則又分其妻女匿妻女隱害中恣淫毒久矣公盡按律殺僧毀其寺倉吏倚王親侵沒官糧萬計王曲庇倉吏公竟按如法公爲錢穀吏精律比輒能發摘奸伏威行川中青神令聞風解綬走去右使時奏開建昌礦左使湖廣妖僧繼曉至勢薰人公曰繼曉以妖術故不離上左右今且得罪避出名掃墓實逸賊檄武昌府館之後堂好飲食無令得出人俄事敗檻送京師伏誅副都御史巡撫延緩劾參將郭鏞等擒豪奸張綱公行道望見

川中飲馬婦片布遮下體大慙俯首歎息曰我爲巡撫今徒兒家貧至此何面目坐臨其上亟令豫出餉三月邊徼兒素貧苦延緩特甚大臣巡撫者輒厚自奉徒兒雖凍餓死不問延緩人又素忠朴至死無怨言聞公慙歎軍中人人感泣願出死力爲黃都堂一戰虜虜亦不至俄有詔毀庵寺公令汰尼盡轉軍門給配軍中壯無妻者比公去延緩有携子女拜道傍送者已爲尚書戶部益不屑忌威稜毅然盡革財賦內外諸積弊政左都御史入臺天下仰望風采公憇直崖異忤人自恐伏禍

名臣記

卷之三十六

六

第百八十五

不可測請老去未幾卒

尚書黃文穀公

公名孔昭初名曜以字行改字世顯浙太平人天順四年進士年十四遭父母喪哀毀骨立既長執友建寧守賀汝知其賢薦松溪訓導不果歎曰士有志用世乃藉人薦舉耶樓居讀書刻苦特甚志忘寢食清介有守自舉進士即著廉名爲屯田主事察友忌公嫉奸吏誣奏辜竟白同寮坐傾險去官公以故譽益起陞都水員外郎調吏部歷陞文選郎中持銓清慎汲汲以人才爲慮常曰國家之

用才猶農家之積粟稟積于豐年乃可以濟饑才儲于平時乃可以濟事自頃人矯激沽名以閉門謝客爲高天下人才何由知之公退客至輒見詢訪有得必書于冊量其才隨其地望參之輿論薦用各當其才或因勢家干請欲私用其人輒力言不可即不能盡沮後其人多自敗公不妄交游陳恭愍謝文肅獨以道義相好奉詔薦應天府尹樊公瑩福建按察僉事章公懋公體貌嚴重不躁語戲笑沉靜自守厚倫睦族讀書尚理致允精詩格文肅言公在文選每見其喜則知賢者之得選見

卷之三六

七

七

三十四歲

論曰莊敏林聰風節著于言路恭毅王紫之刑名

人統黃孔康懿陳俊之用人理財皆可謂成章矣

封丘黃紱孤勁廉朴必行其志當是時已不能盡其用矣

皇明名臣記第二十六卷

子履準校

孫心材重校

卷之三六

七

七

三十四歲

皇明名臣記第二十七卷 吾學編第四十八

海鹽鄭曉

布政使夏公

公名寅字正夫華亭人正統十三年進士幼岐嶷有巨人志日記數百言稍長益肆力問學初爲南京吏部主事歷郎中杜門誦經史百家言久之發爲文章淵宏奧密脫去流俗自成機杼陞江西按察副使提學專崇行實黜浮華閱卷一目數行下又善鑒別復文山祠葺白鹿書院修陶侃讀書臺陞浙江參政處州民苦虐政走山谷招不聽曰須名臣記

卷之二十一

三十五

夏參政來公徹至即散成化二十二年進山東右布政使散簡有容愛民節用或勸興作不聽曰勞而不怨斯可疏論國家之勢在離合合則安離則土崩今兩京並建其勢宜常合以制天下徐州地連山東饑饉無聊宜在賑恤臨清南北咽喉或暫梗爲害不小宜選大臣有望實者鎮守二邦訓兵屯田示天下形勢廷議爲出白金四萬兩賑徐州命都御史賈俊鎮臨清吳中旱饑有司莫以告公按書巡撫發廩二十萬石糴十萬石他所論列若文廟禮樂之數正風俗立紀綱崇文化作人材之

類皆切于政本公誠心直道無黨無援自筮仕爲郎二十年爲副使十六年未嘗以淹屈降志嘗曰君子有三惜此生不學一可惜此日閒過二可惜此身一敗三可惜

都御史高公

公名明字上達貴溪人景泰二年進士爲御史巡河南糾斥不職吏六十餘人會黃河南徙民耕淤地畝收歲數解議者欲履畝坐稅公不可曰河徙無常稅額不改平陸忽復巨浸常稅猶按舊籍民何以堪天順四年御史趙明等疏劾來朝更語觸

卷之二十一

三十六

上怒詰疏出誰公任寔草疏都御史寇深言累年奏牘皆屬高明乞貸明過上怒亦解顧喜公曰高明能御史先是公劾兵部尚書陳汝言怙勢納賂下獄死汝言潼關人代于少保爲尚書不數月奸賊萬計誅石亨公及門達籍亨家公言亨無反謀倉頭得免死者百人鹽山薦陞山東按察使上謂南陽曰高明宜內用又謂寇深曰高明可都御史南京南京久弛縱公振綱紀劾罷諸貪殘吏會淫雨極言內自官禁外至吏伏皆陰盛陽微急宜修省以回災異揚州鹽寇起守兵失利勅公勦

捕公造巨艦榜籌亭往來江南北督戰又授方略御史戴琬顧以山擒賊九百餘人並江置邏堡高山望候賊出沒露踪跡不得逞江海間稍靖中官粥私鹽簿儀真指揮羣卒大閱公盡籍其鹽勅中官又條劾戶部及諸巡撫縱法狀及陳利害十餘事衆允忌公公亦三疏請終養成化二年上杭賊起即家賜公勅便宜討賊公力疾赴閩先諭撫賊降賊特險不應進兵搗其巢大破賊俘四百人誅其渠魁十一餘並輕坐析上杭溪南里爲永定縣控賊海口民矯令募亡命謀不軌公不欲再起大名臣記

卷之三十七

三 一百七十五文

獄或至用兵坐誅歟言衆遂定即上疏乞休納符勅去嘗曰孔戣三宜去司空圖三宜休吾無才一宜退有病二宜退親老無兄弟三宜退及治盜徵宜再起賊平疾作宜再退自稱五宜居士公天性孝直俊暢有遠才難進易退出處瞭然

大理卿夏公

公名時正字季爵其先慈谿人徙仁化和正統十年進士歷刑部郎中獄獄福建會上杭大饑盜且起輒發倉賑贍不待報天順初進大理丞以母老乞致仕不許乞移近地便養改南京進少卿成化初

改太常已又進南京大理卿七年歲大侵巡視江西斥食皇吏二百二十人革冗徭理便賦放無名之稅十餘萬勸民粟七十萬石賑饑民三十三萬修南昌城堤城得不壞長河洞人叛單車撫定疏時弊二十事當路人不悅謂公好名遂致仕歸仁和傲居民舍布政使張瓚爲西湖書院於孤山處公久之書院火歸慈谿已又還杭凡家食三十年卒年八十八公博學高才工詩文善書多著述尤詳禮文之事葉盛稱公文如春空層雲動含雨意又如簇蜜抽絲秋鶴引吭云

名臣記

卷之三十七

四

三百五十五文

知府張公

公名寧字靖之海鹽人景泰五年進士授禮科給事中七年內閣陳王以其子不得鄉舉順天考官劉文介公幾中傷得罪公疏言元宰私其子陷考官失大臣體天順中數數裁曹石請乞事上以是知公朝鮮毛憐警殺內降遣公與都指揮武忠偕往既行遼東奏至勅使臣取便進止公時至遼陽拜勅言君仁臣忠敢自便乎竟至朝鮮致命茂陵即位乞經筵進講大學衍義又薦起王竑李東爲兵部尚書都御史諸大臣不悅皇太后生辰

設齋醮禮官欽大臣金錢祈福公言人臣當知東
敬德仰贊聖孝上綏懿祉釋老不當崇奉辦香非
可祈祝行之祇壞風俗傷名教南京給事中王徽
等劾南陽獲罪謫邊公又合六科申救以故諸大
臣益忌公適廷薦公及岳正可任清黃侍郎都御
史者竟陞公知府汀州公至汀先教化後刑罰盡
除厲民弊政勵學生造祭器八百事表節義恤孤
獨禁遊惰郡事一新諸上官故忌公才公爲給事
中時才高不屑下人人以故輒摧挫公公亦抗志
求致仕歸家居三十年卒公偉貌修能雄文直道
名臣記

卷之三

五一

三十九

都御史王公

公名雲鳳字應韶和順人成化二十年進士弘治
十年爲祠祭郎中疏論中官李廣及異端左道倖
進者是歲十二月朔駕自郊壇還坐事謫陝州知
州編修劉瑞上疏言副使楊茂元才識優長持憲
得體郎中王雲鳳守官廉正持行清介相繼獲罪
乞早賜召用十一年僉事提學陝西十五年改副

使提學政尚嚴厲士始不能堪終感戢多成就正
德四年爲國子祭酒益嚴厲明年改南通政是歲
請告七年起家僉都御史巡撫宣府益奮發才氣
日夜理邊邊吏憚其威逾年憂去十年又起家副
都御史理饒淮浙遂上疏乞休嘗移書吏部尚書
楊文襄曰山中屢聞讜言近留王昂一疏人尤傳
誦昔唐介貶數月兩轉未久復殿中侍御史王昂
既不獲留推薦起擢在公筆端每恨李文達公近
稱賢相然羅一峰淪落以死岳蒙泉坎珂終身極
貧陸布政顧得超拜尚書今文達貴勢安在哉切

名臣記

卷之三

六一

三十九

恐奔趨富貴譴談利達者相見輒稱功頌德乞憐
求官直諒之言無由上達雲鳳疊辱薦藁感激慙
懼敢不布其愚今兩耳並聾百藥不效只得耕田
納稅養親讀書惟俯垂憐念使猿鹿魚蝦各得其
性幸甚疏上予告公樂於從善勇於聞過居常言
動儼然終日立朝正色不避權貴當官孤立直行
已意以故上下多齟齬家素貧適逆瑾誣貶稱貧
鄉曲終其身不能償妻女五人幾凍餒山西巡撫
言公忠義廉節請卹其家

論曰國家盛時大夫士爭自奮欲效用樹聲績

五君子

夏寅高明夏時
正張寧王雲鳳

乃獨急流勇退翛然自適

鳳翔千仞龍戰九淵庶幾廉頑立懦者歟

皇明名臣記第二十七卷

子履準校

孫心材重校

名臣記

卷之二十七

呈明名臣記第二十八卷 吾學編第四十九

海鹽鄭覽

新建伯王公

公名守仁字伯安餘姚人父華成化十七年進士
第一人歷官南京吏部尚書公少有才名弘治五
年與胡端敏孫忠烈公同舉浙江鄉試公十二年
進士授刑部主事未幾請告十七年復除武選主
事正德元年十二月劉瑾亂政首抗疏乞誅瑾瑾
大怒縛杖闕下幾死謫貴州龍場驛丞居夷力學
學益進四年閏九月陞廬陵知縣明年瑾誅十二
名臣記 卷三十八 三十八

月陞南京刑部主事又明年調驗封是年陞署員
外郎逾月調文選七年陞考功郎中是年冬陞南
京太僕少卿九年陞南京鴻臚卿十一年正月陞
僉都御史巡撫南贛汀漳等處公至置二匣行臺
前榜曰求通民情願聞已過當是時宸濠蓄逆謀
江西上流山路中劇盜四出劫掠焚官府聚獄囚
廣東湖廣江西諸撫臣相觀望久之積至數十萬
宸濠又輒與諸賊通曲護賊十二年七月公名討
賊請提督軍務兵部尚書王瓊素奇公請 上即
與公兵符兼巡撫公日夜練兵教射不數月得精

兵數萬公智計絕人用兵神秘是年茶峽賊大起
江廣湖柳騷然三四年矣 上命三省會征公首
謀通賊監生吳讓十月督江西兵自南康入破橫
水左溪諸巢賊敗奔復連戰奔桶岡十一月又攻
桶岡大戰西山界賊大潰盡殪之凡破巢八十四
擒斬三千餘俘三千六百有奇釋其脅從千餘衆
歸流亡使復業度地居民鑿山開道夷其險阻剷
頭賊尤悍黠擬官僭號是冬盜徭既殄益增機險
阱毒虞王師公休士歸農明年正月計擒其魁逆
進兵擊其輓連破三洲乘勝逐北大小三十餘戰
名臣記 卷三十八 三十八

滅巢三十有八俘斬三千餘三月還師開縣置官
司堅明約束諸賊藪盡爲治境虔吉人皆立生祠
歲時祀公四月陞副都御史叙子錦衣百戶公班
師至贛開書院日與海內名賢士大夫講學設社
學教郡邑子弟歌詩習禮嶺北風俗爲之丕變十
四年六月宸濠反公適勘事福建道經豐城縣令
顧泌告公宸濠反狀公指心額大誓不與賊俱生
急走小舸返至吉安與知府伍文定謀起兵討賊
檄召江西諸知府邢珣等兵又密遣諜四出投
檄言京師及湖廣廣東西南京淮安浙江各發兵

討賊以疑宸濠使不敢出南昌又致叛臣家族謬托心腹云吾直應勅旨且聚兵耳又曰寧王事且成敗未可知吾安得遂進兵乎賊果疑四路兵且至不敢直趨南京又喜公或不進兵遲回數日出南昌攻南康九江安慶公兵已大集始傳檄罵宸濠賊又遣人密書與賊心腹李士實劉養正及閩廿四吳十三若有約內應者書既發故令人洩賊黨書所過處賊黨以告宸濠宸濠盡得致書人及書遂疑士實等士實等勸宸濠去安慶直趨南京否徑出蕪湖趨京師宸濠遂不聽公進兵攻破南昌

名臣記

卷之三

三

三

提督軍務得專制召召兵平賊歸功璽內閣益不說久之不賞嘉靖改元詔錄公功封新建伯兼南京兵部尚書恭贊機務遣使迎至京宴勞諸忌者又以錫宴勞費爲詞噉言官論沮公不得至京未幾外艱去服闋竟不召譏謗益起屢形奏牘雖封爵賜號竟不與鐵券歲祿一時勤王有功諸臣中傷廢斥殆盡惟文定得陞副都御史歷一子千戶邢珣徐璉戴德孺陞布政使德孺死於水珣亦被斥陳槐削籍紀功御史伍希儒謝源以考察去公不自安累疏辭封乞錄諸勤王者功竟格不行已

名臣記

卷之四

四

提督

用爾衆一戰與期日去又因永順保靖土兵自南還密與領兵官約東過八寨徑擣其巢蘇受等兵相犄角或遏其前或截其後或張左右翼夾擊八寨劇賊誅斬萬計捷奏至桂文襄素忌公言公挾詐專兵時公亦病乞致仕至南安卒桂又言公擒宸濠攻城紀律不臧奏捷誇張已甚及斥公學術不端壞士習乞削奪官爵上憐公功又封爵本先朝信令不允但停卹典子不得嗣封公英敏天成機權莫測其用兵也訓練嚴明籌畫精密對客笑談萬衆過集擒酋斬敵獻凱轅門左右尚不知也

名臣記

卷之十八

五

三十八十九

尚書孫忠烈公

公名鏐字德成餘姚人弘治六年進士授刑部主事歷郎中慮囚江西冤獄多平反正德六年起陞福建右叅政歷按察使河南右布政使公在刑部稱方殺敏達至潘泉益著聲績瑾亂政寧庶人已蓄逆謀瑾誅又結錢寧張雄日夜詞中朝事幸有變又劫持省臣賂諸文武大吏逆謀益著九年乾清宮災羣臣輒請建儲庶人多贊金璧通奸優戚賢徧遺諸奸臣欲且徵庶人子名上廟燒香成則

自取之諸奸臣既得庶人賂又疑畏不敢發直以好語給庶人庶人自以爲事十成八九日恣橫生殺不可禁朝議選才節大臣摧其機牙陞公副都御史巡撫江西公聞命歎曰投艱於我死生以之携二家重入南昌南昌洵洵謂庶人曰君得爲皇帝諸省臣附黨及羣賊依倚者相助爲聲勢公旁盡庶人奸黨言動輒告庶人公有心計周防密畫旁奸黨不得知先是宸濠有異志輒中傷忠梗胡端敏公下詔獄公力爲滴雪得不死宸濠逆謀有迹顧宗室公不敢先事訟言托禦他寇曲爲備首

名臣記

卷之十八

六

三十八十九

城進賢又城南康又城瑞州南康建安義鄉者賊淵數割近地開初縣饒撫二府罷兵備公曰緩急曷倚奏復饒撫兵備不果復又請勅湖東道分巡兼理兵備與饒相犄角九江當湖衝最要害請重兵備權兼攝南康寧州武寧瑞昌及湖廣興國通城便控制廣信橫峰青山諸窰地險人悍設通判駐其地兼督六縣恐宸濠一旦起劫兵器公假討賊盡出會城兵器外府宸濠亦知公意遲回不敢發公見逆謀急又結中朝諸權倖恐變起內外不可測屢密疏言宸濠必反盡爲宸濠伏途諸奸

所得即達 上所又爲諸權倖盜致宸濠所索金

壁謝公不得已乞休又不允積憂勞數月鬚髮盡

白十三年江西大水宸濠素所蓄賊凌十一吳十

三閔廿四出沒鄱陽湖行劫公與按察副使許達

議先調兵勦之三賊遁沙井去公欲捕此三賊翦

羽翼出不意自江外掩捕三賊夜大雨風不克濟

三賊走匿宸濠林墓中竟不可踪跡公大集舟師

會城名勦三賊宸濠疑懼會言官發宸濠反狀朝

廷遣大臣即訊宸濠益懼十四年六月丙子遂反

伏賊府中俟諸守臣入宸濠大言曰太后密旨召

我監國公毅然應曰安得有密旨者又曰天祚賄

移汝獨不知耶公益憤應曰安得妄言求死又曰

我取南京汝保駕否公益怒張目直視宸濠厲聲

曰天亡二日國亡二王宸濠遂縛公許副使奮起

爭孫巡撫朝廷大臣爾安得辱侮無禮又縛許副

使且縛且罵賊鍾折公左臂併許公殺惠民門外

宸濠竟用三賊爲牙爪僞稱將軍首遣婁伯招誘

賊黨至進賢知縣劉源清斬伯來城拒守宸濠又

遣人招黨賊黨賊有官司在不得發又大索兵器

城中不得急收鐵舟又不能亟造諸賊不得兵器

皆持挺竿比至安慶敗歸王公起義兵吉安名宸

濠賊擒宸濠湖中諸通賊至安義縣有守吏不能

走盡獲湖廣浙江以饒撫故不被賊禍公死節久

之阻於奸倖未得褒贈嘉靖改元詔公死節贈禮

部尚書謚忠烈立祠祀江西叙其子堪錦衣百戶

進正千戶武舉第一人歷官都督次陞進士第二

人歷官南京禮部尚書

尚書許忠節公

公名達字汝登固始人正德三年進士長身巨口

猿臂燕頤沉靜有謀略初爲樂陵知縣流賊猖獗

他縣閉門自守或遺賊易粟食飲弓馬或棄城走

公募死士千人持大挺隨賊向往突擊人馬俱

斃賊不敢近境以功陞山東按察僉事分巡遼海

東寧道禮神愛民下士詳獄邊鎮懷輯陞江西副

使時宸濠蓄逆暴橫內外構結莫敢誰何公每繫

其黨引法批繩窮其羽翼又密勸巡撫孫公先發

後聞孫公以爲不可使賊反有名然亦重奇公凡

規防機宜悉與公議宸濠反公不屈曰孫都堂朝

廷大臣不得輒無禮宸濠併縛公且問公何言公

罵賊言天無二日我惟有赤心肯從汝反汝反萬

名臣記

卷之十八

七

三

名臣記

卷之十八

八

三

段礫汝汝悔無及宸濠遂呼賊推二公出公顧孫
公曰早聽我言當不至此益罵賊不絕口至憲民
門挺立賊刀斫其頸屹不動賊衆共摧抑令跪竟
不得一跪遂死公父家居聞江西有變殺都御史
副使二人即爲位易服哭人恠問故父曰副使必
吾兒也吾兒素有此志今果然矣嘉靖改元贈副
都御史加贈禮部尚書謚忠節立祠祀公官其子
錫錦衣百戶進正千戶武舉進指揮同知錦衣
論曰王公守仁才高學邃兼資文武近世名卿鮮
能及之特以講學故衆口交訾蓋公功名昭揭不
可蓋覆惟學術邪正未易詮測以是指斥則譏說
易行媚心稱快爾今人咸謂公異端陸子靜之流
嗟乎子靜豈異端乎以異端視子靜則游夏純於
顏曾而思孟劣於雄況矣公所論叙古本大學則
言傳習錄諸書具在學者虛心平氣反覆融玩久
當見之孫燧許達二公非慷慨死事而已寧庶人
未反時二公日夜爲防奸遏亂計自分必死即死
所畫城戍調兵食足以滅賊二公死忠憤貫天日
士民爭奮義兵四起王公又能不顧九族身任其
事不踰旬朔卒平大難宣德樂安之變有如公三

名臣記

卷之二十八

九

三百六十六

人者景陵無羈勒之勞矣
皇明名臣記第二十八卷

子履準校

孫心材重校

名臣記

卷之二十八

十

三

皇明名臣記第二十九卷 吾學編第五十

海鹽鄭曉

少卿黃公

公名鞏字伯固莆田人弘治十八年進士推官德安府陞主事刑部清勤讀律傳經義決獄平掌十三司憲贖陞員外郎改兵部歷車駕職方郎中內艱服除會康陵北巡人心危疑或沮公行公題書屋曰石田茅屋爲生太拙鴟夷馬革自許何愚衆不能沮竟北上補武選正德十四年春上將南巡時寧庶人久蓄逆謀蕭敬朱寧張銳在司禮錦衣東廠與庶人交通江彬又握勁兵在 上左右

名臣記

卷之五

三十五

公卿交疏不聽兵部司屬倡諸司上疏諫公曰上巡遊本起彬誘惑彬方席寵擅兵無敢斥言彬吾不可舍彬爲支語恐上不悟獨疏六事其略曰陛下臨御以來祖宗之紀綱法度一壞于逆瑾再壞于佞倖又再壞于邊帥之手至是將蕩然無餘矣天下知有權臣而不知有陛下寧忤陛下而不敢忤權臣陛下弗知也亂本已生禍發將起竊恐陛下知之晚矣試舉國治六事於今爲最急者陳之其一曰崇正學嘗聞先儒周敦頤有曰聖人

定之以中正仁義而主靜立人極焉又曰吉凶者生乎動吉一而已動可不慎乎故惟聖人爲能主靜惟君子爲能慎動仰惟陛下聰明天縱有古帝王之資然其所以盤遊無度流連忘返者無乃動之過手論思勸講之臣職在格心於是乎不能解其責矣伏望陛下高拱九重凝神定慮屏紛華斥異端遠佞人招延故老咨訪忠良可以涵養氣質薰陶德性而聖學惟新聖政自舉矣其二曰通言路嘗聞言路者國家之命脉也言路之通塞國家之治亂係焉切見近時臣僚奏牘間或言及時政往往匿不以聞其或事關權臣則又留中不出而中傷以他事夫古之明主導人以言用其言而顯其身後世則不然不用其言而反斥辱焉今則又不然不使其以言獲罪而以他事獲罪由是雖有安民長策謀國至計無因以達于九重之前雖有必亂之事不軌之臣陛下無由而知之矣天下烏得而不亂哉伏望陛下以從善爲心以聞過爲明廣開言路以作士氣不責以出位不加以好名如此則忠言日進聰明日廣雖亂臣賊子亦將有所畏而不敢肆矣其三曰正名號嘗聞孔子有曰

名不正則言不順言不順則事不成禮樂不興刑罰不中民無所措其手足凡以名不正之故也陛下近日以來無故自稱爲威武大將軍太師鎮國公遠近傳聞莫不驚疑竊歎以爲怪事陛下聰明智勇上嘉唐虞下樂商周何所不至顧乃自輕如此奈宗廟社稷何夫陛下自稱爲公誰則爲陛下者天下不以陛下事陛下而以公事陛下是天下皆公之臣而非陛下之臣也伏望陛下即日削去鎮國公等名號以昭上下之分以明示天下之人庶幾體統以正而朝廷自尊矣不然古之天子亦有號爲獨夫與欲爲匹夫而不可得者竊爲陛下懼焉其四曰戒遊幸嘗聞大禹曰罔遊于佚罔淫于樂周公告成王毋淫于觀于佚于遊于田春秋議觀魚終綱目書巡者二十九皆譏也陛下始時遊戲不出大庭馳逐止于南內論者猶謂不可既而幸宣府幸大同幸太原幸陝西榆林諸處所至費財動衆郡縣騷然至使民間一夫一婦不能相保陛下爲民父母何忍使民至此虧損盛德貽譏萬世陛下自視爲何如主也近者復有南巡之命南方之民爭先挈妻子避去者流離奔踣敢怨而

不敢言即今江淮之饑父子兄弟相食天時人事如此加以休息愛養尤恐不支況又重以感之其何不流而爲盜賊速而爲流亡也哉奸雄竊伺待時而發變生在內則欲歸無路變生在外則望救無及陛下斯時悔之晚矣彼彼居位大臣用事中官親昵羣小皆欲陛下遠出而後得以擅權自恣乘機爲利也其不然則亦袖手旁觀如秦人視越人休戚不相涉也夫豈有一毫愛陛下之心哉彼誠愛陛下者獨忍使陛下馳逐蒙塵而莫之救止也伏望陛下深推往事之非翻然悔悟下哀痛罪已之詔與民更新罷南巡撤宜府行宮示不復出發內帑以賑江淮之饑散邊軍以歸卒伍斥不御之女以各還其家雪既往之謬舉收既失之人心如是則尚可爲也其五曰去小人嘗聞開國承家小人勿用自古小人用事未有不亡其國而喪其身者也謹按今之小人簒弄威權貪圖富貴者是繁有徒至于首開邊事以兵爲戲使陛下勞天下之力竭四海之財傷百姓之心至今紛紛未已者則江彬之爲也彬本行伍庸流兇狠傲慢無人臣禮臣等但見其有可誅之罪而不見其有可賞之功

今乃賜以國姓封以伯爵托以心腹付以提督京
營之寄此養亂之道也彬外挾邊卒內擁兵權騎
虎之勢不亂不止天下之人切齒唾罵皆欲食彬
之肉彬不誅天下之亂必自彬始陛下亦何惜一
彬以謝天下哉伏望陛下大奮乾剛將彬下諸廷
議明正典刑以爲奸邪小人迷亂之戒其六曰建
儲貳嘗聞漢人有言曰太子天下本本一搖則天
下震動夫有本而搖天下猶震動況于無本其何
以安洪惟陛下春秋漸高前星未耀祖宗社稷之
託懸懸乎無所終於寄方且遠事觀遊屢犯不測

名臣記

卷之五

五

三

之區此必危之道也陛下徒知收置義子布滿左
右獨不能豫建親賢以承大業臣以爲陛下殆倒
置也伏望陛下早及是時將近時羣臣建儲章疏
通行檢出宣付皇親勳舊及在廷文武大臣共圖
大議即於宗室中遴選親賢一人養于官中使視
皇子以繫四海之望待他日誕生皇子之後俾其
出就外藩如此則繼體有人國本以固寔宗社無
疆之休惟聖明留意車駕員外郎陸震見公疏即
碎已跋草曰願同署各進疏人二公自分必死彬
見疏果大恨必欲殺二公縛下詔獄鉗校于廷五

日三詈杖百餘坐繫逾月除名公體最羸衆咸謂
公必死乃死得甦震竟死當是時海內盛傳公疏
公歸杜門著述家素貧客至留飯或至日中未舉
火貸米鄰家恬不屑意嘉靖改元召爲南京大理
寺丞未幾卒無子贈大理少卿公嘗曰人生仕至
公卿大都三四十十年惟立身行道斯千載不朽世
之人顧以彼易此何邪公沉敏好學雖疾病支離
手不釋卷詩文清粹和婉自成一家震字汝亨蘭
谿人正德三年進士爲江西太和知縣有善政去
之日民立祠祀爲武庫主事 孝貞皇后喪 武

名臣記

卷之五

六

三

宗自宣府奔喪歸又復欲出震抗疏諫 上怒罪
且不測幸諸大臣力救得免陞車駕員外郎杖於
廷死矣復甦書與諸子曰吾筆亂神不亂也竟以
創故卒卒後三年贈太常少卿子體仁騰國子生
爲通政知事是時諫而杖死者贈主事何遵劉校
尚寶卿主事林公黼行人司副余廷瓚太常寺丞
刑部照磨劉珏部主事行人詹軾劉樂孟陽李紹
賢李惠王翰監察御史各廕子姪一人入國子監
嘉靖初禮部主事件瑜上疏曰正德間給事中御
史挾勢凌人趨權擇便交遊貴俠飲宴園亭凡朝

廷大闕失羣臣大奸惡緘口閉目不復救正一時
犯顏敢諫視死如歸或拷死廷闕或流竄邊隅者
○郎中員外主事許事行人庶吉士等官又張英
本一武夫人諫就死行道悲傷諸給事中御史揚
揚出入若罔聞知今幸 聖皇馭極褒恤忠諍此
輩更無面目復立清明之朝章下吏部寢張英者
京衛指揮使聞 武宗南巡挾一刀囊土數升持
諫疏當蹕道跪哭諫不允即拔刀自刎血流滿地
○南人縛送詔獄問英囊土何爲曰恐汚帝廷酒
土挫血耳殞命獄中無子嘉靖初憐其忠贈都指
名臣記 卷之二十九 七 陳南三百六十二

揮官英弟雄都指揮

御史陳公

公名茂烈字時周莆田人弘治九年進士公先世
瑞安人成籍興化遂居郡梅峰公髫年喪父繼戎
倭勵志邁俗不與羣兒伍晝入公署夜歸讀書祖
母憐其孱弱亟止之乃韜燈默誦不輟年十八慨
然歎曰善學聖人者莫如顏曾顏之克已曾之日
省豈非學之法歟作省克錄自考進士時奉使廣
東師事白沙語累日甚喜白沙曰學須靜一退作
靜思錄爲吉安推官持大體開至誠通以民彛之

懿豪家利家婦則誣許婚斷從守志夫制悍妻嫁
有娠妾既生子歸承其業族人爭之驗與姊類爭
者媿服時郡守嚴擊強豪徐輒以寬當道尚深刻
徐開解得寬繫信乎上下考績歸至淮乏寒具凍
幾死爲監察御史袍服朴素騎牝馬身若無官有
尚書于受賂崔志端以道士起家根植自固言者
屢劾不動公劾尚書去崔竟留遂以母老乞終養
母力供甘旨短床敝席不辦一蚊帳身治畦一蒼
頭給薪水出則自執小油盞妻子服食粗糲一女
適彭惠安孫輔嫁其涼薄皆人甚不堪者公泰然
自足日坐斗室究極五經四書之旨體驗身心隨
得隨錄常曰儒有向上工夫詩文特土苴耳正德
中吏部以公養母清苦奏改爲晉江縣學教諭資
其祿疏辭不拜既又援侍郎潘禮例奏給月米
上嘉陳茂烈清苦令有司月給米三石資孝養又
辭曰陛下隆孝理之化長清白之風下逮微臣亦
荷收恤豈獨臣一家之幸而已第念臣家素貧寒
食本儉薄故臣母自安于臣之家而臣亦得以自
遣其貧非誠有及人之廉盡已之孝也古人行備
負米皆以爲親臣之貧尚未至是而臣母鞠臣守

名臣記 卷之二十九

八 陳南三百六十八

貧居寡艱苦獨至臣雖勉盡心力之義竟未酬涓滴之恩且母年已八十有六來日恐無多返哺至情固欲自盡資養月米心竊不安奏上不允公辭公以母年九十未有嗣息日夜爲憂方抱疾而母卒強起號哭寢地疾轉亟卒林見素爲治殮具立其族子遠揚爲後都御史王應鵬薦公廉約如石守道而所養獨純孝行如徐仲車而所處尤困詔表宅里曰孝廉恤其家見素曰陳公領悟既深而充養益熟隱衷粹行對天地質鬼神鄉國敬服殆黃憲管寧之流也

名臣記

卷之十九

九

陳南三百五十三

論曰公黃學陳皆莆產忠潔足以明志孝廉足以存節究其用經濟才也孰非人臣孰非人子觀此能無深省乎

皇明名臣記第二十九卷

子履準校

孫心材重校

皇明名臣記第二十卷

吾學編第五十一

海鹽鄭曉

太師李文正公

公名東陽字賓之茶陵人成籍居京師公四歲能大書景帝召見加諸勝賜寶鏐六歲八歲兩召試講尚書大義命肄京庠年十六舉鄉試天順八年進士翰林庶吉士成化元年授編修十年轉侍講十九年進侍講學士明年充東宮講讀官去弘治二年遷左庶子兼侍講學士四年實錄成陞太常少卿仍兼職掌翰林院事日講七年禮部侍郎兼侍讀學士與詰勅八年兼文淵閣大學士入內閣時占城爲安南侵擾請賜詰問公曰春秋王者不治夷狄安南雖奉正朔修職貢然特險負國積歲已久今遣官至其國徒掉寸舌小必掩過飾非大或執迷抗命若置而不問損威已多即問罪與師貽患尤大宜勿聽十年中官李廣以燒煉齋醮被寵公與同官上疏曰我祖宗自洪武至天順間面召儒臣咨議政事今朝參外不得一覩天顏且經筵日講成就君德裨益治道今每歲進講不過數日夫人君之心必有所繫不繫于此必繫

名臣記

卷之三十一

三十一

名臣記

卷之三十一

二

三十一

于彼正士既疎則邪說乘間而入近有以齋醮燒煉進者此乃異端惑世之術聖王之所必禁宋徽宗崇信道流及金兵圍城方士郭京誑稱作法卒使乘輿播遷社稷顛覆求福不得反以致禍至若燒煉其禍尤慘金石之藥性多酷烈一入腸腑爲禍百端唐憲宗藥發致疾雖杖後方士柳泌竟亦何益今上清龍虎宮神樂祖師殿及香經殿皆焚燬無遺神如有靈何不自保天厭其穢亦已明甚矧變惑失度太陽無光天鳴地震草妖木異四方奏報殆無虛日伏望嚴早朝之節復泰寧之期勤講學之功優節下之禮遠邪佞之人斥誣罔之說太平之業可保矣科道疏救武岡知州劉遜上震怒俱下獄又同疏申救得釋尋召至平臺奏事云十一年太子出閣加太子少保禮部尚書召見面議四營總兵官去留是年清寧官災公與同官上疏曰近年以來災異頻仍內府火災尤甚或以爲天道茫昧變不足畏此乃慢天之說或以爲天下太平患不足慮此乃誤國之言或以齋醮祈禱爲弭災此乃邪妄之術或以縱囚釋罪爲修德此乃姑息之計幾惑聖聽莫此爲甚且賄賂公行賞

罰失當紀綱廢弛賢否混淆工役繁興民困達下情不達上澤不宜愁歎之聲上于和氣災異之積正此之由時又有爲李廣乞祠額者公執不可清寧官成召能仁寺僧入大內慶讀公又執不可上皆從公言十二年給事中華和劾程敏政考會試通私命公覆試十六年加太子太保戶部尚書謹身殿大學士十七年祀關里還上時政疏十八年上不豫召入受顧命康陵卽位加少傅兼太子太傅尚書大學士如故正德元年上不親政又與同官上疏曰近日視朝太遲免朝太多奏事

名臣記

卷之三十

三

三月十三日

漸晚嬉游漸廣夫奢靡玩戲非所以崇儉彈射釣獵非所以養仁鷹犬狐兔田野之物不可育于朝廷弓矢甲冑戰鬪之象不可施于宮禁正人不親直言不聞而此數者交雜于前臣竊憂之近六月中風雨飄蕩雷霆震怒正殿鳴吻太廟春獸天壇樹木禁門房柱摧折燒毀災異尤甚惕然省愆側身勵精庶可回天慰人不聽又與同官上疏曰先帝顧命惓惓以天下爲托臣痛心割骨誓以死報邇者地動天鳴五星凌犯星孛晝見白虹貫日羣災疊異併在一時歷觀載籍前聞古今未有如

此而不亂者且詔令靡格變易殆盡憂在于民生國計若罔聞知事涉于近幸貴戚牢不可破或皆從中出略不預聞或有所議擬徑行改易臣若該顧命之名不盡輔導之責天下後世其謂臣何不報又陳政令十失是冬加少師兼太子太師吏部尚書華蓋殿大學士二年逆瑾擅權益恣暴尚寶卿崔璿御史姚祥主事張偉爲遷卒誣執荷校長安門外公力救得戍邊內苑御船獵獸上疏曰今歲自端陽後金鼓炮火聲徹都邑廐牧廝役紛沓禁廷大臣畏忌不敢言小臣震懼不敢諫不知

名臣記

卷之三十

四

三月十四日

祖宗分職設官朝廷庶祿養士將焉用之伏望鑒古道以端好尚視朝加早則炎暑不侵進膳有時則元氣日盛三年給事中安奎御史張或忤瑾荷校公疏救都御史楊一清逮繫至公又力救是夏早朝有校匿名文書數瑾罪者瑾怒羣臣悉逮詔獄公又力救五年夏旱蠲上疏條四事會張永發瑾奸伏誅上以公有反正功加特進左柱國廕其從子兆蕃爲尚寶丞上疏曰天下者祖宗之天下上天所付託生民所仰賴高皇帝櫛風沐雨十餘年而後定何其勞也文皇帝南征北伐

定鼎始謀二十餘年而後成何其難也。列聖相承兢兢業業罔有怠荒。先帝顧命惟欲陛下早嗣大位早成大好光前裕後衍無疆之澤。聖慮所及何其深且遠也。臣願念上天付託者重思祖宗授受者隆繼生民仰賴者切每于朝奏講讀之暇安處官閣溥施恩澤起居以節游豫以時保養天和培植國本則六氣莫能侵百邪不敢近矣。不報七年流賊數十萬殘破半天下賊就平。上以公有功加陞一子錦衣指揮辭。上以京軍不習戰陣欲調邊軍衛京師公疏陳十不便不聽遂乞休卒年七十贈太師諡文正公。慧悟夙成文章流麗代言敷奏明暢爾雅又能獎進才雋推挽聲譽風韻所漸人皆嚮附事太陵稱忠勤康陵時周旋曲濟保護善類清謹弗渝休休不專政歸卿寺人顧思之。

太保楊文襄公

公名一清字應寧雲南安寧州人父徙巴陵又徙丹徒年八歲以奇童薦入翰林爲秀才成化八年進士爲中書舍人結交海內名士文章益有名從學者日衆出爲提學歷山西陝西僉事副使陞提

名臣記

卷之三十

五

清江三白十四

督四夷館太常少卿南太常卿弘治十五年劉忠

宣公言馬政廢壞陞副都御史督馬召詰關面授

勅行明年拜理茶馬鹽馬陝西人素喜公公官益

高才益展布條上茶鹽監牧事宜及易置馬吏奏

請輒允牧事有成益開水草善地起城堡廬舍河

湟涼固間雲錦成羣十七年虜入花馬池塞十八

年勅公經略邊務兼巡撫陝西禦虜虜遁去正德

元年改總制三邊兼理馬政是年陞右都御史公

疏言陝西各邊延綏城堡險要夏甘肅河山三

隔賊雖侵犯爲患猶淺惟花馬池至靈州一帶地

名臣記

卷之三十

六

一前明憲八十八

里寬漫城堡稀疎兵力單弱一或失守虜衆拆牆

而入犯我環慶冠我固原深入我平鳳臨鞏其間

漢土雜處儻兵連禍結內變或因之而作根本動

搖誠非細故此所謂膏肓之疾腹心之害也成化

初年北虜在套彼時未有邊牆恣肆出入已而得

巡撫寧夏都御史徐廷璋修邊牆二百餘里開濬

溝塹一道延綏地方邊牆壕塹又得巡撫都御史

余子俊修濬完固北虜知不能犯不復入套者二

十餘年世平人玩邊備稍疎牆旣日薄溝又日淺

弘治十四年大虜由花馬池拆牆而入戡破內郡

名臣記

卷之三十

七

漢元帝八十八

虜人得志始蔑我邊牆爲不足畏連年擁衆折人我軍動輒失利寧夏鎮巡屢奏乞築牆濬塹提督軍務都御史史琳又乞於花馬池韋州設立營衛六部奏下總制尚書秦紘紘止添修四五小堡及於靖虜至環慶地方挑挖邊塹一道七百餘里自謂可無虞患弘治十七十八年冬虜復大舉仍自花馬池清水管拆牆深入紘所修邊塹營堡不能捍禦阻遏攻陷清水管殘破花馬池上厯宸扈勅臣經理臣聞劣歷官陝西有年虜情遷事頗嘗實心但腹裏頻年旱荒倉廩空虛饋餉不繼虜賊動號數萬倏聚忽散未至而廣徵士馬則徒費芻糧既至而調兵應援則緩不及事縱使大兵既集務速則彼或不來持久則我師先老恐終無以伐其深入之謀沮其方張之勢嘗聞防邊之計莫危於戰莫安於守臣恐坐談不如親見自慶陽環縣延綏定邊寧夏花馬池興武清水管直抵靈州一帶邊牆城堡墩臺躬親閱視廣集衆思兼收羣策參酌損益始有定論其大要有四修濬牆塹以固邊防增設衛所以壯邊兵經理寧夏以安內附整飭韋州以遏外侮言勢之急莫先於此但陝西財匱

名臣記

卷之三十

八

漢元帝八十八

民勞修邊之役人多異議然利害有重輕調警有大小大事可成則小費不足計遠效可圖則近怨不足恤此臣區區大馬一寸之忠也今之河套即周之朔方漢之定襄赫連勃勃統万城也唐張仁愿築三受降城置烽墩千八百所自是突厥不敢踰山牧馬朔方無寇歲省費億計減鎮兵數萬受降遠在河外古之舉大事者未嘗不一勞而後永佚類如此受降據三面之險當千里之蔽正統以來浸失其險舍受降而衛東勝已失一面之險又輟東勝以就延綏則以一面之地遮千餘里之衝遂使河套沃壤爲虜甌脫巢穴其中深山大沙勢顧在彼而寧夏外險反南備河此陝西北虜之患所以相尋而莫之能解也茲欲復守東勝因河爲固東接大同西接寧夏使河套方千里之地歸我耕牧開屯田數百萬用省內運不然則陝西用兵殆無虛日八郡之人疲於奔命民窮盜起禍將何極及今將延綏寧夏一帶邊防設法整飭賊來有以待之雖非上計猶愈於無策醜虜聞知或數十年未敢輕犯我得休養生息東勝之議未必終不可復也世之論邊事者或專主於戰伐臣亦非敢

忘戰者方將蒐選官軍策勵將士修車馬備器械糧糧明斥埃今冬虜賊若復侵犯謹當督率諸將恭行天罰成功在天臣不敢必凡所當爲臣不敢避今首以築牆挑塹爲言宜必憎茲多口但受恩深重自當爲國遠圖今年套內無賊腹裏有秋人民稍安正可有爲之日應合經理邊防事宜條奏伏望 聖明俯垂省覽下兵部議勅公經理二年公言臣即兼巡撫已不能專力焉政令員總制事益廢閣乞仍遣巡茶御史兼馬政是年引疾京歸璋惡公已又遠詔獄長沙力救得釋兵部疏言

名臣記

卷之三十一

九

五十八上

一清修邊纔有端緒而去凡糴餉費銀十餘萬兩起戶役銀十六萬兩及諸犒勞藥餌轉運木石皆一清精神運用計慮周悉今付之新任撫臣意有異同事無統紀恐徒費財靡益邊務乞遣大臣專理議上兵部右侍郎文貴右副都御史張鑑陝西巡撫副都御史曹元乞簡用瑾意不欲修邊內批罷後銀銘大錢解京事竟止五年安化王反寧夏召公總制陝西延綏寧夏甘肅各路軍務同太監張永計賊兵幾至陝仇鉞已擒賊公謂永曰藩室亂易除國家內憂不可測奈何永曰何謂公曰公

豈一日忘情願無能爲公輩者遂促手遣璋字永曰渠日夜在上傍上一日不見渠不樂今其枝附已成耳目廣矣奈何公曰公亦天子信幸臣今討賊不付他人付公上意可知公試班師入京詭言請上問語寧夏事上必就公問公於此時上寔錯愕檄并迷渠亂政凶狡謀不軌海內愁怨大亂將起上英武必悟且大怒瑾誅柄用公益矯瑾行事呂強張永葉璽公千載三人耳永曰即不濟奈何公曰他人言濟不濟未可知言出公必濟顧公言時須有端緒且委曲上

名臣記

卷之三十一

十

五十八上

萬一不信公頓首請死願死上前即退瑾殺奴僇狗又涕哭頓首得請即行事無緩頃刻漏機事禍不旋踵永勃然作曰老奴何惜餘年報主乎已而永入京請見如公策竟誅瑾永力薦公才望長沙又薦公召入戶部尚書尋加太子太保六年改吏部尚書中原盜起公上平賊十一策賊平加少保兼太子太保公在吏部時給事中王昂劾吏部謫官公疏救御史孟洋劾內閣謫官公疏救雲南陝西鎮守太監譚泰巡按御史張璠劉天和王廷相逮下詔獄公又疏救十年入內閣加少傅太

子太傳大學士武英殿尚書如故公不屑由謹以故被劾去歸丹徒嘉靖初遣使存問大體議起公見永嘉疏曰張生此論聖人復起不能易也張桂向用力薦公嘉靖四年虜大入塞擾闕隴起公兵部尚書兼憲職提督軍務陝西未幾召入內閣首薦起餘姚鉛山遂請老公亦請老尋加公少師改華蓋殿上憐公老令朝明望公復銳意修邊及選將練兵屯田防虜上亦用公言竟中止公惡武定侯助橫驕諷御史趙鍾勛劾奪助後府及關管八年秋公計去張桂霍韜曰議大禮者吾輩三

名臣記

卷之三

二

言字九

四人張桂去且及我急上疏列公罪二十四事上立召永嘉還內閣俄朱繼宗獄起坐公受張客金錢名請永誌又輒與容指揮世錦衣上又憐公大臣老不問言官劾上削籍明年疽發背卒繼孫元援認請得復公官公生而隱官貌類寺人學博才雄善調停應變濟務尤曉暢邊事羽檄旁午一夕十疏口占指授悉中機宜又好汲引人人或訾已顧揚薦之一時俊近喜功名者亦爭趨其門嘉靖二十七年贈太保諡文襄

太傅張文襄公

公名書字文同遂寧人弘治三年進士初知劍城興水利開荒萊興學禦盜皆有條績召工部主事造舟淮浦財貨清覈作漕船志紀因革利病傳以已意改戶部時雲南晝晦五日勅大臣考雲貴諸吏公疏言致災之由係朝廷不係雲貴在大臣不在庶僚條上時事千言陞河南按察僉事勦賊正經界禁工役騎豎宗藩莫敢流阻兼理虛鳳會歲饑請漕臺京粟賤宜截漕泉賑單積舟車費又數萬皆可易銀轉京庫又便得截粟四十萬石饑民大濟正德四年副使提學貴州延王守仁省城講授五年入賀京道逢楊文襄曰曩見子河南鄉試治河策善貴州不足煩子河事大治河宜子楊入吏部遂薦公河南參政領河事會外艱竟不及治河去八年按察使浙江擒治蒙古送貪酷吏釋冤獄梟政一新十二年右布政使雲南勦雷益構亂土舍轉左福建聞宸濠反眾觀望公發庫金募兵二萬討賊嘉靖改元之歲陞副都御史巡撫湖廣擒奸豪號三虎者除民害長沙守貪酷巧附麗公按坐謫戍吏民畏服元年陞南京兵部侍郎時江淮南北大饑奏截漕粟五十萬石給軍餉戶部方

名臣記

卷之三

三

言字九

議發帑賑會公奏至請亟賑入條上賑法一言江
北四郡饑最甚江南八郡蘇松常鎮次之徽寧池
太又次之延中方難得人往賑見公疏喜請以賑
事付公公賑有法歛郡縣銀米數并截漕粟戶部
賑銀量饑重輕爲多寡大抵專設粥以故侵冒者
少全活數十萬逾兩月人稱蘇古人言救荒無善
政舍此更無長策即有死者皆饑疾疫羣聚轉涂
勢不可奈何顧所活者多死者無幾尚略爾當是
時大禮未定桂文襄上疏并錄公及方文襄疏同
封進上得疏喜急徵入京言官遂劾公賑事無

名臣記

卷之三十一

十三

一百四萬

法公亦疏辭召尋本生詔下停召公陞禮部尚書
內傳下言官又交劾并劾賑乾沒銀八萬兩三法
司戶部出案上曰衆且中傷書再遣司禮監官
事得白益遣使促公公至改稱考獻帝伯考
孝宗將下詔令公議詔條公曰即開條濫恩放正
德諸弊政不可遏力言不可召至左順門傳聞可
否又力言不可遂止公尋檢姚崇要說上曰新政
十二事御史輩曰然公自比姚崇比上玄宗大
不道公乞罷不許旋因籍大同軍叛公薦一清守
仁討賊時相方主權議不果又議世廟街宜避太

廟及禮樂宜遜減於太廟者四事上大禮集議
要六卷五年獻帝實錄成進少保時公目失明
薦羅欽順自代修明倫大典公總裁六年加武英
殿大學士賜第給俸留京師三日卒贈太傅諡文
襄第春吏部侍郎

太師張文忠公

公名孚敬初名璉字秉用永嘉人七試禮部正德
十五年始得舉進士明年嘉靖改元賜進士時議
大禮未定公上疏爲上極言父子之倫不可奪
衆不悅是年冬授南京刑部主事嘉靖三年再上

名臣記

卷之三十一

十四

一百四萬

疏

上召與衆廷議竟如公說陞翰林學士四年
進廟議陞詹事兼學士五年陞兵部右侍郎轉左
進謁廟議及奉安獻皇帝神主儀六年兼翰林
學士進大禮要略命修明倫大典是年八月詔訊
李福達獄署都察院事公卿臺諫郎署多得罪謫
戍削籍福達竟脫死十月陞禮部尚書兼文淵閣
大學士入內閣賜銀圖書二忠良貞一絕愆弼違
公遂奏革鎮守內臣清勘皇親庄田七年加太子
太保辭遂再加少保上享太廟見公喜賜詩
稱公貌奇才傑進姚溪書院集賜書院名貞義六

月明倫大典成加少傅兼太子太傅吏部尚書諡
身爲大學士章聖太后賜金繒建議請嚴宣諭
杜私謁重制誥平潞賊定服制應制陳言曰審幾
微專委任惜人才求民隱八年勅重修大明會典
是年奏桂文襄不相能八月降勅諭百官並勒致
仕公至天津召還九年有四郊之役知營建事修
祀儀成典進郊祀議又請倣古立九嬪以廣儲嗣
又正孔子祀典主王寵以名與上名諱請更名
上改名字敏字懋恭十年雷震午門西殿致仕十
一年召還三月加兼太子太師進幸蓋殿少傅尚
名臣記 卷三十一 王 一 三十七 三十八

書如故八月又致仕十二年四月召還十三年加
少師餘官如故命有司爲作實錄樓十四年病乞
致仕十五年命錦衣千戶視病詢疾愈還朝至舟
疾作歸再起至金華疾又作歸獻皇后崩之歲
卒年六十五贈太師謚文忠許文簡曰公天性孝
友氣度朗豁博極羣書奇偉迥特非時俗庸淺所
能揆測及當事蒞政執法以往剛愎不回遭遇
聖王建明大禮乃知殿宗思治憂帝齊傳周宣中
與徽降生申有出然也
論曰余見學士大夫多警李公東陽豈其然哉豈

其然哉文正爲政值奸凶傾名毀迹保護善類卒
之日諸門生故吏歛金錢爲葬具不一二年家人
不免於凍餒余嘗過其門蕭然四壁不足當近日
輔臣一宴會之費楊公一清文武兼資處瑾永張
桂間固有深意非直任權術其濟不濟命也席公
書早自修檢才諳學識又足展其志意所至注措
有善譽張公字敬晚年發憤抗朝議受知聖明
得柄用攬才俊謝苞直孤立行一意元侯中貴戰
戰歛束要亦有以服其心矣

名臣記

卷三十一

二六

三十九

遜國臣記叙

高皇親賢好士砥礪英豪雖戡亂尚嚴威行罔貸而冰霜雨露實均造物之心天下鼓於向往建文繩武敬體益敦人重名節士惜廉耻試觀革除遺事當時死義之臣何多考書契以來未有盛於此者也

文皇仗義周公降陳江上金川不守本

高皇帝親嫡子豈易姓比况英毅懿達遜建文使智如管仲以忠

高皇者忠

遜國臣記

序

一

三頁半

卷

文皇他日齊名楊憲亦無不可胡乃甘飴於赴聘取適於捐生宗嗣奄滅而守不移朋屬既殲而心不動精金以百鍊益勁長河雖萬折必東壯烈泣鬼神血誠貫天日方陳暴鐵之節尤爲皎皎而周景諸公相將委國終完大義他若知名無考有迹無名者不可勝數又寧無名迹俱泯詩不見於甄眉幾露法於色舉者乎蓋自推戴留客外人人萌息謫諫矣此其浩然天植夫豈聞彼伯夷古稱商家一代之人心風俗竊謂高皇作人之化良爲過之書曰既歷三紀世

移

高皇變夷爲華誕敷文德茲方三紀而養士之報若此自是以後四十八年乃有己巳之變去戊申八十餘年德教愈深有文丞相李侍郎者光我中華盛於建文下也於時死綏投命之士寂無聞焉豈人不古若遽大相異乃爾耶夫平時危言潔行與臨難抗節死忠其致一也已已以來又百二十年廷臣危言潔行固多可表求其格心善俗歷歷如漢長孺唐韓休宋田錫歐陽修者殊未易得即得之未安於位也度之濟難槩可知矣嗚呼人才關氣運之盛衰士氣係人才之隆替翁故詳遜國諸臣以附名臣不惟彼之不可泯亦見此之不可忽有風教之責者庶其感動於斯也時嘉靖丙寅初秋朔進士鄭履淳謹叙

遜國臣記

序

二

三頁半

建文遜國臣記目錄

第一卷

魏國公徐輝祖

文學博士方孝孺

兵部尚書齊太

太常卿黃子澄

刑部侍郎張昺

按察僉事湯宗

燕府長史葛誠

燕府伴讀余達辰

兵部尚書鐵鉉

吏部尚書張統

禮部尚書陳廸

刑部尚書侯太

刑部尚書暴昭

第二卷

建國巨記 目錄

都指揮謝貴

都指揮彭二

都指揮馬宣

都指揮朱鑑

大寧守將卜萬

都督廖鏞

都督孫岳

都指揮瞿能

都指揮宋忠

都指揮余瑱

都指揮彭聚

都指揮孫太

都指揮莊得

都指揮陳質

都指揮楚智

都指揮阜旗張

指揮王資

指揮崇剛

指揮趙諒

指揮宋瑄

指揮張倫

衛鎮撫曾濬

衛鎮撫楊本

千戶倪諒

所鎮撫周拱元

第三卷

禮部侍中黃觀

吏部侍郎毛太

戶部侍郎卓敬

戶部侍郎盧迴

戶部侍郎郭任

禮部侍郎黃魁

兵部侍郎陳植

兵部侍郎徐屋

刑部侍郎胡子昭

御史大夫練子寧

御史大夫景清

都御史茅大芳

建國巨記 目錄

都御史陳性善

大理少卿胡閏

太常少卿盧原質

太常少卿廖昇

大理寺丞鄒瑾

大理寺丞劉端

大理寺丞彭與明

左拾遺戴德昇

第四卷

開國公常昇

越舊侯俞通淵

駙馬都尉梅殷

長興侯耿炳文

駙馬都尉耿璿

濠城侯李堅

安陸侯吳傑

歷城侯盛庸

江陰侯吳高

都督耿璉

都督劉卓

都督趙清

都督楊文

都督徐凱

第五卷

翰林修撰王叔英

翰林編修王良

翰林編修程濟

衡府紀善周是修

給事中陳繼之

給事中韓永

給事中黃鉞

給事中葉太

監察御史曾鳳韶

監察御史道備

監察御史葉希賢

監察御史魏晃

監察御史王度

監察御史甘霖

遜國巨記

目錄

三

三十八

監察御史高翔

監察御史王彬

監察御史鄭公智

監察御史韓郁

參軍斷事高巍

行軍斷事錢芹

戶部主事巨敬

國子博士黃彥清

宗人經歷宋徵

欽天監副劉伯完

按察使王良

叅政鄭居貞

按察副使程本立

按察僉事胡子義

按察僉事林嘉猷

知府葉惠仲

知府王璉

知府姚善

知府徐安

知府黃希范

知府孫鎮

知府陳彥回

谷府長史劉璟

遼府長史程通

知州蔡運

知縣顏伯璋

知縣鄭恕

理問徐讓

縣丞劉亨

縣丞衛健

教授陳思賢

教諭王省

主簿唐子清

吏目鄭華

典史周縉

典史黃謙

盧振

牛景先

周璿

謝昇

遜國巨記

目錄

四

一八十三

龔翊

儲福

松江同知

舉人劉政

生員高賢寧

第六卷

某部郎中梁田玉

中書舍人梁良玉

中書舍人何申

中書舍人宋和

中書舍人郭節

梁良恩

梁中節

何洲

郭良

雪庵和尚

河西傭

川中補鍋匠

馮翁

東湖樵夫

第七卷

戶部尚書王鈞

工部尚書嚴震直

侍郎學士王景

侍郎學士董倫

大理少卿薛崑

少卿學士高遜志

國子祭酒張顯宗

侍講學士王達

翰林侍讀唐愚士

翰林侍講樓璉

翰林侍書宋懌

尚寶司丞李得成

監察御史尹昌隆

國子博士王紳子穆

按察僉事葉砥

知府劉有年

遂國巨記

目錄

五一夏

百九十五

典史魏澤

衛卒羅義

第八卷

都督平安

都督竇忠

都督潘忠

都督袁宇

都督楊松

都督馬溥

都督陳暉

都指揮房昭

都指揮唐禮

都指揮孫狗皮

都指揮葛進

太監吳亮

建文遜國臣記目錄終

建文遜國臣記第一卷

吾學編第五十二

海鹽鄭曉

文皇即位之歲八月得建文時羣臣封事千通命解縉等檢閱凡言兵食事宜者留覽其詞涉干犯者悉焚不問

建文四年十一月都御史陳瑛請治建文諸死事臣 文皇曰彼食其祿自盡其心爾勿問又曰諸臣盡忠于 太祖故盡忠於建文但惡其導誘建文變亂成法耳

永樂十一年正月初法司解建文諸臣禁令

遜國臣記

卷之二

一

元之三

十四年諭法司奸惡齊黃等遠親未拿者悉宥來告者勿理

二十一年十一月劄諭禮部尚書呂震盡赦諸死義家於是稍稍有言建文時事者諸死義家人亦稍復還廬里

吉水人刼錢習禮爲練子寧姻爲饒家所持習禮惶急楊榮爲白 上上欣然曰使練子寧在朕固當用之況習禮乎

仁宗即位之歲十一月劄諭禮部尚書呂震曰建文中奸臣正犯悉受顯戮其家屬初發教坊司錦

衣衛浣衣局習匠功臣家奴今有存者既經大赦並宥爲民給還田土

洪應元年 仁宗撰長陵碑文稱建文君雖追廢猶書其沒曰崩當其在位猶尊之曰朝廷又論羣臣曰若方孝孺輩皆忠臣詔從寬典於是天下始敢稱孝孺諸死義爲忠臣云

唐皇復辟之年釋建庶人吳庶人繫令自便吏部侍郎楊守陳曰國可滅史不可滅我 太祖定天下即命儒臣撰元史靖難後史臣不紀建文君事遂使建文數年朝廷政事及當時忠於所事者湮沒不傳及今采輯尚可補國史之缺草奏欲上以病不果

遜國臣記

卷之二

二

元之三

南京吏部侍郎儲瓏曰方正學一時諸公必不可泯又曰永樂初節行之士尤見志尚所在某不自揆念其忠於所事嘗欲蒐其遺事稍發其潛

弘治中台人繆恭學古行高晚年走京師上六事其一紀絕屬請封建庶人後爲王奉祀懿文太子通政司官見恭奏大駭罵恭蠻子何爲自速死繫恭兵馬司獄劾上待命賴 敬皇明聖詔勿罪放恭還鄉

弘治中給事中金谿吳世忠請表祠方孝孺周是修練子寧黃子澄鄒瑾魏冕顏伯璋齊太諸死義者

嘉靖十四年給事中雲南楊傑請表楊建文諸忠臣下禮部議議未上 今皇帝因召對禮官問曰昨給事中言建文諸臣事云何夏言對曰諸臣誤君亂國先朝誅殛豈宜褒錄 今皇帝色變曰言官得無誚朕言對曰言官本書生初入仕聞人言建文諸臣死事時甚烈以故輒爲陳說耳 今皇帝色霽明日上議亦不罪僕

魏國臣記

卷之一

三

魏國公徐輝祖

魏國公徐輝祖

徐輝祖中山王長子初名允恭 太祖賜名輝祖身長八尺五寸洪武二十一年嗣魏國公二十六年遣諭北平防胡明年練浙江海上兵防倭二十九年會禮部翰林院試國子師生第優劣移吏部錄用輝祖嘗侍 懿文太子學通經書太義從詹希元學書善大字戊寅閏五月建文君即位特見信任八月兼太子太傅靖難兵起與齊黃盧振張昂等誠通謀議督諸兵北進屢有功召還靖難兵至江上輝祖及開國公常昇分道出師禦戰將士

往往離散不肯向敵遂還京 文皇即位勸罷尋幽繫永樂五年輝祖卒年四十 上曰輝祖與齊太章罪同宜論死朕念中山王平定天下有大功於國家曲赦輝祖今輝祖病死中山王功不可無後令輝祖子嗣魏國公通給中山王錢後諱輝祖長子釋迦保見 上賜名欽嗣魏國公遂乞守墓上怒謫居中都二十二年卒中山王四子次添福增壽緒長女 文皇后次代王妃次安王妃增壽素過欽於北平壬午秋靖難兵入金川門建文君手刃增壽於左順門廡下是年贈諡武陽忠愍侯

魏國臣記

卷之二

四

三百六十九

永樂二年贈定國公子景昌嗣

文學博士方孝孺

方孝孺字希直一字希古古寧海人父克勤元末隱居國初守濟寧有惠政孝孺幼精敏絕倫倫眸炯炯日讀書積寸爲文雄邁醇深鄉人呼爲小韓子年十四五侍父宦遊齊魯間歷覽孔子周公廟宅問陋巷舞雩所在從宋濂游同門多天下名士一日盡出其下 如胡翰蘇伯衡皆自謂弗如孝孺而歲不同世咸以爲程朱復出嘗臥

疾絕糧家人以告矣曰古人三旬九食窮豈獨我哉洪武十五年以吳沉揭樞薦召見上喜其舉動端整謂皇孫曰此莊士當老其才輔汝造還鄉會仇家得罪詞連孝孺籍其家械送闕下上識孝孺名特開釋令奉祠母挈妻孥還二十五年又薦召至上曰今非用孝孺時稍擢漢中府學教授日與諸生講明聖學蜀獻王聞其賢聘為世子師孝孺每見必陳說道德王喜甚講經論文無虛日為名其讀書之廬曰正學皇太孫即位初廷臣交薦召為翰林博士進侍講尋陞侍講學士暨薨倫侍經筵備顧問孝孺德望素隆一時倚重凡將相大政議輒咨孝孺上好讀書每有疑即召使講解臨朝奏事臣僚面議可否必命孝孺就展前批答孝孺嘗作書事詩曰斧戾臨軒几視問春風和氣滿龍顏細聽天語憚羣久携得香煙兩袖還又曰風軟彤庭尚薄寒御爐香遶玉闌干黃門忽報文淵閣天子看書召講官時大召名儒修太祖實錄及類要諸書孝孺為總裁會改謹身殿名正心孝孺獻銘作凝命神寶孝孺又獻頌皆規正君德比定定制改孝孺為文學博士靖難兵起日

召謀議詔檄皆出孝孺手兵既渡淮及江上畫策堅守誓死社稷建文君遜去文皇以姚廣孝言召用孝孺不肯屈繫獄一日遣人諭再三終不從又召孝孺草詔及見悲慟徹殿陛上降榻勞曰先生無自苦余欲法周公輔成王耳孝孺曰成王今安在文皇曰果自焚死孝孺曰成王即不存何不立成王之弟文皇曰國賴長君孝孺曰何不立成王之弟文皇又曰先生無過勞苦置左右授筆札又曰詔天下非先生草不可孝孺大批數字云云授筆於地又大哭且罵且哭曰死即死詔不可草文皇大怒命磔諸市孝孺慨然就戮為絕命詞曰天降亂離予孰知其由奸臣得計予謀國用猶忠臣發憤兮血淚交流以此徇君兮抑又何求嗚呼哀哉庶不我尤時年四十六復詔取其妻鄭鄭先已經死宗族坐死者八百七十三人孝孺和粹貞諒事親孝處師友篤恩義克勤守濟寧被誣謫戍江浦上書乞以身代父不報宋濂葬夔州孝孺自漢中走荆榛往祭墓且言之蜀王軫恤其孤養備至與林右王紳郭濟劉浩葉見太諸名士友善切磨道義被薦時王叔英與書大率以

時措之宜爲言孝孺深然之及與政又慨慕古王政即欲見諸行事以故多紛更卒無成效其文章大類蘇氏而正論過之嘗謂道之於事無乎不在列爲二十八箴又作雜賦三十八章以自警謂化民必自正家始作宗儀九篇謂先王之治先德化而後政刑作深慮論十首以纂玉女主吏狄雖一天下不可爲正統作釋統三篇多先哲所未發者四方夷裔得一字實於金壁所著有遜志齋集四十卷又有周禮考次大易枝辭武王戒書註帝王基命錄文統宋史要言諸書逸不傳洪熙初仁

遜國臣記

卷之一

七

三言

廟嘗謂羣臣曰若孝孺輩皆忠臣詔奸臣黨與從寬典方氏遺族始有赦還鄉者因立祠堂祀孝孺成化初遺文始行或曰錄孝孺家時得魏典史澤周旋藏其幼子以故孝孺尚有後謝文肅公詩所謂孫枝一葉是君恩也孝孺死節事至今百六十年人皆歷歷能言雖人人殊其成仁取義之死靡悔斷然不可泯滅而同時文學柄用之臣際會功名史有別書以故彭惠安公澤哀江南詞有曰後來奸佞儒巧言自粉飾叩頭乞餘生無乃非直筆澤字彥思應天人爲刑部尚書謫寧海

兵部尚書齊太

齊太溧水人初名德洪武二十年鄉貢明年舉進士歷禮兵部主事會震謹身殿上禱郊廟太以官九年無過得陪祀賜名太三十年陞兵部左侍郎明年進本部尚書上嘗召太問邊將姓名太歷數無遺又問諸圖籍太出袖中手冊進簡要詳密上大奇太是年閏五月受領命輔呈太孫時諸王皆尊屬擁重兵專制地嫌勢逼詔諸王臨邸中毋奔喪王國所在吏民悉聽朝廷節制詔下諸王不說謂此齊尚書疎間我也嘗使北平北平賂

遜國臣記

卷之一

八

三言

太太受歸請爲兵費上益倚重太文皇時自燕邸入臨至淮安太言上急出勅符勒歸國又與太常卿黃子澄建策凡親王有罪輒除國建文元年靖難兵起太專主籌畫命將出師上日召學士輩討論周官法度處處便殿弄柔翰詔問外事一付太太遂移檄指斥削屬籍或難之太怒曰名正言順敵乃可服靖難兵遂以誅太爲名上疏請發奸臣齊太黃子澄等與臣訊究陛下即不發臣必不休兵且抵京赤地千里時尚遣諸王督監諸軍太以谷王穗漏師遁還慮遼寧二王近燕爲變

皆召之還遼王至寧王竟不至二年靖難兵日進
過淮泗謫太子澄官求解兵李景隆書于燕謂齊
黃屏寬退荒可息兵歸藩不聽進兵益急尋召太
未及還金川門開建文君遜去太迫至廣德欲往
他郡起兵興復竟被執見 文皇不屈死之從兄
弟救宗等皆死叔時永陽彥等謫戍兗甯六歲給
配赦還今其子孫猶存故居爲舖舍人猶稱尚書
舖云 仁宗爲長陵神功聖德碑述建文君焚崩
喪以天子禮臣僚非其罪者咸復之於是太等宗
黨皆得赦給還田土且戒天下毋得以奸黨相告

太常卿黃子澄

黃子澄名湜以字行分宜人少受易歐陽貞書周
與學春秋梁寅有文行負盛名洪武十七年貢入
太學明年進士舉禮部第一授翰林編修陞修撰
伴讀東宮累官至太常卿建文君爲太孫時坐東
角門謂子澄曰諸王尊屬擁重兵奈何對曰諸王
僅有護兵纔足自守萬一有變以六師臨之誰其
能支漢七國非不强卒底亡滅小大強弱之勢不

向而順逆之理異也太孫喜每呼子澄黃先生太
孫即位倚任子澄謂曰先生無忘東角門之言子
澄頻首應曰不敢遂出與齊太議削奪諸王兵權
未幾周王得罪建文君書諭 文皇文皇爲曲解
子澄曰燕周母兄弟燕王出塞有功威名日盛不
併去燕後難圖於是出兵開平議鎮及更置北平
守臣伺府中事日急靖難兵遂起及耿炳文諸將
相繼敗北建文君召問子澄對曰勝負兵家常事
今天下富盛兵強食足區區一隅豈能當天下全
力聚兵五十萬四面並進旦夕且成擒子澄遂薦
李景隆爲大將代炳文景隆尤昏懦戰輒敗棄其
師遁召還京又赦不誅子澄慟哭曰景隆出師觀
望懷二心不亟誅何以謝 祖宗厲將士練子寧
亦執景隆於朝且哭且數請誅之皆不聽江淮諸
將連敗子澄拊膺慟哭曰大事去矣誤薦景隆萬
死不足贖誤國之罪賦詩云仗鉞曾登大將壇貂
裘遂賜朔方寒出師無律真兒戲負國全身獨汝
安論將每時悲趙括攘夷何日見齊桓尚方有劒
憑誰借哭向蒼天幾墮冠靖難兵至淮上建文君
不得已逐子澄且密使募兵而以竄齊黃使告燕

文皇曰此緩我也請悉召吳傑平安盛庸師還即已建文君爲道少卿薛昂請罷兵 文皇又不許兵抵江干蘇州知府姚善言子澄文武才畧足捍國難顧屏諸閑遠以快敵入胡失計至此始急召子澄未至金川門失守 文皇執子澄責問不服族其家一子走易姓名田經遇赦家湖廣咸寧正德辛巳進士黃表其後也

刑部侍郎張昂

張昂澤州人洪武中舉人累官刑部侍郎二十年四月轉左建文君初即位諸大臣言藩王周

建國臣記

卷之一

十一

漢人

內

代喉谷湘相繼變告藩國所在宜簡精強謀略有威望者爲守臣彈壓昂出掌北平布政司事與謝貴並受密命未幾詔讓 文皇昂貴遂集兵部署守王城 文皇亦稱疾不出長史葛誠謂昂王無恙昂不信張玉朱能請 文皇起兵 文皇曰昂貴已先發非計擒二人不可建文元年七月六日會朝廷遣人逮府中官校 文皇盡縛官校置庭中召昂貴入與械去昂以爲 文皇見兵大集窘不得已縛府中人獻朝廷不妄防守遂懈二人入至瑞慶門內伏兵起縛二人 文皇柳杖起立曰

我何病爲爾輩所迫耳昂不服死之屍得還葬昂初至北平以吏李友直機警寄心腹令訶府中事友直輒先事泄昂謀以故府中得爲備昂死友直遂得爲北平叅議靖難後族昂家焚殺近戚程亨輩戚疎遠及里人並戍邊一子得避脫 文皇嘗夢昂被髮爲厲出焚其尸面色如生昂家上祖墳在水南正德十五年知州馬汝驥立祠祀之汝驥有行誼官至禮部侍郎諡文簡

按察僉事湯宗

湯宗未詳何許人爲北平按察僉事上言北平按察使陳瑛密受王府金錢有異謀逮瑛謫廣西靖難後瑛召還院窮治建文諸臣多坐夷滅恨宗亦論死

燕府長史葛誠

葛誠未詳何許人爲燕府長史靖難兵未起誠與張昂謝貴言府中事又嘗諫 文皇文皇稱病暑月圍火輒言寒三司官入問疾誠密告昂王非病以不得 上心故誠又密疏聞 上會燕人秦事京師遂執下獄得密謀踪跡即發符逮府官校又令貴昂發兵內應盡簿錄王府入 文皇大恨殺

建國臣記

卷之一

十一

漢人

內

其家

燕府伴讀余逢辰

余逢辰字彥章宣城人爲燕府教授陞伴讀靖難兵未起逢辰頗聞其謀遺書戒其子自必死起兵時逢辰泣諫死之

兵部尚書鐵鉉

鐵鉉鄧州人洪武中國子生授禮科給事中調五軍斷事奏對詳明上喜賜字鼎石藩府坐法刑官久鞠不能奏當上屬鉉立決上益喜凡兩法司疑獄盡屬鉉未幾陞山東叅政建文二年李

遜國臣記

卷之一

三

三十三

景隆駐德州鉉督餉飛芻挽粟水陸並進軍興不乏五月靖難兵圍濟南甚急鉉暨徐將軍盛統兵高僉憲宋叅軍張都統王太守王府校等悉力防禦令軍民詐降開城門候文皇入急下鐵板幾中比出戰令軍士噪罵文皇窘大怒攻至秋七月不能克舍之而去宋叅軍說鉉等曰濟南天下之中北兵今南去其留守北平者類老弱且永平保定雖叛諸郡縣堅守者寔多郭布政軍書生大叅公能出奇兵陸行抵真定南朝諸將潰逸者稍稍收合不數日可至北平其間豪傑有聞義而起

者大叅公便宜署部號召招徠之北平可破也北

平破北兵回顧家室必散歸徐沛間素稱驍勇大叅公檄諸守臣倡集義勇候北兵歸合南兵征進者晝夜躡之大叅公館穀北平休養士馬迎其至擊之彼背腹受敵大難旦夕平耳鉉以軍餉盡於德州城守三月士卒困甚而南將皆芻材無足恃莫若固守濟南牽北兵使江淮有備北兵不能越淮歸必道濟吾邀而擊之以逸待勞全勝計也乃設宴天心水榭亭犒問辛苦述賦賡歌激發忠義未幾又有東昌之捷建文君以却敵之賞賞鉉進

遜國臣記

卷之一

十四

三十三

布政使再陞兵部尚書叅盛庸軍務賜金幣誥命封三代鉉入謝京師賜宴饋粟肉小河之捷中原震動文皇欲北還以諸將言再戰得勝遂長驅渡江鉉感憤欲自殺文皇登極鉉尚擁殘兵駐淮南已而擒鉉至不肯屈令一顧終不可得割其耳鼻竟不肯顧劈碎其體至死罵不絕聲時年三十七子福安戍河池康安先卒父仲名年八十三母薛安置海南

吏部尚書張統

張統字昭季富平人父月川文行知名統洪武中

舉通經爲東官侍書才識通敏太子器重純洪武
十二年冬陞通政司左叅議試左通政十五年雲
南平出爲右叅政陞辭 上賦詩二章賜統歷進
左布政使凡土地貢賦法令條格祠祀公廨上下
典儀經費程度悉統裁定吏民乎說遠邇莫安是
時雲南寓賢董倫王景韓宜可輩不問識不識皆
厚恤之以故遷謫至者如歸二十六年三月秩滿
入覲治行爲天下第一特令吏部勿考賜璽書曰
曩者討平西南夷命官撫守爾統實先往任今五
年言出則諸夷聽服令布則四野懽忻皆由誠信

通鑑紀事本末

卷之二

三

三十八年

相爭克共乃職今年來朝不待考而朕知其功出
乎天下十二牧之首故嘉汝績復命仍治黔南汝
往欽哉賜宴及道里費二十一年召爲吏部尚書
滇人如失父母時建文旁求遺逸日集闕下軍命
統試鑑識精絕各當其材會修 太祖實錄被旨
試翰林編纂官考第高下統得楊士奇策喜曰明
達時務有用之才不但文辭之工也奏第一授王
府密理副靖難後召統及戶部尚書王鈞諭曰卿
二人久事 皇考習知典故今皆老矣其解職務
月給尚書半俸居京師視時政有戾舊制者直告

朕無隱庶稱厚望老成之意統出遂自經吏部後
堂死統嘗爲雲南公廨記曰公廨廣三十七丈袤
百丈有奇段氏時稱東府元爲行省 皇明底綏
萬方以洪武壬戌戡定雲南就置布政使司屋宇
階庭雖有成績較之華夏則規模差陋惟堂與緩
其製頗精緻旋榮累節軒翺峻起但歷歲已久柱
傾直漏者屢矣周廡之外儀以重門功緒甚略意
精者其舊貫而粗者元之改作也東墀左右司以
下西墀管勾廳以下屬寺悉附焉統備員以來旋
拒烏合之徒內訌而外叛兵旣未休饑疫隨之日

通鑑紀事本末

卷之二

十六

三十八年

不暇給者凡五年歲丙寅始克儲材明年冬撤其
堂而新之正六楹楹圍五尺棟九架而衍其前脊
高四尋簷殺脊之半以強越二年再治材且因且
革門寢暨經歷司始成其外門兩廊仍未易也初
今有司計木之數與巨細若戶力之盈腴差而賦
之轉致不立期一從其便其與徒也較四州十一
縣夫之壯者每一州縣均作二四番每番期十日
乍作乍輟不敢妨其務不敢竭其力遷就數踰年
而迄未畢工如是乎其艱且滯有何哉蓋兵民之
役有征有禁有餉其大者如此其小者未可

故舉故不得已爲是迂拙之政誠不忍更促之也

竊嘗論之雲南於古爲荒外不治之地山林幽阻

民俗草昧各種各部如蜂蟻然無教今等威之制

無官室服用器業之資生理既不足繫其心又奇

險可以容惡是以樂縱恣而安悖亂苟束之以法

而強之以不能彼不信然相噬則然然而長往矣

昔在漢晉雖嘗設官亦卽其要會而領之隋唐間

頗置州郡皆不過羈縻而已固未嘗如中國間井

其人也元以四夷氣類相近因而撫之爲宜然其

弗靖者猶爾也是以志烈之士非不欲草薶而舍

獨之顧其勢有所不行亦噤齟久之乃已徐而思

之有如耐飢渴習露霖乘高走險殊死而不顧者

乃其所長然而性多荒惰暗事機素無節制之可

守雖則易合亦復易離智者察此則知所以制之

矣必有人焉才兼文武而道濟方域曰德曰威曰

廉曰信兼此四者而事不定人不妄吾不信也故

當無事則宜佚蕩簡易寬小過守大綱如班定遠

之言或有蠶賊則乘其未滋靈衝電激指的而中

之以懲其餘斯亦攻心伐謀之大端夫如是良怖

急者可牀下伏矣敬告來哲誠不知所以裁之洪

遜國臣記

卷之一

正

三八八

武二十三年庚午閏四月十有八月

禮部尚書陳迪

陳迪字景道宣城人曾祖巨卿元江州路總管祖

宥賢國初從征有功調撫州守禦百戶因家焉父

仲康嗣百戶迪幼偶儻有志操洪武八年薦辟爲

郡學訓導嘗爲郡草萬壽賀表上覽而異之十

二年近臣薦召爲翰林編修十八年陞侍講預修

大典二十四年陞山東左叅政捕蝗弭盜民德之

二十七年內艱二十八陞雲南右布政使時普

定曲靖烏撒烏蒙諸夷煽亂迪率土兵擊破之捷

遜國臣記

卷之一

六八

五十九

開賜金幣三十一年建文君卽位改官制定六部

一品免尚書鄭沂等徵迪爲禮部尚書建文二年

知貢舉是年水旱有旨集議迪言刑獄未清宜勅

法司擇公廉仁厚者分詣郡縣審覈獄囚無令久

淹致傷和氣又言逃民家業既喪且畏公私通負

失今不卹必嘯聚爲患宜使有司招徠其不願歸

者聽附籍種田暫免差役則民安而盜息矣皆從

之三年加太子少師辭兼俸靖難兵起與黃子澄

等上疏陳大計迪受命督軍儲於外過家未嘗入

聞變卽赴京師文皇總統召迪責問迪慢罵不

屈與子鳳山丹山等六人同日就戮將刑鳳山呼曰父累我迪叱勿言罵不絕口刺鳳山等鼻舌焚熟食迪迪吐唾益指斥遂俱凌遲死既死人于衣帶中得詩有曰三受天王顧命新山河帶礪此絲綸千秋公論明於日照徹區區不貳心又有五噫詞並悲烈蒼頭侯來保者拾其遺骸歸葬縣計家橋洪熙初詔釋迪宗姻成達者還鄉給產業成化壬寅郡人祀諸鄉賢祠甲辰郡守涂觀復於迪故居立祠祀之後湮廢嘉靖乙未驗封郎中李默誦判寧國復置祠祀郡人私謚曰靖獻默文學才行

遼國臣記

卷之一

十九

二百七十四

裴著時仕至吏部尚書兼翰林學士丙辰春爲趙文華所誣逮詔獄卒

刑部尚書侯太

侯太南和人累官至刑部尚書靖難兵起太督餉山東濟寧不守輜船陷沒還京建文四年又出淮安總軍餉得便宜行事文皇即位太至高郵與其隸上高茅邪仔同執下錦衣獄是年七月死第敬祖子玘皆論死籍其家幼子京兒永樂九年尚繫錦衣獄

刑部尚書暴昭

暴昭山西人爲北平叅政時防燕京甚嚴未幾還刑部侍郎克北平採訪使甫至境聞變亟走歸聞上建文元年設平燕布政司於真定陸昭刑部尚書掌司事平安諸兵敗召歸京師靖難兵入城出亡被執見成祖抗罵不屈去齒截手足罵不絕口至斷頸乃已

建文遜國臣紀第一卷

子履準校

孫心材重校

遼國臣記

卷之一

二十

二百七十五

建文遜國臣記第二卷

吾學編第五十三

海鹽鄭曉

都指揮謝貴

謝貴未詳始所自起洪武二十五年以錦衣指揮僉事陞河南都指揮僉事未幾署山西行都司事二十八年坐趙隆事法當死上特宥貴降河南衛指揮僉事建文君即位疑北平兵部尚書齊太薦貴智勇以爲北平都指揮使俾視藩府令其練兵卽有變先發後聞已卯六月貴部署北平七衛兵布城中逼王城盡柵端禮四門文皇用張三

遜國臣記

卷之二

一

黃洪

朱能計先擒貴貴死兵盡散玉等遂奪北平九門

都指揮彭二

彭二亦未詳始所自起建文初爲北平都指揮有威名靖難兵起殺謝貴二急跨馬大呼市中集兵得千餘人欲入瑞禮門文皇遣健卒龐來與丁勝格殺二兵亦散

都指揮馬宣

馬宣北平都指揮使靖難兵起殺張昺謝貴宣巷戰不勝東走薊州起兵西逆戰遇靖難兵戰不利退守薊州出城再戰又敗被執罵不絕口死之建

文君褒恤宣家

都指揮朱鑑

朱鑑北平行都司都指揮守大寧靖難兵至大寧諸將陳亨房寬皆降鑑力戰不支被縛罵不絕口死之建文君加卹典文皇檄中所謂萬段凌遲處死者卽鑑也

大寧守將卜萬

卜萬大寧大將也謀勇自負效死無恨每戰輒先登靖難兵畏萬萬部將陳亨欲降燕畏萬不敢發文皇貽萬書盛稱萬極詆毀亨絨識牢密召所獲

遜國臣記

卷之二

二

黃洪

大寧卒解縛厚賞之置書衣中俾歸密與萬故使同獲卒見之怪問守者曰彼何爲得此守者曰遣歸通密書於卜都司以故得厚賞卒跪告守者曰我得偕行請惟命無庸賞我守者爲請得俱遣竟不與賞不得賞者大恙至卽發其事劉貞陳亨搜卒衣得與萬書遂疑萬執下獄籍其家其間吳高亦類此未幾亨竟降貞遁遼東大寧相繼不守矣今寧陽侯者卽亨後也

都督廖鏞

廖鏞巢人祖永忠開國功封德慶侯父權嗣封鏞

以適子任散騎舍人歷官至都督建文中與議兵
事時宿衛殿庭靖難後上以廖侯兩子鏞與銘
嘗受學方孝孺令召之孝孺怒曰汝讀幾年書還
不識箇是字兩子復命上怒令軍校收孝孺孝
孺杖衰絰至闕下大哭上益怒令以刀抉其口
兩旁至耳刑之聚寶門外凡七日罵聲不絕廖兩
子拾遺骸葬聚寶門外山上甫畢廖氏亦見收兩
子遂逃去永樂元年四月錦末鎮撫司奉獲鏞銘
送刑部論死鏞弟鉞及從父淮安指揮僉事俱謫
戍邊鏞母東甌王長女也并銘女送浣衣局

遼國臣記

卷之二

三

陳元

都督孫岳

孫岳洪武中從大將立功官至都督同知建文中
充鳳陽守將靖難兵起大修戰守器械撤寺材爲
戰艦樓櫓戈甲咸有法刻寨淮西水陸有備靖難
兵竟從下流渡淮至盱眙金川門不守尚猶堅守
中都永樂元年法司劾岳逮至京宥死安置海南

都指揮瞿能

瞿能不知何許人驍勇有名洪武中以四川都指
揮使與同知徐凱統兵從涼國公凌大渡河擊西
番有功又與都督徐司馬爲副總兵從總兵都督

聶緯討建昌叛酋月魯帖木兒已而改副涼國公
藍玉能破賊雙狼塞建文君即位從李景隆爲裨
將二年四月庚申戰敗白溝河諸將皆狼狽走能
父子獨力戰死之精兵萬餘人皆死或曰能通之
子也

都指揮宋忠

宋忠錦衣衛指揮使智勇有名洪武二十九年百
戶有論死者非其罪也忠疏救百戶御史劾忠
上曰忠率直無隱爲人請命何罪爲并宥百戶成
邊三十年御史劉觀劾忠作威福邀名譽調鳳陽

遼國臣記

卷之二

四

陳元

中衛明年平羌將軍都指揮齊讓討西夷無功以
忠爲參將從征虜前將軍楊文討之凱旋復官錦
衣視傳道四川建文元年三月勅忠以都指揮總
邊兵三萬屯開平盡簡燕府護衛壯士從忠聽忠
節制護衛胡騎指揮關童者素驍勇忠遣童入京
北平有永清左右衛左調屯彰德右屯順德都督
徐凱屯臨清耿獻屯山海與忠相犄角約北平藩
閫張昺謝貴長史葛誠爲內應文皇殺昺貴誠
起兵忠率兵三萬至居庸關不敢進退保懷來
文皇曰宋忠握兵懷來必爭居庸宜乘其未至擊

之遂率精兵八千卷甲倍道趨懷來獲謀言忠謂諸將士家在北平者並爲燕府誅滅盡努力復家警報國恩 文皇急令其家人張故旗幟爲先鋒呼其父兄子弟相問勞家無恙輒喜罵宋都督欺我倒戈走忠倉卒列陣未成 文皇一麾渡河大戰敗奔入城被執死之子謙鎮南衛指揮使靖難後謫戍邊年十六賜死

都指揮余瑄

余瑄北平都指揮使與謝貴密謀不送賞死瑄走居庸關宋忠承制令瑄守關瑄簡練關卒得數千

遼國臣記

卷之二

五

三百八十四

人將進攻北平 文皇曰居庸險隘北平之咽喉我得此可無北顧憂瑄若據此拊我背宜急取緩則增兵繕守後難圖矣令指揮徐安鍾祥千戶徐祥等擊瑄瑄且守且戰援兵不至棄關走懷來依忠忠兵又敗同被執不屈死之

都指揮彭聚

彭聚北平都指揮也與孫太副宋忠守懷來忠敗聚力戰死當是時諸將校爲靖難兵所俘者百餘人皆不肯降發憤死大半不可考矣

都指揮孫太

孫太都指揮使從宋忠戰懷來先登頗有斬獲靖難兵擇善射者並射太中矢流血被甲慷慨裹血力戰奮呼陷陣死之

都指揮莊得

莊得洪武末爲西涼都指揮召至北平爲燕兵右翼出塞有功建文初隸宋忠麾下懷來之敗惟得一軍得全盛庸戰夾河得力戰助庸斬譚淵已而靖難兵勁騎乘暮掩擊得力戰死

都指揮陳質

陳質歷官江西都指揮使有威名建文初充參將守大同尋陞中府都督同知發代府陰事代簡王獲罪靖難兵出懷來質以西師助宋忠忠敗退守大同靖難後被執不屈 上曰質奸人害代王者遂被殺

都指揮楚智

楚智驍將也洪武中數從宋國公涼國公出塞有功歷陞都指揮使北平尋召入京從曹國公統騎卒遇靖難兵輒奮力戰夾河之役被執不屈死之

都指揮卓旗張

張卓旗者不知其名以都指揮充偏將力挽千斤

每遇戰靖難兵輒揮早旗先登軍中呼爲早旗張轉戰山東屢有俘馘至夾河力戰死猶執早旗不仆北軍皆異之

指揮王資

王資不知始所自起以指揮從偏將防守淮北資有膂力善騎射靈壁之後率步卒護軍餉諸將兵敗輜重芻糧委棄狼籍不能獨完遂被執遣還京遂走鳳陽從徐知府防禦靖難後追罪廢死

指揮崇剛

崇剛揚州衛世指揮其使同知僉事不可考矣建
遼國臣記 卷之二 七 三十九
文初靖難兵起剛練兵繕濬城濠御史王彬倚任之兵至專以城守事屬剛晝夜不解甲同列懷貳心者忌剛畏彬不敢發及彬被執爲徐政所縛張本又素不喜剛剛亦不屈而死

指揮趙諒

趙諒鄂國公外孫其母與孝康皇后兄弟也壯勇知兵建文元年六月以諒爲留守右衛指揮僉事信任之諒能效職無私交未逾月靖難兵起諒時時奉密命往來諸將軍中督察之壬午秋常宗人並得罪諒亦坐廢憂懼卒

指揮宋瑄

宋瑄鄆國忠順公晟子也建文中爲府軍右衛指揮使數從諸將禦靖難兵有功靈璧之戰披甲躍馬先登斬首數級已而諸營兵敗瑄猶格鬪力屈死之靖難後晟功名大著封西寧侯卒永樂六年兵部上侯諸子孫名乞嗣封瑄子本晟長孫宜嗣上惡瑄令瑄弟琥嗣侯琥尚安成公主琥弟瑛尚咸寧公主琥罪廢瑛嗣侯沒於土木

指揮張倫

張倫河北諸衛指揮也勇悍負氣常喜觀古忠義
遼國臣記 卷之二 八 三十九
事建文元年十二月薊州衛官起兵攻北平不克死倫聞之發憤合兩衛官各率其兵南奔結盟報國初從景隆已而從盛庸有功靖難後死之

衛鎮撫曾濟

曾濟薊州衛鎮撫與馬宣守州城靖難兵攻之不能下招之降不肯輒出兵力戰兵敗爲張玉所執不屈死之

衛鎮撫楊本

楊本中牟人或曰處州人初爲太學生精於遁法建文元年十二月募才略之士本應募起家兵部

試之授錦衣衛鎮撫時吳王撫軍一日本請王出觀兵及登將臺見大水淼茫平階而一軍皆不見

本曰此水遁也及帥師北向本常持一鐵棒重三十斤臨陣馳突北軍披靡不敢前遂破之景隆忌

本不上其功已而本約日出戰諸軍爲後繼景隆謂諸將曰今日譬之一圍瓜我輩種得熟乃被別人採去耶竟擁兵不救本上疏略曰刑屬三千罪

莫大於不孝人倫有五德莫大於盡忠忘君虐民者不可以不懲喪師失律者不可以不罪今都督

表字與耿炳文征討喪軍士二十萬於燕地皇

上憐其爲太祖故舊不忍加刑又如魏國公徐

輝祖征燕私存姊妹之情虧喪士馬皇上召回

京師命大教場操練軍士又曹國公李景隆四月

進兵喪失軍馬無限皇上責問乃歸罪羣下此

實總兵之罪也乞假臣爲大總兵用能官一員召

募義勇招撫軍伍凡先鋒參謀軍政稽考等官臣

自當保舉仍特命親王爲監軍疾馳燕師則可免

生民於塗炭莫宗社於泰山矣本遂帥孤軍獨出

被擒繫北平獄後文皇攻濟南失利趙王奔還

北平恐人心動搖索本殺之文皇大怒曰本有

才略予且欲用本奈何殺之本頭後無髮力戰有功而爵賞不及

千戶倪諒

倪諒燕山左護衛千戶也上變告府中事府中官旗盡逮詔獄于諒周鐸皆伏誅沒產壯者戍瘴鄉幼者剝離間親王克錦衣鞍轡局幼軍靖難後諒死之

所鎮撫周拱元

周拱元沅州人少讀兵書出入辰沅蠻中相交易蠻人信之建文元年應募入京試騎射答策授錦衣所鎮撫軍前差遣占候輒中主將令引步兵防餉舟靖難後死建文遜國臣記第二卷

子履準校

建文遜國臣記第三卷

吾學編第五十四

海鹽鄭曉

禮部侍中黃觀

黃觀字淵伯一字尚賓貴池人初從父贅姓許幼穎敏受學元黃嘽嘽死節觀益自砥礪嘗築翠微書舍讀書洪武二十四年會試禮部第一廷對禦戎策大要以天道福善禍淫之機人事練兵講武之法爲言擢進士第一授官翰林復黃姓累陞尚寶卿禮部右侍郎建文改侍中掌尚寶司事與方齊並見信用 文皇索齊黃時觀草詔極其詆

建文四年觀奉詔募兵上游且督諸郡勤王至

一陳於

斥建文四年觀奉詔募兵上游且督諸郡勤王至安慶聞變痛哭謂人曰吾妻翁有志節必不辱招魂葬之江上明日家人自京奔至言翁夫人暨二女同被執有象奴得之索釵釧出市酒殺夫人急携二女率家屬十人投淮清橋下死觀慟哭至李陽河聞建文君避位朝服東向再拜投湍流中死籍其家并逮姻黨 仁宗初得釋柯遲爲觀傳秘不肯示人後三十年縣尹清江龔守愚於觀故址立祠祀之

吏部侍郎毛太

毛太不知何許人建文元年代王謙爲左侍郎義爲右而統爲尚書太文章政事皆優所與交者並中朝俊彥靖難兵起數上封事條方略張統死大亦死或曰即毛大亨也

戶部侍郎卓敬

卓敬字惟恭瑞安人生質秀敏孝弟七歲嬉戲相工曰此兒骨髮殊異必爲名卿惜血不華色耳年十五讀書寶香山風雨夜歸迷失道得一兕牛馮之歸比入門乃黑虎也洪武二十一年進士除戶科給事中改元士尋又改爲士源又復爲給事中

建文四年觀奉詔募兵上游且督諸郡勤王至

一陳於

時制度未備諸王服乘多僭敬乘間爲言 上曰爾言是朕慮不及此因陞宗人府經歷進戶部侍郎建文初燕王來朝敬密奏曰燕王智慮絕人酷類先帝夫北平者強幹之地金元所由興也宜徙燕封南昌以絕禍本夫萌而未動者幾也量時而爲者勢也勢非至勁莫能斷幾非至明莫能察建文君覽奏大驚袖之翼日語敬曰燕王骨肉至親卿何得及此曰楊廣隋文非父子邪建文君默然良久曰卿休矣事竟寢 文皇即位責敬不奉迎乘輿敬厲聲不遜怒欲殺敬憐其才且繫獄或以

管仲魏徵事諷敬不聽姚廣孝惡敬必欲殺敬敬臨刑從容歎曰變起宗親略無經畫敬死有餘罪神色凜然經日猶如生夷三族 文皇嘗曰國家養士三十年惟得卓敬後四十年劉球傳其事私謚曰忠貞敬立朝慷慨英偉美丰姿善談論凡天文地理律曆兵刑皆能究察文詞峭拔磊落所著有詩文五十卷

戶部侍郎盧廻

盧廻浙江仙居人建文三年爲戶部侍郎廻疎爽不屑曲謹然大節皎然少喜飲酒飲酣長歌人或謂廻狂既仕顧折節恭慎靖難後不屈縛就刑長謳而死聞者悲之或曰盧珙

戶部侍郎郭任

郭任丹徒人或曰定遠人廉慎有吏才仕至戶部侍郎調兵食軍興不乏靖難兵入金川門任不屈死之子經亦坐死少子金山保成廣西嘉靖中鎮江知府劉備秀祀之鄉賢祠

禮部侍郎黃魁

黃魁不知何許人建文中爲禮部侍郎與陳迪黃觀共事魁行古雅有文學習典禮迪視皆敬愛之

靖難初魁不屈死之

兵部侍郎陳植

陳植廬江人元舉河南鄉試不仕洪武間起爲吏部文選主事歷官兵部侍郎靖難兵至植受命督師江上有督將密議降者植責以大義督將恨之遂遇害督將率衆奉迎自陳邀賞 文皇立誅之具棺歛植遣官護喪葬於白石山植宗人大懼皆變姓名走匿無敢會葬者

兵部侍郎徐屋

徐屋字宗實黃巖人以字行聘授風紀官屋以草茅愚屏辭銅陵簿謫淮陰驛丞郡邑士多所造就召見獎諭屢聘主文衡陞蘇州通判擢兵部右侍郎疏請移整風俗罷去不急振舉廢墜裁定賦稅撫輯農桑開政教之路塞異端之源進賢退不肖靖難兵起奉使招集兩浙義勇明年建文君遜位去屋家覆沒於京師屋義舉侃然杜門終老

刑部侍郎胡子昭

胡子昭字仲常一名子詔字伯尚大足人初名志高富經術性方介從學方孝孺漢中蜀獻王重子昭贈子昭詩以明經儒士薦爲榮縣訓導建文初

陞翰林檢討又陞山東按察僉事進刑部左侍郎
建文四年九月死之臨刑詩曰兩間正氣歸泉壤
一點丹心在帝鄉時年四十一父復初母郭皆年
八十餘并其子五人給緝繼等皆誦成正德中巡
按御史熊相立祠祀之

御史大夫練子寧

練子寧名安以字行新淦人洪武十八年進士父
伯尚洪武間爲起居注直言忤旨出爲廣德州同
知遷臨汀鎮安二府通判子寧初從鄉長者竹庄
先生游命賦水竹村居詩曰千山暮雨石泉通一

建國臣記

卷之三

五一

三

夜春雷龍長稍長與金少保相友善謂之曰異
日子必爲良臣我必爲忠臣廷對言近日朝廷用
人狗名而不求實小善驟進小過輒戮非育才用
人之道剴切不顧忌諱上親擢第二授翰林修
撰未幾內艱杜門屏跡力行喪禮服闋復除翰林
陞副都御史工部侍郎建文初即位改吏部與蹇
義爲左右侍郎又改御史大夫景隆奸邪懷異志
屢敗召還子寧執景隆於朝數其罪請誅之不聽
憤激叩首言此賣國賊臣備員執法不能除奸請
先伏誅遂罷朝靖難兵既渡淮靖江府直史蕭用

道衡府紀善周是修上書論大計指斥用事者誤
國書下廷臣及兩人議用事者怒詆二人子寧曰
事已至此尚不能容言者乎詎者愧而止文皇
即位縛子寧至語不遜斷其舌曰吾欲效周公輔
成王子寧手探舌血大書地上成王安在遂族其
家姻戚逮戍邊者百五十一人越數年吉水錢習
禮以未及逮爲鄉人所持恒懷不安以告楊榮榮
乘間以聞文皇欣然曰使練子寧尚在朕固當
用之況習禮乎子寧所著詩文名金川玉屑集正
德中江西提學副使李夢陽爲金屑書院祠子寧

建國臣記

卷之三

六

三

御史大夫景清

景清本耿姓真寧人洪武二十七年進士第二人
個儻尚大節領鄉薦遊國學時同舍生有秘書清
求而不與固請約明日即還書生旦徃索曰吾不
知何書亦未假書於汝生忿訟於祭酒清即持所
假書往見曰此清燈應所業書即誦徹卷祭酒問
生生不能誦一詞祭酒叱生退清出即以書還生
曰吾以子珍秘太甚特此相戲耳初清赴舉時過
淳化主家有女爲妖所憑清宿其家是夜妖不至

去却復來女詰之曰避京秀才旦日女以告其父
父追及清語之故清書京清在此四字令父歸粘
於戶妖遂絕不至清試禮部第二錄詩書二經入
翰林三載改監察御史三十年春召見嘉其才命
署都察院左僉都御史與實休是夏臺臣鄧文鑑
劉觀及清奏事罷以疏事訛懷印人刑科更疏爲
給事中勅下詔獄尋宥之出川陝巡察私茶建文
即位擢左都御史改御史大夫 文皇繼統方孝
孺練子寧等死而清獨委蛇侍朝人疑之一日早
朝清緋衣入先是星者奏文曲犯帝座甚急 文
皇因疑清及朝清獨著緋遂收之得所帶劔詰責
不屈而死是夕精英迭見族其家已而時入殿庭
爲厲又命籍其鄉轉相攀滌謂之瓜蔓抄村里爲
墟

都御史茅大芳

茅大芳大興人博學能詩文少有奇名或贈之詩
曰陸機此日能爲賦賈誼何時復註書洪武中儒
士應辟典教淮南考績入朝 高廟召對悅之擢
秦府長史勉以童子輔相之業賜賞甚寵大芳感
激額其堂曰希童方孝孺爲記稱大芳志意偉然

遜國臣記

卷之三

七

三十一卷五十五文

都御史陳性善

敦大和雅不亢不諂深有得於正誼明道之旨建
文君即位擢右副都御史靖難兵起遺詩淮南守
將梅殷幽燕消息近如何聞道將軍志不磨縱有
火龍翻地軸莫教鐵騎過天河關中事業蕭丞相
塞上功勳馬伏波老我無才無補報西風一度一
悲歌建文四年八月死之子順童道壽文生並論
死二孫添孫歸生死獄中有希童集五卷行于世

遜國臣記

卷之三

八

三十一卷七十四文

陳性善名復初以字行山陰人洪武十八年進士
上見性善疑重謂侍臣曰性善君子人授行人司
副入翰林爲檢討初誠意伯劉基卒命李鐸往取
其遺書基子璉即出觀象玩占石室中從鐸請關
上之性善善楷書召入便殿繕錄 上威嚴進見
者惶汗手顫不成字惟性善動止安雅書法端正
上悅賜性善酒是時威謫叵測性善留竟日家人
以爲死矣比出大驚喜久之超陞禮部左侍郎薦
薛正言輩雲南布政使韓宜可隸謫籍性善薦起
爲副都御史皇太孫在東宮時熟聞性善名及即
位一日退朝獨召性善賜坐問治天下之要且使
手書以進性善感知遇盡所欲言朝廷悉從之然

施行未竟輒爲有司所更性善請見曰陛下不以臣愚猥承顧問臣既僭塵上聽許臣必行未幾輒改所謂爲法自戾何以信天下靖難兵起改性善爲副都御史監軍建文四年三月辛巳戰靈璧敗績與彭與明劉伯完王資皆被執 文皇縱之歸性善衣朝服躍入河死之後加追戮家徙邊已而赦還

大理少卿胡閏

胡閏字松友都陽人博學修行 高皇征陳友諒至都陽吳芮祠見壁間題竹幽人無俗懷寫此者

龍骨九天風雨來飛騰作靈物

九

高皇問祠中人

此誰詩也對曰里墟中儒生胡閏立召閏見置帳前久之官督府經歷建文中以直諒知名遷右補缺尋進大理少卿靖難兵起數與齊黃議軍國事壬午七月不屈死之籍其家子傳道諭死傳慶謫戍邊一女得釋歸貧甚無依鄉人競遺錢穀曰此忠臣女也旬日饒足嘉靖初提學副使邵銳祠之學宮

太常少卿盧原質

盧原質字希魯初名質寧海人父中母方孝孺姑

也洪武二十一年進士第三人授翰林編修孝孺遺原質詩曰奉天殿上榜初開共賀江南得秀才好與青蘿居士說今年文運屬天台二十三年外艱賜傳奔喪二十八年陞太常少卿事建文君屢有建白靖難後召見不屈死之族其家弟原朴

太常少卿廖昇

廖昇襄陽人不知其所以進學行最知名與方孝孺王紳輩友善洪武中爲左府斷事 上知其賢二十九年六月擢太常少卿建文元年正月初修高皇實錄禮部左侍郎兼翰林學士董倫右侍郎

兼翰林學士王景彰爲總裁官昇及翰林侍講學

士高異志副總裁翰林修撰李貫國子博士王紳

一

高

漢中府學教授胡子昭齊府審理副楊士奇崇仁學訓導羅恢馬龍他郎甸長官司吏目程本立等纂修官昇博雅有史才朗達負氣書靖難兵事語多摭實聞忠誠伯等自龍潭還慟哭與家人訣自縊死都御史陳瑛奏昇黃觀王叔英周昇修王良旅伯璉皆不順天命效死建文計其存心與叛逆等並宜追戮 上詔勿問

大理寺丞鄒瑋

鄒瑾吉安永豐人洪武二十七年遇金華王紳紳稱瑾志篤才敏議論磊落可喜忠義人也嘗遊成都都人士皆願與瑾交洪武末薦至京建文二年爲大理右寺丞靖難後不屈死之或曰四川江津人洪武中以經明行修薦起縣學教諭遷監察御史歷陞都御史死建文時

大理寺丞劉端 王高

劉端南昌人建文二年進士驟遷大理寺丞廉明執法靖難後與同邑王高並坐縱方孝孺息樹陰剿鼻而終高與端同年進士又與端同官或曰高遜國臣記 卷之三 十一

爲刑部郎中

大理寺丞彭與明

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擢中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執 文皇遣歸令傳語中朝士與明慚憤裂冠棄官變姓名

左拾遺戴德彝

戴德彝奉化人洪武二十七年進士第三人初爲翰林編修三十年與張信並陞侍讀 上諭曰汝爲侍臣凡國家政治得朱生民利病當知無不言昔唐陸贄崔羣李絳在翰林皆能正言議論補益當時汝宜以古人自期後改監察御史建文中省御史改左拾遺靖難兵起與方黃畫兵事靖難後不屈死之

建文遜國臣記第三卷

子履準校

孫心材重校

遜國臣記 卷之三

十一

建文遜國臣記第四卷

吾學編第五十五

海鹽鄭曉

開國公常昇

常昇開平王仲子也兄茂洪武三年以父功封鄭國公二年從宋國公馮勝出塞征納哈出茂本勝婿勝言茂驚潰納哈出衆降人械送京師茂亦言勝短上召勝還奪總兵印罷朝請茂安置龍州上念開平王功二十一年封昇開國公懿文皇太子妃昇姊也靖難兵至浦子口昇及魏國公分道出戰衆散金川門失守昇見文皇得不死昇子

遜國臣記

卷之四

一 陳元三

繼祖坐事謫雲南臨安永樂二年召至京賞鈔幣遣歸請所繼祖六子長寧寧子復弘治五年詔錄太廟元祀功臣後復得爲南京錦衣衛世指揮使卒子經嗣老子鳳卒子玄振嗣嘉靖十年進劉基侑享太廟并議常李鄧湯四王後十一年續封玄振懷遠侯

越雋侯俞通淵

俞通淵父河間郡公廷玉兄號國忠烈公通海南安侯通淵通淵以父兄故充叅將侍舍人從大將軍征秦隴燕趙功陞督府僉事征哈刺哈至捕魚

兒海獲酋長人畜尋轉餉江西充偏將征都勾龍場諸蠻克辰沅寶慶俘獲多封越雋侯統兵討建昌叛賊城越雋二十六年坐累奪侯還鄉建文元年召見上壯之曰老將也授豹韜衛指揮使充偏將從大將軍禦靖難兵取戰有功白溝河之後諸將兵大敗通淵遂歿於陣子翊先卒次靖嗣官二年卒次端又明年優給錦衣未幾卒靖難後家人懼禍不敢言葉替事建文時諸將校多失世官也

駙馬都尉梅殷

遜國臣記

卷之四

二 陳元三

梅殷歸德人汝南侯思祖從子洪武十一年尚寧國公主爲駙馬都尉恭謹有謀能騎射諸駙馬中高皇尤愛殷嘗受密命輔建文君靖難兵起殷充總兵官鎮守淮安悉心防禦文皇假道殷割使人耳鼻口授詞答文皇曰留汝口與殷下言君父恩義文皇竟不得道淮安乃渡泗水破盱眙出六合至京師即帝位殷尚擁重兵淮上上迫公主招殷公主嚙指血爲書付李中使至殷殷得書慟哭詞建文君所在中使曰去矣殷曰君存與存君亡與亡吾姑忍侯之乃還京見上上曰駙

馬勞苦曰勞而無功永樂二年太都御史陳瑛言
殷紹蘇亡命私匿胡人與女秀才劉氏朋邪詛說
幾得罪明年冬入朝殷警家都督譚深指揮趙曦
令人擠斃死其擠下曦又誣殷自投水死都督許
成發其事 上怒罪深曦二人對曰此 上命也
奈何殺臣 上大怒立命力士持金瓜落二人齒
斬之謚殷榮定初公主謂 上果殺殷牽衣大哭
問驍馬安在 上笑曰爲公主踪跡賊無自苦公
主謹護二子順昌景福 上以順昌爲中府都督
景福指揮旗手衛食事賜手書二甥曰朕不念爾
母爾安得至今日二甥後改孝陵衛指揮使宣德
中與世襲孫純舉進士爲中都副留守或曰公主
嘗貽書阻靖難兵 文皇不答兵至淮北與公主
書言與師不得已故令遷居太平門外勿罹兵禍
公主亦不答公主 高皇后長女后二女次適歐
陽倫倫犯茶馬禁死

長興侯耿炳文

耿炳文濠人父君用取滁和積功爲管軍總管克
采石取金陵丙申與士誠戰勇先登死炳文代
領其軍明年取廣德長興擒士誠守將降其兵會

建國臣記

卷之四

三

言十七

建國臣記

卷之四

四

言十七

立元帥府長興以炳文爲總兵都元帥辛丑敗士
誠將李伯昇追斬五千餘級拜指揮使吳元年破
蘇州陸大都督府僉事洪武初授鎮國上將軍兼
右率府副使二年陝西鎮守三年授秦王府左相
兼陝西行省右丞封長興侯食祿千五百石興世
券十四年破虜北黃河復還陝西二十四年賜鑑
鈔造第鳳陽其先塋贈君用爲侯二十五年兩當
妖人作亂總兵討三年平之三十年充征西將軍
勦平蜀盜三十一年鎮守遼東建文元年靖難兵
起炳文爲征虜大將軍率衆二十萬北進至真定
都督徐凱兵十萬駐河間都督潘忠楊松營鄭州
先鋒至雄縣 文皇出炳文不虞破其城忠松引
衆來援伏兵起忠等皆被執因得炳文虛實遂長
驅至真定張玉來能譚淵來戰炳文大敗奔還泚
沱河東炳文衆尚數萬復戰衆皆潰降副將駙馬
李堅都督竇忠領成都指揮劉遂俱被執炳文固
守真定靖難兵攻城二日不能下而去炳文老將
善戰至是敗建文君始有憂色召還遣李景隆代
炳文竟至於亡永樂二年刑部尚書鄭賜左都御
史陳瑛劾炳文衣服器皿僭飾龍鳳玉帶僭丹鞋

上曰炳文先朝老臣亦爲此其速改炳文大懼暴卒洪熙初盡以長興侯田舍賜留守郭鑑云子璿職別有傳瑄散騎舍人擢尚寶卿後皆獲罪死

駙馬都尉耿璿

耿璿長興侯之子洪武中爲前軍都督僉事尚懿文太子長女江都郡主建文元年郡主進封公主璿爲駙馬都尉掌前府事璿勇悍有武略靖難兵起以王室懿親得預聞兵事炳文北行璿力勸直搗北平已而炳文戰數敗璿快快抱病時對公主悲泣建文君遜去杜門稱疾竟坐罪死公主復稱

遜國臣記

卷之四

五

五

五

郡主永樂元年春憂卒

灤城侯李堅

李堅武涉人父英開國有功爲驍騎右衛指揮僉事力戰死烏撒贈指揮使堅尚太祖第七女大名公主爲駙馬都尉嘗與駙馬歐陽倫梅殷陸賢賑濟北平建文君即位進公主大長公主堅素負才勇充左副將軍從長興侯北進遇靖難兵諸將謹備西北靖難兵突擊出不意破西南長興侯大敗靖難將丘福又攻子城堅出接戰互有勝負封堅灤城侯食祿千五百石與世家已而兵敗淳沁

河詳祿引槊中堅墜馬祿揮刀直取堅堅大呼我李駙馬勿殺祿擒堅見成祖成祖謂爾至親今至此奈何械送北平道卒子莊以公主故特宥當嗣公主懼禍繳詰券莊流寓南京詩酒終其身公主至宣德初卒或曰堅子莊嗣侯謚威壯弟成爲中都留守改山東都指揮成子陞世南京衛指揮使祿後封陽武侯

安陸侯吳傑

吳傑黔國威襄公子也洪武十八年傑以指揮嗣封安陸侯屢出山陝河南北平練兵從征胡二十七年練兵浙江防倭二十八年有罪令與吳高皆從楊文征龍州立功自贖建文中率師援真定失律喪師謫南寧衛指揮使永樂元年子璟乞嗣正統間再三乞皆不許弘治六年璟孫鐸援詔乞嗣亦不許

歷城侯盛庸

盛庸不知何許人靖難兵起充叅將從長興侯數失利長興侯召還庸又從曹國公轉戰燕齊間互有勝負建文二年七月鐵鉉守濟南靖難兵圍急庸夜出劫戰晝憑城禦防盡毀靖難諸攻具捷聞

遜國臣記

卷之四

六

六

卽軍中陞鉉兵部尚書封庸歷城侯食祿千石充平燕將軍總兵官代曹國公鉉參贊軍務是年十二月戰東昌殺張玉三年三月大戰于夾河殺譚淵再戰敗走德州欲搗北平靖難兵長驅至淮上四年春夏間庸南趨靈璧齊眉山戰皆敗次於淮南六月靖難兵至浦口庸出高資港又戰敗靖難後勅庸曰北以山東未定命卿鎮守淮安今鐵鉉就獲諸郡悉平朕念山東久困兵革憊於轉輸卿宜輯兵養民以稱朕意永樂元年致仕千戶王欽發庸罪狀陞欽指揮同知賞銀百兩未幾都御史遂國臣記

卷之四

七

陳元吉六十七

陳瑛劾庸口出怨言懷異圖請誅庸遂削爵庸暴卒今英國公新寧伯即玉淵後也

江陰侯吳高

吳高父良開國有功封江陰侯卒贈謚江國襄烈公高歷官前軍署都督僉事洪武十七年嗣侯屢出山陝北平河南練兵從征胡二十八年有罪調征趙宗壽靖難兵起高總兵守遼東與楊文敷以遼東兵攻永平 文皇曰高雖怯行事差文勇而無謀去高文不足慮也遣人遺二人書歷奏高極詆文故易其國授二人所二人書歷奏高

若竟疑高削爵徙廣西御命文守遼東竟敗靖難後召高鎮守大同高上言禦虜方略永樂十二年被劾編氓江陰十七年奪券洪熙元年 上曰高往年多行無禮謫戍海南高即死徙其家會赦得釋宣德十年子昇乞嗣不許

都督耿璈

耿璈長興侯仲子累官至後軍都督僉事靖難兵起與江陰侯吳高及楊文率遼東兵圖永平不克退保山海關吳高被問奪兵徙廣西楊文守遼東獻數請攻永平以動北平文不聽靖難後璈論死

遂國臣記

卷之四

八

陳元吉三十三

都督劉貞

劉貞合肥人開國功累陞左軍都督充大寧總兵官修懷來城池改左軍靖難兵起貞及陳亨卜萬引大寧軍出松亭關營沙河欲復遵化亨有貳心文皇入大寧盡程其軍以行遂入松亭關貞夜負勅印浮海歸時建文君聞行北平諸將降 文皇籍貞家下獄貞由海道出福建還京詔釋其家靖難後陞左都督鎮遼東恒懷愧憤永樂元年卒貞長女 文皇昭順德妃也以故得免於禍次女伊王妃

都督趙清

趙清鳳陽人有膂力善用兵洪武中積功官至北平都指揮使陞後軍都督僉事致仕清去北平時常懷隱憂不敢言靖難兵起黃齊諸人薦清帥河南兵守彰德靖難兵至城下遣人招清清對使人曰殿下至京城但出片紙召清清不敢不至今爲朝廷守封疆不敢棄命失職靖難後召清還清遂乞閑不許

都督楊文

楊文倉山人甲辰領神鎗從征功陞右軍都督僉事世指揮使三十七年文總兵率舟師鎮守太倉

遼國臣記

卷之四

九

三十四十三刻

仍督浙江海船召掌中都留守充總兵率十五萬人征廣西築城設奉議南丹潯州慶遠四軍民指揮使司三十年遼東練軍屯田充總兵征虜前將軍率京師湖廣江西兵征五開擒殺蠻賊建文初充總兵部署大寧兵及寧府護軍屯開平靖難兵起宋忠敗文移守遼左吳高時出兵擾北平吳高削爵徙廣西文專領遼東建文三年冬文引兵萬餘掠薊州殺戮極慘遇劉江兵戰敗指揮王雄七十一人皆被執靖難後召文還憐其開國老將得

不死永樂四年卒世羽林右衛指揮使

都督徐凱

徐凱合肥人開國功爲茂州衛指揮使守松潘累立戰功洪武二十六年出掌鹽井衛事征賈哈刺有功又從西平侯沐春討刀幹孟歷陞都督僉事鎮守四川階文官軍叛會都督寧正討平之又充征虜大將軍從沐春討刀幹孟有功建文元年從大將何福征百夷爲副總兵靖難兵起從宋忠北進練兵臨清二年十月吳傑平安守定州盛庸守德州凱及陶銘城滄州爲犄角文皇自通州直趨滄州凱大戰不勝入城東門之卒先潰凱及都督程暹都指揮俞琪趙許胡原李英張傑將校百餘人皆被執文皇飲凱等酒遣歸凱等謝願留事殿下遣至北平仍其官祿靖難後暴卒建文數年間諸將被執者無慮千人已卯懷來之戰都指揮俞琪真定之戰都指揮劉逵庚辰白溝河之戰都指揮何清滄州之戰暹琪許原英傑德州之掠千戶蘇獻辛巳滹沱河之戰指揮鄧戡陳鵬真定之圍都指揮朱榮定州之戰都指揮花英鄭琦王恭指揮詹忠壬午渡衡水指揮賈榮拔東平指揮

遼國臣記

卷之四

十

三十六十七刻

詹環拔汶上都指揮薛鵬濁河之戰胡騎都指揮
林帖木兒火耳灰哈三帖木兒婁鬼里淮河之戰
守將丁良朱彬指揮王貴等一百八十餘人

建文遜國臣記第四卷

子履準校

孫心材重校

建文遜國臣記第五卷

吾學編第五十六

海鹽縣志

翰林修撰王叔英

王叔英字原采黃巖人初從外姓陳篤志力學洪武中與楊太中葉見太方孝孺林右並徵至京辭還鄉二十年薦起家仙居訓導三十年改海安府學陞漢陽知縣建文元年孝孺欲復井田叔英貽書力阻之其略曰天下之事固有行於古而亦可行於今者亦有行於古而難行於今者夏時周冕之類此行於古而亦可於今者也井田封建之類

遜國臣記

卷之五

一

萬曆三十八

可行於古而難行於今者也可行者行之則人之從之也易難行者而行之則人之從之也難從之易則民樂其利從之難則民受其患此君子之用世貴得時措之宜也召爲翰林修撰上資治八策曰務問學曰謹好惡曰辨邪正曰納諫諍曰審才否曰慎刑賞曰明利害曰定法制皆援証今古可見行事又曰太祖除奸剔穢抑強鋤梗如醫去病如農去草去病急或傷體膚去草嚴或傷木稼是故體膚病去則宜調燮其血氣木稼去則宜培養其根苗靖難兵至淮上游兵逼江干建文

遜國臣記

卷之五

二

萬曆三十八

遣使四出募兵叔英奉詔行至廣德聞建文君遜位慟哭會齊太奔叔英曰太貳心矣急擒太至密問之故乃相抱慟哭與太旦匿後寮已而知事不可爲沐浴衣冠書絕命詞藏襁篋自經於玄妙觀銀杏樹下詞曰人生穹壤間忠孝貴克全嗟余事君父自省多過愆有志未及竟奇疾忽見纏肥甘空在案對之不能嚙意者造化神有命歸九泉嘗念美與齊餓死首陽巔周粟豈不佳所見良獨傷高蹤邈難繼偶爾無足傳千秋史官筆慎勿稱希賢又題其墓曰生既久矣未有補於當時死亦徒然庶無慚於後世文皇登極治奸黨要金安人繫獄死二女赴井死叔英將死移書祠山道士盧希年葬我祠山麓希年天台人收葬叔英墓在州城西五里許正統中楊士奇題其墓曰嗚呼翰林修撰王原采之墓士奇本叔英薦起也成化中州守莆田周瑛封植表識其墓嘉靖中編修安福鄒守益謫州判官立祠祀之太平知縣曾才漢又建忠節祠祀叔英妻及二女有貞烈祠在黃淡畧上叔英著有靜學集

翰林編修王民

王艮字敬止吉水人建文元年江西發解第一明年舉禮部廷試策最優以貌不揚易胡靖第一艮次之又次李貴並拔翰林修撰如洪武十八年故事艮初聞靖難兵起輒憂不食日羸憊及渡淮閉門涕泣不已訣妻子服毒死建文君哀其忠遣禮部侍中黃觀諭祭或曰文皇繼統前一日羣臣迎附艮慟哭不已與妻子訣吾不可復生豈能復顧汝等是夜服腦子死此說非是靖貴皆事文皇永樂初上出建文時羣臣封事千餘通令解縉等編閣留軍馬錢糧數盡焚諸言語干犯者因

遜國臣記

宋之五

三

陳元音卷五

從容問貫縉等曰爾等宜皆有之衆未對貫獨頓首曰臣貫等實未嘗有也上曰爾以是爲笑耶食其祿思任其事當國家危急時官近侍獨無一言可乎朕非惡夫盡心於建文者但惡導誘建文壞祖法亂政耳爾等前日事彼則忠於彼今日事朕當忠於朕不必曲自遮蔽也後貫遷中允坐累繫獄十年竟死獄中貫亦吉水人

翰林編修程濟

程濟朝邑人以明經爲岳池教諭岳池去朝邑數千里濟寢食在朝邑而治岳池學事不廢建文初

上書言某月某日西北兵起朝廷謂非所宜言繫至京將殺濟召入仰面大呼曰陛下且囚臣至期無兵臣死未晚遂下獄已而兵果起赦濟以爲翰林編修充軍師護諸將北行徐州之捷諸將樹碑叙戰功及統軍者姓名濟一夜往祭碑人莫測其故後文皇過徐見碑大怒趣左右鐵椎椎碑再椎遠曰止止爲我錄碑文來已而按碑族之諸將無得脫者濟姓名正椎脫處得免濟曩之祭牒碑也淮上諸將敗建文君召濟還京初濟與邑人高翔並以明經徵翔厲名節濟好術數翔止濟勿爲

遜國臣記

宋之五

四

陳元音卷六

此濟不聽已而有兵事濟又勸翔學我術翔曰我願爲忠臣也金川門破翔招濟同死濟曰我願爲智士也翔竟死之建文君急召濟入問計濟曰天數已定惟可出走免難耳立召僧爲建文君落髮濟從之出每遇險幾不能脫濟以術脫去相從數十年後隨建文君至南京人尚識濟至京莫知所終

衡府紀善周是修

周是修名德以字行江西太和人少孤力學舉明詩爲霍丘學訓導入見高帝問家居何爲對曰

教人子弟孝弟力田 高帝喜擢周府奉祠正逾

年從王北征至黑山還陞紀善建文元年王有過

盡遠府吏詔獄是修以嘗諒得免改衡府紀善衡

王者建文君弟也當是時衡王未之國是修留京

預修纂翰林好薦達知名士數陳論國家大計及

指斥用事者誤國用事者怒衆共挫折之是修屹

不爲動靖難師渡江宮中自焚是修留書其家別

友人江仲隆解縉胡靖蕭用道楊士奇且付後事

暮入應天府學自經死年四十九 文帝繼統都

御史陳瑛言是修不順天命請加追戮 上曰彼

建國臣記 卷之五 五十一 三十一 三十一

食其祿自盡其心勿問是修內貞外和孝友忠信

非其義不苟取襟懷坦明灑落而冲澹悠然其學

自經史百氏下至陰陽醫卜靡不通究爲文未嘗

締思援筆立就而雍容雅馴詞理條達所著有詩

小序詩集詩譜論語類編廣衍太極圖綱常範範

邇言家訓彙纂集述思集嘗曰忠臣不以得失爲

憂故其言無不直烈女不以死生爲慮故其行無

不果臣取先忠節遺事輯爲觀感錄朝夕省覽士

奇嘗爲是修傳語其子曰當讀我脫與若父同死

今誰爲若父傳者

給事中陳繼之

陳繼之莆田人建文二年進士爲戶科給事中言

江南僧道多腴田請人給五畝餘以賦民從之靖

難兵起建白多不遜靖難兵入城死之繼之父秀

母黃誦戍其肅道死于徵仔妻姚女進奴京奴沒

官弟余朔等悉戍邊

給事中韓永

韓永西安人或曰浮山人不知始所自起建文時

爲戶科給事永豐軀美聲音吐宏朗每慷慨論兵

事建文君喜之靖難後杜門不出召人見不屈死

建國臣記 卷之五 六一 三十一 三十一

之

給事中黃鉞

黃鉞字叔揚常熟人以生員薦除宜章典史建文

元年舉湖廣鄉試明年進士授刑科給事中陞戶

科左改禮科建文三年外擢左率孺屏左右問曰

北兵日南蘇常鎮京師左輔君吳人朝廷近臣今

雖去宜有以教我鉞曰三郡惟鎮江最要害守非

其人自撤藩籬也鉞江指揮童俊狡猾不可測蘇

州知府姚善忠義激烈有國士風能當一面但仁

慈有餘而御下太寬此治郡之良才恐不足定亂

然國家大勢不在江南戎馬至此而禦之晚矣孝孺因附書善勉以忠孝期戮力王室濟時艱善得書與鉞相對慟哭以死自誓鉞就父殯居坡上舊廬足跡不入城邑靖難兵至江上善受建文君詔總蘇松常鎮嘉興五郡兵勤王以書招鉞鉞即日督募畢遂至善所時俊果以鎮江降時雖後詔暴善罪捕善急善麾下許百戶素權詐得親善縛善邀賞鉞聞之慟哭遂絕食閉目三日宋元家人救免或告鉞曰善歎服已得宥鉞復瞠目曰吾知善決無二心吾且少俟善事定吾獨死未晚脫鉞果不死吾將下報希直遂復稍稍食是年七月十一日善死報至鉞起登琴川橋西向再拜祀善慟哭曰吾與君同受國恩國有難義同許身君今與希直同死國吾忍獨生乎祀畢詒家人歸祭具遂從容整衣冠奮身入水死時北兵四出捕善黨籍籍言且併錄鉞家親族悉驚伏鉞友人楊福具棺殮日夜泣橋側百方求鉞屍不得更數日屍忽自出立水中福慟哭抱起易衣體猶不潰竟成禮葬之屏處福父深早奇鉞鉞與福共學福亦有古行

給事中

璉國臣記

卷之五

七

三

龔太字叔安義烏人九歲而孤母傳躬教之造就外傳日記數千言長自刻勵造詣深遠洪武十九年鄉薦明年入太學奉旨閱齊府獄監安東倉盡力剔抉吏部策試第一除戶科試給事中建文三年遷都給事中 文皇渡江太與妻傳訣曰事至此我自分死爾第携幼婦歸否則俱溺井無辱能官中火起太馳赴為兵校所執見 文皇金川門以非奸籍得釋太自校城以死年三十六太遇害剛果有為以孝友聞狂人擠太池溺幾死閱其病狂弗校鄉有巫言人禍福輒驗太至不能出一語

璉國臣記

卷之五

八

三

子永吉累官兵部右侍郎改南京大理卿致仕

監察御史曾鳳韶

曾鳳韶廬陵人洪武末年進士建文初為監察御史會藩王入覲馳皇道入且不拜鳳韶侍班言殿上宜展君臣之禮宮中乃叙叔姪之倫由皇道不拜大不敬建文君曰至親勿問靖難兵起鳳韶使北平請罷兵歸國不報靖難後召復御史不至尋加侍郎召又不至刺血書憤詞襟上曰平生忠節之託素負剛鯁之強讀書而登進士第在官而至竊衣郎既一死之得宜可以含笑于地下矣

不愧吾文天祥屬妻李子公望曰我死勿易衣遂自殺時年二十九李亦守節死

監察御史董鏞

董鏞或作庸不知始所自起亦不知何許人建文時爲監察御史諸御史有志節效忠本朝者時時會鏞所誓不負此心將校懷貳不力戰者輒露章劾之靖難後爲衆所持謂鏞逆黨也論死家徙戍邊

監察御史葉希賢

葉希賢監察御史也或曰浙東人或曰起家鄉薦

通國臣記

卷之五

九

三十二

入臺侃侃自負建文中屢疏言用兵事又嘗劾耿李二大將失律金川門失守又詐藩守門者靖難後坐逆黨死之

監察御史魏冕

魏冕吉安永豐人建文時爲監察御史勁直有才名靖難兵至有約開門者冕率同僚十八人即殿前殿之幾死會輟朝冕及鄒瑾大呼請速加誅臣等義不與此賊同生不聽明日宮中火起或謂冕宜急迎附冕毅色厲聲曰使吾改臣節必不爲時所用奈何徒自壞也靖難後冕自盡法官請追罪

夷其族

監察御史王度

王度字子中歸善人少肆力學問通經史能文學爲鄉里師以明經儒士薦起家爲山東道監察御史有風裁疏十餘上多見采行靖難兵起度與齊黃等調兵食建文二年監會試時李景隆累敗退保濟寧以盛庸代之總兵度密陳便宜有東昌之捷徵景隆還不誅反用事忌庸并譏度度稍疎斥三年夏靖難兵南下益急度請募兵未幾有小河之捷勅度勞軍徐州比還鳳陽失守方孝孺與度書誓死社稷四年秋七月謫戍賀州坐語不遜夷其族卒年四十七

監察御史耳霖

耳霖懷寧人洪武丁卯鄉薦爲監察御史剛介持正敢言中臺推重之靖難後被執求死從容受戮子孫相戒不復求仕至今微弱正德中知府胡纘宗祀之鄉賢祠

監察御史高翔

高翔朝邑人有文學矜名節洪武中明經徵爲監察御史諸所論奏皆國家機要當上心建文時

尤戮力戎事相與激發忠義靖難後召翔服喪服入見大哭語多不遜遂族翔沒其產諸給高氏產者皆加稅曰令世世罵翔也親戚悉戍邊又發其先墓雜犬馬骨焚灰揚之而以其地爲漏澤園

監察御史王彬

王彬字文質交州東平人洪武中進士起家爲御史巡江淮治揚州靖難兵至彬與指揮崇剛共守揚城指揮王禮欲舉城降彬與剛知之執禮及王黨繫獄彬外禦內防七日不解甲有力士能舉千斤彬常以自隨靖難兵飛書城中有縛王御史降者官三品左右憚力士莫敢縛彬禮弟宗厚賂力士母誘其子出會彬解甲浴盤中爲千戶徐政張勝所縛昇至城上投靖難兵中不屈死之政遂出禮等于獄與江都知縣張本開城門降正德中揚州祀彬名宦

監察御史鄭公智

鄭公智字叔貞台寧海人力學好古工文辭方孝孺薦之蜀獻王召至成都王與語經史論詞藝公智數稱述河間東平賢行王說之建文初待孝孺至京尋舉賢良爲監察御史更事精敏持法不阿

靖難後坐方黨論死

監察御史韓郁

韓郁未詳何許人爲監察御史建文中上書言諸王親則太祖遺體貴則孝康皇帝手足尊則陛下叔父使二帝在天之靈子孫爲天子而弟與子遭殘戮其心安乎臣每念至此未嘗不流涕也此皆豎儒偏見病藩封太重疑慮太深而至此夫唇亡齒寒人人自危周王旣廢湘王自焚代府被推而齊臣又告王反矣爲計者必曰兵不舉則禍必加是朝廷執政激之使然燕舉兵兩月矣前後調

遼國臣記

卷之五

三

三

兵不下五十餘萬而一矢亡獲謂之國有謀臣可乎經營已久軍興輒乏將不効謀士不効力徒使中原無辜赤子困於轉輸命不聊生日甚一日九重之憂方深而出入帷幄與國事者方且洋洋自得彼其勸陛下必削藩國者果何心哉諺曰親者割之不斷疎者續之不堅殊有理也陛下不察不待十年悔無及矣臣至愚感恩至厚不敢不言幸少垂洞鑑興滅繼統釋代王之囚封植湘王之墓還周王于京師迎楚蜀爲周公俾其各命世子持書勸燕罷兵守藩以慰宗廟之靈明詔天下撥亂

反正篤厚親親宗社幸甚不聽郁未詳其所終

參軍斷事高巍

高巍遼州人事母蕭至孝蕭老而痼疾巍奉湯藥不懈母亡廬墓蔬食三年洪武十五年應貢入太學十七年以孝行旌尋授前軍督府試左斷事十八年上疏欲墾河南山東北平兵後荒田及仰木技慎選舉惜名器數事上嘉納之後坐斷事不稱旨當罪以議賢謫戍貴州關索嶺仍許姪代役建文君即位上疏陳乞歸田里未幾知州王欽應詔辟巍赴銓曹上書論政事其一曰太祖有文

遜國臣記

卷之五

主

晉書

王純一之德皇后有后妃不妬之行百男君王上齊三代分茅胙土先據形勢陝西百二山河其人悍勇西隣土番故以藩王之長秦府王之山西袁襄山河地產良馬其人剛壯所謂山西將者是也北近胡虜故以晉府王之燕國雖無名山大川之限其南冀州真保順平大名諸府所謂桑土之野地里坦平肥沃供賦饒衍北雖沙漠不毛廣蓄馬羊其人不耕不黍皮衣肉食弓馬是務遼金殘元藉之興業故以燕府王之四川雖曰西南一隅山河阻深玄德諸葛虎視吳魏故以蜀府王之其餘

楚湘齊兗寧遼谷代慶肅星羅太右比之古制雖皆分封過當然太祖聖意莫不欲護中國而屏

四夷也今各處親王故多驕逸不法違犯朝制者不削則朝廷紀綱不立削之則傷親親之恩此我皇上所難處也賈誼曰欲天下之治安莫要於衆建諸侯而少其力力少則易使以義園小則無邪心真裁制諸侯之良策也以臣愚見莫聽晃錯削奪之策當行主父偃下推恩之令秦晉燕魯四府子弟分王於齊兗吳楚潭湘齊兗吳楚潭湘分封於秦晉燕魯其餘寧遼谷代慶肅等府類比而分

遜國臣記

卷之五

十四

晉書

王之少其力而減其地如此則藩王之權不削而自弱矣其賢如河間東平下詔褒賞驕逸不法如淮南濟北者初犯則容之再犯則赦之三犯而不改者當合親王告太廟削其地而廢處之豈有不順服者哉修身齊家宣父明訓睦族和邦帝堯盛德惟皇上覽察焉建文君奇巍會靖難兵起命從李景隆出師參贊軍務巍復上書言臣願使燕披忠膽大陳義禮曉以禍福及親親之誼遂遣往燕巍自稱國朝處士臣某上書燕國大王其詞曰志慕仲連子善與人排難解紛名世不朽我太祖

升遐遺詔內外臣民同心輔政我聖明天子嗣登寶位誕布維新之政下養老之詔天下感戴奚啻考妣朝野皆曰內有聖明君王外有骨肉藩翰帝王之治可待不意大王與朝廷有隙張皇三軍抗禦六師竟不知其意何出在朝諸臣執言仗義以順討逆臣以爲動干戈孰若和解使帝者復帝王者復王君臣之義大明骨肉之親愈厚臣所以得奉明詔置死度外來見大王欲盡一言求頸血汚地者稱臣宿許 太祖生當殞首死當結草之願也昔周公聞流言即避位居東若大王始知謀逆

遼國臣記

卷之五

五

晉十八

者擒送京師或戮而奏聞或解其護衛或質所愛子孫釋骨肉猜忌之疑塞讒賊離間之口不與周公比隆哉慮不及此遂檄遠邇大興甲兵襲疆宇任事者得籍口以爲殿下假誅左班文臣實欲效漢吳王倡七國以誅晁錯爲名家必自毀然後人毀之恐一奸雄豪傑鳩集無賴因時乘釁率衆數萬突起而橫擊之萬一有失大王獲罪先帝矣今大王據北平取密雲下永平襲雄縣掩真定易若建瓴但自興兵以來經今數月尚不能出區區葭爾一隅之地較以天下十五而未有一焉大王將

士殆亦疲矣况朝廷天下無限之師大王以一國有限之衆應之大王同心之士大約不過三十萬大王與我聖天子義則君臣親則骨肉向生離間之疑况三十萬異姓之士可保終身困迫而死於殿下乎大王信臣言上表謝罪按甲休兵朝廷寬宥再修親好天意順人心和 太祖在天之靈亦安矣不然執迷不回僥倖倖事恐與伯夷叔齊泰伯仲雍求仁讓國之義徑庭矣幸而兵勝得成後世公論爲何儼有蹉跌取譏萬世於是時也追復臣言可得乎巍白髮書生呼籲微命生死不懼者

遼國臣記

卷之五

六

晉十八

但久蒙 太祖教養無能補報洪武十七年旌表愚臣孝行臣竊自負旣爲孝子當爲忠臣死忠死孝臣至願也書再上不報景隆兵敗巍自拔南歸建文二年五月遇鐵鉉於臨邑相持慟哭共誓效死遂趨濟南守城拒退靖難兵巍賦志喜有曰至濟南而被圍思張巡之忠堅幸遇知己之鐵相更從英韋以雲聯若徐將軍之赴赴盛統兵之桓桓愈慮高公之糾慢入叅宋公之周旋掠陣張都統之能勇給儲王太守之從權吾道王府校之論議斯文王肯綮之勉旒衆資羣策屈力保全盛統兵

者盛庸也餘不可考矣京城破魏繼死驛舍又有高不危者仕建文時死義弟宣戎南海衛或曰不危魏字也

行軍斷事錢芹

錢芹字繼忠吳人少好奇節元末以策干諸將不遇洪武初辟大都督府掾從中山王出北平絕漠而還未幾解職家居二十餘年其貧樂道姚太守虛心求見芹授一冊竟不交一言而退冊中言勤王事不知其詳也建文君求直言舉山林巖穴懷才抱德之士善薦芹吉安知府薦蕭用道用道授靖江府直史芹爲戶部司務留中議事尋署行軍斷事從大將軍諮議軍事會遣芹入奏事道病卒猶係兵事緩急上執政年七十二賜棺歛歸葬黃山善後竟勤王

通國臣記

卷之五

七

三

戶部主事巨敬

巨敬平涼人初爲監察御史伉直敢言建文中爲戶部主事清慎有聲靖難後被逮責問不屈死之夷其族

國子博士黃彥清

黃彥清不知何許人亦不知仕何官建文四年十

通國臣記

卷之五

六

三

二月彥清尚爲國子博士以在駙馬都尉梅賾軍中私謚建文君坐死并逮從子貴池典史金蘭等繫獄賾言彥清實不在軍中金蘭等得釋金蘭後官至知縣南京故老言建文已卯庚辰間法網疎闊道不拾遺有得鈔於衢者輒拂其塵土置高潔處以石鎮之而去一時士風朴實尚義者多靖難兵入京之夕郎御史給舍四十餘人相與絕城遁去詔朝御史以聞文皇不問已而深山窮谷中往往有傭販自活禪寂自居如所謂雪庵和尚者其志蓋可悲云或曰黃彥清本大臣出外巡訪

宗人經歷宋徵

宋徵不知何許人爲宗人府經歷建文時上疏請削罪廢宗藩屬籍諸王聞之皆恨徵徵又嘗與盧振謝昇牛景先數言耿曹諸將失律懷貳心靖難後縛至不屈死并殺其妻子

欽天監副劉伯完

劉伯完不知何許人洪武時重天官之學稍過歷象占步風角者咸得衣食於官凡有征討必過

知天文者從行伯完精於占候又請回回曆法起
晴人歷官欽天監副靖難兵南下在歷城侯軍中
從何福戰靈璧敗績被獲釋還竟亡去莫知所終

按察使王良

王良字天性祥符人歷官刑部左侍郎建文三年
間燕國人罪從末減左遷浙江按察使至浙江謁
岳鄂王墓誓曰苟愧武穆非人也建文君遜位大
慟九月詔召良良集臬司諸印私第躊躇未能決
妻問故曰我分應死未知所以處汝耳妻曰我何
難君爲男子乃爲婦人謀乎遂餽良食抱其子歛

通國臣記

卷之五

九

前集四

歛如廁置其子池旁自投池死良殮妻畢即列薪
於戶寫遺囑付家人令妾抱幼子往匿某僉事家
或曰託諸汴商遂舉火闔室自焚死事聞上曰
死本良分也朝廷印信良不得輒毀良毀印不得
無罪使其家於遼台人陳燧私識良死事每談及
流涕沾襟正德戊寅浙江按察使梁材提學副使
劉瑞改公署東水鑑亭爲祠祀良

參政鄭居貞

鄭居貞徽州人武曰閩人父潛國初歷仕潞州同
知居貞豐類美髯髯從父官閩中因從貢尚書遊

洪武中以明經舉授華昌通判陞禮部郎中建文
時爲河南試左叅政三年吏民信愛之永樂初坐
方黨死于南京有閩南集嗣隴行藁歸來葉隨
臺僧廷薰子孫因留居福州瓜山方孝孺之爲漢
中教授也居貞嘗以詩送之曰翩翩紫鳳雛羽翮
備五彩徘徊千仞翔餘音被江海於焉覓德輝濟
濟鏘環珮天門何嵯峨羣仙久相待晨沐朝陽
夜息飲沆瀣如何復西飛去去秦關外岐山諒匪
遙啄食良自愛終當巢阿閣庶以鳴昭代

按察副使程本立

通國臣記

卷之五

十一

前集十

程本立字原道系出伊川上世徙杭再徙崇德今
析桐鄉本立少有大志讀書不務章句與海鹽沈
壽康友善壽康喪父母葬祭以禮敦行誼南臺論
薦與官力辭不就鄉人稱爲孝隱先生嘗執手告
本立曰世之學者爭矜科舉以經學爲名而無實
吾所不取子之質近厚年且富當志於聖賢之學
本立遂篤志修檢就學金華朱克修寓金華最久
造詣益深國初舉明經秀才洪武九年除秦府引
禮舍人同泰晉燕府官僚召見奉天門賜馬楮幣
母艱去官十三年補周府禮官從王之國大梁二

十年春進長史從王來朝被累謫雲南馬龍他郎甸長官司吏目留家大梁從一僕去雲南會死可伐燭誘百夷爲逆二十一年本立單騎入夷巢諭順逆利害諸酋落威感說歸附是冬諸夷復變帥藩沐英張統屬本立行縣典兵事且撫且禦本立誓以死濟萬民不避險難山行野宿自楚雄姚安抵大理永昌鶴慶麗江往來綏輯民夷稍安二十五年英卒本立爲文祭英英宗人重本立請本立撰碑記述英功德三十一年奉計入京還鄉應天府尹向寶翰林學士董倫薦本立學行政事宜留

遜國臣記

卷之五

三十一 三百六十一 四

中朝徵入翰林充纂修官修太祖實錄未幾陞試左僉都御史授四品散官食正七品俸建文三年坐失陪祀調降仍留翰林編纂明年實錄成改江西按察副使未至江西聞靖難兵入京自縊死本立所著有巽隱集後百三十年福建布政使吳昂刻於閩書庫洪武庚戌旌表孝子知縣王文禮敬之

按察僉事胡子義

胡子義一名志遠刑部侍郎子昭弟也薦辟爲威遠訓導歷蜀府典寶山東按察僉事聞兄死辭世

丹稜蜀獻王聞而憐之令削髮爲僧子義以親遺體辭有子二人生數歲子義曰吾兄無後天不絕吾姓二子當免於難竟棄去莫知所終

按察僉事林嘉猷

林嘉猷名昇以字行台寧海人師同邑王琦琦坐累徙雲南嘉猷徒步千里追別又行六千里至漢中師方孝孺孝孺得嘉猷鄭叔貞喜曰匡我者二子也洪武二十九年以儒士校文四川蜀王訝其名字不相家更名良顯薦入史館爲史官累遷陝西按察僉事嘗被召入燕邸最久知二郡王素傾慕許世子王燕燕內使黃儀因問世子計且得行世子竟先發事遂洩靖難後坐方黨逮至京建文四年九月丁亥死之

知府葉仲惠

葉仲惠初名見恭以字行臨海人與兄見太夷仲並有文名稱二葉仲惠初任廣武衛知事陞知縣建文初以知縣充吏官修高廟實錄二年同考禮部陞知府永樂元年二月坐修實錄時書靖難事爲逆黨論死籍其家時年六十四

遜國臣記

卷之五

三十一 三百四十五 四

知府王璉

王璉字器之日照人通經史尤長於春秋初仕教授坐謫洪武末以賢能薦授寧波知府潔廉平易杜私謁革吏弊政兼舉璉自奉儉約一日見饌兼魚肉大怒命撤而瘞之號理美太守惟痛絕豪武人以故衛吏卒恨璉請難兵至江上璉造船取海道勸王爲衛吏卒糾至京見 文皇文皇問造舟何爲璉徐對曰由海道趨瓜州截路耳 文皇亦不怒釋還田里鄞人黃學憲潤玉贊璉曰富貴不淫患難與恤神明其心始終一德

遜國臣記

卷之五

三

王璉字器

知府姚善

姚善字克一安陸人初姓李後復姓居魚寨善志行淳實學識高遠爲諸生時扁讀書所曰待旦軒會稽唐之淳爲之銘善工詩爲唐相唱和洪武中鄉舉歷祁門丞同知廬州重慶所至有能聲三十年擢知蘇州府初 上以吳民淝夾俗僭靡違式繩以重法監訟者更持短長訟蜂起難治善洞達政體周悉人情弛弛寬宥允協時宜數造請郡賢考求治道商略民生休戚俗尚淳漓稍因俗救正吏民回轡轉科大治爲列郡最隱士王賓居陋巷

善性候舍市詣門賓問爲誰曰姚善賓乃開門延語及賓報謁而府門再拜而返善自邀還解非公事不敢入又將候韓奕奕避入太湖善歎曰韓先生可謂名可聞而面不可見者矣善自守甚高善願見不可得有俞貞木者以明經見重於善月朔望必延致學官講經書訓士一日饋菜於貞木誤送片所片受之吏覺其誤詣貞木以告貞木曰錢先生不苟取與今受不辭必仰府公之賢耳善聞之欲往候乃使人先道意片對使者曰片誠願見公然片民也禮不可往見于庭若明公弘下士之風請俟月朔相會於學官善如期至迎片置上坐請質經義片曰此士子之業公今有官守何不詢時務邪善益起敬請問今日急務片出授一簡竟不交言而去視之皆戰守制勝之策也善心嘉之時靖難兵已出北平善於是密結鎮常嘉松四郡守訓練民兵和約勤王而薦片爲行軍司馬建文元年善至京師畫策防禦又從大將軍北行尋還京建文君用漢賊七國策貶齊黃哥外善言于朝曰人有文武才略可扶顛濟危者反置散地不用今事已狼狽亟召之詢其姓名不對再三詢之

遜國臣記

卷之五

三

王璉字器

曰今人才豈有過於黃大卿者遂復召還二人四年詔善兼督蘇松嘉常鎮五郡兵勳王未及戰文皇即位索子澄甚急子澄避善所約共航海善謝曰公可去善不可去公朝臣可曰往號召圖興復善職守土義當與城存亡子澄遂去善爲麾下許千戶等縛見文皇詰善曰若一郡守乃敢舉兵抗我邪善厲聲不避死之時年四十三子節誦成賀縣千戶所幼子繼兒蘇州坐配保兒習匠正德十一年湖廣巡撫秦金祀善鄉賢祠奕潛心理學尤精於醫洪武初累薦不起所著有韓山人集遜國臣記

知府徐安

徐安鄞人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安謀知拆浮橋絕舟楫拒守靖難兵竟獲漁舟以濟靖難後放歸田逾年舉遺還有司上安名得復任爲數載鳳陽諸鳳皇泰安凌宗親庇細民奪田文皇始怒曰朕昔尚爲安所困現若曹乎遂安謫戍雲南

知府黃希范

黃希范不知何許人爲徽州知府政令嚴明士民

信服靖難兵起大修武備金川門失守素服不治事後坐與長史程通善嘗共議條上防禦策爲錦衣遷卒捕去論死籍其家

知府孫鎮

孫鎮合肥人洪武中中制科除度支主事時以課程事罪部官鎮諫不宜遽坐謫戍雲南尋復官擢衛輝知府靖難兵至抗節不附壬午秋謫戍山海二十餘年宣德初薦起爲上饒縣丞不就自號冲玄子

知府陳彥回

遜國臣記

宋之王

宋

陳元三百世

陳彥回字士淵莆田人父立誠歸安丞被誣論死家破彥回謫戍鎮南弟彥因遼東彥回未入滇家人多道死比至蜀惟彥回與祖母郭僅存會赦又弗原監送者憐彥回縱之去顧貧不能歸往依定遠知縣黃積良稱黃姓積良良民依南充縣丞于中和末幾累中教諭嚴德政彥回明經爲保寧府學訓導三考至京奉顧問陞平江知縣至平江閏十二月彥回入臨給事中楊惟康薦彥回文學廉幹陞徵中知府至徵數月政教一新士民感悅建文元年春以徵中受上賞是冬郭氏卒承

宣徽父老走京乞留會彥回衰絰赴闕疏乞得復陳姓奪服留徽除彥因戍籍彥回又乞竟服不許許彥事蒞郡再疏又不許葬郭徽郡北十里北山之陽彥回視事時走墓下哭甚哀徽人名爲太守山彥回恒以亡命冒宗爲愧悒悒不自安屢欲陳首輒自籌曰祖母年高即蹉跌奈何隱忍二十餘年始得行其志彥薨兵至江上彥回糾義勇勤王文皇即位械至京死之籍其家

谷府長史劉璟

劉璟字仲璟其父文成太師也弱冠涵濡經傳喜遜國臣記

卷之五

主

黃三十一

談兵究極輟略握奇諸書偉貌豐髯議論英發駭賊葉丁香叛延安侯唐勝宗討之決策於璟破賊還薦璟才略上喜曰璟真伯溫兒矣召見璟謂曰朕欲汝日夕左右惟閤門使如儀禮司立百官上宣達爲職處爾無此官者遂授之賜第馬衣帶金書除奸敵後四字於鐵簡賜之且命曰百官敢有不法汝持此糾正會谷王封宣德府謂侍臣曰谷王年少誰可羽翼王者諸大臣故忌璟對曰閣門使

耿可任

上領之授谷府長史

六王府事璟嘗至燕

文皇與璟奕璟勝文皇曰卿獨不少讓我耶璟正色曰可讓處璟不敢不讓不可讓處璟不敢讓也靖難兵起璟馳還京獻十六策不聽令恭讓李景隆軍事景隆又不聽景隆戰敗璟夜半渡蘆溝河水陷馬斃璟力破水跳躋岸冒雪走良鄉裂趾跛行三十里璟子猶自大同赴難越良鄉至涿州遇璟翼璟上馬奔還家養疾建文二年璟與疾赴關進聞見錄千萬言又不聽令璟還家待用明年六月建文君遜位璟稱疾不起法官論璟逃叛逮至京見上猶稱殿下且云殿下百世後逃不得一箇字下詔獄徽髮自經死法官希旨緣坐其家上不許得歸葬嘉靖乙酉提學副使萬潮肖像配享文成祠

遼府長史程通

程通字彥亨績溪人祖平謫戍延安通以太學生走闕下上書請還其祖詞懇惻上憐而釋之洪武二十三年舉應天鄉試時遺諸王行邊以封建策通對拜遼府紀善二十四年從王閱武臨清明年從之國遼西靖難兵起從王渡海來朝進左長史從王之國朔州衛士紀綱者方辛王通輒辱

之朝廷遣人至荊州通上防禦北兵數千言 文
皇即位綱入賀留錦衣衛幸用事乘間言通裏有
封事指斥遂械通至京論死家人戍邊簿錄其家
得田數十畝遺書數百卷牯皮數張績溪之程最
衆幸使者仁恕不旁及

知州蔡運

蔡運南康人貢起家歷官四川叅政清勁直諫不
諸於俗罷歸復起賓州知州有惠政靖難後論死
百姓憐而思之

知縣顏伯璋

題國臣記

卷之五

元

三十四

顏伯璋廬陵人名環以字行聰敏介直能文章建
文元年賢良徵授沛知縣靖難兵起淮北民終歲
給軍餉伯璋征戢有方民不告勞三年六月北兵
掠濟寧游兵過沛沛人竄匿伯璋設法招徠會該
豐沛軍民指揮司集民兵五千人築堡備禦尋調
三千人益山東兵是月望日靖難兵攻沛伯璋遣
縣丞胡先百夫長邵彥莊間行至徐告急都督援
兵竟不至度不能支令其弟珏次子有爲還曰汝
歸白大人于職弗克盡矣題詩察院壁曰太守諸
公鑒此情只因國難未能平丹心不改人臣節青

史誰書縣令名一木豈能支大厦三軍空擬築長
城吾徒雖死終無憾望采民艱達聖明是月二十
二日夜二鼓靖難兵入東門指揮王顯迎降伯璋
冠帶升堂南拜慟哭曰臣無能報國遂自經死時
年五十有爲不忍去復還見父尸遂自刎以從珏
脫走濟寧逾月還沛詢邑人知胡先已收葬伯璋
父子於沛南關外乃至徐告伯璋友人晏璧璧與
伯璋同郡宦於徐因爲伯璋傳其事言伯璋善事
父母友于兄弟睦於族鄉黨稱其六行無異辭
以故守令知而薦之及爲沛令數以事至徐又同
督運德州每連林共食談誦慷慨練達機宜深喜
鄉郡之有人屬縣之得賢長吏也古語云謀人之
軍師敗則死之謀人之邦國危則亡之若伯璋寄
百里之命素志已定視死如歸賢於人遠矣觀此
璧亦行誼君子也正統中御史彭勗爲伯璋起墳
祠祀之

矣縣鄭恕

鄭恕字本忠仙居人治尚書能賦詩善書畫好古
博雅家甚貧釜魚餽塵一介不妄取蕭然斗室日
與學徒數十人講論經理高風勁節一時敬嚮罕

波知府禮聘爲昌國訓導未幾陞蕭知縣留心撫字民愛敬之建文四年靖難支將王聰攻破蕭怒死之年五十六後籍其家二女當配亦死之子廉湜姪溫汲謫北平種田

理問徐讓

徐讓山西布政司理問不知何許人材氣磊落有口辯應募賞書物至北平議和解兵受而不答建文四年五月還授衛鎮撫軍前差遣戰歿

縣丞劉亨

劉亨字嘉會廬陵人博通經史洪武十五年以賢

選國臣記

卷之五

辛

秀

人君子微辭親老歸養久之復舉經明行修入對稱旨命說書華蓋殿尋言事忤執政出爲壽州訓導三十一年冬建文君詔求言上言文武並用久

長之術而六卿秩早於五府當並爲一品國子祭

酒師表天下士位不當在太僕下諸武臣子弟他

日當授之兵宜立學教之使知事上使下禮義之

道多見採用陞武進丞修學政課農桑恤孤寡表

節義毀淫祠縣傍作善教坊再思亭風厲民庶訟

省野闢流亡來歸建文三年賜璽書四年縣民李

德茂馮阿寶作亂白郡守母今滋蔓率衆擒首惡

職之諭降散其黨靖難後遣使勞以金帛既而有言亨皆在建文時上書改舊制又坐它事罷歸亨遂杜門不復出有薦亨者未樂大典者力辭疾湖廣廣東聘考試官皆不就宣德中監察御史尹崇高復言亨學行雖老可爲師表官亨這朝自言年將八十不足任教事上曰伏生九十尚傳經八十爲教官何不可亨懇辭吏部尚書郭繼曰孔子言老若安之朝廷豈少此一人空聽還鄉自便得靖正統中年八十二年

縣丞衛健

選國臣記

卷之五

三十二

衛健山西孝義縣丞不知何許人讀便書達吏事膽知通人与徐讓同應募使北平不答健曰願殿下熟思之亦不能還授衛鎮撫與讓並赴軍前差遣從戰歿

教授陳忠賢

任性原 陳應宗 林珏 鄧嘉然 曾廷瑞 呂賢

陳忠賢茂名人質直好義洪武末爲漳州府學教授以忠孝行藝最諸生隨才教誨多所成就文皇靖難詔至慟哭曰明倫之義正在今日遂堅臥不出迎率其族任性原陳應宗林珏鄧嘉然曾廷瑞呂賢即明倫堂爲舊君哭臨如禮郡人執送京

師恩賢暨六生咸以身殉或曰死於道嘉靖中提學副使邵銳立祠祀之

教諭王省

王省字子職吉水人洪武五年領鄉薦至京詔免會試命吏部次第擢用省以親老乞歸養尋以文學徵上親試稱旨當殊擢省自陳才薄親老乞便養得浮梁教諭外艱起復改睢陽凡八年又改濟陽靖難兵至省爲游兵所執從容引譬詞義慷慨衆舍省省歸坐明倫堂伐鼓聚諸生謂曰若等知此堂何爲名明倫今且勿多論只說君臣之義

遼國巨記

卷之五

三

三

主簿唐子清

唐子清沛主簿也不知何許人在沛有善政民愛之頗知縣守沛專調兵食一切選祭事皆付子清靖難兵執子清欲殺之將兵者欲且留子清不屬死

吏目鄭華

鄭華臨海人字思孝洪武十八年進士初授行人

奉使川廣有令名建文元年誣謫謫東平州吏目靖難兵起謂其妻蕭曰吾義必死奈親老汝少何妻泣對曰君能爲國妾獨不能爲君乎乃稱病尋醫携家托友人無錫丞趙次進座還州州長貳以靖難兵且至盡棄城走去華獨率民吏憑城守力不支請援山東又不至不食五日而死

典史周縉

周縉字伯紳武昌人以太學生授永清典史廉謹攝令事捕蝗弭盜靖難兵起永清地近燕繙極力拒守縣民寡弱相帥逃散縉度不可爲懷印南奔將他圖道聞母喪歸終喪即出糾義旅勤王戎器數日略具聞南師燔遂去匿民間壬午十月丁巳吏部言前北平屬州縣官朱寧等二百九十人當皇上靖難時俱棄職遠避宜寘法典命入粟贖罪屯成興州有司遂械縉至京請興州居數年子代還年八十終於家吳文定公嘗爲縉傳以故得獨傳寧等竟不可考

典史黃謙

黃謙亦不知何許人以儒生爲沛典史果敢能戢下頗知縣禮遇之益効力盡職靖難兵欲執至徐

招降謙不屈死之

盧振

盧振靖難兵起與徐禪祖齊黃謀畫攻守効力爲多靖難兵畏之壬午秋逮至不屈榜振名數其罪殺之吏其族

牛景先

牛景先禦靖難兵數有功金川門失守景先變姓名易服出走死肅寺中已而窮治齊黃黨逮景先妻妾發教坊司

周璿

遼國臣記

卷之五

三十五

周璿建文中從將枝効力戰守靖難後不屈死之妻王氏子璽兒皆沒官

謝昇

謝昇當建文時練兵給餉夙夜効勞靖難後不屈死之振景先璿昇皆不知何許人亦不知其始所自起任何官或曰璿諸城人

龔翊

龔翊字大章崑山人年十七爲金川門守卒建文末靖難兵首入金川門翊大哭後還鄉宣德中周忱巡撫兩廣爲崑山太倉學官辭不就曰翊仕無

害於義恐負往日城門一慟耳竟隱終身門人私謚爲安節先生

儲福

儲福無錫新安鄉人也洪武初隸燕山衛緒年二十餘頗好義建文末挈母妻逃去文皇即位詔挨購戍卒入伍至燕山福在錄中調曲靖衛復挈母妻以行因仰天哭曰吾雖一介賤卒義不爲叛逆之臣在舟中日夜泣不輟竟不食而死母韓妻范爲營地葬之范時年二十有姿色居貧奉姑甚謹每哭其夫則走山谷中大號不欲聞之姑也官

遼國臣記

卷之五

三十六

三十五

有聞其寡者欲委禽焉旣而聞其事曰此節孝婦也我安忍犯之一日范往澗水邊浣衣見其傍草生若蘇席草因取之織席售養姑姑賴以存姑年七十餘終管葬爲廬于墓傍范年八十餘卒席草遂不生土人義之即其廬草爲菴集尼居之名崇孝

松江同知

松江同知者不知其姓名勤王詔下同知榜募義勇入援極言大義感動人心并述靖難之兵非思達義文皇帝即位械至京磔於市

舉人劉政

劉政字仲理長洲人父有經學爲沛學教諭政聰敏力學治春秋建文元年秋方孝孺試圻府士千五百人題命論語托孤寄命節不可奪章得政卷孝孺喜曰此島中孤鳳當虛左處子是科登書二百十四人政第一四年建文君遜位殺孝孺政慟哭不食死之或曰政在永樂中誓不復仕授徒終其身

生員高賢寧

高賢寧濟陽儒學諸生也受學於教諭王省建文

遜國臣記

卷之五

事六 二三九五

中貢爲國子生靖難兵攻濟南不下以箭射書城中使丞降賢寧時在城中作周公輔成王論射城外請罷兵靖難後被執文皇曰此作論秀才耶秀才好人命官之賢寧固辭其友紀綱時爲錦衣指揮俸用事勸賢寧就職賢寧拒不聽曰君以軍旅發身余本書生食祿有年於義不可綱言於上得遣歸年九十七卒

建文遜國臣記第五卷

子履準校

孫心材重校

梁中節

梁中節定海人未詳仕何官少好讀老子太玄經靖難後與郭良棄官同走出京城爲道士入山去

何洲

何洲海州人不知仕何官與宋和郭節友善素以忠義相易靖難後遂相約棄官爲筮人客死異域竟其識其姓名王詔合和節洲而系之贊曰箕子陳範嚴氏隱卜義有從否道有宜告烈烈英賢寥寥真錫

郭良

遜國臣記

卷之六

三

三百九十五文

郭良不知何許人靖難後與梁中節相約棄官爲道士去贊曰駕言導引嘯傲林臯頽波其挽使我心勞

雪庵和尚

雪庵和尚名暨不知其姓靖難初方黃之獄絞幾萬人即不殺謫戍窮邊不死於道死於邊者又幾萬人當是時和尚壯年始慟哭落髮爲僧西南走重慶重慶大竹善慶里山水奇絕可廬和尚又走善慶里里墟中有隱士杜景賢知和尚非常人與之遊往來白龍諸山山旁有松柏灘灘水清駛甚

篁森蔚和尚欲寺焉景賢豪有力亟爲之寺寺成

和尚率其徒數人入居之斯夕誦經山中人不知

書謂且誦佛經乃不知其誦易乾卦也景賢曰和

尚相釋而誦儒不可請誦佛經景賢意和尚不宜

誦儒書恐有踪跡然又不肯顯言言則恐和尚走

去以故婉解之乃和尚亦知景賢意遂棄儒經不

誦誦觀音經寺因名觀音云和尚好觀楚辭時時

買楚辭袖之登小舟急棹灘中流朗讀一葉輒投

一葉於水投已輒哭哭已又讀讀終卷乃已衆莫

測其云何景賢固知之然亦不問和尚和尚好酒

遜國臣記

卷之六

四

三百六十七文

不戒酒日注酒一壺俟客客至輒飲客不至卽拉

樵牧豎入飲飲半醺呼兒童歌曰我歌爾和歌竟

瞑焉而寐和尚頎形秀爽指柔白剪剪落筆成章

詞不甚工密然意氣渙發又能感愴人或曰和尚

當建文壬午爲御史不數月帝遜位和尚固秘跡

以死死之日其徒問曰師卽死宜銘何許人和尚

張目曰松陽問其姓名不答和尚有詩若干篇今

且百四十餘年尚未敢顯行於世或曰此松陽葉

希賢也以賢良方正舉爲監察御史

河西備

河西傭不知何許人建文四年夏六月成祖入金陵卽帝位傭被葛衣走是冬至金城行乞市中金城邊地極寒傭常衣葛衣明年過河西依莊浪豪魯家爲傭傭亦取直稍稍積買羊裘披之雖寒必覆之故葛衣益破縷縷竟不肯脫故葛衣夏或衣暑布布卽新故葛衣輒覆其上人勸之棄故葛衣不肯棄直悶悶不答傭錢稍有餘走市中買牛肉酒與諸乞兒食飲傭力作倦時自吟哦或夜聞其哭泣聲永樂中有留都官從宋總兵至莊浪者識傭欲與語傭走南山中避旬月留都官去乃

遜國巨記

卷之六

五

卷之六

川中補鍋匠

川中補鍋匠亦不知何許人往來夔慶間爲人補鍋至州邑不過三日卽去或復來夔慶人有欲學補鍋者卽教之補鍋不索謝錢直令負薪從有後曹學者至卽遣先學者去如是數年夔慶間人識之皆呼爲老鍋匠補鍋或與錢布米不擇富食時與之食卽不復索錢稍稍積囊中遇風雨寒

暑不出補鍋卽出錢買酒飯自飲食常寄宿蕭寺中忽夔州市中逢馮翁者二人相顧愕然已而相持哭哭已相牽入山岩中坐語竟日學補鍋者屏不得聞二人語語已又相持哭且別去言今永訣不可復相見已竟莫知其所終蜀中峨眉亭嘗有建文遺臣題詩云一箇忠臣九族殃全身遠寄亦天常夷齊死後君臣薄力爲君王固首陽

馮翁

馮翁亦不知何許人在夔州以章句教童子給衣食能爲對句及古詩詩輒自題馬二子或馬公或塞馬先生嘗作詩大書壁間比見補鍋匠歸卽剗去詩曰夜夢何奇特龍飛天漢津朝橫滄海曲夕過滇池瀕光雲皆五色蜿蜒無損鱗淵田變化間張土藉高晏時蓋永樂甲申乙酉間未幾辭主人去莫知所終

遜國巨記

卷之六

六

卷之六

東湖樵夫

東湖樵夫樵浙東臨海東湖上日負柴入市口不二價建文壬午秋詔至臨海湖上人相率走縣庭聽詔或歸語樵夫曰新皇帝登極樵夫愕然曰皇帝安在或曰燒宮自焚矣樵夫慟哭遂投湖水中

死竟不知何許人

論曰余聞之陶徵士言齊二客魯兩生史並失其名操行之難而姓名翳然撫卷長歎不能已已余獨幸夫雪庵諸君子忍垢如荼卒晦其名以不滅其族也

建文遜國臣記第六卷

子履準校

孫心村重校

建文遜國臣記

卷之六

七

九十四封

海鹽鄭曉

戶部尚書王鈍

王鈍字士魯太康人故元進士爲猗氏尹洪武十年舉秀才授主客主事改長沙通判坐事免後舉明經授大名通判遷吏部郎中福建參議陞參政寬慎廉介民懷其惠坐轉漕不給當罷特省召遣持節諭撫麓川平緬却贈金或曰夷且疑貳奈何鈍受之悉輸雲南省藏還陞浙江左布政使募云建文初陞戶部尚書靖難兵至鈍踰城走靖難後遜國臣記

卷之七

一一

工部尚書嚴震直

嚴震直烏程人洪武五年起家布衣授試參議尋授戶部郎中陞工部右侍郎逾年進尚書二十六年鄉民訴其第姪不法上付震直訊報具獄上以爲不欺就其第姪已而坐事降監察御史使

龍州二十八年修桂林靈渠尋陞右都御史復爲工部尚書洪武三十年二月震直上諭兩廣鹽法廣鹽得行江西安贛吉臨諸府震直督勸敏上數稱之時時賜食復其家靖難兵起震直督餉齊魯間兵敗爲北兵所縛置布囊兩馬夾昇至北平建文君遜位後復爲工部尚書奉使安南至雲南見建文君悲愴吞金而死震直慰之勿不喜讀書力田供徭賦頗長於算數寡學識諸權貴人皆喜之

侍郎學士王景

遜國臣記

卷之七

二

三

王景字景彰以字行松陽人洪武初起家懷遠教諭歷知州山西參政謫雲南建文君召景爲知縣留與修高廟實錄母憂去服闋吏部尚書張統爲雲南布政使時知景薦陞禮部右侍郎兼翰林侍講充總裁官靖難後進學士時言建文君崩上問景葬禮景頓首言宜用天子禮上從之景博學能文章善書

侍郎學士董倫

董倫字安常恩縣人僑居宛平質直有文學遨遊山林間布褐藜藿淡如也從遊者衆稱曰川先生

勝國時累辟不起國初擢用單縣儒士張寧寧薦
倫洪武十五年遣使徵爲右贊善事懿文太子陳
說忠厚十八年擢左春坊大學士太子卒出爲河
南左叅政留情民瘼嘗上封事數千言又薦肇州
吏目諸葛伯衡上擢伯衡陝西右叅議三十年
註誤免官典教滇南建文君在東宮憐其老且遠
去賜白金若干鎰至成都蜀獻王敬禮倫抵滇開
心訓化不忍鄙夷其人雖蠻童叟賢皆知向慕建
文君即位念舊臣屢詢倫左右亦多薦倫者召拜
禮部侍郎兼翰林學士賜御書怡老堂扁及綵几
玉鳩杖各一倫上表謝略曰桓榮設几杖於太常
不聞宸翰之賜晏殊題舊學於神道未見几杖之
頒自今將杖以戒喧則當思四海或有飢餒之民
憑几以安身則當念一物或有顛連之歎或曰此
孝孺代筆也初監祭御史解縉嘗代夏長文作劾
都御史袁太書太恨縉中傷縉上令縉十年著
述來京擢用未及期上崩縉赴臨有司謂起臨
非詔旨誚縉河州衛史縉與倫書祈援倫左右縉
得召還爲翰林待詔倫爲人質直敦厚富文學爲
時所重建文間屢懇言宜親睦宗人不聽靖難後

倫年八十餘令致仕出京悵悵成疾數日卒

大理少卿薛崑

薛崑閬鄉人慷慨負志操有治才口辯建文三年
以鎮江知府爲大理左少卿是年方孝孺建議草
詔令崑實至北平又作宣諭數千言刊印千紙付
崑令密散北兵諸將士崑見成祖曰上言殿
下且釋甲謁孝陵暮即旋師成祖叱曰事至此
尚誰欺左右請殺崑成祖曰天子命使也釋之
歸靖難後免崑死謫廣西永樂初安南王孫陳天
平自老撾來歸季犛子蒼請天平歸還國上命
廣西總兵黃中以兵五千送天平歸中舉崑爲輔
行至芹站伏發刼殺天平崑被虜死

少卿學士高遜志

高遜志字士敏蕭縣人元末僑寓嘉興好問學嘗
侍父宦遊吳中受業宣城貢師大都陽周伯琦遂
昌鄭元佑爲文深純典雅成一家言年二十五爲
鄧山書院山長洪武二年徵修元史入翰林爲編
修累遷侍讀學士建文時太常右少卿兼學士庚
辰會試與董倫爲考試官所舉士胡靖吳溥楊子
榮楊溥胡濙輩靖難後皆爲名臣遜志存沒不可

考是科同預較藝者右拾遺未達吉編修史官吳勤業惠仲趙友士徐旭張秉彞監試御史王度俞士吉皆一時之選惟惠仲王度死難餘皆位如故徐旭永樂初爲吏部郎中與達吉皆預重修高廟實錄旭陞國子祭酒士吉永樂初爲僉都御史

國子祭酒張顯宗

張顯宗字明達汀州寧化人少喪父母黃守志訓教顯宗以文學著名洪武二十四年進士及第二十九年以編修陞太常寺丞賜衣一襲三十年署國子祭酒事建文君即位爲真上便宜數事學政一新壬午正月陞工部右侍郎靖難兵至淮顯宗奉詔起義兵江西募民出粟給軍餉六月還復爲祭酒靖難後江西兵執顯宗及布政使楊璉按察使房安僉事呂昇至南京謫顯宗等成興州後平交趾起顯宗爲左布政使勞來撫戢夷民安附永樂七年卒於官顯宗性行孝友政事敏達時以文學餘吏事會交趾初平人情未定清林知州王賦武寧知州魏思善能奉行顯宗約束皆有惠政並卒於官

侍講學士王達

王達字達善無錫人洪武間爲大同訓導過北平私上謁成祖成祖喜禮達建文末薦陞國子教職靖難後姚廣孝又薦達陞翰林編修再陞侍講學士達謙和恭慎能詩文上嘗問達建文君事對曰建文君亦可與爲善願輔導非人耳上終薄達一日達侍問達十難達識其八上曰朕更有難字難汝達懼服銀屑死上顧憐之命有司歸其喪或曰達草靖難登極詔或曰草詔者括蒼王景學士也

翰林侍讀唐愚士

遼國臣記

卷之七

六

陳元三

唐愚士名之淳以字行山陰人建文二年勅翰林侍從之臣方孝孺等集數千載經史中事爲一書以考治亂爲鑒戒命舉優通文學之士孝孺首薦愚士愚士時寓金陵爲李景隆子師立召爲翰林侍讀賜冠帶令與孝孺俱領修書事進講前漢書愚士少負奇志好學父肅仕國初應奉翰林文字有文章名愚士得遊公卿間宋濂稱其文勉之進學肅誦死臨濂愚士奉喪歸葬求父遺文雖荒郵敗壁高崖斷石靡不纂錄什襲時時伏讀聲淚切動人聞者掩涕愚士長身巨鼻聲聞多謠線達世

故爲文蔚瞻尤長於詩翰洪武中數從景隆偏遊
燕薊秦周所過廢都舊邑名賢古帝遺跡輒爲詩
歌論記詞旨超絕性喜飲酒酒酣高談傾坐晚得
官近侍未幾病病愈復起明年病甚比卒遠言請
銘孝孺愚士貧無他宗族喪事數千百緡尙辦景
隆孝孺爲聞上詔有司給舟歸葬

翰林侍講樓璉

樓璉字士連金華人嘗從宋濂學洪武中以儒士
召歷宣寧仁壽主簿藍田知縣擢廣東道監察御
史謫戍雲南建文君嗣位屢下詔求賢璉以文學
舉入翰林侍經筵官至侍讀靖難兵入京文皇
命方孝孺草詔孝孺哭且罵授之筆擲諸地曰身
可死詔不可草改命璉及王景璉惶懼不敢辭歸
而憤悶妻子問之曰得無傷方先生邪璉愧曰我
受刑猶可正恐累及爾輩耳遂巡一夕自經死

翰林侍書宋懌

宋懌字子夷金華人文憲公孫也懌父燧中書舍
人懌思紹父學奉母孝蜀獻王聞之時賜粟帛賜
其家專心力學書益工建文君即位念濂爲興宗
舊學之臣召懌入翰林爲侍書與劉彥銘朱思平

遜國臣記

卷之七

七一

三頁五十四

皆知名建文時而濂門人有聲稱者同郡樓璉浦
陽鄭楷皆見擢用永樂十年濂孫情坐鄭公智黨
刑部侍郎張本請罪情文皇曰濂名儒開國時
事皇考有勞原情勿問

尚寶司丞李得成

李得成涑水入父德儀早卒母張氏洪武初避兵
溺死得成臥水求其尸望父母像與妻事之甚謹
洪武十九年縣舉孝廉爲大官署丞二十四年改
太常贊禮郎二十五年又以割肝報效之忠陞尚
寶司丞二十七年八月旌其門孝子學士劉三吾
爲傳其事靖難兵起景隆敗於德州濟南被圍急
黃子澄等謀緩燕師遣人講和得成慷慨請行見
成祖濟南城下請回軍還燕成祖必欲得齊黃
乃肯解兵遣得成歸報朝廷以得成辱命下獄已
而宥之永樂初陞陝西左未政歷陞陝西右布政
使數上言民間疾苦

遜國臣記

卷之七

八一

三頁四十二

監察御史尹昌隆

尹昌隆字彥謙太和人洪武十八年進士授翰林
修撰改監察御史建文即位初朝晏昌隆諫曰
太祖高皇帝雞鳴而起昧爽而朝未嘗日出臨百

官百官于是乎戒懼故能庶績咸舉天下安也陛下嗣守大業固宜追繩祖武兢兢業業憂勤萬幾

未明求衣日昃忘食常如不及今乃溺于晏安日

刻甚晏猶未臨朝羣臣宿衛疲何廢業上下懈弛

臣恐播天下傳四夷非社稷福也建文君曰昌隆

言中朕過禮部可頒示天下使人知朕過元年京

師地震昌隆疏言奸人專政陰盛陽微謫見於天

執政大怒斥爲福寧知縣未幾中使誣昌隆詛詎

下獄事曰得釋靖難兵南下昌隆上書言今日事

勢日去而北來章奏言周公輔成王不若罷兵息

遜國臣記 卷之七 九

戰許其入朝彼既欲申大義于天下不應便相違

戾諒或有蹉便須讓位不失守藩若沉吟不斷禍

至無日進退失據雖欲求爲丹徒布衣不可得矣

不報靖難後昌隆名在奸黨驅出就戮昌隆當陛

大呼曰臣當時曾上章勸讓位陛下秦隴尚在可

覆也命緩昌隆刑檢奏有之上曰火燒頭早從

此言南北生靈受禍不若是酷朕亦無此勞苦遂

貸昌隆死未幾以爲北平按察知事行部主事預

儲議進左中允漢庶人惡昌隆改爲禮部主事尚

書呂震喜屬官諂忌昌隆詆昌隆與各庶人通謀

論死沒其家震病時時號呼乞解曰尹相尹相妻

子問故曰昌隆守欲殺我震竟死

國子博士王紳 子孫

王紳字仲縉文忠學士諱之子年十三穎敏過人

幼鞠於兄綬最恭順痛父死義尤孝事母母卒哀

毀未幾兄綬亦卒營葬執苦卓負奇志博讀經史

百家言發諸論難縱橫磅礴沉思從氣俯視朋流

宋濂一見奇紳曰華川有子洪武十五年蜀王禮

聘抗容禮教授蜀郡紳痛父遺骸未返立隴白王

走雲南慟哭原野行求久之不能得即莫死所仰

遜國臣記 卷之七 十一

天一號幾絕日夜悲哀滇人感愴稱王孝子紳因

述滇南慟哭記時雲南布政使張統重紳純孝爲

作弔王翰林文建文君即位給事中涂誠御史黃

凱薦召爲國子博士預修 高皇實錄與方孝孺

友善皆尊孝孺爲百代儒宗勸著書淑來學孝孺

不應紳意悟自是略文藝潛心道德建文元年四

月紳上言父死節狀且曰陛下方隆孝治而明詔

又有旌表節義之條正微臣得展情事之時先臣

志節獲伸之日也下翰林定議降制曰朕慕承洪

業大賚四方文武之臣勲庸勞烈著於天下者

思褒封寵錫以崇德報功況於守節秉義之臣命書愍贈曷可忘哉故翰林待制王律博學雄文顯名當世久事 皇祖夙夜在廷獻納論思數被嘉獎修史擅三尺之譽蒞民兼四善之稱蘊才而弗克大施銜命而遽先出使導滇民而歸化宣皇威以懷柔豈期携貳以詭謀竟致忘身而殉義歷年滋久卹典未遑暨嗣息之疏陳乃興懷而慨歎是用職陞禁從證錫美名循募制以勸忠推茂恩而示訓尚惟冥濙服此殊榮特贈翰林院學士奉議大夫諡文節開國以來文臣有諡者寔自律始時

通國巨記

卷之七

二

一 卷之三十八

憲義被拔擢而與時浮沉紳士書勸之曰執事方負天下重望治否安危固係於進退去取之是非而所任非其所長所職非其所事位高於器則有覆餗之患才過於職則有積薪之譏非其才而強委之至於債事則是執事欲爲尋常無聞之人而不可得況敢望其逸樂優游而與時俗上下乎義得書極憾之建文二年卒年四十有一有繼志齋集三十卷藏于家子徐宇叔豐少有志行壯力問學性至孝純痛念父沒食不兼味徐遵教子孫相承數十年不變父母喪三年酒肉未嘗入口學問

該博士從遊日衆有青巖稿聖朝文纂金華賈達傳續文章正宗卒年五十九門人私謚孝莊先生徐初從學孝孺靖難後嘗欲與孝孺表姪鄭珣至聚寶門外負其遺骸歸葬不可得坐逮繫獄 文皇念律忠特有之且用徐辭辭疾讀書青巖山下將終身焉徐與童景庸書言痛念遜志名蹟日就湮沒欲執事與令兄商榷搜輯其學行幽潛生卒始末爲家傳行狀以傳同志有愛慕之心者自能默識謹藏或可待時發揚於萬一徐遂輯方氏遺文爲侯城集後百年始傳

通國巨記

卷之七

三

一 陳百六十六

校察僉事業砥

葉砥字周道一字履道上虞人有學行洪武三年進士除定襄縣丞八年坐累謫涼州砥處之裕如日杜門力學時法峻諸謫士伍河西者喜從砥遊建文元年詔求賢陝西按察羅副使臨江知府劉鵬上虞知縣李惟中皆薦砥史才召爲翰林編修修國史或又薦砥才任風憲改廣西按察僉事永樂初坐修史書靖難事多微詞被逮籍其家惟薄田廬故書數篋事白仍與史事書成改考功郎中尋副總裁永樂大典侍講取官郎中三考加俸二

等職如故祗重聽誤謂授他職 上爲寫授祗祗不自安求去不許請郡得饒州知府年八十卒於官

知府劉有年

劉有年廬陵人徙沅州洪武中明經起家爲監察御史學行有聞尋辭官養母忤旨謫傳舟通州有年至通州讀書不解得儀經十八篇於州故家上之詔藏秘閣建文君起有年徒中爲太平知府靖難後坐不肯迎駕謫雲南西平侯知有年賢遺諸子從學且薦於朝及交趾平以爲按察僉事卒官

遜國臣記

卷之七

五

三

典史魏澤

魏澤字彥恩源水人有學行洪武中累遷至刑部尚書先是 文皇南下姚廣孝曰殿下至京幸全方孝孺殺此人則天下讀書種子絕矣 文皇曰然比至京建文君遜去遂召幸孺問曰義法周公匡成王成王不在當議所立對曰殿下既以匡王室而來成王不在當立成王之子杵肯固有滅十族等語遂械繫獄以廣孝言未殺孝孺且收捕其

族黨每捕至輒下獄休孝孺終不屈乃盡殺之澤是時謫爲寧海典史當捕方氏悉力保護周旋以故方氏有遺書謝文肅公詩所謂孫枝一葉者澤之力也後過孝孺故居爲詩悲悼詩曰荀典衡雨過侯城撫景令人感慨生黃鳥向人空百轉清猿墮淚只三聲山中自可全高節天下難居是盛名却憶令威千載後重歸華表不勝情

衛卒羅義

羅義山西清遠衛戍卒也靖難兵起義詣闕上書乞息兵講和又錄上 文皇書言殿下聰明英武

遜國臣記

卷之七

四

三

卒之周公也宜謹守燕土以法周公輔成王之義嘗聞夷齊以國相讓去隱首陽聖賢欲成天下之事必先明順逆之理成敗之勢禍福之機又得天道之宜人心之安然後可殿下今以藩國敵朝廷即遂其願尤爲不可況萬難無一易哉乞早息兵歸國書上下義崇建文四年六月庚辰 上出義獄中擢戶科給事中未幾陞湖廣左叅政

建文遜國臣記第七卷

子詹率校

孫心材重校

建文遜國臣記第八卷

吾學編第五十九

海鹽鄭曉

都督平安

平安初名保兒滁州人太祖養保兒及周舍道舍馬兒金剛奴也先買驢真童滌兒爲養子分守新附城邑安父定從太祖起濠梁積功至濟寧指揮僉事又從常遇春定山東下河南克元都戰沒安襲陞密雲指揮使洪武三十一年擢右軍都督僉事靖難兵起克恭將從景隆而北設伏白溝河敗績管單家橋邀北餉舟疑不敢進景隆敗鋒迷國臣記卷之八三十三季承

山安援景隆殺陳亨還與鐵鉉共守濟南已而朱能兵至安敗之轉戰東昌告捷又戰單家橋執薛祿祿逸去復戰陳暉不相援安遂敗葦城之後安陷陣先登衆不繼三戰三敗進攻北平又戰敗援保定不克建文四年進副總兵帥遼東兵復通州不克退戰泃河靖難兵伏發夜敗安轉戰小河殺王真成祖督戰甚急安挺鎗大呼馬蹶弗得前王麒又奮刀入安陣逼安安遂退又戰靈壁安及陳陣馬薄徐真皆被執安力舉數百斤果勇善戰亨真皆驍將並爲安所殺安就執靖難諸將皆

喜或請殺安成祖惜其才勇釋縛管銳卒衛送之北平且令仁宗郭資善視安已而掌北平都司事進北京行後府都督僉事永樂七年三月成祖見安忽問曰安乃尚無恙安慚懼遂自經今武安侯成山伯即亨真後也

都督審忠

審忠累官都督建文元年克征虜右副將軍與駙馬都尉李堅從大將軍至北平八月及靖難兵起于真定敗奔滹沱河戰又敗與都督顧成都指揮劉遂皆被執忠之妻都督徐凱女也後與凱同死迷國臣記卷之八三十三季承

都督潘忠

潘忠歷官至都督將兵屯雄縣建文元年八月靖難兵至雄破其東門忠至月漾橋遇伏戰敗被執迷國臣記卷之八三十三季承

都督袁宇

袁宇壽州人父洪開國功爲左都督宇事建文君有軍功爲指揮使韓王妃及李景隆妻宇兄弟也宇從景隆北進有功陞後府都督同知建文三年六月壬午靖難將李遠出沛泗掠餉道宇率步騎三萬邀還中伏大敗宇脫身走以弟容爲文皇附馬都尉封廣平侯故得不死建文四年七月宇

練兵雲南

都督楊松

楊松積功官至都督勇果敢戰靖難兵起列營雄鄭敵至輒敗與潘忠皆被執

都督馬溥

馬溥壽州人父鑑開國有功官至都督僉事溥襲武德衛指揮僉事建文君初陞都督四年夏與徐真並充叅將遇靖難兵戰敗靈璧皆被執溥子春爲周府儀賓靖難後有溥令改建周府

都督陳暉

遼國臣記

卷之八

辛

二百九十五

陳暉始爲洮州衛指揮累功至都督充副總兵與靖難兵戰真保滄德間互有勝負已而戰敗被執送北平建文四年八月遣之江西叅贊總兵韓觀軍事觀開國功臣韓成子也

都指揮房昭

房昭都指揮官大同建文三年七月引兵入紫荆關掠保定登山結寨號召義勇承制授指揮千百戶進據易州西水寨寨在萬山中四面險峻惟一徑攀援可上昭守寨集兵糧進攻北平文皇惡昭逼藩府急回軍渡滹沱河八月真定將官都指

揮韋諒率兵萬人運餉援昭文皇曰昭得諒兵糧卒未可破比至餉入寨遂進兵合圍真定裨將

都指揮花英鄭琦來援陣義眉山下合戰大敗英琦及都指揮王恭詹忠等皆被執昭諒脫走西水寨遂破永樂元年昭尚爲將官備禦宣府

都指揮唐禮

唐禮歷官都指揮靖難兵起盛將軍以徐凱敗於滄州引兵出德州營於東昌禮素稱戰將令將騎兵殿後而以孫霖爲先鋒營滑口靖難兵夜襲破之擒禮霖遁走

遼國臣記

卷之八

四

三百五十五

都指揮孫狗皮

孫狗皮徐州人歷官北平都指揮建文中數從諸將力戰有功靖難兵畏之已而戰敗被執永樂元年坐死宥之降百戶

都指揮葛道

葛道歷官河南都指揮使充偏將從大將軍北進建文四年正月朔靖難兵至藁城時進爲先鋒率步騎萬人渡滹沱河半渡靖難將李遠擊之進見遠兵稍退繫馬林間步卒短兵接遠誘進潛師出進後盡解林間繫馬急鼓衆擊進進兵失馬大敗

脫身走靖難後坐死宥之掌寧夏衛事

太監吳亮

吳亮者建文中中官最親幸建文君焚宮遜去
文皇疑匿于僧溥洽所永樂乙酉以他事祭銅溥
洽命胡給事中湊以訪張邈邈爲名又遣太監鄭
和等下西洋徇物色不可得正統七年有僧出自
田州土官所至廣西藩司自相建文皇帝曰我自
蜀歷滇遊方至此今老矣欲送骸骨歸故鄉官司
奏上驛送赴京號爲老佛至京寓大興隆寺京城
內外僧拜謁無虛日皆曰此海外高僧科道官屢
上言恐其惑衆乃下獄朝廷不忍以亮經侍建文
君使審視老佛見亮即曰汝非吳亮耶亮曰不是
曰我昔御便殿食子鵝葉片肉於地汝時手執壺
狗餌之何謂不是亮伏地哭不能仰視復命畢自
經死遂取老佛入西內卒葬西山不封不樹鄧人
黃潤玉有學行爲廣西提學親見建文君跌坐蒲
堂曰我朱允炆也長身巨鼻聲如洪鐘

建文遜國臣記第八卷終

子履準校

孫心材重校

皇明天文述序

高皇入在兵間熟知乾象既登宸極召集名家覓搜往牒設官制象并台華夏齒算旁占綜略今古以故二統相持則徵諸七政三曆相準必協於五紀敬天勤民蓋孜孜焉矧其災祲一譏側身脩省符瑞屢臻虛心式教雖堯欽曆象并在璣衡不是過矣若乃訓諭諸王飭戒羣將吉凶先見動中玄機疇人世業莫能測識豈非數由天悟理本神乎者耶

成祖

天三

仁宗親承指授

列聖相傳憲章具在凡以答天心之仁愛顧民情之魯險者要不止於觀變明時撫辰熙績而已議者乃謂保章挈壺名號徒存太史天官職業盡廢日月之交會氣朔之盈虛中節之緩急晝夜之短長似多違舛稍宜更定豈知位育恭贊之道發理弼亮之功有不假於器數藝術者歟述天文嘉靖己酉六月望日鄭曉識

皇明天文述

吾學編第六十

海鹽鄭曉

吳元年太史院使劉基率其屬高翼等上戊申大統曆上初在滁陽問韓國公漢有三傑佐天下今徐達可方韓信公可兼張良諸何乎對曰良智計絕人臣何敢望良若轉給兵食或可勉效何耳上因問今世之士孰可擬良者對曰臣聞浙東宋濂能知象緯上曰以吾所聞濂不如青田劉基上定括蒼孫炎以命聘基請金陵時時占乾象佐行軍輒效以爲太史監太史令尋改太史院使洪武元年改院爲司天監又置回回司天監是年十一月徵元太史院使張佑張沂司農卿兼太史院使成諫太史同知郭讓朱茂司天少監王可大石澤李義太監趙恂太史院監侯劉孝忠靈臺郎張容回回司天監黑的兒阿都剌司天監丞迭里月實一十四人二年又徵元回回曆官鄭阿里等十一人至京議曆法占天象三年定爲欽天監掌察天文定曆數凡日月星辰風雨氣色之變率其屬而占候焉語在百官述十年三月上與羣臣論天與日月五星之行翰林應奉傅藻

典籍黃麟考功監丞郭傳皆以蔡氏左旋之說對上曰天左旋日月五星皆右旋二十八宿經也附天體而不動日月五星緯乎天者也朕自起兵以來與善推步者仰觀天象二十有三年矣嘗於天氣清爽之夜指一宿爲主太陰居是宿之西相去丈許盡一夜則太陰漸過而東矣由此觀之則是右旋此曆家亦嘗論之蔡氏謂爲左旋此則儒家之說爾等不折而論之豈所謂格物致知之學乎

天文述

二 觀形

三百八十八

志上說曰老儒質直宜輔朕始置四輔官告太廟以王本杜佑翼教爲春官杜牧趙民望吳源爲夏官秋冬官缺今本等兼攝各司時令以燮陰陽十七年七月製觀星盤十月大明清類天文分野書成凡二十四卷詔賜秦晉成祖周楚齊六府大抵欽天監十二分野分配州郡與唐天文志稍異貞觀中淳風撰法象志因漢書十二次度數始以唐之州縣配而一行以爲天下山河之象存乎兩戒北戒自三危積石負終南地絡之陰東及太華逾河並雷首底柱王屋太行北抵常山之右乃東循塞垣至穢狃朝鮮是謂北紀以限戎狄南戒

自岷山嶠冢負地絡之陽東及太華連南山熊耳外方桐柏自上洛南逾江漢攜武當荆山至于衡陽乃東循嶺徼達東甌閩中是謂南紀以限蠻夷故星傳謂北戒爲朔門南戒爲越門河源自北紀之首循雍州北以達華陰而與地絡相會並行而東至太華之曲分而東流與涇渭濟瀆相爲表裏謂之北河江源自南紀之首循梁州南以達華陽而與地絡相會並行而東及荆山之南而東流漢水淮瀆相爲表裏謂之南河故於天象則弘農分陝爲兩河之會五服諸侯在焉自陝而西爲秦

天文述

三

三百八十九

涼北紀山河之曲爲晉代南紀山河之曲爲巴蜀皆負險用武之國也自陝而東三川中嶽爲成周西距外方大伾北至于濟南至于淮東達鉅野爲宋鄭陳蔡河內及濟水之陽爲鄘衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河下流南距岱山爲三齊夾右碣石爲北燕自南河下流北距岱山爲鄒魯南陟江淮爲吳越皆負海之國貨殖之所阜也自河源循塞垣北東及海爲戎狄自江源循嶺徼南東及海爲蠻越觀兩

天文述

四

三

河之象與雲漢之所始終而分野可知矣於易五月一陰生而雲漢潛萌于天覆之下進及井鉞間得坤維之氣陰始達於地上而雲漢上升始交於列宿七緯之氣通矣東井據百川上流故鶉首爲秦蜀墟得兩戒山河之首雲漢達坤維右而漸升於危列宿上鶩鶩參伐皆直天關而在河陰故鶩沉下流得大梁距河稍遠涉陰亦深故其分野自漳濱卻負恒山居北紀衆山之東南外接髦頭地皆河外陰國也十月陰氣進踰乾維始上達于天雲漢至管室東壁間升氣悉究與內規相接故

天文述

五

三

其分野自南河下流窮南紀之曲東南負海爲星紀自北河末派窮北紀之曲東北負海爲析木負海者以其雲漢之陰也唯管內接紫宮在王畿河濟間降婁玄枵與山河首尾相連鄰顓頊之墟故爲中州負海之國也其地當南河之北北河之南界以岱宗至于東海自鶉首踰河東曰鶉火得重離正位軒轅之抵在焉其分野自河會之交東接祝融之墟北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自鉅野岱宗西至陳留北負河濟南及淮皆和氣之所布也陽氣自明堂漸升達於龍角曰壽星龍角謂之天關於易氣以陽決陰夫象也升陽進踰天關得純乾之位故鶉尾直建巳之月內列太微爲天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽盛之際亦巽維地也夫雲漢自坤抵艮爲地紀北斗自乾攜巽爲天網其分野與帝車相直指五帝墟也究歲之政而在乾維內也婁也故爲少昊之墟也

之政而在巽維內者壽星也故爲太昊之墟布太微之政而在巽維外者鶉尾也故爲烈山氏之墟得四海中承大階之政者軒轅也故爲有熊氏之墟墟木金得天地之微氣其神治于季月水火得天地之章氣其神治于孟月故章道存乎至微道存乎終皆陰陽變化之際也若微者沉潜而不及章者高明而過亢皆非上帝之居也斗杓之外廷陽精之所布也斗魁謂之會府陽精之所復也杓以治外故鶉尾爲南方負海之國魁以治內故陝豈爲中州四戰之國其餘列舍在雲漢之陰者八爲

東河內北固漳鄴東分梁宋至於汝南韓據全鄭之地南盡潁川南陽西達虢略距函谷關宜陽北連上地皆綿亘數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明效今則同在畿甸之中矣而或者謂漢書地理志推之是守其石遺術而不知變通之數也又古之辰次與節氣相係各據當時曆數與歲差遷徙不同今更以七宿之中分四象中位自上元之首以度數紀之而著其分野其州縣雖改隸不同但據山河以分爾晉天文志十二次分野始角亢者以東方蒼龍爲首也唐十二次始女虛危者以十二支子爲首也其以斗牛爲星分之首者日月星起於斗宿古之言天者由斗牛以紀星故曰星紀則星紀爲十二次之首而斗牛又二十八舍之首也本朝應運肇基而南京應天府寔星紀斗牛之分且與天地人三統之正相協自周以來數千年間帝王之運適符於今豈偶然哉是年欽天監博士元統言曆日之法其來尚矣今曆雖以大統爲名而積分猶按時曆數況授時曆

法以至元辛巳爲歷元至洪武甲子積一百四年以曆法推之得三億七千六百一十九萬九千七百七十五分經云大約七十年而差一度每歲差一分五十抄辛巳至今年遠數盈漸差天度擬合修改蓋七政之源有遲疾逆順伏見不齊其理深奧實難從演開曆勘司令王道亨有師郭伯玉者精明九數之學若得此人推大統曆法庶幾可一代之制蓋天道無端惟數可以推其機天妙因數可以明其理是理因數顯數從理出故數可相倚而不可相違也 上是其言十八年冬

八

三十三

樂欽天監觀星臺於雞鳴山回回欽天監觀星臺因花雨臺二十年選疇人年壯解書者赴京習天文推步之術二十九年鑄渾天儀成二十六年欽天監監副李德芳言故元至元辛巳爲曆元上推往古每百年長一日下驗將來每百年消一日永久不可易也今監正元統改作洪武甲子曆元不用消長之法考得春秋晉獻公十五年戊寅歲距至元辛巳二千一百六十三年以辛巳爲曆元推得天正冬至在甲寅日夜子初三刻與當時實測數相合洪武甲子元正上距獻公戊寅歲二千二

百六十一年推得天正冬至在己未日午正三刻此辛巳爲元差四日六時五刻當用至元辛巳爲元及消長之法方合天道疏奏元統復言臣所推甲子曆元實與舊法相合略無差謬 上曰二統皆難憑只驗七政交會行度無差者爲是自是欽天監造曆以洪武甲子爲曆元仍依舊法推算不用捷法二十七年召國子博士錢宰等脩書傳

上曰若輩知天象乎皆對不知 上曰朕觀天象

自洪武初有黑氣凝奎壁乃文章之府朕甚異焉今年春暮黑氣始消文運興矣洪武中朝廷訪求

九

九

卷八

通曉曆數數往知來試無不驗者封侯食祿千五百石山東監生周敬心奏言國祚長短在德厚薄非曆數之可定三代有道之長固有定論三代而下深仁厚德者漢唐宋而已如漢高之寬仁繼以文景之恭儉昭宣之賢明光武之中興章帝之長者唐太宗之力行仁義宋太宗之誠心愛民是以有道之長國祚最短者莫如秦其次如隋又其次如五代始皇之酷虐煬帝之苛暴五代之窮究是皆人事所致豈在曆數欽惟 聖上應天眷命掃滅胡夷救亂誅暴其功大矣然神武過於漢高而

寬仁不及賢明過於太宗而忠厚不及是以御宇以來政教未敷四方未治伏乞效漢高之寬仁同太宗之忠厚法三代之稅歛則帝王之祚可傳萬世又何必問諸小技之人邪三十一年幸回回監仁宗即位作臺禁中 上時時登臺觀衆洪熙元年正月賜大臣天元玉曆賦 太祖精於天文每以指訓子孫以故 成祖 仁宗皆知天象凡遣將行師諸王出塞遇有祲祥手勅臧諭 仁宗嘗見星變對大臣泣下未幾晏駕正統四年造渾天璿璣玉衡簡儀十一年令簡儀九道圭表壺漏並

十一

卷之六

天文述

十一

三月八日

連日霖霧交作爲衆邪之氣陰冒於陽臣欺于君小人擅權爲下叛上引譬甚力劉瑾怒矯旨杖源三十釋之源又疏言自正德二年來一向占候得火星入太微垣帝座之前或東或西往來不一勸上宜思患預防瑾大怒罵源爾何官亦學爲忠臣復矯旨痛杖三十謫戍肅州行至懷慶卒十三年夏五月己亥朔日食起復弗合日官周濂請驗交食以更曆元禮部員外郎鄭繼之上言曰歲差之法虞喜以五十年差一度久而驗之弗合也何承天以百年劉焯以七十五年僧一行以八十三年久而驗之又弗合也許衡王恂郭敬以六十六年有餘以密矣今據其法步之又弗合也且如定歲之法積四晷餘日而分日加於四晷故二至之時祇存絲忽此所宜定也又如定日之法日有百刻而變爲九百四十晷以氣朔有不盡之數難分故也凡月三十日而二氣盈四百一十一晷二十五秒一朔虛四百四十一晷積盈虛之數以成閏故定朔必視四百四十一晷前後爲臍胸祇在一晷之間此又所宜定也日月交食惟日食實難定月食分數惟以距交遠近別無四時增損蓋月小閏虛

大月入閏虛而實故入方所見同也日爲月所掩而食蓋日大而月小日上而月下日遠而月近日異四時月有九道故旁觀者遠近自不同矣如北方食既南才半虧南方食既北才半虧故食之時刻分秒據地定表因時求合而後準也如乾清官火之歲仲秋日食三十分合八分六十七秒而閩廣之區差

交食以

分秒焉可同之今按

及至於半秒難分之所此又所宜定也夫差之半秒積以歲月則遷離肺腑皆不合原算矣是年十

月明年九月廿月望月三食時刻分秒並不協差

土

三月八十五刻

靖三年正月五星聚營室欽天監掌監事光祿少卿樂護上疏曰臣等預算今年正月五星以次聚營室但太陽臨近當隱伏不見今候其象果然夫數不爽而象暗聚則其降精流氣亦必成祥自古五星之聚莫不有大禍惟視人君德政淑慝何如耳占書曰五星之聚是謂改易王者有德受慶子孫蕃昌無德受殃失其國家百姓流亡蓋天道無親福無常主故五星之聚有福有禍無德靡不受禍聚房周祚以昌聚箕齊桓用霸漢興聚井宋盛

是四者皆當更革之際一禍一福培栽覆傾昭然在德惟天寶聚于尾箕而唐德弗稱旋有祿山之亂唐業遂衰皇上聖德中興五星適聚可不益修聖德愛養黎元以承此大慶乎簡易寡慾

修德之大儉用省財愛民之實伏乞陛下鑒此天數之大克己約躬勵精而實行之使人心悅而天意乎真所謂有德受慶矣臣職司占候竊惟禍福之祥莫大於此至於修德應天之實非臣等之言所能盡意更乞延訪文武羣臣博求修德愛民之道而實行之以及內外左右莫不修省協贊承此

天慶不使天眷別有所顧則宗社生靈不勝幸甚

土

三月八十五刻

占書又曰天下兵謀則五星聚於營室凡所以內修外攘以銷夷狄盜賊之謀者似亦不可不加之意也伏乞皇上亟與大臣圖之疏下禮部部言堯舜授受曰曆數在躬九執厥中四海困窮天祿永終皇上起自潛邸入承大統正德年間權姦用事冗濫靡費蠹耗無餘天下之財盡歸權室公私赤立國非其國皇上起而救之生理未復重以水旱非常之災流移轉徙餓殍相望朝廷屢議賑恤而在官無可發之廩在民無可貸之儲相顧

錯愕計無所出所謂四海困窮者積漸至此遺大
技艱付託甚重幸屯拯溺求望甚切伏望仰稽乾
象俯順時宜圖任老成斥遠羣小崇敬畏戒逸欲
嚴諸一心自足以爲祈天永命之本其他齊醯祈
禳一端小說不宜輕信以啓侍門傷治體至於足
國裕民則今日之務莫急於此必先儉約必端好
尚必慎差遣必重爵賞必戒興作稍在得已即賜
停止務求安靜休養生息假以數年天與之時人
盡其力則生理庶可復而國用亦自有餘矣臣等
待罪禮官星家之說素所未習不敢旁引曲證以

四時七政隨天而運寒暑代謝爲歲虧盈互易爲
月晝夜還轉爲日經緯錯列爲星辰步算周密爲
曆數天子奉順陰陽時以作事以厚生而世治
時苟不明晦朔弦望失其節分至啓閉乖其期則
無以該洽生靈而世亂矣夫曆之來由黃帝迄秦
宋凡六改由漢高祖迄漢末凡五改由魏文帝迄
隋末凡十三改由唐高祖迄周末凡十六改由宋
太祖迄宋末凡十八改由金熙宗而迄元末凡三
改一曆之改廣集衆見思無遺智法無遺術宜其
永久不變然歷代畏於曆者不數歲而輒差杜預
曰陰陽之運隨動而差差而不已遂與曆錯歐陽
脩曰事在天下其易差者莫如曆夫所以差者由
天周有餘日周不足也天周有餘則天常平運而
舒日周不足則日常內轉而縮天日之差於中星
驗焉堯之冬至初昏昴中而日在虛七度虛者北
方之宿則日行北陸經於玄枵之子也今之冬至
初昏室中而在箕三度箕者東方之宿則日行東
陸經於析木之寅也計今去堯末四千年而差五
十度矣再以赤道考之勝國至元辛巳改曆天正
冬至赤道歲差一度五十秒今退天三度五十二

分五十秒也黃道歲差九十二分九十八秒今退天三度二十五分七十四秒也故洪武中漏刻博士元統上言我朝承運以來曆雖以大統爲名而積分猶按時之數年遠效益漸差天度距元辛巳至元統上言時歲在洪武甲子僅一百四十年迄今則二百四十二年後時曆法每歲差一分五十秒約七十年差一度今合差三度餘矣年逾遠而數逾盈然則治曆者豈不可隨時修改以求合於天哉夫不隨時修改求合於天則曆必差是以德戊寅日食庚辰月食時刻分秒起復方位多與

天文述

二

卷

曆

欽天監推算不合山東道御史朱節謬薦臣知曆學改官於茲恭惟皇上入繼大統之年適與元之革命改憲辛巳之歲相符則調元正曆以求未立之差法固有待於今日臣竊念班固作漢志以明治曆不可不擇者三專門之裔明經之儒精算之士臣於三者無一焉竊夜憂惶罔知所措然於治曆之法聞其槩矣古今善治曆者三家一曰漢太初曆以鍾律起二曰唐大衍曆以著策起三曰元授時曆以晷影測就日體測之毫忽微眇不可得而遁者元史所謂自古及今推驗之精蓋未有

出於此顧豈誣哉今欲正曆而不登臺測影臣竊以爲皆空言臆見也伏望令臣暫住朝參督率曾秦改曆中官正周濂及於時人子弟中掄選諸曉本業善於書算者及今冬至之前親詣觀象臺晝夜推測日影赤道黃道中星分秒日計月書至來年冬至以驗二十四氣二至二分日月交食合朔弦望日躔月離黃赤二道及昏旦中星七政躔度紫炁月孛孛候計都之類觀元辛巳所求委有所差備錄上覽乞勅禮部延訪四方有能知曆理者揚雄善立差法如邵雍沉潛智巧如許衡郭守

天文述

七

卷

曆

者令其詳定歲差以成一代之懿制夫天文七曜三垣二十八宿爲大聖人觀天文以察時變觀此也此其有恒之象也雲雨震電風雪霜露類皆天象而非其恒也彗孛虹珥之類其怪也夫日大明陽之精光君象也月夜明陰之精光也后象也上有失德則適見于天而薄食日食陽不勝陰也月食陰不讓陽也先王謹天戒莫嚴于日食矣春秋二百四十二年而日食三十六日官失之也史官失之也日輪大月較小日道近天在上月道近人在下故日食既時四面有光溢出也水火金木土

天文述

文

三百五十五

卽人間日用五府之精光也水行最速一瀉千里
金行於世其流如泉火三月而改木一歲而彫土
博厚不遷故金水附日歲一周天火二歲木十二
歲土二十八歲一周天土亦名填讀如鎮以填靜
爲體讀如田以填寧爲用也木星八十三三年而與
日合者七十六火七十九年而與日合者三十七
土五十九年而與日合者五十七金水雖隨日然
金八年而合於日者五水四十六年而合於日者
六十四五三垣曰天市明堂位也曰太微朝廷
位也曰紫微官寢位也明堂位者天子巡狩之居
也朝廷位者聽政之居也官寢位者燕息之居也
天市歲臨之太微日臨之紫微朝夕在焉七曜必
遵黃道歷天街歲一受事太微而出猶大臣受天
子之命於朝以行其職也二十八宿分列四方各
守其野率諸經星以共紫微之帝猶郡國百司各
治其職安其民人以承天子也二十八宿者蒼龍
白虎朱雀玄武各七宿也角主發育萬物亢曰疏
廟爲天根房天子之後寢鍵閉鈐鈴兩咸以防
淫而謹內也心天子象言天地之心人之主也尾
王后妃叙御于主所箕承帚又揚穀之器尾而

天文述

九

三百五十六

受之以箕示婦道也五星聚箕尾而有天寶之亂
亂自色荒也斗主薦賢受祿斗爲器量所以斟酌
也民事莫重於耕織故牛女相聯牛農丈人耕具
驪珠女獻工也天田九星象井田狗天難教樹畜
也羅堰九坎天淵言農桑者先水利也北陰也故
虛與危主死喪危禍事室以農畢而見故主營建
宮室事嘉靖甲申五星聚營室矣壁圖書之祕府
奎天子武庫婁三蕃牧犧牲以供祀事自室以至
于婁天子之官館苑囿在焉胃儲藏五穀之府昂
主刑獄又名旄頭占胡人順逆畢主邊兵昴畢之
間有天街分華夷也參中三星中軍其中大將旁
參謀也二肩左右將軍二足前後將軍背行軍之
藏府井主水泉主水衡法令平中之事物之平者
莫如水故營國制城畫塹分州皆取象焉鬼主內
外祠祀事柳主草木又爲天厨主饗燕事星爲文
明之會主衣裳文繡張主珍寶宗廟服用翼天子
之樂府也軫主車騎任載又星搖星墮大異也凌
犯守留芒角掩各以類占之若乃日之行道周天
如循環月亦然兩環兩交一謂之天首一謂之天
尾天尾爲計天首爲羅月行遲速有常度最遲之

虞即字也故謂之月字季六十二年而七周天悉生於閏二十八年十閏而悉行一周天悉字皆有度數無光象故與羅計同謂之四餘并七政爲十一也

洪武元年三月辛卯彗星出昴北二年五月甲午朔四年九月庚戌朔七年二月丁酉朔八年七月己未朔日食九年六月戊子客星見七月癸丑朔日食乙亥客星沒十年二月白虹貫日十二月乙巳朔日食白虹貫日十一年九月客星掃天并十二月乙巳朔十四年十月壬子朔日食十一月黑氣亘天十五年正月白虹貫日二月彗星見十六年正月白虹貫日八月壬申朔日食十八年二月乙巳初昏五星並見九月戊寅太白經天客星入太微垣乙酉彗長丈掃翼十月彗星掃天廟十九年三月白虹貫日四月癸亥留南斗七月癸亥三辰晝見十二月癸未朔日食二十年二月五星皆見五月丁丑三辰晝見六月太白經天秋二十一年五月甲戌朔二十二年九月丙寅朔日食十二月白虹貫日二十三年正月癸亥入南斗九月庚寅朔二十四年三月戊子朔日食四月彗星三入

紫微垣二十六年四月太白經天七月甲辰朔日食二十九年五星數失度三十年二月白虹亘天貫日五月壬子朔日食十月癸亥犯南斗建文二年三月丙寅朔日食

永樂元年四月太白出昴北四年六月己未朔五年十月辛巳朔六年四月己卯朔十月乙亥朔十一年正月辛巳朔十二月正月丙子朔六月丙寅朔十一月甲午朔十四年五月壬辰朔十五年四月丁巳朔十月癸未朔十八年八月丁酉朔十九年八月辛卯朔二十年正月己未朔二十一年六月

天文述

主

月庚戌朔日食

洪熙元年四月有星變十月丙寅朔日食

宣德五年八月己巳朔日食十月夜有蓬星八日

始波十二月有異星見或曰含譽星也六年四月

彗出東井九月癸亥犯南斗七年正月辛酉朔日

食八年八月癸亥犯南斗閏八月彗出天倉旁入

貫索掃七公是月有怪星見或曰歸邪星也

正統元年九月白虹貫日修狼星動搖四年八月

丙子朔五年正月甲辰朔六年正月己亥朔七月

丙申朔七年六月庚寅朔八年六月甲申朔十一

月壬子朔九年十月丙午朔十年四月 朔十一年四月 朔十二年八月 朔日食十三

年二月 朔日食

景泰元年正月壬午彗星出天市垣掃天紀二年

六月 朔日食三年三月甲午有星孛於畢八

月熒惑晝見十一月己未朔日食癸未客星見與

鬼四年五月乙丑有星出鈞陳北二小星隨之丁

丑歲星著見六月甲辰歲星晝見五年四月

朔六年四月 朔日食

天順二年二月 朔七年五月 朔日食

萬曆四年閏月壬辰朔日食七月有星孛於台十五

年六月癸丑朔六年六月戊申朔日食七年春有

星孛于天田八年春彗星見軒轅九年三月山東

諸路黑氣旦天晝晦四月辛酉朔十年九月癸丑

朔十二年二月乙亥朔日食十三年正月山陰雨

血射入六月甲辰京師雨錢十八年五月己巳朔

日食二十年元日星變九月乙酉朔日食二十三

年五月星隕

弘治元年六月癸巳朔二年十二月甲申朔日食

三年十二月辛亥彗星見于天津七年三月己卯

朔日食五月宣府山西河南白晝隕星八年三月

乙酉朔十三年五月甲寅朔日食是年彗星見十

五年五月庚午朔九月庚午朔日食十六月戊子

雲南晝夜黑九日十八年九月庚子恒星晝見

正德元年三月隕星大如月六月辛酉震郊壇門

北月己丑彗星見于參井入北斗至於戊戌乃滅

太白經天白虹貫日八月大角大火中星動搖天

熒天熒天權星晦五年正月乙亥朔九年八月辛

卯朔計年計月朔癸丑朔于十五年六月己巳朔計

三年五月己亥朔十五年三月癸丑朔日食十六

年正月有星孛于東南項之橫絕東西復為鈞屈

二月長安大雷電以風雨白毛三月癸丑朔日食

嘉靖三年正月五星聚于營室四年十二月乙卯

朔日食五年五月丁丑朔六年五月丁丑朔日食

六月甲子京師雨錢七月壬辰南京雨血七年五

月辛未朔八年十月癸亥朔日食十年六月乙巳

彗星見東井十一年春彗星再見八月彗星見東

星十二年六月彗星見鼎畢射天漢十月辛巳星

隕如雨十八年四月庚申彗星見兩旬始滅六月

丁酉震奉先殿閏七月庚申木火水星聚東井
十九年三月癸巳朔日食九月壬子熒惑入南斗
十月水土金星聚于角十二月戊午太白經天二
十一年七月巳酉朔日食八月丁酉熒惑掩南斗
杓二十二年正月丙午朔日食二十三年六月熒
惑犯南斗二十四年五月壬戌朔日食二十六年
木星逆行留營室二十七年三月朔日食望月食
二十八年三月辛未朔日食

皇明天文述

終

子履華校

孫心材重校

皇明地理述序

余聞之學士大夫言我

朝疆域過於宋敵於唐

不及於漢蓋以失朔方大寧交趾及開平輿和玄

苑樂浪燉煌故也夫堯封禹貢關越無間荆蠻徐

戎殷周爲梗以今祝昔奄甸弘矣述輿地

新靖丙寅五月朔鄭曉議

三 明地理述卷上

吾學編第六十一

海鹽鄭曉

洪武三年冬儒士魏俊民黃麓劉儼丁鳳鄭思先
鄭權上 大明志命秘書監梓行授俊民等官先
是 上令俊民等類編天下州郡地理形勢降附
始末爲書凡行省十二府一百二十州一百八縣
八百八十七安撫司三長官司一東至海南至瓊
崖西至臨洮北至北平六年令州府繪上山川險
易圖十六年詔天下都司上衛所城池地理山川
關津亭塚水陸道路倉庫

地理述

卷一

三

說官上

土地人民圖十八年夏 上覽輿地圖侍臣有言
輿地之廣古所未有者 上曰地廣則教化難周
人衆則撫摩難遍此正當戒慎天而人心惟德是
視紂以天下而亡湯以七十里而興所係在德豈
在地之大小二十七年宸宇通衢書成書分爲八
目東距遼東都司又自遼東北至三萬衛西極四
川松番衛又西南距雲南金齒南踰廣東至崖州
又東南至福建漳州府北暨北平太寧衛又西北
至陝西鞏昌府九百四十浙江福建江西廣東
之道各一河南陝西山東山西北平湖廣廣西雲

南之道各二四川之道三爲驛七百六十六凡天下道里縱一萬九百里橫一萬一千七百五十里四夷之驛不與焉永樂六年張輔沐晟上交趾圖東西一千七百六十里南北二千八百里十六年詔纂天下郡縣志命原吉榮叅劄領其事景泰中脩寰宇通志惟祝穆方與勝覽華盛曰此趙宋偏安之物況直爲四六設今欲成盛代一統之書宜有資軍國益勸戒如地理戶口類不可缺必如永樂中志書凡例充廣之可也陳循不聽笑曰此豈造黃冊耶天順五年撰 大明一統志嘉靖三年地理志

文選郎中夏良勝撰統官志直述郡縣煩簡授簿例兩八年少保桂夢上吏部員外郎李默所撰 皇明輿地圖叙記條其風俗隱塞兵賦藩封稍稱情義十六年禮部主事許論上九邊圖論條析鎮寨利害亦爲明練

京畿

京師負重山面平陸地饒魚鹽穀馬果蔬之利又轉漕東南財貨駢集天險地利足資胡汴洛關中江左皆不及也真定北至於永平皆爲內郡乃今居庸紫荆山海喜峰古北黃花鎮皆襟喉塞故漁陽保塞重兵屯焉廣平順德大名山東西腰脊南北舟車並集臨清天津海運故道遮洋餉舟下直沽至漁陽循海運也河間真保多降胡性獷難馴東安霸州武清而東野曠人稀凶徒伏匿連山有樵牧之利姦人淵藪其中有司莫敢踪跡若乃水利不修旱潦歲困田野不闢租徭日增蠲免獨坐糜財力貴游不戢兼併膏腴郵傳不節水陸繹發關議不嚴奸胡規伺皆不可謂非急務也

京畿

京畿府八州一十九縣二百一十六 戶四十二

萬八千 口三百四十一萬三千 賦六十萬

一千

順天府五州二縣 大興 宛平 良鄉 固安 永

清 東安 香河 通州四縣 三河 武清 寶

坻 灤 昌平州三縣 順義 密雲 懷柔 涿

州四縣 房山 霸州三縣 文安 大城 保定 薊

州 玉田 豐潤 遵化 平谷

保定府七縣 清苑 滿城 安肅 定興 新

定府七縣 清苑 滿城 安肅 定興 新

城 唐 博野 慶都 容城 定興

祁州二縣 深澤 東鹿 安州二縣 高陽 新安

易州二縣 涿水

河間府二州一縣 獻 阜城 肅寧 任丘

交河 青 興濟 靜海 寧津 景州三縣 吳

橋 東光 故城 滄州三縣 南皮 鹽山 慶

雲

真定府五州二縣 井陘 獲鹿 元氏 樂

城 靈壽 藁城 無極 平山 阜平 定

州 新樂 曲陽 行唐 冀州四縣 南宮 新

河 棗強 武邑 晉州三縣 安平 饒陽 武

強 趙州六縣 栢鄉 隆平 高邑 臨城 贊

皇 寧晉 深州一縣 衡水

順德府九縣 邢臺 沙河 南和 平鄉 廣宗

鉅鹿 唐山 內丘 任

廣平府九縣 永年 曲周 肥鄉 雞澤 廣平

邯鄲 成安 威 清河

大名府十縣 元城 大名 南樂 魏 清豐

內黃 濬 滑 東明 開州一縣 長垣

永平府五縣 盧龍 遷安 撫寧 昌黎 灤州

樂亭

延慶州舊名廣安縣 永寧

保安州

南京畿

南京畿開基之地也勝勢在長江太祖自上流和陽橫江渡克宋石下太平三戰而入集慶成祖出維揚儀真邇泗而上龍潭浦口望瓜奔潰比至金川啓關納款以故留都守禦舟師爲急藩垣之固專倚江北徐賴跨中原爪連數省淮安控徐揚魯齊文武重臣開府作鎮雖職兼漕撫而聯絡兩京廬民多遊手野有遺利鳳陽高墻陵墓供億繕葺財力冗費豐沛之間濁河汎濫幾淪魚鼈轉餉既艱民亦凋瘵決齒之患濠泗尤棘楊有鱣臺

地理述

卷一

六一

富商走集民頗豐洽俗亦浮靡瀕湖農田塗墾思江南安慶當長江委流東約全楚爲江表門戶松常三郡市浮於農文勝於質加之田賦不均稅徭日困常征之外坐派日煩沿海兵戍本以備倭而太倉崇熟瀕海之民擅鹽魚之利間作弗靖出沒江洋肆行剽劫以故江防海備並爲要職檄多山少田民逐末利風俗用偷池在山麓江許多流冗寇盜因以竄匿鎮江鑿山通漕海潮下上穀土歲易利歸家貴財盡貧冗矣

南京畿

南京畿府一十四州一十七縣九十六戶一萬九千九百九十九萬五千口九百九十六萬七千賦應天府八上元江寧句容溧陽溧水江浦六合高淳鳳陽府三縣十鳳陽臨淮懷遠定遠五河虹壽州霍丘蒙城泗州盱眙天長宿州靈璧潁州二潁上太和亳州地理述

蘇州府七縣長洲吳崑山常熟吳江嘉定太倉州一縣崇明松江府三縣華亭上海青浦常州府五縣武進無錫江陰宜興靖江鎮江府三縣丹徒丹陽金壇揚州府三縣江都儀真太興高郵州二縣化寶應泰州一如臯通州縣海門淮安府七縣山陽鹽城清河安東桃源沭陽海州二縣宿遷睢寧宿遷合肥廬江舒城無爲州一縣巢

六安州二英山 霍山

安慶府六懷寧 桐城 潛山 太湖 宿松

望江

太平府三當塗 蕪湖 繁昌

寧國府六宣城 寧國 涇 太平 旌德 南

陵

池州府六貴池 青陽 銅陵 石埭 建德

東流

徽州府六歙 休寧 婺源 祁門 黟 績溪

廣德州縣建平

地理述 卷上

和州縣含山

滁州縣全椒 來安

徐州縣蕭 碭山 豐沛

湖廣

湖廣跨有江漢武昌其都會也南匯湖溪北擁原
陸山高水濶効其靈秀承天王氣得萃焉鄖襄上
走秦梁德黃下臨吳越荆顧巴蜀辰杆雲貴榔桂
通五嶺入八閩衡嶽南岳之勝永寶之間謹備苗
夷而已常德地廣民貧漢陽土狹利薄岳州當洞
庭之波仰資市利長沙雖卑濕民物稱殷盛顧穀
土泥塗甚於禹貢宗藩賦祿廣於周封傳符紛紜
流冗雜沓土酋橫強猶復征調洞蠻草竊徒示羈
縻皆足為慮乃若民寡畜儲官多徵集坐費財力
地理述 卷一

益肆皆窳非明示休息恐未得安靖也

湖廣

湖廣布政司領府一十五府一十六縣一百七

戶五十三萬一千 口四百三十三萬三千

賦二百一十六萬七千

武昌府七縣江夏 武昌 嘉魚 蒲圻 咸寧

崇陽 通城 興國州二縣大冶 通山

漢陽府二縣漢陽 漢川

黃州府八縣黃岡 黃安 蘄水 羅田 麻城

黃陂 蘄州二縣廣濟 黃梅

承天府二州五縣鍾祥 京山 潛江 荊門州一縣當

地運使

陽 沔陽州一縣景陵

德安府五縣安陸 雲夢 應城 孝感 隨州

一廳山

荊州府二州十縣江陵 公安 石首 監利 松

滋 枝江 夷陵州三縣長陽 宜都 遠安

歸州二縣興山 巴東

岳州府七縣巴陵 臨湘 華容 平江 澧州

三石門 慈利 安鄉

鄖陽府七縣房 竹山 上津 竹溪 鄖西

保康

襄陽府六縣襄陽 宜城 南漳 棗陽 穀城

光化 均州

常德府四縣武陵 桃源 龍陽 沅江

辰州府六縣沅陵 辰溪 盧溪 溆浦 沅州

二黔陽 麻陽

衡州府八縣衡陽 衡山 來陽 常寧 安仁

鄰 桂陽州二縣臨武 藍山

永州府六縣零陵 祁陽 東安 道州三縣寧遠

永明 江華

長沙府一州十縣長沙 善化 湘潭 湘陰 寧

地運使

鄉 瀏陽 醴陵 益陽 湘鄉 攸

茶陵州

寶慶府四縣邵陽 城步 新化 武岡州一縣新

寧

靖州三縣會同 通道 綏寧

郴州五縣永興 宜章 興寧 桂陽 桂東

浙江

浙江山海江湖所在限隔大海東蟠直轉淮陽重湖右滙波瀾圻嶺左逾信郡即走江西南入閩關遂遠甌越而杭州其都會也杭山水秀麗人慧俗奢衣被可觀米薪是急嘉湖定與江東相表裏兩稅困人貧者流徙富者并兼海鹽之塘利害通於蘇松歲築歲傾勞費已甚安吉以西山越巢窟錯入廣德好訟喜鬪累興大獄至勤誅討笠澤之間鹽徒出沒剽掠村墟久之不治將有隱憂嚴衛金華以徽饒爲郭郭生理爲優征徭亦簡寧紹溫台地連於

三一

並海而南達於汀漳估客來往人獲其利冠至倉卒亦能爲禍倭夷貪市中國矯云奉貢風帆所指突至寧波華人交通倭去忽來詐設巨洲除戎之戒定海爲棘處人視他郡爲悍依山盜竄集激之易亂緩之難馴

浙江

浙江布政司領府一十一州一縣七十五戶

百二十四萬二千 口四百五十二萬五千

賦二百五十一萬

杭州府 錢塘 仁和 海寧 富陽 餘杭

臨安 於潛 新城 昌化

嘉興府 嘉興 秀水 嘉善 海鹽 崇德

平湖 桐鄉

湖州府 烏程 歸安 長興 德清 武康

安吉州 孝豐

嚴州府 建德 淳安 桐廬 遂安 壽昌

分水

金華府 金華 蘭谿 東陽 義烏 永康

武義 浦江 湯溪

衢州府 西安 龍游 常山 江山 開化

處州府 麗水 青田 縉雲 松陽 遂昌

龍泉 慶元 雲和 宣平 景寧

紹興府 山陰 會稽 諸暨 餘姚 上虞

嵊 新昌 蕭山

寧波府 鄞 慈谿 奉化 定海 象山

台州府臨海黃巖天台仙居寧海

太平

温州府永嘉樂清平陽瑞安泰順

地理述

卷上

四

江西

江西三向距山背沿江漢實爲吳楚閩越之交外
折險阻中包壤地安危輕重實視他藩即四方有
事雖欲保境距兵勢難獨完南昌浙江瀕湖右荆
左浙皖轡所集江西一都會也九江獨據上流入
有市利南康臨彭蠡縮隘土瘠時有寇盜饒州稱
爲裕阜廣信傳道下邑殷盛撫州人悍多山寇而
衣食自足頗憂兼并建昌僻在東南即有藩封亦
稱安輯南安贛州則汀漳雄韶山嶺會焉林深谷
遠寇賊淵藪撫臣提兵牽制數省軍門之費不煩
地理述 卷上 五

度支苟得其人南服一壯鎮也袁州地逼長沙通
民客戶喜獄好爭讞察既難緩馴不易臨江瑞州
崇耕樂土吉安山雄水秀人才輩出地利亦饒甲
於諸郡大抵江西之民質儉勤苦時有憂患至爭
鬪直持官府即費財不吝其土窄逐末不務稼穡
至有棄妻子經營四方老死不歸者

江西

江西布政司領府一十三州一縣七十七 戶一

百五十八萬三千 口七百九十二萬五千

賦二百五十二萬八千

南昌府七縣 南昌 新建 豐城 進賢 奉新

靖安 武寧 寧州

饒州府七縣 鄱陽 餘干 樂平 浮梁 德興

安仁 萬年

廣信府七縣 上饒 玉山 弋陽 貴溪 鉛山

永豐 興安嘉靖三十九年添

地理志·卷一

南康府四縣 星子 都昌 建昌 安義

九江府五縣 德化 德安 瑞昌 湖口 彭澤

建昌府五縣 南城 新城 南豐 廣昌 瀘谿嘉靖

撫州府六縣 臨川 崇仁 金谿 宜黃 樂安

東鄉

臨江府四縣 清江 新淦 峽江 新喻

吉安府九縣 廬陵 泰和 吉水 永豐 安福

龍泉 萬安 永新 永寧

瑞州府三縣 高安 上高 新昌

袁州府四縣 宜春 分宜 萍鄉 萬載

贛州府十二縣 寧都 信豐 興國 會昌

安遠 寧都 瑞金 龍南 石城 長寧嘉靖

南安府四縣 大庾 南康 上猶 崇義

地理志·卷一

地理志·卷一

福建

福建海抱東南山聯西北重關內阻羣溪交流難封環約東而山川秀美福州其都會也福州及建寧以江浙為藩人稠土沃礦徒作孽波及建寧古田福寧利在魚鹽害亦隨之汀漳山廣人稀外寇內逼與南朝聲勢聯絡海物互市時起兵端人悍嗜利喜爭大抵漳州為劣與泉文物之盛甲於八閩地利亦豐人懷異順延平邵武事簡人淳雖沙尤之匪亦有小竊亦不能為大患

地理述

系一

大

福建

福建布政司領府八州一縣五十七戶五十萬

九千口二百八萬二千賦八十八萬三千

福州府九閩侯官古田閩清長樂連

江羅源永福福清

泉州府七晉江南安惠安德化安溪

同安永春

建寧府八建安旌寧建陽崇安浦城

政和松溪壽寧

延平府七南平將樂大田沙尤溪順

地理述

系一

元

昌永安

汀州府八長汀寧化上杭武平清流

連城歸化永定

興化府二莆田仙遊

邵武府四邵武光澤泰寧建寧

漳州府十龍溪漳浦龍巖南靖長泰

漳平平和詔安海澄嘉靖四十寧洋

四十五

福寧府二福寧寧德

皇明地理述卷上萬曆戊戌孫心材重校

皇明地理述卷下

吾學編第六十二

海鹽鄭曉

河南

河南當天下之中開封其都會也北下偃漳達京
圻東沿汴泗轉江淮車馬之達交於四方雖險塞
不及關中而水陸道里爲便彰德控趙魏懷慶走
晉冀衛輝淇汲亦當衝孔河南當洛河華分陝要
區戴山南扼河北形勝焉汝寧南陽下新黃入
襄鄖又與淮江相爲表裏顧分封日盛宗祿日繁
民亦勞止雖陳歸德犬牙幾省轄官不能專奸人
地理述 卷下
將竊發急之則潰逸四出彰德與民雜處顧
制河洛之間馮險籌獵習於劔弩難馴易動若山
川環互民物殷茂汝寧爲優

河南

河南布政司領府八州一十二縣九十六戶五

十八萬九千口五百一十萬六千賦二百

四十一萬四千

開封府四州三縣祥符陳留杞通許太康

尉氏洧川鄆陵扶溝中牟陽武

原武封丘延津蘭陽儀封陳州五縣

商水新鄭舊許州西華項城沈丘許州

四縣臨潁襄城鄆城長葛禹州舊爲許州縣一

密鄭州四縣滎陽滎澤河陰汜水

地理述 卷下
歸德府八州商丘寧陵鹿邑夏邑舊永城

虞城睢州二縣考城柘城

彰德府六州安陽湯陰臨漳林磁州二縣

武安涉

衛輝府六縣胙城新鄉獲嘉淇輝

懷慶府六縣河內濟源脩武武陟孟溫

河南府一州十縣洛陽偃師鞏孟津宜陽

登封永寧新安汜池嵩盧氏陝

州二縣靈寶閿鄉

南陽府二州十縣鎮平唐泌陽桐柏

| | | | | | |
|----|----|-----|-----|----|-----|
| 汝州 | 光山 | 平 | 汝寧府 | 舞陽 | 南召 |
| 四縣 | 固始 | 遂平 | 二州十 | 葉 | 鄧州 |
| 魯山 | 息 | 信陽州 | 汝陽 | | 縣內鄉 |
| 郊 | 商城 | 二縣 | 真陽 | | 新野 |
| 寶豐 | | 羅山 | 上蔡 | | 淅川 |
| 伊陽 | | 確山 | 新蔡 | | 裕州 |
| | | 光州 | 西 | | 二縣 |
| | | 四 | | | |

陝西

陝西山河四塞神臯隄區也平涼固原豐草平野
 監牧蕃滋鞏鳳之墟亦稱雄劇延慶沙葦蕭條而
 人士精勁寧夏隔在河外別爲一區水穀之利亦
 足自養耳涼以西至於嘉峪左右番遠勢爲孤危
 洮岷西寧錯入羌族要在無寧而已西安會府生
 理殷繁塞餉藩祿十居七八閭閻疾苦殆與他郡
 相當漢中西川襟喉潼關保障全陝並爲重地若
 乃茶之禁漸弛藩牧之地漸廣僕死之畜漸耗異
 類之巢漸深斥振之封漸蹙調弦改轍皆在所急
 地理述 卷下

陝西

陝西布政司領府八州二十一縣九十五戶二

十六萬二千口三百九十三萬四千賦二

百九十二萬九千

西安府六州三縣長安咸寧咸陽藍屋興

平臨潼高陵鄠藍田涇陽三原

渭南舊州商州四縣鎮安洛南山陽

南同州五縣朝邑郃陽澄城白水韓

城華州二縣華陰蒲城耀州二縣同官富

平乾州三縣醴泉武功永壽邠州三縣淳

化三水長武舊州五

鳳翔府七縣鳳翔岐山寶雞扶風郿

麟遊舊州隴州

漢中府二縣南鄭褒城城固洋西鄉

鳳石泉舊州漢陰舊州寧羌州二縣略陽

沔陽舊州興安州舊州旬陽平利白河

紫陽

平涼府七縣平涼崇信華亭鎮原隆德

靜寧州一縣莊浪固原

鞏昌府三州十縣隴西安定會寧通渭漳

寧遠伏羌西和成

影泰安清水禮

臨洮府三縣秋道渭源

慶陽府四縣安化合水

延安府六縣膚施安塞其泉安定保

安宜川延川延長清澗舊州綏

州三縣洛川中部宜君綏德州二縣米脂

神木舊州葭州二縣吳堡府谷

如王述

八

山東

山東在兩都之間外引江淮內馮遼海西走趙魏北屆滄瀛而川陸孔道並會德州自海運既廢此爲漕渠築塞疏濬舟車牽挽勞役無休許兗州水潦爲虐疾苦滋甚青多礦賊禁輯尤難公私交病成山沙門上下礁礫險毒勢難輟議聞諸往蹟平度東南有南北新河南起淮北安東北出海舍入北海不數日抵直沽勝固濬治置閘通舟避開洋之險嘉靖中副使王獻修濬有緒說言中阻臨清濟寧有喉吭之憂此亦未爲不知務也登萊僻在地理迭

地理迭

卷一

七

百五十九

膠東三面距海利在魚鹽蠶積農田亦足自贍且無海寇牧撫得人不失爲樂土也

山東

山東布政司領府六州一十五縣八十九戶七十七萬口六百七十五萬九千賦二百八十五萬一千

濟南府四州二縣歷城章丘鄒平淄川長

山新城齊河齊東濟陽禹城臨

邑長清肥城青城陵泰安州二縣新

泰萊蕪德州二縣德平平原武定州四縣

陽信海豐樂陵商河濱州三利津

雷化蒲臺

地理迭

卷一

八

百五十九

兗州府四州二縣滋陽曲阜寧陽鄒泗水

滕嶧金鄉魚臺單城武曹州二縣

曹定陶濟寧州三縣嘉祥鉅野鄆城

東平州五汶上東河平陰陽穀壽張

沂州二剡城費

東昌府三州十縣聊城堂邑博平茌平清

平莘冠臨清州二縣館陶高唐州

恩夏津武城濮州三縣范觀城朝

城

青州府三州十縣益都臨淄博興高苑樂

安 壽元 昌樂 臨朐 安丘 諸城 蒙

沂 莒州二縣 沂水 日照

登州府七縣 蓬萊 黃 福山 棲霞 招遠

萊陽 寧海州一縣 文登

萊州府二縣 掖 平度州二縣 昌邑 膠州

高密 即墨

地理述

卷一

九

本

山西

山西表裏河山人稠地狹俗尚勤儉果毅任氣北倚重邊極稱險塞自大同反側虜數入內郡屬門南北爲虜通衢今日所備不止河而而已山後曠徙河中屯卒上黨通民亦非細故也嗟乎山西四郡大同不足恃則太原危矣虜已獲利於潞安其志時時在平陽每議禦虜輒云是庸紫荆并陘置鴈門且不論況大同乎夫晉冀勞瘁卽無虜患外轉塞儲內供藩祿猶不能支仰給鹽利當是時而不平爲之所向憂方殷爾

地理述

卷一

十

丁

山西

山西布政司領府五州二十縣七十八戶五十

八萬九千口五百八萬四千賦二百二十

七萬四千

太原府六州二縣陽曲太原榆次太谷祁

徐溝清源交城文水壽陽臨孟

靜樂河曲平定州一縣平忻州一縣定襄

代州三縣繁峙五臺崞岢嵐州二縣嵐興

保德州遼州屬汾州榆社和順

平陽府六州二縣臨汾襄陵洪洞浮山趙

地運述米城太平岳陽曲沃翼城汾西

蒲州五縣臨晉榮河猗氏萬泉河津

解州五縣安邑夏閭喜平陸芮城絳

州三縣稷山絳垣曲霍州吉州一縣鄉寧

隰州三縣太寧石樓永和

大同府四州七縣大同懷仁應州一縣山陰朔州

縣馬邑蔚州三縣廣靈廣昌靈丘渾源

潞安府八縣長治長子屯留襄垣潞城

壺關平順黎城

汾州府二州八縣孝義平遙介休汾陽靈石

晉陽永寧州縣一舊為石寧鄉沁州二縣沁

源武鄉

澤州四縣高平陽城陵川沁水

卷下

主

四川

四川長川沃野穀粟山林竹木蔬果纖淥之饒自
足而膳西居者部南阻蠻落雲稜之固北出褒斜
咽喉之流東下荆楚每難奔鋒千絕諸刃實為陸
海而成都其會府也山川糾結防守為易盜奸割
據安輯為難以故營壘層層安綿欲溫重慶皆有
兵憲蓋居固之勢利在東南指臂之形險在西北
武謂吐蕃寇自黎文南詔賊由沅黎蕃詔糾合必
由灌口蒐兵繕障玩狎久矣劇盜起於重慶諸戎
伺於瞿臘烏撒悍於鄰夷龍州梗於餉道皆非細
地理述 卷一 三

四川

四川布政司領府八州二十縣一百七 軍民府
四 戶一百十六萬四千 口二百一十萬四
千 賦一百二十萬六千

成都府六州二縣 成都 華陽 雙流 溫江 新

繁 金堂 仁壽 新都 井研 郫 資

彭 安 瀘 內江 崇寧 崇慶州一縣 新津

漢州三縣 什邡 綿竹 德陽 綿州二縣 彰明

羅江 茂州一縣 汶川 威州一縣 保 簡州一縣 資

陽

地理述 卷下 四 三

保寧府二州 閬中 蒼溪 南部 廣元 昭化

巴州二縣 通江 南江 劍州一縣 梓潼

順慶府八縣 南充 西充 蓬州一縣 營山 儀龍

廣安州四縣 渠 大竹 岳池 隣水

叙州府十縣 宜賓 慶符 富順 南溪 長寧

高 筠連 珙 興文舊為戎縣 隆昌 嘉靖四十

重慶府七縣 巴 江津 長壽 大足 永川

榮昌 綦江 南川 黔江 安居 璧山

合州一縣 銅梁 定遠 忠州一縣 鄧都 墊江

涪州二縣 武隆 彭水

夔州府一州上奉節 巫山 大昌 雲陽 大

寧 萬 開 新寧 梁山 建始 達州二縣

東鄉 太平添

龍安府三縣原為龍州石泉舊屬成都 江 油二縣舊屬

馬壩府一屏山 今

夔州縣射洪 鹽亭 中江 遂寧 蓬溪

安岳 樂至

眉州縣彭山 丹稜 青神

嘉定州縣峨眉山 洪雅 夾江 犍為 榮 威

地理述 卷一

遠

瀘州縣納溪 合江 江安

邛州縣大邑 蒲江

雅州縣名山 榮經 蘆山

鎮

烏溪軍民府

京軍民府

家軍民府

廣東

廣東在嶺海間古稱樂土北負雄韶以臨吳楚東
肩潮惠以制甌閩內關高廉以控交桂外藩雷瓊
以扼黎夷廣州山海包絡嶺南一都會也戊洋守
嶂屯哨勞止韶州嶺險谷平交廣咽喉南雄萬山
三水控帶羣蠻而督府兵餉九郡傳郵盡仰其權
利惠州提封廣袤悍客僑徒勢難收戢潮州沃野
廣原昔所患者舉戶斗老今則內寇外夷為害棘
矣肇慶據上游當嶺西孔道高州海灣擅衝關地
除兵耕守並集可也廉州眉山曲水海北要區雷
州炎微多平田腴壤通夫藏命貴在人牧瓊州有
司並海五指腹心反為黎穴若乃濱海島夷之國
以十數雖時時出沒志在貿易非盜逞也顧人逐
山海廢治舟舶之利不務農田或尚剽掠行劫海
上桴鼓之驚彌滿山谷凡以生齒日繁徵求日困
師旅數興漁獵遂至通山之禁久弛餉軍之饋益
煩也況夷珍珠窟本民用所興而公私交征反為
民病

地理述 卷一

廣東

廣東布政司領府一十州八縣七十五戶四十

八萬三千口一百九十七萬八千賦一百

一萬七千

廣州府一州十南海番禺順德東莞從

化龍門新寧增城香山新會三

水清遠新安遼州陽山連山

韶州府一縣曲江樂昌仁化乳源翁源

英德

南雄府一縣保昌始興

地理志卷下

惠州府一縣歸善博羅海豐河源龍川

和平長樂興寧長寧永安

潮陽

潮州府一縣海陽潮陽揭陽程鄉饒平

大埔惠來澄海普寧

平遠

肇慶府一縣高要四會新興陽春陽江

高明恩平廣寧德慶州二縣封

川開建

茂名電白信宜化州吳川

石城

廉州府一縣合浦欽州一縣

雷州府一縣海康遂溪徐聞

瓊州府一縣瓊山澄邁定安文昌會同

樂會臨高儋州一昌化萬州陵水

崖州感恩

按今廣州府華崇化縣廉州府華石康縣

地理志卷下

東安西寧

石城

石城

石城

廣西

廣西東南接廣東均在嶺南而風壤氣習異於廣東山高而秀水清而地地利物產優贍自足則桂林其都會也若府江左江右江號為三江貫絡諸郡綿流甚遠苗夷附據肆為寇竊不但古田荔浦苦其蠶食而已潯州大藤峽跨黔鬱江上蠻巢穴焉雖有屯戍未見摧輯柳慶號為盜區行居苦其荼毒設兵制將控馭督警之可無大患思恩田寧強悍久矣殘破之餘萌孽復作削土分官不為無策南寧太平控遏兩江坐驛交趾寔為桂管保障梧州開府稍有兵卒地促人貧全仰東道然諸蠻咽吭列郡襟東形勢便矣

廣西

廣西布政司領府一十一州四十七縣五十三軍民府一戶一十八萬六千口一百五萬四千賦四十三萬一千

桂林府七州臨桂興安靈川陽朔永寧

州縣二潯陽古田永福舊隸義寧府全

州縣一灌陽

柳州府十州馬平洛容羅城柳城懷遠

融來賓象州武宣賓州遷江上

林

地理送

慶遠府四州宜山天河忻城河池州

思恩舊隸荔波舊屬南南丹州東

蘭州那地州

平樂府七州平樂恭城富川賀荔浦

修仁昭平舊屬四永安州

梧州府九州蒼梧藤容岑溪懷集鬱

林州博白北流陸川興業

潯州府三州桂平平南貴武靖州

南寧府三州宣化橫州永淳新寧州縣二

武緣隆安上思州舊隸明府

太平府十五州 太平 思城 鎮遠 茗盈 安

平 恩同 養利 萬承 全茗 結安 龍

英 結倫 郁結 左 上下東州 崇善

羅陽 陀陵 永康

思明府五州 思明 上石西 下石西 憑祥 忠

鎮安府

思恩軍民府

向武州一縣 富勞

田州一縣 舊為田州 上林

江州一縣 羅白

地理述 卷下

上隆龍州府 舊屬田

恩城州州府 舊屬田

都康州

歸德州州府 舊屬田

思陵州

果化州州府 舊屬田

奉議州

泗城州

利州

龍州

按桂林府舊有理定縣今革

地理述 卷下

卷下

三十一

雲南

雲南，景峻瀉洞，紆金碧米鹽之產，亦稱精
 賄而雲南其一都會也。臨安大理永昌陽慶楚雄
 並稱沃壤，設險守固，華內捍外，則元江臨安路走
 南交，金齒騰衝，疆鄰諸甸，永寧麗江，聯絡於瀾滄
 烏蒙，蒙撒控彈於曲靖，若尋甸上下，風土絕異，而
 兵衛漸疎矣。大抵滇南，政道貴陽，稍有警動，坐令
 梗絕，城郭人民，夷居十八，緩則蜂屯，議聚號令不
 行，急則豕突，鴟張勦誅未易，苟緩撫得入，相與休
 息，本無禍變。顧萬里校官，類無固志，時聞蠢動，各
 有由矣。

地理述

卷下

雲

雲南

雲南

雲南布政司領府一十四州四十一縣三十軍
 民府八 戶一十三萬二千 口一百四十三
 萬三千 賦一十四萬
 雲南府四州昆明 富民 宜良 嵩明州 晉
 寧州二縣歸化 呈貢 安寧州二縣羅次 祿豐
 昆陽州二縣三泊 易門
 大理府四縣太和 趙州二縣雲南 新平添今鄧
 川州一縣浪穹 賓川州 雲龍州
 臨安府四縣建水 石屏 阿迷 寧州 通海
 地理述 卷下
 河西 嶧峨 蒙自縣
 楚雄府二州南安 鎮南州 楚雄 定邊 廣
 通 定遠 碑嘉縣
 潞江府三縣新興 路南州 河陽 江川 陽
 宗
 廣南府一州富州
 廣西府三州師宗 彌勒 維摩
 化育一州雲龍州
 景東府
 沅府

貴州

貴州本隸川湖雲南建省設官始於永樂十一年緣田酋倡亂旅拒朝命詠討既行始置郡縣官雜土流而思州思南三十九長官司者地本蠻夷山多箐穴水不涵淳土無貨殖貧瘠已甚官戎歲給全仰他省加以兵荒匱乏弗繼况省城會區咫尺夷土西南諸郡苦於饋賦思南石阡銅仁界在川湖鎮筸播夷峒間寇攘四出師旅數興境內諸酋亦皆佳兵好殺非因俗隨時先幾撫定未易為力也

地理述

卷一

三

貴州

貴州布政司領府八州六縣六戶四萬五千

口二十三萬二千賦四萬七千

程之府高州六平政為新貴萬曆十九年以竹貴

思南府二婺川印江

鎮遠府二鎮遠施秉

石阡府

銅仁府

黎平府永從

地理述

卷一

三

都勻府麻哈獨山州清平縣

思州府

普安州

永寧州

鎮寧州

安順州

遼東

遼東寔有遼東西地東北西皆夷地南阻海惟山海關內通折甸蓋渤海之外一都會也西南起山海歷醫無閭長白諸山包絡北東南走海上海薄蓋金以西接盛龍可渡登萊汎吳淞地饒魚鹽穀馬國初馬雲葉旺經略置衛所不復如古設郡縣獨遼陽開原有安樂自在二州處降夷其保塞夷夷東北則建州毛憐女直諸衛西北則兀良哈朵顏福餘大寧三衛分地世官互市通貢恩威羈縻爲我藩蔽而奸闖出入亦不能盡禁東北諸夷屋

地理述

卷下

元

遼東

居耕食不專射獵警備差緩西北俗仍北風抄掠故遼東備邊與諸鎮異要在隨勢安輯先防守俾信義相懷足制其心斯爲上計倖斬論功第二義也寧遠東西兩屯頗安給綿我地瘠寡生理廣寧無屯營之利率仰給轉粟於遼陽而河河亘數百里遼陽舊城在焉草木不茂更饒魚鮮園家妻與諸夷彼進據腹心限隔東西守禦費道里迂遠成化以來屢議收復而屢作屢輟竟不可行遼陽以此益聚兵兵食益窘開原三城三商受敵六堡難復二虜輒巢清陽鎮夷間聚而謀我我

失漁樵之利又略我男女易畜產二江外否即繁之耕織日夜無休時西馬市廢蒲河懿路殘破不可言撫順通夷貢市內外皆山多伏虜我難於斥望瀋陽雖有關虜馳牧外險內夷不能援鳳凰壁戟東垂鴉鵲鎗鑰西境並海四州恃得勝之捷無海寇弘治中嘗一至未及岸而去然遼水南注海溢不能洩患苦沮洳矣

薊州

國初卽古會州大寧地設北平行都司與營諸軍衛封建寧藩與遼東宣府聯絡東西爲外邊已而

地理述

卷下

三

遼東

魏園公經略自古北口至山海關增修關隘爲內邊以故薊州西接居庸北折而東南抵海上盡瀛陽盧龍皆其管內懸泛登萊陸走趙魏肩肘奚達襟帶原澤馮翔京師號稱雄鎮又地壤深厚樹畜漁鹽黍稷之利甲於圻內文皇靖難兀良哈內附迨徙北平行都司於保定爲大寧都司而散布與營諸衛京府之境大寧地盡界兀良哈通貢互市爲我藩籬奈頗大寧福餘三衛是也自是紅螺白雲之北棄與戎寇遼東宣府聲援隔絕諸夷裂我險阻闖我門庭要我官賞殘我吏民喜峰三屯

雲白羊僅僅收縮譬之左臂。重門上各執手。其背僂僂則盧龍卑薄。頃其時。則建海至。開元其有。則陵寢警。逼失計甚矣。正統以前。民心畏。方。開寧謚土木之變。三衛爲也。先鄉道始命都。文鄉來。學經略已而總兵參將內臣增設日多。二衛非。詐反。覆然尚未敢。亂。寇也。弘治中守臣楊友張。瓊。燒荒。境。無。幸。邊。衆。遂。起。正。德。以。宋。部。落。既。蕃。祭。廟。獨。盛。陽。順。陰。逆。累。肆。侵。噬。花。當。脅。求。添。貢。犯。兒。孫。深入。虜。掠。勤。稱。結。親。迤。北。惴。疑。中國而參將陳乾魏祥先後陷沒以故三衛日。危。理。迄。朱。

嘉靖中華蘭台輒要官賞請益貢禍機所伏不待智者而知也天壽山七陵在焉余嘗從祠官至長陵北望烽堞不數里已已之變祠官不能至昌平昌平陵衛吏卒如僑寓增兵繕障於斯爲急古北口潮河川俱要害而潮河川本殘元避暑故道尤爲虜酋作橋則浮沙難立爲塹則漲水易淤都御史洪鍾雖嘗設有關城勢孤難守議者欲塞川流建石墩數十今其錯綜宛轉下通流水上傳烽火亦一策也喜峰口三衛貢道稍深峻燕河營太平寨馬蘭峪客雲四營聲勢和緩虜即至中兩營當

其衝燕河密雲相犄角邊化三屯建昌固其內防虜當大挫永平梁城間無虜患亦無海寇若乃山麓林莽樊樹阻固以供薪炭伐條故日就疎薄嘉靖中胡守中又出塞盡斬邊金以來松林百萬自撤藩蔽矣

宣府

宣府漢上谷也國初開平王克元上都設衛開平置八驛東四驛曰京亭泥河賽峰黃崖接大寧古北口西四驛曰桓州威虜明安陽寧接獨石成祖四出塞皆道開平與和萬全間嘗曰滅此殘虜

地理志

朱

三三

惟守開平與和大寧遼東北肅寧夏邊圍永無虞矣已乃棄大寧與虜與和亦廢而開平失援宣德間行馬石塞國蓋三百里正統末獨石八城殘破宣府遂爲重鎮宣府山川糾紛地險而狹分屯戍將倍於他鎮勢完易守然其六師近北門鎮餘慎哉慎哉鎮分五路獨石入城爲北路地雖懸遠然阻長安嶺虜難運下中路葛峪大白陽青邊諸堡西路柴溝洗馬林萬全諸城南路東西順聖川皆稱虜衝東路永寧四海治龍門朵顏所伺而因海治上通開平大路下連橫嶺兒亦要地也宜

府素稱戰兵自恭將都勳出境燒荒遇虜二十騎而潰關山王經前後陷沒及習聞大同之變此其漸已久撫臣守將交任其責可也况劄果日寢每有警報輒議它運弘治中宣府粟草積至六七年少亦不下三四年今數月且不給幸虜無他計僅為草竊即狡不過也先大酋萬一舉入內地知我虛實不徒寇掠更迭困我宣至京僅三百里奈何不早為之所也國初至宣德它運皆董以武帥後以管卒景泰以後取諸民力

大同

大同川原平衍故多虜患虜南犯應朔不遠於虜威遠則中經右衛水口諸城堡即掠順聖左右天城陽和當其衝矣平虜西連老營堡近偏頭關焦家坪延燒平岡子蕎麥川洶澗灰泉皆套虜渡口虜涉河轉息可至故大同稱糧守况大邊既失二邊之內應為虜足與軍警報不明至與虜通成焉如延燒平岡五堡增高山聚落之成為急五堡後則屏外固內而汰土茂田盡為我利二邊宣靈諸縣棄地漸闢關高山聚落實鎮城兩腋東西虜衝募軍分駐則按伏之責省而犄角之勢

成矣張文錦既死李瑾又死此非細創征之不克為之不暫用夏從夷為禍尤甚正綱紀布恩信化為藩消默奪不震不疎非英發忠誠之士不可為賜勅通書約貢市馬弘治中許達巡撫時三貢皆不可謂非策昔魏尚李廣皆守雲中尚給士卒饗堂吏無所不至廣連斥堠就水草頻止人不自侵是以能用其眾以制匈奴撫臣守將不能不勞耐解之思矣

榆林

榆林舊治綏德棄米脂魚河地幾三百里成化九年都御史余子俊議徙鎮榆林堡內地稍安邊牆自黃甫川西至定邊營亘千二百餘里連勾堡橫截套口內復塹山澁谷是曰夾道得地利焉虜遂不敢輒渡河我得耕牧套內益以樵採圍獵之利稱雄鎮焉當是時亭夏巡撫孫汝章亦條陳虜不復入套者二十餘年久之玩愒無虞薄邊虜遂以不虞穴成化弘治正德屢有被套之議或謂當舉舊城又謂當復守東勝東路可無虜患然用人理財宜在所尤審時度勢未易言也我兵日歛虜巢日深諸利皆失鎮城四望白

葦黃沙地無產穀商無過貨一切芻糧仰給腹裏弘治正德中布政使文貴侍郎馮清敗本色爲折色重以災蠲民通動計百萬以改軍用大窘有米珠薪桂之語卽虜壓境據魚河我餉道遂絕此時予金如山亦不可食倪岳許論嘗欲通舟河渭轉漕遂鎮此經史之所載非鑿空之說也榆林地險將士懷志畏法死無怨言又果許款勇戰不賈買虜呼爲駱駝城人馬見則畏之四方征調所向有功更多將材有節氣視他鎮爲最

寧夏

地理述

卷一

三

三

寧夏賀蘭山環其西北黃河繞其東南險固易守沃土長流生理饒洽成化前虜患多在河西虜既入套河東三百里花馬池清水管左右反爲敵衝自巡撫徐廷璋築牆總制楊一清王瓊屢增築更益敵臺足禦小寇顧兵寡勢分虜大舉輒不能遏嘗謂弘治前虜不絕套或連歲不至卽至在水堅時凍解不能復出入以故每歲水時伺虜入則成羣出卽否乃今潭脫飛渡數萬立濟據爲巢穴誘我遁逃盡知內地虛實咸寧固靖不得休息計論款待花馬池便利之地建城堡設參遊移總制居

地理述

卷一

三

三

之而分屯重兵清水與武諸營令三百里內旗幟相望刁斗聞鐵柱白水諸堡水草大路盡築墩堡可謂扼吭之計東援榆林西援寧夏亦常山蛇勢也論又曰往時虜出入河套犯寧涼皆由賀蘭山後自總兵阮鑑敗後遂出山前趙瑛周尙文禦之皆敗由此不已不知寧夏所終也王瓊廢鎮遂關而城平虜棄地蓋八十里以故虜患愈近而民利並窘中衛偏在西隅雖地狹易守顧山後之虜窺靖虜者數數有之尋討故事云自賀蘭山直西至鎮番內皆漢朔方地今棄與虜城而守之莊涼靖固皆安枕矣

甘肅

甘肅卽漢河西四郡斷匈奴右臂者也蘭州爲金城渡河西六百餘里至涼州爲武威又西四百餘里至甘州爲張掖又西四百餘里至肅州爲酒泉又西出嘉峪關爲沙瓜赤斤苦峪以至哈密諸城皆饒糧地也洪武五年宋國公下河西遂棄燉煌關嘉峪自莊浪而南三百餘里爲西寧古湟中也自涼州而北二百餘里爲鎮番古姑臧也夫以一條之路孤懸幾二千里西控西域南隔羌戎北遮

胡虜經制長策自古爲難王哈密王肅清諸番
領袖成化以來陷於土魯番沃復之策屢對朝議
胡世寧論之悉矣亦不刺阿爾禿斯二寇盤據西
海吞并屬番爲西南患頃許亦不刺內附尋以敗
弱故棄不納似爲失計正德中土魯番兩犯甘肅
彭澤陳九疇皆以忠勇獲罪貶死奸夷漸不可長
若收海上之虜置哈密近境結以恩信西制土番
北制瓦剌此千載一時也倘有成績卽令陝西城
之貢何所不可議者祇云戒心叵測而不知窮虜
易用乃今自據西海散處河峽阻扼成祖以來
地理述 卷一 三

固原

固原本開城縣秦虜未熾專備靖虜一面平固安
會間稍得休息弘治十四年火篩入寇內郡遂爲
虜衝始改立州治設固靖甘肅四衛統以總制奉
遊惠寧夏爲唇齒塞上人謂花馬池諸城爲大門
若得力堅守花馬池固原可無虞而警石溝至靖

虜諸堡修築亦在所緩蓋力分則勢弱寇已入門
主人束手故總制不駐花馬池固原未可息肩也
寧夏河永合靖虜南北一望千里坦如平地若賀
蘭山後之虜屢水南下蘭靖安會卽爲禍階調兵
防守候在水凍而西風臨寧之卒多未經戰豈能
捍禦不添沿河之堡不屯常戍之兵固原亦未可
息肩也

三邊四鎮

陝西三邊列鎮曰延綏寧夏鞏固原延綏東黃
甫川至定邊營午二百里西接寧夏花馬池出花

地理述

卷下

三八

五十四里

馬池至橫城三百二十里東至黃甫川千五百二
十里皆在河內邊牆外悉爲河套套長幾二千里
橫自靖距河遠八九百里近二三百里惟黃甫川
八九里爾川南焦家坪兩岸夾山水先合後泮娘
娘灘羊圈子渡口冬水涸虜每二三年或四五平
大衆自坪或灘或渡口入套每遣零騎伏林逐草
往來不絕是以套中無歲無虜因橫城渡河而西
爲寧夏鎮城鎮城至鎮遠關二百四十里中衛四
百里在河外賀蘭山後虜時住牧警報屢至由鎮
城渡河東入靈州至韋州三百四十里韋州南接

固原預望城至固原鎮城三百里由固原出靖虜之蘭州七百三十里河州九百二十里皆在河內套虜飲由花馬池潰墻入山後虜冬由靖虜衛踏水入則臨鞏涼慶諸郡縣皆歸鞏矣由蘭州渡河西出莊浪至其州鎮城一千二百里至嘉峪關六百里有在河外西海右虜寇上皆從天方西域有西更西寧莊浪等處等族有番漢西米浩疊之間環而居者皆大半也延綏鎮一千二百里寧夏鎮一千二百二十里固原鎮一千三百里甘肅鎮一千八百里通計五千六百餘里

地理述

卷下

三

六關直隸三關

居庸

紫荆

偏頭

馬

居庸緣劍州紫荆劍馬緣保定馬門偏頭寧武隸山西巡撫居庸諸關本太行山與馬門諸山相斷數百里馬門自南北太行絕東西表裏縱橫左右繫帶關伏藩華險由天造山西自井陘西北數百里崇岡複嶺扼爲居庸進遼東折玉帶神嶺諸山若拱若抱八陵在焉外拒四海洽湖河川古北口去虜不遠故居庸爲京師北門居庸左轉蓋瀟陽盧龍當山海之際古渝關也控約遼東西右循太行西南以從包絡數十城皆平原沃野北倚上谷

雲中皆宿重兵居庸東去舊有松林數百里有關道騎行可一人卽札八兒事元兵趨南口者紫荆倒馬二關隘口既多守備不能專內連真定保定大名古燕趙之郊平夷曠衍無高山大陵爲之限隔騎兵便馳逐南並井陘出山西路險隘士馬不能成列東更順德廣平遂入齊魯下江淮馬門三關山東起代郡外斷雲中內略太原北境西盡雍河之濱馬門稱絕險虜入大同川二邊不能守則馬門當其衝寧武諸營堡不甚險隘虜往往由蔚麥川野豬口入婦女畜產驅逐已出塞而逃矣

地理述

卷下

四

三

百里赴援難矣偏頭地平可馳馬故多虜患西北冬備河曲東北時時備大同川往往諸險塞設關羅夫環戈戍卒荷戟守吏辨符行者脅肩曳踵左右森立正德以後商人入路通者奸闖廢塞缺斤左右環立不問誰何况數符券嘉靖以來虜細出入至居京師習兵器市禁物募求旅往如履康衢防戢防戢論曰虜莫強於遼金元莫弱於我朝國初胡裔半留中國逃還沙漠者無幾永樂四出塞虜益遠徙死者降者又半以故我塞上戍兵不及四十萬

虜今東得開平與和西據朔方東勝皆水草善地
自永樂迄今未嘗一遭敗劫生聚既蕃侵噬漸近
也先火節之後益輕中國恃其長技往往深入風
雨飄忽動輒數萬我軍禦之不過依險結營以防
衝突僅不亂行即爲全勝虜志日驕我氣日奪其
零賊出沒雖稍有俘斬亦已甚難蓋衆寡之勢殊
強弱之形異也幸其狼婪鼠竊無有他志計日數
程不能持久每一大舉曬肉掠馬頗有勞費若得
矢不警則懊悔無已是以邊境得苟免焉近年若
囊俺答屢入內郡飽掠而歸聚兵十萬莫敢
細也

地理述

卷下

聖一

三

附夷官考

土官初隸吏部驗封洪武三十年凡掌土兵者改
隸兵部其襲替開武選大抵與驗封不異洪武中
土官無子弟其婿與妻皆得襲承衆中襲替人文
出十年者亦聽然皆萬里赴闕或獻馬方物請命
最謹天順八年三月上 兩宮徽號詔討土官繳
呈勦奏即與冠裳於是介使未將威福自恣雖托
羈縻之名竟開騎悍之漸成化十五年又有納穀
備賑之令則經制日卑規取愈固孝宗末年蔡
憤釐革至正德旋復廢廢嘉靖九年始曲
稍復 祖宗之舊今攷府州縣正貳幕屬巡檢驛
傳凡三百六十隸驗封宣慰宣撫招討安撫長官
凡一百三十二隸武選隸驗封者皆領於布政司
武選所隸或領於都指揮使司文武相維機權攸
爲綢大相關掌較易逾數年來鎮撫巡部諸臣建
白日煩紛更已甚矣雲南本徼外地 國初元孽
竊據戍中開基尚阻聲教王禕秉義捐軀傳友德
沐氏父子兄弟威懾惠戢悔思祖張純繼膺藩屏
平徭均賦疆土稍開領其人慄悍不得已因俗爲
政官其酋領稍示安輯元江永寧鎮沅孟良景東

地理述

卷下

聖一

三

地理述

卷下

盟

三

三

三

三

三

三

三

三

三

三

三

三

三

三

三

三

三

三

三

三

最強鎮鎮南業化順寧益差小然皆向背靡常
調劑爲難諸旬約攝騰衝諸羅竊尋靖蓋自麓
川虛耗中土孟養曲徇奸夷正統迄今益復反復
況役官非人刑法奸貨兩南滇北將有梗隔之憂
至求馬湖建昌川陸遠道計亦晚矣貴州本西南
夷羅施恩國國初雷翠朱欽歸附仍舊世官山
嶺連瘴夷情稍詐分隸川湖雲南永樂泰已始立
三司當時順成易節以文武大吏咸懷有方時稱
馴順然壤地聯絡衝胸掣肘自泗城北窺永寧芒
部南擾畢節西播外突普凱內潰交讒構亂喜禍
地理述

地理述

卷下

盟

三

三

三

三

三

三

鋤極慘近復跨江倚山出沒剽奪田寧梧藤諸屬
卒竟不能扼制桂林之北六峒爲準則北連武岡
南度之西八寨尚存則東通懷遠府江上下半爲
夷巢寇竊無虛日右江岑氏猛賊雖誅餘孽尚在
王虛再叛思田更強姚鏌勦則擊兵守仁撫則納
侮於黔牛之閒復煩經略爾四川山包劔棧水鎮
瞿峽帶帶擁束是爲天險惟烏蠻阻其東南蔓繞
西抵番族欲其馴順是在調授龍州爲恰番咽喉
每遇我餉道烏蒙烏撒芒部諸府雖仰我鼻息而
內黨日堅數序隙亂唇齒之勢彼得挾而擾我叙
瀘之間宜有機權携其醜類若乃硯門遠引諸番
播州旁通四省所謂與蜀盛衰者也
雲南一百五十一武定麗江景東沅江順寧永寧
鎮沅蒙化孟良孟定知府十人寶山南甸蘭州灣
甸寧州富州北勝大侯雲龍浪蕩鄧州安寧威遠
霑益羅雄鎮康陸涼知州十七人臨西嶓峨雲南
亦佐羅次元謀知縣六人廣南姚安府同知二人
鶴慶府知事一人千厓宣撫經歷一人巨津師宗
蒞蒞通安北勝鎮南姚州順州同知八人北勝南
安鎮南州判官三人雲南楚雄亦佐易門定邊永

平縣丞六人昆明雲南廣通嶓峨定遠楚雄主簿
六人戍遠州吏目一人五升遊擊并副使二人
遠州衛指揮僉事沙市衛指揮關洪西在
城內牛坪晉寧易龍縣丞十二人金齒水銀鄧川
州寧遠順寧等司禾摩村東山口浪浪江師井打
牛坪益井金沙江十二間備溪江古案等納更山
海陀崧鎮南箭桿場關索鎮武定清水江黑鹽井
西金沙江赤水鵬定西營衛關復神寨徐白水
關南平關黑鹽井阿雄村戛額元江禾摩村安南
坡祿祿煉象關楚雄縣松詔鋪觀音山鳳羽鄉東
北理述

北理述

卷丁

星一

卷六十六

貴州一十五鎮遠府同知一人鎮遠府通判一人
鎮遠府推官一人安順州同知一人普安州判官

場

地理述

卷下

四六

卷六十六

一人婺川縣丞一人黃沙渡瓮城河盤江谷龍的
澄河覃韓偏刀水巡檢六人司獄一人改流二
知縣一人婺川巡檢一人都儒五堡三坑
廣西一百九十七恩恩田州思恩鎮安知府四人
思恩結安下石西利州都結奉議思城上思龍英
鎮遠江州結倫恩同果化都慶著盤萬永全若上
下凍泗城太平向武南丹潯順安平萬承忠州思
陵龍州歸德那地京蘭上隆知州三十三人左州
同知一人羅白憑祥上林陀陵羅陽忻城知縣六
人上林縣丞一人懷遠主簿一人桂平貴溪典史
地理述

鎮澤江鎮萬石鎮安永鎮縣廓鎮清水鎮李廣鎮
思龍鎮東江鎮德勝鎮大曹鎮思農鎮比蘭鎮安
化鎮普義鎮吉定鎮歸思鎮上堡鎮金城鎮方村
崇村窮果兩江口峰門寨南源寨常安鎮龍手寨
西鎮寨鎮峽寨白霞寨邊遠寨信都鄉沙田寨樊
家寨白芒河口渠樂寨金城寨八尺寨那接寨橫
山寨南鄉南里鄉大宣鄉馱演寨鄉頭鎮都名鎮
丹江鎮局冲大宣鄉靖寧鄉大黃江口北山懷遠
鎮湘山渡副巡檢一百二人 嘉靖七年初設武
靖知州一人田州吏目一人臨時岩馬甲大田子

地理志

卷一

四

一

甲楊院思郎累彩怕河武龍拱甲床甲雙鳳下隆
縣甲篆甲若桑怕牙思幼候周恩恩白興龍定羅
定安古零舊城那馬下旺都陽巡檢二十八人
改流四知州二人養利上石知縣二人崇善永廉
四川二十五烏撒芒部烏蒙東川知府四人東川
府同知一人龍州判官一人龍州宣府知事一人
馬湖知事一人信寧海泥溪麻刺村昭平堡寨水
寧武明月三番巡檢八人溪龍阿用祿馬蠻夷白
水太平流活驛丞七人 改流知府一人馬湖
南廣五南渭施溶上溪知州三人滑石江院場坪

巡檢二人

廣東一龍門縣巡檢一人 右隸吏部驗封
雲南布政司領宣慰司七宣撫司三長官司二十
都司領安撫司三長官司三車里木邦孟養緬甸
老過裏里八百大甸爲七宣慰南甸千崖龍川爲
三宣慰十二關緬樓茶甸教化三部王弄山勐容
甸溪處甸思陀甸左能寨落恐甸安南祿谷寨刺
次河革甸香羅瓦魯之因遠羅必甸馬龍他郎甸
者樂甸銀兀芒市爲二十長官其都司領者安撫
三路江鎮遠楊塘長官三茶山鳳滾施甸

地理志

卷一

四

一

湖廣都司領宣慰司二宣撫司四安撫司九長官
司二十蠻夷長官司五永順保靖爲二宣慰施南
散民忠建容美爲四宣撫東鄉五路忠孝忠路金
峒龍潭大旺忠峒高羅桑植爲九安撫臘惹峒永
著黃洞驢連洞施容施白崖峒田家峒五寨算子
坪播把峒上愛茶峒劔南木冊鎮南唐嗟椒山瑪
瑙五峰石寶水盡源通塔平石梁下峒臻剖六峒
橫坡等處爲二十長官鎮遠隆奉西坪東流臘壁
洞爲五蠻夷長官

四川都司領宣慰司一安撫司一長官司五十

二營夷長官司二十都司領長司十一

其外宣慰金筑安擇貴竹水東青山劉佐龍里白
前底寨養龍坑施溪黃道溪水德江蠻夷沿河祇
溪偽橋而阡苗民葛彰葛商龍泉坪銅仁省溪提
溪大萬山平頭者可烏羅麻響木瓜大華上馬橋
大龍番程番臥龍番小程番方番金石番章番洪
番盧番羅番盧山都勻平川六峒邦水豐寧平定
樂平慕後頂營十二營康佐寧谷寨西堡爲五十
二長官中曹華西都坪峨異溪都素朗溪鎮遠金
容金達邛水十五洞潭溪八舟洪洲伯里曹滴洞

地理志

卷一

五

宣慰司

古洲西山陽洞湖耳亮寨歐陽新化中林驗洞赤
溪瀟洞龍里爲二十蠻夷長官其都司領者新添
小平伐把平寨丹平丹行楊義樂平平伐大平伐
平浪九名九姓獨山州爲十一長官

四川布政司領宣慰司一宜撫司二安撫司三長
官司十二都司領宣撫司二招討司一安撫司四
長官司二十二行都司領長官司五

播州宣慰永寧龍州爲二宣撫草塘黃平黎州爲
三安撫泥溪平夷蠻夷沐川播州餘慶白泥容山
真州重安九姓平茶峒爲十二長官其都司領者

石砫酉陽爲二宣撫天全六番招討八郎改角寨
爲是者爲四安撫龍木頭靜州岳希趙后耶峒邑
經明占藏先結族屬匪族白馬驛山口鎮阿昔峒
山定族交匪族有多族平力溪班班族新命族勒
族包族阿昔族思義兒族同用族潘幹寨疊
之爲二十四長官

西布政司領長官司三十六安上標安陸 右隸
兵部武選

論曰明興平定四海凡夷獠聚聚獵獵之地西起
巴蜀牂牁東抵湘楚包絡湖嶺東折而南南盡海
地理志 卷一 五

上又東踰百粵三江大者兼據連城細者保持深
菁雖稍奉約束要在羈縻而已然兵力稍健乍叛
乍歸苟功率過濫撫懷失策雄圖自縮狡窟益深
況地廣官高擅利習兵生齒益繁財貨益廣詐以
謀成罪以功解種愛孽禍茂玩中土未可謂無虞
也嗟乎夏典要荒周官養民大哉國民順俗橫海
伏波逾崑崙絕嶺與地南開化理終家乃知天德無
私王道有量關國阻於綏人備防塞於曠度苟醜
類自獲飽煖中華不思荼毒吾又而求焉惟大吏
好蓄積政多解弛或遠嫌自潔或勝喜功於是

倭警日聞師徒數起網漏網類夷夏並困茲欲收
總長策用圖久安必畫正疆理則鄰族靡爭預陳
靖享則宗廟自定世及之際以時嚴明錢穀之輸
一切罷罷而又飭武事於師師修文德於廟堂猶
亂之憂斯其鮮矣

皇明地理述卷下

萬曆戊戌孫心材重校

地理述

卷下

三

皇聖三禮述序

太祖勤民育物敬共與神博考經誼釐正祀典二

丘始分而終合四廟先異而後同明堂肇於周

經我則郊焉而侑

仁祖太公遺於漢寢我則廟焉而耐宗人有其舉

之至存佛老之官無可考矣寧缺禘嘗之義蓋

其酌今古通幽明絕遠天知上下時因而因或

沿於七代時革而革可老於三王幾幾乎秩秩

乎撫世宜民神道設教不可以有加矣當是時

議禮之臣李善長宋應詹同陶安崔亮牛諒圖

三禮述

序

一

三禮述序

凱朱升樂韶鳳諸君子皆能尋則夷形取法率

渙條之品式以授祠官雖損之益之未必盡復

古先聖王之舊而仰贊聖猷一洗汚俗凡其矯

誣妖誕襄鄙侵黷奇袤巫覡諸不在祀典者莫

不煥制而曲防之豈非殄夏之禍烈於九黎集

常之功艱於二正時與勢然乎必欲咨三禮於

四岳俟兩生於百年迂遠而濶於事情矣

列聖相承式遵成憲建文撤

仁祖而郊

高皇

仁宗因

高皇而進

成祖迨至

憲宗升祔有禮寢之議

孝穆登養有奉慈之議情方心義固有不得不然

者其他稍有注措不過繼又細故之間而已

今皇帝天德高明聖學純遠孜孜三重休洽百神

郊禘廟祧社稷禋嘗帝王所仰雲雨風雷岳鎮

海瀆農桑醫牧老君仙子山公水伯司舟宗匠

靡神不舉商宗彤日徒云豐昵周王雲漢僅爾

三禮述

序

二

三禮述序

拜災孰若

今皇帝發九世之積德而垂萬祀之常經也嗚呼

盛矣

嘉靖丙午三月朔鄭曉識

皇朝三禮述目錄

上卷

園丘

方澤

朝日

夕月

祈穀

崇寧

大饗

宗廟

大禘

三禮述

目錄

奉先殿

崇先殿

世廟

奉慈殿

陵寢

下卷

太社稷

帝社稷

神祇壇

太歲

聖旦

正旦

先師

聖師

歷代帝王廟

先農

先蠶

先蠶

高禘

五祀

青龍

金海

旗纛

功臣廟

京師十廟

南京十四廟

司府州縣

武衛

三禮述

目錄

國初郊廟社稷先農爲大祀已而改先農及山川帝王先師旗幟爲中祀諸神小祀 今皇帝以朝日夕月天神地祇爲中祀大祀致齋三日中祀二日祀有牲牲四等曰饋曰牛曰太牢曰少牢色尚騂或黝天地日月加玉焉玉三等曰蒼璧曰黃琮曰玉牲大祀入滌九旬中祀三旬小祀一旬殺禮不用牲用果脯從其族也或用素羞祀有帛大祀中祀京師用制帛制帛五等三禮述 卷上 一 三禮述卷上

曰郊祀曰奉先曰禮神曰展親曰報功小祀素帛禮饒帛王國司府州縣亦用帛小祀則否凡祀有樂樂四等曰九奏曰八奏曰七奏曰六奏奏樂有歌有舞歌堂上舞堂下舞皆八佾佾有文有武先師六佾佾去武小祀則否凡助祭文臣五品武臣四品以上嘉靖中都給事中乞得助祭帝社稷無助祭大臣五六人陪拜焉小祀則否

園丘

園丘在南郊歲冬至 皇帝大祀天於園丘 皇

上帝南向騂犢一蒼璧禮三獻樂九奏舞八佾上祭服拜跪飲福受胙 太祖配神西向騂犢一從祀四壇東西相向大明騂牛一夜明騂牛一二十八宿木火土金水星周天星辰牛一羊一豕一雲師雨師風師雷師牛一羊一豕一前期一月太常演禮樂於太和殿先五日請 上視牲遣大臣三人看牲四人分獻進進儀注六日請 上致告於景神殿五日 上視牲三日 上至 太廟祭服請 太祖配是日 上皮弁服御奉天殿百官朝服聽警戒一日質明 上告於景神殿出至園三禮述 卷上 二 三禮述卷上

丘視遵豆牲宿齋初漏禮部太常諸皇穹宇太常卿少卿丞請 皇天上帝 太祖神版從祀神牌奉安壇座 上登壇初獻讀祝分獻官行禮 上亞終獻分獻官亦如之望燎燎半 上還宮謁景神殿告大報禮成禮部太常奉神版神版安皇穹宇遇風雪 上於小次行禮

方澤

方澤在北郊歲夏至 皇帝大祭地於方澤 皇地祇北向騂牛一黃琮禮三獻樂九奏舞八佾太祖配神西向騂牛一從祀東西相向凡四壇壇

太牢一東中嶽東嶽南嶽西嶽北嶽基連山謂聖山神烈山西中鎮東鎮南鎮西鎮北鎮天壽山純德山次東東海南海西海北海次西大江大淮大河大濟先期二日太常卿詣太祖神主於廟寢奉安皇祇室至期禮部太常詣皇祇室詣皇地祇神版太祖神主從祀神牌奉安壇座望瘞瘞祝帛燎配帝帛太常奉神版神牌安皇祇室神主還廟寢餘如南郊

吳元年建圓丘於鍾山之陽以冬至祀昊天上帝建方丘於鍾山之陰以夏至祀皇地祇洪武二

三禮述

卷二

三一

禮部

年二月壬寅朔上勅禮官翰林太常曰昔聖帝明王嚴於祭祀內致誠敬外致儀文朕膺天命首崇祀事顧草創之初典禮未備何以交神明致靈貺其博考郊禮來聞丞相善長學士安太常卿惟庸等議上請祀天圓丘以大明夜明星辰太歲諸神從祀祀地方丘以嶽鎮海瀆諸神從祀上從之撰二丘樂章二年奉仁祖配天地位西向時中都亦有南北丘五年著令皇帝郊祭太子留宮居守親王戎服從七年上以大祀獻終分獻去安論學士詹同宋濂

議請初獻奠玉帛已分獻官即初獻亞獻終獻亦如之上曰善八年始奏上所撰樂章定大

祀登壇脫舄禮九年定郊社大事國有三年喪不廢十年春上感齋居陰雨覽京房災異之

說始定合祀禮上更撰樂章八月作大祀殿於南郊未成十一月丁亥合祀於奉天殿十二

年正月合祀於大祀殿昊天上帝后土皇地祇南向仁祖配位如故從祀丹墀四壇曰大明

曰夜明曰星辰又曰星辰內壝外二十壇曰五嶽壇五曰五鎮壇五曰四海壇四曰四瀆曰風

三禮述

卷上

四

禮部

雲雷雨曰山川曰太歲曰天下神祇曰歷代帝王各壇一凡二十四壇大臣分獻禮成上天喜作大祀文并歌九章其辭曰朕聞太極之化也天生於子地闢於丑位極既定虛其中而爲寰宇是時人生於寅樂居兩間人生既多非聖莫馭天生君主爲民立命然鴻荒之時其知誰始今載於書始自伏羲相繼而至唐虞以及夏商周斯數君者開天立極首與舜倫者乃前伏羲神農黃帝是也法二皇而守行者少吳顓頊高辛唐虞其益損禮樂文飾其事者獨夏商周

也。下至秦漢以及宋元亦然。嗚呼！天惟自然，而常者三綱五常也。昔聖人度人情而措彛倫，特不逆其性，務從其善，未嘗有異此道而爲人君者也。每聞昔君欽若昊天，莫敢有意，朕卽位以來，命儒臣徧考羣書，自周以至宋元，皆著祀典，守而行之。然當行祀之時，惟宗廟願合人情，南北二郊以及社稷，甚有不如人情者。以社稷言之，古人以社爲五土之神，稷爲五穀之神，土主發生，五穀用之以生，而乃一壇之中，各壇而祭，是土穀不合於生生之意也。行禮之時，先社固宜，而又先奠社配，乃行稷神之禮，此果合人情乎？况朕自卽位以來，祀天享地奉宗廟社稷，每當齋期，必有風雨，臨祭方欽，每以爲憂。京房有云：郊祀鬼神，必天道雍和，神乃答矣。若有飄風驟雨，是爲未善。於是自洪武十年更祀社稷於闕右，去繁就簡，一壇合祀，以奉二神。神乃我答，人情懽悅。後洪武十一年，命三公率土工部役梓人於京城之南，創大祀殿，合祀皇天后土。是年冬十月，三公奏告工成，朕命禮部去前代之祭期歲止一祀，朕度古人之祀南北

郊，彼以義起，故曰南郊祭天，以其陽生之月，北郊祭地，以其陰生之月。孰不知至陽祭之於至陰之月，至陰祭之於至陽之月，於禮可疑。且掃地而祭，其來甚遠，言祀天地尚質，不尚華固執古不變，至今天地之享與人大異，朕以斯禮執古不變，則人之享亦執古而不變乎？若人執古則汗尊杯飲茹毛飲血巢居穴處，今可行乎？斯必不然。因命太常卿每歲祭天地於首春三陽交奉之時，遂於洪武十二年正月十有一日合祀天地前期致齋五日，內二日以告仁祖。三日正齋，風和日暖及夜，陞壇山川草木不搖，江海息波，輕雲縹緲於昊穹，獨見太陰於中天，纖塵不動，銀燭舒光，香煙裊繞，斯必神之臨降，合祀宜也。朕雖失學，無文特述其事而歌咏之，文多不載。二十一年增修壇壝，大祀殿丹墀中疊石爲臺，東西相向，爲壇四內壝外二十壇，亦東西相向，文武大臣及近侍官二十四人分獻。罷朝日夕月燐星之祭并罷。太歲風雲雷雨，歲鎮海濱山川月將城隍歷代帝王春秋祭，惟歲八月中旬擇日於山川壇及帝王廟祭之。建

文元年徽 仁祖配祀 太祖高皇帝 文皇

即位亦如之永樂八年後 上巡北京命 皇

太子攝遣禮部尚書至北京復命十八年北京

壇成 上歲親祀南京郊壇有事則遣官祭告

洪熙元年春奉 文皇配位 太祖下西向嘉

靖九年 上從言官夏言欲分祀 天地下

廷議主分祭者右都御史汪鋐中允廖道南編

修程文德等八十二人主分祭而以成憲及時

未可爲言者大學士張璁等八十四人主分祭

而以山川壇爲方丘者尚書李瓚等二十六人

三禮述 卷上 七

主合祭而不以分祭爲非者尚書方獻夫李承

勛詹事霍韜魏校編修徐階郎中李默王道等

二百六人無可否者英國公張崙等一百九十

八人 上曰分祀禮也遂作圓丘於天地壇南

稍北爲皇穹宇作方丘於北郊稍南爲皇祇室

從祀園丘日月星辰雲雨風雷方丘嶽鎮海瀆

五陵山是年三月 上從言議南北二郊奉

太祖配孟春祈穀祀 上帝於大祀殿奉 文

皇配下廷議羣臣以爲不可疏留中言又疏請

上怒羣臣違君叛禮令祈穀 一祖並配二郊

專奉 太祖配已而罷祈穀之配毀大祀殿

語在祈穀大饗中十七年薦大號於天改昊天

上帝稱皇天上帝

朝日

朝日壇在東郊西向春分之日祭大明之神神西

向用太牢玉體三獻樂七奏舞八佾甲丙戌庚壬

年 皇帝親祀祭服拜跪飲福受胙餘年遣文大

臣攝祭

夕月

夕月壇在西郊東向秋分之日祭夜明之神神東

向樂六奏牲玉獻舞如朝日從祀二十八宿木火

土金水五星周天星辰南向用太牢丑辰未戌年

皇帝皮弁服親祀拜跪飲福受胙餘年遣武大臣

攝祭

國初有朝日夕月之祭洪武二十一年罷嘉靖九

年復

祈穀

今皇帝以歲驚發行祈穀禮於南郊大饗殿祭

皇天上帝用騂犢蒼玉禮三獻樂九奏舞八佾

上禱雨祭 皇天上帝如祈穀禮去玉

嘉靖九年 上欲於奉天殿中行秋報禮丹陛上行大雩禮夏言秋報於大祀殿奉 文皇帝配以申 上分配 祖宗之敬第舉祈報之義大學士丘濬嘗欲於郊兆傍擇地爲雩壇歲孟夏後行雩祭禮 上旣以孟春上辛祈穀於上帝自二月至於四月雨暘時若則大雩之祭可遣官攝如雨澤愆期 上禱焉

大饗

皇帝季秋行大饗禮於南郊大饗殿 皇天上帝南向騂牛一蒼璧 肅宗獻皇帝西向騂牛一禮

如南郊

大饗禮蓋始於 今皇帝云嘉靖十七年 皇

帝大孝欲宗祀 皇考以配上帝乃撤南郊大

祀殿建大饗殿饗上帝尊謚 皇考爲肅宗知

天守道弘德淵仁寬穆純聖恭儉敬文獻皇帝

侑饗焉是秋殿未成乃大饗於宮右乾隅玄極

寶殿遂升稱皇考於太廟仍藏主於原寢

宗廟

宗廟前殿後寢寢殿後有祧殿皆九楹各翼兩廡寢殿藏主如同堂異室之制祭出主於殿畢歸

主於寢殿 太祖開天行道肇紀立極大聖至神仁文義武俊德成功高皇帝 孝慈貞化哲順仁徽成天育聖至德高皇后中室 成祖啓天弘道高明肇運聖武神功純仁至孝文皇帝 仁孝慈懿誠明莊獻配天齊聖文皇后 仁宗敬天體道純誠至德弘文欽武章聖達孝昭皇帝 誠孝恭肅明德弘仁順天啓聖昭皇后 宣宗憲天崇道英明神聖欽文昭武寬仁純孝章皇帝 孝恭懿憲慈仁莊烈齊天配聖章皇后 英宗法天立道仁明誠敬昭文憲武至德廣孝睿皇帝 孝莊獻穆弘惠顯仁恭天欽聖睿皇后 憲宗繼天凝道誠明仁敬崇文肅武宏德聖孝純皇帝 孝貞莊懿恭靖仁慈欽天輔聖純皇后 孝宗建天明道誠純中正聖文神武至仁大德敬皇帝 孝康肅莊慈裕懿翊天贊聖敬皇后 肅宗知天守道洪德淵仁寬穆純聖恭儉敬文獻皇帝 慈孝貞順仁敬誠一安天延聖獻皇后 武宗承天達道英肅睿哲昭德顯功宏文思孝毅皇帝 孝靜莊惠安肅溫誠順天偕聖教皇后叙列左右室皆南向 肅宗 今皇帝父也於 武宗爲叔以故躋

武廟上祀殿藏 德祖玄皇帝后 懿祖恒皇帝

后 熙祖裕皇帝后 仁祖淳皇帝后 祧主廟殿

兩廡侑享親王十五人壽春王劉妃霍丘王翟妃

下蔡王安豐王趙妃南昌王蒙城王田妃野貽王

唐妃臨淮王劉妃寶應王六安王來安王都梁王

英山王山陽王昭信王功臣十七人開國輔運推

誠宣力武臣特進光祿大夫左柱國太傅中書右

丞相中山武寧王徐達開國翊運推誠宣力靖遠

功臣開府儀同三司上柱國太保中書左丞相開

平忠武王常遇春開國輔運推誠宣力武臣特進

三禮述 卷二 三十一

榮祿大夫右柱國大都督府左都督同知軍國事

岐陽武靖王李文忠開國輔運推誠宣力武臣特

進榮祿大夫右柱國寧河武順王鄧愈開國輔運

推誠宣力武臣特進光祿大夫左柱國信國公追

封東甌襄武王湯和開國輔運推誠宣力武臣柱

國西平侯追封黔寧昭靖王沐英贈奉天靖難推

誠宣力武臣特進榮祿大夫右柱國追封榮國忠

顯公加封河間忠武王張玉奉天靖難推誠宣力

武臣特進榮祿大夫右柱國左軍都督府左都督

太子太傅成國公追封東平武烈王朱能開國輔

運推誠宣力武臣特進光祿大夫柱國同知大都

督府事統國忠烈公俞通海開國輔運推誠宣力

武臣特進光祿大夫柱國同知大都督府事蔡國

忠毅公張德勝開國輔運推誠宣力武臣光祿大

夫柱國同知大都督府事越國武莊公胡大海開

國輔運推誠宣力武臣榮祿大夫柱國同知大都

督府事梁國武桓公趙德勝開國輔運推誠宣力

武臣鎮國將軍護軍僉大都督府事追封泗國武

壯公耿再成開國輔運推誠宣力武臣柱國武定

侯追封營國威襄公郭英贈奉天靖難推誠効忠

三禮述 卷二 三十一

宣力武臣特進榮祿大夫右柱國追封金鄉忠壯

侯加封寧國公王真開國輔運推誠宣力武臣安

遠將軍輕車都尉同知英武衛親軍指揮使司事

特封永義侯景世傑開國翊運守正文臣資善大

夫贈太師諡文成護軍誠意伯劉基皆左右叙

恭仁康定景皇帝 貞惠安和景皇后不得入宗

廟 孝潔陳皇后 孝烈方皇后皆未祔廟別殿

祀焉立春特享 皇帝祭 太祖大臣八人祭

諸帝內臣八人獻 諸后太牢九禮三獻樂六奏

舞八佾 皇帝冬服升殿飲福受胙立夏時飴

大祖南向 成祖西向北上上於 七宗七宗東
西祖向年醴樂舞如特享立秋時祫如夏禮立冬
時祫如秋禮季冬中旬擇日大祫 德祖 懿祖
熙祖 仁祖 太祖翼室南向 成祖 仁宗
英宗 孝宗 睿宗東叙西向 宣宗 憲宗
武宗西叙東向 成祖北上如時祫驛牛十三羊
十三豕十三禮三獻樂六奏舞八佾 皇帝獻
德祖帝后祭服拜跪飲福受胙大臣十二人分祭
諸帝內臣十二人獻 諸后俯享親王東西各二
壇壇一太牢功臣人少牢一特享時祫亦如之

三禮述

卷一

三

三

國初建四親廟於闕左中 德祖東 懿祖次
仁祖西 熙祖廟與主皆南向東西有夾室有
廡三門門設二十四戟繚以周垣略如都宮之
制洪武元年定四孟歲除五享造金祭器瓶甒
枕簞篚筥帷幔浴室皆備二年令清明端午中
元冬至時享歲除如故祝稱孝子皇帝不稱臣
遣 皇太子祝云命長子某不得稱皇太子三
年時享仍用四孟孟春特享四廟三時奉 三
祖合享於 德祖之廟 德祖南向 三祖東
西向初獻各奏其廟樂餘奏 德廟樂九年改

建太廟前正殿後寢殿殿翼兩廡寢殿九間間
一室中室奉 德祖帝后神主 懿祖東一室
熙祖西一室 仁祖東二室主皆南向几席諸
器備如生儀時享殿中設 德祖帝后衣冠神
座南向 懿祖座左西向 熙祖座右東向
仁祖次 懿祖西向孟春擇上旬日三孟朔日
歲暮除日皆合享奏 德廟之樂罷特享二十
五年今廟享值國喪樂備而不作三十一年
太祖神主祔寢殿西二室南向正殿神座次
熙祖東向 成祖遷都北平建廟亦如之 成

三禮述

卷一

古一

三

祖升祔東三室殿座次 仁祖 仁宗升祔西
三室殿座次 太祖 宣宗升祔東四室殿座
次 成祖 英宗升祔西四室殿座次 仁宗
弘治元年 憲宗將升祔議祧禮禮官言國家
九廟已備 憲宗祔廟議者咸謂 德 懿
傷 仁四廟宜以次奉祔而尊 太祖為百世
不遷之祖是知尊 太祖而不知 太祖之尊
其祖也昔周既追王太王王季又上祀先公以
天子之禮國家自 德祖以上莫推其世次則
德祖視周后稷不可祧明甚 懿 熙 仁三

三禮述

卷上

主

三禮述

祖以次當祧 太祖 太宗親周文武世室百世不遷禮也 憲宗升祔當祧 懿祖宜於太廟寢殿後別建祧廟如古夾室之制歲暮則奉祧主合享如古禘祭之禮吏部侍郎楊守陳言禮官議請尊 德祖百世不遷如宋僖祖故事非是禮天子七廟祖功而宗德故凡號太祖者即始祖也始祖必配天若商周契稷皆有功德非直原本統也宋僖祖及我 德祖可比商報乙周亞圉非契稷比議者習見宋儒嘗取王安石說遂使七廟既有始祖又有太祖太祖既配天又不得正位南向名與實乖非禮或曰降而合食以尊就卑不可謂禮不又有大禘乎 憲宗升祔請并祧 德 懿 熙三祖自 仁祖下爲七廟異時祧盡則 太祖擬契稷而祧主藏於後寢給禮行於前殿時享尊 太祖給祭尊 德祖如此功德是崇恩義亦備庶無悖禮 上從禮官議始建祧廟於寢殿後奉藏懿祖神主神座 熙祖寢主遷東一室殿座遷西向一位 仁祖以下遷遷 憲宗升祔西四室殿座次 宣宗 孝宗升祔祧 熙祖 武

三禮述

卷上

六

三禮述

仁祖 睿宗升祔不得不祧 德祖以次九廟 太祖居尊而 四祖之主皆祧 宋嘉靖九年春 今皇帝復行特享禮令祠官廟祭設帷幄如九廟奉 太祖南向十年冬上諭禮官言 太祖以恩隆 德祖今日當以義尊 太祖給祭宜奉 四祖同 太祖皆南向庶見 太祖爲特尊 太祖言言禮合羣廟之主而祭於 太祖之廟是爲大禘亦以尊太祖也 太廟 太祖之廟不當與昭穆同序太祖太廟之主不可與子孫並列自今大禘宜奉 四祖 太祖皆南向 德祖居中 懿祖熙祖 仁祖 太祖東西並叙 列聖左右序列東西相向如故不惟我 太祖別於羣廟之主足以伸 皇上尊 太祖之心而 懿 熙 仁三祖得全其尊尤足以體 太祖之心 上曰善是年 上坐文華殿東室召見輔臣時鑾禮官言議復古七廟之制 太廟及寢殿祧廟宜存弗撤惟量地分建羣廟議未決諸大臣退會中允康道南跪請建九廟 上得跪喜下廷議言上議古者天子廟稱廟庶立廟夏后因之

殷周大抵皆七廟而祭法王制與劉歆宗說又各不同宋儒朱熹古今廟制引王制天子七廟外爲都宮內叙昭穆漢不考古諸帝異廟諸廟異地不合都宮不序昭穆明帝遵儉自抑遺命勿別爲廟遂有同堂異室之制嗣後歷魏晉隋唐宋皆然我太祖初別立四親廟廟皆南向似近古禮後改建太廟又用明帝之制皇上憲天稽古大釐祀典與舊於廟制不能無疑形諸翰札宣諸召問謀諸臣弼者屢矣但今太廟南近宮牆東邇世廟西阻前朝地勢有限

三禮記

卷上

三

三

上諭 太廟三殿勿撤削 太廟垣外左右墜地不盈數十丈若依古制昭穆六廟在太廟前以次而南則今太廟都宮之南至承天門墻不遠即使盡闢其地分爲左昭右穆尤恐勢不能容若欲稍減規模不必別門異寢又恐禮未必協況古七廟九廟制度皆同今太廟巍然宏壯而羣廟墮然湫隘亦恐於義未安議者欲就太廟而無即分羣廟不惟去尊即卑不足以稱聖孝而遷就一時裁損瞻貌尤非細故且有竊無衆神將安棲諸王功臣置之何所議

者又欲崇三六室夾室者側室也以歲祀主可也以歲祀廟未毀之主情理得矣至謂周人廟制約儉宜倣爲之夫周廟門大扇七簡闔門窄小扇三簡則大門寬容二丈一尺小門寬容六尺其制過於今廟焉在其爲儉約也今損於太廟廟可又損於世廟乎且太宗功業比隆太祖憲宗獻皇帝也又可減於世廟乎今之廟主太宗之下凡有七聖將如古制爲三昭三穆而止立六廟乎抑如商周以太宗爲百世不遷之宗而加立七廟乎即

三禮記

卷上

八

三

使廟宇旣成皇上冠冕佩玉執圭服袞循紆曲之途徧歷羣廟而行興俯拜起奠獻之禮非獨筋力不遑而日力亦不給矣議者乃曰周禮宗伯代后獻羣廟可遣攝也夫古者廟祭君后祭獻后不與祭宗伯代獻謂一廟之中代亞獻之禮未聞人臣可以主廟祭也且古者助祭諸侯類多同姓同非天胤今陪禮者可擬古諸侯乎皇上仁孝誠敬可以終歲舉祭止對越太祖之廟而不一至羣廟乎且規制必備而後成廟門垣廡寢是也儀文必備而後成禮主助

禮樂之類是也今分爲各廟廟祭之時不得不降從簡易是欲尊之而反卑親之而反疎祇見其貶損而未見其隆重矣大學士丘濬謂宜一日間祭一廟歷十四日而徧七廟此蓋無處而強爲之說不自知其言之迂也馬端臨曰後世失禮豈獨廟制漢儒以來講究非不詳明而卒不能復古者以昭穆難定故也必如古制父子相世則可兄弟相及則其序紊矣周孝王以共王之弟懿王之叔繼懿王而立故朱子廟圖宣王之世則以穆懿夷爲昭共孝厲爲穆夫穆王昭也共王穆子穆也懿爲穆孫則繼穆而爲昭是也孝爲共弟而繼共爲穆雖於世次不紊然以弟而揀孫之廟矣夷王懿王子也穆也而圖居昭厲王夷王子也昭也而圖居穆是孝王立而夷厲之昭穆易位於是朱子亦無以處此不過卽其繼立之先後以爲昭穆而不能自守其初說矣又况宣王時三昭三穆爲六代所祀合始於昭王今孝王居其間於是昭王以六世祖雖未當祀而已在三昭三穆之外名爲六廟而祀止三世耳前乎周者爲商商武丁之時所謂

三禮述

卷上

元

三言室

六廟祖丁南庚陽甲盤庚小辛小乙也然南庚者祖丁兄子陽甲盤庚小辛小乙又皆祖丁之子姑以祖丁爲昭言之則南庚至小乙皆祖丁子行爲穆是一昭五穆而武丁所祀上不及曾祖未當祧而祧者四世矣後乎周者爲唐唐懿宗之時所謂六廟者憲宗穆宗敬宗文宗武宗宣宗也然穆宗宣宗皆憲宗之子敬宗文宗武宗又皆穆宗之子姑以憲宗爲昭言之則穆宣爲穆敬文武爲昭是四昭二穆而懿宗所祀上不及高祖未當祧而祧者三世矣若必欲祀及六世則武丁時太祖之外必十廟懿宗時太祖之外必九廟而後可蓋繼世者旣不能必其爲弟爲子建廟者亦安能預定其爲昭爲穆或穆多昭少如殷或昭多穆少如唐哉若必欲昭穆世叙則建廟之時昭齒者必在太祖之廟之左穆齒者必在太祖之廟之右如此則預立六廟定三昭三穆以次遞遷之說又不可行矣故東都以來同堂異室未可盡以爲非禮也皇上以皇考專享世廟而太祖列聖乃不得專廟以全其尊然列聖三皇太廟已

三禮述

卷上

辛

三言室

三禮述

卷一

三

三百四十五字

極尊崇而 皇考尊居世廟猶爲遐邇若廟制大小不偷行祀親攝或異則尊卑厚薄之間似不足以稱 皇上孝敬之誠 皇上剴諭輔臣亦言祀典宜正廟制難更大哉 皇言實萬世之寶訓也疏入 上不允竟撤故廟改建 祖宗各爲專廟諸廟合爲都宮 太廟居中昭穆六庫左右列 成祖廟在六廟之上廟各有殿殿後有寢藏主 太廟寢後別有祔寢藏祔主太廟門殿皆南向羣廟門東西相向內門殿寢皆南向十三年南京 太廟災 上意欲勿建

三禮述

卷二

三

三百六十五字

廟又改尊 太宗爲成祖立春特享各出主於殿 成廟迎神樂別歌三獻徹饌還宮樂如太廟 仁 宣 英 憲四廟樂歌同 孝 武二廟迎神樂別歌三獻徹饌還宮樂歌同 成廟樂別歌異於諸廟立夏時祫出 太祖 成祖 七宗主於大殿立秋時祫如夏禮樂歌異於夏立冬時祫如秋禮迎神徹饌還宮樂歌異於秋季冬中甸擇日大祫出 四祖 太祖 成祖 七宗主於大殿祭畢各歸主於其寢二十年四月宗廟災初震火起 仁廟風大發

三禮述

卷上

重

三禮述

爲高伯祖考實應七王爲曾祖考禮官誤矣語
在十五王傳中是年附繫戰歿功臣已乃設青
布幣於廟庭祀之尋更定功臣十三人令大海
通海張趙德勝世傑再成楚國公廖永安七人
已卒附廟達等六人俱卒進脩八年設黃布帷
殿左右廊於廟中殿上祀 四祖左祀楊王皇
兄徐王右祀功臣九年定壽春王王妃二十一
人脩享於東壁功臣十二人西壁罷永安祀洪
熙元年以靖難功臣王能直榮國恭靖公姚廣
孝脩享 文廟嘉靖九年申允廖道南言廣孝
覺徒不宜入廟移祀大興隆寺十年以刑部郎
中李瑜議進基脩祀 高廟位次六王十六年
武定侯勛乞進其祖英脩享 高廟下廷議不
可戶部侍郎唐胄疏爭言廟祀諸臣位次上下
且不可易況有無之額敢驟增損乎勛言往年
進基附享以文臣故舉朝翕然順從臣祖英武
臣乃紛然阻忌 上是勛言進英祀先是 二
廟脩享功臣位各以爵及進基伯位公侯上
上不喜曰何上基而下英也今禮官考議乃合
二廟功臣叙爵於是列英永義侯上河間東平

三禮述

卷上

言

二王黔寧王下基永義侯下英未進脩時禮官
言言禮有功臣之祀漢祭功臣於朝廷魏祀尚
書令荀攸於太祖廟唐高祖至憲宗廟或六七
八人或二三四人宋太祖至光宗亦然如魏徵
李沆司馬光皆文臣不必皆武功也守成諸君
亦各有與筆者不必皆創業也我朝 二祖開
國靖難固有功臣 仁宗以後無事武功其間
相與輔贊治平豈無有如魏徵李沆輩者今脩
享 二祖凡十七人十七人中惟基廣孝二人
文臣耳自後六廟缺焉無聞乞下廷議考求六
朝文武大臣有功在當時澤在後世者請上
裁定進脩廟庭 上不允

大禘 大禘 皇帝以丙辛年孟夏大禘於太廟 皇初
祖帝神南向牛一年一豕一 太祖西向配牛一
羊一豕一禮三獻樂六奏舞八佾
嘉靖十五年禮官言請行古大禘禮下廷議皆
請禘 德祖 上不從或曰禘顓頊 上亦不
從曰可稱皇初祖帝神勿主名五歲一禘於太
廟祀 皇初祖而奉 太祖配焉先一日令中

書官皆皇初祖廟神牌位於太廟至日設太廟殿中祭畢燎牌位

奉先殿 崇先殿

奉先殿藏列聖后神主朔望薦時食焉今皇帝初尊皇考爲皇帝未祔廟亦未祔奉先殿也別立崇先殿今皇帝既建九廟主皆遷於廟中時食之薦在奉先殿承天又有隆慶殿奉獻皇帝后

世廟

世廟睿宗獻皇帝廟也今皇帝既尊皇考爲獻皇帝遜不敢祔宗廟別爲世廟祀禮如宗廟既尊稱睿宗祔太廟享祫如列聖而徹世廟之禮

奉慈殿

奉慈殿在奉先殿右孝宗生母孝穆紀太后也不得祔太廟奉先殿孝宗即位初作奉慈殿別祀太后已而憲宗生母孝肅周太皇太后今皇帝生祖母孝惠邵太皇太后皆祀殿中孝肅中室孝穆孝惠在右室主書皇太后太皇太后歲享祭禮如太廟奉先殿嘉靖十五年

上諭禮官曰廟中帝配一后陵祔葬乃有三后廟祔陵祀本不同奉慈三后主既不得祔廟又不祔陵似似之非親之也禮官遂請奉孝肅於裕陵孝穆孝惠於茂陵殿上又曰皇太后太皇太后本于孫尊稱稱睿皇后純皇后又嫌於適改主題皇后不得書帝證罷奉慈享薦禮

陵寢

熙祖葬祖陵在泗州基蓮山設泗州祠祭署奉祀一人朱氏世官朱本宗人婿也即祖陵望祭德祖懿祖二陵陵戶三百十四家長至正旦太平

三禮述

卷一

三六

三十七

三清明中元孟冬朔望少牢三奉祀行事仁祖葬英陵改稱皇陵在中都朔望山置中都留守司皇陵衛皇陵祠祭署奉祀二人劉氏汪氏祀丞二人汪氏趙氏劉義惠侯繼祖孫二汪皆汪氏老母孫陵戶三千三百四十二家長至正旦太平清明中元孟冬少牢奉祀行事朔望少牢留守行事弘治元年勅內官一人監護高皇帝后四十妃嬪葬孝陵在南京神烈山即鍾山設孝陵衛孝陵神宮監孝陵祠祭署清明中元冬至太平正旦清明中元帝后愍思聖旦酒果熟獻大臣一人奉祀事

國有大事遣大臣祭告 文皇帝后十六妃葬長陵在昌平天壽山 昭皇帝后七妃祔陵 章皇帝后七妃景陵 唐皇帝后十八妃祔陵 純皇帝后孝穆紀皇后孝惠邵皇后十四妃茂陵 敬皇帝后泰陵 毅皇帝后一妃康陵皆在天壽山各置陵衛神宮監祠祭署如孝陵正旦酒果清明中元冬至聖旦太牢分遣勳戚大臣祀懋忌太牢事遣勳戚大臣祭 獻皇帝后顯陵在承天純德山置衛神宮監祠祭署如諸陵祀亦如之孝陵東有懿文太子陵祀禮視孝陵四孟歲暮忌辰加往

三禮述卷上
三十一
景皇

焉署官行事京師西山有 恭讓胡皇后 景皇帝后 孝潔皇后繼張后陵 憲廟廢吳后 諸帝妃懷獻世子悼恭太子哀冲太子莊敬太子越靖王秀懷王肅獻王滕懷王衛恭王許悼王忻穆王申懿王雍靖王岐惠王涇簡王蔚悼王穎殤王薊哀王戚懷王均思王墳及諸殤公主諸阿保夫人墳南京韓憲王張順妃李麗妃墳咸以時祀牲醴素羞各有差諸王葬其封國者其子孫祀之外戚楊王墳在盱眙設盱眙祠祭署奉祀陳氏墳戶二百一十家徐王墳在宿州設宿州祠祭署奉祀祀

丞武氏墳戶九十三家滁陽王墳在滁州廟首宿氏墳戶十九家皆歲時祀

皇明三禮述卷上

子顧準校

孫心材重校

皇明三禮述卷下

吾學編第六十四

海鹽縣志

太社稷

歲仲春秋上戊 皇帝祭太社稷於社稷壇東太社玉一牛一羊一豕一西太稷玉一牛一羊一豕一皆北向配后土勾龍氏西向后稷氏東向各太牢禮三獻樂七奏舞八佾 上祭服拜跪飲福受胙

國初太社太稷異壇同壇北向勾龍后稷配社石主半埋土中稷不設主洪武元年令風雨齋

三禮述

卷一

一

三十九

宮望祭三年建祭殿於壇北又北拜殿十年改建午門外同壇同壇壇二成四出陸用五成土如其方色埋石主於壇中北祭設神牌北向是年以禮官張善議罷勾龍后稷配配 仁祖西向建文君即位撤 仁祖配 太祖永樂中京師壇成位置如故 仁宗又奉 成祖配嘉靖九年 今皇帝諭禮官奉 太祖 成祖配位藏太寢仍以勾龍后稷配

帝社稷

皇帝以歲仲春秋上戊之明日祭帝社稷東帝社

西帝稷皆北向各太牢一禮三獻樂六奏舞八佾上皮弁服拜跪壇在大內西苑幽風亭西壇陸主如太社稷

神祇壇

神祇壇在園丘西歲仲秋祭天神地祇天神壇南向雲師雨師風伯雷師凡四壇壇一太牢地祇壇北向五嶽五鎮基運翊聖神烈天壽純德五陵山四海四瀆五壇壇一太牢從祀京畿山川西向天下山川東向各牲五酒三獻樂八奏舞八佾天神燎地祇座 皇帝以辰戌丑未年行事祭服天神三禮述 卷下 二 三十九

攝祭

國初建山川壇於天地壇西俗呼爲地壇正殿七壇曰太歲曰風雲雷雨曰五嶽曰五鎮曰四海曰四瀆曰鍾山雨廡從祀六壇左京畿山川夏冬季月將右春秋季月將都城隍壇西南有先農壇東有旗纛廟壇南有耕田洪武二年封京都及天下城隍神三年正岳鎮海濱城隍諸神號合祀太歲四季月將風雲雷雨岳鎮海濱山川城隍旗纛諸神又令營壘春分後三日遣

官祭山川壇諸神是日 上皮弁服御奉天殿
降香中嚴坐殿上獻官復命解纓還宮七年令
仲春秋上旬擇日祭未幾以諸神從祀南郊省
春祭十年 上親祀山川諸神於殿中功臣分
祀兩廡永樂中京師山川壇成位置如南京進
祀天壽山於鍾山下嘉靖十一年 今皇帝釐
正祀典即山川壇爲天神地祇壇改叙雲雨風
雷其太歲月將旗纛城隍別祀之

太歲

太歲壇歲十二月大禘之日遣官祭太歲之神於
三禮送 卷下
太歲殿牛一羊一豕一禮三獻樂八奏舞八佾從
祀四季月將之神東廡春秋西廡夏冬凡四壇壇
一大牢

聖旦

萬壽聖節先一日 皇帝以酒果告 祖宗列聖
帝后於奉先殿至日以酒脯告 皇天上帝於玄
極寶殿遣官以牲醴祭神烈山天壽山純德山諸
陵墳東岳都城隍素羞祭玄帝及靈濟宮又以素
羞告修齋於道極七寶帝尊 上稱名云嗣天子

正旦

正旦 皇帝拜 天於玄極寶殿用酒脯果帛先
一日太常由午門右順思善精一會極順德咸和
右通玄凌宵集真門入殿演禮出長庚門宿闕右
支待房子夜由右掖右順思善長庚二南四德陟
虛集真門入殿供事殿在乾清宮垣後嘉靖中建

先師

歲仲春秋上丁 皇帝御奉天殿傳制遣大臣以
太牢祭至聖先師孔子於太學南京太學遣祭酒
禮三獻樂六奏文舞六佾司府州縣衛學各提調
官行事用少牢禮樂如太學樂不能備則已京府
三禮送 卷下
及附府縣行釋菜禮殿中先師南向復聖顏子宗
聖曾子述聖子思子亞聖孟子配享東西相向稍
後先賢閔損冉耕冉雍宰予端木賜冉求仲由言
偃卜商顓孫師十哲從祀亦東西相向兩廡從祀
先賢澹臺滅明宓不齊原憲公冶長南宮适高柴
漆雕開樊須司馬耕公西赤有若琴張申枨陳亢
巫馬施梁鱣公哲哀商瞿冉孺顏幸伯虔曹卨冉
季公孫佺漆雕哆泰南漆雕徒父顏高商澤壤駟
亦任不齊石作噩公良孺公夏首公肩定后處鄒
單吳容箴罕父黑熊祖榮旂泰祖左人郢句井疆

鄭國公祖句茲原亢縣成廉潔燕倪叔仲曾頤之
僕邨吳崇效公西與如狄黑孔忠公西篋步叔爽
施之常泰非頤喻先儒左丘明公羊高穀梁赤伏
勝高堂生孔安國毛萇董仲舒后蒼杜子春王通
韓愈胡瑗周惇頤程顥歐陽脩邵雍張載司馬光
程頤楊時胡安國朱熹張栻陸九淵呂祖謙蔡沆
真德秀許衡九十一人是日子夜先祭啓聖公孔
氏用少牢先賢顏無繇曾點孔鯉孟孫氏左右配
享兩廡先儒程珦朱松蔡元定從祀太學遺祭瀕
南京太學司業司府州縣衛學各提調官行事

三禮述

卷一

五

三禮述

四

國初 上如江淮府先謁文廟幸學至南昌亦
如之洪武元年令仲春秋上丁傳制遣官祭先
師於國學丞相初獻翰林學士國子祭酒亞終
獻四年國子司業濂上孔子廟堂議曰世之言
禮者咸取法於孔子不以古之禮祀孔子褻祀
也褻祀不敬不敬則無福奈何今之人與古異
也古者主人西面几筵在西也漢章帝幸魯祠
孔子帝西面再拜開元禮先聖東向先師南向
三獻官西向猶古意也今襲開元二十七年之
制遷神南面非神道尚右之義矣古者木主棲

三禮述

卷一

六

三禮述

四

神天子諸侯廟皆有主大夫束帛士結茅爲菑
無像設之事開元禮設先聖神座於堂上兩楹
間先聖東北皆莞席尚掃地而祭也今因開元
八年之制博土而肖像焉失神而明之之義矣
古者灌鬯燔蕭求神於陰陽也今用熏蕪代之
非簡乎古者朝覲會同郊廟祭饗皆設庭燎司
烜共之火師監之示嚴敬也今以秉炬當之非
瀆乎古之有道有德者使教焉死則以爲樂祖
祭於替宗謂之先師若漢禮有高堂生樂有制
氏詩有毛公書有伏生也又凡始立學者必釋
奠於先聖先師釋奠必有合謂國無先聖先師
則所釋奠者當與鄰國合若唐虞有夔伯夷周
有周公魯有孔子則不合也當是時學者各祭
其先師非其師弗學非其學弗祭學校既廢天
下莫知所師孔子集羣聖之大成顏曾思孟實
傳其道尊之以爲先聖先師而通祀於天下國
宜若七十二子止於國學設之庶幾弗悖禮意
開元禮國學祀先聖孔子以顏子等七十二賢
配諸州惟配顏子今以荀况之言性惡揚雄之
事王莽王弼之宗莊老賈遠之忽細行杜預之

建短喪馬融之黨附勢家亦屬其中吾不知其何說也古者立學專以明倫子雖齊聖不先父食久矣故禹不先饌湯不先契文王不先不窟宋祖帝乙鄭祖厲王猶尚祖也今同參俶坐饗堂上而其父列食於廡間顛倒尊倫莫此爲甚吾不知其何說也古者士見師以萊爲贄故始入學者必釋菜以禮其先師其學官時祭皆釋奠今專用春秋非矣釋奠有樂無尸釋菜無樂是二釋之重輕以樂之有無也今襲用魏漢律所製大晟樂乃先儒所謂亂世之音可乎哉古

三禮述

四卷下

二

三禮述

者釋奠釋菜名義雖存而儀注皆不可考開元禮彷彿儀禮饋食篇節文爲詳所謂三獻獻後各飲福卽尸酢主人主婦及賓之義也今憚其煩惟初獻得行之可乎哉他如廟制之非宜冕服之無章器用雜乎雅俗升降降味乎左右此類甚多雖更僕不可盡若乃建安熊氏欲以伏羲爲道統之宗神農黃帝堯舜禹湯文武次而列焉臯陶伊尹太公周公暨稷契夷益傳說箕子皆天子公卿之師式宜秩祀天子之學若孔子實兼祖述憲章之任其爲通祀則自天子下達

三禮述

卷下

八

三禮述

苟如其言則道統益尊三皇不汨於醫師太公不辱於武夫矣昔周立四代之學學有先聖虞庠以舜夏學以禹殷學以湯東膠以文王復各取當時左右四聖成其德業者爲之先師以祀享焉此固天子立學之法也上不喜謫濂安遠知縣是年令進士釋褐行釋菜禮更定釋奠祭器禮物擇監生及文職大臣子弟在學校者充樂舞生五年罷孟子配享喻年上曰我聞孟子辨異端闢邪說發明孔子之道宜配享如故六年翰林國史院學士承旨詹同侍講學士樂韶鳳上釋奠樂舞六佾禮部尚書牛諒禮儀制曰可遣御史大夫陳寧釋奠胡丞相言誠意伯不陪祭顧受胙上曰基學聖入之道不陪祀使弗學者何以勸旣不與祭而享胙禮乎奪俸一月寧坐不舉奪半月七年仲春上丁日食改仲丁五年作文廟成遣官以太牢祭上遂視學釋菜始詔司府州縣衛學通祀孔子頒釋奠儀正嶽鎮海濱城隍及忠臣烈士封號大成至聖文宣王及配享從祀諸賢儒如故十七年議大成樂二十六年頒大成樂器於天下

府學令州縣學式於府學二十九年從行人司副楊砥議罷揚雄從祀進祀董仲舒 文皇即位之八月遣官釋奠先師永樂八年正文廟聖賢繪塑衣冠正統元年刊定從祀名爵位次二年進宋儒胡安國蔡沉真德秀從祀三年禁祀孔子於釋老宮令祭物非所產者以所產代八年從輔臣士奇議追封元吳澄爲臨川郡公從祀景泰六年加太學兩廡祭物成化二年追封仲舒爲廣川伯安國建寧伯沉崇安伯德秀溧城伯十二年祭酒周洪謨請改大成至聖爲神

一禮考

卷六

一

一

宜令太常攷正 上從之洪謨又請 上曰尊崇孔子朝廷盛禮豈宜儉儉從洪謨言弘治元年 上視學從吏部尚書恕請釋奠用太牢加幣是年諫官請罷祀融弼雄從祀進祀禮部侍郎兼翰林學士薛瑄下禮官集議言雄已黜於洪武時瑄無著述况等皆有羽翼聖經之功遂已當是時少詹事兼侍講學士欽政言融弼戴聖劉向遠何休王肅預八人宜罷從祀鄭衆盧植鄭玄服虔范滂五人宜祀於其鄉况雄實相伯仲言者併欲黜况宜也申張申黨本一人祀

三禮考

卷六

一

一

派雖晚年一出不克盡行其志而力開新經足
衛吾道若吳澄生長於淳祐貢舉於咸淳受宋
之恩已如此其久爲國子司業爲翰林學士歷
元之官乃如彼其榮迹其所爲曾不及洛邑之
頑民何敢望首陽之高士況二人皆太學之師
乞升時上附宋諸賢之位斥澄下從莽大夫之
列不報八年大學士溥又言時入朝首請罷安
石配享廢其新經有衛道之功或疑其出處之
際而少其著述殆未之考也 上從之追封時
將樂伯從祀十四年鐸以侍郎領祭酒事又言

三禮述

卷一

二

陳元三百六十五

人倫莫大於君臣父子顏曾思三子配饗堂上
而其父列祀廡下非禮宜於闕里別廟祀叔梁
紇而以路曾子魚配吳澄宋氏遺臣不耻事胡
名節掃地宜罷從祀禮官議不合遂已嘉靖九
年 今皇帝從輔臣璵議作正孔子祀典說改
大成至聖文宣王爲至聖先師孔子四配爲復
聖顏子宗聖曾子述聖子思子亞聖孟子從祀
及門弟子稱先賢左丘明以下稱先儒去塑像
設木主罷公侯伯諸封爵申黨中根二人存根
去黨寮片何况聖向達融休肅弼預登十三人

罷祀放瑗玄象植虔寧七人祀於其鄉進后若
王通胡瑗歐陽脩從祀又以行人薛侃議進陸
九淵從祀改稱大成殿爲先師廟大成門爲廟
門璵又引敏政說請別立祠祀齊公叔梁紇稱
啓聖公孔氏以無繇點鯉孟孫氏配稱先賢珣
松蔡元定從祀稱先儒撤無繇點鯉從祀從之
今皇帝以改稱先師故皮弁服謁廟用特莫帛
行釋奠禮迎送神各再拜三樂三奏文舞六佾
配從祀賢儒及啓聖祠分奠用酒脯遂幸太學
先是先師稱大成至聖文宣王四配充國復聖

三禮述

卷一

上 陳元三百六十七

公邾國宗聖公沂國述聖公鄒國亞聖公仲哲
左賁公閔損薛公冉雍黎公端木賜衛公仲由
魏公卜商右鄆公冉耕齊公宰子徐公冉求吳
公言偃陳公顓孫師兩廡東金鄉侯潛臺臧明
任城侯原憲汝陽侯南宮适萊蕪侯曾點須昌
侯商瞿平輿侯漆雕開睢陽侯司馬耕平陰侯
有若東阿侯巫馬施陽穀侯顏辛上蔡侯曹邴
枝江侯公孫龍馮翊侯泰商雷澤侯顏高上邳
侯壤駟赤成紀侯石作蜀鉅平侯公夏首膠東
侯后處濟陽侯奚容蒧富陽侯顏祖濬陽侯可

三體述

卷下

三

三

并疆鄧城侯秦祖即墨侯公祖句茲武城侯縣
成汧源侯燕伋宛句侯顏之僕建成侯樂欽堂
邑侯顏何林慮侯狄黑鄆城侯孔忠徐成侯公
西箴臨濮侯施之常華亭侯秦非文登侯申根
濟陰侯顏增泗水侯孔鯉蘭陵伯荀況睢陽侯
穀梁赤萊蕪侯高堂生樂壽伯毛萇彭城伯劉
向中牟伯鄭衆緄氏伯杜子春良鄉伯盧植司
空王肅司徒杜預昌黎伯韓愈豫國公程顥新
安伯邵雍溫國公司馬光建寧伯胡安國華陽
伯張栻將樂伯楊時魏國公許衡西單父侯宓
不齊高密侯公冶長北海侯公晁哀曲阜侯顏
無繇共城侯高柴壽張侯公伯寮益都侯樊須
鉅野侯公西赤千乘侯梁鱣臨沂侯冉孺沐陽
侯伯虔諸城侯冉季漢陽侯漆雕哆高宛侯漆
雕徒父鄒平侯商澤當陽侯任不齊升平侯公
良孺新息侯秦冉梁父侯公肩定聊城侯鄒單
祁鄉侯罕父黑淄川侯申黨厭次侯榮旂南華
侯左人鄆胸山侯鄭國樂平侯原亢牂城侯康
濞博平侯叔仲會高唐侯邽選臨胸侯公西與
如內黃侯選伯玉長山侯林放南頓侯陳亢陽

聖師

平侯琴張博昌侯步叔桑中都伯左丘明臨淄
伯公羊高乘氏伯伏勝考城伯戴聖曲阜伯孔
安國廣川伯董仲舒岐陽伯賈逵扶風伯馬融
高密伯鄭玄任城伯何休偃師伯王弼新野伯
范甯道國公周敦頤洛國公程頤鄆伯張載徽
國公朱熹開封伯呂祖謙崇安伯蔡沉浦城伯
真德秀臨川郡公吳澄

文華殿聖師之祭始於今皇帝奉皇師伏羲氏

成氏軒轅氏帝師陶唐氏有虞氏王師夏禹王

商

宋

四

五

師孔子東西向凡歲春秋開講先期一日皇帝

皮弁服拜跪行釋奠禮用羹酒果脯帛

歷代帝王廟

歷代帝王廟歲仲春秋皇帝遣大臣祭太昊伏

羲氏炎帝神農氏黃帝軒轅氏帝金天氏帝高陽

氏帝高辛氏帝陶唐氏帝有虞氏夏禹王商湯王

周武王漢高祖皇帝漢光武皇帝唐太宗皇帝宋

太祖皇帝分五室室太宰一禮三獻樂七奏舞八

佾從祀名臣風后力牧皋陶夔龍伯夷伯益伊尹

傳說周公旦召公奭太公望召穆公虎方叔張良
如晦李靖郭子儀李晟曹彬潘美韓世忠岳飛張
浚凡三十二人列兩廡廡二壇壇少半一

洪武元年祀三皇用太牢勾芒祝融風后力牧
配四年令天下立三皇廟歲春秋祭已而今祭
於陵是年命官參考歷代聖帝賢王但在中原
安養人民者三十四君合祀之擇名臣從祀六
年禮官言古帝王有父子祖孫一廟合祭非禮
令別立歷代帝王廟同堂異室歲春秋祀三皇

三禮述

卷下

十五

五帝禹湯文王武王漢高祖光武唐高祖宋太祖元世祖其守成賢君令所在有司歲春

秋祭於陵七年塑帝王袞冕坐像 上曰伏羲
神農未有衣裳之制勿加冕服已而郊祀祔祭
諸帝王省春祭歲仲秋遣官祭於廟二十年以
武成王從祀帝王廟去王號罷故廟祀二十一
年禮官擇上歷代名臣始終全節者三十五人
從祀帝王廟 上曰趙普負太祖不忠不可祀
元本華黎安童祖也不可祀孫而去祖可祀本
華黎罷安童祀祀伯顏阿木可勿祀又曰漢陳

平馮異宋潘美皆宜祀未幾 上曰文王雖基
周命終守臣節唐高祖有天下本太宗力也可
勿祀祀於陵增祀隋文帝是年廟火改建於欽
天山之陽去隋文帝于午卯酉年傳制祭陵停
廟祭嘉靖九年罷歷代帝王廟郊從祀禮官請
加南京廟春祭 上不從令建廟京師歲仲春
秋祭南京祭罷十年春廟未成 今皇帝祀之
文華殿廟初成 今皇帝至廟祭是年修謨姚
涇請罷元世祖祀禮官議不可 上從禮官議
二十四年給事中陳鼎又言之乃罷祀元世祖

三禮述

卷下

十六

并罷從祀本華黎等五人

先農

先農 皇帝仲春擇日祭遂行耕耨禮用太牢禮
三獻樂八奏舞八佾 皇帝皮弁服拜跪飲福受
胙更翼善冠黃袍至觀耕臺下耨田秉耒耜三推
三反京尹捧青箱播種而覆之三公五推九卿九
推宴從耕官

洪武元年御史尋造請耕耨田享先農以勸天
下 上從之二年建壇於山川壇西南是春
上祀先農遂耕耨田以后稷配已而奉 仁祖

配八年遣應天尹祭不設配永樂遷都建壇如南京遣順天尹祭 皇帝初卽位行耕藉禮親祀焉 今皇帝令歲仲春上戊遣官祭

先醫

先醫歲仲春冬上甲日遣太醫院官祭用少牢 今皇帝又建三皇廟於太醫院春秋祀焉

先蠶

先蠶氏之祭自 今皇帝始歲春擇日 皇后祭用少牢禮三獻樂六奏去舞公主內外命婦陪祀先期內尚儀奏祭祀 皇后內執事皆致齋蠶官

禮述

卷下

七

令陳祭物樂女生陳樂器至日 皇后乘肩輿出

官至西華門升重翟車女官奉鈎筐前行出郊至壇 皇后易禮服拜跪瘞奠飲福受胙如禮畢 皇后易常服詣采桑臺采桑三公命婦五采列侯九卿命婦九采蠶成內命婦一人行三盆手禮遂布於織婦獻織於蠶官令

高禘

今皇帝始以歲祀高禘設木臺於皇城東永安門北震方壇上 皇天上帝南向 駢犧蒼璧 獻皇帝配西向牛一羊一豕一高禘在壇下西向牛一

羊一豕一禮三獻樂九奏舞八佾 皇帝位壇下北向 后妃位壇南數十丈外北向用帷壇下陳弓矢弓韜如 后妃嬪之數祭畢女官導 后妃嬪至高禘前跪取弓矢授 后妃嬪后妃嬪受而納於弓韜

五祀

五祀 皇帝遣官祭立春司戶宮門外道左西向立夏司竈太庖前中道南向季夏土王用事中雷文樓前西向立秋司門午門外西角樓東向立冬司井太庖井前南向皆遣內臣各少牢一歲春太常少卿合祀於太廟丹墀西東向少牢五

金海

金海祠在大內西苑湧泉亭後歲仲春秋上壬遣太常卿以少牢祭司海水府司舟三神

西海子者古燕京積水潭也源出西山神山一畝馬眼諸泉繞出甕山後匯爲七里瀾東入都城瀕爲積水潭南出玉河入於大通溝渠嘉靖十四年 上諭禮官歲端午朕奉兩宮遊西海子時望祀諸神宜特建祠祀焉

青龍

背龍祠在阜成門外三十里祭弘濟大青龍神靈
顯小青龍神歲仲春秋遣順天府官以少牢祭
洪熙元年二月久旱時不得雨或言盧師山潭
有大小二青龍時時出沒每旱禱輒雨 上令
禱焉雨應時大注 上喜命成國公勇論祭封
神飾祠宇名其山曰翠微

旗幟

旗幟廟在山川壇旗幟藏內府歲仲秋祭山川之
日遣旗手衛官祭於廟霜降日又祭於教場歲暮
享太廟日又祭於承天門外皆用少牢永樂後朔

三禮述

卷一

二十九

禮部

望有神旗之祭專祭火雷之神神機營提督官請
祭於教場曰旗頭大將曰六森大將曰五方旗神
曰主宰戰船正神曰金鼓角鈇鉦之神曰弓弩飛
鎗飛石之神曰陣前陣後神祇五猖等衆皆南向
牛一羊一豕一國有大征討 皇帝武升服禡祭
祭軍牙之神六森之神皆南向建牙旗六森於神
位後祭之日 皇帝省牲視滌牛一羊一豕一禮
三獻奏樂 皇帝飲福受胙望燎刺五雄雞血於
五酒碗酌神焉

功臣廟

功臣廟殿中元祀中山武寧王徐開平忠武王常
岐陽武靖王李寧河武順王鄧東甌襄武王湯默
寧昭靖王沐羊二豕二配享十五人東序西向都
指揮使馮國用鄧國公僉都督耿再成泗國武莊
公僉都督丁德興濟國公都督同知張德勝蔡國
忠毅公靖海侯吳禎海國襄毅公平章康茂才靳
國武義公副使茅成東海郡公西岸東向叅政胡
大海越國武莊公都督同知趙德勝梁國公廣德
侯華高巢國武莊公都督同知俞通海號國忠烈
公江陰侯吳良江國襄烈公宣寧侯曹良臣安國
忠烈公安陸侯吳復黔國威毅公副使孫興祖燕
山忠愍侯羊二豕二兩廡各設牌一書故功臣都
督指揮千百戶衛所鎮撫羊十豕十四孟歲暮遣
勳戚大臣祭大功坊又有中山王家廟歲遣太常
五祭用少牢

三禮述

卷一

二十九

禮部

洪武二年正月立功臣廟於雞鳴山六月廟成
上諭功列祀二十一人令死者塑像生者虛位
時大海國用趙德勝再成德興通海張德勝成
八人已卒轉神十蔣諸廟至是塑像移祀廟中
十三人虛位元祀書贈王諡姓從祀書官書贈

謚姓名梁國公不書謚三年增戰歿功臣五年增百二十四人七年令都督祭堂上都指揮以下兩廳永樂三年上諭禮部中山王勳德國朝第一當百世不忘自今正旦清明中元十月朔冬至皆遣祭於家廟

十廟

十廟在京師 皇帝遣官各以時祭季春秋真武季春原岳仲夏都城隍漢前將軍漢壽亭侯仲春秋榮國姚恭靖公廣孝正旦長至聖旦靈濟宮皆太常仲春秋京師太倉戶部司馬馬祖先教太僕三禮述 卷一 三十一 音於陽陽

宋文丞相元世祖陵皆順天府東岳都城隍太宰六廟少牢真武靈濟宮素羞靈濟宮者金闕玉關真君及神父母二仙妃也先是遣內閣禮部內官嘉靖中改太常朔望皆祭之真武亦如之元世祖祭嘉靖中罷姚公初侑享 成祖嘉靖中撤廟祀移祀大典隆寺

南京十四廟

南京十四廟季春秋北極真武孟春天妃季春寶誌禪師仲秋都城隍仲春祠山廣惠張王勳孟夏季秋五顯靈官北太常祭仲春秋京都太倉戶部

司馬馬祖先牧太僕四孟歲除漢祿陵尉蔣忠烈王子文漢前將軍漢壽亭侯關王晉成陽王忠貞公壹宋濟陽曹武惠王彬南唐唐劉忠肅公仁騰元衛國忠肅公福壽皆應天府將廟又有孟夏之祭關廟又有仲夏太常之祭諸廟皆少牢真武寶誌素羞祀並稱 皇帝遣官云

開廟初稱漢前將軍壽亭侯嘉靖十年南太常卿黃芳奏改稱漢前將軍漢壽亭侯

府州縣 節武衛

府州縣近郊三壇南神祇壇歲仲春秋祀雲雨風雷之神境內山川之神城隍之神各少牢在省城者布政司官祭府不別祭縣附府者亦如之西社稷壇歲仲春秋上戊祀司社之神司稷之神各少牢北厲壇歲上元清明孟冬朔日祭無祀鬼神羊三豕三飯米三石各宦鄉賢二祠附先師廟或別祠歲仲春秋祭用少牢岳鎮海瀆在境內者歲仲春秋別祭之用少牢古帝王陵寢忠臣烈士及吏有功德於民者各以時祭牧馬者祀馬神市鄉百姓又有鄉社鄉屬之祭若諸小鬼神祠有靈異者百姓各以其鄉俗祭禱官不禁也都司衛所凡守

唐高祖有營建廟之祭用少牢古帝王陵陳
州有伏羲氏商高宗武王漢光武鄭州周世宗肇
宋太祖太宗真宗仁宗郭神農氏寧遠帝帝延安
軒轅氏西安周文王武王成王康王漢高祖景帝
咸寧漢文帝與平漢武帝長安漢宣帝富平後魏
文帝扶風隋高祖三原唐高祖禮泉唐太宗蒲城
唐憲宗涇陽唐宣宗滑高陽氏高辛氏內黃商中
宗順天元世祖東平堯帝曲阜少昊氏趙城媯皇
氏滎河商湯王會稽夏禹王宋孝宗凡三十六陵
子午卯酉年傳制遣道士齎香帛至陵令所在長
吏祭嘉靖又有武功姜嫄后稷之祠慶都堯母之
祠五岳者岱華嵩衡恒山也廟在太安華陰河南
衡州真定五鎮廟東沂山在沂州西吳山隴州中
霍山平陽南會稽紹興北醫閭遼東四海神廟在
萊州蒲州廣州懷慶四瀆廟江在成都河蒲州充
州淮彰德濟河南衛輝又有濟源廟諸山川湖潭
泉澤龍湫岡陵凡有祠者各以時祀之忠臣烈士
吏有功德於民之祠通州有開平忠武王及燕山
侯孫興祖山海關中山武寧王張都督世忠世忠
又祀太原南京渤泥恭順王蘇州兩尚書廟祀夏

忠靖公周文襄公太平忠臣廟祀樞密院判花雲
王鼎及知府許瑗淮安平江陳恭襄公濟寧尚書
宋公平陽薛文清公海州廣寧伯劉公又有都督
衛公永康侯徐公甘州伏羌伯毛公榆林余肅敏
公太原二忠祠丁璋周宇二將軍杭州鄒魯事徐
贊善于肅愍公金華胡武莊公配該察副使陶公
青田誠意伯劉文成公海鹽按察使楊公南昌忠
臣廟平章趙德勝樞密判官李繼先左副指揮使
劉齊統軍元帥許珪右副元帥趙繼昭同知元帥
朱潛元帥副使牛海龍千戶王興宗徒山百戶
蔡瑛臨海同知趙天麟二十四人二忠祠孫忠
公許忠節公虞慶忠節祠宋六臣及劉忠愍公李
忠文公廣信義救夜祠附祀永豐知縣鄧顯儒州
忠臣廟樞密同知丁普郎張志雄等三十五人實
慶泰政賀興隆侯官麻判康靖王上杭巡按御史
伍璽福建都指揮丁泉廣州僉都御史楊公配按
察副使毛公南海忠義祠南海民關敏慶遠葉飛
議祠府同知葉禎父子雲南二忠祠王忠文公吳
忠節公監軍王廟昭靖王配其子定遠王貴州鎮

俗名諸先朝祠祀至於今存者多不錄也

洪武元年令郡縣訪求應祀神祇名山大川聖
帝明王忠臣烈士凡有功於國惠愛及民者奏
著祀典二年令有司祠祀典神祇其不在祀典
而嘗有功德於民者即不祭存其祠宇三年訪
求帝王陵寢四年遣使致祭諸陵始罷天下祀
三皇六年定十二省山川罷省祭京師合祭及
四夷山川各城隍春三月三日秋九月九日祭
七年定府州縣社稷祭正配皆少牢已而罷配
嶽鎮海瀆亦如之歲仲春秋擇上旬日祭九年

三禮述

卷一

三

三

今外百司祭祀三獻以品級序是年遣官行視
帝王陵九年禁樵牧設守陵戶陵二人三歲
傳制遣道士奉香詣諸陵令有司致祭二皇帝
即位遣官祭告十一年令外百司祀小祀用牲
醴中祀加帛十四年令祭山川諸神文職長吏
行事武官不得預軍民指揮使司自祭之二十
九年令陪祭未入流官用祭服宣德八年令外
諸吏上官合祀應祀神祇於城隍廟用少牢令
守禦官解後立旗纛廟驚蟄霜降日以少牢祭
軍牙六靈神武服行事出師祭而行班師歸於

廟已而有驚蟄之祭清明中元孟冬朔日祭無
祀鬼神設壇城北府州曰郡屬縣邑屬鄉村間
百戶內立一壇祀五土五穀神歲一戶爲會首
春秋二社率錢備少牢祭祭畢行會飲禮會中
一人讀抑強扶弱之誓又立一壇祭無祀鬼神
歲亦三祭祭用牲酒會飲讀誓如祭社 國朝
品官廟制未定乃倣朱子祠堂之制奉高曾祖
禰四世主以四仲月祭又有臘日懸忌之祭與
歲時俗節薦享庶人得祀祖父母父母
皇明三禮述卷下 子履平校孫心材重校

三禮述

卷一

三

三

| | | | | | | | | | | | | | | | | | | | | | | |
|-------|------|------|----|-----|------|-----|------|-------|------|------|------|------|------|----|------|------|--|--|--|--|--|--|
| | | | | | | | | | | | | | | | | | | | | | | |
| | | | | | | | | | | | | | | | | | | | | | | |
| 太子少師 | 太子少傅 | 太子少保 | 尚書 | 都御史 | 都督僉事 | 正留守 | 都指揮使 | 都指揮僉事 | 真人 | 太子太師 | 太子太傅 | 太子太保 | 都督同知 | | | | | | | | | |
| 正二 | | | | | | | | | | 從一 | | | | | | | | | | | | |
| 初授 | 資授 | 陞授 | 資授 | 加授 | 資授 | 初授 | 驍騎校 | 將軍 | 金吾校尉 | 加授 | 將軍 | 將軍 | 將軍 | 初授 | 榮祿大夫 | 榮祿大夫 | | | | | | |
| 落卿 | | | | | | | | | | 柱國 | | | | | | | | | | | | |
| 一石 | | | | | | | | | | 七十 | | | | | | | | | | | | |
| 勳人公真聖 | | | | | | | | | | 四石 | | | | | | | | | | | | |

| | | | | | | | | | | | | | | | | | | | | | |
|------|------|------|------|-----|------|----|------|-----|------|-------|-----|----|----|----|-----|-----|-----|-----|-----|--|--|
| | | | | | | | | | | | | | | | | | | | | | |
| | | | | | | | | | | | | | | | | | | | | | |
| 太子賓客 | 侍郎 | 副都御史 | 通政使 | 大理卿 | 太常卿 | 詹事 | 府尹 | 按察使 | 副留守 | 都指揮僉事 | 指揮使 | | | | | | | | | | |
| 正三 | | | | | | | | | | 從二 | | | | | | | | | | | |
| 初授 | 嘉議大夫 | 陞授 | 通議大夫 | 加授 | 正議大夫 | 初授 | 昭勇校尉 | 將軍 | 昭毅校尉 | 將軍 | 將軍 | 將軍 | 將軍 | 初授 | 大正奉 | 大正奉 | 大正奉 | 大正奉 | 大正奉 | | |
| 資軍 | | | | | | | | | | 護軍 | | | | | | | | | | | |
| 三計 | | | | | | | | | | 四十 | | | | | | | | | | | |
| 五石 | | | | | | | | | | 八石 | | | | | | | | | | | |
| 都尉 | | | | | | | | | | 正治卿 | | | | | | | | | | | |

| | | | | | | | | |
|------|------|------|-------|------|-------|--------|-------|-------|
| 光祿卿 | 太僕卿 | 行太僕卿 | 苑馬卿 | 叅政 | 都轉運鹽使 | 寧哥指揮同知 | 衛指揮同知 | 宣慰使 |
| 從三 | | | | | | | | |
| 初授 | 亞中授 | 陞大授 | 中授 | 加授 | 大夫 | 初授 | 懷遠軍授 | 定遠軍授 |
| 將安速 | 將軍 | 將軍 | 將軍 | 將軍 | 將軍 | 將軍 | 將軍 | 將軍 |
| 資治 | 少尹 | 輕騎 | 都尉 | 無官 | 此敘 | 雙筆 | 上騎 | 都尉 |
| 二十 | 六石 | | | | | 四石 | 正四 | |
| 食都御史 | 大理少卿 | 太常少卿 | 太僕少卿 | 少詹事 | 鴻臚卿 | 京府丞 | 按察副使 | 行太僕少卿 |
| 苑馬少卿 | 苑馬少卿 | 知府 | 衛指揮僉事 | 宣慰同知 | | | | |

| | | | | |
|------|-------|-------|-------|-------|
| 國子祭酒 | 布政司參議 | 鹽運司同知 | 宣慰司副使 | 宣撫司宣撫 |
| 初授 | 大夫 | 初授 | 宣慰司副使 | 宣撫司宣撫 |
| 贊治 | 少尹 | 中騎 | 都尉 | 都尉 |
| 二十 | 二十 | 二十 | 二十 | 二十 |

| | | | | | | | | |
|---------|---------|---------|----------|-----------|--------|---------|--------|---------|
| 傳導侍讀士德 | 洗馬尚寶賜臚少 | 卿員外郎玉屏 | 經歷知州鹽運 | 司副使鹽課提舉從五 | 衛鎮撫副千戶 | 儀衛副招討司招 | 討宜撫司副使 | 安撫司安撫 |
| 初授奉訓協正 | 大夫 | 陸授 | 奉直庶尹 | 初授大夫 | 武畧 | 將軍 | 陸授飛驒尉 | 武毅將軍 |
| 十 | | | | | | | | |
| 大禮寺正僧事丞 | 中允持諱清源司 | 華太儒寺丞尚實 | 前慈太儀寺行次僕 | 寺丞主事大醫院 | 都察院經歷京 | 府通判上林 | 欽天監副 | 五言正兵馬指揮 |
| 初授承直 | 陸授 | 承德 | 郎 | 初授 | 陸授 | 承信 | 陸授 | 校尉 |
| 十石 | | | | | | | | |

| | | | | | | | | | | |
|--------|---------|--------|--------|---------|--------|----------|---------|---------|---------|-----|
| 贊善 司直郎 | 修撰 光祿寺丞 | 署正 鴻臚寺 | 丞 大理寺副 | 京府推官 布政 | 司經歷 理問 | 鹽運司判官 州 | 同知 鹽課司提 | 舉 市舶河渠副 | 提舉 安撫副使 | 百官表 |
| 儒初 | 授承 | 務郎 | 陞授 | 郎 | 儒林 | 吏宣 | 德郎 | 儒初 | 授承 | 事郎 |
| 七石 | 五斗 | 義郎 | 吏宣 | 正七 | 京府推官 | 知縣 按察司經歷 | 府推官 | 京府推官 | 府推官 | 府推官 |

宗人府洪武三年置大宗正院正一品二十二年改爲宗人府以秦王爲宗人令晉王燕王左右宗正周王楚王左右宗人已而勲戚大臣攝府事不備官

宗人府宗人令一人左右宗正各一人左右宗人各一人吏三人其屬經歷司經歷一人宗人令掌皇九族六親之屬籍以時修其玉牒書宗室子女適庶名封生卒婚嫁謚葬凡宗室陳請

爲聞上達材能錄罪過左右宗正宗人爲之貳經歷典出納文移

三公府正一品府罷而李善長徐達以丞相兼太師太傅常遇春以上公贈太保三孤無兼領者文皇帝罷公孤官 仁宗復設

太師太傅太保曰三公少師少傅少保曰三孤侍上左右備顧問咨機務無定員無專授爲勲戚文武大臣兼官加官贈官文官惟贈得三公嘉靖初楊廷和一品十二年加太傅爵不受

中書省正一品初設左右相因洪武元年改左右

丞相各一人左右丞各一人參知政事二人總領衆職分錢糧禮儀刑名營造四部其屬左右司郎中各一人員外郎各一人都事各一人中書舍人二十人是年始置吏戶禮兵刑工六部正三品設尚書侍郎郎中員外郎主事統於中書省以滕毅楊士義錢用壬陳寬周顒單安仁爲六部尚書入見奉天殿諭曰朕肇基江左軍務方殷官制未備今以卿等分任六部國家之事總之中書分理六部至爲要職凡諸政務宜竭心爲朕經理或有乖繆惠及天下不可不慎五年定六部職掌歲終考

績以行黜陟九年增戶部爲五科刑部四科工部四科設尚書一人侍郎一人郎中二人員外郎二人主事五人十一年禁六部奏事不得關白中書省十三年誅右丞相胡惟庸詔罷中書省存中書舍人

直文淵閣卽所謂入內閣辦事也先是洪武十五年冬始放宋制置殿閣學士吏部尚書邵質華蓋殿翰林學士宋訥文淵閣檢討吳伯宗武英殿典籍吳沅東閣並爲大學士是年召耆儒鮑恂張長年俞詮至命爲文華殿大學士三人辭不就是時

侍左右侍僊問未興機務建文四年七月成
祖嘗用翰林待詔解縉編修黃淮尋又用修撰胡
靖編修楊榮楊士奇檢討胡儼金幼孜七人入內
閣名直文淵閣預機務永樂五年十一月上諭
吏部廣等侍朕日久繼今考滿勿改外任廣即靖
也仁宗又設謹身殿大學士於是大學士有華
蓋謹身武英三殿及文淵東閣皆在內閣日辦事
避丞相名若東閣文淵閣大學士不得肯入內閣
亦不得預機務也嘉靖壬戌九月新建三殿成詔
改奉天殿爲皇極殿華蓋殿爲中極殿謹身殿爲
下學堂

宋上

三

三

建極殿始有建極殿大學士

直文淵閣翰林院檢討編修修撰侍講侍讀講讀
學士學士詹事府左右春坊司經局官官不得過
五品或九卿正亞兼翰林學士東閣文淵閣武英
謹身華蓋殿大學士已而加官至領東官公孤帝
三孤者或止一二人多或至六七人宣德初張瑄
陳山始以侍郎入內閣未幾以千請請司出瑄爲
南京禮部尚書山教小內使書景泰中王文始以
官保尚書入內閣西東楊最久皆不得領吏部尚
書領吏部尚書亦自文始其屬制勅房誥勅房皆

以中書舍人諸司寺或卿貳充之官至太常卿止
卽有年勞加俸不得帶九卿堂上執政官嘉靖中
張電始以白衣善書歷陞侍郎

直文淵閣入內閣預機務出納帝命奉陳規誨獻
告謨獻點檢題奏擬議批答以備顧問平庶政不
得專制九卿事九卿奏事亦不得相關白凡上所
下一日詔二日詔三日詔四日初五日冊文六日
諭七日書八日符九日令十日檄皆審署申覆而
調劑焉平允乃行之凡下所上一日題二日奏啓
三日表箋四日講章五日書狀六日文冊七日揭
帖八日制對九日露布十日譯皆審署申覆而修
畫焉平允乃行之凡經筵知經筵事或同知看定
其講章日講亦如之凡東宮出閣講讀領其事
叙其官而授之職業凡修實錄史志諸書充總裁
官實錄成呈上焚其草禁中凡宗室請名請封及
諸臣請謚並擬上焉凡圖書繕寫讎校皆課而察
之凡郊祀巡狩親行扈行凡累朝御文實錄實訓
玉牒之副古今書皆籍而藏之凡會勅稽其由狀
而叙述上請焉凡禮部會試廷試貢士國子生月
課歲貢生廷試吏館譯生皆總領之制勅房書辦

制勅詔旨詰命冊表寶文玉牒講章碑額題奏揭帖凡應機密文書及王府勅符底簿詰勅房書辦文官誥勅番譯勅書并夷書揭帖紀功勘合皆稽按典故起草進畫若漏洩稽緩遺失妄誤皆有罰六部初屬中書省洪武十三年罷中書省陞六部正二品設官一百五人分領中書之政二十三年遷戶部尚書楊靖刑部兵部尚書沈潛工部刑部尚書趙勉戶部工部尚書秦達兵部若令自今官三年皆遷調未幾滑復兵部遠復工部二十八年上坐奉天門勅文武羣臣自古三公論道六卿分職自秦始置丞相而亡漢唐宋因之雖有賢相然多小人專權亂政我朝罷相設五府六部都察院通政司大理寺分理天下庶務彼此頡頏不敢相壓事皆朝廷總之所以穩當以後嗣君並不許立丞相臣下敢有奏請設立者文武羣臣即時劾奏處以重刑建文陞六部尚書正一品設侍中一人位侍郎上成祖復正二品華侍中永樂元年正月以北平爲北京二月置北京行部尚書二人侍郎四人其屬六曹清吏司吏部兵工曹郎中員外郎主事各一人戶刑禮各二人以戶部尚書掌北

平右政司事郭資刑部尚書掌保定府事鍾僉爲北京行部尚書既遷都罷北京行部及六曹清吏司分置行在六部十八年定都除行在字在應天者加南京字洪熙元年復稱行在正統六年復除行在字諸司亦如之初六部之屬吏部曰選司封司勲考功四部改文選驗封稽勲考功洪武二十九年并五部屬皆稱清吏司建文去清吏字靖難後復故戶部曰民度支金倉四部二十三年改十二部浙江江西湖廣陝西廣東山東福建北平河南山西四川廣西量其繁簡兼領京畿而以雲南隸陝西建文改民度支金帛倉使四司靖難後復故永樂元年改北平司爲北京司十九年華北京司增雲南貴州交趾三司宣德十年革交趾司禮部曰儀祠膳主客四部改儀制祠祭精膳主客兵部曰司馬職方駕庫四部改武選車駕武庫職方刑部曰憲比司門都官四部洪武二十三年改十二部如戶部建文爲詳憲比議職門都官四司靖難後復故北平雲南貴州交趾改置如戶部工部曰營虞水屯四部改營繕虞衡都水屯田又改將作司爲營繕所隸工部

吏部尚書一人左右侍郎各一人其屬司務二人
文選驗封稽勲考功四清吏司文選郎中一人員
外郎一人主事二人驗封郎中一人員外郎一人
主事一人稽勲郎中一人員外郎一人主事二人
考功郎中一人員外郎一人主事二人吏四十五
人監生六十七人

尚書掌官吏選授勲封考課之政令侍郎爲之貳
凡制命敷奏率其屬奉其職以贊 天千倡百司

康兆民司務省署抄目受發文移五日一奏上三
月引監生勘奏登選諸司務皆如之文選掌官吏

了了之
選陞改調之事以贊尚書凡官二萬四千六百八

十三人京師一千四百十六人南京五百五十八

人外二萬二千七百九人凡選歲引選六類選亦

如之遠方選二朝覲之歲揀選一歲貢選教職者

無常期選庶吉士會翰林院禮部御史會都察院

凡陞必滿考不能久任不待考滿曰推陞類推上

一人取旨單推上二人三品以上九卿及詹都御

史祭酒廷推上二人或三人內閣吏部尚書勅推

上二人或三四人皆請旨以署職試職實授莫年

資以裁革并省兼攝添設註選量繁簡以薦舉起

記

宋上

八

記

始無遺役名姓更復必登版考功掌官史考
諒黜陟之事以贊尚書凡內外官給由三年初考
六年再考並引請九年通考奉請綜其稱職平常
不稱職而黜陟之陟無過二等大臣不註考倉場
庫官一年考巡檢三年考教官及流外冗官九年
考覈其功過而黜陟之陟無過一等惟舉人教官
得引選試陞陞無等遠省府同知下三六年省考
九年部考京官五品下已亥年考察之職者除名
調降致仕有差四品上自陳去留聽上外官辰戌
丑未年考察不職者亦如之內外官有劾章下品
百官送 宋一 三十三
其良不肖擬去留請大臣自陳下亦如之王官長
史審理紀善考察如京官南京庶官初考引復再
考南京吏部類報大臣再考亦引請外官九年僅
一考即稱陞減一等吏二考覈冊移驗封承差覈
冊移文選吏三考及知印考第其資格引選凡乞
致仕者不限年聽京官七十外官六十五致仕大
臣奏聽上文官請葬祭贈諡廕者按其滿考被劾
與否報所司必傳公議以聞劇量殿最以旌異廉
政績以資舉按道巡以察留達民情以紀錄懲儆
過以論八 給能隨官史

戶部尚書一人左右侍郎各一人提督倉場侍郎
尚書一人其屬司務二人浙江江西湖廣陝西
廣東山東福建河南山西四川廣西貴州雲南十
三清吏司各郎中一人員外郎一人主事一人添
設浙江湖廣廣東福建河南四川廣西貴州司各
主事三人山東司郎中一人主事三人陝西司郎
中二人主事三人山西司郎中三人主事四人雲
南司主事四人照磨所照磨一人檢校一人監生
六十三人吏百七十八人所屬衙門寶鈔提舉司
提舉一人副提舉一人典史一人抄紙局廣積庫
承運庫廣盈庫太倉銀庫各大使一人節慎庫印
鈔局寶盈局御馬倉張家灣檢校批驗所各大使
一人副使一人寶鈔庫廣惠庫贓罰庫各大使一人
副使二人甲乙丙丁戊字庫大使五人副使六人
吏四十八人外承運庫行用庫軍儲倉大使一人
副使一人
尚書掌戶口田賦貢役經費之政令侍郎爲之貳
凡制命數奏率其屬奉其職業以贊天子倡百
司康兆民照磨檢校典磨勘俸糧同其計算十三
司各掌其分省及兼領京師直隸之事以贊尚書

爲四科曰民曰度支曰金曰倉類理之以周知
其地理古今沿革山川險易肥瘠寬狹民生勞力
多寡登耗之數凡賦役稽版籍一歲會實徵十歲
攢黃冊冊有丁有田丁有役田有租田曰官田曰
民田凡二等租曰夏稅曰秋糧凡二等丁曰成丁
曰未成丁凡二等役曰甲役曰徭役曰雜役凡三
等皆有力役有催役計其丁田爲差凡鹽存積十
二常股十八召商輸芻粟佐邊十八次支十二見
支商毋銀輸竈毋銀賦私鹽毋速盜公鹽毋歸家
有力者凡頒祿俸糧廩兼本折色本色毋過十六
折色毋過十五凡漕運曰支光曰改光支光十八
改光十二凡貯粟曰京倉曰通倉京倉十八通倉
十二凡藏銀曰內帑曰太倉內帑十二太倉十八
其沒貨也太倉十一內帑十九凡蠲征曰恩蠲曰
災蠲恩蠲十一災蠲十九凡兵農曰屯田曰營田
屯田十八營田十二凡賑濟曰出帑曰發倉出帑
十一發倉十九凡邊儲曰田賦曰鹽賦田賦十六
鹽賦十四主兵常支客兵乍支其歲也曰糴熟謂
也曰預借曰空運邊有行郎中曰邊郎掌出納邊
儲五歲勅科道各一人縣科乾沒以墾荒業貧民

以占籍附流民以時寄細民以馴野馭羈縻之
民以圖懷抑兼并之民以折銀劑米值以平米均
田耗以布帛歛庸調以桑粟課農官以芻地給馬
牧以里老攝鄉社以律誥嚴訓防以給除差優復
以珍異儲上供以鈔錠節恩賞以限田裁異端以
賜田懷降虜以封閉密砂磧以金穀累贓罰以謀
程攔雜物以關權市船材以引由嚴茶政以權量
和市易以時估約均輸凡獻產漏產詭產朋戶析
戶逃戶必罰毋亂宗類毋淆良賤毋遊手食毋賤
鈔毋遇錢諸王大臣毋得請常課乞閒田提舉倉
庫大副使各程其出納簿錄其行績聽戶部
禮部尚書一人左右侍郎各一人其屬司務二人
儀制祠祭主客精膳四清吏司各郎中一人員外
郎一人主事二人提督四夷館主客主事一人監
生六十一人吏四十八人所屬衙門鑄印局大使
一人副使二人教坊司奉樂一人左右韶舞各一
人左右司象各一人
尚書掌禮樂貢舉封建朝吉祭祀宴饗術藝道佛
之政令侍郎爲之貳凡制令敷奏率其屬奉其職
以贊天子倡百司康民儀制掌禮文宗封

皇太后妃嬪上 慈宮徽號皆擬上其儀以令
於諸司歲元旦長至萬壽聖節大朝賀之禮三月
朔望殿朝之禮二日早午晚門朝之禮三凡經筵
日講御文華殿 皇帝初卽位請耕藉田視太學
釋奠拜先師 皇帝諭百官曰詔曰勅曰誥
曰書 太皇太后 皇太后曰諭百官陳事於
皇帝曰表曰奏曰題 太皇太后 皇太后亦如
之於 皇太子曰箋曰啓 皇后亦如之 皇帝
批答曰聖旨 皇太子曰令旨 太皇太后 皇
太后皇后曰懿旨 東宮出閣監國節令百官朝
賀禮下 天子諸王讀書禮下 東宮 皇后令
節受冊外命婦朝賀 皇太后 太皇太后亦如
之凡歲一封宗室王郡王將軍中尉妃主君各以
其親疎爲等百官於宗王稱官而名不得稱臣王
官各稱臣於其王凡監學條其規約而時申之司
府州縣衛學皆有歲貢貢以次于午卯酉歲畿省
試生儒易詩書春秋禮記人占一經中式曰舉人
名有額辰戌丑未歲會試天下舉人額上請中式
者請 上策試場進士及第出身有差請司相移

文上下曰照會曰劄付曰故牒曰帖下上曰咨呈
曰牒呈曰呈曰申啟曰咨曰關曰牒皆以印識通
上下防奸偽凡印文四等文淵閣玉箸篆將軍掛
印柳葉篆一品至九品九疊篆賜關防若未入流
條記亦如之監察御史八疊篆吏王印三等曰金
曰銀金銀曰銀凡宴禮三曰大宴曰中宴曰小宴
郊宴最大凡射禮二曰大射曰宴射皆酌古禮而
殺其儀節凡冠婚 天子至於庶人參諸三禮而
登殺其儀凡官民公私服舍皆有式無相踰僭凡
巡狩親征班師策勲行賞第其禮儀移有司凡祥
瑞辨其物名類奏大瑞特奏無請封禪以卿飲酒
禮讀律誥訓禮讓以養老尊高年以卹貧周仁政
以旌表章勸勵以建言議利病以連坐謫戍禁自
官祠祭章祭享獻薦天文園邱廟諱街藝道佛之
事以贊尚書凡祭有三曰天神曰地祇曰人鬼辨
其大祀中祀小祀而敬供之飭其壇廟陵寢數省
閱之蠲其牢醴玉帛柔羹水陸瘞燎之品第其配
侑從食功德上下凡王國司府衛所州縣祀典神
祇禮諸令甲檄有司以時謹其祀事品官庶人家
祭亦如之督日官欽若昊天而曆象之算大統曆

御覽曆子遁曆御覽天象錄七政經度曆同回七
政經緯度曆占日月交食月五星凌犯日月旁雲
氣品調壺漏有變密奏上日月食預移內外諸司
救之凡天下大災異即聞次類聞並乞修省凡喪
服五曰斬衰曰齊衰曰大功曰小功曰緦麻辨其
同姓九族異姓母族妻族親疎之等而爲三年期
九月五月三月之等凡國有喪若品官庶人喪皆
傳古喪禮損益行之凡謚 皇帝十七字 皇后
十三字 皇妃 東宮東宮妃二字親王一字郡
王二字勳戚文武大臣請葬祭贈謚移諸司覈行

百官述

卷一

一五

陳南三百八十二

能請上葬祭有差謚皆二字官品未高而侍從有
勞勤事死義夷王若使得特賜凡 先帝后愍忌
祀於陵輟朝不廢務凡藝術天文地理醫藥卜筮
師巫音樂並籍其人毋以術越境興妖妄藏識圖
玄象凡僧道咸設官領之三年一度度必通經母
貨度以周知冊檢其偽冒而嚴其禁令凡樂曰中
和部樂曰堂下樂曰丹陛樂曰侑食樂曰大樂其
雅樂備八音五聲十二律九奏萬舞之節俗樂有
百戲承應隊舞承應謳歌承應祭祀用雅樂太常
領之宴饗朝會兼用俗樂領於伶人奉鑒詔舞俳

長色長歌工樂工舞人各專其業而籍用之 慈
官 中官女樂奉鑒諸官妻五人提調主客掌華
夷朝貢往來宴賜之事以贊尚書凡蕃夷辨其五
年三年二年比年年再至之貢及其貢物貢途貢
使豐約遙徑多寡之數王若使至賓待之差其迎
送宴勞賞賚廬室幕帳食料之等請嗣王封者使
二人領冊於其國諸大酋榮有保塞功授冊印封
之以信符徵勘合以金勅諭差發以通事譯奏情
以開市平交易以計折收番貨以刑典禁交通凡
賜均賞特賞皆有差凡域中歲徵其方物有常精

百官述

卷一

一六

陳南三百八十二

膳掌宴饗牲豆酒膳之事以贊尚書凡膳羞珍品
酒醴光祿領之會其數程其出納凡筵宴視其品
秩凡三等凡蕃夷土官辨其下程之等曰常例曰
欽賜若宴次食料多寡各有差凡皇邸若在途及
其使人欽賜厨料亦如之凡厨役僉諸民久次銓
王府典膳凡歲藏冰出水移所司謹潔之
兵部尚書一人左右侍郎各一人其屬司務二人
武選軍駕職方武庫四清吏司各郎中一人員外
郎一人主事一人添設武選郎中一人主事四人
車駕郎中一人主事二人職方郎中一人主事四

人武庫主事二人守山海關職方主事一人監生三百二十五人吏一百六十七人所屬衙門京衛武學教授一人訓導六人會同館大使一人副使一人大勝關大使一人副使一人

尚書掌武衛官軍選授簡練鎮戍廐牧傳郵輿車之政令侍郎爲之貳凡制命敷奏率其屬奉其職業以贊天子倡百司康兆民武選掌武官選陞襲替功賞之事以贊尚書凡世武官九等曰指揮使同知僉事正副千戶衛鎮撫實授試百戶所鎮撫凡流官都督三等都指揮三等不得世即有世

下官送

宋二

二

陳南三十八十

者出特恩凡歲六選官二等曰舊官曰新官皆有流有世世曰襲職曰替職其幼也曰優給不得世者曰減革曰通革非真授者曰試職曰署職曰納職凡首功四等曰北虜曰遼東女直曰西番苗蠻曰內地反賊凡戰功二等曰奇功曰頭功凡賞三等曰加賞曰給賞曰量賞凡推陞勳臣若武舉薦舉會舉二人上請凡土官六等曰宣慰宣撫招討安撫長官千夫長其子弟族屬若妻婿女甥皆得從其俗凡夷官自都督至於鎮撫凡十四等皆以詩勅辨冒僞凡傳陞乞陞非軍功陞者得執奏以

考選比試併鎗達材而程力以部功課將領以通降練卒徒以貼黃正圖狀以初績徵誥勅以褒卹勵死戰以優養恩故絕以引類登選簿以殺降失陷避敵激叛肅軍機以典刑敗倫行劫退陣斷世祿以寄祿馭恩倖以覈訊糾捕緝車駕掌輿輦車乘衛守廐牧傳郵之事以贊尚書凡大朝賀大禮儀陳鹵簿大駕常朝設丹陛駕有差皆辨其物數而序次之凡侍衛陞殿全直常朝番直凡守衛親軍衛畫前左右後四行日夜巡警之皆有團伍定其籍之多寡而第其番之上下凡衛直有勲戚武

百官送

宋一

六

陳南三十八十

官勲衛散騎舍人將軍力士校尉凡馬政三曰民牧曰衛牧曰京府寄牧凡牧官兩京太僕寺山西陝西甘肅行太僕寺遼東陝西苑馬寺受其籍帳而時程督其登耗闡遞之數以營牧節芻秣以印俵防欺冒以色齒覈抵謾以糧馬征南夷以茶馬通西番以市馬廐東虜皆以足軍實京營邊鎮母乏馬凡傳郵二曰驛曰遞運所在京師曰會同館皆以符驗關券行之凡黃馬快船以練水軍致貢獻凡東宮儀仗侍衛慈宮中宮鹵簿皆籍其數有差職方掌地圖軍制城隍鎮戍簡練征討

浙江江西湖廣陝西廣東山東福建河南山西四川廣西貴州雲南十三清吏司各郎中一人員外郎一人主事二人添設司主事一人漕運理刑主事一人照磨所照磨一人檢校一人司獄司司獄六人監生八十四人吏一百八十四人

尚書掌刑名徒隸勾覆關禁之政令侍郎爲之貳凡制命敷奏率其屬奉其職業以贊天子倡百司康兆民照磨檢校照制文卷計錄贓贖司獄守獄十三司各掌其分省及兼領京府直隸之事以贊尚書凡宗室勲戚官吏軍民蠻夷麗於法者詰

了了

卷二

三十一

三十一

其詞察其情僞而蔽其罪之重輕必傳律例律凡六百有六條例凡三百七十有六條例例所不及者比而議請焉凡象刑之名五曰笞曰杖曰徒曰流曰死死二等流三等徒杖笞並五等死刑最重者凌遲徒流之重者曰遷徙曰充軍凡惡惡之戮十曰謀反曰謀大逆曰謀叛曰惡逆曰不道曰大不敬曰不孝曰不睦曰不義曰內亂凡原有之議八曰親曰故曰功曰賢曰能曰勤曰貴曰賓凡貪墨之賊六曰監守盜曰常人盜曰竊盜曰枉法曰不枉法曰坐贓凡獄具七曰笞曰杖曰訊曰枷曰

杻曰索曰錄凡兩畿十三省死刑歲獻平之奏上凡詔獄必傳律例請上裁凡應減者下就輕二死三流一減加者上就重重不得至死凡律例外有殊旨別勅詔例榜例非經議請著令者不得引比凡死刑即決及秋決並三覆奏莅戮於市凡贖罪有力者視罪輕重爲差斬絞雜犯亦贖從末減者收贖凡簿錄俘囚配沒給賜官私奴婢必籍知之凡籍產不得及其先墳坐凡贓罰諸物本直時估參計之易銀歲抄類入內府凡徒杖笞者有大誥減一等凡獄成移大理寺讞而評焉囚服乃已否

百官述

卷二

三十一

三十一

駁再問有照駁參駁追駁番異圖審及請制決者必服乃已凡訴寃者外而內皆自上下急擊登聞鼓凡重囚京師歲霜降會五府九卿科道慮之上請情真者決於疑者戍邊有詞者調司再問比律者監候五歲請勅遣官出京府兩畿十三省審錄減釋寃濫者凡夏月錄囚免笞刑減徒流以下刑辯重刑凡提牢月更主事一人革圍固械繫而時其食飲有病醫藥之凡官有過紀錄之兩京歲抄勅諭除紀過凡大祭祀止刑凡四方有大獄則受命而往成之以名例辨科條以八字括詞義以

五服秦情法以墨涅識盜竊宗人不卽市官人不卽獄停老癯殘不卽訊

工部尚書一人左右侍郎各一人易州廠侍郎一人其屬司務二人營繕虞衡都水屯田四清吏司各郎中一人員外郎一人主事二人添設郎中虞衡二人都水四人屯田一人員外郎營繕二人虞衡二人主事營繕四人都水八人監生九十七人所屬衙門營繕所所正一人副二人丞四人文思院大使一人副使四人軍器局皮作局各大使一人副使二人寶源局鞍轡局廣積通積通州白河

一百官述

卷一

三

三

三

三

抽分竹木局織染所雜造局各大使一人副使一人蘆溝橋抽分竹木局大使一人副使三人大通關提舉一人典史一人吏一百四十九人

尚書學工役農田山川澤數河渠之政令侍郎爲之貳凡制命敷奏率其屬奉其職業以贊天子倡百司康兆民營繕掌經營興造之事以贊尚書凡內府官殿陵寢城壕壇場祠廟辟署倉庫營房之役鳩力會財以時督程之王邸亦如之郡王將軍中尉主君與邸貴有差凡鹵簿儀仗樂器移內府及下諸屬各以其職治之省其堅潔而董其藏

選凡置獄具必如律凡工匠二等曰輪班曰住坐凡工囚二等曰正工曰雜工雜工三日當正工一日凡撮工歇工視役煩省節其財力凡會有無移內府虞衡掌山澤採捕厲禁陶冶之事以贊尚書凡採捕禽獸及革骨羽毛以供祭祀賓客膳羞禮器之用水課禽十八獸十二陸課獸十八禽十二凡軍器軍裝移內府及下諸屬歲一造或三歲一造必堅繕諸省亦如之凡火器曰火車曰火傘曰箭鎗曰將軍四等曰銃六等曰箭三等曰砲十二等並內府製之給邊鎮凡獵畋以時冬春之交置

一百官述

卷一

三

三

三

窳不施川澤春夏之交毒藥不施原野苗盛禁蹂蹴穀登禁焚燎若害獸聽爲檻穽獲之賞有差凡諸陵山麓不得人斧斤開窖冶置墓墳凡帝王聖賢忠義名山嶽鎮陵墓祠廟有功德於民者禁其樵牧凡山場園林之利聽民取之而薄征之凡陶冶繕甕籍其常造乍造之數計其入慎藏之無輒毀以煩民財力凡鑄造審其模範計其銅鐵而鑄之金牌信符鑄之內府凡鑄錢當十當五當三折二小錢凡五等錢鑄於京師進於內府而頒之諸省亦如之凡鑄錢鑄工者不罰其所無否徵其直

都水掌川瀆陂池泉源洪淺道路橋梁舟車織造
券器衡量之事以贊尚書凡水利曰轉漕曰灌田
歲儲其金石木竹炭布以時修其閘壩埝淺堰圩
隄防護其畜洩以備旱潦無使壞田廬墳隤禾稼
舟楫磴礪者不得與灌田爭利灌田者不得與轉
漕爭利凡水役以農隙急則驟理之而轉漕之役
最大歲費財力百萬計凡水要會京朝官專領之
以督有司凡鱗介萑蒲之利聽民取之而薄征之
凡道路窳其坑坎巡幸若大喪大禮治而新之凡
橋梁曰舟梁曰石梁鉅固工創修之大津不能梁
官給舟人量其大小難易而食之凡舟七等曰黃
船曰馬快船曰海運船曰鮮船曰備倭船曰戰船
曰糧船糧船之用最急費最大皆會其財用下諸
司酌其多寡久近勞逸而均劑之凡車三等曰大
車曰小車曰戰車亦如之凡織造冕服詔勅制帛
祭服淨衣諸幣布內府南京諸省供之周知其數
而慎節之凡公侯伯織券差其廣高二等侯三
等伯二等凡祭器冊寶乘輿牌符雜器會則於內
府凡衡量謹其較時而頒之懸式於市屯田掌屯
農墾墾法以爲大役之率以贊尚書凡屯田墾

百官述

卷上

三

三

三

邊公田閒田沒田給備所耕劑其地力人力而徵
其子粒贍官軍省餽餉凡在邊牛犁諸器官給之
凡墳塋宗室勳戚文武官各有差堂碑碣歌亦如
之凡抽分征諸商率三十分取十五取六取五取
四取三取二取一凡七等凡薪炭南取洲汀北取
山麓置或徵諸民有本折色酌其多寡而博節之
凡夫役伐柴轉柴皆雇役周知其數而時蠲之
都察院吳元年設御史臺從一品湯和鄧愈爲左
右御史大夫劉基章溢御史中丞又有侍御史治
書侍御史殿中侍御史經歷都事照磨管勾監察
御史譯事引進使洪武十年七月詔遣監察御史
巡按州縣十三年改正二品設左右中丞是年罷
御史臺十五年改都察院正七品設監察都御史
八人以秀才李原明詹徽等爲監察都御史又分
設浙江江西福建北平廣西四川山東廣東河南
陝西湖廣山西十二道監察御史正九品鑄監察
御史印文曰繩愆糾謬十六年陞正三品設司務
十七年陞正二品定設都御史副都御史僉都御
史各左右一人經歷都事十二道監察御史以徽
爲左都御史建文元年罷左右都御史設都御史

百官述

卷上

三

三

三

一人副食都御史各一人二年改爲御史府設御史大夫正二品革十二道置察院一御史二十八人改諸御史爲拾遺補缺靖難後復故其北平貴州交趾雲南改置如刑部若巡撫之名本始於懿文太子巡撫陝西取巡守撫軍之義永樂中乃以文臣巡撫尚書侍郎通政叅議少卿寺丞皆得奉勅行事景泰中耿九疇以侍郎出守陝西始改憲職自後凡巡撫總督必以都御史尚書侍郎必兼都御史

都察院左右都御史各一人左右副都御史各一人

百官述

卷二

七

三原九十二年次

人左右僉都御史各一人其屬經歷司經歷都事各一人司務二人照磨所照磨一人檢校一人十三道監察御史河南浙江江西山東各十人福建廣東廣西四川貴州各七人陝西湖廣山西各八人雲南十一人司獄六人在外都御史或副食都御史總督陝西軍務一人總督宣大一人總督遼前一人總督漕運兼巡撫江北一人總督糧儲兼巡撫江南一人總督南京糧儲一人提督兩廣軍務兼巡撫一人提督南贛汀漳軍務兼巡撫一人提督紫荆三關巡撫保定等府一人提督鳳門三

關巡撫山西一人總理河道一人贊理軍務兼巡撫陝西一人提督軍務兼巡撫浙江一人提督軍務兼巡撫福建一人甘肅一人寧夏一人延綏一人大同一人宣府一人遼東一人湖廣一人四川一人雲南一人貴州一人整飭荊州邊備巡撫順天等府一人撫治鄖陽等處一人巡撫河南一人山東一人江西一人鹽法屯田督餉採木討賊禦虜總制經略巡視無常員監生二百五十人吏三百三十二人

左右都御史掌風紀副食都御史爲之貳凡大臣

百官述

卷二

三八

三原九十七年

奸邪小人構黨作威福亂朝政則劾凡百官擬革貪冒則劾凡學術不正上書陳言變亂成憲希求進用或才德無聞挺身自拔則劾以憲綱督監察御史凡監察御史出巡復命覈其稱職不稱職聞上凡考察內外百官會於吏部選用風憲師如之凡讞罪囚鞫大獄會於外朝若京畿道凡有冤抑與雪理凡制訊囚徒會刑部大理寺凡畿省死刑讞平之奏上凡劾差者各奉勅行事大抵內地專職拊循邊鎮軍務爲重其有事暫設者事畢而罷即遣尚書侍郎必兼都御史經歷都事典出人文

衫叙差御史司務典叅詣受事照磨檢校典磨勘
卷宗十二道監察御史有分道道無專官一人掌
兼數道河南道獨掌內外官考察之事十三道各
奉其職監察內外百司糾劾官邪大班露章劾劾
或封章奏劾凡差在內京畿道刷卷及巡視京營
提學巡倉巡庫巡視光祿巡青恤軍監課在外巡
按清軍刷卷巡鹽巡河巡關巡茶印馬屯田捕盜
盤糧勘事征行則監軍紀功各以其事審功而糾
過凡差三等黜差上二人奏差上一人劾差不請
上諸差巡按爲要凡朝會糾儀祭祀監禮凡政令
得失軍民利病得直言凡出巡得舉劾諸司官凡
罪囚巡按審錄有故出入理辨之凡獄勑下臺推
按奏上常獄擬罪移評大理寺不當再訊三訊至
於五六訊必允乃已凡有大政集關廷預議焉凡
犯罪加三等有賊重論

通政使司通政使一人左右通政各一人左右叅議各一人謄黃右通政一人其屬經歷司經歷一人知事一人監生九人吏二十五人

移狀

六部都察院通政司並二十九年復革案牘盡移後湖三十一年九月建文君復置改寺爲司卿爲大理卿左右寺正爲都評事寺副副都評事司務都典簿靖難後盡革建文官制惟大理復爲寺存焉

大理寺卿一人左右少卿各一人左右寺丞各一人其屬司務二人左右二寺各寺正一人寺副一人評事四人監生三十二人吏三十五人

卿掌審讞九反刑獄之政令少卿寺丞爲之貳凡刑部十三道推問刑名按律例應而復問其狀款

一八

卷二

三

五十七

七

服則決之否則駁訊必服乃決每歲會九卿朝審重囚凡錄囚徒會刑部都察院司務典出納文移左右寺分理京畿十三省刑名之事凡刑部十三道問理刑名據其由狀訊其人合律例若囚服准擬否駁再擬改正日照駁三擬不當糾問官曰參駁語律寃甚者移調問曰番異再異則請下九卿會問曰圓審凡已評九而尤未當者移再問曰追駁凡屢駁不改者徑請發落曰制決凡各省二司直隸死刑並讞已乃聽決按察司巡按巡撫惟死刑呈部院轉讞凡笞杖罪移審徒流以上奏審凡

律例無正條上下比請曰類奏平反刑獄狀南京有重囚平審而類奏亦如之

太常寺吳元年置稱司正三品洪武二年置神牲所設庫犧令大使副使四年革神牲所十二年置神樂觀二十四年設各祠祭署奉祠祠丞三十年改司爲寺建文中改卿爲太常卿少卿寺丞分左右天壇祠祭署爲南郊祠祭署泗州祠祭署爲泗濱祠祭署宿州祠祭署爲新豐祠祭署孝陵置鍾山祠祭署及司園所增神樂觀知觀一人靖難後以鍾山祠祭署爲孝陵祠祭署南郊祠祭署爲郊壇祠祭署已又改爲天地壇祠祭署餘如故嘉靖中釐祀典改天地壇祠祭署爲天壇別爲地壇各設祠祭署又改山川壇精田祠祭署爲神祇壇祠祭署大祀殿奉祀爲祈穀殿祠祭署又增朝日夕月二壇祠祭署

太常寺卿一人少卿二人提督四夷館少卿一人其屬典簿二人博士二人神樂觀提點一人知觀二人協律郎二人贊禮郎九人司樂二十人天壇祠祭署奉祀一人祀丞二人地壇祠祭署奉祀一人祀丞一人朝日壇祠祭署奉祀一人祀丞一人

夕月壇祠祭署奉祀一人祀丞一人祈穀殿祠祭署奉祀一人祀丞一人祖陵皇陵孝陵長陵獻陵景陵裕陵茂陵太陵康陵十一祠祭署各奉祀一人祀丞一人楊王徐王墳各有奉祀犧牲所吏目一人吏十一人

卿掌祭祀禮樂之事總其官屬籍其政令以聽禮部少卿寺丞爲之貳凡天神地祇人鬼歲祭有常先歲孟冬進明年祭日 上御奉天殿受之頒諸司凡上祭贊相禮儀大臣攝事亦如之若祭先期請省牲大祀 上先省大臣繼省之進版銅人上

丁丁光

卷一

三

禮部三十七

殿奏齋戒齋戒大祀三日中二日小一日示諸司凡薦新品物移光祿寺凡國有冊封冠婚管絃出師歲時旱澇大災難請告 郊廟社稷凡親王之國若朝還謁辭於寢廟凡祭滌器囊理香燭玉帛整拂神幄必恭潔凡玉三等曰蒼玉曰黃琮曰玉制帛五等曰郊祀曰奉先曰展親曰禮神曰報功凡牲四等曰饋曰牛曰太牢曰少牢凡樂四等曰九奏曰八奏曰七奏曰六奏凡舞二曰文舞曰武舞凡樂器不徒凡陵園之祭無樂凡祭掌祭掌燎看燎讀祝奏禮對引司香進俎舉麾陳設收支導

引設位典儀通贊奉帛執爵司尊司爵洗卿貳屬各共其事凡宴會率其屬奏樂提首四夷館少卿掌譯書之事以聽於翰林院凡八館曰韃韃女直西省西天回回百夷高昌緬甸以國子生充譯字兼官民子弟時校其業裁幸進焉典簿典勾校金穀察視禮數省署文移博士講習禮文請上填名祝板大禮導贊其儀神樂觀提點知樂領樂生舞生而時教肄之進退其考贊禮節設君臣之位以奉祭祀之禮拜跪之節皆贊導焉而承傳之協律郎司樂考協雅樂凡舞人音聲人籍覈其名數而

丁丁光

卷一

三

禮部三十七

審辨之凡淫聲過聲凶聲慢聲舞失節者皆禁糾之凡 上至祀所夜警晨嚴凡祭先期演樂太和殿凡大祀樂生七十二人舞生一百三十二人凡壇署典守壇場殿宇厨庫林木時灑掃之以共其祀事陵署亦如之牲犧所凡三祀牲牢咸有數養而滌之藉田收穀納於神倉供五齊三酒之用穰菓飼牲

光祿寺吳元年置宣徽院尚食尚禮二局設院使同知院判典簿統二局明年改光祿寺正四品移太常司供需庫隸之洪武四年置法酒庫設內酒

房大使副使八年改寺爲司隄從三品置大官珍羞良醢掌醢四署署設令丞監事又設掌牧所局庫俱革三十年復爲寺改署令爲署正又設司牲局改掌牧所爲司牧局建文中改卿爲光祿卿少卿寺丞分左右陞少卿從四品省署丞二人增監事二人靖難後復故

光祿寺卿一人少卿二人寺丞二人其屬典簿二寺事一人大官珍羞良醢掌醢四署各署正一人四人監事四人司牲局大使一人司牧局大使一人吏二十五人

百官述

卷二

三

廣元三百六十七

卿掌祭享宴勞酒醴膳羞之事辨其名數會其出入量其豐約以聽於禮部少卿寺丞爲之貳凡祭祀請省牲進飲福酒胙凡薦新移太常寺凡喪葬供其祭物凡牲果菜雜物取之上林苑不給市諸民視時估十加一凡市直季支天財庫錢鈔凡貢獻果鮮厨料省受之凡器皿移工部及募工兼作之歲省其成敗凡筵宴酒飯番夷貢使降人茶飯物料下程差其等而供之凡厨役久得爲王典膳移吏部凡傳奉宣索籍記覆奏之監以科道官各一人察其出入而糾禁其奸弊大官供祭祀官膳

給與給美濟貧之事珍羞供官膳茶飯之事良醢供獻殿膳官均給內外官人夷匠之事掌醢供祭祀茶飯齋禱之事司牲養牲視其肥瘠而蠲滌之司牧亦如之

太僕寺從三品卽北平行太僕寺也永樂元年改爲北京行太僕寺六年又設北京苑馬寺領六監二十四苑十六年革馬歸北京行太僕寺牧民間凡領府衛州縣三百六十八年改太僕寺洪熙元年復稱北京行太僕寺正統六年定爲太僕寺南京太僕寺國初之羣牧所也洪武六年移滁州建文中改卿爲太僕卿增典廐典牧二署設驕驥十五羣遂生三羣分隸二署靖難後復故太僕寺卿一人少卿三人寺丞八人其屬主簿一人常盈庫大使一人吏二十二人

卿掌牧馬之政令而聽於兵部少卿寺丞爲之貳少卿一人佐寺事一人督營馬一人督裁馬寺丞分理京衛畿府及山東河南六郡羣牧寄牧三年更凡牧人皆視其丁產而授馬焉蠲其役敗乏則更凡羣牧軍民皆有種馬焉有牝牡壯十二牝十八牝壯五歲徵馬一曰備用馬齊其馬力以給京

百官述

卷二

廣元三百六十八

邊將士將士足等牧於畿府土非所宜及人民耗散或征馬金輸兵部市馬凡馬肥瘠登耗籍其毛齒而時省之三歲借御史一人印烙選其良健而汰其羸劣凡草場歲徵其租金歲稔出佐牧入市馬凡租金恩蠲或災蠲馬及馬金災蠲不得恩蠲即蠲必轉移相抵不得虧軍賦主簿勾省文移常盈廐貯馬金

事府洪武初置大本堂取古今圖書充其中召二名儒教太子居文華堂諸儒親王專經向授分發夜直已而太子居文華堂諸儒臣迭班侍從又選才俊之士入充伴讀時賜宴賦詩商確今古評論文學當是時東宮官有同知詹事院事副詹事左右詹事詹事丞左右率更令率府使副使同知左右率府事諭德贊善文學中舍正字侍正洗馬庶子皆勳舊大臣兼之不設府僚已又改贊善爲贊善大夫設贊讀洪武十年置通事司設司令司丞十四年設左右司直郎左右清紀郎十五年置左右春坊各設大學士又置司經局設洗馬校書正字二十二年以官聯無始始置詹事院二十五年改院爲府正三品

經居後五品皆列署府中而事皆總於詹事府洪武時春坊翰林院日二人進講尚書春秋資治通鑑大學衍義貞觀政要諸書纂述始終直陳大義輯成篇章呈上覽已乃赴文華殿講說三師三少詹事府鴻臚寺官各一人給事中一人侍講畢同辭而出召問則諸侍官同人有獨進及留身者給事中鴻臚寺司直清紀郎劾奏洪武二十六年選秀才張宗濬等隨詹事春坊官分直文華殿侍講畢進說民間利害田里稼穡古今孝弟忠信文學材藝故事命廷臣舉孝義篤行之士爲東宮官屬遂以鄭濟王勲爲左右庶子建文中增少卿寺丞各一人賓客二人又置資德院設資德一人資善二人其屬贊讀贊書著作郎各二人掌籍典簿各一人靖難後復故仁宗在東宮待宮臣有恩禮燕勞慰問如家人父子然然宮臣亦爲宗藩所讒時時得罪繫獄或至死英宗初大臣上講讀儀大抵尊君卑臣非復祖宗之舊矣太子太師太子太傅太子太保從一品太子少師太子少傅太子少保正二品太子賓客正三品皆東宮大臣而不列於詹事府無定員無專授爲勳

戚文武大臣兼官加官贈官或曰東官公孤初蒞
詹事府洪武元年李善長徐達兼太子少師太子
少傅治書侍御史文原吉范顯祖皆兼太子賓客
二十五年立 皇太孫始以宋國公勝穎國公友
德兼太子太師曹國公景隆寧國公玉太子太傅
開國公昇全寧侯恪太子太保詹徽爲太子少傅
兼吏部尚書茹瑺太子少保兵部尚書

太子太師太子太傅太子太保以道德輔教太子
而謹護翼之太子少師太子少傅太子少保奉太
子以觀三公之道德而教諭焉太子賓客侍太子
規誨贊相禮儀而先後之

詹事府詹事一人少詹事二人府丞二人其屬主
簿一人錄事一人通事舍人二人吏四人左春坊
大學士一人左庶子一人左諭德一人左中允二
人左贊善一人左司直郎一人左清紀郎一人左
司諫一人吏一人右春坊亦如之司經局洗馬二
人校書二人正字二人吏一人

詹事以輔導東官爲職少詹事寺丞爲之貳凡侍
東宮講讀暨坊局翰林院街直凡講讀畢 上所
處分府部軍政要務及撫諭四夷恩義率其僚屬

暨坊局陳說於東宮府院官得互兼凡試士修書
皆與焉坊局亦如之主簿典句會文移檢稽脫失
錄事佐之通事舍人典東朝參謁辭見之禮及承
令勞問之事

左右春坊大學士典東宮上奏請及下啓箋講讀
之事審慎而監省之庶子諭德中允贊善各奉其
職而從焉凡東宮監國撫軍出狩及朝會出入覆
啓畫諾審署移詹事凡諸祥吉若伶僕改變新聲
導達非禮者必陳古義申典制糾正而請遠斥之
凡內外庶政可爲規諫者隨事贊諭焉司直郎掌
彈劾官寮糾舉職事清紀郎參佐之司諫掌箴諫
鑒誡之事以拾遺而補過焉洗馬掌經史子集制
典圖書刊緝之事立正本副本以備進覽凡
天下圖冊上東宮者皆受而藏之校書正字掌繕
寫裝潢經史子集制典圖書詮其訛謬調其音切
以佐洗馬

國子監國初爲國子學正四品設博士助教學正
學錄典樂典書典膳乙巳秋以許存仁爲博士吳
元年添設祭酒司業典簿典膳爲掌饌陞存仁
爲祭酒劉承直司業蘇伯衡學正洪武六年增廣

國子生論禮部祭酒乏人其詢天下名士通令博古才德堪爲人師者以名聞八年又置中都國子學十五年始改國子學爲國子監從四品十六年宋訥代吳願爲祭酒命曹國公文忠領國子監事車駕時時臨視以故監官不得中廳而坐中門而行二十六年革中都國子學建文中陞監丞爲堂上官增司業二人省博士學正學錄增助教十七人靖難後復故

國子監祭酒一人司業一人其屬監丞一人博士五人助教十五人學正十人學錄七人典簿一人祭酒掌國學舉人貢生官生恩生功生例生典簿司業爲之貳凡訓教諸臣奏監規而損益焉要在明體適用以孝弟忠信禮義爲本隆師親友讀書寫字爲業有不率者杖之不悛徙謫之其率教者有升堂積分及格叙用者法凡課業做書季呈翰林院文冊歲奏上凡歲進春秋上下遣大臣祀先師則總其禮儀上謁先師幸太學及司業執經講義凡授經以易書詩春秋禮記人占一經太學中庸論語孟子兼習之以

庫餼膳師生以力役給廚膳以賜予示恩養以寧假悉人情以撥歷練吏事以考選汰冗濫監丞坐繩愆廳參領監事凡師生怠教不率教及庫膳不潔並糾懲之而堅明其約束師生有過書而識之博士坐博士廳五人分經訓教助教學正學錄坐正義崇志廣業脩道誠心率性堂專職教誨嚴程課講解經義文字導約之規矩典簿典出納文移受支金錢季報課業典籍收掌經史子集及制書掌饌飲食師生

順天府即北平府洪武二年置北平行省於北平府已而改行省爲布政司北平爲會府靖難初改爲順天府永樂十年陞正三品如應天府應天府本設知府洪武四年改知府蘭以權爲府尹順天府府尹一人府丞一人治中一人通判六人推官一人其屬經歷司經歷一人知事一人照磨所照磨一人檢校一人庫大使一人所屬衙門宛平大興二縣各知縣一人縣丞二人主簿二人典史一人府學教授一人訓導六人陰陽學正術一人醫學正科一人司獄司司獄一人都稅司大副使各一人宣課司四各大使一人或大副使一人

稅課司二各大使一人分司二各副使一人巡檢司四各巡檢一人大興縣通運所大使一人批驗茶引所大使一人鐵冶所大使一人關官三人倉草場大副使五十人吏三百四十八人

府尹掌京府事宣化和人勸農問俗均貢賦節征縣謹祭祀關戶口糾豪強恤窮困錄罪囚務知百姓之疾苦府丞治中通判推官爲之貳歲攢實徵十歲造黃冊冊有民數田數凡賦役皆按冊丁產爲多寡煩簡之差歲貢學生一人三歲合試諸曹六館圻府諸生而貢士焉月朔奏老人坊廂聽宣

學官

卷一

三

諭歲立春迎春進春耕耜田奉青箱隨播種後歲春冬行鄉飲酒禮三月一上勳戚家人引賑園有市易平其價召商而時給之凡學校軍匠積貯牧馬薪炭河渠隄除僧道醫藥之事率其僚而分理焉經歷典出入文移知事佐之照磨磨勘卷宗檢校佐之

鴻臚寺國初爲侍儀司從六品洪武九年改爲殿廷儀禮司設使副承奉鳴贊序班十三年革承奉增司儀十九年更使爲司正副爲左右司副三十年始改鴻臚寺正四品外史通事亦隸焉建文中

鴻臚寺卿一人左右少卿各一人左右寺丞各一人其屬主簿一人司賓司儀署各署丞一人鳴贊八人序班五十四人吏八人

卿掌朝會賓客吉凶禮儀之事少卿寺丞爲之貳凡日朝朔望朝大朝會宴享經筵進曆進春冊封祭祀傳制奏捷百官四夷見謝辭率其屬而供事焉主簿典出納文移司賓典四夷朝貢首渠領從辨其等而教其拜跪之節司儀典陳設引奏禮儀皆丞領之鳴贊贊禮凡內贊通贊對贊接贊傳贊

學官

卷一

三

皇明百官述卷上

準校

材重校

翰林院吳元年五月置翰林國史院正三品設學士承旨學士侍講學士侍讀學士直學士典簿待制修撰應奉編修典籍檢討尋改翰林院洪武十四年改正五品革承旨直學士待制應奉檢討典簿設孔目五經博士侍書待詔檢討是年十二月令翰林編修檢討典籍春坊司直郎正字贊讀考駁諸司奏啓年允則列名封上署曰翰林院兼平駁諸司文章某官某十八年定設學士侍讀學士侍講學士爲正官孔目首領官侍讀侍講五經博士典籍侍書待詔屬官修撰編修檢討史官又有秘書監弘文館及起居注等官未幾皆革建文中增學士承旨一人學士一人文學博士二人省侍講侍讀學士置文翰文史二館文翰館設侍書文史館設修撰編修檢討而改方孝孺爲文學博士又改謹身殿爲正心殿設學士一人罷華蓋文華武英三殿文淵閣大學士各設學士一人待詔無定員文淵閣設典籍二人靖難後復故庶吉士者初稱中書六科庶吉士十八年又有翰林院承

初監庶吉士永樂二年始定爲翰林庶吉士選進士教養之無定員試而留者二甲爲編修三甲檢討不得留者爲給事中御史主事或出爲州縣官翰林院學士一人侍讀學士二人侍講學士二人其屬官侍讀二人侍講二人五經博士五人典籍二人侍書二人待詔六人孔目一人史官修撰二人編修四人檢討四人吏一人學士掌詞翰禮文章誥勅備顧問詳正圖書考議制度凡經筵日講修書之章皆承受而統領焉講讀職專讀經史五經博士專經講義以佐學士講讀典籍勾輯圖書以時什襲而藏之侍書以字書侍上待詔應對孔目典文移出入史官掌修國史凡天文地理宗濟禮樂兵刑諸大政上所下詔勅書檄批答王言皆謹繕而記之以備實錄凡學士講讀史官爲上所簡注皆得入內閣預機務京府鄉試充考試官禮部會試充考試同考試官詹事府坊局亦如之尚書司國初符璽郎也正七品後置尚書司正三品洪武元年改正五品尚書司卿一人少卿一人司丞三人恩祿寄祿無

常員監生六人

卿職在禁廷守寶璽符牌印章而辨其所用有事請於內既事奉而藏之少卿司丞爲之貳凡寶十四曰奉天之寶以鎮萬國祀天地曰 皇帝之寶以冊封賜勞曰 皇帝信寶以徵召軍旅曰 天子之寶以祭享鬼神曰 天子行寶以封賜夷蠻曰 天子信寶以調發養兵曰制誥之寶以識誥命曰勅命之寶以識勅命曰廣運之寶以識黃選勅籍曰御前之寶以進御座從車駕曰 皇帝尊親之寶以答賜宗人曰敬天勤民之寶以訓迪有司凡用寶捧寶從寶洗寶與印綬監俱凡扈守侍衛令牌之號六曰申曰木曰火曰土曰金曰水以警夜巡金牌之號五曰仁曰義曰禮曰智曰信以嚴守衛凡半字銅符之號四曰承曰東曰西曰北巡者左半守者右半合契而從事焉凡銅牌之號一曰勇以稽士卒凡牙牌之號五曰勳曰親曰文曰武曰樂以察朝參凡祭牌之號三曰陪曰供曰執以謹祀事凡雙魚銅牌之號二曰嚴以肅直衛曰善以潔祀壇凡符驗之號五曰馬曰水曰達曰通曰信以給傳通制命

六科甲辰統設給事中正五品洪武四年改正七品六年始分爲六科各設給事中凡八十一人從七品十年隸承勅監十二年改隸通政司十三年置諫院左右司諫各一人左右正言各二人十五年以兵部尚書唐鐸爲諫議大夫二十二年改給事中魏敏卓敬等八十一人爲士源先是 上以給事中數符元士改爲元士至是曰六科政事本源又改爲士源未幾復爲給事中二十四年科增都給事中一人正八品左右給事中從八品改給事中正九品尋又改都給事中正七品左右給事中給事中並從七品建文中革左右給事中靖難後復故景泰三年令都左右給事中坐銜御史上吏戶禮兵刑工科各都給事中一人左右給事中各一人給事中吏科四人戶科八人禮科六人兵科十人刑科八人工科四人監生六科四十人六科掌侍從規諫補缺拾遺分察六部之事而糾其弊誤凡臣民題奏下讀而署之駁正其違失凡制勅宣行大事覆奏小事署而頒之有失執奏封還凡百司官非其人政失其理露章班劾或封章奏劾凡日朝六科輪一人侍殿廷左右執筆記言

凡大事廷議大臣廷推大獄廷勅掌科預焉凡貢下東科類吏科西科類兵科日早朝進揭帖凡諸司題奏日附科籍五日一銷註嚴稽緩朝參門籍六科流掌焉內官傳旨下補奏得旨而後施行之中書舍人本屬中書省洪武七年置直省舍人從八品九年改中書舍人正七品十年隸承勅監監省革改從七品建文中改侍書人文翰館靖難後復故

中書舍人二十人恩蔭寄祿及文華殿門東房內閣詰勅制勅房分直者無常員監生三十五人

一百官廷

卷十

五

三書監

中書舍人無正貳印屬資深者掌書詰勅冊符鐵券凡草請翰林院實請諸內府左券寶籍歸諸古今通集庫凡詰勅勘合籍以急就章為號凡詰勅之號四曰仁曰十二支曰文行忠信曰千字文字以千號為滿滿則續

太醫院國初為醫學提舉司改太醫監又改太醫院設院使同知典簿洪武十四年定為正五品更設太醫院令丞吏目御醫如文職授散官二十二年復院令為院使丞院判內府又有御藥房嘉靖中改為聖濟殿

太醫院院使一人院判二人其屬吏目一人御醫十八人所屬衙門惠民藥局大使一人副使一人生藥庫大使一人副使一人吏九人

太醫院使掌醫療之法院判為之貳凡醫術十三科醫官醫士醫生專科習業曰大方脉曰小方脉曰婦人曰瘡瘍曰鍼灸曰眼曰口齒曰接骨曰傷寒曰咽喉曰金銀曰按摩曰祝由凡聖濟殿番直擇術業精通者供事凡烹調御藥同內官監視合二服為一候熟均二器其一堂屬官繼管之內官又嘗之其一進御凡醫家子弟擇師而教之三年試之或五年試之再試三試之而黜陟之凡藥材辨其土所宜擇其良者而進焉按摩以消息導引之法除人八疾祝由以呪禁祓除邪魅之為屬者二科今無傳

欽天監正五品初名太史監設太史令通判僉判校事郎五官正劉基為太史令兼太子率更令後改為院設院使同知院判五官正典簿薄陽司時序郎紀候郎基又為院使洪武元年改為司天監設監令少監監丞主簿主事五官正副監候司晨漏刻博士又置回回司天監設監令少監監丞三

年始改欽天監四年改監令為政儀大夫少監分
辨大夫五官正司玄大夫監丞靈臺郎五官保章
正平秩郎五官靈臺郎司正郎挈壺正挈壺郎諸
散官十四年再定品員散官給授如文官二十二
年改監令監丞為監正監副三十一年董回回監
回回曆法隸焉

欽天監監正一人監副二人其屬主簿一人春夏
中秋冬官正各一人五官靈臺郎四人五官保章
正二人五官挈壺正一人五官監候二人五官司
曆二人五官司晨二人漏刻博士二人吏四人

監正掌察天文定曆數監副為之貳凡日月星辰
風雲氣色之變異率其屬而占候焉密疏上凡玄
象圖書非其職不得預凡習業者分為四科曰天
文曰漏刻曰回回曰曆自五官正下至天文生陰
陽人各專科肄焉凡觀象登臺臺四面而四人凡
歲大統曆御覽月令曆七政躔度曆六壬遁甲曆
並先期奏行下凡曆註上曆三十事民曆三十二
事壬遁曆六十七事凡歲祭日先一歲會選奏上
凡營建師旅冠婚陵寢選地擇日凡立春先期候
氣於東郊凡大朝賀設定時鼓於文樓報時雞唱

鼓各供其事凡日月交食先期算其分秒時刻
起復方位上聞下禮部移內外諸司救之按占書
條奏食不及一分回回曆雖一分以上奏而不救
凡四季天象占驗曆御覽天象錄以時奏上凡曉
人世業立師而教之乏人移禮部訪取試用之五
官正專理曆法造曆司曆監候佐之靈臺郎辨日
月星辰之躔次分野以占候天文之變凡瑞星妖
星瑞氣妖氣考諸雜占保章正專志天文之變辨
其吉凶之占挈壺正知漏刻孔壺為漏浮箭為刻
以考中星昏明之候漏刻博士凡定時以漏更時

以牌報更以鼓警晨昏以鐘鼓司佐之

行人司洪武十九年置正九品設行人左右行人
尋改行人為司正左右行人司副更設行人三百
四十五人二十七年改正七品定行人員三十六
人建文中并行人司於鴻臚寺靖難後復故
行人司司正一人司副二人行人三十六人監生
四人吏一人

司正司副行人職專奉使之事凡頒行詔敕冊封
宗藩撫諭蕃夷徵聘才賢及賞賜慰問賑濟軍旅
祭祀叙差為凡法司謫成囚徒送玉府諸墳精微

繳內府

上林苑監洪武二十五年議開上林苑比圖上
上曰妨民業不可遂止永樂五年始設今上林苑
監正五品其屬良牧蕃育嘉蔬林衡川衡水鑑典
察左右前後凡十署各設典署丞錄事洪熙元年
以蕃育兼良牧川衡嘉蔬兼水鑑林衡典察四署
皆并蕃育嘉蔬宣德十年定蕃育嘉蔬良牧林衡
四署

上林苑監左右監正各一人左右監副各一人左
右監丞各一人其屬典簿一人良牧蕃育林衡嘉
蔬四署各典署一人署丞一人錄事二人吏六人
監正掌苑囿園池牧畜種樹之事副丞爲之貳凡
禽獸草木蔬果率其屬督其養戶裁戶以時經理
其養地栽地而畜植之以供祭祀賓客官府之膳
羞凡苑地東至白河西至西山南至武清北至居
庸關西南至渾河並禁國獵典簿勾校文移良牧
牧牛羊豕蕃育育鵝鴨鷄皆籍其牝牡之數而課
章卯焉林衡典果實花木嘉蔬典時藝瓜果皆計
其畦町樹植之數而以時苞進焉

中東西南北城兵馬指揮司國初設兵馬指揮司

都指揮副都指揮知事尋改兵馬指揮司指揮使
副指揮知事城門設兵馬洪武十年改爲指揮副
指揮章知事二十三年定爲兵馬指揮司正六品
建文中改爲五城兵馬司指揮副指揮爲兵馬副
兵馬靖難後復故

兵馬指揮司各指揮一人副指揮五人其屬吏目
一人吏六人

指揮掌巡捕盜賊街道溝渠囚犯火禁之事副指
揮爲之貳吏目受事發辰

京衛武學洪武二十年禮部請立武學開武舉不
許曰是岐文武爲二道也建文四年始置京衛武
學教授一人啓忠等十齋各訓導二人靖難後革
正統中復設教授一人訓導六人掌教京衛切官
及應襲舍人以待科舉武舉會舉而聽於兵部
南京百官守備恭贊機務爲要重守備以公侯伯
兼領南京中軍都督府事協同守備以侯伯都督
得領五府事孝陵奉祀禮或守備或協同守備大
抵威駭勳舊也恭贊機務以南京兵部尚書治所
在中府 成祖初改北平爲北京往來巡守 仁
宗時爲皇太子監國南京 宣宗爲皇太孫撫軍

從行 成祖出塞監國於北永樂二十二年秋

皇太子即位命襄城伯李隆鎮守南京駙馬都尉沐昕同鎮守洪熙元年又以內臣守備南京是年南京地三月九震特遣太子往南京以祭告皇陵孝陵爲名實有監國之命四月發北京六月還京師即位宣德五年改鎮守爲守備命大宋駙馬西寧侯琥守遼南京景泰元年又以都督僉事趙倫協同守備琥後豐城侯賢寧遠伯禮平江侯豫親國公承宗成國公儀親國公備成國公輔親國公鵬舉撫寧侯麒麟鎮遠侯袁相繼守備不必親國公也宣德十年 英宗即位命少保南京戶部尚書黃福叅贊機務叅贊機務自福始黃公後南京兵部左侍郎徐琦叅贊機務歷十年而陞尚書理部事靖遠伯王驥兼南京兵部尚書稱總督機務代琦成化十一年南京吏部尚書崔恭十三年南京右都御史王恕相繼叅贊機務不必兵部尚書也十五年南京兵部尚書薛遠代恕叅贊機務之必兵部尚書也自遠始也嘉靖初王守仁以新建伯兼南京兵部尚書叅贊機務不得稱總督如靖遠伯

南京叅贊機務守備文武大臣掌皇城京城畿甸留守之事以時行視陵廟凡大小教場總將士遊江口紶水軍神機營背火器以時督察之官軍騎數歲一報地輿文冊三歲一報諸江關浦口歲再遣人行視之軍器歲製貢舟均其差遣而嚴輯之武學課業旗役併鎗程督而監視焉盜賊歲更官行緝屯田請專官巡視凡便宜事會九卿五府議請上又有操江都御史一人巡江御史二人專職江防

南京宗人府經歷司經歷一人

百官述

卷一

二

三

四

吏部尚書一人侍郎一人郎中四人主事四人司務一人

戶部尚書一人侍郎一人郎中十三人員外郎十人主事十七人司務一人照磨一人

禮部尚書一人侍郎一人郎中四人主事二人司務一人

兵部尚書一人侍郎一人郎中四人員外郎二人主事五人司務一人

刑部尚書一人侍郎一人郎中十三人員外郎五人主事十四人司務一人照磨一人司獄二人

工部尚書一人侍郎一人郎中四人員外郎二人
主事八人司務一人

都察院右都御史一人右副都御史一人右僉都

御史一人監察御史三十二人經歷二人都事一

人司務一人照磨一人司獄二人

通政司右通政一人右參議一人經歷一人

大理寺卿一人右寺丞一人左右寺正各一人左

右評事各三人司務一人

太常寺卿一人少卿一人典簿一人博士一人協

律郎二人贊禮郎七人司樂二人奉祀三人祀丞

三人

光祿寺卿一人少卿一人典簿一人署正四人署

丞四人

太僕寺卿一人少卿二人寺丞二人主簿一人寺

在滁州

詹事府主簿一人

國子監祭酒一人司業一人監丞二人典簿一人

博士三人助教六人學正五人學錄二人典籍一

人掌饌一人

應天府府尹一人府丞二人治中一人通判二人

推官一人

鴻臚寺卿一人主簿一人署丞二人鳴贊二人序

班九人

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人

欽天監監正一人主簿一人

行人司司副一人

五城兵馬司指揮五人副指揮八人吏目五人

布政使司

初爲行中書省或分中書省六

部尚書往往出爲參知政事參政人爲尚書洪武

九年八月詔改浙江江西福建北平廣西四川山

東廣東河南陝西湖廣山西諸省爲承宣布政使

司正二品十三年改正三品十五年置雲南布政

司二十二年改從二品建文中革左右布政使設

布政使一人堂上官各陞品一級靖難後復故永

樂五年置交趾布政司十一年置貴州布政司宣

德三年罷交趾布政司

承宣布政使司左右布政使各一人左右參政各

一人左右參議各一人參政參議因事添設無定員其屬經歷司經歷一人都事一人照磨所照磨一人檢校一人理問所理問一人副理問一人提控案牘一人庫局各大使一人副使一人陝西四川有茶馬司大使一人副使一人吏一人

布政使掌一省之政參政參議爲之貳朝廷有德澤禁令承而播之以先有司三年率府州縣掌印及首領官朝覲於京師陳其屬吏之臧否而聽去留焉十年造戶版以登民數田數歲貢學生府州縣衛有差三歲鄉試貢士宗室官軍師生以時班

百官述

卷一

五

百官述

其祿俸庫禮祀典神祇謹其時祀水旱疾疫災傷請免田租賑貧乏孝弟行義貞烈請表揚之錄其孤獨有養凡供邦國之用曰貢曰賦貢有二曰常貢曰暫貢賦有二曰本色曰折色凡役二曰力役曰雇役皆視其土地豐瘠人民多寡而會計之下府州縣必均乃已凡出納錢穀必平凡制用必節凡僚屬文武官歲察其臧否而上下其考以報於撫按以達於吏部兵部都察院凡諸政務議定而請於撫按有總督提督亦如之曰清軍曰分守曰督糧曰邊備曰撫民各專事焉官不備則繫領之

百官述

卷二

十六

百官述

凡萬壽聖節一人朝賀於京師大婚大喪立東宮亦如之天子即位則左布政使來見經歷典出納文移都事佐之照磨典磨勘卷宗檢校佐之理問典刑名凡因出入謹籍其數以聽於司凡因必審輕重別其寢處病與餒必報司察而飼之獄之曲直疑允上官下理問則得辨而請焉日嚴局鑰察械繫副理問提控案牘佐之庫大副使典守庫藏周大副使典營繕茶馬司典茶馬交易之事提刑按察司甲辰年十二月初置於湖廣道正三品設提刑按察使食提刑按察司事丙午令食事周演等定議按察事宜條且憲綱洪武元年浙江江西湖廣三提刑按察使李祥潘勳滕毅充議律官上大明令十年改正四品十三年罷各道按察司明年復遂定各道按察分司以儒士王存忠等五百三十一人爲試食事人按二縣諭之曰治吏之弊莫甚於貪墨而庸鄙者次之今天下府州縣官於斯二者往往有之是以弊政日滋民受其害故命爾等按治其地凡官吏賢否軍民利病皆得廉尚糾舉二十年改按察分司爲四十一道二十二年復正三品三十年始置雲南按察司建文中

改按察司爲十三道肅政按察司靖難後復故永樂五年置交趾按察司後罷

提刑按察司按察使一人副使二人因事添設無定員僉事亦如之其屬經歷司經歷一人知事一人照磨所照磨一人檢校一人司獄司司獄一人吏人

按察使掌一省刑名按劾之事糾察官邪擒治貪黷禁誥強暴平獄刑獄雪理冤枉以振揚風紀副使僉事爲之貳凡僚屬文武官歲察臧否而上下其考以告撫按以達於吏兵部都察院凡省大事

一〇〇〇

卷一

二

司官

暨都布二司參議爲凡朝覲慶賀弔祭之禮親布政司副使僉事分巡提學兵備撫民巡海清軍屯田水利治河驛傳各專事焉官不備則兼領之凡分巡浙江二道浙東浙西江西五道南昌湖東湖北九江嶺北福建四道福寧建寧武平漳南湖南五道武昌湖南湖北荆南荆西河南四道大梁河北河南汝南山東三道濟南東兗海石山西四道冀寧冀南冀北河東陝西六道關內河西關南隴右西寧關西四川四道川東川西川南川北廣東五道嶺南嶺東嶺西海南海北廣西四道桂林蒼

梧左右江雲南四道普安臨沅金滄洱海貴州四道貴寧新鎮安平思仁經歷典出納文移知事佐之照磨典磨勘卷宗檢校佐之司獄守獄

都轉運鹽使司丙午年初置於兩淮吳元年置於兩浙洪武二年置於河東陝西河間長蘆福建五年置四川納谿白渡二鹽馬司及四川茶鹽都轉運司又明年革茶鹽都轉運司十三年定都轉運司正四品後改從三品鹽課提舉司亦始國初已漸增設建文中改廣東鹽課司爲都轉運鹽使司又有前鹽提舉司革儒學惟河東有之制如府

百官述

卷一

一八

司官

都轉運鹽使司都轉運使一人同知一人副使一人判官無定員其屬經歷司經歷一人知事一人庫大使一人副使一人所屬衙門鹽課司批驗所鹽倉各大使一人副使一人吏

都轉運使掌鹽課以聽於戶部同知副使判官爲貳凡常股存積之鹽以時征而貯之以待商人種支以供邊儲京帑之用凡分司鹽課司鹽倉批驗所各以僚屬分任其事而都轉運使總領之糾禁私煎私買賣窩買諸奸弊謹受巡鹽御史之政令而申勵焉經歷典出納文移知事佐之

監評提舉司提舉一人同提舉一人副提舉無定員其屬吏目一人庫大使一人副使一人所屬衙門監課司批驗所鹽倉各大使一人副使一人吏一人

提舉掌監課之事以聽於戶部其職如都轉運使係屬亦如之

行太僕寺洪武三十年置於山西北平陝西遼東行太僕寺卿一人少卿一人寺丞無定員其屬主簿一人吏一人

卿掌馬牧之事而聽於兵部少卿寺丞爲之貳凡百官送

邊衛營堡府州縣軍民壯騎操馬印烙課校筆牧以時督察之凡馬種牡十二牝十八馬金地畝十七椿厝十三凡馬瘠耗罰俸罰馬降級出革懲重之藩臬不得預馬事考馬官苑馬寺亦如之主簿典守籍牒

苑馬寺永樂四年置於陝西甘肅六年入置於北平十六年并入行太僕寺遼東亦有苑馬寺

苑馬寺卿一人少卿一人寺丞無定員其屬主簿一人各監牧監正一人監副一人錄事一人圍長一人吏一人

苑馬寺卿一人少卿一人寺丞無定員其屬主簿一人各監牧監正一人監副一人錄事一人圍長一人吏一人

卿掌馬牧之事而聽於兵部少卿寺丞爲之貳凡馬種上苑萬匹中苑七千下苑四千不及則銀市茶易焉凡牧地曰草場曰荒地曰熟地嚴其禁令而封表之凡牧人曰恩軍曰隊軍曰改編之軍曰充發之軍曰召募之軍曰抽選之軍皆籍而食之凡馬駒二年一科十八年而免定駒頭駒重駒籍而報之有常期凡虧駒有罰主簿如行太僕寺監正領苑監之事監副佐之錄事守籍牒圍長率羣長而修牧事

府洪武六年定爲三等賦二十萬石上爲上府從三品二十萬下中府正四品十萬下下府從四品已而並爲正四品

司府州縣學教官洪武二年十月辛卯詔郡縣立學校曰古昔帝王育人材正風俗莫先於學校自元人主中國夷狄腥羶汚淖華夏學校廢弛人紀蕩然加以兵亂以來人習鬪爭鮮知禮義今朕統一天下復我中國先王之治宜大華風以興治教

今雖內設國子監恐不足以盡延天下之俊其令天下郡縣並建學校以作養士類師生月廩食米人六斗有司給魚肉學官月俸有差學者專治一

人六斗有司給魚肉學官月俸有差學者專治一

經以禮樂射御書數設科分教務求實才頑不率者黜之八年立社學是年命御史臺選國子生分教北方建文中罷北平山東河南山西陝西五省及江北學校貢士靖難後復故

府知府一人同知一人通判一人推官一人因事添設同知推官或二人通判至五人其屬經歷司經歷一人知事一人照磨所照磨一人檢校一人司獄司司獄一人所屬衙門儒學教授一人訓導四人倉稅課司分司雜造織染局各大使一人副使一人陰陽學正術一人醫學正科一人僧綱司

丁午迄

卷一

主

三

都綱一人副都綱一人道紀司都紀一人副都紀一人有巡檢司批驗茶鹽引所水馬驛遞運所河泊所草場者司巡檢一人批驗所大使一人驛驛丞一人遞運所大使一人河泊所所官一人草場大使一人吏一人

知府掌教養郡民之事同知通判推官爲之貳賈興科貢均平賦役崇慎祀典禁誥奸頑表異良善訊聽刑獄審達冤滯存恤困窮糾察吏治而上下其考以告於撫按藩臬達於吏部務知百姓之疾苦若籍帳軍匠轉驛馬牧倉庫盜賊河渠溝防道

政之事雖有專官皆知府領之而綜督焉凡朝慶賀祭直隸府得直達省府視布政司凡詔敕例令勘割至謹受以下於屬凡屬之政皆受約束於府府劑量重輕爲之出令大者白於撫按及藩臬議允而行之同知清軍匠或兼巡捕通判管糧載盜治農修河牧馬推官理刑名分職任事經歷典出納文移知事佐之照磨典磨勘卷宗檢校佐之司獄典獄如按察司教授掌教生徒訓導佐之凡生徒廩膳增廣各四十人附學無數凡學政遵臥碑提學憲臣申飭之責提調於府教授訓導必謹受之凡學官視鄉舉人爲廢最凡郡禮儀事學官司之稅課司典稅凡商僧屠市皆有常征以時權之而輸直於府凡民間質田宅操券契出直百之三請印而藏之庫守藏凡縣歲輸及雜賦若諸贖金悉登籍倉典粟凡民賦軍屯之人及諸司贖穀俸祿糧米並收支馬織染局美織造凡歲幣有常數絲與練染之費並給於府會其數而籍之幣成覆於府而納於內帑若宣索非局所常業者府市之以供上巡檢控要害讞察異常姦宄竊發則應時捕擊以聽巡捕之令三年計其捕偽印強竊盜

丁午迄

卷一

三

逃軍囚民以爲上下考批驗茶鹽引所典茶鹽引由稽其奸冒而慎防之驛遞典傳郵迎送之事凡舟車夫馬廩糗庖饌稠張皆取給於丁田受於府而籍其出入河泊所典魚課草場受牧馬芻粟陰陽學司占候天文晷漏日月食則供救事醫學司方藥診療人民僧綱領僧人道紀領道士凡救日月食請雨請霽祀厲壇綱紀則謹率其徒施其教事凡春秋奏樂於先師則以道童充樂舞生

州凡直隸畿府各省及屬府者並從五品
州知州一人同知一人判官一人里不及三十而

無屬縣裁同知判官有屬縣裁同知因事添設稟設無定員其屬吏目一人所屬衙門儒學學正一人訓導三人陰陽學典術一人醫學典科一人僧

正司僧正一人道正司道正一人稅課局大使一人副使一人有巡檢司驛遞開墾批驗所河泊所

倉草場者設官如府吏一人

知州掌教養州民之事同知判官爲之貳凡諸州

務上視府下視縣以月計上府以歲計上省以三

歲之計上吏部同知清軍匠或兼巡捕判官督糧

管馬捕盜治農管河分職任事而領於知州吏目

典出納文移或分領州事儒學生徒廩膳增廣各三十人附學無數學正訓導職如府學開官主啓閉蓄洩壩官典守隄防各率其役以通舟楫之利諸所屬衙門如府者職亦如之

縣吳元年定縣三等賦十萬石以下爲上縣知縣從六品六萬以下中縣正七品三萬以下下縣從七品已而改並正七品京縣正六品

縣知縣一人縣丞一人主簿一人不及二十里裁縣丞主簿因事添設無定員其屬典史一人所屬衙門儒學教諭一人訓導二人陰陽學訓術一人

醫學訓科一人僧會司僧會一人道會司道會

人有巡檢司稅課局驛遞開墾批驗所河泊所倉

草場者設官如州吏一人

知縣掌教養縣民之事縣丞主簿爲之貳凡諸縣

務如州而縣尤親民歲貢學生聽試於提學憲臣

三歲貢士聽選於鄉試歲費實徵十歲造黃冊民

之賦役視丁與產爲差賦歲二征役歲一征賦有

粟賦金賦布帛及諸貨物之賦役有力役雇役僧

倩不時之役皆視其天時休咎地利豐耗人力貧

富必調劑而均節之若歲大歉中歉請於府於省

公樞按藩臬而時蠲減焉無幸富強苦貧約凡詞訟必詢其情理考諸律例而決之有不服聽陳於上爲雪理焉凡養老祀神表善賑飢恤窮通貸之事時省而敷行之凡山海澤藪之產資國用者按籍而貢焉凡庶人在官者常賦責糧頭大戶追攝若雜征責里長教讀教鄉塾老人勾勘民間細事總甲巡察市里弓兵民壯執防捕之役縣丞管馬管河管糧主簿巡捕分職任事而領於知縣典史典出納文移或分領縣事儒學生徒廩膳增廣各二十人附學無教諭訓導職如州學諸所屬衙門如州者職亦如之庶人在官者州亦如縣市舶提舉司洪武初設太倉黃渡市舶司尋罷又設於福建浙江廣東七年九月罷後復設市舶提舉司提舉一人副提舉二人其屬吏目一人所屬衙門驛丞一人吏一人

提舉掌海夷朝貢市易之事副提舉爲之貳辨其使人表文勘合之真偽禁通番征私貨關其出入而慎館穀之吏目典出納文移驛丞富吏使僕豐其食餼帳幕而上下其等必周防之

巡檢司始於洪武中當時每裁元巡檢後增置漸

多驛遞洪武元年設水馬站及遞運所尋改站爲驛河泊所洪武十五年定歲課米五千石上官三人千石上一人後並一人

襲封衍聖公孔氏北宗也洪武元年先師五十六代孫希學來朝詔襲封衍聖公正二品印誥視一品其屬管勾一人典籍一人司樂一人八年以克伸爲世曲阜知縣又立孔顏孟三氏教授司教授一人學錄一人學司一人宣德七年以克晏爲三氏學錄浙東平陽有孔克表者於希學爲父行洪武六年以爲翰林院修撰兼編修久之與世襲翰林院五經博士景泰二年顏孟程朱之後皆與世襲翰林院五經博士嘉靖中又訪求曾子後公侯伯凡三等以封功臣及外戚皆有流有世並給鐵券高廣凡五等號凡三等佐高皇定天下曰開國輔運推誠佐成祖曰奉天靖難推誠餘曰奉天翊運推誠其武臣也曰宣力功臣文臣曰守正文臣歲祿視功有差已封而又有功者仍爵或進爵如祿其才而賢也克京營總督五軍都督府掌印僉書守備留都出充總兵官鎮守否食其祿其襲替徵券誥諭功過廢通孽幼而嗣者學於

國子監有過革冠服學於國子監坐罪奪錄重奪爵

駙馬都尉位次於侯凡尚公主長公主大長公主並稱駙馬都尉尚郡主縣主郡君縣君鄉君並稱儀賓食祿有差皆不得預政事國初駙馬或典兵鎮守李堅副總兵封樂城侯自後多署宗人府事嘉靖初崔元以迎駕封京山侯

五軍都督府國初置統軍大元帥府樞密院甲辰革樞密總管萬戶定爲指揮千百戶總小旗又革都護統軍元帥萬戶府辛丑立大都督府正一品

以朱文正爲大都督節制中外諸軍事又設左右都督都督同知都督僉事及斷事官洪武十三年分中左右前後五軍都督府正二品尋改正一品又設左右斷事官十五年置五軍十衛參軍府二十三年置五軍斷事司曰稽仁稽義稽禮稽智稽信建文中革斷事官及五司官又令武官襲替兵部同五府取旨靖難後復舊官而斷事五司遂不復設永樂元年置行後軍都督府於北京已而分五府稱行在某軍都督府罷行後軍都督府十八年除行在在應天者加南京字洪熙元年復稱行

在仍設行後軍都督府宣德三年又革行後軍都督府正統六年復除行在凡公侯伯及三等眞署都督並得充總兵副總兵其名掛印將軍稱鎮守者雲南征南將軍兩廣征蠻將軍湖廣平蠻將軍遼東征虜前將軍宣府鎮朔將軍大同征西前將軍延綏鎮西將軍寧夏征西將軍甘肅平羌將軍朔州淮安鎮守清遠總兵以畿內故不得掛印稱將軍有大征討遣總兵則掛平賊將軍平胡將軍平虜將軍征夷將軍征虜將軍討賊將軍或大將軍或前將軍副將軍事已納印

中左右前後五軍都督府府左右都督各一人都督同知二人都督僉事二人恩功寄祿無常員其屬經歷司經歷一人都事一人監生五十人吏一百四十五人

都督掌軍旅公侯伯及三等都督領之貳亦如之各領其都司衛所以達於兵部凡武職流官世官土官襲替優給優奉所衛都司上府引奏選兵部請選既選移府下都司衛所凡首領官聽吏部者選授給由亦如之凡武職誥勅旗役併給水陸步騎操練俸糧屯種器械舟車賞賜聲息軍情清勾

替補邊腹書圖貼說薪炭荆葦之事分給所司而綜理之經歷典出納文移都事佐之

在京上二十二衛曰錦衣曰旗手曰金吾前曰金吾後曰羽林左曰羽林右曰府軍曰府軍左曰府軍右曰府軍前曰府軍後曰虎賁左是爲上十二衛曰金吾左曰金吾右曰羽林前本北十三護衛曰燕山左曰燕山右曰燕山前曰大興左曰濟川曰通州本北平都司衛是爲上十衛凡二十二衛名親軍指揮使司曰驍騎左曰驍騎右曰武驍左曰武驍右是爲四衛亦曰親軍指揮使司曰武功中曰武功左曰武功右以匠故隸工部曰永清左曰永清右曰彭城三衛長陵景陵獻陵裕陵茂陵太陵康陵七衛爲陵衛並不隸督府亦不稱親軍曰留守左藩陽左藩陽右驍騎右鎮南龍虎六衛隸左府留守右虎賁右武德三衛隸右府留守中神策和陽應天四衛牧馬千戶所隸中府留守前龍驤豹韜三衛隸前府留守後武成中神策後忠義左忠義右忠義前忠義後義勇前義勇右大寧前大寧中蔚州左會州富峪寬河興武鷹揚神武左十九衛隸後府留守五衛者本國初部鎮撫司

總領禁衛改爲留守五衛專巡察守衛

錦衣衛本國初儀衛司先是甲辰設拱衛司領校尉隸都督府尋改拱衛指揮使司又以拱衛司類古衛尉寺改都尉司洪武二年定爲親軍都尉府統中左右前後五衛軍士而儀衛司隸焉十五年罷府及司置錦衣衛親軍指揮使司鎮撫司理衛中刑名如列衛而兼管軍宜所謂南鎮撫司也北鎮撫司本添設專理詔獄成化十四年始給印分司得直達洪武二十年焚衛刑具盡出其繫囚送刑部審理二十六年又申鞫刑之禁永樂時紀綱

一

卷六

三

卷六

軍匠馴象所領象奴養象

錦衣衛掌侍衛之事恩功奇祿無常員恒以都指揮都督領之凡將軍力士校尉分番護駕直宿巡察凡大朝常駕出入督護儀仗凡皇城四門日夜巷直巡警凡盜賊奸宄街塗溝渠密緝而時省之凡奉旨執事者因勘事與三法司從事凡

比試併鎗監視焉鎮撫司掌衛刑名兼理軍匠漆
設鎮撫二人別印分司專理詔獄獄成直達上下
法司覆擬經歷司經歷一人典出納文移吏百五
十九人

京衛皆有指揮使指揮同知指揮僉事衛鎮撫所
統千戶所有正千戶副千戶實授百戶試百戶所
鎮撫五年一廢置之曰考選軍政衛三人所二人
百戶不能皆賢一人兼數印凡總領庶務曰掌印
僉書分理屯田驗軍存恤營操守衛皆曰見任管
事選使同知僉事正副千戶任之充管官者亦如
百官述

卷一

三

三

三

之不足任事入隊曰帶俸差操凡官有定員功陞
日衆視原額增不啻十九凡世流襲替優給優養
隸都督府者上府移兵部親軍衛直達兵部凡入
營者聽京營文武大臣督理衛有經歷一人牧馬
千戶所蕃牧千戶所募靖千戶所各有吏目一人
經歷吏目典出納文移或有收糧經歷一人倉大
使副使各一人於京倉通倉收支漕粟凡吏若干
人南京五軍都督府用公侯伯都督同知僉事府
三人經歷都事各一人孝陵衛親軍錦衣等衛隸
府留守中等衛各有指揮使同知僉事衛鎮撫正

千戶副千戶所鎮撫百戶試百戶無常員經歷各
一人所或有吏目一人

都指揮使司國初爲翼元帥府又改爲行都督府
省城或稱都衛都鎮撫司八年改都衛及行都督
府爲都指揮使司二十年置大寧都指揮使司二
十一年改爲北平行都指揮使司永樂元年復爲
大寧都指揮使司移之保定而弃其地界朵顏諸
戎永樂五年置交趾都指揮使司宣德二年弃與
安南今都指揮使司十六曰浙江江西福建廣東
廣西湖廣河南山東山西陝西四川貴州雲南大
寧萬全遼東行都指揮使司五四川陝西湖南廣
建山西留守司二曰中都曰興都中都領皇陵衛
即英陵興都領顯陵衛外衛及護衛三百七十五
守禦屯田羣牧千戶所三百七十儀衛司三十二
都指揮使司都指揮使二人都指揮同知二人都
指揮僉事四人其屬經歷司經歷一人都事一人
斷事一人副斷事一人吏目一人司獄司司獄一
人行都指揮使司亦如之吏人

都指揮使司掌官軍之政令各率其衛所以隸於
五府而聽於兵部凡都司並流官或得世官歲撫

卷一

三

三

三

按察其賢否五歲考選軍政而廢置之使同知倉事常以一人統司事曰軍政掌印一人練兵一人屯田曰軍政僉書巡捕軍器漕運京操備禦諸雜務並選充之曰見任管事否曰帶俸凡備倭守備行都指揮事者不得升牙公座凡朝廷吉凶之禮視布政司經歷典出納文移都事爲之試斷事理刑獄副斷事爲之貳吏目從之司獄守獄

留守司正留守一人副留守二人指揮同知二人其屬經歷司經歷一人都事一人斷事司斷事一人副斷事一人吏目一人司獄司司獄一人吏目一人

守令

卷下

三

守令

正留守掌中都興都守護防禦之事副留守指揮同知爲之貳凡諸政務如都指揮使司經歷斷事司獄亦如之

外衛指揮使司指揮使一人指揮同知二人指揮僉事四人衛鎮撫二人陞授改調增置無定員其屬經歷司經歷一人知事一人有衛學設教授一人訓導三人有驛遞運所除陽醫學僧綱道紀司者設官視府

指揮使司掌軍旅防禦之事使同知僉事考選掌管衛事凡世流襲替優給優養執節指揮使司達

所隸都督府移兵部每歲藩臬撫按察其賢否五歲一考選軍政廢置之一人統衛事曰軍政掌印一人練兵一人屯田曰軍政僉書京操巡捕出哨備禦軍器漕運諸雜務曰見任管事綱諸行伍曰帶俸差操凡撥軍補軍管軍選軍募軍並統於掌印凡城池時晝夜之度其財力軍十三民十七鎮撫掌刑獄經歷典出納文移知事佐之軍民指揮使司亦如之

千戶所正千戶一人副千戶二人所鎮撫二人百戶十人陞授改調增置無定員

守令

卷下

三

守令

正副千戶選一人掌印一人僉書曰管軍千戶百戶不能皆賢一人常攝數印並選充如衛凡治軍之政必聽於衛衛下千戶所千戶督百戶百戶下總旗小旗率其伍卒以聽所鎮撫無獄事管軍百戶缺則代之守禦千戶所軍民千戶所並如千戶所其屬吏目一人

僧錄司洪武元年置善世院以僧慧曇掌釋教事十四年革明年改僧錄司正六品道錄司洪武元年置玄教院以道士經善悅爲真人領道教事四年革明年改道錄司正六品度僧道五萬七千二

百人禮部言往代度牒粥錢資國用名免丁錢

上曰罷着爲令七年禁度尼姑女冠二十四年勅清理釋道曰佛本異教漢時至自西域當時士民崇敬後有去鬚髮舍兒童出家者其修行去色相絕嗜慾潔身爲善道教始老子至漢張道陵以異術役召鬼神禦災捍患二教歷世久不磨滅者以此今學佛老者皆不循其本俗妨教敗行爲害甚大自今天下僧道凡各府州縣寺觀雖多但存一寬大所併居之母濟處民間願還俗者聽佛經書譯已定毋得增減道士設齋醮毋拜奏青詞爲孝

百官述

卷下

三

續元龜卷一百一十五

子慈孫演誦經典報祖父母父母者各遵頒條儀毋妄立條章索民財民有做瑜珈教稱善安張真人私造符錄者並重治二十八年令天下僧道赴京考試不通經典者黜之

僧錄司左右善世左右闡教左右講經左右覺義各一人道錄司左右正一左右演法左右至靈左右玄義各一人分領僧道事凡僧三等曰禪曰講曰教道二等曰全真曰正一凡朝朔望班西墀慶賀頒詔班東墀凡祭祀不得預三茅山又有靈官副靈官龍虎山有真人洪武初張天師四寸金代

孫正常以正一主教天師來朝 上曰天豈有師

乎改號真人十三年賜龍山正一玄壇之印印如二品制凡方士道士以術幸者賜號高士真人王府官洪武二年定王相府左右相各一人正二品左右傳各一人從二品參軍府參軍一人錄事二人紀善一人未幾申定王府官制王相府左右相正二品王傳府文武傳從二品參軍府參軍一人錄事二人紀善一人未幾申定王府官制相傳如故參軍司參軍錄事儀衛正副審理典籤典祠典膳典服典工典醫典牧紀善並有正副又有引

百官述

卷下

三

續元龜卷一百一十六

禮舍人八年改參軍爲長史九年定王相府左右相二人武相一人文相一人左右傳二人武傳一人文傳一人長史二人錄事二人罷王傳府及典籤司諮議官護軍府增件讀四人侍講四人選明經慎行之士任之是年秦王府武傳耿炳文兼陝西行省右丞郭子興兼陝西行都督府僉事晉王府武傳汪興祖兼山西行都督府同知位武傳謝德成之上華雲龍爲燕相府左相領時爲秦相府右相雲龍領北平行中書省叅知政事時陝西右丞十三年罷諸王相府設長史司左右長史各一

人正五品二十八年置靖江王府諮議所尋亦改
爲長史司建文中增親王官賓輔二人正三品伴
講件讀件書各一人長史一人左右長史各一人
審理正典膳正奉祠正良醫正與寶正並去正字
審理副等改爲副審理等郡王賓友二人正四品
教授一人記室二人直史一人左右直史各一人
吏目一人典印典祠與禮典饌典藥五署典印典
祠典禮典饌典藥各一人典儀二人引禮舍人二
人儀仗司吏目一人賓輔三件賓友教授進對侍
坐稱名不稱臣見禮如賓師靖難後復故

宋一

三二 陳南三十七五

長史司左長史一人右長史一人其屬典簿二人
所屬衙門審理所審理正一人審理副一人典膳
所典膳正一人典膳副一人奉祠所奉祠正一人
奉祠副一人典樂一人典寶所典寶正一人典寶
副一人紀善所紀善二人良醫所良醫正一人良
醫副一人典儀所典儀正一人典儀副一人引禮
舍人一人工正所工正一人工副一人倉大使一
人副使一人伴讀一人教授一人典膳一人鎮國
將軍乞教授一人吏目一人

長史掌王府之政令輔相規諷以匡王失王府諸

名諸封請婚及諸乞恩澤若陳謝進獻表啓書疏

長史爲奏上下禮部議請王有過詰長史凡府察

皆統於長史紀綱其職務典簿典出納文移審理

正掌推按刑獄禁詰暴橫無干國憲典膳正掌祭

祀賓客王妃膳羞之事奉祀正掌祭祀之事典寶

正掌王寶及符牌並副爲之貳紀善掌諷導禮法

開諭古誼及國家恩義大節以詔王善良醫正掌

療治疾病典儀正掌陳儀式文物之事工正掌官

邸屏舍繕造修葺工役之事並副爲之貳伴讀侍

從起居陳說經史教授訓迪德誼警校典籍引禮

舍人接對賓客贊相威儀倉掌祿俸糧廩庫掌收

藏金帛錢貨郡王教授典膳將軍教授如王教校

典膳

護衛指揮使司使同知僉事衛鎮撫所正副千戶

所鎮撫百戶並如衛掌儀從王邸防禦非常凡有

征行必聽命於朝廷

儀衛司儀衛正一人儀衛副二人典仗六人儀衛

正掌侍衛儀仗之事副爲之貳典仗聽命焉

內官平吳之歲置內使監洪武二年諭吏部定內

侍諸司官曰朕觀周禮所記未及百人後世至踰

數千卒爲大患今雖未能復古亦當爲防微之計
古時此輩止治酒漿醢醢司服守祧事今朕亦不
過以備使令非別有委任可斟酌其宜毋令過多
又領侍臣曰此輩自古以來求其善良千百中不
一二見若用爲耳目即耳目蔽矣用爲腹心即腹
心病矣馭之之道但常戒勑之畏法不可使之有
功有功則驕恣畏法則檢束檢束則自不敢爲非
乃定置內使監奉御凡六十人尚寶一人尚冠七
人尚衣十人尚珮九人尚履八人尚藥七人紀事
二人執膳四人司膳二人司香四人太廟司香四
人涓潔二人尚酒尚醕尚醢尚滌四局局正一人
副二人御馬御用二司司正一人副二人內府庫
大使一人副使二人內倉監令一人丞二人及置
東宮典璽典膳典服典藥典典典典典典典典典
一人丞一人又置門官午門東華門西華門玄武
門奉天門左右順門左右紅門皇宮門坤寧宮左
門宮右門各門正一人副一人東宮春和門宮後
門宮左門宮右門各門正一人副一人逾年又命
吏部定品秩內使監令正五品授中衛大夫丞從
五品侍衛太皇門官門正局正司正東宮門正

局正正六品內侍郎門副尚寶奉御局副東宮門
副局丞從六品內直郎尚冠等奉御內府庫大使
內倉監令正七品正奉郎庫副使倉丞從七品正
衛郎王府承奉門正所正從六品內直郎承奉副
門副所副正七品正奉郎 上因謂侍臣曰古之
宦豎在宮禁不過司晨昏供役使而已自漢鄧太
后以女主稱制不接公卿乃以閹人爲常侍小黃
門通命自此以來權傾人主及其爲患如城狐社
鼠不可去朕謂此輩但當服事宮禁豈可假以權
勢縱其狂亂吾所以防之極嚴但犯法者必斥去
之不令在左右戒履霜堅冰之意也五年六月詔
定宦官禁令六年令禮部議考糾劾內官之法置
內正司司正司副各一人正從七品專糾內官失
儀不法者尋改爲典禮司又改典禮紀察司九年
又置王府典膳典珍二所以中官流官爲之十七
年更定內臣諸監局庫品職公主府初設家令司
令丞錄事二十三年改中使司二十八年頒 皇
明祖訓遂爲定制云
內官監門司局庫分職掖庭凡監十一曰神宮監
掌灑掃曰尚寶監十王寶勅符將軍印信曰陵神

官監掌灑掃并栽種等事曰尚膳監掌供養及玉膳并宮內食用之物及催督光祿寺造辦宮內筵宴茶飯曰尚衣監掌御用冠冕袍服履舄靴襪等事曰司設監掌御用車輦牀被褥帳幔等事曰內官監掌成造婚禮粧奩冠舄傘扇被褥儀仗等事并內官內使帖黃一應造作并宮內器用首飾食米土庫架閣文書鹽倉水窖曰司禮監掌冠婚喪祭一應禮儀制帛及御前劄合賞賜筆墨硃書書畫管長隨當差內使人等出門馬牌等事并催督光祿寺造辦一應筵宴曰御馬監掌御馬并各處進貢及典牧所關收馬驢等項曰印綬監掌誥券帖黃印信選簿圖畫勘合符驗曰直殿監掌灑掃殿庭樓閣廊廡監各有太監正四品左右少監從四品左右監丞正五品典簿從五品長隨奉御正六品凡門四奉天門午門端門承天門掌晨昏啓閉關防出入各有門正正四品門副從四品凡司二曰鐘鼓司掌奉先殿祭樂御樂并宮內筵宴樂更漏早朝鼓曰惜薪司掌宮內柴炭等事各有司正正五品左右司副從五品凡局六曰兵仗局掌御用兵器并督造刀甲等及宮內所用梳篦

刷牙針剪等物曰內織染局掌染造工用并宮內一應段疋曰針工局掌成造一應婚禮衣服并內官衣服等項曰巾帽局掌內官紗帽靴襪及賞賜巾帽等物曰司苑局掌宮內菜蔬并種田曰酒膳局掌宮內食用酒醋麵糖等物各有大使正五品左右副使從五品凡庫三曰內承運庫掌段疋金銀珠玉象牙等物并同司鑰庫管鈔曰司鑰庫掌內各衙門鎖鑰并收藏鈔等物曰內府供應庫掌上用香米并內用香燭油米及內官飯食果木等物各有大使正五品左右副使從五品東宮典藥局掌寶衛輪墨等物典藥局掌監同御醫修合藥餌典膳局掌監造膳食典服局掌覓并冠帽裘袍裳服珮帶靴履等典兵局掌甲冑戈矛弓矢刀劍等典乘局掌車馬各有局郎正五品局丞從五品王府承奉司掌王府一應事有事呈長史司并護衛指揮司發落與內官衙門無相統攝承奉正正六品承奉副從六品典寶所典寶正典寶副典膳所典膳正典膳副典服所典服正典服副品如承奉正副內使凡十人司冠一人司衣三人司珮一人司履一人司藥二人司弓矢二人各門官門

正正六品門副從六品公主府中使司司正司副
雜職三十年內府又置都知監銀作局

女官洪武五年 上令定女職禮部具陳周制後
官設內官以贊內治漢設內官一十四等凡數百
人唐設六局二十四司官凡一百九十人女使五
十餘人皆選良家子女充 上曰古者所設過多
宜防女寵垂法將來命重加裁定遂立六局一司
局曰尚官尚儀尚服尚食尚寢尚功司曰官正俱
正六品尚官局總六尚事凡出納文籍皆印署之
如六局徵取外諸司尚官取旨署牒印付內使監

官制

宋一

四

三

監受牒移外尚官二人掌導引中官總司紀司官
司簿司關之事司紀二人掌印宮內諸司出入簿
書文字司言二人掌宣傳奏啓司簿二人掌官人
名籍原賜司關四人掌官關管鑰女史六人尚儀
局尚儀一人掌禮儀起居總司籍司樂司實司贊
之事司籍四人掌經籍圖書教授司樂二人掌音
樂司賓四人掌朝見宴會司贊四人掌朝會贊女
史三人尚服局尚服一人掌官內服用總司實司
衣司仗司飾之事司實二人掌實璽符契司衣二
人掌衣服首飾司仗四人掌羽儀仗衛司飾二人

官制

宋一

四

三

掌巾櫛梳洗女史二人尚食局尚食一人掌宮內
膳總司饌司醢司藥司供之事司饌四人掌烹炮
調和飲膳凡進飲食先嘗之司醢二人掌醢司藥
二人掌醫藥司供二人掌給宮人廩餼薪炭女史
二人尚寢局尚寢一人掌燕寢總司該司與司苑
司燈之事司設四人掌帷帳褥褥灑掃鋪設司輿
二人掌輿輦司苑二人掌種植蔬菜司燈四人掌
燈燭女史二人尚功局尚功一人掌督女工總司
製司珍司絲司計之事司製四人掌裁衣服司珍
三人掌珍玉寶貨司絲二人掌段疋司計二人掌
度支衣服飲食薪炭女史二人官正司官正三人
掌戒令責罰之事女史二人凡女史各掌局司文
案十七年更定品秩二十二年令六尚局官服勞
既多或五載六載歸其父母從宜婚嫁年高者許
歸以終天命願留者聽其在官闈及見受職者家
給與祿視外品二十九年重定官秩職掌如故
土官始於洪武七年西南諸蠻夷來朝貢者多因
元官授之稍與約束定糧餉差發日宣慰使司十
一曰招討使司一曰宣撫使司九曰安撫司二十
曰長官司百七十三及府州縣正貳幕屬並見夷

官考番夷都指揮使司二指揮使司三百三十五
宣慰使三招討司六萬戶府四千戶所四十一站
七地面七寨一

宣慰使司宣慰使一人同知一人副使一人僉事
一人其屬經歷司經歷一人知事一人宣撫司宣
撫使一人同知一人副使一人僉事一人其屬經
歷司經歷一人知事一人安撫司安撫使一人副
使一人僉事一人其屬吏目一人招討司招討使
一人其屬吏目一人長官司長官一人副長官一
人其屬吏目一人蠻夷長官司副長官皆謂
之土官附轄諸蠻謹守疆土修其職貢而供其差
發無敢携貳有相警者疏上聽於天子有流官
者銓於吏部兵部又有蠻夷官苗民官千夫長副
千夫長百夫長軍民萬戶府經歷司經歷知事並
停銓司有儒學制如府

皇明百官述附錄

吳元年選郡縣官三百三十四人賞綺布道里賈
及其父母妻子有差著爲今日以養汝廉奉公無
漁民也洪武元年詔中書省自今除府州縣官賜
銀十兩布六疋徵天下賢才爲守令厚賜而遣之

百官述

卷三

聖

三

百官述

卷三

四六

陳於

三年上幸後苑見巢鵲翼卵歎曰誰無母子令
臣親老得歸養是年賜朝臣袍帶賜廉吏嵩縣
劉與史布帛擇文儒性行清潔者充學官賜文武
官朝服公服又賜冬衣四年中書省上府州縣一
千二百三十九凡官五千四百八十八人令官吏
犯贓者勿赦六年今京官三十月一考察陞一等
外官三歲一考察陞一階勅按察司舉察有司官
七年汰北方府州縣官三百八人增公侯伯都督
丞相御史大夫等官祿有差八年增尚書行省參
政公田祿各百石十年制賜百官公田租充祿俸
初給典吏俸有差是年併省州縣十一年命考績
殿最分三等稱職無過爲上賜坐宴有過稱職中
宴而不坐有過不職下不預宴叙立於門宴者出
然後退廣西布政使姚哲母憂去賜米鈔今喪去
官並有賜十二年若令給丁憂官俸有差十二年
置判驛司領臣部錄上既詔胡丞相命儒士纂
歷代侯王宗族文武宦官悖逆不道者凡二百十
二人爲是錄云詔復京官家勅守令恤民十四年
詔有司遺替開釋放官赴京叙用定考覈殿最法
禁有司差遺學官十五年賜六部尚書馬十六年

廣東布政司請廣實班秩 上曰禮行於藩司班
以秩叙十七年吏部尚書俞藻上更定吏員資格
申薦冒濫考課失實之禁煥上考績法著爲今令
方面勿侵郡縣之職十九年選應天諸府富民子
弟補吏凡千四百人二十年選南方學官有學行
者教北方二十四年縣有司方面官馬諭兵部試
尚書茹璠曰布按二司官方面重臣府州縣官民
之師帥跨驍出入非所以示民或假馬部民因被
浸潤不能舉職甚乖治體其官爲市馬司二十四
府半之州縣又半之馬一率十戶食之歲一更定

官制

四十一 言十四問

儒學訓導位雜職上二十五年頒醒會簡要錄
上以中外文武百司職名沿革品秩崇卑勳階陞
轉俸祿損益歷年屢更無以示成憲於後世命侍
臣重定其制頒天下二十六年頒諸司職掌定學
官考課法初命儒學訓導冠帶上名吏部附選貼
黃頒世臣總錄二十八年頒 祖訓條章勅禮部
有言改祖法者以奸臣論無赦是年罷百官朝參
賜食二十九年始定外官三年一朝親三十年頒
爲政要錄三十一年定吏員出身資格建文中吏
官制 文皇盡復故惟存大理寺 仁宗即位之

歲命吏兵二部尚書蹇義李慶書都布按三司官
姓名履歷於武英殿西序曰 皇考嘗晉中外官
姓名於武英殿南廊便覽觀也宣德五年五月令
追奪賊官誥勅七年大學士張瑄乞增南北南京
七品以下官俸正統元年副都御史吳訥言洪武
間京官俸全支後因營造減省遂爲例近來小官
多不能贍如廣西道御史劉準由進士授官月支
俸米一石五斗不能養其母妻子女貸同道御史
王裕等刑部主事廖謨等俸米三十餘石去年病
死竟負無還乞下廷議增俸國初阜隸力役當是

官制

四十二 言十六問

四十一

言十六問

時百官俸全支已乃折鈔鈔法不行小臣不能給
遂有柴薪之名徵其銀月一兩宣德中都御史顧
佐以柴薪事被訐 上問楊士奇對曰京官月俸
一石薪炭馬芻咸資卑隸遣半取直籍其用彼得
歸耕人情爲便京官皆然臣亦然自是遂爲例巡
撫官者永樂間設於要害處洪熙宣德初年添設
漸多用都御史侍郎通政卿丞景泰中悉用都御
史參贊軍務者始於洪熙元年以武臣疎於文墨
選方面官於各總兵處整理文書商確機密遂名
參贊參謀軍務總督邊儲景泰中大同參政丹陽

沈園宣府參政崑山劉璉山東參議會稽周順廣
西副使劉紹如劉清華又以郎中給事中稱參贊
軍務也景泰元年御史張子初等言洪武永樂間
方面郡守缺聽吏部推訪內外官賢能而又久於
其任者請授御史有缺從吏部於進士監生中選
用宣德中始有會官舉保之例行之既久奔競成
風所舉非人况御史若從大臣舉保得任大臣有
過彼必鉗口卷舌而不言大臣有濁彼必俯首帖
耳以聽命願停保舉之新例而復洪武永樂之舊
制下禮部會議衆曰御史言是制曰可御史練綱

百官述

卷二

五十一

三十八年

亦以爲言三年冬吏部尚書王直何文淵言洪武
永樂間銓選專隸吏部宣德正統以來始令大臣
舉保景泰初御史陳綱等言保官徇私廷議奏允
仍歸吏部今綱等又言吏部選授私舛請復行保
舉臣等謹議上繼今方面府正員缺吏部具奏移
文各該保官大臣書所保姓名材行歷官緣由奏
下部銓制曰朕期方面郡守得人共安養天民令
大臣舉保吏部推選已乃彼此相蒙官不得人民
其奈何今後惟布政使按察使缺令三品上官會
保餘選吏部訪求未幾吏科都給事中林聰復以

爲言著爲令四年御史左鼎言國初建官有常近
年已事添設甚至一部有兩尚書而爲侍郎者倍
於原額爲都御史者率以數十計在外添設撫民
管屯等官如河南參議二員今則添而爲四僉事
三員今則增而爲七若夫巡撫鎮守之官則尤有
可言者方岳各司十餘人不爲少矣每歲又差御
史巡視立法可謂詳矣不擇方面以責成不選御
史以督察乃復設官以巡撫鎮守今之巡撫鎮守
往往多出於方面御史則今之方面御史蓋亦他
日之巡撫鎮守也豈有爲方面御史則合衆人之

百官述

卷二

五十二

三十八年

長而不足爲巡撫鎮守則任一人之智而有餘耶
乞將內外官凡非洪武之舊者參酌裁罷庶民力
可紓國用可省委任專而事功可立七年春今吏
員冠帶引入內府會官考試成化中太監張敏死
姪太常寺丞苗傾貲獻上乞侍郎上曰苗本由
承差若侍郎六部執政不可可授南京三品左右
急待官制請上竟得南京通政使是時四方白
丁錢虜商販技藝革職之流以及士夫子弟率實
緣近侍內臣進獻珍玩輒得賜太常少卿通政寺
丞郎署中書司務序班不復由吏部謂之傳奉官

至於閤老之子若孫甫髫髻已授中書冠帶牙牌支俸給祿但不署事朝參大抵多出於梁方之門弘治間馬文升言京官領一千二百餘人今傳奉官八百餘人內實支薪俸者九十一人冗官莫甚於今日請因災汰罷正德間亦有附權倖得文階者嘉靖初盡革諸傳陞乞陞官嘉靖八年又裁冗官二百員近日南京六部正貳卿往往停推土木之役起匠人而官至九卿者諸富人貴游子猾吏窺名營建籍中得官者不啻幾千人

洪武二年令功臣子弟入學初製鐵券三年存恤

百官述

卷下

三

百官述

先鋒府十元帥府戰沒將校家定五等勲爵定武臣世襲之制四年禮官崔亮定外官慶賀禮以武臣爲班首五年申定武選法作鐵榜申戒公侯六年定教練軍士律是歲計武官一萬二千九百八十人九年擇功臣子耿璘等一百四人爲散騎舍人十一年選武臣子弟入國子學讀書十四年令公侯武臣皆遣子弟入國子學受業二十一年頒武臣大誥又頒八條勅諭武臣又頒武臣訓戒錄又賜武臣保身勅二十二年禁武臣預民事二十三年賜公侯伯屯戍百戶二十六十年頒稽制錄於

功臣二十九年大養致仕武臣各陞一級銓於其爵大同北平大寧遼東諸衛所凡千五百人永樂元年冬定軍功襲替例自後洪武永樂宣德年軍職絕不論堂兄弟姪並襲成化十七年以都御史何喬新言凡軍職絕非立功人子孫不得襲弘治十八年又稍許立功人親姪孫已襲者得沿襲正德十四年兵部尚書王夔又請堂兄弟姪並得襲十六年兵部尚書彭澤言瓊議非是復不許襲會兵部火臺失職者流言得復襲嘉靖十年兵部尚書王憲曰不可稍酌議立功人絕同時親弟姪

百官述

卷下

三

百官述

得襲其姪孫以下及堂兄弟姪除親祖祖例前相治人自立有軍功者扣襲其無功姪孫以下至堂兄弟姪等及沿襲後別無立功者不許襲旁子孫革職者俱收總旗天順成化及弘治初年錦衣指揮門達袁斌朱驥等提督緝捕每至十年或十一年方一類奏下兵部定議陞賞陞者不過五七人多止十人賞或以布絹鈔錠無功者燹而斥之已而有卒獲妖言陞襲一輩之例於是人競貪功肆行惡讎弘治十八年特詔嚴禁正德元年錦衣指揮趙鑑葉廣東鳳太監王岳鄭旺一時更代不及

數月官校四奏陞賞正德二年又復類奏已而奸倖相繼用事殿衙無賴之徒鱗集議附辦事之員日增獲功之奏漸數始則三年一奏或二年一奏後至一年一奏或一年兩奏遂有年終類奏之名往往以妖言爲首張皇賊狀無非持撫之詞連署姓名不辨獲功之數含糊奏請朕臚擬陞奏一人則陞一人奏百人則陞百人市井庸流立升朝籍權門厮役驟至顯融且其假種妖書陰爲陷筭賈同番手誣執平民加以酷法慘刑煅煉成獄凡經殿衙奏送法司莫敢平反弘治元年 孝宗有拏獲妖言不陞止照成化十四年例給賞之旨令一切撓寢矣大抵正德年間軍功冒濫其弊有三奏帶越額也紀驗失實也選法變亂也以故寧夏陝西甘肅大同應州雲貴江西湖廣山東河南虜賊之役陞擢極濫嘉靖改元詔革罷凡三千一百九十九人而在外者又倍之殆不止於殿衙也若乃流官不許世襲署職止加實授今則流官以流得襲署職以署遞陞甚至納粟虛銜遂以軍功累授已而諸所革者往往得復官矣

皇明百官述卷下

萬曆己亥孫心材重校

百官述

卷一

五

五

五